



Ex Bibliotheca  
majori Coll. Rom.  
Societ. Jesu

48.7.17.

48 48

A A

17 16

A





**BIBLIOTHECA  
THEOLOGICA**

THEOLOGICAL  
SCIENCE

# BIBLIOTHECA THEOLOGICA

SEPTEM LIBRIS DISTINCTA.

IN QVA

Exacto ordine reponuntur cuncta ad completam Sacræ Doctrinæ, vel Theologiæ notitiam spectantia, tam secundum se, quàm secundum diuersa eius munera, deducendi conclusiones beneficio Artis Syllogisticæ: vnde *Scholastica*, vel *Argumentatiua*: *Ordinandi* & *explicandi* locos Theologicos, vnde *Positiua*, siue *Thetica*, & *fundamentalis*: *Defendendi* sua principia aduersus omnia infidelium genera, vnde *Polemica*: *Disponendi* suas materias, vnde *Methodica*: *Utendi* metaphoris, vnde *Symbolica*: *Pronocandi*, vel *dirigendi* affectum in Deum, vnde *Mystica*.

A V T H O R E

F. DOMINICO A SS.<sup>MA</sup> TRINITATE

CARMELITA DISCALC. PROVINCIÆ PARISIENSIS.

TOMVS PRIMVS.

*Complectens duos priores libros, in quorum primo S. Doctrina, seu Theologia natura, causa, & attributiones explicantur: in secundo verò agitur de ea, quantum ad munus deducendi conclusiones beneficio artis syllogisticæ, vnde Scholastica positissimum, vel argumentatiua nuncupatur.*

*Bibliothecæ Sec.<sup>te</sup>*



*Catalogus inscriptis*

R O M A E,

Typis Philippi Mariæ Mancini. M. DC. LXVI.

SVPERIORVM PERMISSV.

1890. 1. 1. 1. 1.

1890. 1. 1. 1. 1.

SANCTISSIMAE, ET AVGVSTISSIMAE  
**T R I N I T A T I**  
**P A T R I, E T F I L I O,**  
**E T S P I R I T V I S A N C T O**  
 VNI SOLIQUE DEO.



**A**D Te, ò Beatissima Trinitas, in  
 cuius manu & nos sumus, & ser-  
 mones nostri, & omnis sapientia  
 & operum scientia & disciplina  
 Sap. 7. ad Te, inquam, à qua ve-  
 lut ab inexhausto omnium gra-  
 tiarum fonte, earundem ad nos riuuli perenniter  
 decurrunt, recurrit hoc quaecumque; prius à Te  
 collatum & acceptum munus, quam meum factum  
 opus; quod vt ad maiorem tui gloriam & hono-  
 rem, proximique vtilitatem, Te inspirante primum  
 suscepi, Te comite & auxiliante ad optatum finem  
 perduxi, Te etiam, quaeso, vltius benedicente fiat,  
 vt si quid in eo rectè, vel vt melius dicam, minus  
 male scriptum sit, non scientiae infantis ventus ina-  
 nis, sed charitatis aedificantis Tu sola, Tu plena,  
 Tu perpetua mihi sis merces. Quid enim mihi est  
 in caelo, & à te quid volui super terram? Deus cor-  
 dis mei & pars mea Deus in æternum. Psalm. 72.

Qua de causa potentissime Pater adiuua in manu  
forti, & in brachio excelso infirmitatem meam; ro-  
bora attenuatas vndequaque naturæ vires, vt de in-  
hærente tanto, tamque tuto mihi adiutore tutus,  
sumptaque virtute omnia possim in eo qui me con-  
fortat. Tu vero sapientissime fili, candor lucis æter-  
næ, mentis, in quibus sedeo tenebras, vmbranque  
moris veritatis tuæ radijs illustra; Sanctissime quo-  
que Spiritus, firmissimum & indissolubile vinculum  
Trinitatis, quia mutuus, quo genitus à gignente di-  
ligatur, generatoremque suum diligit, amor, eius in  
me, suauiter vt ardeam, ignem accende. Magnum  
autem super omnia, quodque terra nostra dare non  
potest, perseverantiæ donum mihi misericorditer  
impertiri digneris Deus meus Trinus & Vnus; vt  
sicut in hac valle miseriæ de te procul & à longe au-  
diui, ita in ciuitate tua, Domine virtutum, lætanter  
videre merear, sicut nunc per speculum & in ænig-  
mate te Trinum in vnitæ perfectissimæ essentiæ, &  
vnum in Trinitate personarum firmiter credo, at-  
que venerabunde adoro, tunc tua Te coronantem  
dona, facie ad faciem intueri, amare, cumque om-  
nibus Sanctis tuis in sæcula sæculorum gratanter  
collaudare valeam. Amen.

## ADMONITIO AD LECTOREM.



*V*M tam in presenti, quam in superiori seculo, omnes fere Theologi, suppositis plerumque Sacra doctrinae seu Theologiae principiis ac regulis, non tam ea, eorumque vim & auctoritatem dilucidare, quam ex illis suas conclusiones deducere, vel etiam eas confirmare studuerint; è re Theologica esse putavi, eiusque etiam amatoribus & Studiosis fore apprime proficuum, si considerata Sacra doctrina siue Theologia secundum omnia quae habet munera, tam illa explicarentur, quam etiam ubi illis fungitur, quantam & qualem in probando vim & efficaciam habeant omnia, quibus ipsa utitur, principia. Id igitur in presenti opere praestare, utcumque conatus sum, quod si non ea qua par est, materiaeque dignitas exigebat, felicitate, spero tamen alijs longè perspicaciori excultiorique ingenio praeclatis, viam saltem ad meliora & maiora tentanda, per modum isagoges aperiturum, in amplissimo Sacrae doctrinae vel Theologiae campo.

Libri etiam tertij huius operis Sectione Septima egi de ratione naturali, disciplinisque Philosophicis in illa fundatis, non solum ut ostenderem, quantum unaquaeque sit necessaria, referatur ad perfectum Sacrae doctrinae Studium, adducto brevis illarum compendio, nec non praecipuis rerum in eis tractatarum, tam quid nominis, quam quid rei definitionibus ac diuisionibus, quae prius sunt & immediatae scientiarum principia; sed ut inde etiam pateret Sacra Theologiae Studiosis media incedendum esse via, inter duas extremas opiniones, quarum prima vni dumtaxat scientiae liberaliue disciplina vacandum esse docet, ita ut quemadmodum in ceteris humane vitae rebus finis aliquis ubique praescriptus inuenitur, ita quoque in comparandis scientijs modus aliquis adhiberi debeat: Altera verò ideo putat hominem diuinum animal à sapientibus, in primisque à Trismegisto, atque ab Hebraeo Philone mundum alterum, aut mundum quendam angustiores appellatum fuisse, quod illius ex omnibus conciliatae doctrinae, & in orbem circumcurrentis eruditionis beneficio, mundum ipsum animo ac mente veluti conceptaculo claudere, atque circumferre possit; unde forsitan eadem vox elhalem, quae apud Arabes mundum, apud eosdem etiam doctum vel scientificum significat.

Inter has, inquam, duas extremas sententias, ea ratione qua dicitur artem esse longam, vitam autem breuem, qua in statu natura corrupta non solum determinata, sed etiam attrita sunt ingenij humani vires, sphaeraque insuper actiuitatis earum limitata, non omnibus, sed vni dumtaxat scientiae simpliciter & absolute nauandam esse operam censeo; ad quam vel propria quis fertur inclinationis pondere; vel obligatur attenta sui status suaeque conditionis ratione,

zione, vel se tandem ab ipsa natura comparatum agnoscit, nemini enim dubium esse potest, quin naturalis plerumque hominum complexio eos uni potius quam alteri scientia magis idoneos reddat: hæ sunt namque potissime regule, quibus prudenter uti, & in aliqua, præ alia, scientia comparanda delectum habere debemus: Ut igitur ex communi dicto, pluribus intentus minor est ad singula sensus, ita per oppositum, ubi semel omnes eius vires in unum collectæ studium reperiuntur, non minus vero profertur adagio, timendum esse hominem unius libri, hoc est, ut intelligo, uni scientia acquirenda totaliter applicatum. At tamen quia sicut causæ sunt sibi inuicem causæ, ita disciplina sibi inuicem profunt, iamque illis longo hominum studio parit & explicatis, paucorum mensium vel annorum curriculo frui possumus improbo eorum per multos annos labore, qui in unaquaque tradenda feliciter insudarunt: ita uni simpliciter & absolute arbitror esse vacandum, ut tamen ceteræ negligi aut prætermitti non debeant, præsertim ubi agitur de perfecto Sacre doctrinæ, vel Theologiæ studio, quæ ut omnes scientias, sicut regina ancillas vocat ad arcem, vel ut earum, si qui sint errores superiori fidei lumine corrigat, vel etiam veritatibus utatur ad sua interdum explicanda mysteria, sic in ea, & cum ea sola potest haberi orbiculata illa, quam Græci encyclopædiam dixere, scientiarum series, circulus orbisque numeris omnibus absolutus: indeque constat cur de illa, deque omni scibili in ordine ad illam acturus in hoc opere, nomen ei Bibliotheca Theologica imponerim, quod omnia siue directè, siue indirectè ad completam Sacre doctrinæ, vel Theologiæ noticiam spectantia, in eo collocare, & comprehendere meliori & clariori quo potui ordine vel methodo intenderim.



# I E S V S + M A R I A .

## Facultas Ordinis.

F. ALEXANDER A IESV MARIA VICARIVS GENERALIS  
*Carmelitarum Discalceatorum.*

**C**VM opus, cuius titulus *Bibliotheca Theologica septem Libris distincta &c.* ab Admodum R. P. F. Nostro Dominico à Sanctissima Trinitate Congregationis Nostræ Ex generali compositum duo Theologi ex nostris, quibus id commissum fuit recognouerint, & in lucem edi posse probauerint, facultatem concedimus, vt typis mandetur, si superioribus placuerit. In quorum fidem præsentem dedimus sigillo nostro munitas, ac propria manu subscriptas Romæ in Conuentu Nostro S. Mariæ de Scala die 10. Aprilis 1666.

*Fr. Alexander à Iesu Maria Vicarius Generalis.*

*Fr. Saluator à S. Francisco Secretarius.*

---

## Approbatio Ordinis.

**E**X Superiorum Nostri Ordinis iussu Bibliothecam Theologicam à R. Adm. P. N. Fr. Dominico à Sanctissima Trinitate olim Præposito Generali, atque Sacræ Theologiæ Prælectore compositam ego infrascriptus perlegi, quam multarum varietate eruditionum, Theosij cum Theologicis, tum Philosophicis, materiarum amplitudine, sacrarum Scripturarum copia refertam, non tam librum, quam multorum librorum repositorium, vbi quot quæstiones tot libri, tot sententiæ Veritati & Religioni conformes, quot dicta, adiuueni, inre merito igitur Bibliothecæ Theologiæ sibi nomen vendicet; atqui ad vtilitatem Fidelium, ad commune omnium documentum ab omnibus legendam publicè exponi censeo ego

*Fr. Io. Thomas à S. Philippo Carmelita Discalceatus  
Sacræ Theologiæ Prælector.*

# I E S V S + M A R I A.

**B**ibliothecam sacræ Theologiæ septem libris distinctam à Reu. Adm. Patre nostro Fr. Dominico à SS. Trinitate Carmelitarum Discalceatorum Præposito Generali, & olim meo Præceptore compositam, eiusdem iussu summa animi voluptate lustravi. Opus sane nomini consonat, suumque refert authorem. Nescis quid in ea mireris magis, an totius structuræ Idem, nobilis videlicet artis architecturam, an spectabilem in dicendi nitore ornatum, vel in materiarum, questionum dubiorumque ordine, pulcherrimam rerum dispositionem, siue tandem in eorundem copia, quasi prædiuitem librorum abundantiam, præcipuum nempe Bibliothecæ decus. Hanc adeat, hanc frequenter, qui vniuersæ sacræ Doctrinæ peritiam amat, siquidem in ea noua, & vetera tam Ecclesiasticæ historiæ eruditioni, quam diuinarum Scripturarum notitiæ, tam hæresum peremptioni, quam catholicarum veritatum intelligentiæ, siue denique erudiendo intellegendi, siue pijs inflammandis affectibus, Theologo scitu & digna, & necessaria, congesta reperiet. Publicæ igitur vtilitati eam adaperiri non solum dignissimam censeo, verum & eundem Patrem nostrum obnixè deprecor, vt seposita, animi sui modestia, litteratorum omnium bono consulens, communis iuris faciat, ac suam hanc Bibliothecam typis diuulgari permittat. Romæ in hoc nostro Collegio S. Mariæ de Victoria die 7. Martij anno 1665.

*Fr. Philippus Maria à S. Paulo Carmelita Discalceatus, & sacræ Theologiæ Lector.*

---

*Imprimatur, Si videbitur Reuerendissimo Patri Magistro Sacri Palatii Apostolici.*

*O. Archiep. Patrac. Viceg.*

---

**E**X commissione Reuerendissimi Patris Hyacinthi Libelli Sacri Palatii Apostolici Magistri perlegi & accuratè perlustravi, *Bibliothecam Theologicam septem Libris distinctam &c.* compositam à Reu. Adm. Patre Dominico à SS. Trinitate Ex generali Patrum Carmelitarum Discalceatorum, in qua nihil Orthodoxæ Fidei dissonum & bonis moribus aduersum deprehendi: immo tanquam locupletissimum veræ & perucidæ multiplicis eruditionis catholicæ armamentarium ad Rempublicam Christianam contra quasunque nouitates propugnandam sollicito apparatu elaboratum, habendam & publicandam esse censeo. Romæ 4. Septembris 1666.

*Fr. Ioannes Malgoires in facultate Parisiensi Theologia Doctor, & Procurator Generalis Ordinis Cisterciensis in Curia.*

---

*Imprimatur,*

**Fr. Hyacinthus Libellus Sacri Palatii Apostolici  
Magister.**

27211

Errata

# Errata sic corrigito.

Pag.	Col.	Linea	Mendum	Emendatio.
4.	1.	41.	cruditiones	cruditionis.
8.	1.	3.	pater	patet.
8.	2.	50.	accepi	accipi.
16.	2.	15.	pater	patet.
31.	2.	28.	rationis	rationes.
57.	2.	2.	inductiorem	inductionem.
61.	1.	10.	quorum	quarum.
66.	1.	33.	tamen	earum.
68.	2.	23.	huius	habitus.
69.	1.	2.	post quod adde	ad.
69.	2.	27.	virtuales	naturales.
99.	2.	43.	fallacis	fallacias.
107.	1.	33.	medium	modum.
122.	2.	39.	revelationi	revelationi.
137.	2.	11.	tunc	hinc.
141.	1.	3.	innitur	innititur.
142.	2.	6.	nimirum	nimum.
143.	1.	43.	itaque	itque.
149.	2.	32.	extrinsecæ	intrinsecæ.
172.	1.	37.	desumptam	desumptum.
193.	1.	29.	compilati	compilato.
273.	2.	18.	Exodi 8.	Geneseos 18.
289.	2.	24.	fufcepitur	fufcipitur.

# IDEA TOTIVS OPERIS

In septem Tomos distributi.

## TOMVS PRIMVS.

**C**omplectitur duos priores libros: in quorum primo S. doctrinæ, seu Theologiæ natura, causæ & attributiones explicantur: in secundo vero agitur de ea quantum ad munus deducendi conclusiones beneficio artis syllogisticæ, vnde Scholastica potissimum, vel argumentatiua nuncupatur.

## TOMVS SECVNDVS.

**C**omplectitur libri III. in quo agitur de sacra doctrina, quo ad munus ordinandi & explicandi locos Theologicos, Sectionem primam de Verbo Dei scripto, & secundam de non scripto, siue de sacris traditionibus.

## TOMVS TERTIVS.

**C**omplectitur eiusdem libri III. Sectionem tertiam de Ecclesia militante toto orbe diffusa in statu legis Euangelicæ; quartam de summo Pontifice Romano supremo eius Pastore; quintam de sacris Concilijs; sextam de SS. Patribus, Doctoribus Scholasticis, & Iuris Pontificij.

## TOMVS QVARTVS.

**C**omplectitur eiusdem libri III. Sectionem septimam de ratione naturali, disciplinisque Philosophicis in illa fundatis; & octauam de Historia: Ostenditurque quantum vnaquæque referat ad perfectum sacre doctrinæ studiū, adducto breui illarū compendio.

## TOMVS QVINTVS.

**C**omplectitur librum IV. in quo agitur de doctrina sacra, quatenus propugnando sua principia aduersus omnia infidelium genera dicitur Polemica.

## TOMVS SEXTVS.

**C**omplectitur librum V. in quo agitur de sacra doctrina, quatenus disponit suas materias, præscribitque modum & rationem illas tractandi, vnde vocatur Methodica.

## TOMVS SEPTIMVS.

**C**omplectitur duos posteriores libros, sextum videlicet, in quo agitur de sacra doctrina Metaphoris vtente, vnde Symbolica; & septimum, quo ad eius munus prouocandi, vel dirigendi affectum in Deum, vnde Mystica appellatur.

IN-

# I N D E X

## Librorum, Sectionum & Capitulorum huius primi Tomi Bibliothecæ Theologicæ.

### LIBER PRIMVS.

In quo sacræ doctrinæ, seu Theologiæ natura, causæ,  
& attributiones explicantur.

#### SECTIO PRIMA.



VID intelligatur sacræ doctrinæ, seu Theologiæ nomine, quantæque sit eius antiquitas & necessitas. Pag. 1.

Cap. I. quod sacræ doctrinæ nomine intelligatur eorum aggregatum ex fide & habitu Theologico. pag. 1.

Cap. II. de antiquitate sacræ doctrinæ, primæque eius origine. pag. 4.

Cap. III. de causa finali, seu necessitate & utilitate sacræ doctrinæ. pag. 7.

#### SECTIO SECVNDA.

Q Vid, & qualis sit doctrina sacræ. pag. 14.

Cap. I. quod doctrina sacræ sit vera, & perfectæ scientiæ. pag. 14.

Cap. II. quod sacræ doctrinæ subalternetur scientiæ beatæ, non tamen alijs scientijs purè naturalibus, quæ potius illi subalternantur, aliquo modo subalternationis improprie. pag. 17.

Cap. III. de objecto quod, siue materiali doctrinæ sacræ. pag. 18.

Cap. IV. de objecto quæ, seu formali doctrinæ sacræ. pag. 24.

Cap. V. quod sacræ doctrinæ sit vna scientia in specie infima. pag. 29.

Cap. VI. An, & quomodo sacræ doctrinæ sit habitus speculativus simul & practicus. pag. 33.

*Biblioth. Theol. Tom. I.*

#### SECTIO TERTIA.

D E certitudine sacræ doctrinæ comparatiuè ad alios habitus. pag. 43.

Cap. I. quod habitus primorum principiorum sacræ doctrinæ sit fides supernaturalis. pag. 43.

Cap. II. quanta sit certitudo conclusionis Theologicæ sine definitione Ecclesiæ; vel cum illa. pag. 47.

Cap. III. quod sacræ doctrinæ certitudine superet quemlibet alium habitum intellectualem, purè naturalem. pag. 55.

#### SECTIO QVARTA.

D E dignitate sacræ doctrinæ super alias scientiis. pag. 61.

Cap. I. quod S. doctrinæ sit dignior omnibus alijs scientijs naturalibus, tam speculativis, quam practicis. pag. 61.

Cap. II. quod S. doctrinæ sit verè & propriè dicta sapientiæ. pag. 63.

Cap. III. quod S. doctrinæ non ita superet dignitate ceteras scientias, ut sit habitus formaliter supernaturalis. 66.

#### SECTIO QVINTA.

D E doctrinæ sacræ quantum ad subiecta in quibus reperitur. 74.

Cap. I. quod sacræ doctrinæ non remaneat in heretico. pag. 74.

Cap. II. quomodo sacræ doctrinæ in statu viæ acquisita, remanere possit in Patria. pag. 78.

† † SE-

# INDEX SECTIONVM

## SECTIO SEXTA.

**D**E doctrina sacra, quo ad diuersa eius munera procedendique modos, vnde etiam varias suscipit denominationes. pag. 86.

Cap. I. quod in sacra doctrina sexplex munus vel procedendi modus distingui possit: vnde huius operis diuisio. pag. 86.

Cap. II. Vtrum sex supradicta sacre doctrinae munera faciant in ea distinctionem essentialem, ita vt tot sint sacre doctrinae, seu Theologiae species essentialiter diuersae. pag. 88.

## LIBER SECVNDVS.

**I**N quo agitur de sacra doctrina quantum ad munus deducendi conclusiones beneficio artis syllogisticae, vnde Scholastica potissimum, vel argumentatiua nuncupatur. pag. 91.

## SECTIO PRIMA.

**A**N sacra doctrina verè sit argumentatrix, quantaque sit in illa talis muneris utilitas & necessitas. pag. 91.

Cap. I. quod sacra doctrina verè sit argumentatrix. pag. 91.

Cap. II. Vtrum sacra doctrina ita sit argumentatiua, vt habeat veras ac proprias demonstrationes, etiam de Deo, tam à priori quam à posteriori. pag. 94.

Cap. III. Quam sit necessarium argumentandi munus, Philosophiaeque subtiliter disputantis vsus in sacra doctrina, seu Theologia. pag. 98.

Cap. IV. Soluuntur obiectiones hereticorum contra doctrinam superiori capite traditam de necessitate & utilitate Theologiae Scholasticae. pag. 101.

## SECTIO SECVNDA.

**D**E Principijs syllogisticis formalibus, quibus scilicet in arguendo regulatur bonitas consequentiae Theologicarum Conclusionum. pag. 106.

Cap. I. Aperitur status difficultatis. pag. 106.

Cap. II. Vtrum istud principium, Quaecumque sunt eadem vbi tertio sec. valeat ad consequentias Theologicas, pag. 108.

Cap. III. An conclusiones Theologicae nequaquam non sequantur debiliorem antecedentis partem, siue quod idem est, partis deterioris condiciones. pag. 114.

Cap. IV. Quomodo in rebus & materijs Theologicis, valeat consequentia à distributio ad collectum. pag. 117.

## SECTIO TERTIA.

**D**E Principijs syllogisticis materialibus, quibus videlicet in arguendo, ex parte materiae regulatur bonitas consequentium, seu conclusionum Theolicarum. pag. 120.

Cap. I. An sicut in alijs disciplinis dantur principia quaedam Latinis dignitates, Graecis verò Axiomata dicta, ita etiam in sacra Theologia. pag. 120.

Cap. II. Quanam sint inter fidei veritates, aut articulos, Theologicae dignitates, primaque omnino principia dicenda. pag. 123.

Cap. III. An Theologia procedere possit ex vtraque praemissa reuelata. pag. 125.

Cap. IV. An Theologia procedere possit ex vna praemissa diuinitus testata, & alia naturaliter euidente. pag. 128.

Cap. V. Vtrum Theologia procedere possit ex vtraque praemissa naturaliter euidente, praesuppositis tantum articulis fidei, vt conditione extrinseca. pag. 130.

Cap. VI. Vtrum Theologia procedere possit ex vna praemissa reuelata, & alia probabili, vel etiam falsa, prudenter tamen & bona fide estimata diuinitus reuelata. pag. 131.

## SECTIO QVARTA.

**D**E locis in genere, vnde Theologia Scholastica, seu disputatrix sua depromit argumenta, & probationes. pag. 134.

Cap. I.

# ET CAPITV M.

- Cap. I.** An sit, quid sit, & quotuplex sit locus Theologicus. pag. 134.  
**Cap. II.** Quomodo sint ordinandi loci Theologici. pag. 135.  
**Cap. III.** De vera probatione, & rebus ad illam pertinentibus. pag. 136.  
**Cap. IV.** De certis probationibus, & primum quotuplex sit illarum certitudo. pag. 140.  
**Cap. V.** Adducuntur quatuor certitudinis formalis causæ, totidemque definitiones per ordinem ad illas. 141.  
**Cap. VI.** de certitudine obiectiua, eiusque causis, vel conditionibus. 142.  
**Cap. VII.** de duplici certitudinis fundamento, vel principio, & primum de euentia, vnde certitudo euentiz dicitur. pag. 144.  
**Cap. VIII.** de euentia sensus, & quomodo ad plures probationes Theologicas conducatur. pag. 148.  
**Cap. IX.** de euentia intellectus, & quomodo conducatur ad plures probationes Theologicas. pag. 149.  
**Cap. X.** de certitudine fidei, & primum Diuine. pag. 150.  
**Cap. XI.** de certitudine fidei humane. pag. 153.  
**Cap. XII.** de conditionibus requisitis vt fides humana certitudinem habeat, & parere possit. pag. 156.  
**Cap. XIII.** de probatione Topica, seu probabil. pag. 159.

## SECTIO QVINTA.

- Q**uantum vnusquisque locus Theologicus in particulari probatione faciat. pag. 162.  
**Cap. I.** de probatione Theologica desumpta ab autoritate diuinæ Scripturarum. pag. 163.  
**Cap. II.** de probatione Theologica desumpta ab autoritate sacrarum Traditionum. pag. 171.  
**Cap. III.** de probatione Theologica desumpta ab autoritate Vniuersalis Ecclesie. pag. 172.  
**Cap. IV.** de probatione Theologica desumpta ab autoritate Summorum.

*Biblies. Theol. Tom. I.*

- Pontificum. pag. 174.  
**Cap. V.** de probatione Theologica desumpta ab autoritate Conciliorum, tum Generalium, tum particularium. pag. 178.  
**Cap. VI.** de probatione Theologica desumpta ab autoritate Sanctorum Patrum. pag. 180.  
**Cap. VII.** de probatione Theologica desumpta ab autoritate Doctorum Scholasticorum. pag. 188.  
**Cap. VIII.** de probatione Theologica desumpta ab autoritate iuris Pontificij, seu Canonici, doctorumque illius. pag. 192.  
**Cap. IX.** de probatione Theologica desumpta ex ratione naturali, scientiarumque naturalium autoritate. 195.  
**Cap. X.** de probatione Theologica desumpta ab autoritate Philosophorum. pag. 199.  
**Cap. XI.** de varijs veterum Philosophorum Sectis, & vniuscuiusque tam veritatibus, quam erroribus. pag. 202.  
**Cap. XII.** de Platonis, Philosophiæque Platonice autoritate. pag. 211.  
**Cap. XIII.** de Aristotelis, Philosophiæque Aristotelice autoritate. 216.  
**Cap. XIV.** de Stoicorum, Philosophiæque Stoicæ autoritate. pag. 225.  
**Cap. XV.** de Epicureorum Philosophiæque Epicureæ autoritate. pag. 231.  
**Cap. XVI.** Vtrum reiectis omnibus Philosophorum Gentilium disciplinis, consultius esset in Academicis Catholicis nouam introducere Philosophiam ad vsum sacræ doctrinæ. 237.  
**Cap. XVII.** Quænam ex Philosophicis antiquorum disciplinis sit magis apta ad vsum sacræ doctrinæ. pag. 240.  
**Cap. XVIII.** Aperiuntur fontes, ex quibus antiqui Philosophi Gentiles aliqualem supernaturalium fidei nostræ mysteriorum cognitionem haurire poterint. pag. 241.  
**Cap. XIX.** de Sybillis librorumque Sybillinorum autoritate. pag. 244.  
**Cap. XX.** de Historia eiusque autoritate. pag. 250.

# INDEX SECTIONVM

## SECTIO SEXTA.

- D**E loco Theologico cui tanquam Iudici controuerſiarum diuinæ fidei ſiſtendum eſt. pag. 252.
- Cap. I. de nomine & exiſtentia Iudicis controuerſiarum diuinæ fidei. 252.
- Cap. II. de conditionibus neceſſarijs in ſupremo Iudice controuerſiarum fidei, & primum de eius infallibilitate in definiendo. pag. 258.
- Cap. III. de authoritate requiſita in ſupremo Iudice controuerſiarum. 262.
- Cap. IV. Quod à ſupremi Iudicis controuerſiarum fidei ſententia prouocare non liceat, requiraturque inſuper, vt ſit viſibilis, viuens, elarèque & aptè loquens. pag. 262.
- Cap. V. An ſupremus controuerſiarum Iudex poſſit eſſe pars controuerſiæ definiendæ. pag. 264.
- Cap. VI. Vtrum ſpiritus particularis ſit ſupremus Iudex controuerſiarum fidei. pag. 267.
- Cap. VII. Soluuntur argumenta hæreticorum, quibus contra doctrinam ſuperiori capite traditam conantur probare, ſpiritum particularem eſſe regulam credendi, vel ſupremum Iudicem fidei controuerſiarum. 275.
- Cap. VIII. Vtrum ſcriptura ſacra ſit ſu-

premus Iudex controuerſiarum fidei. pag. 281.

- Cap. IX. Quod ſola Eccleſia ſit ſupremus omnium controuerſiarum fidei Iudex. pag. 285.
- Cap. X. Quod admiſſa Eccleſia pro ſupremo Iudice controuerſiarum fidei, non committatur propterea circulus vitioſus. pag. 288.

## SECTIO SEPTIMA.

- D**E varijs notis opinionū, vel pro-  
poſitionum falſarum ad doctrinam ſacram ſpectantium. pag. 294.
- Cap. I. de propoſitione hæretica. 294.
- Cap. II. de propoſitione erronea. 296.
- Cap. III. de propoſitione hæreſi proxima, vel errori. pag. 299.
- Cap. IV. de propoſitione ſapiente hæreſim, vel hæreſeos ſuſpecta. 301.
- Cap. V. de propoſitione male ſonante, & piarum aurium offenſiua. 302.
- Cap. VI. de propoſitione blaſphemæ, impia, & iniurioſa. pag. 304.
- Cap. VII. de propoſitione temeraria, ſcandalola, Schiſmatica, & ſeditioſa. pag. 305.
- Cap. VIII. de propoſitione ſuperſtitioſa, & periculoſa, alijsque pluribus. pag. 307.



# I N D E X

Locorum sacrae Scripturae, quae in hoc primo  
Bibliothecae Theologicae tomo  
continentur.

Ex Veteri Testamento, ordine librorum eius seruat.



- G**ENESEOS cap. 18. Scio enim quod praecepturus sit filijs suis, & domus sua post se, ut custodiant viam Domini. pag. 273.
- Exodi cap. 3. Sed postulat mulier à vicina sua & hospita sua, vas argentea, & aurea. 201.
- Cap. 18. Cumque accideris eis aliqua disceptatio, veniunt ad me, ut iudicem inter eos. 263.
- Cap. 24. Expectate hic donec reuertamur ad vos. Habebis Aaron & Hur vobiscum: si quid natum fueris questionis, refreteris ad eos. 256.
- Numer. cap. 12. Num per solum Moysen locutus est Dominus? nonne & nobis similiter locutus est. 269.
- Deuteronomij cap. 17. Veniesque ad Sacerdotes Levitici generis, & ad iudicem qui fuerit illo tempore; quaresque ab eis, qui indicabunt tibi iudicij veritatem. &c. 263. 285.
- Libri III. Regum cap. 1. Si Dominus est Deus sequimini eum: Si autem Baal: sequimini illum. 279.
- Libri IV. Regum cap. 4. Et ait homo Dei: Dimitte illam: anima enim eius in amaritudine est: & Dominus zelans à me, & non indicauit mihi. 274.
- Psalmo 18. Lex Domini immaculata conuertens animas, testimonium Domini fidele sapientiam praestans paruulis. 199.
- Psalmo 47. Sicut audimus, sic vidimus in ciuitate Domini virtutum, in ciuitate Dei nostri. 79.
- Psalmo 84. Audiam quid loquatur in me Dominus Deus. 29.
- Psalmo 95. Omnes Dij gentium demonia: Dominus autem calos fecit. 241.
- Psalmo 103. Inter medium montium pertransibunt aquae. 256.
- Prouerborum cap. 24. Qui scrutator est maiestatis, apprimetur à gloria. 105.
- Ecclesiastes cap. 3. Et mundum tradidit disputationi eorum. 198.
- Sapientiae cap. 8. Scire versutias sermonum, & dissolutiones argumentorum. pag. 92.
- Cap. 10. Dedit illi scientiam sanctorum. pag. 14.
- Cap. 13. A magnitudine enim speciet, & creatura cognoscibiliter poteris creator horum videri. 1.
- Ecclesiastici cap. 3. Altiora te ne quaesieris, & fortiora te ne scrutatus fueris. pag. 105.
- Ibidem versu 25. Plurima enim super sensum hominis ostensa sunt tibi. 7.
- Cap. 39. In versutias parabolarum simul introibit. Occulta prouerborum exquiret. 92.
- Isaia cap. 54. Ecce ego sternam per ordinem lapides tuos, & fundabo te in saphiris. 275.
- Ibidem versu 13. Ponam vniuersos filios tuos doctos à Domino. 12. 275.
- Ieremie cap. 3. Dabo vobis pastores iuxta cor meum, & pascunt vos scientia & doctrina. 14.
- Cap. 23. Nolite audire verba Prophetarum, qui prophetant vobis, & decipiant vos: visionem cordis sui loquuntur, & non non

# INDEX LOCORVM

- non de ore Domini.* 269.  
 Ibidem versu 22. *Non mittebam prophetas, & ipsi correbant; non loquebar ad eos, & ipsi prophetabant.* 269.  
 Cap. 31. *Dabo legem meam in visceribus eorum, & in corde eorum scribam eam.* pag. 275.  
 Ezechielis cap. 13. *Va prophetis insipientibus, qui sequuntur spiritum suum & nihil vident.* 270.  
 Danielis cap. 12. *Qui autem docti fuerint, fulgebunt quasi splendor firmamenti, & qui ad iustitiam erudiunt multos, quasi stella in perpetuas aeternitates.* 85.  
 Sophoniae cap. 2. *Et adorabunt eum viri de loco suo, omnes insula gentium.* 255.  
 Malachiae cap. 2. *Labia enim Sacerdotis custodient scientiam, & legem requirent ex ore eius.* 285.

Ex nouo Testamento, librorum eius ordine seruato.

- M**atthaei cap. 2. *Vidimus Stellam eius in Oriente.* 201.  
 Cap. 5. *Qui autem fecerit & docuerit hic magnus vocabitur in regno caelorum.* pag. 184.  
 Cap. 13. *Omnis scriba doctus in regno caelorum.* 255.  
 Cap. 17. *Ipsam audite.* 257.  
 Cap. 18. *Si Ecclesiam non audierit, sit tibi tanquam Ethnicus, & Publicanus.* pag. 258. 261. 262. 285.  
 Ibidem versu 18. *Amen dico vobis quacunque alligaueritis super terram, erunt ligata & in calo.* 261.  
 Cap. 20. *Exiit primo mane conducere operarios in vineam suam.* 5.  
 Cap. 21. *Diligite Dominum Deum tuum, ex toto corde tuo, &c. & proximum sicut te ipsum.* 36.  
 Cap. 23. *Vos autem nolite vocari Rabbi: Vnus est enim Magister vester, &c.* pag. 252. 278.  
 Cap. 28. *Docete omnes gentes.* 255.  
 Lucæ cap. 1. *Ad dandam scientiam saluti.* 14. 30.  
 Cap. 2. *Exiit edictum à Caesare Augusto ut*

- describeretur vniuersus orbis.* 246.  
 Cap. 5. *Laxate retia vestra in capturam.* pag. 100.  
 Cap. 7. *Et omnis populus audiens, & Publicani iustificauerunt Deum, baptizati baptismo Ioannis.* 292.  
 Cap. 10. *Qui vos audit, me audit.* 255. 258.  
 Cap. 16. *Habens Moysen & Prophetas audians illos.* 273.  
 Ioannis cap. 1. *Hic venit in testimonium, ut testimonium perhiberet de lumine, ut omnes crederent per illum.* 292.  
 Cap. 5. *Si ego testimonium perhibeo de me ipso, testimonium meum non est verum.* pag. 265.  
 Ibidem versu 44. *Quomodo vos potestis credere; qui gloriam ab innicem accipitis. Et gloriam, qua à solo Deo est, non quaritis.* 159.  
 Cap. 6. *Nemo potest venire ad me, nisi pater qui misit me, traxerit eum.* 275.  
 Ibidem versu 45. *Est scriptum in prophetis, & erunt omnes docibiles Dei.* 12.  
 Cap. 7. *Si quis voluerit voluntatem eius facere: cognosces de doctrina, utram ex Deo sit, an ego à me ipso loquar.* 276.  
 Cap. 8. *Esti ego testimonium perhibeo de me ipso, verum est testimonium meum; quia scio unde veni, & quo vado.* pag. 264. 265.  
 Cap. 10. *Oves mea vocem meam audiunt: & ego cognosco eas, & sequuntur me.* pag. 276.  
 Ibidem versu 37. *Si non facio opera patris mei, nolite credere mihi.* 265.  
 Cap. 15. *Si opera non fecissem in eis, qua nemo alius fecit, peccatum non haberent.* 265.  
 Cap. 16. *Cum autem veneris Spiritus ille veritatis, docebit vos omnem veritatem.* 285.  
 Actuum Apostolorum cap. 15. *Visum est Spiritui Sancto & nobis, nihil ultra imponere vobis oneris.* 50. 51. 261. 282.  
 Cap. 17. *In ipso enim vivimus, mouemur & sumus, sicut & quidam vestrorum poetarum dixerunt: ipse enim & genus sumus.* 200.  
 Cap. 26. *Ad hoc enim appaui tibi, ut constituas te ministrum, & rectorum eorum qua*

# SACRAE SCRIPTURAE

qua vidisti, & eorum quibus apparebo  
tibi. 255.  
Romanorum cap. 1. vers. 17. Injustitia enim  
Dei in eo reuelatur, ex fide in fidem. 86.  
Ibidem versu 18. Qui veritatem Dei in  
injustitia detinent. 36.  
Ibidem versu 20. Inuisibilia enim ipsius,  
& creatura mundi, per ea quae facta sunt  
intellecta conspiciuntur sempiterna quo-  
que eius virtus, & diuinitas, ita ut sint  
inexensabiles. 1.  
Versu 22. Dicentes enim se esse sapientes  
stulti facti sunt. 256.  
Cap. 4. In spem contra spem credidit, &c.  
nec considerauit corpus suum emortuum.  
pag. 56.  
Cap. 10. Quomodo credens ei quem non  
audierunt quomodo autem audiens sine  
predicante. 101.  
Cap. 14. Omne autem quod non est ex fide  
peccatum est. 38.  
Cap. 15. Quaecumque enim scripta sunt ad  
nostram doctrinam scripta sunt. 282.  
Primae Corinthiorum cap. 2. Non enim  
iudicauit me scire aliquid inter vos, nisi  
Iesum Christum & hunc Crucifixum.  
pag. 2.  
Ibidem versu 7. Sed loquimur Dei sapien-  
tiam in mysterio, quae abscondita est. 7.  
Ibidem versu 15. Spiritualis autem iudi-  
cat omnia. pag. 63. 271. 276.  
Cap. 3. Non potui vobis loqui tanquam spi-  
ritualibus. 272.  
Ibidem versu 7. Itaque neque qui plantat  
est aliquid, neque qui rigat: sed qui in-  
crementum dat Deus. 279.  
Ibidem versu 23. Omnia enim vestra sunt  
vos autem Christi: Christus autem Dei.  
pag. 22.  
Cap. 5. Cum eiusmodi nec cibum sumere.  
pag. 286.  
Cap. 8. Scientia inflat, charitas vero ad-  
ficat. 43. 159.  
Cap. 9. Non alligabis os boni trisuranti.  
pag. 169.  
Cap. 10. Omne quod vobis apponitur man-  
ducate. 286.  
Cap. 12. Alij quidem per Spiritum datur  
sermo sapientiae: alij autem sermo scien-  
tia secundum spiritum, &c. pag. 67. 284.

Ibidem versu 28. Et quosdam quidem po-  
tuit Deus in Ecclesia primum Apostolos,  
secundo Prophetas, tertio Doctores, &c.  
pag. 4. 182.  
Secundae Corinthiorum cap. 10. Nam ar-  
mas militie nostrae non carnalia sunt, sed  
potentia Deo. ad destructionem munitionum,  
consilia destruentes, & omnem  
alitudinem extollemem se aduersus scien-  
tiam Dei, & in captiuitatem redigentes  
omnem intellectum, in obsequium fidei.  
pag. 83. 101.  
Cap. 11. Et non mirum: ipse enim Satanias  
transfiguratur se in Angelum lucis. 271.  
Ad Galatas cap. 1. Sed licet nos aut Ange-  
lus de celo euangelizet vobis, praterquam  
quod euangelizauimus vobis, anathe-  
ma sit. 259.  
Ibidem versu 11. Notum enim vobis facio,  
fratres, Euangelium, quod euan-  
gelizatum est à me, quia non est secun-  
dum hominem, neque enim ego ab homi-  
ne accepi illud, neque didici, sed per re-  
uelationem Iesu Christi. 7.  
Cap. 2. Deinde post annos quatuordecim  
ascendi Hierosolimam, &c. & consuli  
cum illis Euangelium. 263.  
Ad Ephesios cap. 4. Et ipse dedit quosdam  
quidem Apostolos, quosdam autem Pro-  
phetas, alios vero Euangelistas, alios  
autem pastores & doctores ad consum-  
mationem sanctorum in opus ministerij,  
in adificationem corporis Christi, donec  
occurramus omnes in unitatem fidei, &  
agitionis filij Dei, in virum perfectum  
in mensuram aetatis plenitudinis Chri-  
sti, ut iam non simus paruuli fluctuan-  
tes & circumferamur omni vento doctrinae  
in nequitia hominum, in astutia ad  
circumventionem erroris. pag. 4. 5. 11.  
182. 255. 258.  
Secundae ad Timotheum cap. 1. In quo  
posui sum ego predicator, & Apostolus,  
& magister gentium. 255.  
Cap. 2. Nam & qui certat in agone, non coronabitur  
nisi legitime certauerit. 85.  
Cap. 3. Omnis scriptura diuinitus inspirata,  
utilis est ad docendum, ad arguen-  
dum, ad corripiendum, ad erudiendum  
in iustitia. pag. 32. 43. 92. 282.

Ad

# INDEX LOCORVM

Ad Titum cap. 1. Oportet enim Episcopum  
sine crimine esse, &c. amplectentem eum,  
qui secundum doctrinam est, fidelem  
sermonem; ut potens sit exhortari in  
doctrina Sacra, & eos, qui contradicunt,  
arguere. 92.

Ad Hebræos cap. 11. Sine fide autem im-  
possibile est placere Deo. Credere enim  
oportet accedentem ad Deum quia est,  
& inquirentibus se recompensator. g. 124.

Epistolę Catholicę B. Iacobi cap. 4. Scien-  
tis igitur bonum facere, & non facienti,

peccatum est illi.

Primę B. Petri cap. 1. Reportantes finem  
fidei vestra salutem animarum. 43.

Secundę B. Petri cap. 1. Hanc vocem nos  
audiuimus, &c. & habemus firmiorem  
propheticum sermonem. 56.

Epistolę primę Beati Ioannis Apostoli  
cap. 2. Et non necesse habetis ut aliquis  
docet vos: sed sicut vultus eius docet  
vos de omnibus, 276.

Cap. 5. Qui credit in filium Dei, habet te-  
stimonium Dei in se. 276.





# BIBLIOTHECAE THEOLOGICAE LIBER PRIMVS.

In quo sacrae doctrinae, seu Theologiae natura,  
causae, & attributiones explicantur.

## SECTIO PRIMA.

Quid intelligatur sacrae doctrinae, seu Theologiae nomine,  
quantaque sit eius antiquitas, & necessitas.

### CAPVT PRIMVM.

*Quod sacrae doctrinae nomine intelligatur totum aggregatum  
ex fide, & habitu Theologico.*



THEOLOGIAE nomen vetustissimū apud Graecos, inde transiit ad Latinos, idemque sonat, vel significat, ac sermo de Deo: vnde quia varius, ac multiplex esse potest sermo de Deo, ideo etiam multiplex Theologia distingui debet. Theologia igitur latissimè sumpta, alia est naturalis, alia supernaturalis, saltem obiectiue, & praesuppositiue, quatenus ex habitu fidei procedit.

Prior, cuius meminit Scriptura, dum ait Sap. 13. *A magnitudine creatura potuit creator videri; & ad Roman. 2. Inuisibilia enim ipsius, à creatura mundi, per ea, quae facta sunt, intellectus conspiciuntur: sempiterna quoque eius virtus, & diuinitas, ita ut sint inexcusabiles*, pertinet ad Philosophos, qui solo naturae ductu, ac lumine, ex solis philosophicis principijs, accurataque libri creatorarum, consideratione, potuerunt se se erigere in aliqualem Dei notitiam, quatenus est author naturae, primumque rerum omnium principium, & causa. Sic epim. Diuinus Plato multa de Deo naturaliter

A

con-

conclufit, præcipue in Titulo, fit Aristoteles cum in Metaphysicis, quam libro Physicorum octavo, veram vniuersi Dei cognitionem ex rebus inferioribus, earumque motu comparauit, & docuit. Hanc Theologiam Marcus Vairō apud D. August. lib. 6. de ciuitate Dei cap. 5. tripliciter diuifit, seu triplicem fecit, *Mythicam*, seu, *fabulofam* propriam Poëtarum, qui arcana sua fabulis inuoluebant; *Physicam*, seu, *naturalem* Philosophorum, qui vt statim dixi solo rationis naturalis ductu aliqua de Deo inuestigabantur; *Ciuilem* denique, seu *Politica* ad sacerdotes, & gubernatores populi pertinentem, quod illi potissimum ad diuinum cultum instruerentur. Primam prædictus author assererat conuenire Theatro, secundam Mundo, tertiam Urbibus.

Posterior, longèq; nobilior, ac præstantior Theologia supernaturalis scilicet, est illa, quæ diuinam supponit reuelationem, quæque primò, ac per se de supernaturalibus agit mysterijs omnem intellectus creati naturalem facultatem superantibus, quæ vel in scripturis sacris, vel indubitatè Ecclesiæ radiationibus continentur. Ita vt in præfenti nomine Theologiæ supernaturalis, quæ sacræ doctrinæ nomine insigniuit D. Thomas 1. p. quæst. 1. quamque sic deinceps cum illo vocabimus, nihil aliud intelligatur, nisi totum aggregatum ex habitu fidei, & habitu Theologico. Cum enim Theologia sit scientia, vt dicitur infra, quæ ratiocinatur de Deo, rebusque diuinis, oportet, quod concurrat ad illam aliqua cognitio per modum principiorum, & ex eis deducatur alia cognitio per modum conclusionis, sicut in omni scientia naturali, & in omni cognitione probatiua, aut discursiua requiruntur indispensabiliter aliqua principia ex quibus per consequentiam inferatur conclusio. Est autem differentia inter Theologiam naturalem, quam vnico verbo Metaphysicā appellamus, & Theologiam supernaturalem, siue Christianam; quod in Theologia natu-

rali quidquid à Philosophis cognoscitur de Deo, se habet per modum conclusionis, & non per modum primi in cognoscendo principij, sed sic se habent dumtaxat creaturæ, tanquam proprii effectus Dei, eo quod pro præfenti statu non possumus naturali scientia Deum cognoscere nisi ex creaturis, quam propterea ascensum hominis ad Deum, siue cognitionem via inuentionis communiter appellamus. At vero Christiana Theologia, ita agit de Deo, veritatibus quæ diuinis, vt pro principijs non amplius assumat creaturas, sed ipsum Deū loquentem, fideique mysteria reuelantem, ex quibus postea tanquam ex proprijs principijs ratiocinando procedit: unde necesse est, quod in hac via, quā diu peregrinamur à Domino, Theologia nostra procedat ex creditis; quia de Deo vt est in seipso, siue vt est author supernaturalis gratiæ, non possumus aliquid vel minimum cognoscere, nisi per reuelationem diuinam, & non ex creaturis ordinis purè naturalis; de Deo autem, vt est in seipso, duplex tantum habetur reuelatio, vel per visionem clarā Patriæ in verbo diuino & increato, vel per obscuram cognitionem viz, qualis est assensus fidei, in verbo diuino creato, siue scripto, siue tradito.

Igitur ad nostrum propositum distinguendus est duplex assensus, siue, postmodum considerare, quod intellectus noster dupliciter feratur circa res à Deo reuelatas; primò assentiendo immediate ipsi veritatibus à Deo reuelatis propter authoritatem diuinæ reuelationis, tanquam propter rationem formalem, & medium assentiendi. Secundo ex his primis assensibus, adhibitis etiam vbi opus fuerit, alijs naturalibus assensibus, inferendo aliquas conclusiones per discursum. Et quidem primi assensus pertinent ad fidem diuinam, suntque ipsi met assensus fidei, quibus correspondet habitus fidei; secundi vero assensus, vt deducti ex primis sunt propriè assensus Theologici, & illis correspondet habitus Theologiæ; ita vt habitus fidei habi-

habitu Theologiæ se habeat, sicut ab-  
hatus principiorum, qui etiam dicitur  
habitus intellectus, ad habitum scientiæ.  
Et licet utriusque assensus convenienter  
appellari possint nomine doctrinæ sa-  
cræ, primi quidem, quia immediatè ver-  
santur circa diuinam auctoritatem doc-  
centem, secundi verò, quia originem  
ab illa trahunt, & in illam vltimò tan-  
dem resoluuntur; nihilominus tamē  
melius per sacram doctrinam intelligit-  
ur, totum aggregatum ex fide, & Theo-  
logia, seu ex primis, & secundis assensi-  
bus, quatenus integrant vnā sacram  
doctrinam, veluti vnā, ac perfectā  
scientiam, constantem ex suis princi-  
pijs, & conclusionibus, ad similitudi-  
nem vnius scientiæ naturalis, v. g. Phy-  
sicæ, vel Mathematicæ, quæ coalescit  
simul & integratur ex principijs, & con-  
clusionibus. Dixi ex principijs, quia  
licet prima principia sub illa ratione  
formali, quæ subiectum, & prædica-  
tum dicuntur habere necessariam, & im-  
mediatam inter se connexionem, ne-  
queant esse pars integralis habitus sci-  
entifici; aut quid ad eum pertinens, sed sic  
spectant ad habitum intellectus, seu pri-  
morum principiorum, tanquam obie-  
ctum formale ipsius; tamen si conside-  
rentur eiusmodi principia, quatenus in  
formam syllogisticam redacta, sunt il-  
latiua conclusionum, sic pertinent ad  
illum habitum, cuius conclusionum  
sunt illatiua.

Vnde etiam aduertendum est, quod  
si sumatur habitus Theologicus præci-  
sè, quatenus versatur circa cōclusiones,  
pertinentque consequenter ad sacram  
doctrinam, tanquam pars ad suum to-  
tum, quod vt iam diximus coalescit ex  
ipso, & habitu fidei; diuersimodè po-  
test dici procedere eiusmodi habitum  
ex principijs fidei; & doctrinam sacrā,  
pro vt includit vtrumque habitum fi-  
dei, & Theologiæ, procedere item ex  
fidei principijs. Ille enim prior habitus  
dici potest procedere ex principijs fidei,  
non tanquam ex cognitionibus suis as-  
sensus integrantibus, sed solum ad illos

prærequisitis in genere causæ efficientis  
at verò doctrina sacra dici potest pro-  
cedere ex ipsidem principijs, tanquam  
intrinsecè integrantibus ipsam, ad infe-  
rendum ex ipsis prædictas cōclusiones;  
sicuti proportionē seruata, alio modo  
caput humanum dici potest, esse caput  
aliorum membrorum in homine, & alio  
esse caput hominis; nam primo modo  
est caput, non vt pars aliorum membro-  
rum; secundo verò modo est caput, vt  
pars integralis corporis humani. Quod  
totum pertinet porius ad modum lo-  
quendi, quam ad rem ipsam; sacra enim  
doctrina præcisè prout est scientia, non  
distinguitur ab habitu Theologico, sed  
est eadem penitus cum illo. Secus ve-  
rò si consideretur, prout se extendit ad  
quancumque cognitionem diuinam su-  
pernaturaliter habitam, atque adeo ad  
habitum etiam, vel assensum fidei im-  
mediatum, cum enim talis habitus, vel  
assensus distinguantur specie ab habitu  
Theologico, secundum quod est scien-  
tia; ab illo etiam distinguetur sacra do-  
ctrina modo statim dicto considerata,  
saltem per modum includentis, ab in-  
cluso.

Porro supernaturalis hæc Theolo-  
gia, siue doctrina, quomocumque su-  
niatur, vel pro habitu fidei, vel pro sim-  
plici habitu scientifico, vel denique pro  
aggregato ex utroque, pro vt his omni-  
bus modis sumi posse, nemini dubium  
esse debet, hæc, inquam, sacra doctrina  
fuscipit magis, & minus, vt satis patet  
ex eo, quod inter Catholicos alij sint  
alijs in ea doctiores, ac perfectiores;  
plerique enim solum tenent Cathedri-  
sum, fidemque implicitam plurium fi-  
dei veritatum, vt imperiti & rudes, qui  
etiam ex principijs fidei inferunt aliquas  
conclusiones quaximè in ordine ad pra-  
xim, vt statim dicetur cap. tertio, & ideo  
dicuntur Theologi secundum quid, &  
improprie; alij verò multò doctiores,  
præterquam quod fidem habent magis  
explicitam, legerunt insuper Scripturas,  
Concilia, Sanctorum Patrum libros, ita  
vt plurimotum etiam discursu admix-

nione reddant ex professo fidei nostræ rationem omni poscenti, illam explicando, confirmando, persuadendo, & contra aduersarios defendendo: hosque simpliciter, & maximè propriè doctores sacros, vel Theologos appellamus; iuxta illud 1. Corinth. cap. 12. *Nunquid omnes doctores, nunquid omnes Prophetæ, & Ephel. 4. Quosdam dedis Apostolos, quosdam verò pastores, & doctores in opus ministerij.* Vnde etiam illud D. Augustini lib. 14. de Trinitate cap. 1. dicentis, scientia Theologica non omnes fideles prædicos esse, sicut habitu fidei, sed quosdam dumtaxat: *Hac scientia, inquit, non possent fideles plurimi, quamvis polleant ipsa fide plurimum, aliud enim est scire, quid credere debeamus, quod docet fides, aliud autem scire quemadmodum hoc ipsum, & pijs opusculetur, & contra impijs defendatur, quam proprio appellare vocabulo scientiam videatur Apostolus.* Itaque per fidem nudè simpliciter credimus, & profiteamur nos credere hoc vel illud, quia Deus dixit, vel per Ecclesiâ nobis reuelauit; at verò per scientiam Theologiæ propriè sumptam, qualis est in veris Ecclesiæ pastoribus, & doctis catholicisque Theologis, qui diuturno studio assiduèque laboribus, fauente Deo, & supposita fide, illam sibi pepererunt; per hanc, inquam, partim ex assertionibus fidei, partim ex alijs etiam rebus naturaliter notis ratiocinâdo, admiscetur discursus ex professo, & redduntur fidei rationes, & fides gignitur, nutritur, defenditur, roboratur, inquit, eodem loco citato D. Augustinus.

Quamvis etiâ inter clarissimos Theologos, Ecclesiæque doctores, varij adhuc sint eruditiones gradus, sicut differt stella à stella in claritate 2. ad Corinth. cap. 17. Quod satis patet ex speciosis titulis, & encomijs, quibus ab initio nascentis Ecclesiæ plures celebrati sunt Patres in vnoquoque sæculo, vt videre est apud Magistrum Gramina sacri ordinis Prædicatorum Catholicorum, præscriptionum lib. 4. controversia prima generalissima de Patrum sensu, & au-

thoritate, vbi sigillatim illa refert, & à curioso lectore facillè consuli possunt.

## C A P V T I I.

*De antiquitate sacra doctrina, primæque eius origine.*

**E**X dictis superiori capite facillè intelligitur sacram doctrinam, vel Theologiam quomodocumque consideratam, si spectetur causa eius efficiens prima, nullum alium habere potuisse doctorem, & autorem, quàm Deum, cuius solo innititur testimonio, cum sit de veritatibus omnem intellectus creati virtutem naturalem superantibus; vnde etiam ex Apostolo 2. ad Timoth. cap. 3. vocatur à D. Thoma, scientia diuinitus inspirata, seu doctrina secundum reuelationem.

Difficultas igitur in præsentî tota, est, de prima eius origine quo ad antiquitatem, seu temporis prioritatem: pro cuius resolutione dico Sacram doctrinam, vel Theologiam, ab ipsis mundi incunabulis, simul ac primus parens creatus est; exordium habuisse; non solum ea ratione, qua Adamus, vñ cum alijs gratia donis, accepit à Deo cognitionem fidei quâ nunc profiteamur saltè quoad generaliora, & præcipua illius arcana, alioqui sine fide impossibile ei fuisset placere Deo, ad Hebræos 11. Sed etiam quia valde verisimile est, illum plures ex præmissis reuelatis, & fide diuina creditis conclusionibus argumentando deduxisse, tam vt filios suos facilius scientiam salutis doceret; quàm vt ipsi cōstantes & firmi in vera religione permanerent, dubijsque vel scrupulis rum sois, tūm aliorum occurrere, & fidei hostes, quibus Ecclesia nunquam caruit, sufficienter confutare possent; nisi velimus dicere Deum tunc fidelibus suis, eorumque Ecclesiæ defuisse, nec omnia ad salutem necessaria sufficienter illis prouidisse; quod est valde absurdū, & contra id, quod asserit D. Gregorius homil. 19. in Euang. docens, Patremfamilias,



miliæ, qui exijt primo manè, & circa horam tertiam, ſextam, nonam, vndecimam, conducere operarios in vineam ſuam, vt habetur Matth. 20. eſſe Deum conditorem noſtrum, qui in vniuerſalem Eccleſiam, à mundi huius initio uſque in finem, ad erudiendam plebem fidelium, prædicatores congregare, ac miſſere non deſiſſit; quia & prius per Patres, & poſtmodum per legis doctores, & Prophetas, ad extremum verò per Apoſtolos, dum plebis ſua mores excoluit, quaſi per operarios in vinea cultu laboravit. Quod prius docuerat Theodoretus lib. 3. de curatione affectionum Græcarum, Theologiam videlicet vnà cum primis ortam, fuiſſe parentibus, indeque ad poſteros deductam, & nouis ritibus, ac quaſi luminibus illuſtratam; Gilbertus quoque Genebrardus Chronographia Pariſijs excuſa 1585. eiſdem originem, ac progreſſum per ſingulas ætates pleniffime monſtrat.

Et certè, vt ab origine mundi vera fides, veraque Eccleſia nunquam deſecit in terris, licet magis in vno, quàm in alio floruerit tempore; ſic etiam tenendum eſt in illa pro quocumque ſtatu conſiderata, hoc eſt, tam legis naturæ, quàm legis Moſaicæ, & Euangelicæ ſuos nunquam deſuiſſe doctores, ac Theologos ſacros, qui fidei doctrinam, aut ſine ſcripto, aut in ſcripturis tam veteris, quàm noui teſtamenti traditam explicarent, ac defenderent, quantum opus eſſet; ad conſummationem Sanctorum, id eſt, ſalutem fidelium; & vt non circumferrentur omni vento doctrina in nequitia hominum, in aſſuetudinem ad circumuentionem erroris; ad Ephel. 4.

Loquendo igitur de rebus Eccleſiæ antediluvianis vſque ad Noachum; poſt inter præcipuos illius doctores, ac Theologos annumerari Protoſparens Adamus, Seth, Enoch, Enos, Cainan, Malaleel, Jared, Matuſalem, omnes iuſti præcones, ac principes populi Dei. A diluuiſio vſque ad egreſſum populi Iſraelitici ex Aegyptiaca ſeruitute, fuerunt Noè, Abraham, Melchizedech,

Iſaac, Iacob, Joſeph, Iob, cæterique Patriarchæ, & Sancti legis naturæ. Ab egreſſu populi Iſraelitici vſque ad Reges, quo tempore primum incæpit lex ſcripta; præter Moſem, qui primus ſacram doctrinam litteris conſignauit; vt fuerunt innumeri Sacerdotes, Scribæ, ac Legisperiti, ita etiam plures inter illos ſacræ doctrinæ, ac Theologiæ profeſſores fuiſſe non eſt dubitandum cum tunc maximè floureret vera religio, ac fides; nec Scribæ iudicandi duntaxat curam, aut munus haberent, ſed poſſimum, ſacras ſcripturas, & legem Moſaicam interpretandi, vnde etiam nomikoi, & nomodidaskaloi legam Doctores ſunt appellati; quod totum ſine Theologiæ, clauſique ſcientiæ ope præſtari non poterat.

A Regibus autem, vſque ad aduentum Chriſti Domini, inter inſigniores Theologos recenſeri poteſt, ingens ille celeberrimus Prophetarum numerus, qui toto illo tempore vixerunt; eſt enim, nullo vnquam ſæculo Prophetæ deſuerint, nam antè legem ſcriptam propheta fuit Adamus, qui Genef. 2. in extaſi cognouit connubium Chriſti cum Eccleſia, & illud ſuo cum Eua præſignauit. Henoch etiam ſpiritu Propheticò fuit imbutus, de quo B. Iudas in ſua Epiſtola v. 14. ſcribit: *Prophetam autem & de his ſepimus ab Adam Henoch dicēs: Ecce venit Dominus in ſiſtis millibus ſuis facere iudiciū &c.* Noè etiam propheta fuit, qui prædixit diluuium, & arcam ædificauit, qua illud euafit. Abraham præterea de ſacris futuris à Deo fuit edoctus, de Iſaac filio, quem erat habiturus, de Chriſto ex eius ſemine naſciturò &c. Iſaac etiam, & Iacob prophetæ fuerunt, quorum prophetiæ narratur Genef. 26. 27. & 49. Eſt, inquam, res in vnoquoque ſæculo ita ſe habuerint; nihilominus tamen in lege Moſaica, totoque præſertim illo temporis interuallo à Regibus ad aduentum Chriſti, longè plures flourerunt Prophetæ, inter quos illi, quorum ſcripta habemus in ſacris litteris, Iſaias, Ieremias,

Da-

Daniel, Ezechiel, qui prophetæ maiores appellantur, & duodecim minores, sic dicti, quod illi prolixius scripserint, hi vero breuius; ut suo loco fufius tractabitur.

Tandem ut post aduentum Christi Domini, capit Ecclesia magis, ac magis crescere; eaque crescente, & inualefcente aduersus Idololatriam, capit etiâ Satanas copias suas ardentius instruere, quibus illam oppugnaret, excitatis in vnoquoque fere sæculo innumeris hæreticis; has quoque ob causas Dei sapientia prouidit de sacris doctõibus, ac Theologis, qui eo magis subtiliter, ac simul eminenter res diuinas exponerēt, & ab infidelium nebulis vendicarent. Sic Eusebius lib. 5. Histor. Ecclesiast. cap. 10. & 11. refert sub S. Marco Euangelista, apertam fuisse Alexandriæ scholam Theologiæ, in qua erudirentur fideles de diuinis Mysterijs: Primisque tribus sæculis vsque ad exortam hæresim Ariarianam Theologiæ laude potissimum floruerunt Hierotheus, & Dionysius Areopagita, ut satis patet ex eius operibus, de quibus infra lib. 5. deinde Pantænus, & Clemens Alexandrinus, quorum primus Scholam Alexandriæ sub D. Marco prius apertam restaurauit, secundus verò Theologiæ locos ad dialecticorũ artem disputationibus distinctè pertractauit, ut colligitur ex D. Hieronymo lib. de Scriptor. Ecclesiast.

Postea cum à principio quarti sæculi, vsque ad finem septimi, funestæ potissimum Ariarum, & Pelagianorum pestes in orbe Christiano grassarentur, excitati sunt diuinitus viri Theologi præstantissimi, qui Theologiam in aciem adhuc apertorem educerent, Athanasius, de quo Plotius ad fratrem suum, Tharasium ait, *In sermonibus ubique locutione clarus est, & brevis, & simplex; Acutus tamen, & altus; & argumentationibus omnino vehemens, & in his tanta vbertas, ut admirabilis sit; logicis autem methodis nihil remitter, nihil inueniliter, ut pueri, & rudes, sed Philosophicè, sed magnificè vtitur.* Basilium, Ephrem Sy-

rus, Epiphanius, Theodoretus, Gregorij Nissenus, & Nansiasenus, Cyrillus Alexandrinus, Ioannes Chrysostomus, & alij inter Græcos. Inter Latinos verò Hilarius, Ambrosius, Hieronymus, Augustinus in dialecticis versatus egregiè, adeo ut hæretici palam dicerent illum non esse audiendum, sed fugiendũ, quemadmodum ipse notat lib. 4. contra Cresconium cap. 13. Prosper, Saluianus, Fulgentius, Cassiodorus, Gregorius Magnus, & alij plures.

Septimo deinde sæculo, ut in Hispania ab Isidoro Hispalensi, eiusque discipulis Theologia conseruata est ad vsum; ita & in Angliâ à Venerabili Bedæ cuius schola plerique docti viri prodierunt, inter quos fuit Albinus, siue (ut alij notant) Alcuinus, quo à Carolo Magno Francorum Rege adhibito ad instituendam Parisiensem academiam, mirum est, quot illa peperit Theologos insignes; ut vsque ad annum Domini 1160. cesserit, sub Alexandro III, vix alicuius nominis Theologus alibi extaret, quàm in Gallia; quando etiam Reuerendissimus Episcopus Parisiensis Petrus Lombardus vniuersam Theologiam certa via, ac methodo colligere studuit, cunctas eius materias per quatuor sententiarum libros Scholasticè disponēs, præstansque inter Latinos, quod iam antè Beatus Damascenus circa annum Christi octingentesimum præstiterat inter Græcos. Vnde per Antonomasiæ Magister Sententiarum appellari capit, eiusque textus ut potè continens ipsam originem totius Scolasticæ Theologiæ, quæ ex Sanctorum Patrum, Diui præsertim Augustini fontibus deriuata est ad nos, summam sibi in omnibus Scholis authoritatem vendicauit, ut pote quem alij doctissimi viri, vel commentari, vel imitari ceperunt.

Denique, cum ad exiens duodecimum sæculum ita res Theologica processisset, incepit liberali S. Ludouici Galliarum Regis pietate viuiores resumere vires. Nam tunc extiterit Alexander Alenfis, Albertus Magnus, & tan-

randem Doctor Angelicus D. Thomas, omnium Theologorum facile princeps, si non prioritate temporis, certe sublimitate, claritate, & soliditate doctrinæ, qui nouum alium à Magistro Theologiæ ordinem cogitauit, & circa annum Domini 1260. sub Alexandro IV. maxima studiosorum uiriliter, & sapientum plausu protulit, & vulgauit summam Theologicam, quæ Sanctus Doctor, ut dicitur onine tulit punctum, & viam. reliquis omnibus præcluse, augustius, aut plenius, aut breuius in eo genere aliquid faciendi. Vnde ineritò Ioannes XXII. Pont. Max. cum D. Thomæ Sanctorum numero adscribi mandasset, diuinitus in hæc uerba prorupisse dicitur. *Nisi Beatus Thomas alia edidisset miracula, unusquisque articulus eorum quos scripsit, habendus pro miraculo esset.*

### CAPVT III.

*De causa finali, seu necessitate, & utilitate sacre doctrinæ.*

**C**um utile, vel necessarium pro ut in præsentem sumitur, sit idem, ac illud, quod refertur in finem; satis constat idem esse, agere de causa finali sacre doctrinæ, ac de necessitate, & utilitate eiusdem. Pro cuius difficultatis solutione distinguunt Theologi 1. p. q. 2. duplex necessarium, aliud absolute, siue ad esse; aliud secundum quid, siue ad melius esse. Rursus aliud necessarium omnibus, aliud singulis. Tertiò alia sunt obiecta, quæ solo lumine naturali cognosci possunt, suere tamen à Deo reuelata; alia uero, quæ sola reuelatione diuina cognosci possunt. Denique aliud est loqui de sacra doctrina generaliter, & in vniuersum; aliud de illa, secundum quod tali via, vel methodo ab aliquo tradita fuit; his breuiter insinuatis.

Dico primò, stante ordinatione diuina, & hominis eleuatione ad statum supernaturalem, necessariū hominibus fuisse, præter Philosophicæ disciplinas,

quæ ratione humana inuestigantur, aliā quam instructionem diuinam, & sacram doctrinam, qua ad cognoscendas plurimas veritates influerentur. Sic enim multis sacre scripturæ locis testatū habemus plura esse hominibus reuelata; quæ erant supra facultatem naturæ, & quæ alioqui absque diuina reuelatione erant penitus ignota. Eccles. 13. *Plurima supra sensum hominis ostensa sunt tibi.* 1. Corinth. 2. *Loquimur Dei sapientiam in mysterio, quæ abscondita est, quam nemo principum huius sæculi nouit.* Et ad Galatas 1. *Notum vobis facio euangelium, quod non ab homine accipi neque didici, sed per reuelationem Iesu Christi.* alibique passim. Ex quāvis ratione probari non possit, hominem de facto eleuatū, & ordinatū fuisse ad statum, & finem supernaturalem: nam hoc ipsum non nisi reuelatione, & instructione diuina potuit innotescere; hac tamen ordinatione, & eleuatione supposita demonstratiue inferitur necessitas doctrinæ sacre in vniuersum, de qua loquimur in præsentem. Non enim potest homo operari ad beatitudinem, suumque vltimum finem supernaturalem assequendum, nisi illum & media ad ipsius consecutionem necessaria præcognoscat; ut per se constat; sed necesse est hominem taliter operari, si quidem fides nos docet salutem hominis de facto consistere in beatitudine supernaturali assequenda ab adultis, per quædam media ab ipsis adhibenda; ergo necesse est ut illa præcognoscat. Non potest autem homo præcognoscere, talem suum finem, & media ad illum adipiscendum, absque diuina reuelatione & instructione, cum enim hæc dependant à sola Dei voluntate, non possunt certo cognosci nisi ipso reuelante: sed ex superiori discursu debet totum illud præcognoscere ut assequatur ergo ad hoc requiritur diuina reuelatio. At doctrina fundata in hac diuina reuelatione est præter philosophicas disciplinas, igitur si ipsa est necessaria, ut demonstratiue probant superiora argumenta, erit etiam necessaria

saria aliqua doctrina præter philosophicas disciplinas: Quod autem hæc doctrina rectè vocetur sacra, maximè præter, quia est præcipuè de rebus sacris, & sanctis, cuiusmodi est inter alia omnia, factofanctū angustissimæ Trinitatis mysterium, & ad morum sanctitatem maximè prouehit, habeturque per sacri numinis reuelationem, rectè ergo dicitur sacra.

Vtcrius Doctrina Sacra est de essentia regni Christi, ergo vt illud subsistat debet illa dari: consequentia pater, quomodo enim aliquid subsistere potest sine sua essentia: probatur antecedens nam quicquid est de forma alicuius, est etiam de essentia illius, sed doctrina sacra est de forma regni Christi, ergo & de essentia illius. Probatur minor, quod pertinet ad gubernationem regni Christi, est de forma illius, sed ad gubernationem regni Christi pertinet doctrina sacra, ergo est de forma regni Christi. Maior est certa, forma enim cuiuscunque regni maximè in gubernatione posita est, ex Aristotele Polit. lib. 1. Minor autem probatur, supponendo quod in gubernatione duo principaliter considerantur, vnum sunt leges, aliud executio legum, quæ à Magistratibus procuratur, leges regni præscribunt primò finem, ad quem populi gubernati tendere debent, secundò actiones quibus finem illum comparare possint, tertio media opportuna ad eiusmodi actiones exercendas, & sic de cæteris; quæ cū omnia præstet doctrina Sacra in regno Christi, nemo credo sanæ mentis est, qui non facile persentiat, quomodo ad illius gubernationem necessario pertineat, ex suppositione beatitudinis supernaturalis acquirendæ ab adultis per propria opera, & merita.

Dico secundo, si loquamur de doctrina Sacra, pro vt versatur citra obiecta supernaturalia, ea est necessaria simpliciter, & absolute omnibus adultis vsum rationis habentibus, quo ad vtramque sui partem; nempe tam quo ad assensum fidei, quod est certum apud om-

nes, quam quo ad assensum Theologicum, non quidem vt logici loquuntur, quo ad singula generum, sed quo ad genera singulorum, quia scilicet saltem, aliquis assensus fidei, & aliquis assensus Theologicus, est necessarius simpliciter cuique adulto ad suam salutem consequendam: Ratio fundamentalis huius assertionis desumitur ex hoc, quod homo debet ordinare, & dirigere suas operationes, in finem supernaturalem sibi per fidem præcognitum; ita vt illa fidei notitia, quæ est secundum omnes necessaria, non sit simplex notitia, sed se habeat vt principium, & causa ordinationis operationis humanæ in talem finem; re vera enim si homo esset ordinatus à Deo vt in suum finem, non tamen haberet necessitatē ordinandi suas operationes in illum, non esset illi necessaria talis præcognitio, vt patet in pueris ante vsum rationis morientibus, qui saluatur per gratiam in Baptismo receptam, sine operibus: Hæc autem ordinatio non potest fieri sine aliquo assensu Theologico, deducto ex principiis fidei, & sæpe etiam sine multis; nisi enim quisque ex principiis fidei inferat, quid sibi hic, & nunc sit agendum ad glorificandam sanctissimam Trinitatem, quomodo oranda, quomodo amore ipsius tentationibus resistendū, & similia, nunquam conuenienter operabitur ad suum vltimum finem consequendum, nam particularia, quæ spectant ad actiones huius, vel illius, non sunt nobis immediatè reuelata, sed debent deduci ex principiis reuelatis, in quibus deducendis consistit discursus Theologicus, & multæ ex his conclusionibus, sunt etiam rudibus, & idiotis hominibus in promptu; quamuis ad alias requiratur maior doctrina, & consultatio doctiorum.

Nec refert, si quis obijciat inde sequi, quod quiuis adultus necessitate salutis teneretur esse Theologus, quod videtur absurdum: non inquam hoc refert, facile enim responderetur, si nomine Theologi intelligatur, vt communiter accipi solet, homo perfectus in

Theo-

Theologia, sic non esse necessarium vt quilibet fidelis sit Theologus, at si per Theologum intelligamus diuinitatē, & secundum quid eum, qui ex principiis fidei multa inferat sibi ad salutem necessaria, sic omnis Christianus, qui secundum fidem operatur est Theologus, non tamen absolute, sicut non vocatur quilibet homo, absolute philosophus, aut mathematicus, licet omnis homo naturaliter aliquem discursum philosophicum, aut mathematicum habeat.

Dico tertio, si sit sermo de doctrina sacra, pro vt præcisè versatur circa eas obiecta, & veritates, quæ de Deo rebusque diuinis possunt quidem naturali ductu rationis inuestigari ac cognosciscere tamen à Deo reuelata; etiam quo ad hoc fuit hominibus necessaria ad salutem, non tamen absolute, & simpliciter in ordine ad singulos homines, sed vt conuenientius, & certius proueniret illis salus; dictum fuit in ordine ad singulos homines; nam si aliquis homo quocumque casu non posset habere notitiam illam naturalem certam, huic esset omnino necessaria instructio de illis rebus per reuelationem colligiturque ex loco D. Pauli ad Hebræos 11. *Accidentem ad Deum oportet credere quia est, & quod remunerator sit inquirentibus se.* Qui locus si intelligatur præcisè de existentia Dei, vt volunt aliqui, non vero de existentia Dei, secundum quod talis est, qualem Christiana religio docet, nempe Trinus, & vnus, & author supernaturalis, vt opinantur alij, debet principaliter applicari omnibus illis, qui ex quocumque casu non cognoscunt certò naturaliter illam veritatem; non enim vt statim explicabo, est simpliciter necessarium vt qui habet scientiam existentie Dei, prouidentieque ipsius in remunerando, habeat de hoc ipso fidem. Dictum est etiam in assertionem absolute, & simpliciter, quia sine hac instructione diuina posset aliquis homo consequi salutem, si harum rerum certam notitiam haberet aliunde, posita fide aliarum rerum. Vt enim iam dixi in casu quo ali-

quis v. g. Gentilis haberet euidenciam, scientiam existentie Dei, vt authoris nature, non esset simpliciter necessarium, vt conuersus ad fidem haberet eisdem rei, vt sic præcisè, fidem; vt habet S. Doctor 2. 2. q. 2. art. 4. ad 2. & Clarius quæst. 1. art. 5. ad 3. alibique passim. Immo repugnat ob impossibilitatem quam habent illi duo habitus respectu vnus, & eiusdem obiecti, directe sumpti, pro vno, & eodem tempore; ratione euidencie, quam includit scientia, & obscuritatis, quam habet fides.

Nec inde sequitur Philosophum, aut Theologum Christianum esse peioris conditionis, quam rusticum fidelem; quia melius est habere actum entitatis supernaturalis circa aliquod obiectum, cuiusmodi est in rustico actus fidei de existentia Dei, quam habere tantum actum naturalem, aut ad summum quo ad modum supernaturalem cuiusmodi est assensus Theologicus de existentia Dei. Non inquam hoc sequitur, nam primo in esse moris, & in ordine ad meritum, nō est deterioris conditionis philosophus, aut Theologus Christianus, qui quantum est ex se, habet semper in preparatione animi voluntatem credendi, quod Deus sit, ex suppositione, quod euidenciam de hac re scientiam, aut notitiam non haberet; imò taliter est dispositus, vt plurius longe faciat testimonium Dei circa veritatem hanc, & alias quas naturali lumine cognoscit, quam quamcumque euidenciam scientie naturalis, quam possit habere de illis, quod sufficit in viatore ad rationem meriti ex actu fidei prouenientis. Secundo etiam potest dici non esse peioris conditionis in esse entis, si quidem nulla est entitas supernaturalis in rustico, quæ non sit in Philosopho; Licet enim scientia, quam habet Philosophus, aut Theologus, quod Deus sit, tollat ab eo fidem veluti directè de eadem propositione, non tamen indirectè vt ita loquar; & ratio est, quia impossibile est vt Deus reuelet de seipso veritates supernaturales necessario credendas per fidem, quin etiam implicitè

reuelet alias veritates naturales, si enim Deus reuelet, v. g. se esse Trinum & Vnum, iam reuelat se esse: igitur si est simpliciter necessaria, reperiturque de facto in aliquo fides rerum supernaturalium, & earum reuelatio, erit etiam & naturalium, quatenus veluti imbibuntur, & includuntur in alijs veritatibus supernaturalibus, & simul cum illis per modum vnus obiecti supernaturalis credi possunt. Item præfens institutum, si consideretur existentia Dei præcisè vt authoris naturæ, præscindens à Deo vt authore Supernaturali, ad illam veritatem per se, & directè cognitam, sicut non requiritur fides, sed sufficit solum naturale lumen, vt affirmât omnes Theologi, paucis exceptis, quos alij temeritatis, & erroris damnant, sic nec etiam remanet fides respectu eiusdem obiecti directè sumpti, in homine habente scientiam illius, de facto enim subtrahitur ab obiecto fidei per euidenciam scientiæ, remanet tamen eadem fides respectu illius eiusdem obiecti veluti indirectè, quia fides nostra non est de Dei existentia quomodocūque, siue quatenus præcisè est existentia Dei, vt authoris naturæ præscindens à Deo vt authore Supernaturali, vocaturque à D. Thom. loco citato 22. quæst. 1. art. 5. ad 3. præambulum quoddam ad fidem: Sed de existentia Dei, vt facit Deum existere, tam vt est author naturæ, quam vt est author Supernaturalis, tam vt est vnus, quam vt est Trinus. Vnde sicut posset haberi fides de gradu animalis pro vt formaliter continetur in homine, licet haberetur scientia de animali considerato secundum se, vt præscindit à tali coniunctione; & sicut de facto habemus fidem de natura humana pro vt continetur in Christo, secundum quam vnionem homo est Deus, & Deus est homo, quod est obiectum, solum per diuinam reuelationem cognitum; quamuis Deum esse, sit per se notum: & etiam, hominem esse sit notum lumine naturæ; ita similiter fides potest remanere in aliquo de Dei existentia tam vt author est natu-

ræ, quam vt est author Supernaturalis, licet habeat scientiam de eius existentia quatenus præcisè est author naturæ. Hinc quando diximus scientiam, & fidem esse habitus, & actus impossibiles, respectu vnus, & eiusdem obiecti, addidimus directè sumpti, & cogniti. Et quando etiam in assertione diximus doctrinam sacram non esse absolutè, & simpliciter humano generi necessariam respectu illarum veritatum diuinarum, quæ solo naturali lumine cognosci possunt, ideoque obiecta naturalia vocantur, non debet intelligi assertio de illis obiectis naturalibus, quatenus modo explicato imbibuntur in obiectis supernaturalibus, sic enim obiectum naturale vt inclusum in Supernaturali necessario creditur per fidem; sed est sermo de illis obiectis præcisè, & seorsim, quatenus ratione naturali sciri possunt, & attingi, ad ea enim sic sumpta, se habet tantum doctrina sacram, vt salus hominibus, & certius, & conuenientius proueniat. Nam alioqui stando, in sola industria rationis, pauci homines, & adhuc cum magno labore, & longo tempore, ac non sine admixtione errorum, tales veritates assequerentur: & ira quidem, de facto manifestè constat experientia, & inductione in ijs qui lumine fidei destituti, fuerunt tamen in humanis scientijs apprimè eruditi. Instructione autem diuina hominibus communicata factum est, vt passim homines, facilliter, ac breui tempore, & sine vllius erroris periculo, has quoque veritates assequi possint; sic ergo fuit hominibus admodum utilis, siue necessaria ad melius esse huiusmodi diuina instructio, & doctrina sacram. De quo vide S. Thom. 1. contra Gent. cap. 4. vbi latè prosequitur tres rationes statim insinuat.

Dico quarto, si nomine doctrinæ sacre intelligatur ipsa Theologia, pro vt à fide distinguitur, significatque disciplinam, seu scientiam proprio studio, & labore comparatam, per quam ex fidei principijs speculatiuè inferuntur variae, & multæ conclusiones circa res diuinas,

& hu-

& humanas, & per quam ipsamet fides defenditur, & impugnantur errores contrarii, & similia quæ propriè spectant ad Theologiæ munus, dico hanc sacram scientiam per se generaliter spectatam, attenda ordinaria Dei providentia circa suæ ecclesiæ gubernationem, semper fuisse, & esse necessariam absolute omnibus; non tamen singulis; vel toti ecclesiæ ad rectum, & convenientem ipsius statum, sed non cuilibet privatae personæ, immediate loquendo.

Dixi in assertione accuratam scientiam Theologiæ per se generaliter spectatam esse absolute necessariam, quia ut vidimus supra, Theologia siue doctrina sacra modo in conclusione explicato accepta, sub duplici statu considerari potest, primo pro. ut est nunc, & fuit post Sanctum Thomam, & Magistrum, scilicet digesta per ordinem, & quæstiones modo profus scientifico; secundo sine hoc ordine, & perfectione, sed sparsim tradita, pro ut se occasione offerebat, & fuit in Sanctis Patribus, aliisque doctissimis viris antiquioribus, & altero ex his modis dico sacram Theologiam esse absolute necessariam. Dixi etiam spectatam de facto providentia Dei ordinaria, nam sine dubio potuisset alio modo Deus providere indemitati Ecclesiæ ipsiusque conservationi; maxime per novas, & novas semper revelationes, absque necessitate Theologiæ; vel etiam alijs modis: de facto tamen voluit Deus, ut ordinatus modus subveniendi necessitatibus fidei, & Ecclesiæ, cui infallibilem assistentiam promissit, esset per doctorum hominum conventus, & consilia, vel etiam privatorum doctrinam, & disputationes, ut experientia huc usque comprobatum est. Insuper dixi doctrinam sacram semper fuisse, & esse necessariam semper inquam, sed non ad semper, aut pro semper, ut dici solet de præceptis affirmativis; non enim si uno die, vel mense desissent tales Theologi, statim, vel momento periret Ecclesiæ; sed dicitur semper necessaria propter pericula, varia-

que occasiones, quæ possunt occurrere in quibus fides, & Ecclesiæ periclitaretur. Vltimo tandem in assertione dixi doctrinam sacram, siue Theologiam sic accurate sumptam, non esse necessariam singulis hominibus immediate, quia non desunt multi asserentes esse necessariam mediatè, non quidem simpliciter, & rigorosè pro quovis tempore; sed pro illo quo ex defectu Theologiæ, iam desisset esse fides, & Ecclesiæ; posito enim, quod Deus de facto sua ordinaria providentia, ita conservet in mundo fidem suam, & Ecclesiam, nempe ministerio, & opo Theologorum, si hoc medium omnino cessasset aliquando, aut in posterum cessaret, nullo alio adhibito, cessaret etiam, & periret fides, & Ecclesiæ, quo posito nullus esset, siue etiam puer, qui salvari posset, inique in ordine, ad illud tempus, posset dici Theologia remota, & mediatè necessaria ad cuiusque salutem in particulari. Quia ergo tale tempus potuisset esse quodcumque, si Deus voluisset Ecclesiam suam ex defectu talis medij perire, quavis de facto noluerit, propterea etiam dici potest, quod semper fuit necessaria Theologia, licet remota, & mediatè ad singulorum salutem.

*Assertio sic explicata, & intellecta probatur primo ex diversis sacre scripture locis. 1. Corinth. cap. 12. & 20. ad Tim. 1. 1. Petri 3. alibi que passim, ubi pro certo supponitur, debuisse in Ecclesiâ interitum doctores, verum diuinarum peritos, qui per scientiam, & sapientiâ, atque interpretationem sacrarum litterarum, & exactam noticiam mysteriorum fidei instruxissent, ad docendum & erudiendum alios, quomodo enim credent sine prædicatione? Rom. 10. Quare & Christus eisdem doctores in Ecclesiâ instituit, voluitque esse de iure divino ad Ephes. 4. Ipse dedit quosdam Apostolos, quosdam Prophetas, alios Evangelistas, alias pastores, & doctores, ad consummationem Sanctiæ in ædificationem corporis Christi, addiditque ratios, ut non sinas privari sustinueris, & non circumferantur.*

*omni vento doctrina, in nequitia hominum.* His sacrarum scripturarum auctoritatibus, accedunt plura SS. PP. testimonia maximè D. Augustini lib. 14. de Trinit. cap. 1. vbi sacram doctrinam, Theologiæque scientiam, vocat saluberrimam, qua fides gignitur, nutritur, defenditur, roboratur. & lib. 3. contra Iulianum capite vltimo docet Doctores Theologos post tempora Apostolorum fuisse Ecclesiæ plantatores, rigatores, ædificatores, pastores, nutritores. Quæ omnia non debent intelligi de Theologis, aut Theologia quomodocumque, siue imperfecta, secundum quæ Iſaie 54. dicitur, *ponam vniuersos filios tuos doctos à Deo*; & Ioannis 5. *Eriunt omnes docibiles Dei*; sed de accurata scientia Theologiæ per se generaliter spectata; de quâ idem Augustinus lib. 14. de Trinitate cap. 1. ait: *Hac scientia non pollent fideles plurimi, quamvis polleant ipsa fide: aliudque est scire, quid credere debeamus, quid doceas fides; aliud est scire, quemadmodum hoc ipsum & opuletur pjs, & contra impios defendatur.*

Etiam si igitur non teneatur vnusquisque excellere in scientia Theologica, immo hoc quibusdam sit impossibile, plebeis, rudibus, idiotis; & Ecclesiæ corpus varia membra habeat 1. Corinth. cap. 12. alij sunt oculi, alij manus; alij pedes; nihilominus tamen oportet semper aliquos esse peritos Theologos, pastores, doctores, qui cæteros erudiant, nec solum elementa fidei, sed difficiliores quæstiones pertractent, pro loco & tempore, diuersoque auditorum captu, & conditione. Sicut enim peccant infideles, qui doctrinam Euangelicam sufficienter propositâ recipere nolunt; quia tunc resistunt Spiritui sancto; ita vicissim peccant, si nimis leuiter, ac temerè assensum ei præbent contra dictamen conscientiæ suæ, antequam omnia diligenter expenderint, ac probata, & explicata viderint, vt dicitur Ecclesiast. 19. *Qui cito credit levis est corde*; & Iſaie 28. *Qui crediderit non festinet.* Ergo iam maximè necessarii sunt doctores in Ec-

clesia, qui docendi munere apud externos defungantur, partim explicando, partim probando fidei mysteria, ex ipsis nonnunquam paganorum testimonijs, & ex philosophia naturali, cum nec scripturas nec auctoritatem Ecclesiæ recipiant, partim etiam diluendo eorum argumenta, & sophismata. Quæ omnia præstari non possunt sine accurata scientia Theologiæ. Deinde spectata ordinaria Dei prouidentia, semper fuerunt, & sunt, & erunt mali homines in mundo, non solum extrâ Ecclesiam, sed etiâ intrâ, qui ipsam, & eius doctrinam, ac mores oppugnent, aut qui petant rationem nostræ fidei, & doctrinæ, 1. Petri 3. Item etiam inter bonos oriri sæpè possunt, & solent difficultates circa ipsas res reuelatas, & ea quæ necessaria sunt homini ad salutem, an hoc, vel illud faciendum, fugiendum &c. ita vt opus sit conferre scripturas scripturis, & quæstionem vnâ, vel partem vnâ Theologiæ cum altera, & similia; cumque Deus non omnia explicite reuelauerit, necque indicauerit expediens quotidie de nouo reuelare; alio modo his omnibus necessitatibus occurrere nō potest nisi per accuratam Theologiæ disciplinam, ad quam pertinet omnes sectas contrarias confutare, omnes hæreticorum errores conuellere, veras conclusiones ex principijs fidei aptè deducere. Vnde in ipsismet generalibus comitijs, aut cum Summus Pontifex aliquid circa res fidei, aut mores definit, id non fit per nouam reuelationem, sed per peculiarem Spiritus sancti assistentiam, præmissa debita diligentia doctorum hominum, nec est alius modus ordinarius in Ecclesia, quo eius integritas, & perpetuitas conservetur. Et ita prouidit Deus vt semper essent in ea Theologi, etiam in lege scripta, & lege naturæ vsque ad Adam, quem fuisse perfectum Theologum diximus supra capite 1. Quamvis enim vsus Theologiæ minus fuerit ab initio necessarius, postea verò magis, ingravescentibus vitijs, tam in lege naturæ, quàm in lege scripta, ad diuertendos homines



ab idololatria, sed maxime in lege Eu-  
gelica, sicut enim erudit fides, quò ad  
maiorē explanationē, & credendo-  
rum distinctionē, ita maior fuit Theo-  
logiz, ac doctrinæ sacræ necessitas, ad  
rectam ipsius conservationem, explica-  
tionem, atque defensionem.

Dico quinto. Doctrinam sacram,  
sive scientiam Theologicam hoc vel il-  
lo modo traditam iuxta viam D. Dama-  
sceni, vel Magistri Sententiarum, vel  
D. Thomæ, esse quidem optimam, &  
utilissimam, non tamen Ecclesiæ simpli-  
citer, aut absolute necessariam. Poste-  
rior huius assertionis pars non eget pro-  
batione, facile enim omnes animaduér-  
tunt talem methodum non semper fuisse  
in Ecclesiâ: Prior verò aduersus Hæ-  
reticos declarari potest, ex ipsis mun-  
deribus, quæ huic recentiori Theologiæ  
Scholasticæ maxime competunt, non  
enim intelligimus Theologiam Schola-  
sticam, qualem sibi fingunt Hæretici in  
solis Metaphysicis, & curiosis quæstio-  
nibus occupatam (quamvis nec Meta-  
physica spernenda sit, rationesque quas  
ex ipsâ adducit Theologia Scholastica  
præsertim aduersus infideles, qui cum  
nec scripturas nec Ecclesiæ traditiones  
recipiunt, esset ridicula principij peti-  
tio, velle tunc ex his principijs solum  
disputare) Sed de ea loquimur, quæ idē  
præstet ac positius, multo tamen ex-  
actius & accuratius, seruata semper me-  
thodo secundum rectam docendi ordi-

nem. Quod quoniam sit vtilitas in om-  
ni disciplina, & consequenter etiam in  
doctrina sacra, non solum ostendunt cre-  
bra encomia quibus Summi Pontifices,  
& Concilia celebrarunt libros Magistri  
Sententiarum, summamque Theologi-  
cam doctoris Angelici D. Thomæ; sed  
ipsa etiam indignatio, inueteratumque  
odium quod Hæretici contra nostram  
Scholasticam Theologiam conceperunt.  
Etenim Vviclephus apud Valdenses to-  
mo. 1. lib. 2. cap. 64. vocat sacras Theo-  
logorum scholas, castra Cainitica: Et  
Lutherus lib. 2. de abroganda missa, lu-  
panaria. Beatumque Thomam appel-  
lat phialam iræ Dei; quid plura Hære-  
tici Vvitembergenses, vt refert Sarius  
in appendice ad Nauculrū, anno 1520  
Scholasticæ Theologiæ libros feretro  
inclusos instar funeris ad mediam Urbis  
plateam detulerunt, sequentibus mini-  
stris, officiumque defunctorum per hi-  
dibrium canentibus, tandem in ar-  
dentem rogam proiecerunt. Dolet quip-  
pe Hæretici, quod videant suas fraudes  
& dolos, suas imposturas, suamque igno-  
rantiam, per Theologiam Scholasticam  
tanquam per fortissimū veræ fidei pro-  
pugnaculum, diligenter ac nerosè con-  
futati, vellentque si possent perturbare  
omnia ac tenebris involuere, sicut men-  
dacium odit lucem, & diabolus est prin-  
ceps tenebrarum. Sed de his fusius in-  
fra libro secundo Seccione 1. cap. 3.





ciam, prudentiam, artem, fidem, & opinionem. Verba enim scripturæ, & Patrum, si absurditas non sequatur, in sensu proprio, & rigorofo debent explicari, quod autem Theologia pro vt reperitur in viatoribus, sit verè & propriè scientia, non modo nullam sequitur absurdum, sed potius rationes subsequentes id apertè demonstrare videntur.

Primo enim, scire est rem per suam causam certò cognoscere, sed in doctrina sacra, multa per suam causam certò cognoscuntur, deducit enim artificiosè suas conclusiones ex principijs fidei, quæ summam certitudinem habent ex diuino Testimonio; igitur doctrina sacra, quantum ad assensum suum Theologicum considerata est verè & propriè dicta scientia.

Secundò, quia si esset aliqua ratio quare Theologia in nobis viatoribus nõ esset, verè ac propriè habitus scientificus, maximè quia vt obijciunt aduersarij, deficit ipsi euidencia, sed hoc non obstat quominus Theologia verè sit habitus scientificus, ex eo quod eiusmodi conditio non requiritur ad scientiam; quidquid enim sit de scientijs purè naturalibus, tamen de ratione scientiæ in communi, pro vt præcendit à naturali, & supernaturali, solum est attingere infallibiliter verum per discursum, si quidem per talem modum attingendi consistit in esse virtutis intellectualis, & distinguitur à reliquis virtutibus. Vnde etiam ipse Aristoteles per differentiam certitudinis solet scientiam ab opinione distinguere 1. Poster. cap. 2. & 2. posterior. cap. 26. ubi ait: *Nullus arbitratur opinari, cum existimet impossibile aliter se habere, sed scire.* Quia tamen Philosophus Gentilis non agnouit cognitionem ita certam, & necessariam, quæ habetur per diuinum testimonium, sed solum agnouit illam quæ habetur per euidenciam rationis, ideo deinceps ipsi scientiæ tribuit euidenciam, & ita non ponit, vt essentialis in definitione scientiæ, sed vt necessaria solum ad explicandam conditionem essentialem, scilicet certi-

tudinem, quæ licet naturaliter non possit conuenire scientiæ sine euidencia formali, supernaturaliter tamen potest fieri; igitur defectus euidenciæ formalis non sufficit, vt aliqua cognitio vera & certa generata in nobis per discursum, lumini fidei innixum, qualis est Theologia, non sit verè & propriè scientifica.

Tertio idem probari potest hoc alio argumento, quod ferè in idem recidit, quia si aliqua conditio essentialiter requisita ad habitum scientificum, deesset Theologiæ viatrici, maximè esset euidencia, sed hanc; licet non habeat formaliter, æquiuvalenter tamen habet, quod sufficit, ergo nulla conditio essentialis illi deficit; ac proinde valet in aliquo verò & proprio sensu dici scientia perfecta. Minor quo ad primam partem, probatur. Nam principia ex quibus procedit Theologus sunt assensus fidei formaliter ineuidentes, ergo conclusio ex illis illata est etiam formaliter ineuidens, si quidem ad scientiam euidencem non sufficit euidencia consequentia, nisi habeat simul euidenciam præmissarum & consequentis, nam hæc euidencia consequentiæ non est propria Theologiæ, aut cuiusvis alterius scientiæ sed logicæ solum, reperitur; etiam in syllogismo probabili & apparenti dummodo sit in forma. Quia tamen fidei, ex qua procedit Theologia, tanquam ex habitu primorum priorum, tanta est infallibilitas & certitudo, vt nulla naturalis euidencia sit illi cõparabilis, innititur enim lumini increato cui omnia sunt euidencissima, hinc fit, quod assensus ille præmissarum in intellectu Theologi ratione sive certitudinis contineat virtualiter & æquiuvalenter quancumque euidenciam naturalem, quam solemus habere, circa principia naturaliter cognita; ita vt licet scientia excedat fidem quantum ad formalem euidenciam, qua fides caret, tamen in ordine ad finem scientiæ, videlicet vt homo sine errore aut erroris periculo, atque adeo infallibiliter & certò assentiatur & adhæreat alicui obiecto, excessus certitudinis fidei æquiu-

let, imo superat euidentiā præmissarum scientiæ, vt habet D. Thom. in 3. distinct. 23. quæst. 2. art. 2. quæstiuicula ad 1. & ad 2.; & consequenter certitudo illa assensus Theologici in conclusione, æquiualeat euidentiæ assensus scientifici, licet careat formali illa perfectione euidentiæ, sicuti lumen solis dicitur æquiualeere virtuti ignis ad calefaciendum, licet careat calore formaliter. Quod autem hæc æquiualentia sufficiat ad perfectam scientiam loquendo de perfectione scientiæ modo iam explicato in ordine ad scientias naturales, non verò ad scientiam beatorum, nec enim dicimus assensum fidei continere virtualiter, aut æquiualem euidentiā, quam habent beati de eisdem obiectis; sed æquiualeere naturali euidentiæ, quam habemus de alijs rebus naturalibus, circa quas est nostra scientia; quod hæc, inquit, æquiualentia sufficiat ad perfectam scientiam, quæ erat secunda pars minoris argumenti propositi, probatur; quia non ob alium finem rationabiliter exigi potest euidentiā præmissarum in scientijs naturalibus, nisi vt assensus conclusionis sit infallibilis, & sine periculo errandi, atque adeo attingat rationem virtutis intellectus, unde etiam certitudo naturalis alicuius cognitionis definiri solet, quod sit firmus & immobilis assensus ortus ex euidentiā connexionis terminorum propositionis, siue per se, & ex ipsijs terminis, cuiusmodi sunt prima principia, immediata, & indemonstrabilia; vel ex talibus primis deductus per euidentiā consequentiam qualis est assensus scientificus; ita vt ipsa euidentiā nihil aliud sit in eodem assensu firmo, nisi claritas quædam veritatis intellectus, vel ex ipsa terminorum apprehensione, & collatione inter se orta, vel ex tali aliqua noticia per certam consequentiam deducta. Sed hæc infallibilitas atque firmitas cognitionis habetur in assensu Theologico vt hic omnino certum supponitur, & inferius demonstrabitur; propter illam virtutalem & æquiualem præ-

missarum euidentiā; ergo Theologia non caret euidentiā requisita ad scientiam propriè dictam, quantum sufficit ad finem scientiæ.

Quartò. Vt assensus Theologicus sit verè & propriè scientia non requiritur vt procedat ex principijs euidentijs ipsi Theologo, vt Theologus est; sed sufficit ad perfectam scientiam inferiorem, qualis est Theologia respectu scientiæ beatorum, vt principia ex quibus procedit sint euidentiæ scientiæ superiori, ita tamen vt fiat sufficiens continuatio intellectus inferioris ad superiorem, sicut pater in musico, qui licet ipsi vt musico non sint euidentiæ principia Arithmetice, verè tamen dicitur sciens posita illa cōtinuatione. Sed principia ex quibus procedit Theologus, sive euidentiæ scientiæ superiori, cui subordinatur Theologus, & præterea in intellectu Theologi, est sufficiens continuatio & coniunctio cum scientia superiori, dicinā scilicet, & beatorum, nam Theologus per fidem supernaturalem certissimè & infallibiliter cognoscit, principia Theologiæ esse certa, & euidentiā Deo, & beatis: ergo non est cur rationabiliter denegemus assensui Theologico veram & perfectam rationem scientiæ.

Vltimo tandem probatur assertio; quia tunc aliquid vocari potest imperfectum comparatiuè ad alias res, quæ secundum aliquam rationem dicuntur perfectæ, quando participat quidem multa ex perfectionibus talium rerum, sed est illis deterius simpliciter, ex defectu alicuius rei, quæ reperitur in illis, spectatque ad illarum perfectionem quo pacto fides est imperfectior, simplicitateque deterius visione beatifica, in ratione cognitionis, quia deficit à perfectione visionis, ratione suæ obscuritatis & ineuidentiæ: sed assensus Theologicus ex carentia euidentiæ naturalis, quæ habent aliæ scientiæ purè naturales circa sua principia, non est illis deterius in ratione assensus discursiui, sed simpliciter perfectior, assensus enim Theologicus

cus

ens est multo certior & infallibilior cum carentia naturalis euidentiæ, quam sit quilibet alius assensus scientificus, cum naturali euidentiā, ergo ex hac carentia non potest appellari doctrina sacra, scientia secundum quid & imperfecta; sed potius perfectior, quam quælibet alia, naturalis disciplina.

Superesset modo asserere contra dicta obiectiones aliquas, sed quia illarum solutio facilis est ex doctrina huc vsque tradita, non est quod in illis amplius inmoremur.

C A P V T I I.

*Quod sacra doctrina subalternetur scientiæ beatæ, non tamen alijs scientijs purè naturalibus, quæ potius illi subalternantur, aliquo modo subalternationis impropria.*

**C**Um inter scientias, aliæ sint subalternantes, hoc est, sub se alias scientias continentes; aliæ verò subalternatæ, hoc est sub alterâ scientiâ contentæ; postquam superiori capite ostendimus Theologiam esse verè, ac propriè dictam scientiam, statim animû pulsât inuestigare, num sit scientia subalternans, an verò subalternata, vel utrûque simul?

Pro cuius intelligentia notandum, est, quod, cum scientiam subalternari sit idem, vt iam monuimus, ac sub alterâ contineri, siue collocari, tot modis vna scientia dicetur alteri subalternari, quot modis continget sub illa contineri, & collocari. Tripliciter autem id fieri potest. Primo ratione finis, quando scilicet finis vnius, continetur sub fine alterius & ordinatur ad illum, quo sensu artes ministræ dicuntur subalternari dominis, vt frænefactoria, equestri, equestris militaris, & militaris politica. Hic tamen modus subalternationis improprius est, sicut & ille qui attenditur penes maiorem, vel minorem perfectionem vnius scientiæ respectu alterius, quo modo, certissimum est apud omnes

Theologiam subalternari scientiæ beatæ.

Secundo modo vna scientia collocatur sub alia ratione obiecti, siue subiecti, quando scilicet obiectum vnius continetur sub obiecto alterius, ita tamen, vt obiectum inferioris scientiæ addat accidentalem differentiam ad obiectum superioris, vt sic maneat extraneum ab illo, & non essentialiter illi subiectum. Quo pacto Musica subalternatur Arithmeticæ: quia numerus sonorus qui est obiectum Musicæ, addit supra numerum, qui est obiectum Arithmeticæ; sonoritatem, quæ est differentia omnino accidentalis, & extranea, non quæcumque tamen, sed ex cuius coniunctione, cum numero, originantur speciales passionēs & proprietates, quæ possint de ipsâ demonstrari, sicut requiritur vt constituat speciale genus scibilis; quod propterea non potest cōstituere numerus coloratus, aut frigidus; & in hoc sensu certum est Theologiam non quæternari scientiæ beatæ; neque enim Theologus considerat aliquam conditionem in conclusione, quæ non pertineat possit ad scientiam beatam; sed tendit in easdem veritates diuerso modo, & per diuersam rationem obiecti formalis: tendit enim in præmissas per fidem ex reuelatione diuinā, tanquam ex ratione formali assensus, & in conclusionem, per discursum procedentē ex veritate præmissarum, tanquam per rationem formalem assensus; at verò scientia beata specificatur solum ab ipsâ diuinā essentia clarè & intuitiue visa; in qua omnes aliæ veritates creatæ cognosci possunt.

Tertio tandem modo vna scientia collocatur sub alia ratione principiorû, quando scilicet principia vnius scientiæ non possunt esse immediatè per se nota, sed manifestantur per lumen superioris scientiæ, & ita scientia inferior non, resoluit immediatè in principia per se nota, benè autem superior. Et in hoc sensu certum est Theologiam subalternari scientiæ beatæ; fundamentum est quia principia Theologica, non solum

C sunt

sunt veritates, quæ de ipso Deo in se, vt de re cognita habentur, sed etiam veritates quæcumque, quæ per fidem immediatè sunt creditæ, spectantque ad diuersa mysteria, quæ rationes & causas suas habent in Deo, vt incarnatio, iustificatio, glorificatio, Sacramentorum institutio, & similia, ex quibus deducit Theologus ea, quæ virtualiter & mediare reuelata dicuntur; ergo quo ad talia mysteria, seu veritates potest Theologia sumere probationem, & manifestationem ab illa scientia quæ euidenter cognoscit & penetrat in Deo causas & rationes talium veritarum, sed scientia beata id cognoscit, ergo talis scientia manifestat aliquas veritates; quæ ita sunt principia in Theologia, vt tamen se habeant in scientia beata tanquam conclusiones; ad ipsam enim pertinet cognoscere euidenter ea quæ in Theologia se habent vt principia, quædam, immediatè videndo, vt obiectum primum suæ visionis, scilicet quæ pertinent ad Deum in se, quædam vt secundarium obiectum, quorum rationes & causas videt in Deo.

Inquiret aliquis, nùm subordinatio statim explicata ratione principiorum sit sufficiens vt Theologia nostra verè & propriè dici possit subalternata scientiæ beatorum? affirmant aliqui, negant verò alij; verum cum hoc videatur pertinere ad solam quæstionem de nomine, nec importet perfectionem necessariam nostræ Theologiæ, qua si careat, deiciatur a suo statu, perfectioneque scientiæ, quam ipsi superiori capite concessimus, non est quod amplius immoremur. Solum aduerto, quod licet essentialis, & præcipua ratio subalternationis attendatur peues subordinationem principiorum iam explicatam, quia tamen Theologia habet multa principia, quæ ita per fidem immediatè creduntur, vt nullas habeant in Deo causas, & rationes, iam saltem ex hoc capite deficit aliquo modo à tali ratione essentiali.

Diximus Theologiam subalternari scientiæ beatæ quia vitur principijs per

se notis scientiæ beatæ; cum igitur non raro contingat vt discursus Theologici procedant ex vna præmissa de fide, & alia cognita lumine naturæ; rursus inquiret aliquis, an aliqua etiam ex parte subalternetur Theologia scientijs naturalibus, quatenus vitur principijs euidentibus eiusmodi scientijs?

Respondetur negatiuè, nullo scilicet modo Theologiam subalternari scientijs naturalibus sed potius omnes prorsus scientias naturales, illi subalternari, aliquo modo subalternationis improprie; quo pacto omnes scientiæ naturales subalternari dicuntur Metaphysicæ. Ratio est quia tunc aliqua scientia subalternatur alteri, dum aliquo eius principio vitur in suis conclusionibus eliciendis, quando alioqui ipsa ex se nõ haberet alia vniuersaliora, altiora, digniora que principia tanquam propria, per quæ possit iudicare de omnibus principijs, conclusionibus, veritatibus & discursibus alterius scientiæ; sed Theologia ita vitur principijs alicuius scientiæ, vt tamen habeat sua propria principia reuelata, digniora, superiora & vniuersaliora quauis scientia creata, & ex quibus iudicare potest aliquo modo de omnibus scientijs naturalibus, illasque ordinare ad proprium finem; ergo tantum abest quod Theologia subalternetur, aur subordinetur alijs scientijs naturalibus, quin potius vitur illis tanquam seruis, & ancillis, & vt sibi subordinatis & subiectis vt optime explicauit D. Thomas varijs in locis præsertim 1. parte q. 1. artic. 5. & 6. quæst. 1. prologi artic. 1. in corpore. & quæst. 2. artic. 2. ad 2. vbi omnino videndus est.

## CAPVT III.

*Quodnam sit obiectum quod sine materiale doctrina sacra.*

**C**VM doctrinæ sacre quatenus est scientia, proprius actus sit assensus conclusionum, id quod erit subiectum, seu obiectum conclusionum Theologi.

logicarum illud ipsum erit subiectum, seu obiectum doctrinae sacrae, quatenus est habitus scientificus; obiectum autem assensus scientifici, seu conclusionis potest esse duplex, vnum complexum, aliud incomplexum, & in utroque potest rursus considerari id quod est formale, & quod est materiale.

Obiectum igitur complexum est tota illa veritas composita ex praedicato & subiecto conclusionis, quae inferitur per assensum scientificum, vt docet S. Thomas 2.2. q. 1. artic. 1. in corpore. Scientia enim non cognoscit nisi probando & inferendo. Quod autem inferitur & probatur est conclusio illata; conclusio autem est aliquid complexum in quo aliquid praedicatum enuntiatur de aliquo subiecto, & illa conclusio, seu propositio illata dicitur obiectum scibile, scilicet id quod scitur, & inferitur in aliqua scientia; quo pacto in hoc discursu Theologico in quo ex duplici natura in Christo domino, inferitur duplex voluntas, obiectum complexum erit tota haec veritas complexa, quod in Christo sit duplex voluntas, & sic de alijs.

Obiectum vero incomplexum est illud de quo in conclusione praedicatur aliqua, seu proprietates inferuntur & probantur; quod propterea non incongrue subiectum appellatur, non quia scientia subiectionetur in illo; (etenim constat subiectum inhesionis habituum scientificorum esse animam rationalem si agatur de subiecto quod, vel de subiecto remoto, proximum vero subiectum, vel subiectum quo esse intellectum) sed quia subiicitur praedicatis quae de illo in tali scientia demonstrantur, estque veluti basis, fundamentum & materia, circa quam exercet suas operationes, seu speculationes, aliquid de illo affirmatiue vel negatiue inferendo, sicuti subiectum artium Mechanicarum dicitur illa materia, circa quam eiusmodi artes exercent suas operationes; v.g. frænefactoriae ferrum; statuariae, aes, aut lignum, & sic de cæteris. Quia autem conclusio seu propositio illata in aliqua scien-

tia deducitur ex alijs prioribus propositionibus, quae circa idem subiectum aliquid continent, ex quo tanquam per connexionem inferitur, id quod in conclusione de eodem subiecto praedicatur, ideo principia & conclusiones in scientia circa idem subiectum versari dicuntur: cum isto tamen discrimine, quod in principijs praedicantur de subiecto ea quae sunt per se nota, sicut praedicata essentialia, seu definitiones quae non probantur per aliud medium; in conclusione vero ea quae ex istis inferuntur, passionis scilicet, aut proprietates. Hinc apparet quomodo rigorose loquendo, in scientijs, imo & in quolibet alio habitu intellectuali differant inter se subiectum & obiectum, quod nempe obiectum dicatur complexum per modum propositionis, subiectum vero incomplexum per modum simplicis termini de quo enuntiatur praedicatum; quamuis discrimen istud saepe à Philosophis & Theologis negligatur, qui vni pro altero passim vsurpant.

Distinctio autem materialis & formalis, tam in obiectis, quam in subiectis scientiarum, quomodocumque sumantur, ex eo explicatur, quod obiectum materiale est illa propositio quae per illustrationem probatur, & scitur tanquam veritas illata, formale vero est ratio illa sub qua haec per quam illustratur & manifestatur talis conclusio, vel quod in idem recidit, medius terminus complexus acceptus in praemissis, propter quem illi veritati assentitur intellectus, vnde loco citato 22. D. Thomas haec habet: *In scientia Geometria materialiter scita sunt conclusiones: nempe veritates illae complexae ex praedicato & subiecto conclusionis quae exprimuntur per ipsas conclusiones: formalis vero ratio sciendi sunt media demonstrationis, per quae conclusiones cognoscuntur.* Similiter subiectum materiale est res illa de qua aliquid probatur & demonstratur in aliqua scientia, formale vero, est illa habitudo seu ratio, secundam quam subiecta illa considerantur in tali scientia, & illud subiectum cui primo & per se cohaerent ratio

lis habitudo dicitur subiectum principale seu attributionis; ex. grat. in Physica, quæ agit de tam diuersis corporibus, qualia sunt cælum, elementa & mixta, non quidem sub omni ratione, sed quatenus mobilia, ipsa corpora sunt subiectum materiale, & ly mobile formale. Inquiritur ergo in præsentî capite, quod nam sit obiectum, seu subiectum materiale doctrinæ sacræ quatenus est habitus scientificus ab omnibus alijs distinctus, de formali enim acturi sumus capite sequenti.

Et quidē loquendo de obiecto materiali complexæ scientiæ Theologicæ certum est apud Doctores, esse omnes conclusiones Theologicas, quas per verum assensum Theologicū exprimi supponimus. Tota igitur difficultas versatur in assignando subiectum incomplexum omnium talium conclusionum; enim verò, si in vna scientia totali omnes eius conclusiones essent de eodem subiecto, ita vt subiectum conclusionum omnium esset vnum, & idem, facile esset ascribere subiectum in tali scientia, sicuti facile assignatur in illis artibus Mechanicis, quæ semper operantur circa vnā materiam, sed quia non ita accidit in illis, & maxime in Theologiā; nam aliquæ conclusiones sunt de Deo, aliquæ de Christo Domino, & beatissima Virgine Maria, aliquæ de Sacramentis, aliquæ de creaturis diuersis, hinc est vt non ita facile assignetur subiectum Theologiæ, fuerintq; circa illud plures ac varæ sententiæ excogitatæ; nam Magister Sententiarū qui primus inter Latinos Scholasticam Theologiam instituit, lib. 1. distinct. 1. cap. 1. proposuit, se acturum de rebus & signis; hoc pacto res, & signa id est symbola rerum diuinarum & res significatæ per illa, facient sacræ Theologiæ subiectum. Durandus verò q. 5. prologi ait opus humanum meritorium esse obiectum adequatum Theologiæ, quia præcipue per hanc scientiam intenditur meritum vitæ æternæ; iuxta quod vult Theologiam esse simpliciter practicam. D. Bonaventura quæst. 1. pro-

logi affirmat Christum Deum & hominem esse subiectum integrale Theologiæ, eo quod integrè contineat omnes veritates fidei, quæ spectant siue ad articulos diuinitatis, siue ad articulos humanitatis. Gregorius autem & Marius, quibus consensit Albertus in 2. distinct. 2. docent Deum sub ratione glorificatoris esse subiectum Theologiæ. At D. Thomas quem communiter sequuntur Theologi, constituit pro subiecto adequato attributionis sacræ Theologiæ Deum, ad quod nempe obiectum, alia omnia reducantur, & in ordine ad quod cuncta in hac scientia considerentur.

Sit ergo nostra conclusio, subiectum materiale adequatum attributionis totius Theologiæ est Deus, vt. Deus, vel sub ratione deitatis, hoc est non solum vt consideratur bonus, verbi gratia, vel sapiens, vel omnipotens, vel iustificator, vel glorificator, sed generaliter absolute quatenus Deus. Subiectum vero materiale adequatum communitatis, seu commune & vniuersale, quod alij extensiuū vocant, est omne ens reuelatum, seu reuelabile, id est omne illud ens, de quo Deus aliquid reuelauit, aut reuelare potest.

Affertio habet duas partes, & quo ad vtramque est manifestè D. Thom. pluribus in locis, 1. parte q. 1. artic. 7. vbi docet Deum esse subiectum doctrinæ sacræ, & quamuis non addat particulas illas adequatum & attributionis, tamen ex rationibus ipsius quas statim expendemus constat ipsū loqui de tali subiecto adequato attributionis, ad distinctionem subiecti adequati extensiuè siue subiecti communitatis quod art. 3. 4. & 5. dixerat esse omne ens reuelatum seu reuelabile, quamuis non ita clarè & expressè sicut 1. quæst. prologi artic. 4. vbi sic habet, *ens diuinum cognoscibile per inspirationē est subiectum huius scientiæ*, addit autem illam particulam, *diuinum, omnia enim inquit, quæ in hac scientia considerantur, sunt aut Deus, aut ea quæ ex Deo, aut ad Deum sunt in quantum huiusmodi.* Vnde postea ad 5. d. cec



cet Deum eſſe ſubiectum principale Theologiæ, pro eodem uſurpando ſubiectum principale & ſubiectum adequatum attributionis. In aliqua enim ſcientia obiectum principale poteſt eſſe duplex: primum, quod licet ſit principale, comparatum, ſiue per ordinem ad alia obiecta, non tamen eſt tale, ut alia in illa ſcientia non attingantur & conſiderentur, niſi per ordinem, & attributionem ad hoc principale, ſed conſiderentur etiam abſolute ſecundum ſe, quo pacto quamvis homo dicatur ſpecies principalis obiecti phyſicæ, cum ſit nobiliſſima corporis, & ſubſtantie naturalis ſpecies, non tamen appellatur ſubiectum adequatum phyſicæ, quia reliquæ corporum naturalium ſpecies non conſiderantur in phyſica in ordine ad hominē, ſed etiam abſolute & ſecundum ſe. Aliud obiectum principale in aliqua ſcientia, poteſt eſſe, ut non ſolum ſit principale, ſed etiam alia omnia non conſiderentur in tali ſcientia, niſi in ordine ad illud; & tale poteſt eſſe adhuc ſubiectum adequatum attributionis in illa ſcientia; & talem putauit eſſe Deum Doct̃r Angelicus in ordine ad Theologiam, unde dicere quod Deus ſit ſubiectum principale in Theologia, & quod ſit ſubiectum ſimpliciter & adequatum; nulla eſt in D. Th. contradic̃tio, aut doctrinæ variatio, ut voluit aliqui.

Probatur prima pars conſiſiſionis primo ex ipſo Theologiæ nomine, quod ſignificat ſermonem de Deo, inde enim recte inferitur Deum eſſe ſubiectum non quomodocumque ſed ſubiectum adequatum attributionis ſcientiæ Theologiæ. Probatur ſecundo ex ipſamet definitione obiecti attributionis, quia illud eſt ſubiectum adequatum attributionis in qualibet ſcientia, cuius cognitio poſſimum intenditur in tali ſcientia, & de quo omnia ad eam ſpectantia prædicantur, vel in recto, vel in obliquo; atqui Deus cõparatione totius Theologiæ eſt huiusmodi, ergo Deus ut Deus eſt ſubiectum adequatum attributionis ipſius. Major eſt certa ex ipſo nomi-

& definitione ſubiecti adequati attributionis, & in ipſius veritate fundantur omnes Philoſophi, ut alijs ſcientiis aſſignent ſubiectum adequatum attributionis. Probatur ergo minor, & primum quod infer omnia reuelata, circa quæ veritatur doctrina ſacra, Dei cognitio principalis intendatur ex ſine ſcientiæ, patet ex eo quod ſit obiectum infinite ſuperius omnibus alijs rebus quæ non ſunt Deus; quod etiam ſingula quæ tractantur in Theologia reducuntur ad Deum, prædicanturque de ipſo, vel in recto, vel in obliquo, probatur; aut enim agit Theologus de his quæ ſunt formaliter in Deo, v. g. de eſſentia diuina, attributisque ipſius, tuncque omnia enuntiantur de Deo in recto caſu, Deus eſt ſua eſſentia, Deus eſt ſua ſcientia, aut bonitas &c. quicquid enim in Deo eſt Deus eſt; aut non exiſtunt in Deo formaliter ſed ſolum virtualiter eminenter, ut omnes res creatæ ad extra, tuncque prædicantur de Deo, & illi attribuantur, in obliquo caſu, nam etiam ſi Deus non ſit arbor, aut quid ſimile, eſt tamen Creator, & prouiſor arboris, quamvis non ſit gratia, tamen eſt author gratiæ, & inuoluit contradic̃tionem dari aliquid creatum, quod non aliquo modo conſideretur in ordine ad Deum, imo peccata ipſa, licet enim non referantur ad Deum finaliter, quaſi Deus ſit finis peccati, nihilominus, ſemper habent aliquam relationem ad ipſum, ſaltem obiectiuè & contrarie, quatenus peccata ſunt contra Deum, ei que iniuriam inferunt. Vnde etiam apparet mortem & infernum, aliaque id genus habere pariter reſpectum ad Deum, quia ſunt effectus peccati, & ex iuſta Dei ultione ob peccata commiſſa: Igitur, Deus ut Deus, hoc eſt Deus ſecundum ſe, & ſuam diuinitatem abſolute, ſecundum quam eſt radix omnium ſuorum attributorum, & omnium operationum tam ad intra, quàm ad extra ( hoc enim ſignificatur nomine deitatis ) erit ſubiectum adequatum attributionis Theologiæ Chriſtiani & Catholiciæ.

Dices



Dices. Sanctus Paulus Apostolus qui fuit Theologus tertij Cæli 1. epistola ad Corinth. cap. 2. asserit se nihil aliud scire nisi Iesum Christum & hunc crucifixum, ergo Christus est subiectum adequatum Theologiæ, illud enim est adequatum subiectum alicuius scientiæ, in qua non scitur nisi illud.

Respondeo cum D. Th. 1. ad Anibald. dist. 1. q. 1. artic. 2. ad 4. quod Paulus non agit ibi de subiecto fidei, vel Theologiæ secundum se, sed de modo quo se gessit erga Corinthios in prædicando fidem, quia scilicet non prædicavit illis statim ea quæ ad mysteria diuinitatis pertinent sed quæ ad humanitatem & passionem Christi, vt sic paulatim manuduceret illos ad profundiorum deitatis cognitionem. Vnde signanter dicit *inter vos*, vt explicaret se loqui in casu particulari suæ prædicationis. Ceterum idem Apostolus eadem epistola cap. 3. considerauit Christum in ordine ad Deum, dum dixit, *Omnia vestra sumi, vos Christi, Christus autem Dei*. Ipse enim homo Christus consideratur in Theologia vt præcipuum opus diuinæ omnipotentiae, liberalitatis, misericordiae & iustitiæ, atq; adeo in ordine ad Deum vt optimè concludit D. Th. 1. par. q. 1. artic. 9. in corpore.

Probatnr tertio assertio quia cum habitus primorum principiorum Theologiæ sit fides, vt dicitur infra, non potest esse aliud subiectum in Theologia loquendo de subiecto incomplexo, nisi illud ipsum quod est subiectum incomplexum fidei diuinæ, sed fides diuina habet pro subiecto non solum primario, sed etiam adequato attributionis de quo creditur, Deum Optimum Maximum; ergo etiam Deus secundum ipsam rationem deitatis est subiectum Theologiæ. Maior est certa nam vt dicit S. Thomas, idem est subiectum principiorum & totius scientiæ, vniuersaliter loquendo, de eodem enim subiecto de quo aliquid cognoscimus immediatè per lumen naturæ, & per habitum intellectus, de eodem inquam ex principiis cognitis inferimus

aliquid per actum scientificum; ex suppositione igitur quod habitus principiorum Theologiæ sit fides; illud ipsum erit subiectum adequatum attributionis Theologiæ quod erit subiectum adequatum attributionis fidei diuinæ, quod autem Deus vt Dens tale sit subiectum fidei diuinæ, quæ erat minor primi argumenti, probatur, nam illud est subiectum fidei primum & adequatum attributionis, quod est subiectum visionis in patria, id enim creditur per fidem, quod in illa visione manifestatur, subiectum autem primum & adequatum veluti attributionis circa quod est visio beatificans, est Deus in ratione deitatis, vt 1. parte q. 12. dicitur ergo. Vide D. Th. 1. 2. q. 1. artic. 5. & 3. p. q. 7. artic. 4. in corpore.

Dices 1. Non solum Deus vt sic, sed multa alia sunt obiecta principalia, seu principaliter credenda in fide, vt maxime est incarnatio Christi Domini, redemptio, iustificatio, secundum illud D. Aug. *In causa duorum hominum quorum per unum sub peccato venundati sumus, per alterum à peccatis redimimur tota fides Christiana consistit*; ergo non est solus Deus subiectum principale in fide, & consequenter neque in Theologia ex doctrina tradita.

Respondeo ad hoc argumentum m., quod consideratis omnibus fidei veritatibus, & subiectis, aliquid est principale absolute, & simpliciter in ordine ad omnia prorsus fidei articulosque ipsius obiecta, & talis est Deus secundum se; omnes enim articuli fidei vel sunt de Deo, vel de aliquo in ordine ad Deum; Alia verò dici possunt principalia & primaria comparatiuè ad quædam alia, & ad quosdam determinatos fines; & hoc pacto omnia obiecta supernaturalia comparata & relata ad obiecta naturalia reuelata, dicuntur per se, & primaria, obiecta fidei, & de quibus per se est fides, ad distinctionem aliorum quæ solum sunt secundaria, & veluti per accidens. Item in ordine ad finem consequendæ salutis; qui est finis scientiæ, il-

la obiecta, quorum notitia expreſſe & neceſſario exigitur, dicuntur obiecta, primaria vt ſunt illa de quibus Auguſtini loco citato, & Concil. Trident. ſeſſ. 6. cap. 6. dum ait impios ita diſponi ad gratiam, *Dum liberè mouentur in Deum, credentes vera eſſe, quæ diuinitus reuelata, & promiſſa ſunt, atque illud in primis à Deo ſiſtici impium per gratiam eius per redemptionem, quæ eſt in Chriſto Jeſu*, & ſic de alijs: nos ergo hic loquimur de ſubiecto abſolute, & ſimpliciter principaliori ex ipſo ſine ſcientiæ, & ex ordine rerum ſcieturum inter ſe quod non poteſt eſſe, niſi Deus ſecundum ſc, vt dictum fuit.

Dices ſecundo. Quod obiectum ſidei non eſt Deus ſub ratione deitatis, ſed ſub ratione veritatis primæ vt teſtificantis; ergo ſimiliter obiectum Theologiæ nõ poteſt eſſe Deus ſub ratione deitatis vt diximus, ſed ſolum ſub ratione limitata, primæ veritatis reuelantis.

Reſpondeo nos in præſenti conſiſtione non agere de obiecto formali quæ, ſiue de ratione ſub qua fidei & Theologiæ; ſed ſolum de obiecto incompleto materiali, ſiue vt alij dicunt, formali quod vtriuſque habitus. Quamuis igitur veritas prima reuelans dicatur eſſe obiectum formale quæ ſiue ratio ſub qua fidei, cum ſit ratio formalis teſtificandi, ſub qua veritas fidei attingitur, Deus tamen ſub ratione deitatis, ſeu ſecundum ſe eſt ſubiectum quod primarium de quo fides veritates iſtas eredit, vel in ordine ad quem cognoscit illas: Similiter in Theologia ſubiectum de quo demonſtrat veritates, eſt Deus, & non ſolum attributum veritatis primæ, ſi quidem de omnibus perfectionibus diuinis accurate pertractat, vt tamen per reuelationem veritatis primæ teſtificantis virtualiter & mediate cognoscuntur, modo ſtatim in ſequenti capite explicando.

Ex dictis facile deducitur probatio ſecundæ partis conſiſtentiæ, videlicet quod obiectum adæquatum extenſiui ſive communis doctrinæ ſacræ ſit omne ens reuelatum ſeu reuelabile; cum

enim ex vna parte multa alia præter Deum in Theologia tractentur, debent de neceſſitate aliquo modo ad obiectum ipſius pertinere; cumque ex alia parte non agatur de illis niſi ſecundario, & vt ſunt aliquid Dei, vel vt pertinent ad eius myſteria, rectè contineri dicuntur ſub obiecto Theologiæ extenſiuo ſeu, communis, quod D.Th. artic. 3. vocauit ens diuinum reuelabile, neceſſe enim erat, in aſſignatione formalis obiecti, de quo illo articulo agebat vt explicaret vnitatem ſcientiæ Theologiæ, fieret mentio non ſolum ipſius Dei ſed etiam aliarum rerum quæ in ordine ad Deum cadunt ſub ratione formali, non enim ſufficienter diceretur quod diuina reuelatio mediata, eſt ratio formalis Theologiæ, quatenus ex illa vt ſic poſſumus probatiue multa inueſtigare de Deo, ſed omnino addi debet, & de alijs etiam rebus reuelatis, in ordine tamen ad Deum, quod aggregatum ex Deo & alijs vocatur à Diuo Thoma ens diuinum reuelatum, eſtque obiectum adæquatum extenſiuum ſeu communis ſacræ Theologiæ, ad differentiam ſubiecti adæquati attributionis, quod eſt Deus.

Dices tertio Deus non eſt ſubiectum adæquatum attributionis Theologiæ naturalis ſeu Metaphyſicæ, licet ſit principale & primarium, ſed ens in vniuerſum, ex eo quod principia Metaphyſicæ, non ſolum Deo ſed etiam alijs rebus applicari poſſunt: ergo ob eandem rationem Theologia Sacra non habebit pro obiecto adæquato attributionis Deum, ſed omne ens reuelabile.

Confirmatur nam illud eſt ſubiectum adæquatum attributionis alicuius ſcientiæ cui adæquatur formalis ratio ſciendi, ſed ratio formalis ſciendi Theologiæ quæ eſt reuelatio virtualis, vt ſtatim dicitur, non conuenit Deo tantum ſed enti reuelabili, ergo ens reuelabile, erit proprium & adæquatum ſubiectum Theologiæ.

Reſp. ad argumentum primo, conſeſſo antecedenti negando conſequentiam ideo

ideo enim Metaphysica non tractat de Deo tanquam de subiecto adæquato attributionis, licet agat de illo tanquam de subiecto principali dignitatis, sed subiectum eius est ens in communi, quia ad Deum non ascendit nisi per effectus, nec descendit ab ipso ut à cognito primario ad alia obiecta, ut ad secundaria. At Theologia non incipit ab effectibus creatis, ut tendat in Deum, sed incipit à Deo immediatè prout reuelatur per fidem, omnia alia per attributionem ad ipsum considerando. Secundo potest negari anteedens & dici, quod etiam Deus respectu Metaphysicæ quæ est Theologia naturalis, sit obiectum adæquatum attributionis illius: & quod obiectum adæquatum attributionis coincidat cum primatio, aut magis principali.

Ad confirmationem Respondeo illud esse subiectum attributionis in aliqua scientia; cui adæquatur ratio formalis primario, & per attributionem, non; verò cui adæquatur extensivè solum & veluti materialiter. Cæterum reuelabilitas virtualis, seu ratio virtualis reuelationis, quam sequenti capite pro obiecto quo siue formali Theologiæ assignabimus, adæquatur Deo, ut subiecto attributionis, & primario; reuelatur enim Deus ut principale & primarium subiectum; reliqua autem ut ordinata, seu subordinata illi. Et ita tota ratio formalis doctrinæ sacræ desumitur à Deo tanquam ab obiecto primario, in alijs verò rebus, secundario solum invenitur, vel participativè, & extensivè; quatenus omnes veritates Theologicæ scibiles sunt mediatè, vel immediatè ex subordinatione ad Deum, ut ad obiectum primarium reuelatum, solum si considerentur in ratione entis.

Possent aliæ plures obiectiones fieri, sed cum nullam habeant specialem difficultatem, resque de qua agimus non sit tam magni momenti, non est, quod in illis diutius immoremur; solum circa finem huius capitis observandum est; ita subiectum attributionis Theologiæ

convenire cum alijs in hoc; quod omnia in hac scientia considerentur in ordine ad ipsum; ut tamen in alijs multis diuerso modo se habeat; nam primò, eū ipsum sit vnum numero indiuisibile increatum &c. non est necesse ut habeat partes, seu species, seu passiones aut principia & causas propriè dictas in ordine ad suas perfectiones; & sic de alijs, quæ ad præsens institutum parum referunt. Vbi solum comparamus hoc subiectum ad alia subiecta, quo ad hoc præcisè quod omnia attingantur, & considerentur in hac scientia in ordine ad ipsum, & consequenter habeat conditionem subiecti principalis, & attributionis adæquati; licet in alijs, ex talis obiecti perfectione, & modo quo attingitur, sint aliqua discrimina.

## CAPVT IV.

*Quodnam sit obiectum Quo siue formale  
Doctrina Sacra.*

**P**ostquam superiori capite stabilimus obiectum quod siue materiale tam attributionis, quàm communitalis doctrinæ sacræ, superest modo agere in præsentī de obiecto quo siue formali, ex illo enim maximè pender vnitas doctrinæ sacræ, quàm sequenti capite explicaturi sumus. Igitur pro intelligentia difficultatis observandum est primò contra aliquos Theologos, necessariò admittendam esse distinctionem illam, obiecti quod & quo, siue rationis quæ & sub qua in eodem obiecto. Constat enim ex vna parte varias, & diuersas res posse ab vna & eadem potentia, vel habitu attingi; ut de Musica, respectu vocis humanæ, & soni corporum inanimatorum testatur D. Thom. lect. 41. lib. Posterior. & sic de alijs; ergo; è contra verò, de eodem obiecto quod, siue de eadem ratione formali quæ dantur plures habitus, ut de eadem natura Dei tractant Fides, & Theologia, Theologia, & Metaphysica; ergo necessarius est, quod respectu vnus & eiusdem potentiz,

tiz, vel habitus considerantis multas res valde diuersas, concurrat, & assignetur aliqua ratio, quæ diuersificat illam ad unitatem reducatur, secundum quam determinato modo attingantur; & è contrà ubi plures habitus specie distincti versantur circa vnum, & idem obiectum quod incomplexum, siue circa vnam, & eandem rationem *quæ*, debent assignari aliquæ rationes per quas distinguantur eiusmodi habitus, diuersisq; modis tendant in vnum, & idem obiectum; & hæc rationes vocamus obiectum formale *quæ*, seu rationem formalem *sub qua* potentiz, vel habitus.

Obseruandum est, secundum distinguere rationem formalem sciendi, à formali ratione repræsentandi, siue in ipsis conceptibus, siue in speciebus quibus vtitur scientia, repræsentatio enim hæc potest esse diuersa & multiplex, secundum diuersitatem rei repræsentatæ, ratio autem assentiendi potest esse vna circa plures res repræsentatas, quia spectat ad iudicium de illis efformatum, quod potest procedere sub eodem lumine, & principiis circa res entitatiuè diuersas, & diuersimodè repræsentatas.

Tertio notandum est, quod cum Deus voluerit, vt homines multas veritates cognoscerent, illisque certissimam fidem adhiberent, propter diuinum suum testimonium, necesse fuit vt tales veritates hominibus reuelaret & interponeret suam auctoritatem propter quam illis assentirentur. Hæc autem reuelatio, quæ est veluti diuina locutio, non fuit facta omnibus hominibus immediatè, sed tantum aliquibus, veluti capitibus, quales præsertim fuerunt Apostoli, & propheta qui canonicos libros scripserunt, vt habet D. Th. 1. par. q. 1. art. 8. Hæc ergo reuelatio, quæ vt docet Theologi 2. 2. quæst. 176. & sequentibus, communiter fiebat à Deo, per infusionem cuiusdā luminis in intellectu prophetæ; siue infusus etiā nouis speciebus intelligibilibus, siue antiquis dispositis & ordinatis iuxta exigentiā rei reuelandæ aut modum diuinæ reuelatio-

nis; hæc inquam reuelatio sic passiuè sumpta pro vt scilicet importat aliquid ad extra & creatū in intellectu prophetæ, potest considerari dupliciter, primò per se solitariè, vt est tale lumen creaturæ huius vel illius essentia & modus; secundo vt habet adnexam diuinam auctoritatem, nempe infinitam scientiam, & veracitatem Dei, ita enim Deus tale lumen infundebat, vt significaret se per talem reuelationem testificari veritatem illam, tanquam Deum infinitæ scientia, & veracitatis, atque adeo infinitæ auctoritatis. Quando igitur in tota hæc materia fidei & sacræ doctrinæ sit mentio diuinæ reuelationis semper accipitur hoc secundo modo, vt idem sit ac diuinum testimonium, atque adeo vt includit Deum testem illius veritatis.

His prænotatis, dico quod obiectum *quæ* siue formale huius scientia quæ dicitur doctrina sacra, pro vt ab habitu fidei distinguitur, sit diuina reuelatio virtualis & mediata, seu auctoritas diuina reuelans virtualiter & mediatè, siue remotè; Dixi pro vt ab habitu fidei distinguitur, quia si consideretur doctrina sacra quoad vtutem suam assensum, id est pro vt comprehendit, tam habitum principiorum, quam conclusionum, & ita constituit vnam scientiam modo sect. 1. cap. 1. explicatò, sic obiectum *quæ* siue formale ipsius est diuina reuelatio, seu auctoritas diuina reuelans tam immediatè, quàm mediatè, tam proximè quàm remotè, immediatè quidem & proximè respectu principiorum quæ sunt propositiones fidei, mediatè verò & remotè respectu conclusionum. Sed loquimur modo de doctrina sacra, pro vt est habitus scientificus formaliter ab habitu fidei distinctus; & in illo sensu asserimus obiectum *quæ* siue formale ipsius, esse solam reuelationem virtutalem.

Conclusio igitur sic explicata Probatur primò auctoritate D. Th. 1. parte q. 1. art. 3. in corpore & ad secundum ubi appellat diuinam reuelationem obiectum formale, seu rationem formalem

obiecti doctrinæ sacræ, & artic. 7. docet hanc doctrinam esse per revelationem, seu secundum revelationem, formaliter quidem & immediatè si consideretur secundum sua principia, quæ sunt articuli fidei, virtualiter verò & mediatè si consideretur secundum conclusiones ex illis deductas, siue secundum suum assensum scientificum. Idem habet Sanctus Doctor 1. ad Annibald. dist. 1. q. 1. art. 2. & super Boethium de Trinit. artic. 6. seu quæst. 2. artic. 2.

Secundò probatur ratione, nam hæc scientia ut est in nobis viatoribus per se habet pro principiis assensus fidei, siue ea quæ sunt formaliter reuelata per fidem, ita quod reuelatio ipsa, seu auctoritas diuina reuelans, seu diuinum testimonium, seu veritas prima reuelans (nam hæc omnia intelligi possunt nomine diuinæ reuelationis) sit ratio formaliter assentiendi principiis huius scientiæ; sed conclusiones illarum, & deductæ ex aliquibus principiis, virtualiter præhabentur & continentur in illis, ergo reuelatio virtualis, id est contentia virtualis conclusionum Theologicarum in principiis fidei, quæ sunt formaliter reuelata, debet esse ratio assentiendi eiusmodi conclusionibus, ut ex talibus principiis inferuntur; ita ut obiectum formale quæ fidei sit reuelatio formalis, & immediata, atque adeo reuelatio sine ullo addito: at vero obiectum formale immediatum Theologiæ sit veritas complexa propositionum fidei, seu veritas illa complexa, cui assentimur per assensum, & actum fidei diuinæ, quæ veritas complexa, ut est per artem syllogisticam conclusionum Theologicarum illatiua, non potest commodiori nomine significari quam reuelationis virtualis, siue reuelationis mediatae, & remotæ.

Confirmatur hoc argumentum, nam habitus principiorum, & habitus scientiæ distinguuntur essentialiter, ergo debet habere saltem diuersas rationes formales obiecti immediatas, sed auctoritas diuina formaliter & immediatè re-

uelans est formalis ratio immediatè respectu fidei, quæ se habet ut habitus principiorum respectu habitus Theologici, ergo non potest esse ratio formalis immediatè respectu habitus Theologici, assensusque ipsius; sed sola reuelatio virtualis, siue quod idem est, diuina reuelatio ut applicata per assensus fidei, tanquàm per prima principia huius scientiæ; vnde etiam est cur assensus conclusionis Theologicæ ortu ex nostro discursu mediantibus illis principiis, ut assensus conclusionis formaliter, nõ sit actus fidei, neque virtutis Theologicæ, quia non habet pro obiecto immediato diuinam auctoritatem formaliter reuelantem, sicuti habet fides diuina, sed solum ipsam veritatem complexam assensuum fidei in quantum resoluuntur & innituntur diuinæ reuelationi & auctoritati. Nam ut ex ipsa patet experientia, non assentimur in discursibus Theologicis conclusioni alicui immediatè propter ipsam reuelationem formalem; sed propter assensus fidei positos in præmissis, ut contingit in alijs scientijs: & ratio vniuersalis est, quia intellectus per habitum scientificum, non assentitur ut sic immediatè conclusioni propter immediatam connexionem prædicati cum subiecto, aut ut alij dicunt propter veritatem incomplexam primi medij termini, sic enim non indigeret discursu aut formali, aut obiectiuo, sed propter connexionem medij termini cum extremis, in qua consistit veritas complexa præmissarum; nam præcisè & formaliter, ex vi talis connexionis inferre suas conclusiones: at verò habitus principiorum assentitur suis propositionibus, ex ipsa veritate incomplexa & absoluta extremorum, siue ob immediatam quam inter se habent connexionem, & sic non est idem obiectum formale, eademque ratio sub quâ, habitus scientifici, & habitus principiorum, siue talis habitus sit vnus in specie infima pro omnibus principiis, ut communius docent Philosophi, siue multiplicentur iux-

ta numerum scientiarum non subalter-  
natarum vt volunt aliqui; & consequē-  
ter in casu nostro, diuina reuelatio for-  
malis, quæ est obiectum formale imme-  
diatum, siue ratio sub qua fidei geren-  
tis vicem habuit primorum principio-  
rum in Theologia, non erit obiectum  
immediatum & proximum respectu cō-  
clusionis Theologicæ, dixi obiectum  
immediatum & proximum, nam si lo-  
quamur de obiecto mediato & remo-  
to, certum est explicari posse per ip-  
sammet reuelationem formalem; om-  
nis enim conclusio reducitur ad sua  
principia, vnde si alicui conclusioni as-  
sentimur propter tale principium, & tali  
principio assentimur propter talem as-  
sentendi rationem; sic à primò ad vlti-  
mum assentimur vltimatè, & mediatè  
tali conclusioni propter illam primam  
assentendi rationem: v. g. in discursu  
Theologico in quo iudicamus Christū  
Dominum habere duas voluntates, quia  
habet duas naturas, & iudicamus habe-  
re duas naturas propter diuinam reue-  
lationem, manifestè constat nos mediatè  
indicare Christum duas habere vol-  
untates propter eandem diuinam reue-  
lationem formaliter; & similiter in  
naturalibus, iudicamus hominem esse  
risibilem, propter esse admiratiuum; &  
iudicamus esse admiratiuum, propter  
esse rationalem; & iudicamus esse ratio-  
nalem, propter scipsum; de primo ad  
vltimum iudicamus hominem esse risi-  
bilem, propter rationalitatem per se co-  
gnitam: sic igitur in Theologia vltima-  
tè iudicantur omnia esse vera propter  
diuinam reuelationem, non quidem per  
se scitam, sed per se creditam, ne detur  
processus in infinitum, qui ex Arist. 1.  
Poster. est impossibilis in scientijs.

Tertio probatur conclusio applican-  
do reuelationi virtuali omnes conditio-  
nes requisitas ad rationem formalem  
*sub qua* alicuius scientiæ; communiter  
autem duplex conditio solet assignari.  
Prima, in qua conuenit generaliter cum  
omni lumine intellectuiali, est immate-  
rialitas, seu abstractio radicaliter, & pas-

siuè sumpta, ratione cuius obiectum,  
quasi illuminatur, & est actu intelli-  
gibile; secunda verò est, quod talis ratio  
sit medium, seu principium demonstra-  
tionis, per quod cognoscitur conclusio;  
lumen enim scibile, secundum quod sci-  
bilitas addit supra simplicem cognitio-  
nem, debet esse lumen illatiuum & ma-  
nifestatiuum veritatum mediante illa-  
tione & consequentia, & ita necesse est  
quod abstractio, seu immaterialitas iam  
dicta prius reluceat in medijs seu prin-  
cipijs, vnde ex diuersitate mediorum pro  
vt diuersimode illuminantur sumit D.  
Th. 2. 2. q. 1. artic. 1. & q. 9. artic. 2. ad  
3. diuersam rationem formalem scienti-  
æ. Et quia definitio subiecti alicuius  
scientiæ solet assumi vt principium ad  
demonstrandum proprietates; ideo etiā  
idem S. Doctor in 6. Metaph. lect. vlti-  
ma ex diuersa definitione, seu diuerso  
modo definiendi colligit diuersitatem  
scientiarum. At virtuali reuelationi cō-  
uenit vtraque conditio iam assignata in  
constituenda ratione formali alicuius  
scientiæ: sumitur enim virtualis reuelatio  
ex principijs fidei, quæ sunt luminis  
supernaturalis, & consequenter maximè  
spiritualia & immaterialia, non quidem  
per abstractionem à sensibilibus, sed ex  
diuersa participatione luminis diuini se-  
cundum quam sunt diuersæ reuelationes.  
Et per hanc spiritualitatem seu im-  
materialitatem sic eleuatam discernitur  
Theologia à lumine & intelligibilitate  
naturalis cuiuscumque obiecti aut scienti-  
æ naturalis, vt optime explicat nostrū  
Colleg. Complut. in logica disp. 19. de  
scientia q. 4. Per hoc autem quod ead-  
em principia fidei sumuntur, vt illati-  
ua conclusionum, constituunt rationem  
formalem Theologiæ, in ratione lumi-  
nis scibilis, & virtualis reuelationis qua-  
tenus illatiuo modo, deducunt scilicet  
vnum ex alio, & non simplici manife-  
stant ea quæ continentur virtualiter, &  
deduci possunt ex reuelatis per fidem.  
formaliter; omnes enim conclusiones  
Theologiæ, vel immediatè procedunt  
ex principijs fidei, vel ex aliqua tandem

conclusionem, quæ immediatè procedat ex principiis fidei; nam sicut in alijs scientijs sæpè contingit, vt aliqua conclusio distet à primis principiis illius scientiæ per aliquas demonstraciones intermediarias, ita vt vltima conclusio non procedat immediatè ex primis principiis per se notis, sed ex conclusionibus demonstrationum intermediarum, ita, in Theologia potest accidere, vt aliqua conclusio non deducatur immediatè ex articulis fidei, vel ex propositionibus de fide, sed ex alijs conclusionibus Theologicis, vsque ad primas conclusiones immediatè illatas ex principiis fidei; ceterum sicut in alijs scientijs vltimæ illæ conclusiones non habent rationem scientiæ, nisi in quantum reduci possunt, & resolui in prima principia, ita proportionaliter in Theologia discurrendum, est.

Obijcitur primò, quia S. Thom. 1. parte q. 1. art. 7. dicit omnia pertractari in doctrina sacra sub ratione Dei, quæ verba insinuare videntur deitatem esse rationem formalem sub qua Theologia.

Resp. Sanctum doctorem ibi loqui de subiecto materiali Theologiæ, siue vt alij dicunt, de ratione formali *qua*; illeque particulæ sub ratione Dei significant solum Deum non sub vna ratione, quatenus scilicet est vnus, aut quatenus est Trinus, aut quatenus est creator aut glorificator; sed sub ratione deitatis in vniuersum esse subiectum Theologiæ, vt explicatum fuit superiori capite.

Obijcitur secundò, Theologus in suis discursibus sæpè procedit ex vna præmissa de fide & alia cognita lumine naturali; ergò si veritas complexa præmissarum est ratio formalis obiecti proxima, & immediata respectu conclusionis, aliqua veritas naturalis, saltem ex parte, erit ratio formalis obiecti Theologici assensus, non verò sola reuelatio diuina virtualis, aut mediata.

Resp. ad hoc argumentum concessio antecedenti negando consequentiâ, quia vt dicemus capite sequenti agendo de vnitæ doctrinæ sacre, contra quam di-

rectè pugnat propositum argumentum, licet præmissa naturalis luminis sit minus certa, quam præmissa de fide, in ratione tamen virtualis reuelatæ eodem modo adunatur duplex præmissa de fide, vel altera naturaliter euident.

Possent aliqua alia obijci contra superius dicta, sed quia specialem aliquam difficultatem non continent, libenter ab illis abstinemus. Solum aduertendum est, hoc esse discrimen inter Theologiam, & alias scientias purè naturales, quod cum hæ procedant vt plurimum ex principiis intrinsicis suorum obiectorum, ratio formalis sub *qua* debet esse aliquid intrinsecum ipsis subiectis, & principii siue reale, siue virtuale passionum illius, at verò in doctrina sacra, cum totaliter procedat ex diuina auctoritate & reuelatione, non est necesse vt talis ratio formalis sit aliquid intrinsecum ipsius subiecto, sed sufficit illud extrinsecum, nempe reuelatio diuina: Sicuti si Deus vellet, vt assentiretur huic veritati, quod omnis homo est discursiuus, propter solam sui restitutionem, & reuelationem, tunc homo posset dici subiectum respectu talis assensus, ratio verò formalis, non esset aliquid intrinsecum ipsi homini, v.g. rationalitas, cum nihil tale assumatur ad terminandum eiusmodi assensum, sed talis ratio, seu loco talis rationis, esset diuina reuelatio; vnde colligitur contra aliquos Theologos, non requiri, vt ratio formalis in aliqua scientia, semper sit principium essendi, ex quo suat proprietas illa, quæ dicitur demonstrari, nisi quando cognitio procedit ex intrinsicis principiis subiecti, sed sufficit, si sit ratio cognoscendi, vt contingit in doctrina sacra: Quamuis enim Theologus interdum probet aliquid de Deo immediatè per aliquid intrinsecum ipsi Deo, & similiter de creaturis, tamen vltimatè hoc intrinsecum ad illud extrinsecum commune principium reuocatur, nempe in diuinam reuelationem, sine ordine ad quam nihil penitus spectat ad Theologum, tanquam ipsius proprium.

Quod



Quod ſi inquirat aliquis, quomodo reuelatio iſta ſpecificet realem ſcientiam qualis eſt Doctrina Sacra, cum tamen nihil reale ponat in obiecto reuelato, niſi tantum denominationem extrinſecam reuelati.

Reſp. ex dictis ſupra hoc eodem capite, fidem, & Theologiam non reſpicere quomocumque pro ratione formali reuelationem diuinam, ſed vt ſe tenet ex parte Dei qui actiue reuelat; ſic epim eſt aliquid infallibile, vt conſtat etiam in teſtimonio humano, locutio enim hominis non eſt ſufficiens ad fidem humanam, niſi vt connotat perſonam loquentis, & eius qualitates, vnde ſi per impoſſibile tale lumen, & reuelatio non eſſet à Deo, ſed ab aliqua creatura, ita, vt per illam Deus neque mediata, neque immediata loqueretur, talis reuelatio non eſſet ſufficiens ad diuinam fidem & ad Theologiam in ipſa fundatam, ſed ad aliam iuxta conditionem, & authoritatem loquentis. Ex iſta autem reuelatione duo extra Deum reſultant. Vnum, in obiecto ſcilicet eſſe dictum, ſeu reuelatum à Deo, & hoc eſt extrinſeca denominationis. Alterum eſt ipſa reuelatio paſſiua ex parte noſtri, id eſt illuminatio aliqua actualis, qua nobis innotescunt talia obiecta; quæ illuminatio ſic in nobis per aliquem actum, quo vel ex ſpeciali Dei auxilio, vel etiam per infuſionem luminis habitualis, attingimus aliquam veritatem. Ratio igitur formalis ſiue in fide, ſiue in Theologia quæ reſpicit fidem tanquam ſuum habitum principiorum, non ſumitur ex illuminatione paſſiua in nobis, quia hæc eſt effectus Dei ad extra, & non tam eſt reuelatio, ſeu locutio ipſius, quam auditiõ noſtra iuxta illud Regij prophete pſal. 84. *Audiam quid loquatur dominus Deus*, neque ſumitur ex denominatione illa extrinſeca in obiecto, quod dicitur reuelatum, ſed ex ipſa reuelatione, ſeu locutione Dei à qua talẽ ſuſcipit denominationem; ita quod reuelatio, vt ſe tenens ex parte Dei, ſiue vt includit Deũ teſtem alicuius veritatis, præbeat ratio-

nem formalem; vt autem denominatiue in obiecto, vel illuminatiue in intellectu noſtro, non dicat rationem formalem, ſed ſolum ipſius connotationem. Atque ita ratio formalis doctrinæ ſacræ vt eſt habitus ſcientificus non deſumitur ab aliquo intrinſeco ſui obiecti, vt iam diximus, ſed aliquo extrinſeco, reali tamen, & tenente ſe ex parte Dei, per quod patet ad quaſitum.

# CAPUT V.

*Quod doctrina Sacra ſit vna ſcientia in ſpecie infima.*

**P**RO intelligentia difficultatis obſeruandum eſt primo ex communi doctrina Thomiſtarum, quam explicat noſtrum Collegium Complutenſe in logica diſp. 19. quod vnitas ſcientiæ & habitus pendet, & deſumitur ab vnitate ſui obiecti formalis, ſiue quod idem eſt ab vnitate rationis formalis ſub qua. Ita vt ſi talis ratio ſit vna ſolum vnitate generica, ſcientia etiam, vel habitus, ſit ſolum vna tali vnitate, ſi verò ſit vna in ſpecie infima, ſcientia etiam talem habeat vnitatem.

Secundò notandum eſt nos in præſenti ſolum loqui de Theologia proprio vniuſcuiuſque labore & ſtudio comparata; nũm ſcilicet habeat rationem formalem ſub qua ſpecificam ita vnã, vt omnes eius aſſenſus ſint eiũdem ſpeciei formaliter, an verò ſint diuerſæ ſpeciei, ita quod non ordinentur ſub vno lumine, ſed potius diuerſa lumina ſimul aggregentur.

Tertiò notandum eſt, quod eo proportionali modo ſe habet in doctrina ſacra ſicut in alijs ſcientijs; quemadmodum igitur in alijs ſcientijs, reperiuntur diſcurſus aliqui probabiles, qui nunquã conſtituunt vnã rationem formalem cum talibus ſcientijs, ſed aggregantur illi ſolum materialiter & veluti reductiue; ſimiliter ſyllogiſmi, ſi qui ſunt in progreſſu doctrinæ ſacræ, ex ſolis & meris principijs probabilibus, & opinatiuis,

tiuis, vt contingit maximè in materijs moralibus, vnde tanta oritur opinionum varietas, tales inquam syllogismi vel discursus non pertinent formaliter loquendo ad scientiam Theologicam, sed habitum ab ipsa distinctum generant, quia nec euidenter sunt, nec certi. Quamuis multo magis distinguatur Theologia ab alijs habitibus opinatiuis circa alias materias, quia & incerti sunt, & doctrinam Theologicam non attingunt. Idem dico, si Theologus ita ex humana, seu naturali ratione argumentetur, vt assumat vtriusque præmissas naturales ex Philosophia, vel alijs disciplinis, in hoc enim casu, certum est tales discursus & conclusiones non elici ab habitu Theologiae, neque ad illum pertinere, nisi imperatiue, assistente solum Theologo per suum lumen & habitum Theologicum, & imperante cæteris scientijs, tanquam famulis & obsequentibus, tum ad ostendendum veritates Theologicas non repugnare veritatibus naturalibus, tum etiam quia sæpe possunt iuuare ad easdem Theologicas veritates explicandas vt fusius explicabitur sequenti libro. Quare dum inquirimus, num doctrina sacra sit vna scientia in specie infima, solum loquimur de illa, pro vt comprehendit veritates scientificæ & certò deductas ex principijs reuelatis, vel per subordinationem ad illa, vt quando Theologus argumentatur ex altera præmissa de fide, & altera euidenter nota lumine naturæ. Et in hoc sensu est prima opinio aliquorum Theologorum asserentium, quod in Theologia sunt assensus specie distincti, quando conclusio procedit ex vna præmissa naturali, & altera de fide, & quando procedit ex duplici de fide. Ex alia parte Vasques 1. parte dis. 7. cap. 4. licet existimet conclusiones Theologicas esse eiusdem speciei, siue deducantur ex fide infusa, siue acquisita, quod à fortiori dicendum est si altera præmissa sit naturaliter euidenter cognita; asserit tamen Theologiam non esse vnā scientiam, si complectatur partem moralem.

Nihilominus dicendum est habitum scientificum Theologiae in homine fidei esse vnā speciem, & quidem vnitatem infimam speciei, siue procedat ex vtriusque præmissa de fide; siue ex altera de fide, & altera ex ratione naturali; siue versetur circa speculatiua, siue circa moralia. Sumitur ex scriptura quæ perpetuo loquitur de doctrina sacra tanquam vnica scientia. Sap. 10. *Dedit illi scientiam Sanctorum* Luca. 1. *Ad dandam scientiam saluis*. Sancti etiam Patres scientiam in numero singulari appellant; & D. Thom. 2. parte q. 1. art. 3. in corp. comparat Theologiam potentie visuæ, & in sol. ad 2. Sensui communi, qui propter vniuersalem rationem sui obiecti formalis, cum sit vnus, se extendit tamen ad omnia obiecta sensuum particularium; vnde habet doctrinam illam vniuersalem, nempe *quod nihil prohibet inferiores potentias, vel habitus diuersificari circa illas materias, quæ communiter cadunt sub vna potentia vel habitu superiori quia superior potentia, vel habitus respicit obiectum sub vniuersaliori ratione formali*: certum est autem tam potentiam visuam, quam etiam sensum communem esse vnā simplicem qualitatem, & potentiam, ergo idem afferendum est de doctrina sacra iuxta mentem D. Thom. qui vt omnem dubitandi rationem auferret circa hoc, subiunxit statim *vt sic sacra doctrina sit velut quadam impressio diuinæ scientiæ, quæ est vna & simplex omnium, id est omnium obiectorum*. Vbi tamen aduertendum est S. Doctorem non comparare Theologiam, vel doctrinam sacram cum scientia diuina & diuino lumine in ordine ad simplicitatem quantum ad actuales cognitiones; nam sine dubio plures sunt hæc scientia, cum tamen scientia diuina sit vna numero cognitio infinita: sed quantum ad habitum, & scientiam habitualement, ita vt sicut diuina scientia vna simplicissima manens extendit se ad infinita & diuersa obiecta, ita doctrina sacra cum sit scientia altissima, & per ipsum

sum lumen inspirationis efficaciam habeat, ipsa vnica manens non multiplicata diuersarum rerum considerationem habet. Vide D.Th.in 1. dist. 1. q. 1. prol. artic. 1.

Specialiter quod doctrina Sacra sit vna, & eadem etiam quando tractat de moralibus, constabit magis ex dicendis cap. sequenti, vbi ostendemus esse habitum, simul formaliter eminenter speculatiuum, & practicum.

Fundamentum conclusionis est quia vnitas speciei infimæ ea est, quæ vltius in alias species subdividi nequit, sed solum in plura numero singularia, at qui eiusmodi est vnitas totius Theologiæ viatorum, siue versetur circa Angelos, siue circa creaturas corporales, siue circa mores hominum, aut alia huiusmodi, ergo Theologia est vna scientia in specie infima; Maior est certa, nec ab ullo negari potest; probatur ergo minor, quia Theologia considerat omnia supradicta, non solum sub eadem ratione formali virtualis reuelationis, sed etiam per ordinem ad vnicum, & simplicissimum, obiectum adæquatum videlicet Deum, vt diximus supra. Confirmatur hoc argumentum; Si non solum ratio formalis sub qua, sed etiam ratio formalis, quæ in aliqua scientia esset prorsus vna, & eadem in specie infima, tunc habitus illius scientiæ esset proculdubio vna simplex qualitas in specie infima, si quidem nihil aliud præterdicta requiri posse videtur ad hoc, vt aliquis habitus acquisitus sit vnus in specie infima, & de tacto si datur aliquis habitus partialis in aliqua scientia, qui sit simplex qualitas in specie infima, talis erit qualem diximus. Sed ita se habet in scientia Theologica, ergo est vnus habitus in specie infima simpliciter, vnaque simplex qualitas. Atque hinc etiam est cur multo facilius assignari possit in Theologia vnitas, quàm in omnibus alijs scientijs; nam in alijs scientijs non ita facile devenitur ad aliquas primas rationes incomplexas, circa quas immediatè versentur prima principia complexa talium scientiarum & quæ

assumantur tanquam media in primis demonstrationibus illarum scientiarum; Sicut in Theologia, quæ considerat Deum non sub quavis consideratione, sed sub ratione adæquata deitatis, in quantum per principia fidei possumus multa de ipso, aut de alijs consideratis in ordine ad ipsum inuestigare; Vnde sicut omnes assensus fidei sunt eiusdem speciei infimæ, ita vt habitus fidei infusæ sit etiam vna simplex qualitas; ita etiam omnes assensus Theologici, vt potè conclusiones deductæ ex vnico principio reuelationis diuinæ, applicato medijs assensibus fidei, erunt eiusdem speciei infimæ, & consequenter Theologia erit vnus habitus scientificus in specie infima.

Probat 2. Conclusio rejicienda fundamenta aliarum sententiarum, quia si esset aliqua ratio, quare scientia Theologica non est vnus habitus in specie infima, maxime quia Theologus sæpè procedit in demonstrandis suis conclusionibus ex vna præmissa de fide, & altera lumine naturali nota; aut etiam, quia non solum circa obiecta speculabilia, sed etiam practica se extendit, sed hæ rationis non obstant, quia siue Theologus procedat ex duabus præmissis de fide, aut ex altera de fide, & altera lumine naturali nota, siue versetur circa moralia, & circa speculatiua, semper procedit sub eadem ratione formali, scilicet respiciendo omnes suas conclusiones, vt virtualiter reuelatas, & ex eisdem fidei principijs deductas; ergo non est cur denegemus Theologiæ quod sit vnicus habitus in specie infima. Maior huius argumenti est certa, continet enim fundamentum oppositarum sententiarum, vt de solummodo probanda est minor. Et 1. quo ad primam partem, scilicet quod conclusio deducta ex vna præmissa de fide solum, & alia cognita lumine naturali, non extrahatur a ratione formali virtualiter reuelatæ, sic ostenditur, quia talis conclusio non inferitur ex tali præmissa naturali quomodocumque, sed ab ipsa vt coniuncta & eleuata à præmissa de fide, participatque de eius certitudi-

ne

ne non quidem intrinsecè sed extrinsecè per approbationem, & correctionem, seu iudicium de ipsa factum à fide, quatenus non reprobatur illam, vt repugnantem sibi, sed potius assumit vt veram: Vnde omnes Conclusiones Theologicæ per euidenter consequentiam deducunt, etiam si altera præmissa sit solum nota lumine naturali, si negentur eadem censura qualificantur, scilicet vt erroneæ, & secundum præsumptionem hereticæ, vt patet in hoc discursu, in quo ex duplici natura in Christo Domino inferitur duplex voluntas ex vna præmissa naturali, sic. *Omne illud suppositum quod habet duas naturas intellectuales, debet etiam habere duas voluntates, sed Christus Dominus subsistit in duabus naturis intellectualibus creatis nimirum & increata, humana, & diuina, ergo Christus Dominus habet duas voluntates.* Aut etiam si quis ex humana natura in Christo inferret aliquam proprietatem, sic: *Omne illud quod est homo est risibile, sed Christus est homo, ergo Christus est risibilis.* Vbi si quis negaret consequentiam præsumeretur hereticus; ergo signum est manifestum, quod licet præmissa naturalis luminis sit minus certa, quam præmissa de fide; in ordine tamen ad inferendum aliquid virtualiter reuelatum, eodem modo adunatur duplex præmissa de fide, vel altera naturaliter euidens, quia etiam duplex præmissa de fide solummodo deducit mediante consequentia naturali, veritatem aliquam virtualiter reuelatam, quæuis enim vtraque præmissa secundum se sumpta sit de fide, connexio tamen earum inter se ad inferendum non est per fidem cognita, sed naturali discursu, & ex reuelatis deducta, & ita vniuocè conuenit cum connexione quæ est inter præmissam de fide, & de lumine naturali, non quidem vt præcisè naturalis certitudinis est, sed vt extrinsecè participat de certitudine præmissæ supernaturalis fidei in quantum ab ea approbatur, & corrigitur. Quod est valde notandum, quia propriè loquendo non potest præmissa naturalis componere vnum medium

formaliter cum præmissa de fide ad inferendum aliquid virtualiter reuelatum, nisi per hoc quod illi subordinatur, & ab ea iudicatur, vt potè à Superiori, & quia præmissa naturaliter euidens certitudinem suam regulat, & præmissa sic coniuncta præmissæ superiori de fide insluit simul cum ipsa non diuersa ratione; nec diuerso lumine, in quantum de eius lumine, & certitudine participat, & ita constituitur vna ratio formalis, quæ dicit virtualiter reuelationem, & in dictam, sub qua eodem modo insluit præmissa de fide, & naturalis vt eleuata ab illa, & secundum id quod patet in dicta approbatione illa extrinseca iam dicta. At verò considerando in præmissa naturali, id quod præcisè habet de naturali lumine, naturalique certitudine, hæc non præbet rationem formalem influentem, sed solum ministrantem præmissæ supernaturali de fide, vt veritatem illam virtualiter inclusam in præmissa de fide conformius, & accommodatius ad nostrum intelligendi modum capiamus, quia sæpè melius per ea quæ naturalia sunt, manuducimur ad inuestiganda, & probanda ea quæ in supernaturalibus continentur.

Quod etiam Theologia pro vt extenditur ad partem moralem, semper sub eodem lumine virtualis reuelationis procedat, quæ erat secunda pars minoris superioris argumenti; constat ex hoc quod Theologus, vt Theologus procedit ex principiis reuelatis in scriptura; sed est certum in scriptura multa contineri pertinentia ad præcepta moralia, vnde dicitur 2. ad Timoth. 3. *Omnis scriptura diuinitus inspirata utilis est ad docendum, ad arguendum, ad corripiendum, ad erudendum in iustitia, vt perfectus sis homo Dei ad omne opus bonum instructus.* Ergo Theologus independentè à Philosophia morali potest ex suis principiis reuelatis in scriptura, sive quod idem est, sub eodem lumine virtualis reuelationis discurrere de rebus moralibus, inferreque multas conclusiones ad præcepta moralia pertinentes; itaque

ca, quæ Philosophi tradunt per hanc scientiam approbari debent, & corrigi. Sed de hoc latius capite sequenti. Superest modo vt vnice obiectioni satisfaciamus.

Obijcies ergo contra conclusionem, si habitus Theologiæ esset simplex qualitas in specie infima, vt dictum fuit, sequeretur, quod ille, qui elicit vnum, vel plures descursus circa vnam materiã, v.g. Trinitatis, aut Incarnationis, haberet etiam habitum circa alias materias v.g. Sacramentorum, discurrendo de illis, sed hoc est falsum, & contra manifestam experientiam, ergo &c.

Respondetur ad hoc argumentum, distinguendo maiorem, sequeretur quod ille qui elicit vnum, vel plures descursus circa aliquam materiã, haberet habitum circa alias in ratione principij remoti concedo, in ratione principij proximi nego, deinde concessa minori absolute neganda est consequentia. Habitus igitur Theologiæ, sicut & alij habitus scientifici, dupliciter potest considerari, & comparari ad actus suos, scilicet proximè, & remotè, seu per modum principij proximi, & remoti; remotè quidem eo ipso, quod ipse habitus possidetur, siue sub statu intenso, siue sub statu remisso; proximè autem, non statim refertur, sed posita aliqua conditione; nempe in casu nostro, posita determinatione intellectus per nouas demonstrationes, nouasq; species intelligibiles acquisitas: tunc enim habitus incipit proximè referri ad hanc vel illam veritatem aut conclusionem nouam, ita vt si per impossibile habitus scientifici essent indiuisibiles intensiue, adhuc tamen essent capaces huius nouæ extensionis per connotationem nouæ conditionis explicatæ; vt optimè explicat ex D.Th. 1.2. q. 54. ar. 4. ad 3. & q. 52. art. 1. in fine corporis, notum Collegium Compl. in lib. de Gener. & corrupt. disp. 4. qu. 1. cuius titulus est quomodo fiat augmentum extensionum qualitatum.

*An, & quomodo sacra doctrina sit habitus speculatiuus simul, & practicus.*

**C**um tota præsentis quæstionis resolutio pendeat ex intelligentia istorum nominum. *Speculatiuum & practicum*, necessarium est breuiter explicare quid sit *speculatio & praxis*, à quibus accipitur ratio speculatiui & practici.

Notandum est igitur primo speculationem ex communi sententia significare, quamdam contemplationem rerum, similem illi cognitioni, quam habent, qui ex aliquo eminenti loco inferiora respiciunt; Vnde scientia speculatiua dicitur illa, quæ ita sistit in contemplatione sui obiecti, vt non sit immediatè directiua & ordinatiua, seu regulatiua alicuius operis liberè ab homine factibilis, seu operabilis, per oppositum verò cum praxis tam effectiue, quàm actionem significet, vt patet ex ipsa nominis etymologia, scientia practica vocabitur illa, quæ per se & immediatè est regulatiua & directiua alicuius operis factibilis ab homine, vt operante per intellectum, & voluntatem: propter quod Aristoteles 2. Metaph. text. 3. docuit finem scientiæ speculatiuæ esse veritatem, practicæ verò opus, quia sicuti illa consistit in veritatis contemplatione, ita hæc versatur circa operis directionem. Quod etiam colligitur ex 3. de anima text. 49. quæ loca adducit S. Thomas q. 3. de verit. art. 3. in corpore. Vnde etiam 2. Ethic. cap. 1. docuit cognitionem de virtutibus (quæ pertinet ad practicam scientiam) non esse vt speculemur, sed vt operemur, scilicet ex se, & ex natura sua.

Itaque in scientijs omnes conclusiones procedentes ex recto, & vero discursu, si in se considerentur, vel sunt directiue alicuius humani operis, vel solum cognoscitiue alicuius veritatis; Si primo modo sit cognitio, dici poterit cognitio practica, latissimè sumpto vocabulo practicæ cognitionis, & illud opus,

E seu

seu operatio, cuius ipsa est immediatè directiua, dici poterit etiam latissimè praxis; praxis enim propriè loquendo, nou est ipsa cognitio, & scientia practica, sed opus illud, cuius illa cognitio est ordinatiua, & regulatiua; quamuis alij distinguant, de praxi formaliter, & obiectiue, asserantque formaliter esse actum practicantem, id est dirigentem, & causantem opus, & sic pertinere formaliter ad actum intellectus, qui solus dirigere potest: Si verò sumatur praxis obiectiue, id est pro obiecto ad quod tendit actus practicus, necessariò debere esse aliquid præter cognitionem intellectus, vel saltem dicere ordinem ad aliquid extra intellectum. E contra verò si cognitio se habeat secundo modo, dici poterit, & erit absolutè speculatiua, & idcirca quod versatur, dicitur obiectum speculabile; ita ut primo actui correspondeat habitus dictus practicus, secundo verò speculatiuus, & præmissæ ex quibus procedit prima cognitio, ut sic præcisè dicentur pertinere ad intellectum, practicum, aliæ verò ad speculatiuum; non quia hæc sint duæ potentie intellectiue, realiter inter se distinctæ, cum re vera non sint, nisi vna simplicissima, ut docet D. Thom. 1. parte q. 79. artic. 11. Sed fit hæc distinctio per ordinem ad duos vniuersalissimos actus, ad quos potest se extendere intellectus vnus manens, per diuersos habitus.

Secundò notandum est, quod cum denominatio practici desumatur à praxi, tot modis dici potest aliqua scientia practica, quor modis dicetur, praxis; praxis autem potest dupliciter sumi, siue diuidi in poiesin & energieian, id est in effectiōnem & actionē, & sic omnis habitus practicus in vniuersum, vel est actiuius, vel factiuius, primus pertinet ad prudentiam, quæ dicitur habitus practicus electiuius, & actiuius; Secundus verò ad artem, quæ 6. Eth. cap. 4. dicitur habitus cum recta ratione factiuius, sicuti prudentia dicitur habitus cum recta ratione actiuius, seu electiuius.

Obseruandum est 3. ad rationem propriam practici habitus nō sufficere, quod ex illo possit quouis modo regulari, vel excitari voluntas ad aliquid faciendum, sicuti potest ex contemplatione diuinæ essentia, aut cuiusuis alterius obiecti boni excitari ad amandum; Sic enim nulla dari potest scientia vsque adeò speculatiua, ex cuius contemplatione non consurgat aut exciteetur in voluntate aliquis affectus gaudij, & delectationis ob adeptam alicuius veritatis notitiam, omnes enim homines naturaliter scire desiderant; Sed debet talis habitus, ad hoc, ut sit verè practicus, versari primo per se directè circa praxim, tanquam circa obiectum suum, & cum naturali ordine ad operandum, & esse proxima regula operationis, tradereque ex professo modum dirigendi aliquam actionem, siue elicitam, siue imperatam à voluntate, eamque sine errore perficiendi; Ut rectè aduertit D. Thomas qu. 14. de veritate art. 4. in corpore, his verbis: *Non qualibet relatio ad opus facit intellectum esse practicum, quia simplex speculatio potest alicui esse remota occasio aliquid operandi, sicuti Philosophus speculatur animam esse immortalem, & exinde sicuti à causa remota sumere potest occasionem aliquid operandi, sed intellectum practicum oportet esse proximam regulam operis, ut pote, quo consideretur ipsum operabile, & rationes operandi, & causa operis.* Hæc Sanctus Doctor. Igitur ad hoc ut aliqua notitia sit verè practica, debet esse immediatè ordinatiua, & directiua, versarique circa illud opus, tanquam circa proprium obiectum, cuiusmodi sunt hæc conclusiones, ergo hoc, vel illud, est ita, vel ita faciendum.

Quartò notandum est praxim non esse actionē solius voluntatis, ut volune aliqui colligunt; ex Arist. 1. Magn. Moral. cap. 33. prope finē vbi docet, *Prudentiam non imperare Sapientia, quæ est perfectissima scientia, sed potius preparare illi animum quietum & tranquillum moderando illius passiones.* Sed etiam cuiuscum-

iustumque alterius potentia, atque adeo ipsiusmet intellectus, ita vt actus scientia speculatiua possit dici praxis, pertineatque ad prudentiam moderari, & dirigere talem actum. Quod vt intelligatur, concilianturque varia loca tam Aristotelis, quam D. Th. notandum est actum scientia dupliciter posse considerari, primo secundum speciem actus, secundo quantum ad exercitium actus, primo modo, assensus scientificus, non dicitur dependere à voluntate, sed à suis præmissis, quibus positus intellectus necessitatur ad assentiendum; at secundo modo dependet à voluntate, subiacetque imperio ipsius, quatenus voluntas potest remouere intellectum, ne discurrat in hac vel in illa materia, & posito quod ita permittat, aut velit, tenetur id præstare ex honesto fine, & secundum virtutem, sicuti tenetur in omnibus alijs operationibus; loquendo ergo de actu scientia primo modo, certum est non esse praxim, sumendo praxim obiectiuè, neque regulari posse per prudentiam, sed potius prudentia præparare illi animum tranquillum, si quidem talis tranquillitas maximè iuuat ad comparandas scientias; & hoc solum voluit Aristoteles loco citato Magnorum Moral. nec non D. Th. 1. 2. q. 66. artic. 5. ad 5. quando prudentiam, seu politicam vocat ministram sapientia, imperando scilicet de his quæ ordinantur ad sapientiam; siue quomodo homines debeant ad sapientiam peruenire. At verò si consideretur actus scientia secundo modo, maximè spectat ad prudentiam, & ad virtutem studiositatis, & est praxis, etiam obiectiuè; quod voluit Aristoteles 1. Ethicorum cap. 3. quando docet Politicam quæ ad prudentiam pertinet, vt dicitur in 6. Ethic. cap. 8. præordinare, quænam scientia & disciplina debeant permitti, & addisci in ciuitatibus, quæ verò non; & D. Thom. 2. 2. q. 47. artic. 2. ad 2. hæc habet: *Dici potest quod ipse actus speculatiua rationis, secundum quod est voluntarius, cadit sub electione, & consilio, quantum ad suum exercitiu, & per consequens*

*cadit sub ordinatione prudentia; sed quantum ad suam speciem, pro vt comparatur ad obiectum quod est verum necessarium, non cadit sub consilio, nec sub prudentia; vbi etiam aduertendum est nos non dicere, quod actus scientia speculatiua, sit scientia practica, sed quod sit praxis, seu quod sit operatio apta aliquo modo regulari & ordinari per scientiam practica modo explicato: & eadem est ratio omnium operationum humanarum siue naturalium, siue artificialium, quæ secundum quod à voluntate libera dependere possunt, suntque ordinabiles ad finem vniuersalem, subsunt Prudentia, & vt sic dici possunt praxis obiectiuè, etiam sumendo praxim propriè, seu, vt dicunt aliqui secundum quod est obiectum scientia practica actiuæ. Per quod facile conciliari possunt duæ opposita sententia, quarum prima asserit praxim esse actum alterius potentia ab intellectu, secunda verò comprehendit sub illa actum intellectus. Quamuis enim operatio, quæ primario, & per se, & per essentiam, (vt ita dicamus) vocatur praxis, à qua reliqua denominantur practica, non possit esse operatio intellectus secundum suam speciem, sed alterius potentia nempe voluntatis in agibilibus, aut potentia exterioris, & transuentis in factibilibus: attamen si consideretur eadem operatio intellectus quantum ad exercitium, quatenus actio est voluntaria, & imperata, simulque dirigitur ab alio reflexo actu intellectus mediante electione, sic habitus prudentia, qui sine dubio est practicus, habet pro obiecto non solum actiones voluntatis, sed etiam intellectus, qui proinde sub illa ratione rectè vocari possunt praxis.*

Vltimo notandum est speculatiuum & practicum, secundum quod in aliquo habitu reperiuntur, dupliciter accipi posse, vno modo limitatè, pro vt sunt differentia constitutiua habituum aut scientiarum inferiorum, & sic vna ratio istarum dicitur impossibilitatem cum alia: alio modo sumi possunt magis illimitatè, pro vt conueniunt in vnicà ratione

tionem superioris ordinis, nam quæ sunt dispersa & diuisa in inferioribus, sunt vnita in superioribus, sicut scientia Dei vna formaliter existens simul est practica & speculatiua, & vtrumque conuenit illi formaliter. His pro intelligentia difficultatis adnotatis.

Dicendum est primò cum D.Th. & alijs, sacram doctrinam sumptam pro Theologia, esse simul practicam & speculatiuam, non quod omnes actus, aut conclusiones ipsius sint simul practice & speculatiue vt volunt aliqui Theologi, sed quod habitus Theologicus sit practicus, & speculatiuus, quia potest se extendere ad conclusiones practicas & speculatiuas. Ita D. Th. 1. parte q. 1. artic. 4. & in prologo sentent. quæst. 1. artic. 3. quæstionc. 1. Potestque sequenti ratione efficaciter probari; nam conclusiones Theologicæ possunt esse, & practice, & speculatiue, ergo etiam habitus, aut scientia Theologicæ erit practica, & speculatiua, consequentia patet, cum enim ex doctrina D. Th. 1. parte q. 87. artic. 2. & alibi sæpe, habitus non possit à nobis cognosci, non tantum an sit, sed etiam quid sit, seu quam essentiam habeat, nisi per actus suos, ad quos ordinatur, sequitur quod ille habitus vocari debeat speculatiuus & practicus, seu habitus scientiæ speculatiue & practice, cuius conclusiones & actus speculatiui sunt & practici, si quidem habitus scientiæ est habitus conclusionum, ordinaturque ad illas tanquam ad suos proprios actus. Primum autem antecedens probatur nam ex principijs fidei, quæ sunt principia huius scientiæ deduci possunt conclusiones, quæ ex se, & immediatè non dirigunt, aut regulant aliquod opus humanum, neque habent pro materia, & obiecto proximo tale opus, sed consistunt in mera veritatis alicuius cognitione de re à nobis non operabili, vt conclusiones quæ inferuntur circa mysteria vnitatis & trinitatis diuinæ, Incarnationis & similia rerum; & possunt deduci conclusiones ex se & immediatè directiue operationum hu-

manarum, vt quod sit ita, vel ita operandum; sed illæ primæ conclusiones sunt speculatiue, hæc verò secundæ practice vt colligitur ex notandis superpositis; igitur in habitu Theologico datur conclusiones practice & speculatiue, quod erat antecedens probandum.

Confirmatur hoc argumentum, habitus fidei non solum est habitus speculatiuus, sed etiam practicus habens pro obiecto summum speculabile & summam rationem agibilem, nam Deus secundum se, quod est obiectum materiale fidei, est summum speculabile, & quia est vltimus finis, est summa ratio agibile, si quidem agendorum ratio desumitur ex fine; ergo etiam doctrina sacra sumpta pro Theologia, non solum erit habitus speculatiuus, sed etiam practicus, quia etiā illa attingit Deum modo capite 3. & 4. explicato, non solum considerando perfectiones illas, quas habet in se, sed etiam pro vt est vltimus finis noster, non quidè operabilis à nobis operatione factiua, sed consequibilis & attingibilis operatione morali; quod sufficit ad hoc vt dicatur obiectiue terminare scientiam, aut habitum practicum.

Dices primò, omnis exclusio Theologica videtur posse esse directiua voluntatis ad bene operandum, imò ad hoc solum videtur esse necessaria, & inuenta, vnde Math. 22. dicitur in his duobus mandatis, scilicet dilectionis Dei & proximi, vniuersam legem pendere, & prophetas; & ad Rom. 1. dicitur de illis qui non operantur benè, quod veritatem Dei in iniustitia detineant, quia veritas Dei, id est vera Dei cognitio per fidem, & doctrinam sacram habita, quantum est de se inducit hominem ad bonum, vnde quando non consequitur hunc effectum, veluti captiua detenta per iniustitiæ affectum ligatur, ergo doctrina sacra non erit habitus simul practicus, & speculatiuus, vt diximus, sed tantum practicus.

Resp. ad hoc argumentum ex 3. notando distinguendo antecedens, remotè, & oc-



& occasionaliter, ac veluti per accidens concedo; proximè & immediatè nego; deinde negandum est absolutè consequens, aut etiam distinguendum, si loquamur de habitu Theologiæ pro vt versatur circa materias practicæ, & ordinatur ad conclusiones proximè & immediatè directiuas operis concedo esse scientiam practicam, si verò consideretur vt versatur circa materias merè speculabiles dico illum, vt sic non denominari, nec esse practicum, sed speculatiuum: & vtroque modo considerata Theologia est necessaria, & inuenta, non solum vt bene operemur, sed etiam vt bene, & rectè diuina intelligamus; & quâuis ipsa sit magis necessaria in nobis ratione status viæ, & vtilitatis nostræ, seu ex fine scientis, vt operemur, quam vt sciamus, sicuti etiam & fides diuina, in quam tanquam in habitum principiorum resoluitur; non tamen necessitas vel vtilitas scientis potest esse sufficiens ratio, cur aliquis habitus scientificus sit practicæ, aut speculatiuus, sed consideranda est ipsa natura scientiæ secundum se, & per ordinem ad suum proprium obiectum: Nam etiam scientiæ purè naturales, vt plurimum, sunt magis necessariæ hominibus ad vitam sustentandam, quam ad sciendum, non tamen propterea desinunt esse speculatiuæ, vnde etiam si aliquis eliceret omnes prorsus conclusiones Theologicas in hunc finem, vt ex illis excitaretur ad bene operandum, vel Deum super omnia diligendum, non propterea tales conclusiones dicerentur essentialiter practicæ, aut secundum suam speciem, sed solum quo ad modum, & finem scientis, siue quo ad exercitium modo supra notando 4. explicato. Per quod patet ad loca scripturæ allata, solum enim probant sacram doctrinam esse practicam quo ad eam partem in qua instruimur ad bene operandum, & præcipitur, aut proponitur nobis aliquid faciendum aut fugiendum, non verò probant, quod non sit dicenda simul speculatiua respectu illius partis, in qua multa sunt confide-

randa, absque villo ordine ad opes per se loquendo, cuiusmodi sunt mysteria Trinitatis & Incarnationis aliaque similia.

Instabit secundo aliquis per oppositum asserendo sacram doctrinam esse scientiam merè speculatiuam, cum quæ procedit modo resolutiuo, tum etiam quia si esset scientia practica, deberet maximè pertinere ad prudentiam si quidem inter habitus practicos solum numeratur prudentia circa agibilia, & ars circa factibilia, sed Theologia non est prudentia; constat enim aliquem posse esse magnum Theologum, & valde imprudentem seu peccatorem, ergo &c.

Resp. ad primam partem huius instantiæ quod quando Aristoteles 2. Metaph. cap. 1. & lib. 6. text. 1. ibid. D. Th. & 1. p. q. 14. artic. 16. & in 2. distinct. 3. quæst. 3. art. 2. & alibi docent, scientiam practicam non procedere modo resolutiuo, sed compositiuo, ibi per procedere modo resolutiuo non intelligitur, quod non procedere debeat per principia necessaria, & consequentiam legitimam, atque adeo demonstratiuè, nam sicut in intellectu speculatiuo datur habitus primorum principiorum speculabilium, ita etiam datur in intellectu practico habitus principiorum operabilium, qui inclinatur ad prima principia operabilia, cuiusmodi sunt, bonum esse sequendum, malum verò fugiendum &c. vnde quæ admodum per discursum legitimum deducuntur conclusiones ex principijs speculabilibus, & assensus illarum pariunt scientiam speculatiuam, ita per discursum legitimum deducuntur conclusiones ex principijs practicis, & illarum assensus generant pariter scientiam practicam; sed intendunt solum dicere, quod illa cognitio non est regula proxima speculandi, resoluendo effectum in causam, conclusiones in principia, inuestigando naturas illorum, sed est regula proxima operandi, inducèdo formam in aliquam materiam operabilem, & ita licet quis possit resoluerè illam conclusionem in sua principia, tamen  
finis

finis huius scientiæ, modusque procedendi ipsius non est iste, sed deducere, & inferre cõclusiones ex principijs vniuersalibus, regulando per talem discursum & assensum, operationes exteriores, & inducendo ad illas.

Ad secundam partem respondetur Theologiam quidem non esse prudentiam proximè & formaliter, sed directiuè & architectonicè, quod sufficit ad hoc vt dicatur scientia practica, vt patet ex his quæ docet D. Th. in 3. distinct. 33. q. 2. artic. 1. vbi ait, *Scientia speculatiua nihil facit ad viuentes morales, scientia autem practica in vniuersali parum, prudentia autem multum*. Vbi supponit manifestè Sanctus Doctor dari aliquam scientiam practicam de vniuersalibus, quamuis non sit formaliter prudentia, sed architectonicè solum se habeat ad illam; vt coniungit in Theologia, sicut enim fides dirigit prudentiam, in quantum credendo dirigit vitam nostram, sic Theologia discernendo ex reuelatis fidei principijs, habet etiam instruere vitam nostram, & dirigere prudentiam; formantur enim discursus prudentiales cõsulendo Theologiam, quæ non solum explicat fidem in his quæ pertinent ad veritatis contemplationem, rectamque rerum diuinarum intelligentiam, verum etiam in his quæ spectant ad bonè operandum, bonamque morum institutionem. Vnde sicut fides quatenus est practica, & per dilectionem operatur habet dirigere prudentiam, & ea quæ ad mores nostros pertinent, & ita dicitur ad Rom. 14. *Omne quod non est ex fide, peccatum esse*, id est quod non est ex recto dictamine, & iudicio fidei dictante aliquid esse bonum, vt exponunt multi Sancti Patres; sic Theologia quatenus explicat fidem in his quæ practica sunt, cuiusmodi sunt præcepta moralia, aut alia quæ traduntur in scripturis, habet dirigere prudentiam. Et cum dicitur quod aliquis potest esse Theologus, & tamen valde imprudens & peccator, respondetur quod tunc in iniustitia detinetur Theologia, manendo ratione su-

biecti in quo reperitur, sine exercitio practico, & extensione actuali ad res practicas, non tamen sine essentiali ratione practici; sicut etiam fides potest dari in peccatore sine hoc quod actu se extendat ad exercitium practicum virtutum; verba autem in definitione posita non dicunt actum, sed habitudinem.

Dicendum est secundò rationem, practici, & speculatiui vt sunt differentiarum habituum inferiorum, diuiduntque illos essentialiter non posse reperiri formaliter in Theologia, sed oportere, quod detur aliquid altius & eminentius illo practico & speculatiui, ita quod totum contineat perfectiorem vtriusque, sed non formalitatem, & limitationem, quæ inuenitur in inferioribus. Hec assertio est communis inter discipulos D. Thomæ, debetque intelligi eo ferè modo, quo explicant Theologi 1. parte q. 14. art. 2. omnes perfectiones simpliciter simplices creaturarum esse quidem in Deo formaliter si considerentur secundum suum conceptum abstractum & perfectum, secus verò si considerentur, secundum quod modo limitato, & determinato reperiuntur in creaturis.

Ratio autem nostræ assertionis desumitur ex illa generali doctrina, quæ assertitur impossibile esse, quod duæ species essentialiter distinctæ coniungantur, & adunentur in aliquo quantumcumque superiori, nisi remota earum oppositione, si quidem species essentialiter distinctæ oppositionem habent inter se; sed practicum & speculatiuum important differentias essentialiter constitutiuas & distinctiuas habituum inferiorum, respiciunt enim vt sic diuersa objecta formalia, diuersosque fines proximos intrinsecos; non verò solum extrinsecos, & ex fine operantis; igitur non possunt congregari eiusmodi rationes in vnico habitu Theologico, nisi remota earum oppositione; remoueri autem non potest illa oppositio, quam diu non remouetur illa forma, & ratio inferior limitata, vnde necessario debet admitti ratio aliqua superior & eminens, in quâ

tota

**nota** quidem perfectio practici & speculatiui reperitur, sed non limitatio & coordinatio causans actualem oppositionem, sicut sensus communis continet superiori modo perfectionem omnium sensuum exteriorum, & intellectus perfectionem omnium sensuum, sed non formalem modum eorum.

Hæc autem eminentialis contentia practici & speculatiui in vnico habitu Theologico, solet dupliciter explicari à Theologis. Primo quia habitus supernaturales, aut originati ab illis, qualis est Theologia quæ innitur fidei rāquam habitui suorum principiorum, induunt modum potentie, & afficiunt intellectum, secundum omnem suam rationem; vnde cū intellectus sit potentia simul practica & speculatiua, illi quoque habitus superioris ordinis, debent illum perficere secundum vtramque rationem, eamque simul induere, non eo modo, quo est in habitibus inferioribus, sed ad illum modum quo est in potentia. Et ita in istis habitibus speculatiuum est radix & fundamentum practici, non tanquam regula extrinseca, sed intrinseca, siue vt conueniens eidem habitui, quemadmodum competit eidem potentie practicum & speculatiuum, & ipsa ratio speculatiui est fundamentum practici, non tanquam regula extrinseca, ipsi potentie, sed in eadē potentia fundata. Vide D.Th. 2.2. q.9. art.3. & 45. art.5. vbi agendo de donis intellectuales scientiæ & sapientiæ, docet ea simul esse practica & speculatiua, perficereque intellectum secundum vtrumque munus.

Secundo explicatur ista adunatio practici & speculatiui in vna ratione superiori & eminenti, ex hoc quod Theologia sit quadam participatio & impressio diuinæ scientiæ, mediante lumine fidei, cui tanquam habitui principiorum innitur. Sicut igitur fides non solum credit Deum esse primam veritatem, quod pertinet ad speculationem, sed etiam versatur circa ipsum vt vltimum finem, propter quem operamur, quod

pertinet ad Praxim, sic Theologia, quæ discurrendo versatur circa ea omnia, circa quæ versatur fides credendo, non solum speculatiue versatur, circa Deum vt est prima & summa veritas, sed etiam practice & directiue circa ipsum, vt est vltimus finis à nobis assequibilis, per virtutum praxim & peccatorum fugā, ita quod vtrumque eminenter habeat, vnde D.Th. loco citato 2. 2. q.4. art.3. dicit per scientiam credibilem & eorū quæ ad credibilia consequuntur nos dirigi in agendis. Quæ autem consequuntur ad credibilia sunt ea quæ vi discursus naturalis Theologia deducit, vt conclusiones confectas ex creditis, seu reuelatis per fidem.

Dicendum est tertio. Habitū Theologiæ debere dici formaliter speculatiuum, & formaliter practicum. Hæc assertio est contra aliquos Theologos existimantes vtramque rationem practici & speculatiui contineri quidē in Theologia, sed eminenter aut virtualiter solum. Verum licet hæc difficultas magna ex parte sit potius de nomine, quā de re, & secundum quod aliqui diuersimodē accipiunt rationes practici, & speculatiui, vt statim dicemus, tamen absolute & simpliciter asserendum est habitum Theologicum esse formaliter tam speculatiuum quā practicum.

Primo quia omnis ille habitus cuius actus & assensus est formaliter practicus, vel formaliter speculatiuus, debet similiter dici formaliter practicus vel speculatiuus, non enim est maior ratio de actu, & de habitu vt per se patet, sed assensus Theologicus in materia practica est formaliter practicus, & in materia speculatiua est formaliter speculatiuus, si quidem ad vtramque rationem nihil aliud requiritur, nisi vt talis assensus sit ex se immediatē directiuius & ordinatiuius alicuius operis humani, vel sit in materia speculabili; quod vtrumque præstat per assensus Theologicos, ergo &c.

Secundò probari potest conclusio asserendo rationem vniuersalem, cur ali-quæ

quæ perfectiones quæ reperiuntur diuise in inferioribus, dici possint esse vnitate formaliter in aliquo superiori, vel solum eminenter aut æquiualeuter. Si enim illæ perfectiones in inferioribus dispersæ ad hoc vt sint tales, quales sunt, vtq; deuinent formaliter subiectum illud inferius, in quo reperiuntur, necessario debent inuoluere aliquam imperfectionem aut limitationem, quam non habent in superiori subiecto, tunc non possunt dici esse formaliter in superiori, sed solum eminenter, vel virtualiter seu æquiualeuter; si vero nullam talem limitationem aut imperfectionem includant per se, & in suo conceptu essentiali, quamuis per accidens illam habeant, ratione imperfectionis subiecti in quo reperiuntur, nihil hoc oberit, quin possint dici esse formaliter in superiori sicut in inferiori; vt solet exemplificari in gradu rationalitatis, qui, quia in sua ratione formali & essentiali, dicit esse principium intelligendi per discursum formalem, qui modus intelligendi repugnat Deo ob suam imperfectionem, ideo non est formaliter in Deo, sed eminenter solum, seu virtualiter; at verò quia esse intellectuum vt sic præcisè non dicit talem aut similem limitationem, quæ Deo repugnet, ideo Deus dicitur formaliter intellectuius, & sic de similibus; cum igitur rationes practici & speculatiui ex se non importent aliquam talem imperfectionem aut limitationem, si quidem esse assensum, conclusionis practicæ formaliter nihil aliud præcisè dicit, quam esse assensum regularium operis factibilis ad honestum finem, ex quibuscumque principijs id oriatur, nõ est cur habitui Theologico denegemus rationem practici, formaliter, & etiam speculatiui.

Si quis tamen pertinaciter existimaret habitum formaliter practicum esse illum, qui inclinatur ad assensum practicos circa materiam practicam præcisè, & cum limitatione, vt non inclinet ad aliã materiam, vt contingit in habitu prudentiæ practicæ naturalis in nobis; sic li-

benter concedendum esset rationem practici, similiter & speculatiui, non reperi sub ea formalitate, nec in scientia diuina, nec in habitu Theologico formaliter, sed eminenter solum. Et sic apparet quomodo eiusmodi rationes in habitibus supetionis ordinis possint reperi tam eminenter, quàm formaliter; eminenter quidem, comparatiuè ad practicum & speculatiuum quod est in inferioribus, formaliter vtò, quia propriè, secundum suam perfectionem, non secundum suam limitationem; sicut in anima rationali inuenitur vegetatiuū eminenter & formaliter, eminenter quidem respectu vegetatiui, quod est in planta, vbi ita limitatè est principium vegetandi, vt non se extendat ad alias operationes vitales; formaliter autem quia anima propriè & non metaphoricè habet istum gradum, & sic de similibus.

Dicendum est 4. Practicum, & speculatiuum non dicere in Theologia duos habitus partiales, sed vnum simplicem, qui ratione suæ vltimæ, & essentialis perfectionis, tam ad materias speculabiles, quàm ad materias operabiles, se extendit, & insluit tam in conclusiones speculatiuas, quam practicas. Hæc assertio manifestè sequitur ad ea, quæ superius diximus de vnitatè, & simplicitate habitus Theologici, estque maximè ad mentem D. Thom. 1. parte qu. 1. artic. 4. Vbi comparat simplicitatem & vniuersalitatem habitus Theologici simplicitati sensus communis, & diuinæ scientiæ in ordine ad sua obiecta.

Ratio fundamentalis est, quia diuersitas habituum maximè acquisitorum, non potest aliundè commodius desumi, quam ex diuersitate essentiali actuum in quos inclinant, & per quos generantur, siquidem sola distinctio numerica actuum non potest arguere distinctionem rationum formalium in aliquo habitu, aut potentia, vt per se patet; sed assensus practici & speculatiui in Theologia non sunt actus essentialiter diuersi, aduntenur enim in vna simplicissima ratione obiecti.

## Sectio II. Caput VI. 41

et formalis, virtualis scilicet reuelationis, ergo non potest ex his colligi diuersitas vlla essentialis in habitu Theologiae practico, & speculatiuo.

Confirmatur hoc argumentum, nam, vna & eadem simplicissima perfectio in aliquo habitu, potest se extendere ad omnem illam materiam, quæ potest cadere sub sua ratione formali; sed materia practica, & conclusio speculatiua potest cadere sub ratione formali obiecti, quam respicit simplicissima perfectio habitus Theologici, ergo eadem simplicissima perfectio potest absque vlla sui multiplicatione se extendere ad vtramque materiam, ita vt idem prorsus habitus Theologiæ, eademque simplicissima perfectio in ipso, quæ est practica, inclinet ad assensum speculatiuos, & eadem quæ est speculatiua inclinet ad practicos, quamuis neque sit, neque denominetur practicus, vt inclinat ad speculatiuos, & vice versa non denominetur speculatiuus vt inclinat ad practicos: Sed tantum suscipit denominationem practici quatenus concipitur in ordine ad conclusiones practicas, atque adeo inadæquatè ex parte obiecti, & quatenus concipitur inadæquatè in ordine ad obiecta speculabilia, habet denominationem speculatiui, & quatenus concipitur adæquatè in ordine ad totum suum obiectum, sub vna & eadem formali ratione virtualis reuelationis dicitur habitus Theologiæ simul practicus, & speculatiuus. Vbi obserua aliud esse obiectum adæquatum, aliud adæquatè sumptum, distinguenda enim sunt aduerbia à nominibus: ergo dicimus adæquatum obiectum Theologiæ esse practicum, & speculatiuum, sed non esse practicum præcisè adæquatè, nec similiter speculatiuum adæquatè, sed vtramque rationem inadæquatè contineri in vna simplici ratione sub qua procedit Theologi in omnibus suis actibus, quæ est diuina autoritas mediata, siue virtualiter sumpta. Vnde licet in actibus Theologiæ reperiri possit differentia essentialis materialis, non tamen ita se ha-

bet in habitu, qui ratione suæ vniuersalitatis non limitatur, neque distinguitur, vt actus ex diuersis materijs partialibus, sed ex ratione formali communi, quæ vna est; & ita idem habitus numero Theologiæ potest esse practicus, & speculatiuus, quamuis non eadem cognitio numero; per quod patet ad objectionem aliquorum desumptam ex hoc, quod practicum, & speculatiuum videantur esse differentie essentialiter diuersæ in assensu actuali scientifico, ita vt non possint eidem actui conuenire, ergo neque poterunt, inquit, eidem habitui conuenire; quidquid enim sit de antecedenti, neganda est consequentia propter disparitatem iam allatam, si enim conclusio practica, non est conclusio simul speculatiua, non est propter diuersitatem formalem, sed propter diuersitatem materialem essentialem, quod non accidit in habitu propter rationem iam dictam.

Dices, assensus Theologici circa materias morales aut practicas, & assensus circa materias speculatiuas materialiter differunt specie, ergo ex hac diuersitate essentiali materiali poterit sumi diuersitas essentialis specifica in habitibus illarum conclusionum, ita quod solum habeant rationem vnã genericam proximam communem, non autem specificam, sicuti si per impossibile daretur aliquis homo compositus ex anima rationali eiusdem speciei cum nostra, & ex materia diuersæ speciei à nostra, qualem asserunt aliqui Philosophi esse materiam celestem, ille homo differret essentialiter à nobis, saltem materialiter, sicut etiam & cognitiones versantes circa tales homines tanquam circa obiecta, quauis possent conuenire in aliquo genere proximo ratione vnitatis essentialis formæ.

Respondetur ad hoc argumentum, negando consequentiam; quia licet illi assensus materialiter considerati dicantur essentialiter diuersi, tamen non possunt dici simpliciter & absolute essentialiter diuersi, si quidem ab-

solutè non specificantur à materia, sed à ratione formali assentiendi, aut cognoscendi; Vt constat in actibus omnium potentiarum v.g. potentie visionis cuius visiones materialiter consideratæ, v.g. nigri & albi, sunt essentialiter materialiter diuersæ, non tamen absolutè, aut formaliter propter eundem rationis obiectum in qua conueniunt eiusmodi obiecta ad terminandam vnā specie potentiam. Cum igitur supradicti assensus, aut actus Theologici, non tendant in tales materias propter seipsas, vt sunt essentialiter diuersæ, sed propter rationem formalem assentiendi, quam supponimus esse eandem specie, ideo illi actus debent absolutè dici eiusdem essentia formaliter, atque adeo habitus Theologicus ipsis correspondens.

Ad exemplum in argumento allatū. Resp. negando paritatem, nam materia illa in exemplo, esset pars intrinsecè & essentialiter componens talem substantiam humanam, atque adeo nihil mirum si talis homo intrinsecè quamvis ratione suæ materiae differret specie, imò & generare proximo; at verò in casu nostro illa materia circa quam versantur assensus Theologici, aut alij actus cuiuscumque habitus in specie infusa, non est pars componens ipsos, sed aliquid solum extrinsecum terminans habitudinem eiusmodi actuum, & ita licet illi duo actus practici & speculativi possint dici differre specie materialiter, ratione diuersæ materiae circa quam versantur, non tamen dici possunt intrinsecè, & in se absolutè differre specie: & hæc est ratio generalis, cur diuersitas materiae, non est apta diversificare formaliter, & intrinsecè actus cognoscitivos cuiuscumque habitus aut potentie. Concludendum est igitur eundem prorsus habitum Theologicum in vna specie infusa esse simul practicum, & speculativum, ita vt eiusmodi rationes secundum id quod dicunt in recto in habitu Theologico nullæ prorsus ratione distinguantur, sed sint vna simplicissima eius quidditas, & per-

fectio significata hoc nomine habitus Theologicus; & solum distinctio sit secundum id quod dicunt in obliquo, & per inadæquatam eiusdem simplicissimæ perfectionis conceptionem; eo fere modo quo Theologi 1. parte q. 15. dicere solent scientiam simplicis intelligentiæ in Deo, & scientiam visionis, non esse nisi vnā simplicissimam formalitatem scientiæ diuinæ, & non duas formalitates ratione distinctas secundum id quod dicunt in recto, sed solum secundum id quod in obliquo, & veluti materialiter important: Et quo pacto potentia intellectiua, qua possumus cognoscere accidens, non est distincta à potentia qua possumus cognoscere substantiam, aut aliam rem, secundum id quod dicunt in recto; sed sunt vna simplicissima potentia intellectiua, quæ potest inadæquatè concipi per ordinem ad plura sua obiecta inadæquate materialiter sumpta.

Dicendum est quinto & vltimò habitum Theologicum ita esse practicum simul & speculativum ratione diuersarum materialium, quas sub vnica ratione formali diuinæ reuelationis virtualis potest attingere, vt tamen sit magis speculativus quam practicus, vt obferuat D. Thomas 1. parte q. 1. artic. 4. quod non debet intelligi quasi Theologia sit speculativa, respectu sui obiecti primarij solum, practica verò respectu secundarij, vt voluit aliqui, hoc enim est falsum, cum tam respectu sui obiecti primarij, quam secundarij vtramque sortiatur rationem, nam licet primarium obiectum quod est Deus, non sit operabile operatione factiua, est tamen attingibile operatione morali, per amorem tanquam finis vltimus, & regula actionum nostrarum, & sic practica cognitioni subiaccere potest; similiter virtutes, & operationes nostræ etiam sunt speculabiles, & ita Theologus regulatiue, atque directiue se extendit ad illarum praxim, vt etiam de earum natura & quidditate differat.

Igitur dicendum est Theologiam per se absolutè sumptam, & secundum suam naturam vocari speculativam magis,

gis, quam practicam, quia, cum he denominationes defumantur in habitu per ordinem ad diuerfas materias, speculabilem scilicet, & agibilem, longè plures sunt materiæ in Theologia pertinentes ad speculationem, quam ad praxim; Sicur etiam lumen fidei, quod sequitur Theologia, principalius respicit Deum vt veritatem in se, quam quoad assequibilitatem practicam eius vt vltimi finis, eo quod plures & principaliore fidei articuli sint de his quæ pertinent ad Deum in se.

Obseruandum est tamen nos dixisse Theologiam esse magis speculatiuam, quam practicam, loquendo de ea absolute, & secundum suam naturam, nam si de eadem agamus subiectiue quoad

nos, & pro vt in nobis existit, maxime que in statu huius vitæ, asserendum est e contrario esse practicam magis quam speculatiuam, cum finis proximus nostre fidei, & consequenter Theologiæ ex parte subiecti sit salus animarum nostrarum, quam assequimur per meritorias operationes, quæ maxime pertinent ad praxim, vt constat ex Epist. 1. B. Petri cap. 1. ijs verbis: *Reportantes finem fidei vestra salutem animarum vestrarum*, & 2. ad Timotheu. cap. 3. *Omnis scriptura diuinitus inspirata utilis est ad docendum &c. Vt perfectus sit homo Dei*, & 1. ad Cor. 3. *Scientia inflat, charitas edificat*, tandem D. Iacobi 4. *Scienti & non facienti peccatum est illis*.

## SECTIO TERTIA

De certitudine doctrinæ Sacræ comparatiuè ad alios habitus.

### CAPVT PRIMVM.

*Quod habitus primorum principiorum doctrinæ Sacræ sit fides supernaturalis.*



**C**VM certitudo in scientijs principaliter proueniat ex primis earum principijs, primum quod in hac sectione occurrit determinandum, est, nùm ad doctrinam sacram, vt est habitus scientificus, requiratur fides supernaturalis. Supponendum est enim ex 2.2. in tractatu de fide, quod de rebus diuinis, & supernaturalibus possumus habere fidem, non solum infusam & supernaturalem, sed etiam acquisitam & humanam, quia possumus credere rebus diuinis propter aliquod solum motiuum humanum acquisitum, vt contingit in hæretico, qui discredendo aliquem articu-

lum fidei, reliquos articulos fide humana siue acquisita credit, quia non innititur motiuo diuino, prout à Deo proponitur infallibiliter per Ecclesiam, sed pro vt sibi videtur ex spiritu particulari, iudicioque proprio, quod est fallibile, sufficit autem ad fallibilitatem, quod ex aliqua parte, v.g. proponētis, possit esse dubium de certitudine rei propositæ. Igitur est difficultas inter Theologos, an sufficiat ad veram Theologiam cognitio mysteriorum, & articulorum fidei, quæ sunt principia Theologica, habita per fidem humanam acquisitam, an verò de fideretur habita per fidem infusam aut supernaturalem, ita vt illa semel deperdita, amittatur etiam habitus Theolo-

gicus. Et quidem Gabriel Vasques asserit ad Theologiam, non requiri talem assensum fidei, sed quod sit scientia acquisita ex articulis humana fide creditis.

Sed contraria sententia est longè communior & probabilior, scilicet doctrinam factam, pro vt dicit habitum scientificum, qui versatur ex discursu circa conclusiones deductas ex principijs fidei supponere debere illa credita fide infusa & supernaturali, ita vt nullo modo comparari possint inter se Theologia Catholicæ & Theologia Hæreticæ, etiam in his quæ hæreticus non negat.

Deducitur assertio primo ex D. Augustino lib. 14. de Trinitate cap. 1. vbi loquendo de doctrina sacra, ait esse scientiam qua fides saluberrima gignitur, nutritur, & roboratur. Quælibet enim scientia superior qualis est Theologia, quasi in duas partes diuiditur: altera est qua ex principijs deduct conclusiones: altera est præambula, qua videlicet reflectendo supra sua principia, explicat ea & tuerur per probationes saltem à posteriori, & hoc modo Theologia iuxta nientem D. Augustini loco statim citato habet gignere, nutrire, & roborare fidem, quam vocat D. Augustinus saluberrimam, sed hoc non potest competere fidei humanæ acquisitæ, ergo fides ex qua procedit Theologia & quam defendit, debet esse fides infusa, & supernaturalis, quæ sola saluberrima potest appellari.

Confirmatur hoc argumentum, quia si Theologia solum inniteretur articulis fidei creditis, humana fide, non posset efficaciter, imò neque aptè & congruenter, vt expedit Ecclesie nutrire, tueri, & roborare fidem, quod iniuriosum est Theologiae, & Theologis, vt patet ex dictis sectione prima huius libri cap. 3. Sequela autem probatur, nam etiam hæretici possent adducere humana testimonia, & dicere fide acquisita se aliter assentiri veritatibus fidei, quam assentiantur Catholici, vt igitur Theologia nostra possit efficaciter procedere contra Hæreticos, & erudire Catholicos, necesse

est, quod habeat pro regula salutem mediata diuinam reuelationem fide supernaturali creditam, & ab Ecclesia propositam.

Dices quando fidelis Theologizat, plerumque non recordatur fidei infusæ, nec elicit actum illius, ergo Theologia fidelium non innitur fidei infusæ, sed acquisitæ solum.

Resp. primo, hoc argumentum esse valde inefficax, nam si quid probat, probat etiam, nec Theologiam inniti fidei humanæ, si quidem potest contingere, quod aliquis non recordetur talis fidei, nec eliciat actum illius in Theologizando.

Secundo Respondetur, quod licet non semper actum credat fidelis fide supernaturali quando Theologizat, præsuppositiue tamen, & virtualiter credit, quia ex adhæensione & certitudine in ipso manente, & relicta ex rebus per fidem infusam creditis procedit ad conclusiones, quod sufficit; si quis tamen nec aqualiter nec præsuppositiue fide infusa assentiretur articulis fidei, hoc ipso non procederet Theologicè, quia nec certò, nec infallibiliter, vt statim dicitur.

Deducitur secundo nostra conclusio ex D. Th. 1. parte q. 1. artic. 5. vbi comparans certitudinem doctrinæ sacre cum alijs scientijs dicit, *Quod alia scientie certitudinem habent ex naturali lumine rationis humana qua potest errare, hæc autem certitudinem habet ex lumine diuinæ scientie qua decipi non potest.* Ergo ratio formalis Theologiæ sumitur ex lumine diuino, habente talem certitudinē, quod errare non possit, hoc autem solum competere potest fidei diuinæ infusæ, non autem acquisitæ, quæ innitur principio, & motui fallibili, ergo non potest Theologia in illa fundari, nec procedere ex principijs sola fide humana creditis, sed fide infusa & supernaturali.

Confirmatur, Theologia est verus habitus scientificus, ergo debet esse certus, sed si procederet ex articulis fidei humana fide creditis non haberet cer-



certitudinem, si quidem fides humana est eiusdem rationis cum opinione, & essentialiter est incerta, quia innititur testimonio humano, quod est fallax, nam omnis homo mendax: igitur cum tota certitudo conclusionum desumatur ex principijs, non potest deduci ex principijs incertis, qualia sunt principia fidei humana credita, conclusio aliqua certa qualis requiritur indispensabiliter ad habitum scientificum, cuiusmodi est Doctrina Sacra, sive Theologia.

Dices Theologiam non esse quomodocunque scientiam, sed subalternatam scientiæ beatæ, ita ut fidem solum requiratur pro statu in quo non continuatur suæ subalternanti; ergo fides non deseruit ut præbens principia per se Theologiæ, sed ut supponens illa, sicut etiam in alijs scientijs subalternatis quando non continuantur subalternantibus contingit, ad hoc autem sufficit quæcunque fides, quia sufficit præsupponi quod dentur talia principia, ergo non est necesse ad Theologiam ponere fidem insulam, sed sufficere potest illa fides, quæ præsupponat dari talia principia supernaturalia in superiori, scientia beatorum.

Resp. hoc argumentum tangere gravem illam difficultatem de continuatione scientiæ subalternatæ cum subalternante, quam D. Th. q. 14. de veritate artic. 9. ad 3. requirit dicendo, *quod ille qui habet scientiam subalternatam, non perfectè attingit ad rationem sciendi, nisi in quantum eius cognitio continuatur quodammodo cum cognitione eius, qui habet scientiam subalternantem*. Pro cuius doctrinæ intelligentia notandum est, quod quando aliquis intellectus elicit conclusionem ex præmissis acceptis ab aliqua scientia, vel intellectu superiori, quæ ipsa sunt certæ, & evidentes illi scientiæ, aut intellectui superiori, quadrupliciter intelligi potest continuari, seu uniri & copulari (quæ omnia dicuntur metaphoricè, & propterea D. Thomas loco citato addidit illam particulam quodammodo) intellectui & scientiæ superiori; primo per meram suppositio-

nem, id est supponendo præmissas illas esse certas, & evidentes, etiam si ipsi nullo modo, nequidem probabiliter cõsister de talium præmissarum certitudine aut veritate, quomodo quilibet Philosophus Gentilis qui nullam fidei nostræ veritatem notitiam habet, iudicare posset de conclusione aliqua Theologicæ, si supponeret principia fidei ex quibus deducitur, esse certa & evidenti alicui intellectui, & hæc continuatio huius intellectus ad intellectum superiorem, non est sufficiens, ad hoc ut respectu intellectus inferioris, illa conclusio possit vocari scientia imo neq. opinio absolute: nam re vera hic nihil scit absolute aut opinatur. Secundò potest fieri continuatio ad scientiam vel intellectum superiorem, medio aliquo iudicio, quo intellectus inferior iudicat illas præmissas, ex quibus deducit conclusionem, esse certas, & evidentes, non quidem sibi, sed scientiæ superiori; sed iudicat hoc solum probabiliter, & opinatiuè, seu per fidem humanam: & hunc etiam continuationis modum intendimus nulla ratione sufficere, ut conclusio elicitæ ab intellectu inferiori possit dici verè, & propriè scientia, etiam si præmissæ sint certæ, & evidentes intellectui, aut scientiæ superiori; Ratio est ex dictis quia ad scientiæ propriè dictam, desideratur ad minimū iudicium certum excludens formidinem oppositi, quod non potest contingere in casu nostro, nam licet illæ præmissæ sint evidentes, & certæ scientiæ superiori, tamen respectu intellectus inferioris non sunt tales, ut supponitur, & quavis iudicet illas esse certas & evidentes intellectui superiori, id etiam probabiliter solum & opinatiuè iudicat, non potest igitur ex illis inferre certum & indubitatum conclusionis assensum, cui non possit conclusio esse magis vera & certa, quam sint præmissæ, à quibus deducitur in intellectu deducens: vnde in scientia subalternata, Si Musicus v.g. quando infert ex principijs ab Arithmetica sumptis, aliquam conclusionem, solum probabiliter & opinatiuè iudicet illa

illa principia esse vera, nullo modo talis conclusio habebit respectu sui intellectus rationem scientiæ, siue assensus scientifici, cum non sit certa, sed dubia sicuti & præmissæ.

Tertio potest fieri continuatio intellectus inferioris ad superiorem, per iudicium certum & evidens, quo intellectus inferior, qui elicit conclusionem, certo & evidenter cognoscat illas præmissas esse veras, & evidentes in scientia superiori. Et hæc continuatio sufficit, ut conclusio elicta ab intellectu inferiori habeat veram rationem scientiæ; imo sine tali continuatione intellectus, aut scientiæ inferioris ad superiorem, existimant aliqui nullam cognitionem, purè naturalem intellectus inferioris posse habere veram rationem scientiæ, cum in re merè naturali, non possit esse iudicium certum & infallibile quale ad habitum scientificum desideratur, sine evidentia aliqua, quam evidentiam tamen diversimodè explicant Logici agendo de subalternatione scientiarum.

Quarto tandem & ultimo potest fieri continuatio per iudicium certum, sed nō evidens, quo intellectus inferior certo cognoscat, & infallibiliter illa principia esse vera, & evidentia scientiæ superiori, licet ipse non habeat talium rerum evidentiam: & hoc peculiariter in fide divina contingit; sicuti peculiare est illi, esse notitiam certam, & infallibilem, quamvis obscuram, & inevidentem. Et hæc continuatio intellectus Theologi ad intellectum & scientiam Dei, & beatorum, per certum & indubitatum præmissarum assensum, licet obscurum & inevidentem indispensabiliter requiritur ad hoc ut Theologia habeat veram & propriam rationem scientiæ.

Quare ad argumentum in forma. Resp. concessio antecedenti; & prima consequentia negando subsumptum, quia ad præsupponendum principia in scientia superiori evidenter nota, non sufficit quæcumque fides, aut credulitas, sed illa requiritur quæ excludat omnem for-

midinem oppositi, unde quæque propter naturam talis exclusio, siue ab experientia, siue à connotatione intellectus, vel scientiæ superioris, siue ab aliquo alio principio. Quod si scientia subalternata taliter præsupponat illa principia, ut æquè facile illa negare, vel affirmare possit, talis non habebit scientiam, sed meram opinionem. Ille autem qui fide supernaturali non præsupponit principia Theologiæ, maxime si sit hæreticus, qui proprio arbitrio ducitur, & quædam principia recipit, & quædam non, & sic est dispositus, ut cætera etiam neget, si ita sibi videatur, taliter est affectus ut principia Theologica æquè negare, vel affirmare possit, unde talis caret scientia Theologiæ.

Ex dictis facile inferitur resolutio illius difficultatis nūm habitus Theologiæ sit diversus ab habitu fidei infusæ siue supernaturalis; cum enim in omni doctrina, & disciplina discursiva habitus primorum principiorum & habitus conclusionum sint essentialiter, ac realiter diversi ut docet D. Tho. in 3. distinct. 2. 3. q. 1. art. 4. quæstiuncula 3. ad 3. 1. 2. qu. 5. 1. art. 2. ad 3. & alibi sæpè dum dicit habitum intellectus, seu primorum principiorum esse aliquo modo à natura habitus verò scientiæ causari per discursum ex primis principiis vsque ad ultimam conclusionem, cum inquam tales habitus inter se distinguantur, & ita doctrina sacra, quatenus est discursiva aut habitus scientificus, siue conclusionum, habitus fidei infusæ, se habeat, ut habitus primorum principiorum valet consequentia quod habitus fidei de qua loquimur, sit alius realiter & essentialiter ab habitu Theologiæ. Quod adhuc probari posset ex diversis ratione formali utriusque habitus, & ex hoc quod habitus fidei diuinæ sit habitus supernaturalis & per se infusus, habitus verò Theologiæ sit naturalis & acquisitus, sed de primo iam sufficienter diximus scilicet in superiori cap. 4. de secundo autem agitur infra.

Supereft solum ut explicemus quædam authoritatem D. Tho. in 2. dist. 14. qu. 2.

qu. 2. artic. 4. ad 6. Vbi expressè habet. *Quod non alius est habitus principiorum, & conclusionum quæ eliciuntur ab eis.* Quia enim ibi loquatur principaliter de conclusionibus, quæ versantur circa singularia, tamen vniuersaliter loquitur vt patet ex illa particula, *præcipue*: ergo non bene colligitur ex hoc principio quod habitus Theologiæ & habitus fidei, sint habitus realiter, & essentialiter distincti, sed potius quod sint vnus & idem habitus.

Respondetur conclusionem aliquam dupliciter contineri posse in præmissa, seu principio aliquo; primo formaliter; secundo, virtualiter; formaliter contineri dicitur singulare, in vniuersali, vt pars in suo toto, v. g. in hoc principio vniuersali, omnis homo est rationalis, continetur hæc particularis hic homo, v. g. Petrus est rationalis, & in hoc vniuersali omne totum est maius sua parte, continetur hoc singulare, nempe hoc totum est maius sua parte: Quando verò aliqua conclusio præcisè continetur in suo principio, vt effectus in causa, tunc dicitur contineri solum virtualiter, vt accidit ordinariè in alijs conclusionibus. Dicendum est igitur, quando conclusio formaliter continetur in suo principio, tunc non esse necessarium alium habitum ad assentiendum, principio, & conclusioni, si quidem per eundem habitum intellectus, quo iudico, omne totum esse maius sua parte, iudicare etiam possum hoc totum particulare & determinatum esse maius sua parte, & sic de reliquis, quicquid sit etiam per alium habitum possum assentiri eidem conclusioni; & hoc præsertim intendit D. Thomas loco citato dum ait, *præcipue eorum. Quæ sunt circa singularia.* Quia tamen illa particula *præcipue* non excludit alios casus; ideo dicendum est 2. prima principia complexa, de quibus est sermo, dupliciter considerari posse, primo vt veritates per se, & seorsim elicite, in quibus prædicatum & subiectum dicuntur habere immediatam connexionem; Secundo modo vt per artem syllogisticam

disposita sunt illatiua conclusionum, atque adeo aliquo modo inclusa in conclusionibus, tanquam lumina specificantia, & consequenter obiecta formalia ipsarum: Si primo modo considerentur solum pertinent ad habitum principiorum, & nullo modo ad habitum conclusionis: Si secundo modo, sic spectant ad habitum scientificum, qui elicit actum conclusionis terminatum ad præmissas, vt ad obiectum formale, aut rationem formalem sub qua attingit suas conclusiones; sicuti color, & lumen vt obiectum specificans, dicuntur pertinere ad potentiam visiuam, & actum visionis; quamuis si considerentur vt sunt qualitates quædam productæ, pertineant ad suas causas naturales, à quibus producantur, & præterea quia color non videtur, nisi sub lumine, & eodem actu omnino, siue tale lumen se habeat tanquam ratio sub qua potentia visus, siue tanquam conditio, de quo disputant Philosophi, & parum refert ad nostrum institutum, ideo non pertinet ad aliam potentiam videre colorem, & videre lumen, quia ergo pariter eodem actu elicitur conclusio, & attinguntur præmissæ; vt rationes formales conclusionum, ideo vt sic ad eundem habitum spectat elicere conclusionem, & attingere præmissas modo dicto consideratas; elicere autem illas per se & simpliciter, spectat non ad habitum scientiæ, sed intellectus, vt multis alijs in locis docet S. Doctor.

## CAPVT II.

*Quanta sit certitudo conclusionis Theologicæ sine definitione Ecclesiæ, vel cum illa.*

**P**RO explicatione difficultatis notandum est primo conclusionem Theologicam posse considerari dupliciter, & vt explicatam præcisè, & vt deductam. Conclusio Theologica, vt explicata præcisè, est illa, quæ supponit quidem discursum Theologicum, sed vt conditionem solum, immediatè autem & per se inni-

inniditur reuelationi diuinæ, sicuti sunt v. g. articuli, aut prima principia fidei, supra quæ Theologia refectit, explicando illa, & ab aduersarijs defendendo. At conclusionem deductam vocamus illam, quæ inniditur discursui Theologico tanquam rationi formali, quæ conclusio deducta iterum potest considerari dupliciter, primo vt attingitur præcisè ex solo discursu naturali, secundo vt ultra discursum adiungitur illi etiam definitio Ecclesiæ. V. g. in hoc discursu Theologico, in quo ex duplici natura, in Christo Domino inferitur duplex voluntas, hæc veritas complexa, siue propositio quod in Christo sit duplex voluntas potest dupliciter considerari, primo formaliter, vt conclusio est præcisè, secundo veluti materialiter, quatenus præscindendo ab eo, quod inferatur ex illis præmissis, fuit definita ab Ecclesia contra Hæreticos Monothelitas.

Secundò notandum est Conclusionem aliquam Theologicam dupliciter deduci posse, vel ex vna de fide diuina, & altera naturali per consequentiam naturalem, vel secundò ex ambabus de fide.

Tertio notandum est certitudinem, quæ definit D.Th. in 3.<sup>o</sup> dist. 23. quæst. 2. art. 2. q. 3. per firmitatem, seu determinationem intellectus ad vnum, esse in triplici differentia. Prima dicitur obiectiua ex parte rei. Secunda formalis ex parte intellectus. Tertia subiectiua ex parte subiecti. Quibus addunt aliqui quartam quam vocant participatiuam ex parte voluntatis. Certitudo igitur seu firmitas obiectiua est necessitas, seu immutabilitas quædam ex parte obiecti, excludens fallibilitatem, & contingentiam, illud enim obiectum dicitur esse certum & firmum in se, quod habet causas firmas, & infallibiles sue entitatis, & veritatis, ita vt aliquid sit magis vel minus certum, penes causas maioris, vel minoris infallibilitatis, siue illæ causæ sint ab intrinseco, siue ab extrinseco.

Secunda certitudo, quæ dicitur formalis, consistit in actu intellectus, est-

que firma adhesio ipsius ad suum cognoscibile, qui actus cum tangat obiectum ex vna parte, & ex alia determine & afficiat subiectum intelligens, dupliciter considerari potest; vt est enim medium seu ratio attingendi obiectum, certitudo actus importat infallibilitatē, & excludit contingentiam, quæ desumitur ab obiecto; pro vt vero subiectum afficit, excludit dubitationem & hæsitacionem, quod maximè fit quando certitudo fundatur in euidencia rei, nam euidencia est conformis intellectui, & intra proprios terminos illum determinat, & inherere facit: sicque tertia certitudo, quam subiectiuam vocauimus, per ordinem ad subiectum, nihil est aliud quàm certitudo in actu secundum aliquas circumstantias, quæ sumuntur ex aliqua maiori proportionē, quam habet cum subiecto in quo reperitur. Quarta vero certitudo quam participatam vocauimus, quæ ex parte voluntatis se tenet, excludit inconstantiam, vel timiditatem, & maximè spectat ad fiduciam, quæ voluntas constanter rem aliquam aggreditur, quo pacto spes diuina est certissima, non certitudine cognitionis de ipso euentu futuro consequendæ beatitudinis, si quidem nullus de hoc certitudinem habere potest extra reuelationem a Deo factam, & tamen de hoc certissimam habet spem quantum ad certitudinem voluntatis practicam, quæ est certitudo constantia, vt sine timiditate vel inconstantia aggrediatur quis æternam beatitudinem, non propter virtutem, aut vires proprias, sed propter diuini auxilij infallibilitatem ex parte Dei. Spes enim respicit ipsum summum bonum fruendum (scilicet Deum, vt arduum, sumendo ly arduum, non solum passiuè pro eo, quod in se est valde excellens, seu superans nostram facultatem, sed etiam actiuè pro eo quod est vincens difficultatem, & arduitatem, quod est Deus vt adiuuans, & auxilians; sicque spes dicitur habere in viatoribus certitudinem securitatis ex parte auxilij diuini, non certitudinem euentus futuri ex parte subiecti

bicōti sperantis, vt fufius explicat Theologi 22. in materia de fpe. his fuppo-  
fitis.

Dicendum est primò conclusiones Theologicas deductas, vel ex ambabus præmissis de fide diuina, vel ex vna de fide diuina & altera naturali per euiden-  
tem consequentiam, non esse tantæ cer-  
titudinis formalis, atque propositiones ab Ecclesia immediatè definitæ. Hæc  
conclusio est communis inter Theolo-  
gos aduersus Ludouicum Molinam & parte, quæst. 1. art. 2. d. 1. & Gabrielem  
Vasques ibidem disput. 5. cap. 3. tacite  
approbant, quod demonstratio Theo-  
logica, perinde se habet ipsi Theologo  
demonstranti, sicut Concilium, cum de  
fide aliquid esse declarat, se habet toti  
Ecclesiæ. Solum est differentia, quod  
Concilium id, quod definit, omnibus  
proponit credendum, ita vt omnes cre-  
dere teneantur. Ratio verò Theologi-  
ca illis solum proponit, quibus est eui-  
dens consequentia ex articulis fidei. Ve-  
rum ista sententia si illæ dictiones, pe-  
tindè & non secus, ita accipiuntur, vt  
denotent omnino iam æqualitatem, nõ  
verò proportionalem solum conuenien-  
tiam, est omnino falsa, & sequentibus ra-  
tionibus efficaciter impugnari potest.

Nam certitudo quæ habetur solum  
per consequentiam & discursum ex ar-  
ticulis fidei, secundum hoc semper est  
inferior certitudine ipsa immediata fi-  
dei, tùm quia participata est à princi-  
pijs fidei, & sic minor illa tanquam quid  
participatum: tùm etiam quia discursus  
ipse innititur regulis syllogisticis, de  
quibus solo naturali lumine certifica-  
mur, vnde certitudo pendens à tali di-  
scursu aliquid minus habere debet quàm  
certitudo immediata fidei, vt per se pa-  
tet: At certitudo conclusionis Theologi-  
cæ, vt deductæ præcisè, comparatæ  
ad certitudinem propositionis immédia-  
tæ ab Ecclesia definitæ, se habet solum  
sicut certitudo, quæ habetur per conse-  
quentiam & discursum ex articulis fi-  
dei, certitudo verò propositionis defi-  
nitæ ab Ecclesia, tanquam certitudo im-

mediata fidei, ergò certitudo conclusio-  
nis demonstratæ in Theologia est infe-  
rior certitudini propositionis ab Eccle-  
sia definitæ; atque adeo conclusiones  
Theologicæ præcisè deductæ non sunt  
de fide.

Minor in qua est difficultas Proba-  
tur præsupponendo breuiter duo ex his,  
quæ libro tertio fufius à nobis expli-  
cabuntur circa authoritatem Ecclesiæ:  
Primum esse in Ecclesia authoritatem  
infallibilem ex speciali assentia Spiritus  
sancti, ad declarandas, & definien-  
das res fidei, quæ antea definitæ non  
erant. Secundum est Ecclesiam vel pos-  
se definire veritates ipsas, quæ antè per  
discursum, & euidenem consequentiã  
inferebantur, vel posse solum approba-  
re, & acceptare aliquam consequentiã,  
seu discursum tanquam legitimum, ac  
rebus fidei conformiorem, & tunc Ec-  
clesia non procedit definitiue, nec de-  
clarat rem aliquam esse de fide, sed ap-  
probat solum, id quod in tali materia à  
Theologis discutitur, vel tanquam pro-  
babiliter acceptat. Igitur quando dici-  
mus in minori quod propositio definita  
ab Ecclesia sit certa certitudine immé-  
diata fidei, ita vt fideles omnes per ha-  
bitum fidei immediatè assentiantur eius-  
modi propositionibus, debet intelligi in  
illo casu quo Ecclesia definitiue proce-  
dit ad declarandas res fidei. Sicque in-  
tellecta Minor colligitur manifestè ex  
D. Thom. 2. 2. q. 5. art. 3. vbi hæc ha-  
bet: *Formale obiectum fidei est veritas  
prima secundum quod manifestatur in scri-  
pturis sacris, & doctrina Ecclesiæ, quæ pro-  
cedit ex veritate prima: vnde quicumque  
non inheret, sicut infallibili & diuina re-  
genti, doctrina Ecclesiæ, ille non habet  
habitum fidei &c.* Igitur ex D. Thom.  
obiectum immediatum, circa quod ver-  
satur habitus fidei, est omnis veritas re-  
uelata à Deo in scripturis sacris, & in  
doctrina Ecclesiæ, atque adeo omnis pro-  
positio immediatè definita ab Ecclesia  
pertinere debet immediatè ad habitum  
fidei.

Deinde probatur ratione eadem.

G

Mi-

Minor, quia veritates ab Ecclesia definitæ tanquam de fide proponuntur omnibus vt credantur, ita vt qui illas negarent, essent hæretici directè & formaliter, vt cõstat ex Concilio Constant. post sess. 45. in condemnatione articulorum Ioãnis Hus, & ex definitione Leonis X. contra Lutherum art. 28. Ergo tales veritates immediatè sunt de fide. Consequentia est manifesta, cum enim hæresis sit error pertinax circa ea quæ sunt de fide diuina, sequitur apertè, quod si negantes propositiones ab Ecclesia definitas sunt formaliter hæretici, sequitur inquam, quod huiusmodi propositiones sint immediatè de fide diuina.

Confirmatur illæ propositiones definitæ proponuntur omnibus, & omnes fideles illis assentiuntur: sed non est signabile aliud lumen in omnibus, per quod assentiuntur immediatè illis propositionibus, præter lumen fidei, ergo pertinent ad fidem, & oppositæ ad hæresim.

Obijcies contra dicta, illud solum pertinere ad fidem immediatè quod est reuelatum à Deo, sed propositiones de quibus loquimur, non sunt immediatè reuelatæ à Deo, sed solum ab Ecclesia declaratæ deducendo illas per discursu, ergo non attinguntur immediatè per fidem, sed mediatè solum, vt conclusiones Theologicæ.

Resp. ad hoc argumentum concedendo Maiorem, verum est enim nihil immediatè pertinere ad fidem, nec Ecclesiam vnquam proponere aliquid tanquam tale, quin sit immediatè reuelatū à Deo vel explicitè vel implicite. Sed neganda est minor, propositiones videlicet ab Ecclesia definitas, vt pertinentes ad fidem, non esse immediatè reuelatas à Deo. Nam quamuis in definitionibus Ecclesiæ præquiratur Theologicis discursus, & disputationes diligentissimæ, quæ per multas cõsequencias & illationes fiunt, sicut Apostoli ad definiendū legalia non esse obseruanda magnā conquisitionem, seu disputationem fecerūt actuum 15. tamen cum venitur ad defini-

tionem, discursus ipse, & disputatio humano modo facta, non est ratio definiendi, & credendi, nec ponitur in decreto definitionis, quia sic disputatum est, sed quia visum est Spiritui sancto, qui illam veritatem primo dixit, & postea manifestauit immediatè contineri in scriptura, vel traditione, non per nouam reuelationem, sed per nouam manifestationem reuelationis antea factæ, ad quod habet Ecclesia assentientiam infallibilem Spiritus sancti: vnde fideles, quando assentiuntur illi veritati, vt definitæ ab Ecclesia, non assentiuntur ex vi discursus, aut disputationis Theologicæ, sed ex ipso testimonio diuino, quia sic visum est Spiritui sancto, & Ecclesiæ proponenti, cuius Authoritate, veritas immediatè reuelata transit ab occulta ad manifestam quo ad nos. Possunt tamen etiam fideles discursum illum formare, quo primo deducta est illa veritas, modo Theologico, & tunc non assentiuntur illi vt definitæ, sed vt illatæ Theologicæ.

Vnde colligendum est primò quod circa aliquem articulum fidei, possunt esse duo assensus, vnus assensus fidei, quatenus nititur immediatè diuinæ authoritati reuelanti, & Ecclesiæ proponenti, & vt sic formaliter pertinet ad fidem, quatenus verò nititur diuinæ reuelationi mediatè, vt sic, est formaliter conclusio Theologica, & materialiter articulus, aut principium fidei. Et ita, licet loquendo de certitudine obiectiua, seu materiali, tanta possit esse certitudo alicuius conclusionis Theologicæ, quanta articuli fidei, aut alicuius propositionis ab Ecclesia definitæ, si quidem potest contingere vt aliqua cõclusio Theologica sit alias articulus fidei, tamen loquendo de certitudine formali, conclusio Theologica purè deducta nunquam potest pertinere ad certitudinem articuli fidei, siue propositionis ab Ecclesia definitæ, dixi, conclusio Theologica purè deducta, nam de conclusione simpliciter explicata, est alia ratio, vt videbitur infra.

Colligendum est secundò, quod in veritatibus fidei potest aliquid contineri virtualiter dupliciter. Vno modò virtualiter illariue tantum, & hoc pertinet ad Theologiam, quæ habet pro obiecto illata ex veritatibus fidei, seu quod idem est, virtualiter, & mediâtè reuelata. Alio modo virtualiter implicite, id est quæ in re reuelata sunt, & intenta à Spiritu Sancto, sed nobis occulta, & hæc potest definire, & declarare Ecclesia, tanquam ad fidem immediatè pertinentia ex specialis instinctu, & assistentia Spiritus sancti, qui instinctus est quid imperfectum in genere prophetiæ, quatenus à Spiritu Sancto mens aut lingua Ecclesiæ ita mouetur, vt non semper illuminetur ad intelligendum id ad quod mouetur, vt docet D. Th. in Ioann. cap. 9. leſt. 7. & 2. 2. q. 173. art. 4.

Dicendum est secundo propositiones ab Ecclesia definitas, modo superiori conclusione explicato, posse esse principia in Theologicis discursibus. Hæc assertio per evidentem consequentiam deducitur ex præcedenti, nam si definitiones Ecclesiæ circa res fidei sunt immediatè de fide, manifestè patet quod sunt principia sciendi Theologicæ, quæ habet pro habitu primorum principiorum fidem infusam, aut supernaturalem. Vnde non est quod amplius in hoc probando immoremur, suppositis dictis in hoc, & superiori capite.

Dicendum est tertio, Theologum fidelem non assentiri, propositionibus in Theologia demonstratis, antequam ab Ecclesia definiantur, per habitum fidei formaliter & immediatè, sed per aliud lumen inferius, & illi subordinatum, per habitum scilicet, & assensum Theologicum. Ista conclusio sequitur pariter ex dictis, si quidem assensus, qui habetur per consequentiam, & discursum non, est immediatè assensus fidei, nam fides nulli humano discursui innitur, sed testimonio Spiritus Sancti, & non, quia sic nobis sequi videtur, sed quia sic visum est Spiritui Sancto, vt dicitur act. 15. At assensus Theologicus, est assensus

qui innitur discursui, & consequentiæ, quia sic nobis videtur, ergo non potest elici formaliter & immediatè ab habitu fidei, sed ab aliquo alio illi subordinato, & ex illo deducto, quem habitum Theologicum appellamus.

Obijcies quarto si quis negaret conclusiones Theologicas, re verà esset hæreticus, ergò signum est manifestum, quod Theologus fidelis assentitur conclusionibus suis per habitum fidei.

Resp. ad hoc argumentum, dupliciter contingere posse, quod aliquis neget prædictas conclusiones; primò quia existimat illas non sequi ex illis præmissis, non enim cuilibet facile apparet, quid implicite contineatur in præmissis, sicuti continentur conclusiones, vnde in his diuersæ opiniones sustinentur, & in hoc casu negans conclusiones Theologicas, non erit hæreticus, donec interposita auctoritate Ecclesiæ contrarium determinantis, ipse resistat, & neget talem auctoritatem, sic enim erit formaliter hæreticus. Secundo potest contingere, vt aliquis si concedat conclusionem Theologicam, etiam si concedat illam euidenter sequi ex illis præmissis de fide, & in hoc casu, illa negatio adhuc non pertinet immediatè ad hæresim, sed est solummodo error, seu propositio erronea, mediâtè tamen vehemens suspicio est, quod ille sit hæreticus, maxime si neget conclusionem in syllogismo constante ex duabus præmissis de fide, vt potè negans aliquam ex eiusmodi præmissis, cum falsum non possit sequi nisi ex falso, nec præsumatur quis negare id quod est euidentius sibi, sed id quod est fidei, & sic contrà illum, vt taliter suspectum, posset Ecclesia procedere.

Dicendum est quartò conclusionem Theologicam, vt explicatam, esse de fide. Hæc conclusio est communis inter Theologos, patetque ex ipsa differentia inter conclusionem Theologicam, vt deductam, & vt explicatam, superius assignata; quod conclusio Theologica, vt explicata, non innitur discursui tanquam rationi formali assentiendi, sicut

conclusio deducta, sed tantum illum prærequirit tanquam conditionem applicantem, & explicantem, & ideo non impedit quominus assensus huiusmodi conclusionis sit immediatè de fide, & ipsa conclusio sit aliquando principium immediatum indemonstrabile, quia tales discursus explicatiui non procedunt per causam, sed solum continent explicationem terminorum, suntque discursus in actu signato, & non in actu exercito, sicut quando dicitur, quod Deus dixit, est de fide diuina, sed Deus dixit Christum resurrexisse, ad cælos ascendisse, &c. ergo resurrectio Christi, vel ascensio Christi est vera, vel de fide diuina, & sic de alijs; tales discursus solum explicant in actu signato, id quod ipsa certitudo fidei in actu exercito facit, sed de his consulendi sunt Theologi 22. in materia de fide, ubi explicant quomodo generetur in nobis per huiusmodi syllogismos, aut discursus fides diuina & supernaturalis, superest solum, ut aliquas assignemus regulas ad iudicandum, quænam explicatio sit sufficiens, quænam verò non ad hoc ut aliqua propositio sic explicata dicatur esse propositio de fide, vel non.

Primo quando præmissa, seu propositio naturalis coarctata cum propositione fidei in aliquo syllogismo, distinctè explicat per definitionem subiectum, quod continetur confusè in propositione de fide, tunc propositio seu conclusio sic explicata dicitur esse de fide; ut cum illi propositioni *Filius Dei est homo*, accedit propositio ista, *homo est animal rationale*, & inferitur ergo *filius Dei, est animal rationale*; aut cum dicitur, *omnis homo est animal rationale*, aut *constat ex anima & corpore*, *Christus est homo*, ergo *Christus est animal rationale*, vel *constat anima, & corpore*.

Secundò propositio, seu conclusio ut explicata, est de fide quotiescumque in ipsa prædicantur de subiecto, prædicata aliqua superiora, quibus essentialiter subordinatur medium aliquod secundum fidem subiecto conueniens,

ut in hoc syllogismo, *omnis homo est substantia, vel viuens, Christus est homo, ergo Christus est substantia, vel viuens*; ubi rationes substantiæ, & viuents sunt rationes essentialiter superiores ad hominem, qui in hoc syllogismo est medius terminus, & secundum fidem prædicatur de subiecto, nimirum de Christo.

Tertiò conclusio ut explicata pertinet ad fidem, quando terminus alicuius correlatiui explicatur, ut si huic propositioni de fide, *Verbum in diuinis est filius*, coarctatur altera naturalis, *ex patre aliquis filius dicitur, vel ad patrem dicitur ordinem*, & inferatur ergo etiam in diuinis *est pater*.

Quartò conclusiones Theologicæ ut explicatæ per præmissam naturalem sunt de fide, quando talis præmissa explicat aliquod materiale, aut particulare, quod continetur sub formali & vniuersali termino propositionis de Fide: ut cum illis propositionibus *Christus pro omnibus hominibus mortuus est*, vel, *omnis homo, est à Christo redemptus*, adiunguntur naturales sufficiens *Paulus est homo*, *Petrus est homo*, & postea inferitur ergo *Christus est mortuus pro Petro, & Paulo*, vel, *Petrus & Paulus sunt à Christo redempti*.

Quintò conclusiones ut explicatæ dicuntur esse de fide; quando præmissa naturalis ad earum explicationem assumpta, formaliter aliquid explicat, quod implicite & virtualiter continetur in propositione de fide, ita ut præmissa naturalis addat aliquid supra medium terminum tanquam effectum, aut proprietatem. At cum eiusmodi effectus, seu proprietates additæ, sint in duplici differentia, aliquæ enim sunt inimpedibiles, & ita necessario adduntur, ut oppositum implicet contradictionem, sicut cum illi propositioni *Filius Dei, vel Christus est homo*, additur illa, *omnis homo habet potentiam intellectuam, & volitivam*; alix vero sunt impedibiles, quia licet dicant necessariam connexionem, regulariter quidem inseparabilem, nihilominus separari possunt per diuinam potentiam, ut cum eadem propositioni

*Filius*



*Filius Dei, vel Chriſtus eſt homo, additur illa omnis homo habet quatuor humores, vel eget cibo, & potu ad nutrimentum, &c.* eſt difficultas inter Theologos cuiuſſa effectus, aut proprietatis additio ſufficiat, vt conſeſio per eam explicata dicatur eſſe de fide; aliqui reſpondent ſufficere, quod vno, vel alio modo fiat, & ita ſecundum ipſos, inter eas propoſitiones quæ ſufficienter aliquam propoſitionem explicant vt tenendam de fide, enumeranda eſt ea, quæ explicat formaliter, quod continebatur virtualiter in propoſitione de fide, ita vt præmiſſa naturalis addat aliquid ſupra medium terminum, tanquam effectum, ſive impediibilem, ſive inimpediibilem, ſupra cauſam vel realem, vel virtualem. Ita Albertinus.

Verum alij dicunt hoc non ſufficere, ſed requiri quod talis explicatio fiat, addendo medio termino aliquem effectum, ſeu proprietatem inſeparabilem, quia connexio quæ eſt inter effectum, aut proprietatem ſeparabilem, & eius principium, non eſt talis neceſſitatis, quæ ſufficiat ad credendum, quod ſi reuelatum eſt principium alicui competere, etiam ſit reuelatum proprietatem, conuenire, cum poſſit eam Deus à ſuo fonte ſeparare, vel impedire ne ſuat, ita exigente aliqua rerum conditione nobis ignota, vnde apud illos Doctores, conſeſiones explicatæ per cuiuſmodi propoſitiones præciſe non ſunt de fide, niſi accedat definitio Eccleſiæ.

Sexto in propoſitione naturali coaſumpta cum propoſitione de fide ad explicandam aliquam conſeſionem; vt talis conſeſio per illas explicata dicatur eſſe de fide, non requiritur ſecundum aliquos in propoſitione naturali neceſſitas naturalis, ſeu quod idem eſt certitudo tanta, vt non poſſit ei ſubefſe falſum, ſed in aliquo caſu poteſt ſufficere moralis, vt in his argumentis, *omnis homo legitime, & canonicè electus ad Thronum Petri, eſt Summus Pontifex, ſed Alexander VII. ſub cuius felici pontificatu heſ ſcribo, fuit legitime, & canonicè electio*

*promotus ad Thronum Petri, ergo Alexander VII. eſt ſummus pontifex, ſimiliter, omne Concilium legitime congregatum, & à ſummo pontifice confirmatum eſt inſallibilis authoritatis in fide, ſed Concilium Nicanum v.g. aut Tridentinum ſunt Concilia legitime congregata, & authoritate ſummarum pontificum firmata, ergo ſunt inſallibilis veritatis; vbi conſeſiones explicatæ, quod Alexander VII. ſit ſummus pontifex, Concilium Nicanum, aut Tridentinum ſint inſallibilis authoritatis, ſunt propoſitiones de fide, & tamen in ſui explicatione depēdent à propoſitionibus ſolū moraliter certis, quia quod huius hominis nempe Alexandri Septimi electio fuerit canonica, & huius Concilij congregatio fuerit legitima, videtur humano ſolum inniti teſtimonio, quia id teſtatur Hiſtorici v.g. &c. Nullum enim videtur eſſe inconueniens, quod ad conſeſionem vt explicatam de fide, ſufficiat propoſitio explicans moraliter ſolum certa, cum talis propoſitio concurrat etiam ſolum ad conſeſionem explicatam, vt conditio applicans obiectum, & non vt influens certitudinem in conſeſionem, vt dicitur in fine huius capitis. Nomine autem certitudinis moralis, ſolet illa intelligi, quæ excludit ſimiliter omnem dubitationem, & formidinem, & ſermè intelledum non proteruientem conuincit, v.g. quod ſint Antipodes, quamuis non excludat omnem cauſam rationabilem dubitandi.*

Nihilominus alij Doctores contendunt, præmiſſam naturalem, vel moralem ſubſumptam propoſitioni fidei debere eſſe ita neceſſariam, & certam, vt illi non poſſit ſubefſe falſum, ad hoc vt conſeſio per illā explicata dicatur pertinere ad fidem. Alias omnes iſte conſeſiones, *Petrus eſt riſe baptizatus, iſte puer eſt in gratia, corpus Dominicum eſt ſub hac hoſtia, hic homo eſt in gratia, & aliæ plures eiſinodi eſſent propoſitiones de fide; ſyllogiſando ſic, quotieſcunque adhibetur alicui materia & forma ſacramenti baptiſmi, cum debita intentione;*

toties

*toties aliquis dicitur ritè baptizatus; sed Petro v. g. fuit ita factum, ergo Petrus est ritè baptizatus; rursus omnis ritè baptizatus est in gratia, iste puer, signato Petro, vel alio, est ritè baptizatus, ergo iste puer est in gratia; tertio, ad hoc ut corpus Dominicum dicatur esse sub hostia aliqua, nihil aliud requiritur nisi quod sit ritè consecrata, sed hac hostia, v. g. consecrata à summo Pontifice est ritè consecrata, ergo corpus Dominicum est sub hac hostia. Vltimo, omnis contritus est in gratia, hic homo est contritus, ergo hic homo est in gratia; in omnibus enim argumentis iam factis, propositioni de fide, subsumitur alia, quæ potest esse certa moraliter. Cum igitur conclusiones sic explicatæ non sint de fide, signum est manifestum non sufficere certitudinem moralem præcisè, ad hoc ut conclusio per illam explicata dicatur esse de fide, sed hoc aliud provenire debere. Per quod facile respondetur ad argumenta pro prima sententia facta, propositio enim illa quod Concilium Nicænum, aut Tridentinum fuerit legitime congregatum, non solum habetur ex testificatione humana moraliter certa, sed ex testificatione Ecclesiæ illa recipientis, vnde non est mirum si conclusio per illam explicata sit de fide, nimirum quod sint infallibilis auctoritatis.*

Similiter supposito quod hæc propositio sit de fide, quod hic numero homo, Alexander v. g. VII. sit summus Pontifex, saltem per se secundò, ut lib. 3. declarabitur, dico quod propositio illa per quam explicatur non est propositio purè contingens, aut solum certitudinè moralem habens. Quamvis enim sit propositio contingens, quod eius electio fuerit canonica, absolutè, & secundum se; tamen in ordine ad diuinam providentiam, quamdam necessitatem induit ex suppositione, quæ à posteriori colligitur, ex eo quod ut talis receptus sit, & habitus ab Ecclesia, hinc enim sequitur electionem illam canonicam fuisse, ac legitimam, ut infra lib. 3. sect. 4. Deo dante explicabitur.

Vel secundò potest dici, quod quotiescumque, vniuersalis aliqua propositio est de fide, singulares etiam spectant ad fidem, quando illa vniuersalis propter particulares reuelatur, ut cum reuelatur, quod omnis homo sit à Christo redemptus, talis reuelatio est propter has singulares, Petrus est redemptus, Paulus est redemptus, Ioannes est redemptus, & sic de cæteris. Et sic cum hæc propositio vniuersalis, omnis homo legitimè electus ad Thronum Petri, est summus Pontifex, primario reuelata esse videatur propter particulares contingentes, nec enim ob alium finem reuelata est, nisi ut hic, vel ille Pontifex pro legitimo habeatur, & ita certi fiant fideles, de regula fidei indiuidua & signata, qualis est autoritas huius summi Pontificis desinentis; quæcumque propositio vel naturalis, vel moralis tali propositioni vniuersali de fide subsumatur, semper conclusio explicata erit de fide. Quæ tamen doctrina non currit pro conclusionibus in secunda sententia allatis, quia quando reuelata est vniuersalis illa propositio, omnis contritus, aut omnis ritè baptizatus est in gratia, & sic de alijs, non est reuelata propter particulares contingentes, non enim primariò, & propter hunc finem reuelata est, ut ego credam me, aut alium esse in gratia, sed ut absolutè credatur quod omnis contritus, aut omnis ritè baptizatus sit in gratia, & ita conclusiones per illas propositiones particulares explicatæ non videntur posse habere maiorem certitudinem, quam habeant propositiones naturales; si quidem non participant suam certitudinem immediatè ab illa propositione vniuersali fidei, sed solum mediante propositione naturali.

Itaque concurrentibus supra assignatis regulis conclusio explicata semper erit propositio de fide, secundum communem Theologorum sententiam, cui minimè aduersantur alij doctores existimantes esse conclusionem Theologicam, loquuntur enim solum de ea pro ut deducta,

CAPVT III.

*Quod Sacra doctrina certitudine superes  
quolibet alium habitum intellectualem  
purè naturalem.*

ducta, & veluti in genere causæ efficien-  
tis ad præmissas ordinata, enim verò  
sicut in scientijs naturalibus præmissæ  
dupliciter intelligi possunt esse causa  
conclusionum. Vno modo quasi in ge-  
nere causæ materialis, in quantum ter-  
mini qui sunt materia præmissarum, sunt  
etiam materia conclusionis, licet non vt  
stant sub forma præmissarum. Altero  
modo in genere causæ efficientis, id est  
secundum quod sub tali forma existunt,  
habentque virtutem conclusionum illa-  
tiuam. Ita & in sacra doctrina se habet  
vt explicuimus supra. Si considerentur  
ergo præmissæ Theologicæ, vt sub tali  
forma existunt, comparanturque ad con-  
clusiones vt principium, & causa effec-  
tiuæ earum, sic tales conclusiones non  
sunt de fide, sed habitu Theologico illis  
assentimur, at si considerentur veluti in  
genere causæ materialis, tunc conclusio-  
nes ex illis elicite concurrentibus regu-  
lis iam dictis pertinent ad fidem, dicun-  
turque explicite; ratio est, quia discursus  
ille naturalis, qui tunc interuenit non  
se habet, vt ratio formalis assentiendi  
influens certitudinem in conclusionem,  
sed solum, quæ in præmissis cum medio  
connecebantur, maior, scilicet & mi-  
nor extremitas, sine medio termino ad  
inuicem coniunguntur in cōclusionem, ita  
vt naturalis discursus, qui talem connec-  
tionem facit apparere, solummodo se  
habeat vt conditio merè extrinseca, qua  
lis est v.g. approximatio respectu com-  
bustibilis, vt conclusio non sit deducta,  
sed potius explicata, & sic facta dedu-  
ctione, & explicatione per discursum  
intellectus spreto priori assensu qui ni-  
rebat deductione, adducit conclusio-  
nem niti firmitiori motiuo quam discursu,  
nempe diuina auctoritate propter quam  
elicit assensum supernaturalem.

**P**ro intelligentia difficultatis reco-  
lenda est diuisio superiori capite  
allata, certitudinis in formalem, obie-  
ctiuam & subiectiuam, quam diuisionem  
explicant alij per *certitudinem secundum  
se, & quo ad nos*; ita vt nomine certitu-  
dinis *secundum se* intelligatur illa, quæ  
se tenet ex parte actus, seu assensus, seu  
ex parte cognitionis aut intellectationis,  
quia scilicet attenta natura actus, ex suo  
obiecto formali, est talis actus, vt non  
solum non admitat actualem formidin-  
em, sed nec etiam potentialē, sic enim  
perfectè & absolute determinat intelle-  
ctum ad vnum tantum. At nomine cer-  
titudinis *quo ad nos*, intelligitur illa quæ  
se tenet ex parte operantis, seu ex parte  
intelligentis, alicui actui firmiter, & sta-  
biliter adherentis; quæ firma adhesio  
ex duplici causa potest originem habe-  
re, vel ab intrinseco, nempe ex ipsa na-  
tura, & vi luminis intellectualis creati,  
quod, posito aliquo obiecto sibi pro-  
portionato & connaturali, per se cogno-  
scibili certò, & euidenter, necessitatur  
ad eius assensum, si nullum addit impe-  
dimentum; vel ab extrinseco, nempe ex  
imperio voluntatis, aliquando quidem  
cum virtute, videlicet cum aliqua ra-  
tionabilis causa occurrat, cur voluntas,  
in rebus citra euidentiam, & in quibus  
potest intellectus moueri, & determinari  
per voluntatem, posito hoc modo in-  
clinare intellectum ad talem actum eli-  
ciendum, & non aliū, siue quo ad exer-  
citium, siue etiam quo ad speciem actus,  
& hoc semper, & firmiter; sicut contin-  
git in actu fidei diuini, vnde dicitur in-  
tellectus captiuari in obsequium ipsius;  
aliquando vero cum vitio, quando sci-  
licet nulla est rationabilis causa id fa-  
ciendi, & tunc talis firmitas dicitur per-  
tinacia, vt accidit in hæretico suis opi-  
nioni-

nionibus pertinaciter adhærente.

Secundò notandum est, quando dicitur doctrinam sacram superare certitudine quemcumque alium habitum intellectualem purè naturalem non esse sermonem de perfectione propriè intensus certitudinis, quæ sumitur à pluralitate graduum in actu cognitionis, sic enim plerumque potest contingere, vt actus scientiæ, sit ipsamet fide certior siue maiori certitudinis intensione perfectior, sicut, si quis eliceret actum scientiæ intensum vt sex, & actum fidei vt vnum, maior esset proculdubio certitudo intensiue in actu illo scientiæ in sua specie, quàm in actu fidei in sua; sed loquimur tantum de certitudine specifica & essentiali cuiuscumque actus, quæ non desumitur à pluralitate graduum intensiuorum, sed ex ipsa essentiali differentia, & modo tendendi actus in suum obiectum materiale & formale, ita vt sensus sit, quod assensus Theologicus maiori certitudine, & infallibilitate tendat in suum obiectum, quàm actus cuiuscumque naturalis cognitionis in suum; & hoc ex ipsa essentia, & natura, seu quidditate talium actuum, quamuis enim certitudo, & infallibilitas perfecta, seu metaphysica, de qua modo loquimur, consistat aliquo modo in indiuisibili ratione negationis fallibilitatis, quàm includit, tamen quia talis certitudo non est pura negatio, sed aliquid positium, connotans solum in obliquo negationem, hinc est vt re ipsa, possit esse maior, & minor non solum quo ad gradus intensiões, sed etiam quoad esenciales differentias perfectiores, & perfectiores, suppositas à prædicta negatione. His breuiter prænotatis.

Dicendum est primò doctrinam sacram in conclusionibus scientificis, quas resoluit in principia reuelata esse certiorē, ex parte suæ rationis formalis, seu certitudine se tenente ex parte actus, aut assensus, quacumque alia cognitione naturalis, etiam primorum principiorum. Hæc assertio est communis inter Theologos, videturque colligi ex scriptura:

2. Petri 1, *Hanc vocem nos audiuimus &c. Habemus firmiorem propheticum sermonem &c.* Vbi assensus fidei, quo creditur prophetis, dicitur esse firmior, siue certior ipsa naturali euidētia vocis, quam audiuit. Ex ad Rom. 4. vbi cum dicitur, de Abraham. *Quod in spem contra spem credidisset, nec considerauit corpus suum mortuum*, manifestè ostenditur, fidem ei contulisse maiorem certitudinem, quam illi tribueret naturalis euidētia, de sua & vxoris Saræ impotentia ad generandum.

Ex his igitur autoritatibus & similibus deduci potest ratio fundamentalis nostræ conclusionis. Nam assensus fidei diuinæ, qui sunt veluti prima principia in Theologia, secundum se, & ratione sui esse, certiores sunt quibuscumque alijs assensibus intellectualibus, etiam primorum principiorum, ergo etiam assensus conclusionum Theologicarum, quæ per euidētem consequentiam deducuntur ex illis, sunt certiores quibuscumque alijs assensibus intellectualibus, pro vt certitudo dicit firmitatem assensus, ex parte actus, seu ipsius assensus. Consequentia patet, quia vt aliquis assensus sit certus, sufficit quod eius certitudo sit euidēter & certò deducta ex principijs certis, ergo vt sit certior, sufficit quod per eandem euidētem consequentiam sit deducta ex principijs certioribus, si quidē præmissæ naturaliter determinant, & quantum possunt ad assensum conclusionis, quare si præmissæ sunt certiores, & conclusio erit certior per se loquendo, certitudo enim conclusionis tota oritur ex certitudine præmissarum vt habet D. Tho. q. 1. de veritate, art. 1. ad 13. & 17.

Quod autem assensus fidei diuinæ sint certiores secundum se, seu quo ad certitudinem perfectiores omnibus alijs assensibus iam probauimus autoritatibus Sacre Scripturæ, potestque adhuc sequenti ratione efficaciter confirmari: Nam ille habitus secundum se est certior omni alio, qui innitur rationi, & causæ formali infallibili: talis autem est

est habitus fidei, comparatiuè ad omnes habitus naturales creatos, nam tota firmitas, & certitudo habitus aut actus naturalis, vltimatè innititur ipsi virtuti, & perfectioni luminis naturalis, in tantum enim intellectus certò iudicat aliqua obiecta esse vera, in quantum ex se habet proportionem ad veritatem illorum, at vero in habitu, aut assensu fidei longè perfectiori modo se habet intellectus, iudicat enim res fidei esse veras non innixus suo naturali lumini (quàuis tale lumen nō excludatur, sed gratiè subferuiat) sed luminì diuinæ sapientiæ, ad quam relationem, & connexionē habent res fidei media reuelatione diuina, illis enim assentitur propter diuinam auctoritatem, aut testimonium diuinum per se creditum.

Confirmatur hoc argumentum, ille habitus, aut assensus propriè loquendo, pro certiori debet haberi, qui minus potest falsificari, siquitas enim in definitione certitudinis posita maximè significat impossibilitatem falsificandi assensum, at assensus fidei, similiter, & assensus Theologicus ex principijs reuelatis per euidenter consequentiam deductus, minus possunt falsificari; cū enim assensum falsificari nō posse, proueniat ex obiecto, & causis veritatis eius, ille assensus propriè loquēdo minus falsificari potest, qui fertur in obiecta habētia infallibiliores causas veritatis, propter quas illis assentimur cuiusmodi sunt tam assensus fidei, quam assensus Theologicus, quorū primus auctoritati diuinę immediatè, & formaliter reuelanti innititur. Secundus verò mediatè & virtualiter, vnde ex hac parte non solum fides, sed etiam Theologia cuius resolutio fit in principia supernaturalia, necessariò excedit totum genus & ordinem naturalis certitudinis, etiam quo ad habitus principiorum, quia hæc principia innituntur certitudini inferioris ordinis, scilicet naturali, quæ minor est certitudine diuina per reuelationem diuinam habita, & idē certitudo principiorum naturalium corrigi potest, & certificari per diuinam reuelationem, tam quo ad vniuersalitatem, quam quo ad

causam, vnde accipitur eorum certitudo, scilicet quantum ad inductiorem sensuū, quia vt iam diximus reuelatio accipitur à lumine diuinę sapientiæ, quæ est vniuersalior, certior & infallibilior omnibus, quare licet non transfundat in fidem & Theologiam euidētiā, quia sub obscuritate attingitur, transfundit tamen certitudinem essentialiter longè maiorem, & perfectiōrē quauis certitudine naturali.

Obijcies 1. Theologia procedit aliquando ex vna præmissa de fide, & altera naturali, vt in hoc syllogismo omnis homo est discursiuus, Christus est homo ergò Christus est discursiuus, at in hoc syllogismo conclusio, quātūvis Theologica, non est certior maiori pertinet ad scientiam naturalem, quoniam qui resiliet ab assensu maioris, resiliet etiā ab assensu conclusionis, ergò Theologia saltem vniuersaliter loquendo, & quo ad omnes suas partes, non superat certitudine ceteros habitus naturales, quorum aliquando mutuatur principia in probandis suis conclusionibus.

Confirmatur hoc argumentum, nam certitudo Theologiæ, vt dicitur sequenti sectione, solum est naturalis ordinis formaliter loquendo, nostroque discursu acquisita, & comparata; ergò licet in ipsis principijs considerata maiorem habeat certitudinem, quam quicumque habitus naturalis, tamen in ipso lumine Theologico potest deficere, sicut aliæ scientiæ naturales, quod sufficit vt eius certitudo, non dicatur maior certitudine naturali aliarum scientiarum.

Resp. ad argumentum negando minorem, nempe quod certitudo conclusionis Theologiæ, non sit maior omnibus scientijs naturalibus, cum procedit ex altera præmissa naturali, quia licet præmissa naturalis concurrat ad conclusionem inferendam, non insinuat tamen, ex æquo cum præmissa de fide, nec sistit in ea vltima resolutio, sed vltius resoluitur, & sit dependens à præmissa de fide, & eleuatur ab illa saltem extrinsecè, quatenus eius veritas subordinatur, & regulatur per illam de fide, iudicaturque

H non

non opponi illi, & sic conclusio procedens ab illa ut sic eleuata, debet esse certior omnibus alijs scientijs carentibus, illa perfectione, aut eleuatione proueniente ex subordinatione, & connexionem cum certitudine fidei. Quod si dicatur impossibile esse, quod consequens sit magis certum & necessarium, quam ipsum antecedens, vnde cum in casu posito consequens Theologicum, connexionem habeat cum principio naturali, non potest assensus illius esse magis certus, quam assensus propositionis naturalis: Respondendum est impossibile quidem esse, quod conclusio, siue consequens maiorem habeat certitudinem, quam utraque præmissa simul, attamen potest fieri ut habeat maiorem certitudinem, quam altera seorsum, quia non generatur ex altera seorsum; sed ex utraque ut constituit vnum medium. Nec valet obijcere quod conclusio sequitur debiliorem partem: hoc enim non sic debet intelligi, quasi conclusio non sit aliquando firmiter, aut certior quam altera præmissarum, quæ debilis est, sed debet sic intelligi, quod si aliquid est debile in conclusione, referendum est ad illam præmissam quæ debilis est. Quod si quis pertinet acriter vellet, illud axioma intelligendum esse in primo sensu, ad summum esset verum, quando præmissa se haberet, ut causa conclusionis in eisendo, at in discursibus Theologicis præmissa naturalis, non sic se habet, quia lumen Theologicum non pendet per se à lumine naturali, sed solum se habet ut conditio applicans requisita quo ad nos ut discursus Theologicus sine demonstratione in modo, & figura syllogistica.

Ad confirmationem respondetur certitudinem Theologicam ita esse formaliter ordinis naturalis, ut tamen originarie, & ex parte suorum principiorum sit supernaturalis; quod sufficit ut dicatur indefectibilis, perfectioneque superare omnem certitudinem naturalem; nam eo ipso quod resoluitur in principia supernaturalia, ad eorum indeficientiam aliquo modo eleuatur, si quidem in bo-

na consequentia, si antecedens est verum, consequens non potest esse falsum, et si antecedens est indefectibile, consequens non potest esse fallibile pro ut subest illi antecedenti.

Obijcitur secundo illi habitus maiorem habere certitudinem, qui excludunt omnem dubitationem, & animi titubationem; sed Theologia in nobis non excludit omnem dubitationem, cum non habeat euidentiā, scientiæ autem naturales illam excludunt, quia habent euidentiā; Igitur Theologia non superat certitudine alios habitus intellectuales.

Resp. ad hoc argumentum, concedendo maiorem intellectum de exclusionem dubitationis prouenientis ex parte obiecti, & rationis formalis in illud tendendi; deinde neganda est minor, et si enim Theologia defectu euidentiæ, non excludat dubitationem ortam ex debilitate nostri intellectus non potentis, pro ut ex suis viribus naturalibus operatur, rem aliquam capere sine euidentiā, non tamen oritur illa dubitatio ex ipso obiecto, vel ex ratione formali illud attingendi, quod est diuinum testimonium, hoc enim summam habet firmitatem; & sic dubitationes illæ indelicetæ, quæ reperiuntur aliquando in fidelibus, non fundantur in ipsa re, nec proueniunt ex habitu fidei, aut lumine eius, sed præcisè ex imperfectione nostri intellectus, ut operantis suis viribus naturalibus, ut magis explicabitur conclusione sequenti. Certitudo autem maior, vel minor, non debet iudicari, aut pensari ex dubitatione proueniente ex parte subiecti, sed ex parte obiecti; vel luminis eius, quia certitudo propriè dicta secundum quod definitur à D. Tho. in 3. dist. 26. q. 2. art. 4. *Firmitas adhesionis virtutis cognoscitiue ad suum cognoscibile*, habet causas fundatas in ipsa immutabilitate, aut infallibilitate obiecti; sine fundamento enim veritatis non datur propriè dicta certitudo, dixi *propriè dicta*, quia loquendo de certitudine impropriè & largo modo, pro ut solam dicit determinationem intellectus ad vnam partem sine formidine

ne

ne alterius, potest talis certitudo versari, & dari circa falsum. Per quam distinctionem facile conciliantur duæ oppositæ sententiæ; quarum prima affirmat certitudinem posse esse, erga falsum; secundæ verò negat; nam affirmatiua procedit de certitudine largè sumpta, secundum quam Concilium Tridentinum sels. 6. & D. Thom. quodlib. 6. q. 4. dicunt, hæreticos habere certitudinem de his erroribus, determinatè videlicet illis adhærendo, ex passione, vel ex praua dispositione, quæ est pertinacia. Negatiua verò procedit de certitudine propriè sumpta, quam solum esse erga verum docuit Diuus Thomas loco citato quodlib. 6. & de veritate q. 6. art. 3. Vbi ait certitudinem cognitionis esse, quando cognitio non declinat ab eo, quod in rebus inuenitur.

Dico 2. Si loquamur de certitudine quoad nos, seu quo ad firmitatem adhæssionis ex parte subiecti, & operantis, sic Theologia nostra potest esse magis, vel minus certa, quam alix scientiæ aut habitus naturales. Hac conclusio debet esse communis inter Theologos; pro cuius intelligentia notandum est, duplicem posse esse sensum huius, quod dicitur; ex parte subiecti esse magis, vel minus certum fidelē Theologum de rebus scitis per Theologiam, quàm per alios habitus intellectuales. Vnus est, quod intellectus fidelis, qui est subiectum fidei, & Theologiæ, magis certificetur per habitum fidei, & Theologiæ in suo assensu, quàm per scientiam, quando utitur habitu fidei aut Theologiæ, & habitu scientiæ. Alter sensus esse potest, quod intellectus fidelis non sic certificetur ex proprijs, & naturalibus ipsius intellectus ad assentiendum rebus Theologicis, sicut certificatur ad assentiendum rebus per alias scientias cognitis.

Considerando ergo conclusionem, in primo sensu, sic assero fidem & consequenter Theologiam etiam quo ad nos, superare certitudinem omnem scientiam naturalem, & habitum principiorum. Probaturque primo ex D. August. lib. 7. confessionum cap. 10. vbi ait: *Facilius du-*

*bitarem, me vivere, quam non esse veritatem, quam audiui in corde meo,* quam auctoritatem gratis limitant aliqui ad fidem, aut Theologiam aliquam extraordinariam; sed debet intelligi de quolibet fideli Theologo qui paratus est potius negare omnem euidentiam naturalem, quàm principia aut conclusiones Theologicas per bonam consequentiam illatas & deductas: quam firmitatem præstat illi virtus fidei infuse habitusque Theologiæ, unde maior est, quàm quælibet alia firmitas, quam nobis tribuit lumen principiorum, & scientiarum naturalium. Probatur secundo ex Diuo Thoma dicente: *Multo magis certior est homo de eo, quod audit à Deo qui falli non potest, quam de eo quod videt propria ratione.* Et idem ferè habet in 3. dist. 23. q. 2. art. 2. quæstiuncula 3. de veritate, q. 10. art. 12. ad sextum. 2. loci, & quodlibeto 6. art. 6. per totum. Quod experientia ipsa patet, nam si aliquis Philosophus fidelis putet se habere demonstrationem alicuius conclusionis, & nihilominus audiat à Theologo fide digno talem conclusionem esse contra fidei principia, statim incipit dubitare de certitudine lux scientiæ; ergo certior est talis Philosophus etiam ex parte subiecti de rebus fidei, quam de rebus per scientias purè naturales cognitis, aut scitis.

Ratio fundamentalis est, quia causæ certitudinis in homine fideli, & Theologo sunt multo efficaciores causis certitudinis Philosophi naturalis, non solum, secundum se, sed etiam prout sunt in illo; ergo producant in illo maiorem certitudinem, & animi firmitatem, quam sit in Philosopho naturali; consequentia est certa; Probatur antecedens, nam certitudo fidelis Theologi provenit radicaliter ex ratione formali supernaturali fidei, & ex imperio voluntatis motæ auxilio supernaturali, sed hæc maiorem vim habent ad firmandum intellectum, quam habeat ratio naturalis obiecti, cui adhæret Philosophus; ergo.

At si loquamur de certitudine in secundo sensu, sumendo scilicet certitudi-

nem, pro eo quod connaturalius, aut plenius assequitur noster intellectus, sic D. Thomas q. 1. de veritate art. 2. ad 3. docet, propter excellentiam rerum fidei supra rationem, quod assensus fidei, & consequenter Theologiæ. *Sis quadam defectiua cognitio, non ex defectu certitudinis cognitorum, sed ex defectu cognoscen- tis*, & in 1. ad Anibaldum distinguit. 1. q. 2. dicit, *quod Theologia respectu nostri intellectus minus captabilis est*. Idem ferè habet 2. 2. q. 4. art. 8. & in 3. dist. 2. 3. q. 2. art. 2. quæstiuncula 3. 1. parte q. 1. art. 5. ad 1.

Principale fundamentum huius partis colligitur ex D. Thoma locis iam citatis, & quæst. de Trinitate super Boetii art. 9. ad 4. Nam aliæ scientiæ purè naturales habent certitudinem ortam ex euidentiâ, quam non habent fides, aut Theologia: ex eo autem, quod earum certitudo prouenit ex euidentiâ, manifestè sequitur quod plenius assequatur illam intellectus, quieteturque facilius; cum euidentiâ sit vltimùm in quo intellectus sistit circa obiectum. At fides admittit aliquem motum, & ita dicitur, quod credere est cum assensu cogitare, id est præbere assensum cum aliqua tribulatione animi, aut motu cogitationis; vnde fit, quod posita fide, possunt adhuc insurgere motus quidam indeliberati dubitationis propter debilitatem nostri intellectus nondum videntis veritatem, qui motus dubitationis nō possunt expelli, ex vi obiecti, quia non videtur, sed ex vi voluntatis rectè dispositæ, & à Spiritu sancto efficaciter motæ, aut ex vehementia motuorum credibilitatis: Atque hinc etiam fit, quod certitudo scientiarum purè naturalium immediatè incipit, & originatur ab obiectis ipsarum, quia videntur, siue euidenter cognoscuntur; certitudo verò fidei mediante voluntate, quæ prius tangitur à motione diuina, quàm intellectus, eo quod voluntas debet mouere intellectum vt credat, captiuando ipsum in obsequiū fidei, vt explicat D. Th. ad Heb. cap. 11. lect. 1. Igitur certitudo scientiarum purè naturalium, vt potè orta ex euiden-

tia obiecti, connaturalior est intellectui, magisque illum relinquit intra suos proprios terminos, quàm fides, quæ ob suam obscuritatem ita captiuat intellectum, vt sub alienis terminis relinquat, hoc est dependentem faciat à motione voluntatis.

Confirmatur hoc argumentum, quia firmitas adhesionis quæ reperitur ex parte intellectus, in assensu euidenti naturali, est ex necessitate naturæ, loquendo quo ad speciem actus, ita vt posito illo obiecto rectè proposito, & intellectu rectè disposito, & non impedito, si intellectus circa illud operari permittatur, non possit omnino neque physicè dissentire, aut aliter operari quam vno modo, vnde dicitur intellectus necessitatus quo ad speciem actus, ita vt in hoc nullo modo subijciatur imperio, aut motioni voluntatis, & quàmuis voluntas vellet contrarium, nō potest intellectus illi obedire; at verò firmitas adhesionis ex parte intellectus in assensu fidei, aut Theologico, non est tanta propter defectum euidentiæ iam assignatum, sed minor, quàmuis enim proponantur intellectui res fidei, cum omnibus requisitis quæcumque illa sint, nunquam tamen necessitat intellexum ad assentiendum, neque quo ad exercitium, neque quo ad speciem actus, vt docent Theologi 2. 2. in materia de fide, vnde potest non solum non consentire, sed etiam dissentire, siue ex negligentia voluntatis non inclinantis ipsum in obsequium fidei; siue etiam ex malitia inclinantis in oppositum; ergo certitudo, seu firmitas adhesionis ex parte intellectus, est maior in ordine ad actus naturales euidentes, quàm in ordine ad actus fidei, aut Theologiæ, si summam certitudinē pro eo quod plenius, aut connaturalius assequitur noster intellectus ibi enim, ex necessitate naturæ, independenter à voluntate, hic verò ex solo libero, & mutabili voluntatis imperio adheret intellectus suo actui, vt iam explicatum est.

Dices. Sicuti posito discursu ex prin-



principijs naturalibus evidentibus, necessitatur intellectus quoad speciē actus ad assensum conclusionis, omnino independentē à voluntate, ita etiam contingit in demonstrationibus Theologicis; ergo dato quod fides in suis assensibus immediatis, non sit tam certa in secundo sensu explicato, sicut scientiæ naturales, non tamen id debet asseri de conclusionibus Theologicis, quorum assensus non dependet ab imperio voluntatis.

Resp. ad hoc argumentum negando paritatem in antecedenti allatam; nam in discursu scientifico naturali, ita necessitatur intellectus ad assensum conclusionis, vt hæc necessitas oriatur ex alia necessitate, qua determinatur, & necessitatur ad assensum præmissarū evidentium; at vero in Theologia necessitas in ordine ad assensum conclusionis, non provenit ex alia necessitate ad assensum præmissarum fidei, siquidem intellectus vt supponimus non habet talem necessitatem, atque adeo intellectus

absolutē, sicuti potest dissentire præmissis fidei, ita & conclusioni ex illis deductæ, & sicuti non habet firmitatem assensus absolutē ex parte intellectus respectu præmissarum, ita vt illas plenē assequatur, necessarioque illis adhæreat, ita neque respectu conclusionum, nisi ex suppositione illa non necessaria; sicuti, qui in tantum mouetur, in quantum currit, si contingenter & liberē currit, contingenter etiam & liberē mouetur absolutē loquendo, quamuis supposito, quod currat dicatur necessario moueri, vnde etiam absolutē loquendo dicendum est assensus Theologicos non esse tantæ certitudinis, ac assensus naturales evidentes, fumendo certitudinem pro eo quod plenius & connaturalius assequitur noster intellectus, quamuis fumendo certitudinem in proprio sensu, tam fides quàm Theologia superent omnem certitudinem aliorum, habituum intellectualium, vt aliunde factis probatum est.

## SECTIO QVARTA.

De dignitate doctrinæ Sacræ super alias scientias.

### CAPVT PRIMVM.

*Quod doctrina Sacra sit dignior omnibus alijs scientijs naturalibus, tam speculatiuis quam practicis.*



VM scientiarum naturalium vniuersaliter loquendo, alix sint speculatiuæ, alix verò practicæ, doctrina sacra quæ vtramque perfectionem formaliter eminenter complectitur, potest dupliciter cum illis comparari, primo quasi collectivē, hoc est secundum duplicem illam rationem speculatiui &

practici, & in hoc sensu certum est doctrinam sacram superare dignitate quoscumque habitus naturales, qui limitato modo vnam solum aut alteram ex dictis iam perfectionibus continent; alio modo comparari potest quasi diuisivē, hoc est conferendo doctrinam sacram præcisè secundum quod est speculatiua, cum omnibus speculatiuis, & secundum quod est practica cum omnibus practi-

cis;

eis; & in hoc sensu maximè intendimus doctrinam sacram digniorem esse omnibus alijs scientijs, ita vt conditiones, & perfectiones ad scientias speculatiuas requisitæ, & similiter ad scientias practicas, excellentiori, & eminentiori modo reperiuntur in doctrina sacra, quàm in omnibus alijs scientijs naturalibus.

Et primò quod doctrina sacra, seu Theologia quatenus speculatiua, omnibus alijs scientijs speculatiuis longè antecellat, probat D. Th. 1. parte q. 1. artic. 5. quia comparatur, vt domina ad ancillas ex illo loco prouer. 9. mysticè intellecto; *Misit ancillas suas vocare ad arcem.* Deinde accedit ratio, speculatiuarum enim scientiarum vna, alterà dignior appellatur tum propter dignitatem materiæ, seu obiecti circa quod versatur, tum propter modum tendendi in illud, seu certitudinem; at doctrina sacra quantum ad vtrumque scientias alias speculatiuas excedit; secundum certitudinem quidem, quoniam vt superiori sectione diximus, principia Theologiæ, nihil aliud sunt quam fidei asserciones, ex quibus postea conclusiones Theologiæ per discursum deducuntur, atqui fides est omnino infallibilis, totiusque certitudinis principatum tenet, cum fundamentum habeat in lumine diuinæ scientiæ, quæ per nullam potentiam falli vnquam, aut fallere potest; ex opposito principia aliarum scientiarum cognoscuntur solum per naturale lumen rationis humanæ, quæ multis erroribus subiacet, vt constat ex magnis erroribus, in quos celeberrimi etiam Philosophi turpissimè lapsi sunt: Igitur conferendo certitudinem doctrinæ sacræ, cum certitudine aliarum scientiarum, longè est ipsa perfectior, omnibus alijs scientijs speculatiuis.

Quod spectat ad dignitatem materiæ, seu obiecti, sic etiam obiecti proximum sacræ doctrinæ, est infinitis modis nobilius obiectis aliarum disciplinarum; cū nempe sit Deus Optimus Maximus, non solum vt author naturæ, sed etiam vt author gratiæ, hoc est secun-

dum illa attributa easque perfectiones, quæ omnem humani intellectus facultatem naturalem exsuperant, nec vnquā in cor hominis ascenderunt; vnde si minimum quod potest haberi de cognitione rerum altissimarum, desiderabilius est, quàm certissima, & accuratissima rerum inferiorum cognitio, vt dicitur in vndecimo de animalibus; quid de sacra doctrina dicendum, quæ non leuiter aut superficie tenus, nec de vno tantum, aut altero diuinitatis mysterio, sed de tot, & tam multis, tam copiose certòque differit ex principijs fidei immediatè à Deo per reuelationem habitis.

Iam verò Theologiam, seu doctrinam sacram, quatenus practicam, esse etiam digniorem omnibus alijs scientijs practicis humanis, quales præcipuè sūt illæ; Monastica, Oeconomica, & Politica: Probat D. Thomas, quia dignitas scientiæ practicæ potissimum ex fine colligitur, ita vt ex practicis scientijs illa sit dignior, quæ habet finem digniorem, & ad quem alix scientiæ intra eandem seriem ordinantur, vt paret inductione in omnibus scientijs practicis, & artibus sibi inuicem subordinatis; at doctrina sacra comparata ad omnes naturales scientias practicas respicit finem vltiorem, seu superiorem, ad quem omnes eiusmodi scientiæ, finesque illarum ordinantur, ergò hæc doctrina est nobilior & dignior cæteris; Maior & consequentia huius argumenti patent; Minor verò, in qua posset esse difficultas, probatur nam finis Theologiæ, est ipsamet beatitudo, & clara Dei visio, vltimus omnino finis, qui ad nullum alium refertur, sed cæteri potius ad ipsum.

Verum occurrit dubium, circa mentem Sancti Thomæ, quo sensu dicat finem doctrinæ sacræ, in quantum est practica, esse beatitudinem æternā, & quomodo alix scientiæ practicæ ordinentur ad talem finem.

Circa primum, Caietanus 1. parte q. 1. art. 5. videtur docere quod æterna beatitudo sit finis proximus Theologiæ; alij

Alij tamen negant, verum hæc duæ sententia facile possunt ad concordiam reuocari, maxime quia ratio D. Thomæ, quæ probat dignitatem doctrinæ sacræ super alias scientias practicas, æquæ concludit, quouis modo dicatur æterna beatitudo finis ipsius, siue remotus, siue proximus; si enim per finem proximum intelligat ille, inter quem, & inter actû scientiæ, qui respicit illum finem, nullo modo alius finis proximior existat, sic æterna beatitudo non potest dici finis proximus Theologiæ siue doctrinæ sacræ, vt practica est, hoc enim pacto finis proximus est ipsa rectitudo operationum humanarum supernaturalium, ad æternam beatitudinem consequendam necessarium, sicut in ordine naturali finis proximus naturalis prudentiæ, non est beatitudo naturalis, sed est rectitudo naturalis operationum humanarum, & in hoc sensu finem proximum acceperunt illi, qui contra Caietanum existimant æternam beatitudinem non esse appellandam finem proximum doctrinæ sacræ. At si per finem proximum intelligamus illum, inter quem, & scientiam, quæ ordinatur ad illum, non mediat alia naturalis scientia, quæ proximus talem finem attingat, etiam si mediant alij fines proximiores, potest ille finis in hoc vero sensu vocari proximus, & immediatus, & hoc modo se habet æterna beatitudo ad sacram doctrinam, quæ vt practica est, ita dirigat operationes humanas in ordine ad vitam æternam, vt nulla ratione mediet inter sacram doctrinam, & finem vitæ æternæ, naturalis aliqua scientia, quæ immediatus respiciat talem finem.

Circa modum verò, quo omnes fines aliarum scientiarum practicarum, ordinantur ad finem doctrinæ sacræ, facile potest explicari ex ordinatione hominis ad vltimum finem supernaturalē, posita enim tali ordinatione, habet obligationem necessariam consequentem dirigendi omnes suas operationes ad talem finem, vel saltem ita operandi, vt omnes eius operationes sint ad talem

finem aptæ ordinari, siue ordinabiles, tanquam ad finem vltiorem & ex natura, & essentia sua perfectiorem, quod sufficit ad nostrum intentum.

## C A P V T I I.

*Quod sacra doctrina sit verè & propriè dicta sapientia.*

**P**RO intelligentia difficultatis notandum est primò ex D. Th. 1. parte q. 1. art. 6. ad 3. & 22. q. 45. art. 2. quod cum Iudicium ad Sapientiam pertineat secundum duplicem modum iudicandi, dupliciter sapientia accipitur: contingit enim aliquem iudicare vno modo per modum inclinationis, sicut qui habet habitum virtutis, rectè iudicat de his, quæ sunt secundum virtutem agenda, in quantum ad illa inclinatur. Alio modo per modum cognitionis, sicut aliquis instructus in scientia morali, posset iudicare, de actibus virtutis, etiam si virtutem non haberet. Quando ergo asseritur quod doctrina sacra sit verè & propriè dicta sapientia, non est sermo de sapientia, quatenus est primò modo iudicativa, sed secundo; differunt enim Iudicium pertinens ad sapientiam infusam, quæ ponitur donum Spiritus Sancti, secundum illud 1. Corinth. 2. *Spiritualis homo iudicat omnia etc.* & iudiciū pertinens ad Theologiam siue doctrinam sacram, quæ est sapientia acquisita, quamuis sint de eadem re, quod primum sit secundum modum inclinationis, seu secundum inclinationem ipsius doni sapientiæ infusæ; alterum verò sit solum secundum modum doctrinæ, seu cognitionis: nam iudicium per se à sapientiā infusā elicitū attingit pro obiecto formali proximo præmissas illas, ex quibus deducitur, modo proptus supernaturali, nempe vt stat sub lumine supernaturali sapientiæ infusæ, & ex ipso lumine procedit, atque ita intellectus magis iudicat secundum inclinationem huius supernaturalis luminis, & doni, quo dicitur eleuatus, quam ex vi connexionis-

nexionis consequentiæ cum antecedenti, vt docet idem D. Thom. in scripto. paruo super sententias q. 2. prologi artic. 1. his verbis: *Sapientia quæ dicitur donum Spiritus Sancti est quadam cognitio de Deo habita non tam secundum considerationem scientiæ in intellectu, quam per experientiam diuinæ dulcedinis in affectu*: at verò assensus Theologicus, vt procedens ab habitu acquisito Theologiæ, attingit illas præmissas modo prorsus naturali, hoc est inferendo, & iudicando per lumen merè naturale inter consequens & antecedens ex vi naturalis connexionis; & sic prius iudicium dicitur secundum inclinationem supernaturalis doni, pertinetque ad sapientiam infusam, quæ est donum Spiritus Sancti; posterius verò secundum modum cognitionis, & doctrinæ per studium acquisitæ, cuiusmodi est doctrina sacra; & primum non reperitur nisi in homine iusto, secundum etiam in homine iniusto & peccatore, veram tamen fidem habente, cum sine illa habitus Theologiæ esse non possit, vt dicitur sententia sequenti, explicando an maneat in heretico.

Secundò notandum est Sapientiam secundo modo statim allato sumptam, iterum esse duplicem; altera quæ in aliquo solum determinato genere dicitur talis, altera verò quæ absolutè, & simpliciter dicitur talis: cum enim sapientis sit ordinare, & iudicare, iudiciumque per altiorẽ causam de inferioribus habeatur, ille sapiens dicitur in aliquo determinato genere, qui præcisè considerat causam altissimam illius generis, id est qui iudicat de aliquo effectu habente plures causas inferiores & superiores, per altissimam causam in illa serie, & ordine de quo agitur, vt in genere ædificij, artifex qui disponit formam domus, dicitur sapiens, & architector respectu inferiorum artificum, qui dolant ligna, vel parant lapides. At verò sapiens simpliciter & absolutè dicitur ille, qui considerat simpliciter altissimam causam totius vniuersi, iudicando de

omnibus rebus proximè, vel remotè per illam.

Tertiò notandum est, sapientiam esse formaliter scientiam, differreque solum ab alijs scientijs, sicut speciem perfectissimam, à minus perfectis, ita colligitur ex D. Thom. super Boetium de Trinitate q. 2. vbi dicit, *quod sapientia non diuiditur contra scientiam, sicut oppositum, sed sicut perfectissima species ab alijs*. Nam præter hoc, quod est demonstrare conclusiones inferendo illas ex aliquibus principijs, in quo conuenit cum omnibus alijs scientijs, habet insuper sapientia quod de omnibus iudicium ferat, etiam de primis principijs, non quidem formaliter aut elicitiuè, quasi ad ipsam pertineat elicere illos assensus primorum principiorum, sed solum terminatiuè, & obiectiuè, quatenus ex sua vniuersalitate, illa magis declarat; & quo ad nos probat, & contra negantes tuetur. Hinc S. Thom. 1. 2. q. 37. art. 2. ad 2. & alibi sæpe intulit sapientiam esse nobiliorem intellectu, & alijs scientijs, continereque aliquo modo sub se illas; non quod sapientia non sit specialis habitus, sed aggregatum ex habitibus principiorum, & conclusionum supremæ scientiæ, vt volunt aliqui, alias ineptè distingueret Aristoteles 6. Ethic. cap. 7. quinque habitus intellectus, si alter illorum, nimirum sapientia, non poneret in numero cum alijs, sed esset aggregatum quoddam, ex illis: Aut quod sit simplicissimus, & perfectissimus habitus, qui sub vniuersa ratione formali eminentissima se extendat ad cognitionem principiorum & conclusionum, ita vt talis habitus nec sit formaliter intellectus, nec scientia, sed vtrumque eminenter, vt volunt alij; si quidem non est intelligibilis talis habitus, si sit sermo de habitibus naturalibus. Omnis namque habitus intellectualis ordinis naturalis, vel est nobis à natura inditus, vel proprio labore & industria comparatus; at sapientia modo statim explicato, non est habitus ab ipsa natura inditus, quia alijs omnes homi-

nes

nes præditi eſſent eiufmodi habitu, neque eſt acquiſitus medio diſcurſu, quia ſi talis diſcurſus procedit ex principijs per ſe notis, & certis, ille habitus erit ſcientia, ſi autem ex principijs non certis, erit opinio; ergo per diſcurſum non eſt producibilis in nobis habitus qui ſit eminentior ſcientia, & habitu principiorum, in ſenſu ab illis authoribus intento.

Dicendum eſt igitur, ſapientiam vocari à D. Thoma nobiliorem, aut altiorẽ virtutem, quàm ſit habitus principiorum, quia cum ſit ſuprema ſcientia, iudicat & ordinat de omnibus, etiam de primis principijs, non quidem demonſtrando illa, vt per ſe patet, ſed reſcendendo ſupra illa, nempe illa explicando per principia communia quo ad nos, per terminos clariore, & tuendo ab impugnantibus, qui modus procedendi non arguit quod ſapientia ſit perfectior aut nobilior ſimpliciter habitu primorum principiorum, ſed ſolum ſecundum quid; quod eſt maximè verum in noſtro caſu; nam habitus principiorum in Theologia eſt nobilior ipſo habitu Theologiæ, cum ſit ſupernaturalis quo ad ſubſtantiam, & hic ſit naturalis; & cum immediatius verſetur circa Deum, & diuinam ſcientiam, quàm Theologia. His adnotatis.

Reſpondeo dicendum, quod doctrina ſacra non ſolum quatenus practica, ſed etiam ſpeculatiua, ſit maximè ſapientia inter omnes ſapientias humanas, hoc eſt non ſolum comparata ad eas ſapientias humanas, quæ tantum ſunt ſapientia ſecundum quid, ſed etiam ad eam, quæ eſt ſapientia humana ſimpliciter, qualis eſt Metaphyſica. Circa hanc concluſionem omnes ferè Theologi conueniunt.

Et primò quod ſacra doctrina in quantum practica, poſſit dici maximè ſapientia, quo ad conditiones iudicandi, & ordinandi, quas ad munus ſapientis pertinere docet D. Thomas 1. parte q. 1. art. 6. & 1. 2. q. 5. art. 2. 2. 2. q. 45. art. 1. & 2. contra gentes cap. 24. num. 3. Facile oſtendi poteſt, ex alijs ſcientijs, & ſa-

pientijs practicis, quibus in tantum conpetunt duo illa munera iudicandi, & ordinandi, in quantum iudicant de operibus artium inferiorum, & ſibi ſubordinatarum, an rectè ita, vel ita ſiant, & ea ordinant, ac diſponunt ad ſuum vltiorem finem: cum ergo doctrina ſacra in quantum practica, omnes prorsus humane vitæ actiones ordinet in vniuerſalem finem vitæ æternæ, iudicetque de illis per altiſſimam cauſam diuinæ ſapientia medijs principijs reuelatis, poteſt dici maximè ſapientia practica tamen quo ad vtrumque munus iam allatum.

Super eſt modo videre quomodo ſacra doctrina, etiam vt ſpeculatiua, conueniant duo illa officia iudicandi & ordinandi circa omnes prorsus ſcientias, vel purè naturales, & quidem quo ad primum, videtur explicare D. Thomas 1. parte q. 1. art. 6. ad 2. his verbis. *Quidquid in alijs ſcientijs inuenitur veritati huſus ſcientia repugnans, totum condemnatur vt falſum, unde dicitur 2. ad Cor. 10. conſilia deſtruentes, & omnem altitudinem extollemes ſe aduerſus ſcientiam Dei.* Itaque doctrina ſacra per ipſum lumen ſapientia increata, cui innititur medijs principijs fidei, tanquam per altiſſimam, & ſupremam cauſam in iudicium vocat omnes quotquot ſunt cognitiones ordinis naturalis, conſiderando, an aliquid dicunt, quod repugnet ſuis veritatibus, ſic enim ſtatim reiſcitur, vt falſum, etiam ſi appareret verum, quia lumen diuinæ ſapientia non poteſt falli, ſicuti poteſt lumen creatum naturalis cognitionis: Iudicare autem hoc modo eſt iudicium perfectiſſimæ ſapientia, & ſimpliciter talis, ſiue quæ conſideret altiſſimam cauſam: in quo Theologia maximè ſuperat Metaphyſicam; quæ non iudicat de alijs ſcientijs, niſi per prima principia naturalia, aut per rationes diuinas ſolo naturæ lumine cognitæ, quæ ſunt minus certæ principijs fidei. At eo ipſo quod Theologia iudicat hoc modo de alijs ſcientijs, poteſt etiam dici illas aliquo modo ordinare, quatenus reiſcitis

## 66 Bibliothecæ Theologicæ Lib.I.

& separat ab illis eas apparentes veritates, quæ tamen re vera sunt falsitates, & ita auert ab illis hanc inordinationem; Sic igitur doctrina sacra non solum quatenus practica, sed etiam speculatiua, vocari potest maximè sapientia, quo ad vtrumque munus iudicandi, & ordinandi assignatum à D. Thoma locis iam citatis l. 2. q. 66. art. 5. in corpore.

Secundò probatur conclusio applicando sacre doctrinæ cæteras conditiones sapientiæ proprias, quarum prima est, quod sit circa omnia, secunda circa difficilia, non enim quis dicitur sapiens ex eo quod sciat solum aliqua, sed multa, eaque supra communem vulgarium hominum captum; cum ergo faciliora, nota sint vulgaribus etiam hominibus, vt quis dicatur sapiens debet nosse difficiliora. Tertia, & quarta, quod de his quæ scit, sit certa, cognoscatque ea per altissimas causas, cum enim scire, sit rem certò per suam causam cognoscere, supremæ scientiæ, qualis est sapientia, conuenire debet vt res certò & per altissimas causas cognoscat, dux tandem vltimæ conditiones ad iam allatas subsequentes sunt, quod sapientia quærat propter se, modereturque alias scientias, quia eo ipso quod sit prima, & suprema inter scientias, eo ipso debet esse maximè propter seipsam, aliasque scientias moderari, tanquam tamen Regina, & Principes.

At omnes illæ conditiones seu proprietates sapientiæ, perfectissimè competunt doctrinæ sacre. Primo enim discurret circa omnia, quia cum sit scientia vniuersalis, agatque de generalissimis rebus, & conclusionibus, & principiis, quæ ad omnia prorsus se extendunt, v. g. de Deo vt est Deus, & finis vltimus, & Creator, & Redemptor, &c. debet ex consequenti de omnibus disputare. Secundo cognoscit difficillima, agit enim de fidei mysterijs, quibus nihil altius, nec sublimius oculus videt, nec auris audiuit. Tertio propter eandem rationem de his quæ scit, certissima est, si quidem principia Theologica nihil aliud sunt,

quam fidei assertiones, quæ totius certitudinis principatum tenent, eo quod fundamentum habeant in diuina reuelatione; quæ etiam diuina reuelatio se habet tanquam causa valdè vniuersalis in cognoscendo, quæ est quarta conditio. Quintò tandem & sextò, cum obiectum proprium doctrinæ sacre sit ipse Deus sub lumine adeò eminenti, vt cognoscat de Deo non solum quod lumine naturali manifestatur, sed quod notum est ipsi soli de seipso, & alijs per reuelationem communicatum; sequitur manifestè quod sit maximè propter seipsam & gratia sui, pertineatque ad ipsam moderari alias scientias per modum reginæ & dominæ earum, approbando, vel reijciendo omne illud, quod est in illis aut consonum, aut dissonum suis veritatibus.

Vltimò sapientia est, quæ non solum versatur in conclusionibus, sicut scientiæ inferiores, sed etiam in principiis, illa magis declarando, & quo ad nos probando, & contra negantes tuendo, vt supra adnotauimus; atqui talis est Theologia, quæ scilicet contemplatur non solum conclusiones, sed principia & assertiones fidei, ex quibus per discursum inferuntur, omniaque prorsus studet illustrare, confirmare, & ab impugnantibus defendere, nunc à posteriori, nunc à priori: quatenus rerum natura, & conditio patitur, aliquando à simili, à minori ad maius, à maiori ad minus, à pari, vel positivè, vel negativè, & sic de reliquis: ergò optimo iure sapientia debet appellari, nec est quod in re tam clara diutius immoremur.

### C A P V T III.

*Quod Sacra doctrina non ita superet dignitate alias scientias, vt sit habitus formaliter supernaturalis.*

**A**liqui Theologi doctrinam sacram inde super alias scientias extollere conantur, quod sit habitus formaliter supernaturalis, etiam pro vt à fide distincta-

tinguitur, verum ista sententia communiter rejicitur ab alijs; Quamvis enim possit dari Theologia infusa supernaturalis, quæ pertinet ad donum Spiritus Sancti secundum aliquam excellentiam, gratis datam, quæ in illo reperitur: vt docet D. Thomas 2.2. quæst. 45. artic. 5. Attamen loquendo de Theologia pro vt nostris actibus acquiritur, probabilius est esse habitum formaliter, & substantialiter naturalem; licet radicaliter possit dici supernaturalis, ratione scilicet habitus, & actus fidei, ex quibus aliquo modo originem ducit, & in quibus radicatur.

Prima autem ratio fundamentalis huius conclusionis desumitur ex D. Tho. 1. parte q. 1. art. 6. ad 3. & 2. qu. 9. art. 1. & quæst. 45. art. 1. ad 2. Vbi ponit differentiam inter sapientiam, & scientiam, quæ sunt dona Spiritus Sancti, pertinentque ad gratias gratis datas, quas Spiritus Sanctus distribuit pro vt vult secundum illud 1. Corinth. 12. *Alij datur per spiritum sermo sapientie, alij sermo scientie &c.* & inter Theologiam, quod talia dona non acquiruntur discursu, sed sunt participationes quedam diuinæ scientiæ, at verò Theologia est habitus sapientiæ acquisitus studio, & labore hominum, & per discursum. Vnde sic possumus argumentari.

Omnis habitus formaliter, ac substantialiter supernaturalis est per se infusus, at habitus Theologiæ, non est per se infusus, sed proprijs vnuscuiusque actibus comparatur, ergo habitus Theologiæ non est supernaturalis. Minor huius argumenti est D. Thomæ, potestque sic demonstrari; quia Theologia nostra, nec est habitus per se infusus concomitans solam gratiam sanctificantem sicut aliæ virtutes, alias non remaneret in peccatore, à quo separatur gratia, nec est concomitans solam fidem, sic enim omnis fidelis esset Theologus, quod est falsum, loquendo de Theologia in sensu in quo est difficultas; Nec tandem est habitus infusus sicut gratia gratis data, cum frequenti potius ac continua actu

nostrorum repetitione acquiratur. Nam per assiduum exercitium studij Theologici aliquid de nouo producit in nostro intellectu, quo petcipimus, & cognoscimus multa quæ antea non cognoscebamus: illud autem quod sic acquiritur nihil est aliud quam habitus scientificus Theologiæ, ergo datur Theologia ex genere suo acquisita; Et tandem hoc supponitur, non enim est modo difficultas inter nos & authores oppositæ sententiæ num habitus Theologicus per se infusus sit supernaturalis; sed est difficultas de illo habitu Theologico, qui propria vnuscuiusque Theologi labore & industria per se acquiritur; & de hoc asserimus esse habitum formaliter, ac substantialiter naturalem, non verò supernaturalem, cum omnis habitus formaliter, ac substantialiter supernaturalis debeat esse per se infusus; Quæ est maior primi argumenti, & sic probatur quia omnis habitus; qui per se excedit, ac superat facultatem humanæ naturæ, est per se infusus, sed omnis habitus secundum substantiam supernaturalis, excedit vires humanæ naturæ, vt patet ex definitione talis supernaturalitatis, ergo est per se infusus; Maior autem est expressè D. Th. 1.2. q. 5. 1. art. 4. in corpore, vbi ex eo, quod sint aliqui habitus in nobis excedentes facultatem humanæ naturæ, inferunt tales habitus nunquam posse hominibus inesse, nisi ex infusione diuina; Vnde apud D. Thomam idem prorsus est esse habitum secundum substantiam supernaturalem, & naturæ vires excedentem, ac esse habitum per se infusum, imo nullo alio vocabulo appellare solet habitus, quos nos vocamus supernaturales, nisi habitus infusos; si ergo habitus Theologiæ excedit facultatem humanæ naturæ, cum sit secundum substantiam supernaturalis, vt volunt aduersarij, non poterit esse in nobis, nisi ex diuina infusione, quod est falsum, & contra suppositionem factam.

Huius argumento, quod proculdubio est efficax posset aliquis respondere negando maiorem, si quidem non videtur

vniversaliter vera, nec ad conuertentiam dici; quamuis enim sit verum, omnem habitum per se infusum, debere esse substantialiter supernaturalem, non tamen vice versa omnis habitus supernaturalis debet esse semper per se infusus, sed potest esse aliquis acquisitus, dummodo fiat, & acquiratur ex concursu alicuius causæ supernaturalis, si quidem ad producendum actum aut habitum merè naturalem in se, nullum principium supernaturale est necessarium, sed sufficit sola natura, saltem in aliquo casu, cum ergo Theologia producatur in nobis ex concursu fidei, quæ est causa supernaturalis, poterit etiam esse supernaturalis, sicut actus virtutum supernaturalium, supernaturales sunt, quia sunt ab habitu supernaturali.

Respondeo solutionem allatam multa continere falsa; nam primò ex suppositione, quod nomine habitus supernaturalis quoad substantiam, intelligatur illud quod excedit omnes naturæ vires per modum actus primi, debet esse necessario quid per se infusum; dixi per modum actus primi, quia licet actus supernaturales possint à nobis elici, non possumus tamen per actus supernaturales habitum supernaturalem acquirere, sed necessario debet intundi vt docent communiter Theologi 1.2. q. 110. & 22. qu. 3. cuius ratio desumitur ex differentia inter actus, & habitus supernaturales, nam habitus dantur per modum actus primi, & consequenter, vt immediatè participationes Dei, qui est ens supernaturale per essentiam, actus autem sunt participationes mediatè, quia sunt vitales vitalitate creati, id est elicientia physica agentis creati; Si quidem actus vitales essentialem dependentiam habent ab illo principio cuius sunt actus vitales, & sic ex ipsa ratione supernaturalitatis vitalis per modum actus secundi, petunt procedere, & elici ab agente creato eleuato tamen, at habitus, non sunt entia supernaturalia vitalia à vita agentis creati procedentia; sed dantur per modum actus primi eleuantis potentiam ac su-

pernaturaliter illam viuificantis, ita vt immediatè deriuentur à Deo, alias immediatè participationes supernaturales non essent, & sic idem est esse ens supernaturale per modum habitus, seu per modum actus primi, & esse per se infusum, seu immediatè à Deo procedens. Cum ergo Theologia non sit habitus per se infusus, sed proprio vnus cuiusque, valore & industria comparatus, rectè sequitur etiam, quod non sit habitus formaliter, ac substantialiter supernaturalis.

Impugnatur adhuc magis, quia si aliquis habitus supernaturalis potest acquiri per suos actus, etiam supernaturales, vt aduersarij fatentur de habitu Theologico, sequeretur quod omnes prorsus habitus supernaturales possent generari, & acquiri per suos actus similiter supernaturales, v. g. habitus fidei, spei & charitatis per actus supernaturales huius illarum virtutum, sed consequens est falsum, vt conceditur ab ipsis aduersarijs, alias nullus daretur habitus per se infusus; ergo &c. Sequela maioris probatur, quia si semel admititur actum supernaturalem posse generare aliquem habitum inclinantem ad similes actus, nulla prorsus assignari potest ratio aut disparitas, cur etiam actus illarum virtutum Theologicalium non possint generare habitus suos, aut saltem physicè augere; non enim dici potest, hos habitus esse per se infusos, quia saltem eorum infusio prærequiritur ad primos actus, atque adeò non possunt per actus suos generari; nam primò actus fidei, & spei, vt docent communiter Theologi in materia de fide, possunt præcedere infusionem habituum; imò licet habitus charitatis simul tempore sit cum actu charitatis perfecto, multi tamen existimant etiam iuxta mentem D. Thomæ, primum eius actum non procedere effectiue ab habitu, sed à solo auxilio supernaturali antecedente infusionem habitus; igitur non potest assignari disparitas ex hoc capite. Rectè ergo D. Thomas pro eodem habuit habitum supernaturalem, & infusum.

Se-



Secundum quod continet falsum solutio allata, est quod assensum Theologicum, mediante quo generatur in nobis habitus Theologicæ, concurrat principium supernaturale fidei; licet enim sit verum, quod ad assensum conclusionis, non præcisè, sed pro ut connotat præmissas, seu ratione præmissarum antecedentium, requiratur fides, quia concursus fidei est ad assentiendum obiecto credito, cuiusmodi sunt præmissæ Theologicæ; tamen ad deducendas conclusiones Theologicas præcisè, sufficit lumen naturale intellectus; & ita non possunt producere habitum supernaturalem; sic enim rectè probatur actum diuinæ charitatis, & spei, esse secundum substantiam supernaturalem, quia posito quocumque lumine fidei antecedenti, adhuc tamen ad ipsos actus charitatis, eliciendos, requiritur auxilium supernaturale in voluntate quodcumque illud sit, ut eleuetur ad tales actus, si ergo, positis præmissis, adhuc intellectus, indigeret nouo auxilio, aut lumine supernaturali, ad deductionem aut assensum conclusionum; rectè probaretur esse aliquid substantialiter supernaturale; at nullam esse indigentiam talis auxilij probatur ratione sequenti, quæ est secundum fundamentum nostræ conclusionis.

Probatur secunda conclusio, quia ille assensus, aut actus, ad quem concurrat intellectus per suam veram potentiam, & vim naturalem, absque vilo gratiæ auxilio, aut eleuatione supernaturali, est in se formaliter naturalis, sed talis est assensus Theologicus, ut distinguitur ab habitu fidei; ergo ut sic præcisè, est habitus merè naturalis formaliter loquendo. Maior est certa ex definitione assensus naturalis veluti à posteriori: si enim nullum habemus euidentius signum ad asserendum quod aliquis actus intellectus sit substantialiter supernaturalis, quam si non valeat illum elicere, nisi ut eleuatus supernaturaliter, seu per principium aliquod supernaturale; ita, per oppositum nullo euidentiori signo possumus colligere aliquem actum esse

naturalem, quam si possit intellectus illum immediate elicere, per suam potentiam præcisè sine vlla eleuatione diuina supra exigentiam, & conditionem suæ naturæ, sed sua propria, & innata, virtute, concurrente solum Deo, per modum causæ vniuersalis.

Minor ergo in qua potest esse difficultas, probatur, quia bene fiat aliquas veritates esse notas supernaturaliter quo ad assensum, & tamen per discursum naturalem penetrari multa, quæ dependentiam, & connexionem habent cum tali veritate; ergo ad illum actum præcisè, non exigit intellectus vllum gratiæ supernaturalis auxilium, atque adeo talis actus erit in se naturalis; patet veritas consequentia ex dictis, antecedens autem probatur, nam certè non video, cur propositis intellectui veritatibus fidei tanquam certis per ipsam fidem, si reliquatur intellectus suis viribus naturalibus præcisè, non possit, sicuti solet facere circa obiecta aliarum scientiarum, ordinare, aut reducere in formam syllogisticam aliquas ex illis veritatibus præsuppositis, siue nō admiscendo alias virtuales aut principia naturalia, siue admiscendo, ex quibus ita dispositis, & suppositis, tanquā certis, potest videre, & interre, quid sequatur, suoque modo conaturali assentiri. Quamuis enim intellectus ex ipsa certitudine fidei roboretur, & perficiatur ad assentiendum certis veritatibus illatis, quia principia præbent certitudinem conclusionibus propter resolutionem & dependentiam veritatis conclusionum à veritatibus principiorum; ipsumque resolui hanc veritatem in illam, & dependere ab illa, reddit veritatem, resolutam firmitatem; tamen ista certitudo fidei ex parte veritatum cognitarum, non eleuat intellectum ad modum ipsum deducendi consequentias, aut ad inferendum conclusiones aliori modo, quam ratio naturalis attingit, sed talis modus discurrendi, & inferendi, relinquitur naturali discurrendi facultati; Vnde apud Theologum bonitas consequentiæ eisdem principiis regulatur, & sicut aliæ consequen-

quentiæ Logicales, & tantum deducitur per discursum circa veritates fidei, quantum quis habet de ingenio, & de naturali perfectione in discurrendo, sicuti in alijs scientijs merè naturalibus, quod est vehemens inditium, & argumentum naturalitatis actus Theologici, & quod tota ratio illum acquirendi sit ex viribus naturalibus; ita ut habitus, vel lumen fidei nullo modo influant in assensum conclusionis, sed solum in actum fidei, per quem proponitur intellectui materia, & veritas aliqua complexa, ut ipse postea facultate suæ naturæ videat, quid inde sequatur, alioqui non distinguere habitus fidei ab habitu Theologiæ.

Dices; ex communi sententia Logicorum assensus præmissarum concurrit in genere causæ efficientis ad assensum conclusionis, sed illud quod concurrit ad aliquid in genere causæ efficientis, debet in illud influere, ergo si assensus præmissarum concurrit efficienter ad assensum conclusionis, debet id præstare per aliquem influxum, naturalem quidem, si assensus præmissarum sit naturalis, supernaturalem verò si assensus sit supernaturalis, ut contingit in habitu Theologico, unde etiam conclusio poterit esse supernaturalis, nam ille actus, qui necessario, & connaturaliter sequitur, positus aliquibus principijs, & causis supernaturalibus realiter in illum influentibus, supernaturalis quoque esse debet.

Instantia adducta petit ut breviter explicemus, qua ratione præmissæ in scientijs sint causa assensus conclusionis, pro cuius intelligentia notandum est, præmissas sumi posse, vel formaliter, vel obiectivè, formaliter sunt assensus, seu actus ipsi intellectus, quibus propositiones ipsas iudicamus, obiectivè sunt res ipsæ quæ assensu, & propositione attinguntur, & in hoc genere loquendo, præmissæ quodammodo sunt causa materialis conclusionis, ut docet expressè Arist. 2. Physic. text. 31. & explicat optime D. Thom. ibid. lect. 5. in quantum termini, qui præhabentur in præmissis, sunt etiam materia conclusio-

nis, licet non ut stant sub forma præmissarum: sicut farina dicitur materia panis, licet non ut stat sub forma farinae. Similiter præmissæ obiectivè sumptæ dicuntur concurrere aliquo modo in genere causæ formalis extrinsecæ, quasi specificando conclusionem, in quantum sunt ratio *sub qua* assentiendi conclusioni, mediumque probativum, & illuminativum unde sumitur eius specificatio.

Maiores difficultates est de præmissis formaliter sumptis, hoc est pro assensu seu actu intellectus; quomodo concurrant ad assensum conclusionis; quia vix apparet, quomodo unus actus intellectus possit alium causare, unde aliqui negant ex hoc fundamento assensum præmissarum esse causam assensus conclusionis. Nihilominus communior sententia tribuit efficientiam, siue causalitatem in genere causæ efficientis actibus præmissarum, respectu actus conclusionis. Quod sumitur ex D. Th. 1. Poster. lect. 3. 5. Metaph. lect. 3. 1. p. q. 14. artic. 7. & r. contra gentes cap. 55. alibi que sæpe quamvis postea sit difficultas inter Doctores in explicanda illa efficientia assensus præmissarum, respectu assensus conclusionis. Aliqui enim ita concedunt assensum præmissarum concurrere in genere causæ efficientis ad assensum conclusionis, ut tamen non concurrat, ut principium influens in ipsum actum, sed solum ut determinans intellectum ad assensum conclusionis, & veluti remotè; intellectus enim determinatus assensu præmissarum, vi sua naturali inserit id, quod videt sequi ex illis præmissis, unde primis principijs assentitur per diversum habitum, ac ipsi conclusioni. Alij vero ita explicant illam efficientiam, quod per assensum præmissarum producitur in intellectu quædam species intelligibilis, quæ simul cum ipso producat assensum conclusionis, & ratione cuius talis actio tribuatur ipsi assensui præmissarum, ad eum modum quo solet explicari ab aliquibus efficientia sensationis exterioris respectu interior-

riorum, in quantum species expressa, v. g. visionis, producit aliam speciem in sensu communi, qua mediante ipse elicit effectiue suam sensationem. His breuiter adnotatis.

Resp. 1. ad instantiam concedendo maiorem, & negando minorem, cum iuxta primę sententię explanationem, præmissæ concurrant in genere causę efficientis, solum prædeterminatiue, non autem influendo in conclusionem, ad quam sufficit influxus solius potentię naturalis; quare in casu nostro, præmissæ fidei non concurrunt ad assensum, conclusionis, eliciendo vel influendo in talem assensum, sed solum prædeterminando intellectum, qui postea vi sua naturali, sine vlllo prorsus auxilio gratiæ supernaturalis, aut elevatione potest videre rectitudinem illationis, & inferre quid sequatur ex illis præmissis, quāuis cognitis lumine supernaturali; nulum enim est inconueniens, quod intellectus ita determinatus, possit vi sua naturali præcisè colligere, & inferre aliquid, quod sit inferius ipsa supernaturali cognitione.

Resp. 2. concedendo maiorem, & minorem; deinde negandum est quod ille influxus sit supernaturalis, cum enim nos in hac vita cognoscamus res supernaturales solum abstractiue; species, per quas illas cognoscimus ad modum rerum nostrarum, sunt merè naturales, atque adeo ex hoc concursu, & influxu præmissæ supernaturalis, mediante tali specie, inferri non potest, conclusionem Theologicam, vt sic præcisè esse supernaturalem: vnde quando dicitur, illum actum, qui necessario & connaturaliter sequitur positis aliquibus principiis, & causis supernaturalibus, esse etiam supernaturalem; distinguenda est illa propositio, & concedenda si ille actus, positus aliquibus principiis, & causis supernaturalibus, immediatè sequatur ex ipsis in aliqua potentia recipiente: Ceterum si ille actus, sequatur mediante solum aliquo naturali adequatè elicitivo ipsius, ita vt principium supernatu-

rale se habeat merè præsuppositiue, negandum est quod ille actus sit supernaturalis; sic autem se habet in nostro casu, vbi si insitit assensus præmissarum, id præstat mediantibus speciebus naturalibus, & mediante dispositione illarum syllogistica facta lumine naturali, ac eadem mediante ipsa potentia naturali adequate elicitiva talis actus, ita vt assensus fidei, merè præsuppositiue se habeat; nullum autem est inconueniens, quod aliquis actus merè naturalis, non sit possibilis nisi facta aliqua suppositione supernaturali; nam professio non minus distat in genere moris bonum, & malum, quam in genere entis naturale, & supernaturale; & tamen aliqua bona non sunt possibilis, nisi ex suppositione mali, vt communiter dicitur de actu poenitentię, quæ supponit peccatum; imo aliqua supernaturalia non sunt possibilis, nisi supposito aliquo naturali; qua ergo ratione repugnabit, posse esse aliquam cognitionem merè in se naturalem, positis principiis fidei, quæ intellectus merè naturaliter cognoscat, quid ex illis in bona forma, & quomodo sequatur, assentiendo tali consequentię, naturali sua facilitate deductę, & illatę ex illis principiis, quod pertinet ad Theologiam, quæ nunquam separatur à fide, nec separari potest, sed ex vtriusque integratur vna doctrina facta, & quamuis non possent afferri exempla similia in alijs rebus, nihil tamen hoc obesset, quia nulla potest assignari ratio, cur id in casu nostro sit impossibile.

Ex dictis in hac secunda ratione sequitur, quod, etiam si per impossibile habitus supernaturales possent per suos actus acquiri & produci, adhuc tamen habitus Theologię non esset formaliter supernaturalis, cum assensus Theologicus non sit actus supernaturalis.

Tertio probatur nostra conclusio euertendo principale fundamentum, cui opposita sententia posset inniti. Quia si esset aliqua ratio cur Theologia esset habitus formaliter supernaturalis, maxime quia versatur circa obiecta valde superna-

pernaturalia, sed ista ratio in presenti non est efficax; ergo. Maior est certa, cum supernaturalitas actus non possit aliunde melius colligi, quam ex supernaturalitate obiecti ipsius. Minor autem probatur. Nam licet obiectum Theologiæ sit aliquid in se supernaturale, modo tamen naturale disponitur, & penetratur, siue quod in idem redit est aliquid supernaturale materialiter, non autem formaliter; ad hoc autem ut aliquis actus dicatur formaliter supernaturalis, v. g. actus fidei, quo iudico Verbum diuinum esse incarnatum, non sufficit, quod sit iudicium de illa veritate materialiter considerata, quantumcumque supernaturalis sit, quia etiam hæreticus, & infidelis potest habere simile iudicium, sed est necessarium, quod illam attingat modo supernaturali, quicumque ille sit in fide, de quo modo nō disputo; ergo à pari assensus conclusionis Theologiæ non ideo erit supernaturalis, quia infert aliquam veritatem supernaturalem, quæ est eius obiectum materiale; sed quia attingit veritates supernaturales præmissarū, quæ sunt eius obiectum formale, modo supernaturali; ita ut si non attingat tali modo non possit inferri quod sit supernaturalis. Quod autem Theologia non attingat sua obiecta modo supernaturali, quæ maior probanda, sic declarari potest, quia assensus iudicativus, seu iudicium aliquod, quale est assensus Theologicus, non potest modo supernaturali versari circa aliquam veritatem, nisi iudicet de illa, siue explicitè, siue implicitè, & tali modo iudicet, qui sit supernaturalis; sed assensus Theologicus, in primis non iudicat de veritate præmissarū, quæ sunt eius obiectum formale vllō modo, sed hoc iudicium iam supponit ex fide elicium, & si iudicat de veritate conclusionis, quæ est eius obiectum veluti materiale, iudicat solum de illa, propter evidentem naturalem consequentiam, & connexionem ad veritatem præmissarū, qui modus attingendi in se spectatus, est formaliter naturalis, & virtualiter so-

lum supernaturalis, id est resolvable in principia supernaturalia. Vnde cum dicitur quod mediū probandi in Theologia est supernaturale, scilicet veritates ac principia fidei, distinguendum est, ut connexa & penetrata modo naturali, & studio propriaque industria acquisito concedo, ut stant præcisè sub lumine supernaturali, nego. Nam ut iam dixi non proponuntur in habitu Theologico lumini naturali intellectus illæ veritates cognite, & stabilite tanquam certissimæ per fidem, ut intellectus iudicet de illis, cum iam per lumen fidei iudicauerit, sed ut vi sua naturali videat, quid ex illis sequatur, & inferat. Ad rationem autem luminis, & habitus supernaturalis, non sufficit quæcunque dependentia, & resolutio in medium, seu principium supernaturale, sed requiritur quod modus ipse illuminationis, supernaturalis sit, & non modo naturali dispositus, & acquisitus: Quamvis enim modus sciendi, & inferendi per consequentia, siue quod idem est bonitas consequentiæ secundum se non sit ratio formalis scientiæ, sed conditio, tamen lumen scientificum quod non nisi per talem conditionem acquiri potest, naturalis est ordinis, sicut licet obscuritas non sit ratio formalis habitus fidei, tamen lumen intellectuale, quod talem obscuritatem, Petir, & fundat, fides est.

Verum contra doctrinam huc usque traditam potest objici primò pro opposita sententia. Quia Theologia in Christo Domino fuit habitus supernaturalis, ergo etiam nostra debet esse talis: Probatur consequentia, nam Theologia in Christo non habuit amplius, quam derivari ex principiis supernaturalibus per discursum, sicut nostra Theologia derivatur ex fide, ergo sicut illa fuit supernaturalis, ita erit & nostra.

Resp. ad hoc argumentum, quod in Christo Domino fuit duplex Theologia vna acquisita sicut nostra (vel si fuit Christo infusa, solum fuit infusa per accidens, quod non variat intrinsecam naturam scientiæ) & hæc Theologia fuit  
habi-

habitus formaliter naturalis, quamvis enim procederet ex visione clara Dei, tamen lumen gloriæ ita infusebat in acquisitionem illius, sicut in nobis fides, scilicet præbendo principia, non tamen supernaturali vi habitum producendo, sed Christus Dominus ex studio & industria naturalis ingenij conclusiones deducebat. Alia Theologia fuit, quæ pertinet ad donum sapientiæ, vel scientiæ, secundum quod sunt gratiæ gratis datæ, & hæc in Christo Domino fuit habitus supernaturalis; nec refert quod aliquando utraque Theologia verteretur circa eadem obiecta; quamvis enim iudicium sapientiæ, aut prudentiæ infusæ, quando procedit ex iisdem præmissis de fide, ex quibus procedit assensus Theologicus, habeat pro obiecto materiali, seu formali quod easdem veritates præmissarum, non tamen sub eadem profusus ratione formali, aut modo tendendi, sed sub diverso; nam primo donum scientiæ, aut sapientiæ, quod est Theologia supernaturalis infusa, non innititur discursui, sed simplici cognitioni, in quo assimilatur diuinæ scientiæ, cuius est formalis participatio, ut docet D. Thom. 2. 2. q. 9. art. 1. ad 3. unde ex hac parte longè differt à Theologiâ nostrâ ordinariâ, quæ virtute studij acquiritur per connexionem, & consequentiam præmissarum; secundo ratio formalis Theologiæ acquisitæ est virtualiter reuelatum, quatenus attingitur ex vi connexionis, & consequentiæ deductæ ex aliqua veritate formaliter reuelata; siue quod idem est, sunt veritates fidei, ut attingibiles solo lumine naturali, ratione connexionis quam habet consequens cum antecedente, ex vi solius discursus. At ratio formalis doni sapientiæ, aut scientiæ, est aliqua experientia interna diuinorum, quatenus aliquis patitur diuinâ, seu ex impulsu interiori Spiritus Sancti iudicat de aliquo; quatenus mens experiendo aliquos effectus supernaturales in se illuminatur, ut iudicet iuxta experientiam ipsorum magis, & minus, iuxta quod magis vel minus perfecte

experitur: Istæ autem rationes, sunt rationes valdè diuersæ, scilicet illuminatio experimentalis circa diuinâ, & ut illatiua ex propria industria & studio; & ita secundum has duas considerationes dicendum est etiam diuersa esse obiecta formalia Theologiæ infusæ, & acquisitæ, sicuti in physicis eadem infima superficies aëris, quatenus est terminus motus deorsum alicuius grauis, & quatenus est terminus motus sursum alicuius levis, habet rationem duplicis termini formaliter, licet sit vna materialiter, potestque specificare duos diuersos motus.

Obijcitur 2. Doctrina sacra vocatur ordinariè scientia supernaturalis, ad distinctionem Metaphysicæ, quæ vocatur Theologia, siue scientia de Deo naturalis; ergo.

Respondeo sacram doctrinam ad distinctionem Metaphysicæ vocari ab aliquibus scientiam supernaturalem, non quia sit in se formaliter supernaturalis, sed quia includit principia supernaturalia, & in illis fundatur ut supernaturaliter cognitis, non per habitum Theologiæ, sed per habitum & lumen fidei, quod non competit Metaphysicæ: cæterum quia doctrina sacra sub modo naturali illatiua per propriam industriam, & studium illa attingit, ad modum Metaphysicæ, ideo formaliter loquendo est habitus naturalis, sicut & Metaphysica.

Obijcitur 3. Sicut voluntas eligit media propter intentionem finis, ita intellectus assentitur conclusioni propter assensum præmissarum, ex illo communi axioma quo dicitur ita se habere principia in speculatiuis, sicut finis in practicis; sed electio mediorum propter intentionem finis supernaturalis, est etiam supernaturalis: ergo & assensus conclusionis propter præmissas supernaturales, quales sunt præmissæ Theologicæ, erit etiam supernaturalis.

Resp. ad hoc argumentum negando maiorem, quamvis enim principia in speculatiuis, & finis in practicis conueniant in aliquibus, de quibus modo non

agimus, distinguuntur tamen in hoc, iuxta communio rem sententiam, quod voluntas in electione mediocri, non habet aliam rationem formalem proximam & specificatiuam, nisi ipsam bonitatem finis, qualem etiam habet ipsa intentio; unde non est mirum, si intentio ponitur supernaturalis, quod etiam electio propter eundem finem sit actus supernaturalis; eademque similitudo reperitur in intellectu quando non operatur ex discursu, ut patet in visione beatifica, cuius obiectum formale specificatiuum est diuina essentia clare visa, semper enim eadem specie visio est, siue pro ut se extendit ad diuinam essentiam, siue pro ut se extendit ad creaturas in ipsa contentas, propter eandem rationem formalem; & idem prorsus in casu nostro contingeret, si eodem actu fidei, quo iudico v.g. verbum diuinum esse æternum, viderem tanquam in causa aliquid quod ex illo principio sequeretur; at verò quando intellectus operatur ex discursu,

alio modo res se habet; sicut enim assensus seu iudicium conclusionis, nullo prorsus modo dicendum est iudicium præmissarum, neque per assensus conclusionis iudicat intellectus de veritate præmissarum, ita ratio formalis obiecti iudicii præmissarum, non est nisi ratio formalis remota respectu iudicii conclusionis; & ita remota ut non spectet ad conclusionem, neque in illam resoluitur conclusio, nisi medio habitu, & iudicio realiter & essentialiter diuerso, nempe habitu, & assensu principiorum, quare superest, ut ratio formalis proxima & immediata conclusionis, sit ipsa veritas complexa obiecti præmissarum syllogisticè dispositarum, propter quam immediatè inferitur: & quamvis hæc in habitu Theologico sit supernaturalis, quia tamen non attingitur nisi modo naturali, ut supra explicuimus, ideo non est talis assensus conclusionis, in se & formaliter, nisi naturalis.

## SECTIO QVINTA.

De doctrina Sacra quantum ad subiecta  
in quibus reperitur.

### CAPVT PRIMVM.

*Quod Sacra doctrina non remaneat in Hæretico.*



**V**ANDO quaeritur, num doctrina sacra, seu habitus Theologiae maneat in hæretico, aut esse possit in illo? talis propositio duplicè potest habere sensum, iuxta duplicem modum quo de hæretico possumus loqui; primò, de illo qui acquisito in statu fidelitatis habitu Theologico, postea negata ex pertinaci voluntate aliqua veritate fidei contra manifestum Ecclesiae

sensum sit hæreticus; de hoc enim quaeri potest an simul cum habitu fidei deperdat habitum Theologiae antea acquisitum. Secundo loqui possumus de aliquo hæretico, qui solum post hæresim rebus Theologicis operam nauat, deducendo conclusiones in illis materijs in quibus benè sentit de principijs fidei, quamvis in aliquibus sit hæreticus; & ita quaeri potest an habitus ab hoc hæretico circa tales materias acquisitus, sit eiusdem speciei essentialis cum habitu

bitu Theologiæ alterius Catholici.

Omnes illi doctores qui existimant habitum Christianæ Theologiæ, non distinguere ab habitu fidei infusæ, consequenter ad hanc opinionem tenentur asserere doctrinam sacram nulla ratione manere posse in heretico quouis modo considerato. Sed cum falso innituntur fundamento, non est quod in eo diutius detineamur. Per oppositum Gabriel Vasquez & illi, qui cum eo putant habitum Theologiæ non assentiri conclusionibus propter præmissas fidei, vt cognitas lumine fidei, & assensu supernaturali, sed vt cognitas per fidem acquisitam sive humanam, aut opinionem quamdam merè naturalem, consequenter etiam fateri tenentur, manere in heretico eundem habitum Theologiæ qui erat prius, cum non amittat fidem humanam, aut opinionem circa illa principia fidei, quæ non negat.

Inter eos verò qui distinguunt habitum Theologiæ ab habitu fidei infusæ, ita vt talis habitus fidei se habeat respectu Theologiæ tanquam habitus principiorum, aliqui existimant, quod in heretico nõ corrumpitur habitus Theologiæ essentialiter, & intrinsecè, sed quo ad statum, & denominationem scientiæ solum; alij verò docent habitum Theologiæ simul amitti cū habitu fidei, quid sit in hac re certius tenendum breviter aperietur in sequentibus.

Dico igitur primò, esse probabile, quod ad breue tempus, & in corrupti maneat in heretico ille idem numero habitus Theologiæ, quantum ad substantiam sui, quem habebat ante peccatum. Ratio est quia si statim destrueretur in heretico per peccatum infidelitatis, habitus antea acquisitus Theologiæ, vel id fieret physicè, vel demeritoriè, sed ex neutro capite potest id contingere, ergò. Maior est certa; Minor autem in qua est difficultas probatur, quia habitus acquisiti neque physicè, neque demeritoriè statim per vnum actum contrarium communiter deperduntur, maxime si sint intellectuales,

qualis est habitus Theologiæ acquisitus. Quod si dicas habitum Theologiæ acquisitum differre ab alijs, quod præsupponere debeat fidem; vnde, sicut amisso per vnicum actum infidelitatis habitu fidei, deperditur etiam statim, habitus spei, non aliam ob causam, nisi quod hic habitus fundatur in fide, destructo autem fundamento, destruitur totum id, quod fundatur in illo, ita etiã destructa fide, habitus Theologiæ qui fundatur in illa, destrui debet. Contra est, nam spes, de qua loquimur, est habitus supernaturalis, & per se infusus, attingens bonum increatum, quatenus est vitima nostra, & supernaturalis beatitudo, per fidem credita, prorsus supernaturaliter; vnde non est mirum, si per peccatum infidelitatis, quo destruitur fides, destruaturn etiam saltem demeritoriè spes, & charitas, aliæque virtutes infusæ, & dona ad gratiam sanctificantem subsequentia; nam verè talis peccator meretur, vt Deus subtrahat supernaturalem concursum ad tales habitus, qui ab ipso solo conseruabantur: at verò habitus Theologiæ est naturalis, & acquisitus, vt supra vidimus, & non supponit fidem nisi vt proponentem sibi principia, ex quibus postea intellectus facultate sua naturali deducat conclusiones, attingendo illa principia modo naturali; neque conseruatur à solo Deo supernaturaliter; igitur non est necesse, vt vel physicè, vel demeritoriè statim destruaturn ablata fide, sed probabile est quod ad breue tempus, & in corrupti remaneat in heretico; dixi ad breue tempus, & in corrupti; quia, cum habitus acquisiti non possint in aliquo subiecto, diu conseruari, nisi medijs actibus, quibus fuerunt, semel producti, & assensus ille qui clicitur ab heretico, etiam in materia Theologica in qua non errat, sit prorsus diuersæ speciei ab illo assensu, quem in simili, aut eadem materia elicit, quando erat Catholicus; vt statim dicemus; non potest esse ibi habitus Theologiæ antea acquisitus, nisi in corrupti, ita vt aliquo temporis in-

teruallo diminuat, & destruat, sicut solent alij habitus acquisiti.

Sic igitur ablata fide in hæretico manent saltem ad aliquod tempus, duo habitus Theologiæ, specie diuersi, alter qui prius erat ex fide Catholica genitus, & non statim corrumpitur, ex ablatione fidei; Alter qui ab Hæretico generatur de nouo ex fide acquisita, qua solum credit, quandiu est hæreticus, non vero vna & eadem Theologia deseruit Catholico & hæretico, licet apparet & similitudinariè videatur eadem, vt explicabitur in fine huius capituli.

Dico secundò, quod assensus ille, qui elicitur ab hæretico etiam in materia Theologica, in qua non errat, sit diuersæ prorsus speciei ab illo assensu, quæ in simili materia elicit Theologus fidelis, aut idem Hæreticus, quando erat Catholicus, elicit. Probatur assertio, quia illi assensus sunt diuersæ prorsus speciei essentialis, qui deducuntur ex principiis, siue præmissis specie essentiali differentibus, sed assensus in Theologo Catholico, & assensus in hæretico circa eandem materiam Theologicam cum Catholico discurrente, procedunt ex principiis, siue præmissis essentialiter & formaliter diuersis; ergò assensus conclusionis in vtroque debet esse diuersæ prorsus speciei essentialis. Maior est certa cum iuxta communiorē, & veram Philosophorum sententiam diuersitas essentialis, & specifica in scientijs desumatur ex diuersitate primorum principiorum formaliter, & essentialiter diuersorum. Minor igitur probatur, nam assensus Catholici dicit ordinem, & dependentiam essentialē ad præmissas fidei, vt creditas fide diuina, atque adeò, est ita assensus formaliter naturalis, vt tamen sit radicaliter, & virtualiter supernaturalis, quatenus petit resolui in lumen diuinæ reuelationis, & auctoritatem diuinam per se creditam; at verò assensus Hæretici dicit ordinem ad easdem præmissas, vt creditas iam fide humana, & resoluitur vltimò in fidem humanam, & opinionem propriam ipsius

Hæretici, eum enim in Hæretico etiam negante vnum tantum articulum, tota fides tam actualis, quam habitualis pereat, non potest in illo, circa res, quas non negat, manere alia fides; quam acquisita, quare eius assensus non potest resolui, nisi in talem fidem acquisitam, aut opinionem propriam; sed præmissæ vt per se creditæ per fidem diuinam, & vt creditæ per fidem humanam non possunt non esse formaliter, & essentialiter diuersæ, si quidem mutatio penes certitudinem, & incertitudinem, supernaturale, vel naturale lumen, est mutatio essentialis; ergò assensus conclusionis in Theologo Catholico, & in hæretico, quamuis circa eandem materiam Theologicam, procedunt ex principiis formaliter & essentialiter diuersis, quod erat probandum, ita vt tam certum esse videatur assensum illum Catholici esse diuersum ab assensu Hæretici, quam certum est fidem diuinam esse diuersam à fide humana, etiam si sint de eadem re, quia ita sunt de eadem re materialiter, vt tamen non sint de eadem re formaliter, quod sufficit ad formalem, & essentialē distinctionem quorumcumque habituum.

Confirmatur hoc argumentum. Nam si quis ex iisdem præmissis, aut principiis materialiter, probabiliter solum cognitis, aut per fidem humanam deduceret aliquam conclusionem, & alius ex iisdem præmissis certò & euidenter notis inferret eandem conclusionem, hi discursus proculdubio essentialiter differrent, & in vno assensus conclusionis esset pura opinio, in alio esset vera scientia, quæ sine dubio distinguuntur speciei; idem autem in casu nostro contingit, ob eandem prorsus rationem, quia scilicet diuersum est obiectum formale specificationum in vtroque assensu Catholici, & Hæretici; veritates enim obiectiuæ præmissarum, non terminant assensum Theologicum in Catholico, nisi vt cognoscibiles, & cognitæ per fidem diuinam supernaturalem, in hæretico verò vt cognoscibiles, & cognitæ per fidem hu-



humanā, atque adeo veritates illæ præmiſſarum ſic materialiter ſunt eadem, vt tamen formaliter differant, ſecundum diuerſum cognoscibilitatis modum quæ habent, & explicatur per actus proprios quibus cognoscuntur, pro vt ſcilicet cognoscuntur per actum fidei diuinæ, vel fidei humanæ & acquiſitæ; vnde etiam conſequenter inferitur quod aſſenſus ille in hæretico nullam habet rationem ſcientiæ neque formaliter, neque æquiuacenter, ſed meræ opinionis ex intrinſeca ratione ſua, & motiuo formali, licet non ſentiat formidinem in illo aſſenſu propter pettinaciam adheſionem ad propriā ſententiam, non enim ipſe credit rebus illis fidei quas non negat, & ex quibus cum fideli diſcurrit, ex motiuo infallibili & vniuerſali, ſicut fides Catholica, ſed ex proprio arbitrio, quia ſic ſibi videtur acceptandum vnum, & reiiciendum aliud; de quo vide inferius dicenda lib. 3. ſect. 3.

Dico tertio, quod in hæretico non ſolum corrumpitur habitus Theologiæ quo ad ſtatum, & denominationem, ſed eſſentialiter & intrinſecè. Ratio eſt, quia mutatio ſcientiæ ex parte principiorum penes certitudinem, & incertitudinem, ſupernaturale vel naturale lumen, non poteſt non eſſe mutatio eſſentialis & intrinſeca, & non ſolum quo ad ſtatum accidentalem, cum ſit mutatio in ratione formali, & ſpecifica, quæ deſumitur ex diuerſo lumine principiorum; ſed mutatio Theologiæ in eo qui ex Catholico fit Hæreticus, eſt talis mutatio vt conſeſione ſuperiori probatum fuit, ergo perit in ipſo habitus Theologicus non ſolum quo ad ſtatum accidentalem, quem antea ex conſortio fidei habebat, ſed etiam eſſentialiter & intrinſecè. Vnde non poteſt manere habitus Theologiæ, ſicut cadauer quod veniente forma viuificatur; eo ſerè modo quo fides mortua adueniente charitate dicitur viuificari; illa enim ſimilitudo cadaueris quantum ad hoc in habitibus tenet ſolum, quando deſtruitur in eis aliquis ordo accidentalis: ſuperadditus perficiens, &

quaſi viuificans, ſicut in fide ordo ad charitatem, qui accidentalis eſt; at in noſtro caſu ex amiſſione fidei, non deſtruitur ſolum in Theologia quidam ordo accidentalis, ſed ipſamet ratio eſſentialis ſpecifica ipſius, quæ eſt virtualis reuelatio, atque adeo talis habitus corrumpitur eſſentialiter, & intrinſecè, & non ſolum quo ad ſtatum & denominationem, eodem modo quo fides ex amiſſione charitatis, dicitur perire ſolum, quo ad denominationem formatæ, aut viuentis.

Secundò probatur conſeſio deſtruedo principale fundamentum oppoſitæ ſententiæ. Quia ſi eſſet aliqua ratio cur in eo qui ex Catholico fit Hæreticus remaneret habitus Theologiæ entitatiuè & eſſentialiter, maximè quia habet facilitatem in diſcurrendo, circa illas res veras, circa quas prius acquiſerat habitum, quæ facilitas non videtur poſſe commodius oriri, quam ex habitu præexiſtente; ſed iſta ratio non eſt efficax; nam ſicut facilitas quam hæreticus habet in concedendis omnibus alijs propoſitionibus fidei, quas non negat, non provenit ab habitu fidei, qui in illo non eſt amplius influenter in tales actus, ſed vel à memoria præteritorum, vel ab habitu acquiſito; eodem modo facilitas illa quam experitur hæreticus in diſcurrendo circa materias Theologicas, quas non negat, non eſt ex habitu Theologiæ immediate & proximè influente in tales actus; ſed provenit ex hoc quod in ipſo remanet memoria ſyllogiſmorum, circa quos prius ex habitu facilitatem acquiſiuit, & ex tali memoria facile ſimiles ſyllogiſmos efformat.

Sic igitur, quando Hæreticus ſyllogizat, & diſcurrit circa res Theologicas, ex illis principijs fidei, quæ non negat, etiam ſi veras inferat conſeſiones, & eaſdem materialiter, quas deducit in eadem materia Theologus fidelis, non diſcurrit ex habitu Theologiæ, quem prius habebat, ſed ex ipſo lumine naturæ, & habitu opinionis, vel fidei humanæ, quæ habet circa illa principia fidei, quæ non negat: ita vt in ipſo generetur de nouo alius

alius habitus Theologiæ opinatiuus, qui formaliter excludit Theologiam veram, vel statim, vt volunt multi, aut aliquo temporis successu, vt probabiliter docuimus in prima conclusione: quamdiu autem remanet ille habitus in corrumpi potest dici habitus cadauerosus, siue cadauer præexistentis Theologiæ, non in eo sensu quem supra refutauimus, sed quia non potest, sicut antea exire in suas operationes, veluti vitales ex defectu principiorum, quibus inniti debet, vt in eas prorumpere dicatur.

Dico quarto, circa secundum sensum præsentis difficultatis initio propositum, quod habitus acquisitus ab hæretico circa materias Theologicas, durante statu hæresis, sit omnino diuersæ speciei ab habitu Theologiæ alterius Catholici. Hęc conclusio manifestè sequitur ex dictis; nam sicuti si ad prædicationem Euangelij crederet aliquis rebus auditis per fidem diuinam, & aliis per fidem humanam, hæc fides differret specie, & corresponderent illis habitus speciei diuersi, ita habitus acquisiti conclusionibus deductis ex principijs fidei taliter creditis, debent etiam specie differre; sed sic se habet, quod hæreticus, qui prius non erat Theologus, & durante statu hæreseos Theologiæ studet, acquirit habitum assentiendo conclusionibus deductis ex principijs fidei, non tamen ab ipso creditis fide diuina, sed sua fide humana tantum, & opinione, ergo talis habitus debet esse omnino speciei diuersus ab habitu Theologiæ Catholici, qui assentitur illis conclusionibus deductis ex principijs fidei fide infusa, & supernaturali creditis; quare ille hæreticus potest dici æquiuocè, aut materialiter Theologus si comparetur ad verum Theologum fidelem, qui versatur circa veritates materiales Theologiæ, sed non secundum eandem rationem formalem obiecti Theologiæ, quæ in Catholico reperitur.

Inquiret aliquis in fine huius capituli an sicut amissa fide diuina deperditur vera Theologia in eo, qui ex Theo-

logò fidei fit hæreticus, ita semel habita fide, acquiratur vera Theologia ab eo qui ex Theologo hæretico fit Catholicus.

Respondeo ex dictis, quod sicut amisso habitu fidei in hæretico, non aufertur per illam infidelitatem Theologia formaliter, & immediatè cum sic non opponantur, sed excluditur causaliter tantum, & mediatè, quia remotis principijs remouetur sciëntia quæ ab illis essentialiter pendet, & generatur habitus Theologiæ opinatiuus, vel erroneus qui formaliter destruit veram Theologiam. Ita similiter cum restituatur, aut de nouo infunditur fides Hæretico, non acquirit Theologiam formaliter, & immediatè, sed causaliter vel radicaliter, quatenus positis principijs certis, potest rursum elicere assensus certos & infallibiles circa conclusiones, quibus generatur, & acquiritur de nouo vera Theologia. Quod totum facillimè fit, & quasi insensibiliter, quia licet fides aufertur, aut restituatur hæretico, manent tamen eodem modo dispositæ & coordinatæ species in memoria, in qua specierum coordinatione sita est tota difficultas comparandi scientias: vnde illa ordinatione semel posita, seu non amissa, facile acquiritur sciëntia, quantum ad id quod est luminis, & certitudinis ex principijs in conclusiones deductæ, aut derivatæ.

## C A P V T I I.

*Quomodo Sacra doctrina in statu viæ  
acquisita remanere possit in  
Patria.*

**I**N præsentis difficultate aliqua vt certa supponuntur, in primis quod sacra doctrina, pro vt reduplicatiuè fuit in statu viæ, non remaneat in patria: cum enim sacra doctrina sic reduplicatiuè sumpta, includat actum vel habitum fidei, & secundum opinionem probabiliotem non remaneant in cælo nec habitus, nec actus fidei, sed illis succedat

dat visio beata, & clara eorumdem obiectorum, quorum in hac vita fidem habuimus, iuxta illud Prophetæ Psal. 47. *Sicut audiuimus ita & vidimus in ciuitate Dei nostri*, &c. manifestè sequitur ex defectu perseverantiæ fidei in patria, cœlesti, perseverare etiam non posse doctrinam sacram reduplicatiuè consideratam, pro vt antea fuit in statu viæ.

Secundò tanquam certum supponitur, doctrinam sacram in via proprio vniuscuiusque studio, & labore comparatam aliqua ratione perseverare in cœlo iuxta notissimum illud dictum D. Hieronymi Epistola 103. ad Paulinum. *Discamus in terris quorum nobis scientia perferat in calo*. Et sanè nihil vetat, vt beati recorderent eorum, quæ prius in hac vita didicerint, recorderent etiam demonstrationum, quibus hic vti, & argumèntari solebant, etenim si diues Epulo quamvis damnatus, & in medijs inferorum flammis, recordatus est nihilominus fratrum suorum, agnouit quoque Lazarum, cui antea elemosynam negauerat, quanto magis memoria rerum Theologicarum in beatis remanebit, ad ornatum simul, & ad exercitium, & vt pluribus modis, ac medijs vnum idemque obiectum cognoscant.

Quod igitur in controuersiam reuocari potest; est nùm doctrina sacra in statu viæ acquisita perseveret solum obiectiue in cœlo, siue ex parte rerum cognitarum, non modi cognoscendi, qui nunc est imperfectus, sibi perfectissimus? an verò perseveret etiam formaliter, & ex parte luminis, ita vt substantialiter, & formaliter loquendo idem sit numero habitus Theologiæ acquisitæ in via, & in patria, differantque accidentaliter solum, penes euidentiā & ineuidentiā, claritatem, & obscuritatem.

Prima sententia quam plures Theologi tam intra, quam extra scolam, Sancti Thomæ sequuntur, asserit eandem numero Theologiam essentialiter, quæ fuit in statu viæ, perseverare in statu patriæ.

Probant primò, quia non minus vi-

dentur dependere dona Spiritus Sancti à fide, quam Theologia acquisita, si quidem iuxta doctrinam Sancti Thomæ 1. 2. q. 68. art. 8. & 2. 2. quæst. 8. & 9. virtutes Theologicæ se habent vt principia regulatiua donorum Spiritus Sancti ideoque dignitate superant dona; sed non obstante tali dependentia, docet idem D. Thomas 2. 2. art. 6. manere in patria, dona Spiritus Sancti, subtilis imperfectiōibus, & mutato statu, ergo idem, possumus affirmare de scientia Theologiæ, quamvis dependenter à fide in via, acquisita. Secundò scientiæ naturales, & acquisitæ manent in patria subtilis imperfectiōibus, vt docet D. Thomas 1. par. q. 58. art. 5. & 12. q. 67. art. 2. ergo etiam, & Theologia.

Tamen vt fatear verum duo iam allata fundamenta non videntur efficacia, sufficiens enim disparitas in nostro casu afferri potest, inter dona Spiritus Sancti & scientiæ purè naturales ex vna parte, & inter Theologiam acquisitam ex alia, cur duo prima formaliter, & essentialiter remaneant in cœlo, secus verò Theologia. Nam primò dona Spiritus Sancti ad intellectum pertinentia, non sunt habitus acquisiti per actus, ita vt sequi debeant præcisam limitationem actuum imperfectorū ad quos adiuuant in hac vita, sed sunt per se infusi, atque ita possunt habere perfectiōnem superiorem, quæ sit sufficiens ad imperfectiōnem huius vitæ, & ad perfectiōnem patriæ, vnde etiam habent vt inseparabiliter concomitentur gratiam sanctificantem, quæ perfectissima est in patria, & ita non est mirum si cum illa remaneant, & perseverent; at verò Theologia est habitus acquisitus, atque adeò formaliter naturalis, vnde sequi debet naturam actuum quibus acquiritur, qui sunt eius causa, cum igitur eiusmodi actus sint essentialiter ineuidentes, vt potè fundati in præmissis fidei essentialiter ineuidentibus, posset etiā dici quod habitus Theologicus, sit habitus essentialiter ineuidentis; quare sicuti fides ob illam imperfectiōnem non manet in cœlo,

lo, sed ex suspensione diuini concursus definit esse, ita exigente statu illo beatitudinis, eodem etiam modo ex subtractione eiusdem concursus diuini, definit esse habitus Theologiæ in via acquisitæ.

Similiter quia aliæ scientiæ purè naturales procedunt ex principiis lumine naturæ cognitis, quorum notitia permanet in cælo, etiam ex eodem lumine, cum gratia naturam non destruat, ideò rectè dicuntur tales scientiæ in patria remanere; secus verò Theologia, vt potè acquisita ex principiis lumine fidei cognitis, quod lumen non remanet in patria. Quæ disparitas sufficit ad enervanda duo iam allata fundamenta, desumpta ex paritate ad alias virtutes infusas, & ad scientias purè naturales.

Solidius igitur, & efficacius fundamentum, quodque sententiam hanc de perseverantia Theologiæ in cælo valdè probabilem reddit, debet desumi ex hoc quod Theologia nostra ita acquiritur, & generatur in via per actus ineidentes, & obscuros, vt illa ineidentia solum se teneat ex parte subiecti, atque adeò per accidens conueniat habitui Theologico, non verò se teneat ex parte ipsius scientiæ, & rationis formalis eius. Nam ratio formalis intrinseca habitus scientifici sumitur ex resolutione, quam talis habitus facit in sua principia. Ex vi autem talis resolutionis petit Theologia nostra tendere, & resolui in principia euidencia, non quidem ratione sui, cum sit scientia subalternata, sed ratione alterius scientiæ superioris, scientiæ nimirum beatificæ, cui subalternatur; deficiente autem scientia superiori in subiecto propter aliquod impedimentum, non redditur propterea scientia inferior obscura, & ineidens ab intrinseco, & ex vi propriæ resolutionis, sed per accidens, ac veluti ab extrinseco ex defectu superioris scientiæ quæ in tali subiecto non est ad perficiendum, & formandum actu scientiam inferiorem. Quare negandum est scientiam subalternatam, atque adeò Theologiam nostram, esse intrinsecè, & essentialiter, id est ex vi ip-

sius rationis formalis euidentem, & ineidentem, sed solum participatiuè, & præsuppositiuè id habet. Dicitur enim intrinsecè, & essentialiter conuenire euidencia, aut ineidentia alicui habitui, quando ex vi proprii luminis & rationis formalis petit resolui vsque ad principia per se nota, aut per se ineidentia, & obscura: quod tamen Sacre Theologiæ non competit, nam eo ipso quod sit scientia subalternata de se non facit euidenciam resoluendo vsque ad prima principia, sed factam à scientia superiori participat, & sic licet euidencia illa principiorum sit ei connaturalis, non tamen essentialis, sicut nec ineidentia, alias nulla vnquam scientia subalternata posset in eodem intellectu continuari cum scientia subalternante, quod tamen est falsum; solummodo ergo participatiuè, & præsuppositiuè vtrumque habet Theologia, dicitur enim aliquid esse participatiuè, & præsuppositiuè euidens, aut ineidens, quando lumen aliquod scientificum non est ita efficax, vt possit ipsa resolutione à se facta peruenire vsque ad prima principia per se nota, sed indiget subijci, & subordinari alteri scientiæ superiori quæ illam resolutionem perficiat, & ad scientiam inferiorem pertinet solum præsupponere illam, non autem facere, & hoc vocatur extrinseca euidencia, id est præsupposita, & facta ab alia scientia, non ex propria resolutione vsque ad prima principia orta: sicut per oppositum extrinseca ineidentia dicitur, quando propter aliquod impedimentum, ita caret subiectum illa scientia superiori, vt loco ipsius substituatur in subiecto aliquod lumen obscurum, certum tamen, quemadmodum contingit in nostro casu, vbi statu viæ id ita exigente, fides gerit actu in nobis vices scientiæ superioris, in quam petit resolui sacra Theologia, & sic assensus fidei ita concurrunt ad productionem habitus Theologici mediante discursu naturali, vt insuat intrinsecè certitudinem ad rationem scientiæ essentialiter requisitam, extrinsecè verò solum, & tanquam ali-

quid

quid separabile inevidentiam, & obscuritatem, ratione videlicet subiecti quod nondum est capax evidentie à superiori scientie faciendæ, siue quod idem est coniunctionis scientie subalternantis, & subalternatæ.

Ex qua doctrina sic argumentum, efformari potest. Sacra Theologia est habitus solum de se inclinans ad participandam evidentiam à superiori scientia beatorum, non de se illam habens, aut faciens, ergo adueniente illa evidentia sine sui corruptione illam participat, & ablata illa, etiam potest manere idem habitus sine tali evidentia.

Probatur consequentia, nam vt statim diximus evidentia illa non oritur ab ipso habitu scientie inferioris, sed illi solum conuenit vt præsupposita, & communicata ab alia distincta scientia, & consequenter si coniungatur illi; etiã si ex tali coniunctione aliquam perfectionem participet inferior scientia, quia tunc mouetur à suo proprio & connaturali principio clarè per scientiam superiorem manifestato & illuminato, talis nihilominus perfectio proueniens ex illa evidentia sic participata, non destruit, aut constituit scientiam inferiorem, sed solum perficit, & format ponendo in illa ordinem, & continuationem ad scientiam superiorem sibi in eodem intellectu coniunctam, quam antea non habebat. Vnde sicut virtutes morales possunt aliquando esse formatæ à prudentia, ad cuius directionem passivè ex natura sua inclinant, & tamen possunt parere tali formatione prudentie, absque eo quod essentialiter entitatiue corrumperentur, quia hæc directio est participata, non ab ipsa virtute morali originata; eodem modo ratiocinari possumus de doctrina sacra comparatiue ad scientiam beatam, in quam sic petit resolui, vt tamen non repugnet, quod aliquando propter aliquod impedimentum careat illa, atque adeo æquali evidentia ab illa participanda, & tamen remoto illo impedimento illam participet, absque vlla sui mutatione substantiali aut essentiali.

sed accidentali solum, transeundo de statu imperfecto, ad perfectum, sicut si puer in virum mutari diceretur.

Itaque secundum sententiam iam explicatam Theologia secundum se considerata non præscindit à nostra, & beatorum, ab evidentia, & inevidentia, eo modo quo præscindit genus à suis speciebus, ita vt specie essentiali distinguatur ab inuicem Theologia nostra acquisita & Theologia beatorum, sed solum præscindit præscissione subiecti à suis accidentibus, quæ successiue potest habere, secundum diuersum ipsius statum, & ita ex inevidenti potest fieri evidens, stante & perseverante eadem entitate, habitus.

Dices non potest intelligi quod actus inevidens successiue fiat evidens, stante eadem actus entitate, ergo neque habitus, si quidem non minus videtur intrinseca esse sententia in obiectum in habitu, quam in actu; ex ipsa autem tendentia sumitur claritas, vel obscuritas.

Respondetur quod tam habitus, quàm actus Theologicus conueniunt in hoc, quod vterque est evidens solum evidentia præsupposita in scientia superiori, non verò à se facta & resoluta. Est tamen differentia, quod habitus est actus primus, habens indifferentiam ad procedendum cum tali applicatione evidentie superioris, vel sine illa, secundum quod pro diuersitate status cum tali scientia superiori coniungitur, vel non coniungitur, quia actus primus de se solum est applicabilis non de facto applicatus, & potest hoc, vel illo modo applicari. At actus secundus determinatam applicationem importat, quia iam de facto est exiens à suo principio. Vnde actus semel evidens etiam evidentia præsupposita & applicata ab alio, aut vice versa, non potest reddi inevidens, quia non potest applicatio sua iam facta, & exitus à suo principio sic manifestato & probato tolli; quamuis etiam posset dici eundem actum posse fieri ex inevidenti evidentem supposito quod talis evidentia, vel inevidentia se haberet tanquam

quam modus illius, sicut in sententia multorum idem actus voluntatis substantialiter ex libero potest fieri necessarius, aut vice versa ex necessario liber. Et hoc sufficit pro prima sententia, quæ valde probabiliter reddunt iam allata fundamenta; nunc veniamus ad secundam, quam etiam probabilem esse putamus.

Secunda igitur sententia asserit doctrinam sacram in via acquisitam, remanere solum in patria obiectivè, non verò formaliter aut ex parte luminis. Quid sit autem sacram doctrinam in via comparatam, obiectivè remanere in cælo, dupliciter potest intelligi, primo ita ut beatus cognoscat in cælo, easdem res quas in via cognovit, sed per alias species infusus perfectiores. Secundo ita ut remaneant in patria eadem species quas in via acquisivimus, eo ferè modo quo in eo qui ex Theologo catholico sit hæreticus, diximus dubio superiori remanere species Theologiæ, secus verò lumen aut habitum. Itaque sicut hæreticus semel deperdita fide infusa, remanentibus tamen iisdem, quæ prius, speciebus Theologicis, generat novum habitum Theologiæ quantum ad id quod est luminis, ex fide acquisita qua solum credit, ita proportionem servata discurre possumus de beato, quod desinente habitu fidei, ut potè impossibile cum statu gloriæ, remanentibus tamen iisdem, quæ fuerunt in via speciebus, acquirat de novo habitum Theologiæ perfectiorem, ut potè innixum lumini gloriæ, loco imperfecti quem habebat antea in via, quique solum innitebatur habitui fidei. Quamvis inter exemplum allatum sit ista disparitas, quod in hæretico ita remanent species Theologiæ antea acquisitæ, ut non inferuiant amplius, quamdiu est in illo statu, habitui scientifico, sed opinativo solum; qui loco scientifici dicitur succedere; at in Beato ita remanent species prius in statu viæ ab illo acquisitæ, ut inferuiant semper habitui scientifico, sed perfectiori, & excellentiori ut iam diximus: & sic Theologia secundum hunc explicâ-

di modum est quidam habitus genericè ad illum, qui in via acquiritur ex fide, & ad illum qui in patria acquiritur ex lumine gloriæ, per nostros discursus extra verbum, manentibus in nostro intellectu, ac memoria speciebus eodem modo dispositis, & ordinatis, ac erant in statu viæ, solaque mutatione facta ex parte luminis, & claritatis ex principiis deductæ. Nam sicut revelatio ut sic abstrahit ab hoc quod sit obscura vel clara, ita ut revelatio obscura, cuiusmodi est fides, distinguatur specie à revelatione clara, cuiusmodi est lumen gloriæ in beatis; ita habitus Theologicus, qui per hoc distinguitur ab omnibus alijs scientijs, quod innitatur revelationi divinæ, debet dividi tanquam in duas species essentialiter diversas, in illum habitum qui in via innititur revelationi obscuræ fidei, & in illum qui in patria innititur revelationi claræ luminis gloriæ.

Probabilitas huius sententiæ sic explicatur, dependet ex fundamento directè opposito illi, quod primam sententiam probabilem efficere diximus; videlicet quod fides & inevidentia illam sequens, non se habeant respectu habitus Theologici in viatoribus, tanquam aliquod accidens separabile, sed potius tanquam aliquid essentialiter, unde sic argumentor primo. Habitus Theologicus, qualis est in hac vita, non solum reduplicativè, sed etiam specificativè, ratione suæ ultimæ, & essentialis differentiæ est inevidens, & obscurus, licet certus; sed si aliquis est illi correspondens in patria, non est inevidens, & obscurus, ergo si aliquis est illi correspondens in patria, non est eiusdem speciei cum nostro, atque adeo habitus Theologicus in via acquisitus non remanet formaliter in patria. Minor conceditur ab authoribus oppositæ sententiæ, & supponitur ut certa. Difficultas igitur est in maiori, quam sic probo primo, quia hic habitus cum sit acquisitus ex actibus essentialiter inevidentibus, non potest esse perfectior illis, nam habitus acquisitus sequitur imperfectionem suorum actuum qui

qui sunt eius causa, vt constat inductione in omnibus habitibus, sic enim habitus opinionis, aut fidei humane non potest perficere intellectum ad eliciendos actus scientiæ; si igitur actus, quibus acquiritur in via Theologia, sunt actus essentialiter ineuidentibus, vt potest fundari in præmissis fidei ineuidentibus, non potest non esse Theologia habitus essentialiter etiam ineuidentibus, & obscurus, atque adeo non potest remanere in patria, nec perficere intellectum in ordine ad actus claros, & euidentes, quales sunt actus scientiæ in patria. Secundò quia nullo modo repugnat, imò est necessarium ponere, quod aliquis habitus ratione suæ vltimæ differentiæ sit ineuidentibus, ita vt ineuidentia non sit accidens ab illo separabile, sed conueniat illi perfecte, saltem in secundo modo dicendi perfecte, vt constat in habitu fidei diuinæ; ergo etiam tali modo ineuidentibus erit habitus Theologiæ, si quidem nulla rationalis disparitas in cōtrarium afferri potest videtur; sicut enim fidei essentialis est, quod sit habitus ineuidentibus, quia ex sua vltima differentia habet, vt attingat rationem formalem sui obiecti, vt obscure credibilem, ita vt huius rei nulla alia ratio à priori possit assignari, nisi quod hoc intelligimus per fidem diuinam, sicutque eius essentia & natura; ita etiam habitui Theologico à nobis viatoribus acquisito, essentialis erit ferri circa suam rationem formalem, suaque principia, qui sunt articuli fidei, vt obscure credita per ipsum habitum fidei, neque enim repugnat, vt iam dixi, quod detur talis essentia habitus, alioquin eodem modo dicere quis posset, ineuidentiam in habitu fidei, esse profectus accidentalem, & separabilem, & manere eundem habitum fidei in specie in patria, sublata solum accidentali illa differentia & imperfectione; fingendo quod obiectum formale fidei, non sit veritas prima, vt obscure reuelans, aut credibilis, sed præscindendo ab eo, quod obscure, vel clare sit cognoscibilis, at verò in præsentī vitā imperfectè attingi ratione

status, quæ imperfectio postea tollatur in patria, manente eodem prorsus habitu fidei secundum speciem suam, si enim hoc licet fingere & concipere in habitu Theologiæ, quare non liceat in habitu fidei? Supposito igitur, quod in patria non remaneat, sed ex suspensione diuini concursus desinat esse habitus fidei, consequenter affirmari debet quod ex subtractione eiusdem concursus diuini desinat esse habitus Theologiæ, qui essentialiter in fide fundatur participando ab ipsa essentialiter ineuidentiam & obscuritatem, quæ felici beatorum statui repugnat. Est id quod in defensionem huius secundæ sententiæ probabilius dici posse videtur.

Ex dictis infero tres in vniuersum, distinguere posse Theologias in beatis. Prima consistit in facili, & intuitiua visione diuinæ essentia, quam Theologi communiter ex autoritate S. Augustini libro vndecimo de ciuitate Dei, capite septimo, & alijs locis, cognitionem, seu Theologiam matutinam appellant. Secunda est Theologia infusa, seu indita, cuius nomine intelligunt Theologi cognitionem illam, quæ per species à Deo infusas, sit extra essentiam diuinam, qua res ipsæ cognoscuntur in proprio genere, seu in propria sua natura, quæque cognitio non potest ab intellectu comparari humana industria. Tertia, tandem, est Theologia acquisita, sic dicta, quia pertinet ad naturalem perfectionem nostri intellectus, potestque frequenti actuum Theologicorum repetitione, speciebusque acceptis à sensibus proprio vniuscuiusque labore, & industria comparari, ita vt si infundatur à Deo, dicatur solum per accidens infusa.

Et quamuis hæc duæ vltimæ Theologiæ eodem cognitionis vespertinæ nomine possint appellari, intelligendo per cognitionem vespertinam, omnem cognitionem extra verbum, est tamen magna differentia inter utramque, siue per Theologiam acquisitam intelligatur illa, quæ prius acquisita fuit in via, & secundum primam opinionem supra allata,

tam, formaliter in cælo remanet, siue intelligatur illa, quæ, manentibus solum speciebus antea acquisitis, de nouo acquiritur in cælo ex parte luminis, ut explicuimus in secunda sententiam primò Theologia per se infusa suas conclusiones immediatè resoluit in principia, per se nota, ita quod immediatè postulet ex natura sua oriri ex lumine supernaturali diuinæ reuelationis, non autem id præsupponit ab alia scientia factum, ut contingit in Theologia acquisita respectu visionis beatificæ, cui propterea subalternari dicitur, ut suo loco explicatum fuit. Secundo differunt, quod per Theologiam infusam veritates ipsæ non solù supernaturaliter cognoscuntur tam ex parte luminis, quam ex parte specierum, sed etiam ipsa connexio, & consequentia illatiua supernaturaliter est nota, non autem lumine naturali acquisita, ut accidit in Theologia nostra, iuxta ea quæ diximus suprà ostendendo quomodo Theologia à nobis acquisita sit habitus formaliter naturalis.

Circa quam multipliciter Theologiarum in beatis, eodem terè modo discurrere possumus, quo insigniores Theologi ad quæstionem nonam tertie partis, ponendo in Christo Domino, præter scientiam beatam, duas alias scientias insuper creatas, quarum primam infusam per se, aliam verò acquisitam, aut per accedens infusam appellant. Vnde primò sicut illæ multiplices scientiæ in Christo Domino non sunt supernæ, ita nec in beatis. Quod ut intelligatur breuiter noto, objecta scita posse duobus modis considerari, primò secundum multitudinem, deinde iuxta modum quo percipiuntur, idem enim obiectum potest percipi distinctis etiam specie cognitionibus, scientia igitur infusa, licet per se nõ esset necessaria intellectui beato propter multitudinem, & numerum obiectorum, seu scibilium, est tamen requisita in illo ad cognoscendum ipsa obiecta alio modo, nimirum in suo proprio genere; nam creature videntur in essentia diuina, ut in alio cognito, & per

intellectum luminis gloriæ collustratù, per scientiam verò infusam per se, non in alio tanquam in medio cognito, sed per species acceptas à Deo, & in seipsis cognoscuntur; quod idem proportionaliter dicendum est de ipsa per se infusa, comparatiuè ad Theologiam acquisitam siue formaliter, siue obiectiue solum in patria remanentem. Iterum, sicut in Christo Domino, secundum opinionem magis probabilem, lumen, seu habitus huius scientiæ per se infusæ, non est idem ac ipsum lumen gloriæ, seu ac ipse habitus quo intellectus beati confortatus, & eleuatus videt clarè, & intuitiue diuinam essentiam, & res alias in illa, sed quid ab ipso essentialiter distinctum, eo quod habeant rationes sub qua specificatiua specie distinctas ac diuersas; nam ratio sub qua specificatiua luminis gloriæ, est ipsamet diuinitas intuitiue, & quidditatiue cognita, quia primò per se tendit in Deum cognoscendum sicut est in se, in alia verò obiecta distincta à Deo, quatenus diuina essentia est ratio cognoscendi illa. At ratio specificatiua sub qua luminis, seu habitus scientiæ per se infusæ est modus ille quo res, & singula eius obiecta cognoscuntur ut in seipsis, & in proprio suo genere, sub ratione quadam perfectiori, & magis abstracta, quam cognoscantur per omnes alias scientias naturales, scilicet independentè à corpore, & phantasmatibus per species infusas per se, quæ ratio est quidem minus perfecta, quam sit illa, qua videntur in verbo, aut in diuina essentia clarè visa habente rationem mediæ cogniti; perfectior est tamen illa, qua videntur à Theologis beatis per species ab ipsis in via acquisitas. Sicut inquam tales scientiæ distinguuntur essentialiter in Christo Domino penes sua lumina, ita & in beatis, ob eandem prorsus rationes, & idem dic de alijs. Vnde omnia argumenta, quæ possunt fieri contra hanc triplicem Theologiam quæ in beatis reperiri posse diximus, militant etiam aduersus triplicem illam scientiam in Christo Domino

minio



mino cōmuniūter receptam.

Tandem pro coronide huius capituli addo factam doctrinam in statu vite acquisitā remanere adhuc in beatis veluti effectiue, ratione scilicet aureolæ; siue laureolæ, quæ est veloci effectus moralis assidui diuinarum ac Theologicarum rerum studij, quo tale præmium apud Deum promeriti sunt. Sicut enim per Martyrium, & Virginitatem, aliquis perfectissimam victoriā obtinet de carne, & mundo, ita & perfectissima victoria contra diabolū obtinetur, quando aliquis non solum diabolo impugnanti non cedit, sed etiam eum expellit, & non solum à se, sed etiam ab alijs: hoc autē fit per studiū doctrinæ sacræ, qua Theologus propulsat ignorantia, & infidelitatis tenebras in his quæ ad salutem pertinent, quibus princeps tenebrarū Diabolus conatur in dies omnes decipere, ac in errorem mittere. Igitur sicut virginitati, & martyrio, ob eam rationem quod sint insignes victoriæ, correspondent in cælo dux aureolæ, ita & doctrinæ, sicque Danielis 12. dicitur, *Qui ad iustitiam erudiunt multos, fulgebunt tanquam stelle firmamenti in perpetuas æternitates.* & Matthæi capite quinto. *Qui fecerit & docuerit hic magnus vocabitur in regno cælorum.*

Quod si inquirat aliquis quinam sint propriè doctores dicendi, quibus eiusmodi Aureola doctrinæ competit. Respondent quidam, solum deberi Prælati, quibus competit ex officio prædicare, & docere, verum melius D. Thom. in 4. asserit Aureolam doctorum non competitere solis Prælati, & Episcopis qui ex officio docere tenentur: imo nec ijs concedi, nisi actu doceant, quia co-

rona non debetur habitui, sed actuali pugne, secundum illud 2ad Thimot. 2. *Non coronabitur nisi qui legitime certauerit,* sed potius dari omnibus qui re vera exercent munus docendi & prædicandi, quamuis sola charitate id faciant. Non enim Aureola hæc debetur ratione status, aut obligationis, sed tantum actus secundi, in quo nempe sita est utilitas operis, & difficultas laboris. Vnde S. Bonauent. in 4. distinct. 33. art. 2. ad 3. & Heuricus Gaudanensis quodlibet 2. quæst. 12. rectè aiunt ad consequendam istam Aureolam non requiri nec Licentiarum gradum, nec titulum Doctoratus. Intellige non requiri necessario: alias enim constaret multis modis iuuare, ac prodesse posse.

Secundo obseruat D. Thomas Aureolam doctorum ijs tantum deberi, qui Theologiam & salutis scientiam profitentur, per quam diabolus à cordibus hominum expugnatur, sicut quibusdam spiritualibus armis, de quibus dicitur 2. Corinth. 10. *Arma militiæ nostræ non sunt carnalia, sed spiritualia.* Vnde apparet non extendi ad ius ciuile, nec ad alias humaniores litteras præcisè sumptas & consideratās.

Tertio addunt Theologi vnum aut alterum docendi actum non sufficere ad hanc aureolam, sed multis esse opus, id enim legitimum certamen, cui soli coronam pollicetur Apostolus exposulare videtur. Ita Dominicus Soto in 4. dist. 49. q. 5. art. 2. vbi etiam notat nil interesse vtrum aliquis doceat viuā voce, an solo scripto: sed quemlibet horum modorum sufficere ad aureolam doctoris promerendam, accedente charitate, & alijs ad meritum necessarijs.



## S E C T I O S E X T A.

De doctrina Sacra, quo ad diuersa eius munera, procedendique modos, vnde etiam varias suscipit denominationes.

## CAPVT PRIMVM.

*Quod in Sacra Doctrina sextuplex munus, vel procedendi modus distingui possit: vnde huius operis diuisio.*



**C**VM ratio formalis doctrinæ Sacræ, quatenus est habitus scientificus realiter à diuina fide distinctus, consistat in rationatione & discursu ex reuelatis, eliciendo per euidentem consequentiam, conclusiones, & veritates, quæ virtualiter, & implicite continebantur in propositionibus fidei; quod visus est inuissè Diuus Paulus Roman. 1. scribens iustitiam reuelari in Euangelio ex fide in fidem; nimirum ex vna re, quæ fide tenebatur, accipi alteram quæ fide non tenebatur. Cuius inquam, res ita se habeat in doctrina Sacra, debet esse maximè argumentationis, ac necessariò vti forma, regulisquæ Logicalibus; bonitas enim conclusionum, ac euidentia consequentiæ non fundatur in alijs regulis, quàm in Logicalibus; ita vt, si in argumento Theologico negatur aliqua consequentia, non possit aliunde melius probari, quàm per regulas Logicales.

Sic igitur primum munus, primusque procedendi modus Sacræ doctrinæ, ex parte formæ communis ipsi cum omnibus alijs scientijs, est quod respectu suarum conclusionum sit simpliciter *Argumentatiua*, vel, vt alij vocant, *dia-*

*lectica*, supple adiectiue, id est, ratiocinans, non enim est *dialectica*, si hoc vocabulum substantiue accipiat. Alij etiam ab hoc præsertim munere *Scholasticam*, illam appellant; etsi enim plures, variæque sint huius vocis etymologie, ac significationes; nam hominem de Schola vocat Cicero 1. de Orat. qui eruditus; & doctus optimè fuisset à Magistro; Scholas item quinque dierum, appellat 1. Tuscul. quæst. accuratas, & politas disputationes, quæ habitæ fuerant à præstantibus viris. Porro Scholasticus à Seneca dicitur, is qui probè erat in declamationibus exercitatus. Bona, inquit, lib. 10. controuers. fide Scholasticus erat in illis declamationibus, quæ benè illi successerunt, nulli post primum Tetradem præferendus. Immo Venerabilis Beda de arte metrica Prudentium nobilissimum Hispanorum Scholasticum, & Gennadius in vita Iuliani Capuani, Musæum, Iulianum, Eucherium, ac plerosque alios inter Scholasticos, hoc est inter Scholasticæ eloquentiæ professores nominat. Idem in vita Prosperi, stylum, ait, Prosperi esse Scholasticum, qui inter antiquos ferè est disertissimus. Sidonius Appollinaris lib. 16. Epistolar. Epist. 17. loquitur ad eundem modum. Et Hieronymus in Epistola ad Titum scri-

scribis se calentibus adhuc in ipso Re-  
thorum studijs, multa de sacris rebus  
Scholastico flore pinxisse, atque ait Pau-  
lum Apostolum, cum in Arcopago con-  
cionaretur, argumentum concionis ab  
in&riptione Aræ Atheniensium Schola-  
stica quadam elegantia traxisse. Libro  
quoque de Scriptoribus Ecclesiasticis  
memorat, Serapionem quemdam in  
Aegypto Episcopum, ob ingenij elegan-  
tiam cognomen Scholastici meruisse,  
quem & refert scripsisse librum egre-  
gium contra Manichæum. Etsi, in-  
quam, tot ac tante sint huius vocis  
Scholasticæ significationes, quæ sacræ  
do&trinæ, illiusque professoribus non  
incongruè possent accommodari; mo-  
do tamen Theologiam Scholasticam, in-  
deque Theologos Scholasticos dicimus,  
qui certiore methodo, & rationibus im-  
primis ex diuina scriptura, ac traditi-  
onibus, seu Decretis Patrum in Con-  
cilijs definitis veritatem eruunt, ac di-  
cutiendo comprobant. Quod cum in  
Scholis præcipuè argumentando, disse-  
rendique arte, & solertia, quæ diale-  
ctica vocatur, comparetur; inde Scho-  
lasticæ Theologiæ nomen sortita est do-  
ctrina Sacra, cuiusque professores Scho-  
lastici dicti, hoc est ingeniosi quidam  
diuinarum rerum disputatores, & a-  
cuti.

Secundum munus, seu procedendi  
modus sacræ do&trinæ, est, quod sit or-  
dinatiua, & explicatiua suorum locorum,  
vocantur autem loci Theologici, non  
mysteria ipsa, nec materiæ, de quibus  
Theologi discunt, sed potius sedes  
quædam, & promptuarii, in quibus con-  
tinentur media, quibus uti potest, & so-  
let Theologus ad argumentandum, quæ  
etiam media dicuntur argumenta, quia  
ex illis procedunt discursus, & argumen-  
tationes Theologicæ. Er ab hoc potissi-  
mum munere ordinandi, & explicandi  
suos locos, sacra do&trina vocari debet  
*P&stina*, siue fundamentalis, ita ut non  
dicatur *P&stina* ex eo quod agat de iure  
positiuo libero, & per solam Dei volun-

tatem imposito, ut docuerunt aliqui, eo-  
dem fere sensu putantes Sacram do&tri-  
nam, seu Theologiam debere dici Posi-  
tiuam, quo ius positiuum vulgò dicimus,  
quod scriptum, & arbitrium ex mera  
voluntate superioris; sed à *P&stionibus*,  
sicut Græcè *The&ica* à the&ibus, quia n&pe  
positiones, & the&es vulgò accipiun-  
tur, tanquam firmamenta & fundamen-  
ta præcipua cuiuslibet artis vel discipli-  
næ de qua fuerit disputandum; vnde  
& Tullius sua paradoxa *The&ica* nomi-  
nauit.

Tertium munus, procedendique  
modus, qui distingui potest in sacra do-  
ctrina, est circa sua principia, ipsammet-  
que fidei veritates, cum enim superio-  
rem aliquâ in hac vita non habeat scien-  
tiam, debet ipsamet disputare cum ne-  
gantibus sua principia, quæ sunt articu-  
li fidei, & aliæ veritates immediatè à Deo  
reuelatæ. Iuxta quod munus, ac proce-  
dendi modum sacram do&trinam, Theo-  
logiam *reflexiuam*, seu *P&lemicam* rectè  
possumus appellare, eo quod se habeat  
ad modum sapientiæ, seu quod idem  
est scientiæ superioris in reflectendo su-  
pra sua principia, illaque defenden-  
do contra omnes impugnantes; secun-  
dum vniuersiuique naturam; & quali-  
tatem.

Quartum sacræ do&trinæ munus c&o-  
sistit in debita, & ordinata materiarum  
Theologicarum dispositione, etenim  
si omnem scientiam, omnem artem, om-  
nemque disciplinam, methodo aliqua  
tradi, & absque methodo consistere non  
posse manifestum est; hoc præsertim ha-  
bet locum in sacra do&trina scientiarum  
omnium perfectissima; ab hoc igitur  
munere sic ordinatè dispon&di suas ma-  
terias, rectè sibi *Methodica* nomen ven-  
dicat.

Quintum munus, procedendique  
modus ad sacram do&trinam pertinens,  
quique oritur ex differentia quadam  
vocalorum, quibus vtitur in explican-  
da fide, consistit in Metaphorarum vsu  
ad diuina, & spiritualia significanda, in-  
de-

deque *Symbolica* nomen illi imponimus. Dum enim D.Thomas 1. par. q.2. art.9. proponit hanc quæstionem; *Vtrum sacra scriptura vti debeat Metaphoris*; Metaphorę vocabulo intelligit quicquid est symbolicum. Nam vt notat Caietanus, vti Metaphora est vti loquutionibus, quę non verificantur de his, de quibus dicuntur, secundum propriam significationem, sed secundum aliquam similitudinem, & analogiam ad proprię significata: vt cum dicitur, quod Deus noster *ignis consumens est*, vtitur Metaphora, quia Deus non est verē ignis, sed se habet ad modum ignis consumentis. Porro ignis symbolum est Dei, secundū formationem figurationis cadentis sub sensum. Vt enim suo loco dicitur duplex est genus figurarum, quibus diuina explicantur: Alterum earum, quę sub sensum cadunt, vt patet in exemplo statim adducto ignis, cumque nominantur Dei *oculi*, & *auris*, & alia eiusmodi; alterum earum, quę cadunt solum in intellectum, vt cum dicitur Dei *furor*, & *ira*.

Sextum denique, & vltimum sacrę doctrinę munus desumitur à fine, dirigendi videlicet affectum in Deum, vnde *Mystica* dicitur, secundum quod iuxta definitionem suo loco explicandā, *Theologia mystica est notitia contemplatiua sapientia Dei, ac diuinorum*. Et si enim larga quadam acceptione, ac veluti generica, *Mystica* & *symbolica* Theologia plerumque confundantur, vel quia omnis arcani sensus, & significatus de Deo fermocinatio, *Mystica* dicitur, atq; *symbolica*; vel etiam quia *Mystica* symbolis interdum vtitur; nihilominus proprię loquendo, aliqua est Theologia *Mystica*, vltra eam, quę *symbolica* denominatur. Ita enim Theologia *Mystica* specificē accepta vsurpat vocabula, & loquendi formulas minus vtitas, notatque in scholis, vt tamen haud necessarius illi sit vsus *symbolorum*, quatenus symbola distinguuntur à vocabulis, quę sunt rerum signa, & notę proprię. Ra-

tio est, quia Theologia *Mystica*, siue habitum spectes, siue actum, obit munus suum perfectissimē, quamuis imagines, quibus vtitur, sint rerum proprię, absque vlla figurata translatione. Imò, quatenus sunt magis proprię, eo melius perfectiusque negotium suum peragit. Et si posset circa obiectum suum versari, absque formarum intellectusualium, vllarumue imaginum alienarum interuentu, etiam has sperneret: vt satis patet ex ijs, quę de functionibus *Mysticę* huius disciplinę dici solent.

En ergo sex præcipua sacrę doctrinę munera, procedendique modi, de quibus tot etiam distinctis agemus libris; cum vnusquisque ex illis plura ad perfectam sui noticiam requirat.

## C A P V T I I.

*Vtrum sex supradicta sacrę doctrinę munera, faciant in ea distinctionem essentialem, ita vt tot sint Sacrę doctrinę, seu Theologię species essentialiter diuersę.*

**Q** Vantum ad duo prima munera deducendi conclusiones beneficio artis syllogisticę in materia Theologica, & ordinandi, vel explicandi locos quibus vtitur in argumētando, sacrę doctrinę, nemini dubium esse potest, quod faciant in ea distinctionē aliquam essentialē; Ea enim ratione qua vnus, & idem specie habitus scientiæ, maximē si sit perfectissimus, sapientięque habitus; simul est ordinatiuus, & explicatiuus locorum, seu principiorum, vnde sua desumit, ac deducit argumenta; eadem, inquam, ratione spectat ad vnā, & eandem specie doctrinam sacram deducere suas conclusiones, & ordinare locos ex quibus deducuntur, cum sit omnium

omnium scientiarum præstantissima, perfectissimaque dicta sapientia.

Quod pertinet ad tertium munus recte tendendi supra principia Theologica, seu fidei veritates, eas defendendo aduersus impugnantes, soluendo potissimum eorum argumenta; nulla etiam est necessitas ad tale munus, alicuius habitus specificè & essentialiter distincti ab habitu Theologiæ, aut aliarum scientiarum; contra quas pugnant talia argumenta. Aut enim peccant in forma, aut in materia: Si in forma, soluuntur euidenter beneficio artis syllogisticæ. Euidenter enim ostendi potest formæ vitium ab eo, qui nouerit leges rectè differendi. Si in materia, aut præmissa vna, vel ambæ pugnant directè contra fidem, & tunc, si arguens est hæreticus, & aliquid admittit, aut concedat, ex quo præmissarum falsitas possit conuinci, & ostendi, soluitur non solum euidenter negatiuè, sed etiam cum certitudine positua argumentum; aut arguens est Gentilis infidelis, & tunc soluitur tantum negatiuè; & hoc vtrumque per vnum, & eundem specie habitum Theologiæ; Si quidem per eundem habitum assentimur alicui propositioni, & dissentimur eius oppositis, atqui per habitum Theologicum assentimur propositionibus deductis ex reuelatis, nec non etiam principiis reuelatis, prout in formam syllogisticam redacta sunt earum illatiua, ergo, &c. præterquam quod ad eundem habitum scientiæ, qui simul est sapientia, pertinet defendere sua principia; Vel denique ambæ præmissæ pugnant tantum ex consequenti contra fidem, & directè contra veritatem naturalem, & tunc soluuntur per eam Philosophiæ partem, cuius veritati repugnant; quamque Theologia vocat vt ancillam ad arcem, vt fufius explicabitur libro 3. sectione 7.

Idem dicendum est de munere Methodicè ordinandi materias Theologicas; etsi enim Methodus, quemadmodum & Logica docens, seu à tebus

seiuincta, cuius est pars, distinguatur tam à doctrina sacra, quam ab omnibus alijs scientijs, tamquam vniuersale earum instrumentum; Methodus tamen sicut, & Logica rebus applicata, & iam in vsu posita, est illam et scientia, vel disciplina cui dicitur applicata. Propterea Aristot. multis in locis scientias ipsas ac disciplinas methodos appellare solitus est; nam methodo vtuntur omnes, methodoque consistunt, si quidem nihil aliud sunt, quam Logicæ methodi in vsu positæ; nos autem in præsentia methodum non à tebus abiunctam, sed Theologicis materijs applicatam considerandam proponimus in sacra doctrina.

Totum igitur difficultatis pondus ad duo vltima reducitur munera, quæ etiã probabilius est non pertinere ad diuisionem aliquam sacre doctrinæ essentialem, seu generis in suas species, sed potius subiecti in sua accidentia, vel vnius, & eiusdem habitus in diuersa munera, veluti inadæquata. Primum enim sacra doctrina *symbolica* dicitur, quatenus præcisè figuratis vocabulis explicat diuina, quod totum oritur ex differentia quadam accidentali verborum; ex quorum vsu quemdam reconditum sensum habet, neque illud nobis significat, quod ipsa verba præ se ferunt. Similiter, etsi Theologia Mystica experimentatiua, vel pro vt est notitia, quæ acquiritur de Deo, diuinisquæ, experimentis proprijs in intellectu & affectu firmata; etsi inquam Theologia Mystica sic sumpta, & considerata sit habitus realiter à sacra doctrina de qua in præsentia agimus distinctus, vt potè consistens in altissimo sapientiæ, vel intellectu & affectu firmata; attamen si loquamur de Theologia Mystica ratiocinatiua, & speculatiua, siue pro vt est notitia, quæ haberi potest de Deo, diuinisque per ratiocinationem, auditionem, vel lectionem, non penetrans affectum nec à sciente vsurpata; certum est illam non distingui à sacra doctrina; Ratio est, quia vbi est vnum & idem obiectum tam formale, quam materiale; nulla est

M ha-

habituum distinctio; sed sacra doctrina pro vt se extendit ad omnia supradicta munera, habet idem obiectum materiale, Deum videlicet, ac diuina; idemque obiectum formale, virtutem scilicet reuelationem; quatenus semper & vbique procedit ex præmissis reuelatis, ac fide diuina creditis ad omnes suas veritates

ostendendas, & probandas; ergo dicendum est, omnia supradicta munera, procedendique modos non facere distinctionem aliquam essentialem in sacra doctrina, sed illam esse vnum & eundem eminentem habitum se se ad omnia illa extendentem.

## Finis Libri Primi.





# BIBLIOTHECAE THEOLOGICAE LIBER SECVNDVS.

De sacra doctrina quantum ad munus deducendi  
conclusiones, beneficio artis syllogisticæ,  
vndè Scholastica potissimum, vel  
argumentatiua nuncupatur.

## SECTIO PRIMA.

An sacra doctrina verè sit argumentatrix, quantaque sit in illa  
talis muneris utilitas, & necessitas.

### CAPVT PRIMVM.

*Quod sacra doctrina verè sit argumentatrix.*



**Q**VAMVIS aliqui  
Theologi existi-  
ment, sacram do-  
ctrinam non esse  
verè argumenta-  
tiam, sed habi-  
tū dumtaxat ex-  
plicatiuum scri-  
pturæ, & articulorum fidei, siue decla-  
rando tantum quid nominis, id est, tra-  
dendo significationem vocum, & voca-  
lis orationis, vt sentire videtur Goffre-  
dus apud Aureolum quæst. 2. prol. art. 2.  
siue declarando etiam quid rei, id est,

res ipsas, earumque veritates vocibus  
significatas, vt ibidem docet Aureolus.  
Nihilominus tamen longè probabilior  
est opposita doctoris Angelici D. Tho-  
mæ sententia 1. p. quæst. 2. art. 8. quod  
sacra doctrina verè sit etiam argumen-  
tatiua, habitusque adheſiuus, hoc est,  
inclinans intellectum, vt per assensum,  
vel dissensum adhereat alicui veritati  
nouæ, quæ saltem explicite non con-  
tinebatur in alijs veritatibus explicite  
creditis, ac reuelatis: *Sicut alia scientia,*  
*inquit, non argumentantur ad sua prin-*  
*cipia probanda; sed ex principijs argumen-*  
*tan-*

tantur ad ostendendum alia in ipsis scientijs; ita hæc doctrina non argumentatur ad sua principia probanda, quæ sunt articuli fidei, sed ex eis procedit ad aliquid ostendendum: Doctrina autē procedens ex principiis fidei, seu vi necessariæ cōsequentię deducens cōclusiones ex præmissis reuelatis, ita vt vi talium præmissarum appareat in cōclusionibus aliqua veritas noua, quæ saltem explicitē non apparebat in præmissis secundum terminos earum; talis, inquam, doctrina non est tantū declaratiua fidei, sed etiam verē argumentatiua, ac discursiua.

Probatur hæc sententia primo auctoritate diuinæ scripturæ Sap. 8. vbi sapiens dicitur, *Scire versutias sermonum, & dissolutiones argumentorū: & Ecclesiast. 39. Sapiens in versutias parabolarum introibit, & occulta prouerbiorum exquiret.* Similiter in nouo testamento 2. ad Timoth. cap. 3. *Omnis doctrina diuinitus reuelata, utilis est ad docendum, & arguendum.* Ad Titum 1. *Oportet Episcopum amplecti fidem sermonem, ut sit potens eos, qui contradicunt arguere: & additur ratio ab Apostolo: Quia multi sunt docentes, quæ non oportet.*

Hinc etiam sæpe videmus apertos & dialecticos syllogismos in scripturis ipsis fieri; Diui Mathæi cap. 12. vbi Christus Dominus ostendit se non eijcere dæmonia in Beelzebuth, quia alioqui sequeretur regnum diaboli esse diuinum in seipso, atqui non est diuinum; & hoc rursus probat, quia iam stare non posset: ostendit quoque eodem capite Apostolos suos non peccare vellendo spicas die Sabbathi, quia & Sacerdotes ipsi propter Sabbathum non desinebant mutare panes propositionis, & alios alijs substituere Leuit. 24. Addit & aliā rationem, quia necessitas legem non habet, vt patet exemplo Davidis, qui in summa rerum penuria constitutus egit contra mandatum, & accepit panes propositionis quamuis effect laicus, quia nempe alios tunc inuenire non poterat, nec egit contra mandatum formaliter,

sed tantū materialiter, cum versaretur in summis angustiis, & mandatum tunc non obligaret; atqui Apostoli vellentes spicas erant etiam in magna egestate, nec cibum habebant; ergo poterant in die Sabbathi illas vellere. Eiusdem Mathæi cap. 22. suam diuinitatem Christus demonstrat ex Psal. 109. Si enim Christus nō esset Deus, sed purus homo, certē regius Propheta non vocaret illum Dominū suum, *Dixit Dominus Domino meo.*

Sic & Christus subtiliter probat resurrectionem mortuorum, nec non immortalitatē animæ, aduersus Saducæos, D. Lucæ cap. 20. quia Deus in scripturis passim vocatur Deus Abraham, Isaac, & Iacob; atqui non est Deus mortuorum, sed viuorum: ergo Abraham, Isaac, & Iacob sunt adhuc viuentes, at non secundum corpus, ergo secundum animā, ac proinde anima est immortalis: præterea si Deus est viuorum, ergo totius suppositi anima & corpore constantis; siquidem viuere est suppositorū, & per viuētia intelligimus supposita; ergo cū Abraham, Isaac & Iacob mortui sint, sequitur aliquando resurrexerunt.

Diuis etiam Paulus ad Romanos 4. argumentatur gratiam non esse ex operibus, quia alioqui iam esset debita, nec amplius posset vocari gratia; at falsum consequens. Et 1. Corinth. cap. 15. ex resurrectione Christi argumentatur ad resurrectionem communem probandā; & sic de alijs innumeris exemplis, quæ passim in diuinis scripturis occurrunt.

Secundō probatur auctoritate SS. Patrum, Diui præsertim Basilij in Psal. 115. vbi explicans verba illa, *Credidi propter quod locutus sum;* ait, *In quacunque professione, & via, & ordine ad finem procedente, impossibile est primorum propositorum demonstrationes inquirere; sed necesse est rationalium artium principijs citra contentionem assumptis; id, quod ex propositis consequens est, in his, quæ deinde sequuntur, inspicere.* Sic sane etiam Theologia mysterium assensum ex fide, citra examinationem requirit. En quomodo sacra doctrina inter alia sua munera habet,



habet, quod sit argumentatiua, quodque ex articulis fidei, aut veritatibus à Deo immediatè reuelatis, tanquam ex proprijs, & indubitatis principijs, vel vt loquitur Basilii*us* *citra examinationē*, deducat conclusiones in ijsdem reuelatis principijs virtute contentas.

Cui non obstat quod ait D. Dionysius cap.2. de diuinis nominibus. *Nulla ratione prasumendum est aliquid de supersubstantiali, secretisssimæque deitate aut dicere, aut cogitare prater illa, qua nobis sacra eloquia tradiderunt*: hoc, inquam non obstat, dum enim in sacra doctrina beneficio artis syllogisticæ, ex scripturæ veritatibus, tanquam ex principijs necessariæ colliguntur conclusiones, quod implet Dionysius frequenter præstitit, nihil verè in ea, aut ab ea consideratur, nisi quod sacra eloquia tradiderunt, non quidem explicitè, ac formaliter, sed implicitè, & virtualiter. Quem sensum, clarius reddidit altera versio his verbis: *Vniuersaliter nō est audendum dicere aliquid, nec etiā cogitare de supersubstantiali occulta Deitate, prater ea, qua diuinitus nobis ex sanctis eloquijs sūt expressa*. Quæ verba explicans D. Thomas optimè ad præsens institutum ait: *Signanter non dicit, in sanctis eloquijs, sed, ex sanctis eloquijs: quia quacumque ex his, qua continentur in sacra scriptura, elici possunt, non sunt aliena ab hac doctrina, licet ipsa in sacra non contineantur scriptura: nimirum expressè, vel explicitè*.

Tertiò probatur rationibus; primò quia vt superiori libro diximus sacra doctrina pro habitu Theologico sumpta, est verè ac propriè dicta scientia, consistitque formalis eius ratio in discursu, & ratiocinatione ex reuelatis, ad distinctionem fidei, quæ ob diuinam veritatem reuelantem assentitur suis veritatibus vt formaliter, & immediatè reuelatis; ergò oportet sacram doctrinam sic consideratam esse maximè argumentatricem; hæcque etiā de causa sectione vltima superioris libri vidimus, illam vocari Scolasticam, vel asceticam, ac si diceret certatricem, palæstricam, labo-

riofam, quia tota est præcipuè in discursu, & in disputatione ad inferendas conclusiones ex reuelatis principijs; alij vocant dialecticam, supple, adiectiuè, id est ratiocinantem.

Secundò, sacræ doctrinæ seu Theologiæ nomine debet ab omnibus intelligi quedam facultas, quæ de rebus diuinis, ac reuelatis, quatenus reuelatis, tractat sub quacumque ratione tractabiles illæ sunt; satis autem constat ex innumeris demonstrationibus, quæ in Theologia fiunt, vt dicemus infra; satis, inquam, inde constat circa huiusmodi res mentem nostram etiā arguiuius versari posse; deducendo ex illis vt expressè & formaliter reuelatis, vi necessariæ, arque euidētis consequentiæ, alias veritates non expressè reuelatas; qui modus est adhæsiuus, & non pure declaratiuus; quia facit intellectum assentiri, & adhærere alicui nouæ veritati, cui antea non adhærebat; eoque respiciuntur res reuelatæ sub alia habitudine, nimirum tanquam id, ex quo, & vt principia conclusionum.

At dices, qui assentitur conclusioni virtualiter contentæ in præmissa reuelata facit actum fidei; ergò dicendum est, vel Theologiam non esse à fide distinctam, ac proinde non esse verè argumentatricem; vel distingui tantum ab illa penes hoc quod sit habitus duntaxat declaratiuus scripturæ, & articulorum fidei; non autem adhæsiuus, aut deductiuus, id est inclinans intellectum, vt per assensum discursiuum adhæreat alicui nouæ veritati. Paret consequentia. Probatur antecedens tripliciter. Primò quia qui assentitur conclusioni, virtualiter contentæ in præmissa reuelata; assentitur propter reuelationem præmissæ, ergò facit actum fidei. Secundò quia si conclusionem negaret, esset hæreticus. Tertiò quia hic assensus conclusionis saltem implicitè continetur in assensu præmissæ, quem admiximus esse assensum fidei; explicitum autem, & implicitum non distinguunt assensus fidei ab alijs assensibus, vt docetur in materia de

de fide, & satis patet in antiquis fidelibus antè Christum, qui eadem fide credebant implicite multa, v.g. mysterium Trinitatis, & Incarnationis, quæ post Christum explicitè credimus.

Respondetur ad hoc argumentum negando antecedens. Ad cuius primam probationem dico, quod ille, qui assentitur conclusioni virtualiter contentæ in præmissa formaliter reuelata, assentitur quidem remotè propter reuelationem; proximè autem non, sed propter assensum præmissæ, cui assentitur propter reuelationem, & Dei attestantis auctoritatem: in ipso enim assensu præmissæ duo debent diligenter distingui, & motiuum, quo assensus ipse in se immediatè nititur, idque est prima veritas Dei dicentis; & totus ipse fidei assensus, actusque creatus, qui potest esse motiuum, & causa mouendi eundem intellectum ad alium conclusionis assensum elicendum beneficio artis syllogisticæ, & hoc, vt superiori libro ostendimus, est proprium Theologiæ motiuum, valde diuersum à primo, vt ex se patet; qui enim per habitum Theologicum assentitur cõclusioni eo formali motiuo, quia deducta est ex præmissis reuelatis, assentitur proximè propter reuelatas præmissas tali figura, ac modo beneficio artis syllogisticæ dispositas, quod motiuum est aliquid creatum, & non est increata autoritas Dei reuelantis, quod est proprium ac proximum fidei motiuum.

Ad secundam, non esset hereticus, si talem conclusionem negaret, ex eo quod putaret illam non rectè sequi ex præmissa; daret tamen magnam heresis suspicionem, ita vt prudenter existimari posset hereticus, & vt talis puniri; quia quando est euidentis deductio conclusionis ex præmissa reuelata obscura, & ineuidente, nemo sanæ mentis, vimque bonæ consequentiæ penetrans censeri potest negare deductionem, vel consequentiam euidenter veram, sed potius obscuram, & ineuidentem præmissam, vnde cõclusio illa manifestè colligitur.

Ad tertiam respondetur, implici-

tum considerari posse dupliciter. Primò, vt substat diuinæ reuelationi, ita vt assentiamur implicito, quia Deus dixit & sic idem est fidei habitus substantia-liter circa implicitum, & explicitum. Secundò vt substat deductioni, ita vt implicito assentiamur, quia rectè deducitur ex alio nostro assensu fidei explicito, & tunc mutata formali ratione assentiendi vt statim diximus, versatur circa illud aliud distinctus habitus discursiuus Theologicus.

Tertio tandem & vltimo probatur nostra sententia; quia si sacra doctrina pro habitu Theologico sumpta, non esset verè argumentatrix, sed declaratiua tantum rerum diuinarum, quæ sunt proprium ipsius obiectum, versaretur circa suum obiectum nihil asserendo, ac iudicando de illo, nec attingendo illius veritatem in actu exercito; sed tantum declarando asserctiones, ac iudicia, & veritates alterius habitus fidei, quod munus exerceri posset etiam ab illo, qui omnes fidei veritates negaret; possumus enim, ac solemus explicare sententias, & veras quibus adheremus; & falsas quibus non adheremus, v.g. Catholicas & hereticas. Hoc autem sicut repugnat modo tendendi reliquorum omnium habituum cognoscitiuorum circa propria obiecta, eorumque dignitati, ita & habitus Theologici, sic enim nec sapientia, nec scientiarum præstantissima, imò nec simpliciter sciëntia dici posset, contra illud quod superiori libro suo loco demonstraui.

## C A P V T I I.

*Vtrum sacra doctrina ita sit argumentatiua, vt habeat veras ac proprias demonstrationes etiam de Deo, iam à priori quàm à posteriori.*

**S**Vpposito quod sacra doctrina verè sit argumentatiua; ex præmissis reuelatis, ac fide diuina creditis procedendo ad alias veritates ostendendas, & pro-

probandas; superest breuiter examinandum, nūm tales argumentationes, sint verè ac propriè demonstrationes tam à priori, quàm à posteriori; idque etiam de Deo; affirmant enim aliqui, negant verò alij existimantes sacram doctrinā habere peculiare aliquod argumentandi genus ab illis duobus distinctum.

Nihilominus pro intelligentia difficultatis, sententiarumque oppositarum concordia, notandum est primò, malè confundi ab aliquibus demonstrationes à priori, & à posteriori, cum demonstrationibus *propter quid*, & *quia*; ita vt dicantur ad conuertentiam, & eadem sit diuisio, quā distinguitur demonstratio in demonstrationes à priori, & à posteriori; & quā diuiditur in demonstrationes *propter quid*, & *quia*. Licet enim omnis demonstratio *propter quid*, sit à priori; & omnis demonstratio à posteriori sit demonstratio *quia*, non tamen è contra: Nam demonstratio *quia* solum consistit in hoc, quod ostendatur veritas, sed non radix illius propria, & immediata; siue, quod idem est, demonstratio *quia* est illa, quæ ostendit tantum passionem conuenire subiecto; nō autem adducit *propter quid* illi conueniat, vnde in præfenti particula *quia* non sumitur causaliter, sed est pura coniunctio, quasi dicatur demonstratio, quod hoc, sit hoc. Quod autem hoc sit hoc, siue quod datur aliqua veritas, potest interdum ostendi per aliquid posterius, scilicet per effectum, aliquando per aliquid prius, scilicet, per causam remotam, & aliquando per aliquid concomitans. Non omnis igitur demonstratio *quia* est solum à posteriori, id est, ex effectu, sed aliquando per aliquid prius, scilicet per causam remotam; quamuis omnis demonstratio à posteriori sit demonstratio *quia*, cum fieri non possit, vt satis patet ex terminis, quod in demonstratione à posteriori assignetur *propter quid* conclusionis.

Similiter omnis demonstratio *propter quid*, semper est à priori, quia semper sit per causam, etiamque proximam,

& immediatam; demonstratio enim *propter quid* est illa, quæ non solum probat passionem inesse subiecto, sed etiam, ostendit *propter quid* illi proximè & immediatè conueniat: quod proculdubio fieri non potest, nisi adducendo in præmissis propriam, & adæquatam talis passionis causam. Non tamen omnis demonstratio à priori, est, *propter quid*; illa enim demonstratio, in qua per causam remotam, seu communem non conuertibilem probatur aliquis effectus, proculdubio est demonstratio à priori, & non *propter quid*: cum enim vnaquæque passio, vel proprietas habeat proprium, & adæquatam *propter quid*, per quod probetur conuenire alicui subiecto; & demonstratio illa, in qua solum continetur causa remota, & non conuertibilis passionis, nō adducat *propter quid* illius, vt per se constat, certè nulla ratione potest esse demonstratio *propter quid*. Dicendum est ergò has duas diuisiones non omnino coincidere, ita vt demonstratio *propter quid*, & à priori conuertantur; & similiter demonstratio *quia*, & à posteriori; sed quod multæ sint demonstrationes à priori, quæ non sunt *propter quid*, & multæ *quia*, quæ non sunt à posteriori: ac proinde licet omnis demonstratio *propter quid* sit à priori; & omnis demonstratio à posteriori sit *quia*, non tamen è contra.

Supponendum est secundo diuinam reuelationem, quæ est ratio sub qua doctrinæ sacræ modo superiori libro explicato, dupliciter ingredi posse demonstrationes Theologicas; siue, quod idem est, dupliciter posse Theologum vt reuelatione diuina, ad inferendam syllogisticè conclusionem aliquam. Vno modo in actu exercito, alio modo veluti in actu signato. Exemplum primi habetur in sequenti syllogismo. *Omnis homo est discursiuus, Christus Dominus est homo, ergo discursiuus*. Hic enim syllogismus procedit ex quodam principio reuelato, sed non significatur aut exprimitur in illo quod sit reuelatum, licet re verà ita sit, quod veritas illius prout est in nobis

pendeat ex reuelatione diuina. Exemplum secundi est in hoc syllogismo: *Omne reuelatum à Deo est verum, sed Deum esse unum, & Trinum, Verbum esse incarnatum, & sic de ceteris, est à Deo reuelatum, ergo est verum*. His prænotatis.

Dico primò, demonstrationē Theologicam procedentem ex reuelatione diuina in actu signato solum, non esse demonstrationem, neque à priori, neque à posteriori; in hac conclusione conuenire debent omnes Theologi. Et ratio est, quia talis demonstratio neque procedit ex causa, aut proxima, aut remota conclusionis; neque ab effectu conclusionis, vt per se patet, quod enim Deus sit vnus, & Trinus, non est causa huius, quod est esse reuelatum, neque hoc quod est esse reuelatum, est causa huius, quod est esse Deum vnum & Trinum; igitur neque est demonstratio à priori, neque à posteriori; idem dic de demonstratione *propter quid, & quia*. Sed similis demonstratio est propria doctrinæ sacræ, ad quam pertinet argumentari ab autoritate diuina. Quamuis enim locus ab autoritate humana sit infirmissimus, atque adeò nō possit esse præcisè ratio assentiendi certò, & infallibiliter alicui conclusioni vniuersim loquendo; locus tamen ab autoritate, quæ fundatur super reuelatione diuina, est efficacissimus, & certissimus; atque adeò potest esse medium demonstrationis Theologicæ, ad inferendam aliquā conclusionem certò, & infallibiliter, vt patet in exemplo allato; alijsque similibus.

Dico secundò omnes demonstrationes Theologicas etiam de Deo, posse esse demonstrationes & à priori, & à posteriori; & *propter quid*, & *quia*; si loquamur de illis secundum quod procedunt ex principio, vel principijs in actu exercito reuelatis. Hęc conclusio debet esse pariter communis inter Theologos. Ratio fundamentalis est, quia ad hoc vt demonstrationes Theologicæ dicantur tales, nihil aliud requiritur, nisi quod in præmissis assumantur causæ, & effectus,

ad probandam aliquam conclusionem, sed quādò Theologia procedit ex principijs in actu exercito reuelatis, potest procedere à causa ad effectum, & ab effectu ad causam, v.g. *Omnis homo est risibilis, Christus est homo, ergo Christus est risibilis*; vel, *omne id quod habet duplicem voluntatem, debet etiam habere duplicem naturam intellectualem; sed Christus Dominus duplicem habet voluntatem, ergo duplicem etiam habet naturam intellectualem, diuinam scilicet, & humanam*. Non est igitur cur demonstrationibus Theologicis procedentibus ex aliquo principio, vel principijs in actu exercito reuelatis, denegemus rationem demonstrationis à priori, aut à posteriori; si quidem rationi illi, sub qua doctrinæ sacræ, quæ est diuina reuelatio virtualis, fit superiori libro explicuimus, subsistere possunt plures propositiones in quibus continentur causa, vel effectus conclusionum demonstrandarum.

Secundò probatur, quia si esset aliqua ratio cur argumentationes Theologicæ non essent verè ac propriè dictæ demonstrationes tam à priori, quàm à posteriori, maximè ob defectum euidentiæ, vel quia semper in illis proceditur eodem formali lumine diuinæ reuelationis; sed ista non obstant; ergò dicendum est argumentationes Theologicas, esse verè ac propriè dictas demonstrationes tam à priori quàm à posteriori: Maior est certa, præcipuumque fundamentum aduersariorum denegantiū argumentationibus Theologicis veram ac propriè dictam rationem demonstrationis à priori, vel à posteriori. Minor probatur quo ad primam partem, tū quia defectus euidentiæ non tam pugnat cum demonstratione in eo præcisè, quod sit *propter quid*, & à priori; & in eo quod sit à posteriori, & *quia*, quàm in eo quod sit simpliciter demonstratio; igitur si defectus euidentiæ non obstat argumentationibus Theologicis, quin dicantur veræ demonstrationes, vt concedunt aduersarij, nec obstat quin sint formaliter, & essentialiter demon-

stra-

*strationes propter quid*, siue à priori, & *quia*, siue à posteriori. Tum etiam quia non est de essentia huiusmodi demonstrationum, vt procedant ex notioribus, siue euidentionibus conclusionē: quam euidentiam Theologia non habet; sed sufficit, vt procedant ex certioribus, vt superiori libro probauimus, ostendendo quomodo sacra doctrina sit verè ac propriè dicta scientia.

Non obstat etiam secundum, sicut enim in alijs scientijs non tollitur formalitas demonstrationis *propter quid*, & *quia*, propter identitatem in vno formali lumine naturalis abstractionis, ita nec in Theologia, ex eo quod semper procedat eodem formali lumine diuinæ reuelationis virtualis. Quamuis enim eodem lumini substant medium quod est causa, seu ratio prior, & medium, quod est effectus, seu ratio posterior: adhuc tamen intellectus moueri potest ad assensum conclusionis ex illo medio illuminato, non solum propter lumen præcisè, sed etiam formaliter, quia prius est, vel quia posteriùs; quod sufficere debet, vt demonstratio dicatur esse formaliter *propter quid*, vel à priori, & formaliter *quia*, vel à posteriori.

Tertio tandem, si esset aliqua ratio, cur argumentationes Theologicæ de Deo, rebusque diuinis in particulari non essent verè demonstrationes *propter quid*, vel *quia*; maximè quia vt volunt nominales, id asserentes; ad essentiam, & formalitatem huiusmodi demonstrationum, necessarium est, vt procedatur, per medium, quod sit vera causa, vel verus effectus, nimirum cum actuali distinctione à parte rei inter causas, & effectum, & subiectum, de quo in conclusione aliquid probatur per illud medium; quod repugnat infinitæ simplicitati diuinæ; sed ista ratio nulla est, ruinosoque innititur fundamento; si quidem talis distinctio realis, non requiritur, sed sufficit virtualis, seu fundamentalis, & quod medium ex suo intrinseco, & formali conceptu sit, vel quid prius, & realis quædam ratio, propter

quam verè aliud posterius conueniat subiecto, ita vt si per impossibile inter illa daretur vera causalitas, illud natura præcederet, & causaret, hoc natura subsequeretur, & fieret ab illo; vel sit quid posterius cum suo priore inseparabiliter coniunctum; vt satis patet primo in pluribus demonstrationibus Metaphysicis. Secundo in opinione eorum, qui nullam distinctionem ex natura rei agnoscunt in potentijs inter se se, & cum subiecto, in qua non minus rectè demonstratur à priori v.g. de homine admiratiuum per discursiuum, & à posteriori admiratiuum per risibile; ac si ista omnia inter se realiter distinguerentur. Et ratio est, quia demonstratio cum sit actus rationis discursiue, pendet à terminis vt stant sub esse cognoscibili, & apprehenso per simplices notitias, quibus vnum terminum ab alio abstrahimus, & sine alio consideramus. Quem cognoscibilitatis statum æquè semper habent termini demonstrationis, siue actualiter, siue fundamentaliter tantum distinguantur.

Hoc autem totum reperitur in Deo, rebusque diuinis; etsi enim simplicitati Dei repugnet ratio medij realis actualiter distincti, non tamen ratio medij rationis distincti virtualiter; siue quod idem est, licet repugnet aliqua demonstratio de Deo, quæ procedat per medium, quod sit verè, & realiter causa inherentiæ prædicati, seu passionis ad subiectum de quo demonstratur. Quo sensu D. Thom. 1. contra Gentes cap. 25. asserit. *Non posse demonstrationem de Deo fieri nisi per effectum; quia principium demonstrationis est definitio eiusdem de quo fit demonstratio Deus autem definiri non potest*; etsi, inquam, talis demonstratio procedens per veram causam in essendo, quæ est essentia definibilis, constans ex genere, & differentia, repugnet Deo, ob infinitam eius simplicitatem; non tamen illa, quæ procedit per medium, quod sit ratio quædam virtualiter prior eo, quod accipitur vt passio, simulque ratio, vt talis insit subiecto, eique conueniat; per quod satis patet, ad omnes

nes obiectiones, quæ contra nostram conclusionem fieri possent.

## CAPVT III.

*Quam sit necessarium arguendi munus, Philosophiæque subtiliter disputantis usus in Sacra doctrina, seu Theologia.*

**D**iuersis temporibus non defuere, plures etiam hæretici, qui vel pro suo rerum omnium diuinarum, & humanarum contemptu, vel ne facilius sincera, ac germanæ Philosophiæ, & Dialecticæ præsidij, perplexos illorum aduersus Catholicam veritatem nodos, ac laqueos solueremus; non defuere, inquam, plures hæretici, qui in Theologiam Scholasticam, pro eo potissimum quod illis vitur & ad diuinarum rerum scientiam frequenter adhibet, implacabili odio lati sunt.

Sic Donatistæ D. Augustino Dialecticæ usum pro crimine obijciebāt, quasi Christianæ non congrueret veritati, vt ipsemet Augustinus testatur lib. 2. contra Cresconium Grammaticum cap. 13. Per easdem semitas inessit Vvicleffus, dum asseruit. *Vniuersitates, studia, collegia, graduationes, & magisteria in eisdem esse vana Gentilitate introducta, & tantum prodesse Ecclesiæ, sicut prodest diabolus.* Vt patet ex articulo in Concilio Constantiensi damnato. Extat etiam de hæc res longa & stomachi plena contra Latinos, & cultum ab illis Theologiæ Scholasticæ studiū expositulatio Nicephori Gregoræ historici Græculi in fine libri decimi, qui vivebat circa annum Dñi 1328.

Calvinus quoque, & Lutherus duo præcipui hæreticorum nostri temporis antesignani non minori odio Theologiam Scholasticam persecuti sunt: Nam primus in suis institutionibus Theologos Scholasticos, passim *Sophistas* vocat, doctetque illos, *velut obducto velo Christum texisse, & plurima mala illis accepta referri debere;* scribit quoque, *quod tota Papasus Theologia, immane sit chaos, &*

*horribilis labyrinthus, quia neglecto Christo sibi insanis, & ventosis speculationibus indulgens.* Lutherus autem, ceteri Theologiæ Scholasticæ magisterium aliquando se in pretio habere ostenderit, cum ab vna ad aliā vniuersitatem, & academica iudicia appellaret, nihilominus tamen, postea Theologorum Scholas lib. 2. de obroganda Missa *Sasana Lupanaria* vocauit, multisque alijs conuijs onerauit.

Dolet quippè hæreticis, quod videant suas fraudes, & dolos, suas imposturas, suam ignorantiam per Scholasticam Theologiam exactè, diligenter, ac neruose confutari, vellentque si possent perturbare omnia, ac tenebris inuoluerè, sicut mendacium odit lucem, & diabolus est princeps tenebrarum, vellent Ecclesiam Catholicā validissimo Scholasticæ Theologiæ præsidio, & auxilio carere, vt illam facilius inuadere, ac dissipare possent; dicente vno ex illis Bucerò, *Tolle Thomam, & dissipabo Ecclesiam;* Qua in re eertè Philistæos imitari videntur, qui cum Hebræos ad ciuitatem Gabam expugnassent, teste Iosepho lib. 6. antiq. cap. 7. Seuerè illis prohibuerunt, ne deinceps haberent fabros ferrarios, itaque 1. Regum 13. non inueniebatur ferrarius faber in Israël, & descendeat vnusquisque ad Philistim, vt acueret vomerem suum, vel ligonem, aut securim: videbant enim Philistæi hoc modo futurum, vt Israëlitz omnibus armis priuarentur in perpetuum, nec pugnare amplius possent; ita ergo & hæretici, omnesque illi quos sectarum, & dogmatum nouitas delectat, cuperent Catholicorum Scholas de medio tolli, vt his sublati, vel nulla, vel saltem minus apta, & vtilia arma nobis ad spiritalem pugnam supereffent.

Ceterum frustra iacitur rete ante oculos pennatorum; quo enim magis videmus hanc Scholasticam Hæreticis ingratam, & exosam, eo feruentius & alacrius illi incumbere debemus, eorum ad quos prouocant, exemplo Theologorum veterum, & autoritate conuicti; qui ita Dialecticam à Theologia segregan-

gandam putarunt, quo ad eam partem, quæ Eristica, hoc est, *litigiosa*, & *contentiosa* dicitur, quæ Sophistæ tam Gentiles, quàm Hæretici identidem utebantur ad Christianam, & Catholicam euertendam fidem, ac circumueniendos rudes, aut minus, quàm isti erant, versutos, & calidos; ut tamen veram ex eâ differendi artem, ac solertiam, ad diuinarum rerum scientiam, vel ornandam, vel tuendam, vel formandam adhibuerint.

De ornatu perspicuum est, quantum ad illum conferat in Sacra doctrina, dialecticæ cum illa Societas. Tunc enim aliqua scientia numeris omnibus absoluta dicenda est, quando primum secundum rectum docendi ordinem colliguntur simul variegatæ sententiæ, hic illic sparsæ, ad eandem questionem pertinentes, nec solum colliguntur, sed insuper exponuntur perspicuè, simulque inter se conferuntur, simul conciliantur ubi aliquid contrarium, & repugnans præ se ferunt: & sic de similibus; Hoc autem totum habet scientia Theologica, ab eo potissimum, quod differendi ars, & solertia, quæ dialectica vocatur, ad diuinarum rerum tractationem adhibeatur, ac per vniuersam implicata, & conferta, poenè idem, vnumque cum ea componat disciplinæ corpus. Illius enim ope omnia in locos communes digerit, seruata semper methodo secundum rectum docendi ordinem; ita ut à Deo optimo Maximo incipiat, inde transeat ad diuinæ prouidentie effectus, quia scilicet Deus est adequatè totius Theologiæ obiectum, & omnia ad illum referenda. Neque Scholastica solum ordinem seruat in prædictis, sed etiam inter quoscumque alios Theologiæ tractatus, & titulos, vel materias, quæ inter se connexæ, aliæque alijs fulciuntur, ac nutriuntur, colligendo simul ad illorum omnium probationem varias Sacre Scripturæ sententias hic illic sparsas, ad eandem questionem pertinentes; Præterea non solum colligit varios illos textus, sed exponit perspicuè, simulque inter se confert, simul conciliat, ubi aliquid con-

trarium & repugnans præ se ferre videntur. Tandem non hæret cum solis Scripturis, sed etiam addit indubitatas Ecclesiæ traditiones, Summorumque Pontificum, & Occumenicorum Conciliorum definitiones, euoluit historiam Ecclesiasticam, adhibet libros, & commentarios Sanctorum Patrum; quibus omnibus certè nihil ad Sacram doctrinam ornatiùs esse potest, ut satis ex se patet.

Verùm quod maius; non tantum Dialecticæ modo explicato diuinarum rerum scientiam ornatorem, sed & munitiorem etiam reddit aduersus omnia inimicorum tentamenta. Vnde non immeritò Clemens Alexandrinus in lib. 6. Stromatum dialecticam *Sepimentum* appellat, *ut ne à Sophistis veritas proculceatur*. Quod prius eleganter docuerat I. a. *Est, inquit, per se ipsam perfecta, & nullius indigens doctrina Saluatoris, ut potè facultas, & sapientia Dei. Porro Græca Philosophia ad eam accedens, non potentior facit veritatem, sed Sophisticam aduersus eam impressionem imbecilem reddens, propulsansque dolosas contra veritatem insidias, congruens vineæ sepimentum & vallum dicitur*. Basilii quoque ad caput 1. Ista: *Facultas, inquit, Dialectica muri instar est dogmatibus, quod ea non finit facile deripi, & quorumlibet incursioni patere*. Nimirum etsi ad repellendos, ac refutandos hæreticos, diuinis scripturis, ac dogmatibus, hoc est proprijs disciplinæ suæ principijs nitatur Theologus, ac præcipuum in ijs robor, & momentum pugnæ positum habeat: non tamen illis ipsis uti, nec ea tractare scienter arma poterit, si sit dialecticæ rudis à qua definiendi, diuidendi, ratiocinandi modum, ac vim accipit: nec non artes aduersariorum, & fallaciarum, quemadmodum diluendæ, dissoluendæque sint, illa præcunte, ac monstrante cognoscit.

Et ad hoc accommodant aliqui allegoriam ex pugna Dauid cum Goliath desumptam, cui quidem Iordanis fluuius aut torrens in valle Therebinti lapides

ad pugnandum firmos, ac limpidos ministrabat; attamen, nisi ipse aptato lapide, fundaque circumducta, in frontem Spurii Gigantis collincaffet, non abfuffiffet opprobrium populi, & Philistæus incircumcifus exprobraret adhuc acies Dei viuientis. Ita profectò, quamuis facrarum litterarum effata, ipsa Dei verba validiffimi lapides in capita nequitiz sine; nisi tamen illa Theologus, dirigentem ingenium Deo, rationis appositè, seu fundè turbine, in argumentationis rotauerit gyrum præsidio artis syllogisticæ, hæreticam prauitatem, frontem illam, perfrictam diaboli non confringeret, neque Satanam immanem illum Colossum Babylonicum deturbaret.

Quare Basilium Gregorius Nazianzenus prædicat orat. 10. quod artes omnes, atque doctrinas apprimè calleret; præsertim Philosophiam, eiusque partem illam, *qua in Logicis demonstrationibus, aut appositionibus, & concertationibus versatur, quam Dialecticam nominant: in qua adeo excelluit, ut ijs, qui cum eo disputabant, facilius esset in labyrintho se se extricare, quam argumentorum eius laqueos effugere, si quando res ita postularet.* Et certè quid aliud Basilium, & Gregorius Nyssenus in libris contra Eunomium faciunt, nisi ex dialecticis locis, ac regulis perplexa, & captiosa omnia illius argumenta dissoluere? Quid Cyrillus Alexandrinus, in Thesauris, & Dialogis; nec non in commentarijs ad Ioannem, ac passim alijs in libris instituit, præterquam vt hæreticas fallacias, & subtiles argutias eodem differendi acumine configat? Idem & plerique alij Græci, Latiniq; studuerunt. Hinc Arnobius, non ille, qui scripsit contra gentes, & sub Diocletiano floruit; sed alius iunior, qui paulo post Sanctum Leonem Papam vixisse videtur, in conspectu Catholici cum Serapione de Deo Trino, & vno, obijcienti hæretico, in *dialecticum sophisma prorumpit, occurrit sic: Dialecticum sophisma duas facies recipit, & verum probetur, quod adstruitur & non verum ex aliqua parte arguatur.* Et antea,

dicenti eidem Hæretico; *Cesset ars dialectica*; respondet: *Ars dialectica in rebus obscuris ingreditur, ut videatur esse verum, quod verum est.* Quod sanè dixerat à D. Augustino in secundo libro de Doctrina Christiana cap. 31. vbi ait, *disputationis disciplina ad omnia genera questionum, qua in litteris sanctis sunt, penetranda, & dissoluenda, plurimum valet.* Tantum ibi cauenda est libido rixandi, & puerilis quadam ostentatio decipienda aduersarium. Et fusius lib. 1. contra Cresconium capit. 13. & sequentibus, vbi Hæretico dialecticam ipsi pro crimine obijcienti, & ideo velut hominem dialecticum merito fugiendum, potius & cauendum, quam refellendum reuincendumque dicente; acriter illum reprehendit, & quantum ad sacram scientiam dialecticæ proficit, non solum exemplo Christi Domini, Diui Pauli, sed & validissimis etiam rationibus ostendit per sex integra capita.

Tandem de hac necessitate Dialecticæ in Theologia, seu ad tractandas sacras & litteras, & disciplinas non solum ad maiorem earum decorem, ac præsidium singulare, sed vt facilius etiam, tam in nobis, quam in alijs efficiantur, ac formentur, memorabilis est D. Augustini locus lib. 14. de Trinitate cap. 1. vbi loquens de Theologia secundum quod est scientia, & habitus beneficio artis syllogisticæ discursiuus, ait. *Per hanc scientiam fides saluberrima, qua ad veram beatitudinem ducit, gignitur, nutritur, defenditur, roboratur.* Eandem Theologiæ Scholasticæ, vel Dialecticæ necessitatem eleganter significat D. Ambrosius in cap. 5. S. Lucæ, comparans illam cum ijs rebus, de quibus dixit Christus. *Laxate retia vestra in capturam; Quæ sunt, inquit, Apostolorum, quæ laxari iubentur, retia, nisi verborum complexiones, & quasi quidam orationis sinus, & disputationum recessus, qui eos, quos capiunt, non amittant?*

Et certè cum fides, rerumque diuinarum scientia gigni non possit, nisi ex præ-



precedente auditu, & prædicatione dicente Apostolo ad Roman. 10. *Quomodo credent ei, quem non audierunt? Quomodo autem audiens sine prædicante?* Satis patet. quantum ad hoc sit vtile, & necessarium Theologiæ Scholasticæ magisterium, cuius est, rerum reuelatarum possibilitatem, & credibilitatem ostendere, obscuritatem declarare, quid ex quoque consequens sit, & contentaneū explicare; separare distincta; copulata iungere; diuidere, definire, ratiocinari, ex quibusdam reuelatis deducendo conclusiones, tam ad alias res reuelatas intelligendas, explicandas, confirmandasque, quàm ad alias veritates, quæ non sunt explicite reuelatæ; sed continentur implicite, & virtute in alijs explicite, & formaliter reuelatis. Quæ omnia sunt certa, & necessaria doctrinæ instrumenta.

Vnde manifestum relinquitur, quàm temerè nouatores suas acuerint linguas, & pennas in nostram Scholasticam, quàm antiquissimi, & Sanctissimi Patres, non verbis tantum, & sententijs suis, sed factis etiam, & exemplis probarunt, solumque in ea condemnarunt, vel immoderatum dialecticæ vsum, vel quo ad illam partem quæ contentiosa, & sophistica dicitur; vt præclare inter alios docet Clemens Alexandrinus lib. 1. stromat ex illo loco 1. ad Timoth. cap. 6. *Si quis aliter docet, & non acquiescis sanis sermonibus, &c. languens circa quæstiones & pugnas verborum, ex quibus oriuntur invidia, contentiones, &c.* Et rursus lib. 6. *Qui in Philosophia, inquit, appetunt ea, quæ minimè necessaria sunt, sed superflua, & in solis ad contentionem factis Sophisticis argutis insistant, ab necessarijs aberrant, ac precipuis: qui umbras doctrinarum reipsa persequuntur.*

Sed nec illam adhuc partem funditus aspernandam esse voluerunt Patres: non, vt ea sic vtamur, quomodo hæretici, ac reliqui hostes Ecclesiæ, ad oppugnandam veritatem, falsamque adstruendam opinionem: sed ad propugnandam potius fidei doctrinam, & ad

illorum perplexos nodos, ac laqueos eiusdem, vnde implicati sunt, artis ope soluendos. Quæ in re placet audire, Diuum Ioannem Damascenum Dialog. cap. 1. *Omnis artifex, inquit, aliquibus instrumentis opus habet, ad operum suorum effectiorem. Porro decet reginam ancillarum quarundam uti ministerio. Accipimus igitur doctrinas istas, tanquam veritatis famulas, & impietatem, quæ tyrannico dominatu sibi eas usurpauit, procul amandemus: neque bono malè utamur: nec ad circumueniendos simplices, conuertamus artem illam disputandi. Ac sametsi neuiquam varijs istis sophisticis inuentis veritas opus habeat; nihilominus ad euertendos malos illos pugnatōres, & ad falso nomine appellatam istam refellendam scientiam, illis utimur.*

#### CAPVT IV.

*Soluntur obiectiones Hæreticorum contra Doctrinam Superiori capite traditam de necessitate & utilitate Theologiæ Scholasticæ.*

**Q**Uamuis ex dictis superiori capite satis constet aduersus hæreticos, morolosque illos, ac delicatos, quibus Philosophicæ, ac dialecticæ subtilitatis genus omne displicet; qua ratione ad Theologiam, fideique doctrinam laudabiliter adiungenda sit; quæque iterum culpanda, & ab illius communione maiorum iudicio reiicienda; quia tamen vel propter tarditatem non intelligunt, vel quod verisimilius nequiter, & calumniosè dissimulant; præstat in hoc capite, vt stultè molesti esse desinant, earum, ad quas prouocant, autoritatum, & rationum momentis satisfacere.

Primumque occurrit Nicephorus Gregoras in libro decimo historiæ suæ, vbi orationem describit, quam in conuentu præsulum habuit, vt eos abstereret à certamine cum Latinis ineundò de processione Spiritus Sancti ab utroque, ad quod duo illos Episcopi prouocauit.

cauerant ex Occidente missi de conciliandis inuicem Ecclesijs. In hac enim declamatione primùm in Latinorum superbiam inuehitur, qui sibi primatum arrogarent ex Petri successione. Deinde subtiles & acutas in rebus fidei, Theologicisque disputationes funditus damnat, cum earum magistra dialectica, hoc argumento: quòd cum ratiocinandi genera sint duo; alterum necessariū, quòd demonstratio dicitur; alterum probabile, quòd dialecticæ proprium habetur: neutrum in diuinis rebus explicandis vtile esse possit. Non prius: Nam si efficiētem scientia demonstratiōem consequens est propositiones exigere certas, & confessas, quæ demonstrari nequeant, & sint cōclusionē notiores: ea verò vel inductione, vel sensibus, vel experientiā manifesta redantur, nullus istic argumentationi locus est, quæ ex demonstrandi scientia conficitur: eo quòd ad contemplandum difficiles sunt diuinarum rerum rationes, neque cōprehendi possunt. Porro neque posterius syllogismi genus quidquam valet, quoniam ex opinabilibus, ac verisimilibus tantummodò procedit: quæ ad veritatis inuestigationem imbecilla sunt, & Sophistis, quàm Theologis aptiora. Vnde subiungit antiquos illos Patres syllogismis, & argumentatione vfos esse diuinis in rebus exponendis: *Non ad Dei naturam vel proprietatem explicandam; neque ad hoc docendum, quid esset generatio filij, vel Spiritus Sancti processio: sed eo potius, ut indecorè in Theologiam proficiscentes cōpescerent.*

Græco huic plus æquo Theologiæ Scholasticæ infenso melius responderi non potest, quàm per alium Græcum, Emmanuelem videlicet Calecam, qui circa annum Domini millesimū ducentissimum octogesimum floruit; & contra tetricos, ac Nicephori similes quosdam, ex eadem Græcia, quibus subtilis ac scholasticus disputandi vsus fastidio erat, & qui Apostolicum illud 1. Corinth. cap. 2. usurpabant: *in illa sapientia verbi euacuari crucem Christi: contra illos, inquam, patrocinium eius assu-*

*mens, necessarium esse demonstrauit. Qui syllogismos, & argumentationes penitus excludit à Theologia, primū id quòd humana natura proprium est, & hominum inter se colloquium, & communionem tollet è medio. Immo beatum Paulum redarguet reprehendentem eos, qui ex aspectabilibus rebus de Deo ratiocinari minime potuerunt, & ex creaturis agnoscere creatorem. Vitiū id etiā vertet Theologis, siue de ijs, quæ ad hypostasēs attinent, siue de diuinis processionibus disputantibus. Quin ipsius Saluatoris sententiā labefactabit, quæ scrutari scripturas iubet. Perspicuum est enim, cum qui scripturas perscrutatur, non nisi argumentando legere. His adiungit, Christum etiā Dominum syllogismis non raro vsum esse vt primo huius sectionis capite notauimus. Ad hæc sibi ipsi quoque contrarius ille fuerit, paulo post ait idem Calecas; Nam quæ contra argumentationem dicit, ea non nisi argumentando loquitur. Cui rationi similem quandam adducit Augustinus lib. 1. contra Cresconium cap. 13. Et antè vtrumque Clemens Alexandrinus lib. 6. Stromat. vbi asserit, Philosophandum esse, vel si minimè philosophandum est. Non enim improbari ac damnari aliquid potest, nisi prius cognitum sit.*

Præterea, pergit Calecas; si processionem Spiritus Sancti à Patre filioque nefas est argumentatione conficere: ne eiusdem quidem processionem Spiritus solo ex Patre licebit colligere: quòd tamen Græci ipsi sedulò, & acutè ac subtiliter quantum possunt conantur facere. Quòd ipsum & contra hæreticos, osioresque cæteros Scholasticæ Theologiæ valet, illoque vtiur Augustinus loco statim citato. Vnde præfatus author rectè subiungit: *Non vniuersè argumentari esse malum: sed tantummodo ad id, quòd propositum est, nō congruis vti principijs, ac putare fidem naturalibus demonstrari principijs. Quòd si quis ad id, quòd in questione est, eorum aliqua, quæ de Deo identidem existunt, communia principia fidei, & ratas, ac definitas Patrum sententias accommodet, quibus constitutis, ac nul-*

*do eorum, quæ posita sunt, enersio, consentanea istis aliqua concludit: quemadmodum antiquis Patribus de consubstantiali, deque alijs multis fidei quæstionibus disputantibus usû uenit; nihilo secius faciendû erit, conclusionem illam esse scripturæ sententiam, quæ quidem ex illius pendes principijs, ac causis ijs congruit, ab quibus oritur: tum eadem conclusio Theologica dicitur, ac reuelatione cognita, quemadmodum geometrica conclusiones vocantur, quæ ex geometriæ principijs ducuntur. Quod nisi ita sit, permulta, quæ fide certa sũt, nec expressè in scripturis comprehensa, tollemus.*

Secundò Caluinus, Buccerus, & alij opponunt Theologiam Scholasticam, cuiusque doctores nihil aliud in ore habere, quàm Philosophiam & Physicas rationes. Sed hoc apertum esse mendacium satis constat ex eorum libris, ubi perpetuò à scripturis sacris incipiunt, eas colligunt, explicant, conciliant, mox transiunt ad definitiones, & traditiones Ecclesiæ, ad libros, & commentarios antiquorum Patrum, ad historiam Ecclesiasticam ubi opus fuerit, quod si aliquandò, non solum ex fidei principijs in argumentando procedant, sed Philosophiam etiam cum diuinarum rerum expositione immisceant, id per se reprehendendum non est. Etsi enim, ut libro huius operis quinto dicitur, si nimium immoderatè se se philosophia inferat, nec laudari possit, & omnino coerceri debeat, ut suis finibus continere se discat, attamen si intra mensuram id fiat, nemini dubium esse potest, quin etiam ad doctrinam fidei explicandam laudabiliter vsurpentur Philosophicæ disciplinæ, quia gratia supponit naturam, canique perficit non destruit, & sæpè ingruit necessitas agendi cum Paganis, cum Atheis, ut omnes ad Christum adducantur; atqui nihil tunc prodesset disputatio, nisi ex principijs naturalibus, quæ aduersarij admittant, & negare non possint: sæpissimè etiam Catholici petunt sibi explicari easdem quæstiones, vel dubitationes, ex Philosophia, & ratione naturali subortas, ita ut nisi aliquis

eorum voto satisficiat, grauissimas inde patiantur tentationes, & difficultates. Denique Hæretici ipsi quotidie in causa sunt, cur doctores Scholastici ad Philosophicas disciplinas se conferant, solent enim arguere ex illis aduersus doctrinam fidei, v. g. non posse idem corpus esse simul in diuersis locis, non posse plura corpora se inuicem penetrare, in eodem loco, non posse accidentia à subiecto separari, & separata conseruari, ut his machinis impugnent fidem infirmorum, simulque ipsam augustissimi Eucharistiæ sacramenti veritatem; itaque tunc cogunt nos Philosophiam attingere, ut eorum sophismata dissoluamus. Ita olim Arriani utebantur quoque argumentis Philosophicis, seu potius sophisticis aduersus sacrosæ Trinitatis mysterium, ut Catholicos seducerent, habebantque, ait Beatus Epiphanius, trecenta argumenta ex ratione naturali, vnde & Porphyriani dicti sunt. Quis ergò miretur Theologos Scholasticos aliquandò uti Philosophia, quando ipsi aduersarij compellunt? Vel quis reprehendat, quod in scholis accingant se ad tales disputationes, ut tela præuisa retudant facilius, atque in hostes postea retorqueant, maxime cum in hoc habeamus exempla antiquorum Patrum; ut fusius dicitur libro sequenti sectione septima.

Terriò Desiderius Erasmus ad cap. 1. epist. 1. ad Timoth. primùm Theologiam Scholasticam improbat, & reprehendit; quia satius sit benè, innocentèrque viuere, quàm acutè tot ac tanta in ea tractare: Deum piè, religioseque colere, quam de eius natura, personis ac proprietatibus anxie querere. Verùm, quàm hæc ratio, quæ conatur in Theologia eluare subtiliù hoc genus disputationum, absurda sit, & inutilis, satis patet. Ut enim præferendus sit doctrinæ studijs morum vitæque cultus; non tamen damnanda, vitioque vertenda ista sunt: sed suum quoque tempus, ac locum laudabiliter occupant. Alterum, quod in Theologia Scholastica crimi-

natur

natur Erasmus, est, multa in ea tractari, quæ non sunt cognitu necessaria, nec ad salutem requiruntur. v. g. de Angelis, de dæmonibus, de inferis, & igne damnatorum; An Deus possit actû infinitum producere. An potuerit hunc mundum etiam ab æterno meliorem facere, quam fecit, & alia similia. Responderetur quærimoniæ esse absurdissimam, si quidem distinctio esse debet inter populû, & pastores populi, inter idiotas, & eruditos Theologos; & quamvis sufficiat populo simplex cognitio mysteriorum, non tamen pastoribus, nec doctoribus, qui aliorum infirmitati subuenire, eorum dubia, & scrupulos amputare, infidelium argumenta & sophismata diluere tenentur; ad quæ omnia præstanda, non solum superuacanea non est: sed etiam utilis; imò interdum necessaria. nouarum plerumque quæstionum, & inauditarum tractatio. *Didicimus enim, vt rectè scribit Augustinus lib. 2. de dono perseverantiæ, singulas quasque hæreses intulisse Ecclesiæ proprias quæstiones, contra quas diligentius defenderetur scriptura divina, quàm si nulla talis necessitas cogeret.* Et lib. 16. de ciuitate Dei cap. 2. *Multa quippe, inquit, ad fidem Catholicam pertinencia, dum hereticorum callida inquietudine agitantur, vt aduersus eos defendi possunt, & considerantur diligentius, & intelliguntur clarius, & instantius predicantur: & ab aduersario mota quæstio, discendi existit occasio.* Item serm. 63. de diuersis, *Sacramenta enim, quæ illic latent, nemo discenteret, simpliciore contemnis fide; & ideo nemo inueniret, quia nemo discenteret, nisi pulsantibus calumniatoribus.* Quod idem post S. Augustinû docuit D. Gregorius Magnus: *Cum graviora, inquit, prodire hostium certamina, tunc sunt profectò subtiliora sensuum spicula requisita: tunc argumentorum obstacula, tunc perplexior indago verborum.*

Et certè, vt innumeras alias omittam hæreticorum cavillationes, quomodo contra Sabellianos, & Arrianos, & huiusmodi Trinitatis hostes Catholica pro-

pugnari doctrina potuit, sine limata & exquisita rerum notitia; velut quid natura sit, quid hypostasis, persona, essentia, relatio, ac reliqua similia? Quis Apollinarem, Nestorium, Eutychem, ac multiplicem sectæ istius hydram perdomare posset, nisi iisdem in disputationibus probè, luculenterque versatus? Postea cum Græci homines in Aristotelis palestra multum exercitati, de personarum processione litigare cæperunt, vt Spiritum Sanctum solo ex Patre ortum esse dicerent: nonne de principij vnitate, quod eorum præcipuum est firmamentum, quæri à nobis, ac disputari debuit, si illis repugnare vellemus? Et sic de cæteris quæstionibus, quas Erasmus ad ludibrium selegit; vndè etiã nullæ sunt tam ex illis, quàm ex alijs multis, quas omisit, quæ in Sanctis Patribus non reperiuntur pertractatæ, multo adhuc, quàm in scholis subtilius, ac diffusius.

Quartò Archiapostata Spalatenfis Marcus Antonius de Dominis in suo pessimo consilio suæ apostasiæ cap. 5. inter alios inanes prætextus sui ab Ecclesia Catholica, eiusque doctrina discessus, hunc quoque commentus est, videlicet *se deprehendisse inter Patres, & Scholasticos implacabile bellum.* Responderetur hoc esse falsum, Scholastici enim, & posteriores Ecclesiæ Catholicæ doctores in materia dogmatica, nullo modo à Patribus discordant, sed cum ipsis mirificè concordant, vt satis patet ex eorum libris, qui præ omnium manibus habentur.

Quintò Pappus Argentoratensis Theologiam Scholasticam, eiusque doctores reprehendit, quod in multis, etiam Christianæ fidei capitibus inter se digladiantur; ita vt non tam dissensiones sint, quàm manifestæ contradictiones Catholicæ fidei. Responderetur omnes Scholasticorum disceptationes, quas ipsi inter se dubio, contrarioque sensu controvertunt, esse vel de casibus ad ius positium pertinentibus, vel de minutioribus Theologicarum quæstionum spine-

tis,

tis, vel de his denique de quibus nulla  
extant decreta Catholicæ Ecclesiæ: non  
autem de solidis Christianæ doctrinæ  
membris, non de ipsis fidei nostræ arti-  
culis, non de alijs quæstionibus per Ec-  
clesiæ iudicium definitis. Quod autem  
ita pugnent inter se Scholastici scripto-  
res, nec non etiam plerumque in ratio-  
nibus, & medijs ad explicationem &  
probationem dogmatum pertinentibus:  
nihil unitati, aut veritati doctrinæ præ-  
iudicat, quin potius ad dignitatē Theo-  
logiæ conducit varios habere exitus ad  
soluendum, & introitus ad ingredien-  
dum viam veritatis; vt rectè ponderat  
Clemens Alexandrinus lib. 5. Stromatū,  
nostroque proposito adaptat illud scrip-  
turæ Psal. 117. *Aperite mihi portas in-  
stitiæ &c. Sed via quidem ad iustitiam,  
cum Deum seruet (multimodis enim est bo-  
nus) sunt multa, & variæ, & ferentes ad  
viam Dominicam, & portam. Quod si  
viam regiam, & ingressum quaris valida  
authoritate munitum, audias. Hac porta  
Domini iusti intrabunt in eam.*

Aliæ hæreticorum obiectiones pa-  
riter inanes sunt, ex prouerb. 25. *Scruta-  
tor maiestatis opprimitur à gloria. Eccle-  
siast. 3. Altiora te ne quaesieris.* 2. ad Co-  
rinth. 10. *In captiuitatem redigentes om-  
nem intellectum in obsequiū Christi.* Quia,  
inquiunt, Scholasticorum argumenta,  
minuunt meritum fidei, nec tanta est  
cum his argumentis obedientia, aut sim-  
plicitas, ac si nullæ rationes essent; vn-  
dè D. Basilus orat. de natali Domini.  
*O absurditatem! Magi adorant Christum,  
& Christiani inquirunt, quomodo Deus in  
carne, & quali carne assumptus fuerit.*

Respondetur hæc omnia aduersus  
eos valere, qui sic Dialecticæ, vel Philo-  
sophia nituntur, vt à fidei principijs ab-  
ducant disputationem: vel certè contrā  
fidem, doctrinarū illarum inuentis abu-  
tuntur: Quorum prius gentiles facie-  
bant Philosophi; qui aduersus Christia-  
nam religionē sola naturalis, immo car-  
nalis sapientiæ arma vertebant. Poste-  
rius hæreticis est familiare, qui cum  
scripturæ verbis suo more deprauatis,

aut perperam intellectis, humanæ ra-  
tionis, & ingenij commenta miscunt, vt  
traditam à maioribus fidem è simplici-  
orum animis extorquant. Ad quos il-  
lud Ambrosij lib. de symb. cap. 10. spe-  
ctat: *Fides non sit in hominum sapien-  
tia: & hæresis non erit.* Nam ita scrip-  
turæ qualescunque sententias obten-  
dunt, vt adiuncta humana ratione po-  
tiores huic, quam illi partes deferant.  
*Omne enim quod ratione perscrutari non  
possunt, credere consentiunt, & per inqui-  
sitionem nimiam in errorem labuntur;* ait  
Gregorius Magnus lib. 16. Moral. cap.  
27. Igitur vt in iustam tam sacræ scrip-  
turæ, quam Sanctorum Patrum repre-  
hensionem incidunt omnes illi; qui cu-  
rioso, ancipiti, & dubio animo rationes  
quærūt, & aliter credere nollent, & plus  
tribuunt rationi, quàm diuinæ reuelati-  
oni; ita per oppositum laudandi sunt  
illi, qui iam firmiter credunt, præcun-  
teque lumine fidei, semper intra rectos  
obedientiæ limites, siue ad plenā Theo-  
logici dogmatis scientiam, siue ad pro-  
fectum & vtilitatem quærentium, & du-  
bitantium, siue denique ad depellendas  
hæreticorum calumnias, Philosophicis  
vtuntur disciplinis, tum vniuersis, tum  
earum illa parte, quæ in differendi sub-  
tilitate versatur.

Vltimum caput criminationis in  
Theologiam Scholasticam, quodque  
maiorē offendit partem eruditorum,  
ac politorum hominum, est impura, vt  
inquiunt, sermonis, & lutilenta barbaries,  
quæ in illam adeo inuasit, eamque  
sui iuris, ac potestatis fecit, vt Theolo-  
gorum iam more loqui, idem esse vul-  
gò sentiant, quod putidè, ac rusticè &  
inconcinne dicere. Verum huic quere-  
læ commodius satisfiet lib. 5. vbi age-  
mus de sermonis, vel orationis genere,  
quo sit vtendum in diuina scientia. In-  
terim ad obstruendum os loquentium,  
iniqua sufficiat illud D. Augustini lib.  
contra Adim. cap. 11. *Mundanis scrip-  
toribus tota cura de verbis est; nostris de  
rebus.* & lib. 4. de doctrina Christiana.  
cap. 11. vbi ait: *Bonorum ingeniorum in-  
signem*

*signem esse indolem, in verbis verū amare, non verba. Quid enim prodest clavis aurea, si aperire quod volumus non po-*

*test? Aut quid obest lignea, si hoc potest, quando nihil quarimus nisi patere quod clausum est?*

## SECTIO SECUNDA.

De principijs Syllogisticis formalibus, quibus  
scilicet in arguendo regulatur bonitas  
consequentiae Theologicarum  
conclusionum.

### CAPVT PRIMVM.

*Aperitur status difficultatis.*



VM sacra Theologia sit habitus propriarum conclusionum deductivus, beneficio artis Syllogisticae, atque adeo scientia non tantum consequentium, inclinando intellectū Theologi ad hoc ut præbeat assensum novis veritatibus ex principijs fidei deductis, sed etiam consequentiarum saltem in actu exercito, hoc est, simul iudicando de bonitate & rectitudine consequentiae, cum iudicio de veritate consequentis, ad distinctionem Logicæ cuius est calere in actu signato artem consequentiarum, curando solum de forma argumentationis, absque eo quod exerceatur in hac, vel illa determinata materia; cum, inquam, sacra Theologia sit talis habitus, duo potissimum, quantum spectat ad artem syllogisticam, in discursibus Theologicis sunt consideranda, materia scilicet, & forma, ad materiam pertinet propositio, & terminus, ad formam figura, & modus; sique analyticè reducendo tales discursus in principia, vel partes, ex quibus constant, aut regulantur; duplicem pariter in illis, quantum facit ad artem syllogisticam, distinguere possumus analysim. Prima est conse-

quentiae, siue formæ syllogisticae, quando nimirum consequentia ad sua principia reuocatur, id est, examinatur, quænam sint principia bonæ consequentiae, quæ præmissæ rectè ad inferendam conclusionem dispositæ; & quibus debeat legitima figura regulari. Secunda est consequentis, siue materiae, quando scilicet reducitur consequens, vel conclusio ad sua principia, quæ sunt præmissæ aliquo modo illa continentes.

De prima Analysi agit Aristoteles duobus libris de priori, ubi quo ad formam syllogismi primò statuunt dialectici tres figuras utiles; cum enim figura syllogistica nihil sit aliud quàm dispositio, seu combinatio medij cum extremis secundum subiectionem & prædicationem, totuplex debet dari figura, quotuplex datur combinatio utilis medij cum extremis, triplex autem datur eiusmodi combinatio. Prima, quæ medium semel subijcitur, & semel prædicatur, ut, *Omne animal est vivens, omnis homo est animal, ergo omnis homo est vivens*. Secunda, quæ medium bis prædicatur; ut, *nullum brutum est rationale, omnis homo est rationalis, ergo nullus homo est brutum*. Tertia denique, quæ medium bis subijcitur, ut, *omnis homo est*

## Sectio II. Caput I.

107

*rationalis, omnis homo est animal, ergo aliquod animal est rationale.* Sic igitur communiter Dialectici has tantum figuras admittunt, & quartam quæ tribuitur Galeno, in qua medium prædicatur in maiori, & subiicitur in minori, ut *omnis homo est animal, omne animal est sensibile, ergo aliquod sensibile est homo*, vel tanquam inutilem reiiciunt, vel ad primam reducant, sicut rectè explicat nostrum Collegium Complutense lib. 3. instit. Logicar. cap. 3.

Præter allatas tres figuras assignantur insuper in vnaquaque figura plures modi syllogistici, qui nihil sunt aliud, quam trium propositionum syllogismi secundum quantitatem, & qualitatem dispositiones, & horum modorum alius est directus, in quo maius extremum concluditur de minori, alius indirectus in quo minus extremum concluditur de maiori. Quemadmodum autem inter tres terminos syllogismi, nempe inter medium, & extrema, quantum ad prædicationem & subiectionem, quatuor combinationes, seu figure possunt formari, sic etiam ex varia præmissarum combinatione, & dispositione secundum quantitatem, hoc est, vniuersalitem, aut particularitatem, & secundum qualitatem, hoc est, affirmationem, vel negationem (in quo diximus consistere medium syllogismi) quadraginta & octo modi formari possunt; quorum tamen decem & nouem dumtaxat sunt vtilis, & bonæ consequentiæ in tribus figuris, nouem in prima, quatuor directi, videlicet, *Barbara, Celarent, Darij, Ferio*, & quinque indirecti, videlicet, *Baralipon, Celantes, Dabitis, Fapesmo, Frisemorum*. Quatuor in secunda, videlicet, *Cesare, Camestres, Festino, Baroco*, & sex in tertia, *Darapti, Felapo, Disamis, Datisi, Bocardo, Ferison*. Reliqui omnes sunt inutiles, & malæ consequentiæ.

Ad quæ omnia diiudicanda, ut videbitur sequent. libro sect. 7. in qua breue dialecticæ, sicut & omnium aliarum disciplinarum compendium adducemus, hæc non desunt regulæ & leges tum ge-

nérales, & communes in quacunque figura, tum etiam speciales vnius cuiusque, quæ ex illis communibus deriuantur, fundanturque omnes in quatuor, aut quinque principijs per se notis. *Primum est, quacumque sunt eadem vni tertio, sunt eadem inter se*, & deseruit syllogismis affirmatiuè concludentibus. *Secundum* deseruiens syllogismis negatiuè concludentibus, est; *quacumque sunt eadem inter se distinguuntur vni tertio, seu ab vno tertio*; id est, quando aliqua duo perfectè, & completè vniuntur inter se, si vnum illorum distinguitur ab aliquo tertio, necesse est distingui, & aliud. *Tertium, & quartum sunt, dici de omni, & dici de nullo*, id est, quicquid vniuersaliter dicitur de subiecto, dicitur de omni, quod sub tali subiecto continetur, & quicquid vniuersaliter negatur de aliquo subiecto, negatur etiam de omni contento sub tali subiecto. Quæ duo principia videntur distingui solè à præcedentibus, penes hoc, quod duo prima sumuntur in ordine ad esse, hæc verò in ordine ad prædicari. *Quintum* principium ad hanc eandem analysim spectans, est, *quod conclusio sequitur debiliorem partem antecedentis*; etsi enim aliquando quo ad materiam sequatur conclusio debiliorem partem, tamen hoc maximè verum est, quo ad formam, siue figuram, & modum arguendi, qui variatur pro diuersa quantitate, & qualitate propositionum. *Sextò* tandem solet etiam in hac parte explicari, cui vsui sit ista maxima, à distributino ad collectiuium non valet consequentia.

De secunda autem analysi, nimirum consequentis, siue materiæ tractat Aristoteles in libris posteriorum, vbi explicat dialectici, quibus præmissis debeat constare demonstratio, nempe certis, necessarijs, &c. ut scientia ex illa generari dicatur.

His breuiter ex Logica adnotatis pro instituti nostri ratione; duplex occurrit difficultas exanimanda. *Prima*, an Sacra Theologia eadem habeat principia formalia, quæ habent aliæ scientiæ, siue

quod idem est, an iisdem regulis & principiis, quibus in alijs scientijs innitur & probatur bonitas consequentiæ, aut conclusionum ex parte formæ, innitur etiam, & probari possit bonitas consequentiæ conclusionum Theologicarum, quatenus sunt deductæ, & ex præmissis per naturalem discursum syllogisticè illatæ. *Secunda* difficultas est, in quæ principia ex parte materiæ debeat resolui assensus Theologicus. Primam examinabimus in præsentî sectione, breuiter discurrendo per omnia supradicta sex principia, secundam verò in sequentibus.

## CAPVT II.

*Verum istud principium, quæcumque sunt eadem vni tertio, &c. valeat ad consequentias Theologicas.*

**R**atio dubitandi desumitur ex augustissimo Sanctissimæ Trinitatis Mystério; vbi in istis argumentis. *Pater est essentia diuina, filius est essentia diuina, ergo Pater est Filius*, vel, *hæc essentia* (signata diuina essentia) *est Pater, hæc essentia est Filius; ergo Filius est Pater*, in istis, inquam, alijsque similibus syllogismis consequentiæ sunt malæ, & illegitimæ, & tamen inniti videntur illi principio, *quæcumque sunt eadem vni tertio, &c.* igitur Logica non est formalis & non tenet in omni materia abstrahendo à creatâ, & increatâ, finitâ & infinitâ; siue quod idem est bonitas consequentiæ, & conclusionum in Theologicis non regulatur, aut dirigitur per illud principium, *quæcumque &c.*

Aliqui his argumentis ducti existimarunt, syllogisticam formam in diuinis, non valere. Sed horum ignorantia tam Logicæ, quàm Theologiæ facillè conuincitur. *Primò*, quia viam obstruunt omnibus ratiocinationibus Theologicis quibus aliquid probatur, siue circa attributa diuina ex principiis lumine naturali notis, siue ex principiis fidei supernaturalibus circa diuinas personas earumque substantiam. Ideoque Catho-

licis volentibus aliquid probare, hæretici pro libito respondere possent, discursum, & omnem illationem non valere, quantumcumque seruauerit omnes regulas syllogismorum. *Secundò*, quia forma syllogistica abstrahit à materiâ, & consequenter abstrahit à Deo, & creaturis. Quamobrem ex vi formæ, aut in nulla materiâ valebit ars syllogistica, aut si valet ex vi formæ in aliqua materiâ, necessarium est, in omni materiâ valere: quoniam forma semper & in omni materiâ est eadem, diuersamque dumtaxat applicationem exigit, secundum rationem materiæ cui applicatur. *Tertiò*, denique, quoniam Deus ipse est principium & author cuiusque scientiæ naturalis, etiam syllogisticæ, sicut est author cuiuslibet veritatis; ergò Deo rebusque diuinis nulla repugnare potest scientia, aut veritas naturalis.

Dicendum est igitur cum opinione, iam communiter recepta, formam syllogisticam, integrè, formaliterque seruata, etiam in diuinis, retinere vim inferendi: sed propter materiæ discrimen, hoc est, propter infinitam emulgentiam diuinæ substantiæ, & propter quidditatem relationum in ea existentium, aliquid singulare, atque mirabile conuenire syllogismis in mysterio Trinitatis cuius nullum exemplum in cæteris syllogismis perfectum, aut adæquatum esse potest. Pro cuius intelligentia notandum est quatuor in classes distribui syllogismos in materiâ de Trinitate fieri solitos. In prima classe, sunt syllogismi concludentes, alicui personæ conuenire, quod est proprium alterius personæ, vel concludentes alicui personæ non conuenire, quod est proprium illius. Quales sunt syllogismi sequentes. *Pater est essentia diuina, filius est essentia diuina, ergo Pater est Filius*. Vel si dicas, *omnis essentia diuina, aut, omnis Deus est Pater, Filius est essentia diuina, ergo Filius est Pater*. Syllogismi negatiui, vel negatiuè concludentes sunt. *Omnis essentia diuina est Pater; Filius non est Pater, ergo filius non est Deus*.



In secunda classe continentur syllogismi concludentes essentię conuenire, quod est proprium personę, vel personę conuenire, quod est proprium essentię, nec non etiam syllogismi, concludentes, vni attributo conuenire, quod est proprium alterius. Exempla horum omnium sunt quę sequuntur. *Omnis pater distinguitur realiter à filio; omnis essentia diuina est Pater; ergo omnis essentia diuina distinguitur realiter à filio; vel, omnis pater relatiuè opponitur filio, omnis Deitas est pater; Ergo omnis Deitas relatiuè opponitur filio.* Pręterea, *Pater generat; Pater est essentia diuina; ergo essentia diuina generat; vel, diuinus intellectus est voluntas, diuinus intellectus est principium, quo pater generat; ergo voluntas est principium, quo pater generat.* Et sic de alijs innumeris syllogismis, qui in vnaquaque figura prædictum in modū efformari possunt.

Tertia classis syllogismos continet ad instar eorum, qui vocantur expositorii, videlicet, quorum medium est singulare, v.g. *Hęc essentia diuina est pater; filius est hęc essentia diuina; ergo filius est pater.* Quarta denique classis est eorum syllogismorum, in quibus suppositio simplex variatur in suppositionem personalem v.g. *Essentia diuina est communicabilis, pater est essentia diuina; ergo pater est communicabilis.* Similiter hic, *Essentia diuina est Trinitas, pater est essentia diuina; ergo pater est Trinitas.*

Quibus in omnibus syllogismis, cum violetur lex syllogistica, procedantque ex praua intelligentia illius axiomatis, quacumque sunt realiter eadem vni tertio, sunt realiter eadem inter se, non est mirum, quod omnes etiam illorum consequentię sint inales, & illegitimę, vt enim prædictum principium sit vniuersaliter verum, & in quacumque materia creata & increata, finita, & infinita, consequentię per illud regulatę sint bonę, debet intelligi, de his, quę sunt eadem vni tertio re & ratione, non autem de his, quę differunt ratione, ita D. Thomas 1. parte qu. 28. art. 3. ad 1. & in 1. sentent. dist. 33. qu. 1. art. 1. ad 1. vel vt explicant

alii, de his, quę sunt eadem vni tertio adæquatè, & simpliciter; non verò si sint eadem vni tertio inadæquatè, vel secundum alios, de his, quę sunt absoluta, non autem de relatiuis; quęcumque enim absoluta sunt realiter eadem, vni tertio singulari, quantumcumque infinito, sunt realiter eadem inter se. Ceterum relatiua, quamuis sint realiter eadem vni tertio singulari, & infinito, non sunt eadem realiter inter se, nisi referantur ad eundem terminum; vel tandem de his, quę sunt idem realiter vni tertio finito, & limitato, talia enim sunt etiam realiter idem inter se. Non autem de his, quę sunt idem realiter vni tertio simpliciter infinito in genere entis, siue, quod idem est, vni tertio, in quo est eminentia infinita completens genus absolutum cum summa vnitatē, & relatiuum cum oppositione correlatiua. Quę omnes solutiones, nequaquam inuicem pugnant, sed potius coalescunt in vnam, & integram, plenamque explicationem prædicti axiomatis; constatque ex illis quomodo in augustissimo Sanctissimę Trinitatis mysterio non destruat, sed maneat illud, intelligendo illud in sua veritate, & legitimo sensu. Dum enim arguitur, quacumque sunt eadem vni tertio realiter, sunt etiam realiter eadem inter se, sed pater, & filius sunt realiter eadem vni tertio nimirum substantia diuina, ergo, &c. distinguenda est maior propositio, vniuersaliter accepta, & vt præcindit à Deo, & creaturis, quę sunt eodem vni tertio re, & ratione, siue, quod idem est adæquatè sunt etiam semper, & vbique eadem inter se, concedo; quę sunt eadem vni tertio re, sed non ratione, siue quod idem est inadæquatè tantum, sunt realiter eadem inter se, iterum distinguo, in creatis vbi est limitata virtus concedo, in diuinis vbi est eminentia infinita completens genus absolutum cum summa vnitatē, & relatiuum cum oppositione correlatiua, subdistinguenda est propositio, & concedenda de extremis absolutis, quęque ita realiter identificantur cum aliquo tertio, vt non ha-

habeant oppositionem relatiuam ad inuicem, vt satis patet in omnibus attributis diuinis: neganda verò de extremis relatiuis, quæque simul cum reali identificatione cum tertio, seruant relatiuam inter se oppositionem.

Vndè cum in augustissimo Sanctissimæ Trinitatis mysterio proprietates personales inadæquatè solum se habeant respectu diuinæ essentia, quia quælibet illarum ita afficit essentiam, quod alteri locum relinquit, & sic omnes tres personæ adæquant illam, non vna tantum, siue, quod in idem coincidit, cum proprietates personales ita sint idem re vni tertio; scilicet essentiæ, vel naturæ diuinæ, vt ratione tamen ab illa differant, seruenteque inter se oppositionem relatiuam, non potest absolute, & simpliciter inferri ex vi identificationis realis, quam habent cum essentia diuina, tanquam cum vno tertio, quod debeant realiter inter se identificari, vel esse eadem inter se eodem genere identitatis, ac sunt cum diuina essentia, sed eo dumtaxat modo, quo sunt eadem illi; & sic quia tres personæ sunt idem essentiæ diuinæ in ratione absoluti, sic etiam inter se sunt vnum in eadem ratione absolutâ, & substantiali, non tamen sunt inter se vnum relatiuè, quia nec in illo tertio, sunt vnum relatiuè, sed tantum absolute. Et quamuis argumento aliquo naturali probare non possimus allatam hucusque prædicti principij, vel axiomatis explicationem; ad id etiam non tenetur Theologus, sicut neque in similibus rebus, fideique mysterijs; sed sufficit, quod supposita fide augustissimi Sanctissimæ Trinitatis mysterij, in quo ex reali identitate extremorum cum tertio, cum distinctione tamen virtuali ab illo, non colligatur similis identitas inter extrema, ratione oppositionis relatiuæ, quam habent inter se, hoc inquam supposito tanquam per fidem, noto, & certo, sufficit postea quod discurfu naturali ostendere possumus, prædictum axioma debere intelligi iuxta explicationem datam, *quod quæ sunt eadem vni tertio, sunt eadem inter se*, videlicet

eo modo, quo sunt eadem vni tertio, alio autem modo, non est necesse, quod sint eadem inter se, sed eo dumtaxat, quo in illo tertio vnum sunt, pertinetque ad aduersarios probare eam doctrinam, & explicationem esse falsam vt applicatam ad diuinam, siue quod idem est, quoties adest distinctio rationis extremorum à medio, atque adeò inadæquata quædam solum, identificatio cum illo, & relatiua insuper eorundem extremorum inter se oppositio; Quod certè nunquam præstabant aduersarij; quantum est enim ex vi talis identitatis, non potest adduci aliqua ratio repugnantia, propter quam aliqua extrema ratione à medio distincta, & inter se relatiuè opposita non possint realiter inter se distingui, sicut distinguuntur personæ, & relationes in diuinis. Quoniam omnia argumenta quæ possent oppositum suadere, aut desumerentur ex rebus creatis, aut ex diuinis, vbi omnia attributa, licet ratione ab essentia distincta, atque adeò veluti inadæquatè tantum cum illa identificata, nihilominus realiter inter se identificantur. Vtrobique autem est sua disparitas, manifesta; præterquam quod enim perfectiones attributales sunt aliquid absolutum, nullam insuper habent inter se oppositionem, vt inter proprietates personales repetitur; quæ etiam disparitas currit in rebus creatis, vbi proculdubio nulla sunt extrema in ordine entitatio reperibilia, taliter vni tertio absoluto realiter identificabilia, vt relatiuam inter se habeant oppositionem. Dixi in ordine entitatio, vtrum enim in ordine intelligibili eadè numero natura, sub diuersis tamen modis essendi realiter distinctis, possit esse in obiecto, specie impressa, & expressa, disputant Theologi, viderique potest Collegium nostrum Salmanticense 2. tomo 1. parte tract. 2. disput. 2. num. 132. & tract. 3. disp. 2. num. 51. vbi doctissime & ad mentem Sancti Thomæ affirmatiuam partem propugnat.

Sed instabit aliquis, & dicet videri sequi ex illa prima explicatione Diui Thomæ, in qua cæteræ fundantur, quod  
syl-

## Sectio II. Caput II. I I I

sylogismi tantum fieri possent in terminis synonymis, & in his quæ sunt vnum, taliter quod nec re, nec ratione differunt, perinde atque si diceretur, *quacumque sunt eadem vni tertio, sunt eadem in eo tertio*; quod tamen est contra communem usum syllogizandi: sunt enim syllogismi etiam in terminis, qui ratione distinguuntur, si arguatur, *Omnis homo est animal, omne animal est sensibile, ergo omnis homo est sensibilis*, ubi *ly homo*, & *ly animal* ratione differunt; ergo non est necessesse, ut aliqua sint idem inter se, quod sint idem in vno tertio, re, & ratione: tunc etiam quia attributa diuina differunt ratione, ab essentia, & inter se, & tamen sunt idem realiter inter se: non ergo requiritur ad realem duorum extremorum inter se identificationem, quod re, & ratione sint idem in vno tertio. Et ipse D. Thomas lib. 2. contra Gentes capit. 9. colligit quod potentia & actio in Deo sunt idem, quia, *quia sunt eadem vni tertio, sunt idem inter se*, & tamen ratione differunt ab essentia, & non sunt idem, cum illa re & ratione.

Respondetur ad hoc argumentum, concedendo omnes instantias in illo adductas, non sunt enim contra doctrinam Diui Thomæ, legitimamque ab illo adductam explicationem huius principij, *quacumque etc.* considerati in tota vniuersalitate entis, abstrahendo à creato, & increato, finito & infinito; quia quando dicit Sanctus Doctor, quod quæcumque vni & eidem sunt eadem, sibi inuicem sunt eadem in his, quæ sunt idem, re, & ratione, illæ particulæ *re & ratione*, non debent intelligi, quasi extrema nec re, nec ratione distinguantur à tertio, siue quod idem est, non debent construi cum *ly sunt*, sed cum illo tertio in quo sunt idem: ita quod quando illud tertium est vnum & idem secundum rem, & secundum rationem, id est, secundum formalitatem, non autem est virtualiter multiplex, tunc ex identitate cum tali tertio, sequitur identitas eorum inter se: Si autem identificentur cum aliquo habente diuersas formalitates, & rationes, seu

seu respectus, & vnum identificetur sub vno respectu, & formalitate, aliud sub alia, non sequitur ex tali identificatione cum illo tertio, identitas eorum inter se, quin potius ex hoc contingunt plures paralogismi, & defectus tam distributionis, quam variationis appellationis in arguendo, quia ex identitate sub aliquo respectu, & non simpliciter, & absolute, infertur identitas inter se simpliciter, cum enim tunc medium non sit perfectè, & simpliciter vnum, aut singulare, sed multiplex saltem virtualiter, aut formaliter, ac proinde æquiualens vniuersali, ex vnione talis medij cum extremis vel extremorum cum illo, nisi sit sub eadem ratione formalis, non potest semper inferri vnio extremorum inter se; sicut non valet *similitudo est idem cum qualitate: qualitas est intensa: ergo similitudo est intensa*; *Actio, & passio sunt idem cum motu: actio crucifigentium Christum fuit pessima: ergo passio Christi fuit pessima*. Vel *rationale est animal, animal est innumabile, ergo rationale est innumabile*. Per quod patet ad omnes syllogismos superius adductos.

Syllogismi enim primæ classis, in quibus ex vi prædicti axiomatis, & alterius ei oppositi, infertur alicui personæ conuenire, quod est proprium alterius personæ, vel non conuenire, quod est illius proprium, vitiantur omnes defectu plenæ distributionis. Debet enim distributio esse plena, atque perfecta, quoties modus arguendi requirit distributionem medij, & extremitatum. Vnde sicut homo, quia per rationem est communis Petro, & Paulo; debet ita distribui, ut supponatur pro Petro, & Paulo ad bonam consequentiam inferendam: ita quia Deitas, siue Deus, non per rationem, sed per realem identitatem est vna res, communis tribus personis, ut ex illa tanquam ex medio bona deducatur consequentia, debent in syllogismis ita distribui illi termini, ut supponant pro Patre, & Filio, & pro Spiritu Sancto; quod non contingit, dum dicitur, *essentia diuina est Pater, etc.* in modo nec

nec si addatur *omnis essentia diuina*, vel *omnis Deus*, &c. etsi enim, quia in creaturis homo, exempli gratia, nullo modo est realiter vnus, singularis, & indiuiduus, sed complectitur entitates omnium hominum realiter distinctas, completè & perfectè distribuatur, dicendo *omnis homo*; contra tamen, Deus, siue Deitas, quia realiter est vnica res indiuidua, & singularis, idè non distribuitur completè, quamuis dicatur, *omnis Deus*, vel, *omnis Deitas*: Quoniam adhuc non accipitur, pro singulis tribus personis, realiter distinctis, cum quibus realiter identificatur: sed tantum accipitur pro indiuiduo, communi tribus personis. Vnde dum arguitur, *Omnis essentia est Pater, filius est essentia*, non potest inferri simpliciter, & absolute, *ergo filius, est Pater*, aut, idem cum Patre; sed tantum, secundum entitatem absolutam, in qua non differunt. Foret autem completè distributio Deitatis, ac proinde foret legitimus syllogismus: Si distributio fieret ad hunc sensum. *Omnis res, quæ est Deitas, est Pater, filius est res, quæ est Deitas*; *Ergo filius est Pater*; Sed tunc maior esset falsa.

Oportet ergò, quod ea quæ sunt eadem vni tertio, identifcentur cum eo simpliciter, & sub eadem ratione, non sub diuersis, ex hoc quod sit aut formaliter, aut virtualiter multiplex vt sic fiat plena perfectaque distributio medijs inferaturque ex illo identitas extremorū inter se, non autem, est necesse, quod ita identifcentur, vt nec per intellectum differant, sintque omnino synonyma: hoc enim nec somniauit D. Thomas, nec requiri ad verificationem illius principij constat ex instantijs allatis. Exemplum autem quod adducit D. Thomas de his, quæ sunt eadem vni tertio, re, & ratione, sicut tunica, & indumentum, non est allatum ad hoc, vt solum ea quæ sunt idem ratione, sicut duo synonyma, quæ ratione ratiocinante dumtaxat inter se, distinguuntur, sint idem inter se, sed ad hoc, vt ea, quæ sunt eadem, re, & ratione, vni tertio, idest, in vno tertio,

quod est vnum secundum rem, & secundum rationem, idest, secundum eandem formalitatem, & non secundum virtuales multiplicitates, quam multiplicitates non habent tunica, & indumentum, dicantur esse eadem inter se.

Similiter in argumentis secundæ classis concludentibus essentia conuenire, quod est proprium alterius, consequentijs omnes sunt illegitimæ, tum ob defectum plenæ distributionis requisitæ in omnibus syllogismis, pro vt explicatum est, tum etiam variatæ appellationis, pro cuius intelligentia ex dialectica recolendum est, adiectiua nomina, & verba vni habere appellandi supra formale significatum. Vnde quando dicimus: *Pater generat*, reduplicamus supra formalissimam, & vicinam rationem Patris. Similiterque dicentes: *Essentia generat*, reduplicamus supra formalem rationem essentiæ. Contra verò cum dicimus: *Essentia est Pater*, vel *Pater est essentia diuina* non reduplicamus formalissimam, rationem essentiæ. Variatur ergo appellatio. Qui defectus vitaretur, seruareturque lex syllogistica; si tantum inferretur: *Ergo essentia diuina, pro vt est Pater, generat*, vel; *Ergo aliqua res, quæ est essentia diuina generat*. Vt autem prædicta variatio appellationis contingere, potest in diuinis frequentius, quam in rebus creatis, ita etiam in illis absurda, maiora concludit, propter realem identitatem vnius rei absolute cum tribus rebus reatiuis realiter inter se distinctis.

Circa syllogismos in tertia classe, contentos ad instar eorum, quos appellant expositorios, videlicet quorū medium est singulare; primo respondent aliqui consequentias esse illegitimas, quia non sunt syllogismi verè expositorios; & ratio est quia medius terminus, nimirum *hæc essentia*, non est perfectè singularis, sed potius communis communitate rei æquivalente naturæ vniuersali, cum reperitur in pluribus suppositis realiter distinctis: ad syllogismum autem perfectè expositorium, medium

de-

debet esse perfectè singulare, & incapax distributionis. Vnde si quis de eodem homine singulari diceret, *hic homo est Petrus, hic idem homo est Paulus, ergo Petrus est Paulus*. valeret consequentia, licet minor sit falsa. At verò in Deo non valet, si quis dicat, *Hic Deus est Pater, hic idem Deus est filius: ergo Pater est filius*: & ratio est, quia illa particula *hic homo* significat simpliciter hominem singularem non æquivalentem naturæ vniuersali, & sic fit verus syllogismus expositorius, & consequentia est bona, & legitima, si semel præmissæ sint veræ: at vero particula illa *hic Deus*, licet significet naturam singularem, est tamen ita singularis, vt ob infinitam fecunditatē, qua petit subsistere in tribus personis, æquiualeat etiam vniuersali, & communi teste D. Thoma in 1. sentent. dist. 4. quæst. 1. art. 2. & 1. p. quæst. 39. artic. 4. ad 2. Et ita syllogismus est falsus, in syllogismo enim expositorio completa & omnimoda medijs singularitas, vim ad inferendum habet eandem, quam distributio completa in termino cōmuni: vnde sicut in syllogismis communibus defectu plenæ distributionis vitiantur omnes consequentiæ, ita etiam in syllogismo expositorio defectu completæ, & omnimodæ singularitatis. Quæ lex communis est Deo & creaturis, rationeque tantum materiæ recipit materiale discrimen: quoniam in quibuscumque creaturis, quæcumque singularitas est completa, & omnimoda singularitas: quia nihil realiter vnum identificatur cum tribus realiter distinctis. At in Deo non quæcumque singularitas est completa singularitas, si quidem essentia realiter vna, realiter identificatur cum tribus suppositis, nisi medium singularizetur vsque ad incommunicabilem entitatem personæ veluti dicendo: *Hac entitas incommunicabilis est pater, hac entitas incommunicabilis est filius, ergo filius est pater*? vel sic, *omnis res qua est hac essentia est pater: filius est hac essentia, ergo filius est pater*: sed tunc in vtroque syllogismo, licet consequentia sit legitima, præmissæ sunt falsæ; in primo qui-

dem syllogismo; si in maiori, & minori designetur eadem entitas incommunicabilis Patris; vel si designetur eadem entitas incommunicabilis filij; Quod si maiori designatur entitas incommunicabilis Patris, & minori entitas incommunicabilis filij: latet æquiuecatio in medio, & perinde fallax est syllogismus, ac si quatuor terminis constaret. In secundo verò syllogismo maior est absolute falsa.

Secundò respondent alij libenter admittendo syllogismos suprapositos, vel similes esse verè expositorios, quia ly *hæc essentia*, in rigore est terminus singularis; sed in illis duplicem committi defectum, & propterea ex illis non posse deduci verum consequens. Primus defectus est, quod sit argumentum ab identica ad formale, nam ex identica relationum cum essentia diuina, infertur identitas relationum inter se; potestque explicari eiusmodi defectus, quia idem est dicere, *hæc essentia diuina est pater*, ac si diceretur, *essentia diuina est idem cum Patre*; & rursus idem est dicere, *hæc essentia diuina est filius*, ac dicere, *essentia diuina est idem cum filio*; ex quibus sane præmissis non est inferendum, *ergo filius est pater*, sed tantum, *ergo idem cum filio, est idem cum Patre*. Alias argumentum constabit quatuor terminis, cum in consequentia filius habeat rationem subiecti, & predicatum in minori sit totum hoc idem cum filio: sicut si quis, ex eo quod concedatur in diuinis intellectum esse voluntatem, aut vice versa, sic argueret, *Voluntas est intellectus, voluntas vult, ergo intellectus vult*; neganda esset consequentia: sunt enim quatuor termini in hoc syllogismo, & alijs similibus; cum medium in maiori & minori diuersimodè accipiat, nam voluntas in maiori sumitur absolute secundum eam omnia quæ tam implicite, quàm explicitè, siue quod idem est tam identice, quam formaliter & secundum suum proprium conceptum, reduplicatiuè dicit; non autem secundum quod dumtaxat reduplicat propriū & differentiale conceptum, vt sumitur in minori, & postea in consequentia in-

fertur, quod ea, quæ conueniunt voluntati sic sumptæ, quatenus nimirum intellectui virtualiter opponitur, eidem intellectui competunt, & sic in hoc syllogismo committitur fallacia mutationis accidentis; ita similiter ad propositum nostri argumenti, ubi terminus *filius* in minori supponitur pro eo toto quod est idem cum filio, in consequentia verò pro eo solo quod dicitur explicitè filius, pro ut virtualiter ab essentia distinguitur, & realiter à Patre, tanquam à suo termino correlative opposito. *Secundus defectus est*, quod medius terminus, *hæc essentia*, non singularizatur complete, ut statim diximus, in præmissis singularizaretur complete, si diceretur, *omnis res*, vel, *quicquid est hæc essentia, est pater*, & *quicquid est hæc essentia est filius, ergo filius est pater*; vel sic, hæc essentia diuina, ut est in tribus personis, est pater; hæc essentia diuina, ut est in tribus personis, est filius, ergo filius est pater; sed in utroque argumento ambæ præmissæ sunt falsæ, atque adeo consequens, quamuis consequentia bene deducatur.

Tandem in syllogismo quartæ classis, suppositio simplex variatur in suppositionem personalem. Vnde quemadmodum in creatis vitiosus est hic syllogismus, *homo est species; Petrus est homo, ergo Petrus est species*; Quia in maiori supponitur simpliciter, ut præcisus à singularibus, sed in minori supponitur personaliter pro singularibus hominibus; eadem ratione vitiosus est hic syllogismus: *Essentia diuina est communicabilis, pater est essentia diuina, ergo pater est communicabilis*; Similiter hic, *Essentia diuina est Trinitas; Pater est essentia diuina; ergo pater est Trinitas*: Nam quando dicitur *essentia diuina est Trinitas*, essentia diuina sumitur pro natura communicabili & abstracta, pro ut prædicari potest de singulis personis diuini, & de omnibus collectiue: idemque erit si dicatur *Deus est Trinitas*. Ex quibus omnibus satis patet formam syllogisticam, integrè formaliterque serua-

tam non violari, sed potius perfici mysterio Trinitatis: quatenus propter materiam discrimen, hoc est, propter infinitam eminentiam diuinæ substantiæ, & propter quidditatem relationum diuinarum, aliquid singulare, atque mirabile conuenit syllogismo istius mysterij, cuius nullum exemplum esse potest in cæteris syllogismis. Insuper cum illud aliud axioma, *dicti de omni*, originetur ab hoc, *quacumque sunt eadem uni tertio &c.* eadem ratione, & conditione qua in materijs Theologicis valet istud modo explicato, valet etiam & illud, ita ut prædicari possit de diuinis personis sub diuina essentia contentis, omne quod prædicatur, & dicitur vniuersaliter de eadem essentia, per modum alicuius prædicati essentialis.

## CAPVT III.

*An conclusiones Theologicæ nunquam non sequantur debiliorem antecedentis partem, siue quod idem est, partis deterioris conditiones.*

**R**esponderetur affirmatiue, loquendo de conclusionibus Theologicis ut purè deductis, non autem de illis ut explicatis, quid sit autem conclusio Theologica ut deducta, & ut explicata, iam superiori libro sect. 3. dictum est, ubi etiam explicuimus, quænam conditiones requirantur in syllogismo Theologico, ad hoc ut conclusio per illum explicata ad fidem pertinere dicatur. Ratio autem fundamentalis, cur conclusiones Theologicæ ut deductæ sequantur etiam debiliorem antecedentis partem, est, quia ita se habet conclusio Theologica ut deducta ad præmissas, sicut effectus ad causam in quâ continetur virtualiter; sed effectus imitatur deteriorem partem causæ; ergo etiam conclusio Theologica ut deducta, imitari debet deteriorem præmissarum partem; Quod tamen intelligi non debet eo sensu, quasi conclusio Theologica ut dedu-

ita non sit firmitior, aut perfectior, quam altera præmissarum, quæ debilis & imperfecta est, vt superiori libro diximus, sed quia, si aliquid debile, vel imperfectum in conclusione reperitur, referendum est ad illam præmissam, quæ debilis est, & imperfecta. Quamuis enim conclusio Theologica illata ex vna præmissa de fide, & altera lumine naturali nota, non possit vt talis habere maiorem certitudinem, aut perfectionem, quam vtraque præmissa simul sumpta, cum impossibile sit aliquem effectum esse sua causa totali, & adequata perfectiorem, bene tamen potest habere maiorem, quam altera seorsim accepta, quæ se habet solum tanquam causa partialis, & inadequata, vt satis per se patet.

Quia autem plures imperfectiones reperiri possunt in præmissis, aliæ enim se tenent ex parte formæ, vt quod aliqua propositio sit particularis, vel negativa, quia propositio particularis vel singularis est deterioris notæ, quam vniuersalis, & negatiua, quam affirmatiua: Aliæ se tenent ex parte materiæ, vt quod sint falsæ, impossibiles, contingentes, probabiles, inevidentes, sophisticæ; ideo potest esse difficultas, nùm prædictum axioma debeat intelligi de omnibus imperfectionibus tam ex parte formæ, quam ex parte materiæ se tenentibus, ita vt omnes apparere debeant in conclusione. Et quidē conueniunt omnes tale axioma verificari de imperfectionibus ex parte formæ syllogisticæ, & propositionum pro vt diuersos illius modos constituunt, se tenentibus, adeo vt si in aliquo syllogismo propositio aliqua sit particularis, vel singularis, vel negatiua, conclusio etiam debeat esse particularis, vel singularis, vel negatiua. Vnde tota cōtrouersia reducitur ad imperfectiones ex parte materiæ se tenentes, iuxta variam mixtionem, aut dispositionem vnius partis, seu præmissæ cum alia, aliquando enim miscetur certa & euidens cum probabili, vel minus euidenti; aliquando vna de necessario, cum

alia de contingenti, seu de inesse vt nunc; aliquando vera cum falsâ, aliquando verò vna necessaria cū alia de impossibili.

Circa primam combinationem, seu mixtionem ex vna præmissa euidenti, & altera probabili, seu minus euidenti, cōmunis est doctorum opinio, quod conclusio vt deducta sequatur debiliorem partem. Circa secundam combinationem, quæ fit ex mixtione vnius præmissæ de necessario cum alia de inesse vt nunc, v. g. cum dicitur in prima figura, *Omne currens de necessario mouetur, omnis homo est currens, ergo omnis homo de necessario mouetur*: existimant aliqui conclusionem semper sequi debiliorem partem, scilicet propositionem de inesse vt nunc, seu in contrarium vt vocant summulistæ, quia est de prædicato contingenti, quod aliquando inest, aliquando verò non. Alij tenent oppositum ducti auctoritate Philosophi 1. priorum cap. 8. 9. & 10. probantis aliquando conclusionem sequi de necessario, ex mixtione de necessario, & de inesse vt nunc, atque adeo sequi fortio rem partem. Verum hæ duæ sententiæ faciliè possunt ad concordiam reuocari, dicendo conclusionem in eiusmodi mixtionibus, ita simpliciter sequi de inesse, iuxta primam sententiam, atque adeo simpliciter loquendo, sequi debiliorem partem, vt tamen aliquando positus certis regulis sequatur de necessario secundum quid, seu ex suppositione antecedenti, & nihil aliud Philosophus loco citato intendit; sed cum hoc semper verificatur, quod conclusio sequatur debiliorem partem, ita enim est secundum quid necessaria, seu de necessario secundum quid, vt tamen sit de inesse simpliciter, quod sufficit ad verificandum axioma. Ratio autem, cur ex mixtione vnius præmissæ de necessario, cum alia de inesse vt nunc, sequitur semper conclusio de inesse simpliciter, est, quia maius extremum, quod est prædicatum conclusionis, coniungitur tantum cum minori extremo, quod est subiectum conclusionis, ratione medij termini, seu ex vi vniionis factæ cum

medio in præmissis; cum igitur medius terminus coniungatur cum minori extremo de inesse vt nunc, maius etiam extremum coniungi debet cū eodem minori extremo de inesse vt nunc. Quemadmodum enim contingenter medius terminus tanquàm forma potest inesse, & non inesse, seu coniungi & non coniungi in minori extremo, ita & maius extremum, quod est prædicatum conclusionis, sequens ad positionem formæ, quæ est medius terminus. Potest tamen sequi conclusio ex alia parte de necessario secundum quid, seu ex suppositione, quia maius extremum, quod in conclusione predicatur, coniungitur cum minori extremo materialiter sumpto, quatenus illi minori extremo sic materialiter considerato supponitur ex præmissis inesse forma, quæ est medius terminus, vnde oriri potest necessitas secundum quid, quia maius extremum coniungitur de necessario cum medio termino.

Circa tertiam combinationem, seu mixtionem vnius præmissæ veræ cum alia falsa, communis est sententia, quod nunquam potest sequi conclusio vera ex antecedenti falso concurrente tanquam causa veritatis ipsius conclusionis. Impossibile est enim, quod vnum oppositum sic sequatur ex alio, ens ex non ente, positivum ex negatiuo, & tandem conforme ex difformi. Quando igitur in aliquo syllogismo ex duabus præmissis in toto, vel in parte falsis, inferitur aliqua conclusio vera, debet id solum illis tribui, vt sunt causa illationis talis conclusionis propter dispositionem terminorum; & sic patet quomodo conclusio semper sequatur debiliorem partem sui antecedentis, quando illud concurret vt causa veritatis conclusionis, quamvis si consideretur vt est tantum causa illationis propter dispositionem terminorum, non verificetur axioma, vt patet in hoc syllogismo: *Omnis lapis est animal, omnis homo est lapis, ergo omnis homo est animal*: vbi præmissæ sunt falsæ, & tamen conclusio est vera: ad hoc autem vt ex præmissis siue in toto, siue

in parte falsis inferatur conclusio vera ex vi dispositionis terminorum, quatuor regulæ solent assignari, de quibus videri potest Albertinus in suis Corollarijs, in tertio principio Philosophico.

Pari ratione si in præmissis sit aliqua propositio impossibilis, cōsequens quoque erit impossibile, si propositio impossibilis concurrat etiam vt causa rei conclusæ: & sic quando ex suppositione quadam impossibili inferitur aliquid necessarium, non debet intelligi quasi impossibile ita concurrat ad consequens necessarium, vt ex illo sequatur, sed quia est ratio cognoscendi illud, vnde consequens sequitur. Quod autem fieri possint aliquæ hypotheses, vel suppositiones impossibiles, vt præcisæ & formales causa alicuius rei inuestigetur, vulgare est non solum in Philosophicis, sed etiā in Theologicis, & diuinis. Sic Theologi disputant, an si per impossibile filius non spiraret simul cum Patre tertiam personam diuinam, realiter ab ea distingueretur? Et discipuli D. Thomæ ex isto antecedente, *Si non spiraret filius, non distingueretur realiter à Spiritu Sancto*, colligunt istud consequens necessarium, quod *spiratio actiua sit præcisæ ratio distinguendi realiter filium à Spiritu Sancto*; Discipuli autem Scoti ex antecedente opposito, in quo pariter inuoluitur suppositio impossibilis, nempe, *Si filius non spiraret, vel non produceret simul cum Patre Spiritum Sanctum, adhuc realiter ab illo distingueretur*, inferunt istud consequens apud ipsos verum & necessarium; igitur ratio distinguendi secundum personam à tertia est sola filiatio. Similiter D. Augustinus lib. 5. de Trinitate cap. 5. ait quod licet Pater non genuisset filium, nihil prohiberet ipsum vocari ingenuitum, cum tamen sit impossibile, quin pater genuerit filium ab æterno. Et sic de pluribus alijs hypothesibus, inter quas non solum sunt admittendæ illæ, ex quibus nulla sequitur contradictio, sed etiam illæ ex quibus sequitur, modo non sequatur per consequentiam essentialem, & ex primo ter-

mino.



minorum intellectu, vel ut alij dicunt, per locum intrinsecum, ut si v. g. poneretur *Spirasorem non spirare*, sequeretur enim statim *Spirasorem non spirare*, & *spirare* non *spirare* quia ita supponitur, *spirare* verò quia supponitur quod sit spirator, cuius ita proprium est spirare, ut ab eo separari non possit.

Ex quibus omnibus satis patet quomodo conclusiones etiam Theologicæ tam ex parte formæ, quàm ex parte materiæ sequantur semper debiliorem antecedentis partem, ita ut si quid sit debile, aut imperfectum in conclusione, referendum sit statim ad illam præmissam, quæ debilis est, & imperfecta tam ratione formæ, quam ratione materiæ.

C A P U T I V.

*Quomodo in rebus, & materijs Theologicis valeat consequentia à distributivo ad collectivum.*

**P**ro intelligentia difficultatis notandum est, magnum versari discrimen ex vna parte inter formam argumentandi à sensu distributivo ad collectivum, & ex alia parte inter formam argumentandi à distributivo ad copulatum, siue quod idem est à diuisis ad cōiunctum, & compositum. In forma enim arguendi à distributivo ad copulatum termini non accipiuntur eodem modo in consequente, quo in antecedente, quia cum in copulato includatur simultas partium, ex vi illius prædictum aliquod partibus copulatum sumptis conueniat necesse est, quod non conuenit singulis distributivè sumptis; ac propterea non valet consequentia à singulis partibus distributivè sumptis ad copulatum, neque è contra ex vi formæ, ut si dicas, *Deus potest producere per totam æternitatem sine fine*, non valet consequentia, *Ergo omnia potest producere in hoc instanti*: Sic etiam non valet si dicas, *Deus non potest omnes creaturas possibiles simul in hoc instanti producere*, Ergo non potest illas producere distribu-

tivè per totam æternitatem. Quia in copulato includitur simultas partium in eadem duratione, ex vi cuius oritur impossibilitas ad producendum ea omnia, quæ potest producere successivè per totum æternitatis ambitum.

Ad quam arguendi formam reuocari debet ea, quæ est à sensu diuiso ad sensum compositum, & à toto disuncto ad eius partem: Est enim forma argumentandi à distributivo ad copulatum differat ab ea, quæ est à sensu diuiso ad compositum, quod impotentia ad faciendum simul totum copulatum, oritur ex vi simultatis partium collectarum; ar verò in sensu composito, necessitas, seu impossibilitas, est ad aliquam partem, determinatam, & provenit non ex similitudine partium collectarum, sed ex compositione alicuius formæ cum potentia, ratione cuius impossibilitatur potentia ad vnam partem determinatam. Similiter quamvis forma arguendi à sensu distributivo ad copulatum distinguatur ab ea, quæ est à toto disuncto ad partem disuncti: quod in prima simultas illa partium accipitur copulatum: in hac verò simultas partium sumitur disunctim; tamen in hoc conueniunt omnes hæ tres formæ arguendi, quod extrema non sumuntur eodem modo in consequente, quo sumuntur in antecedente, & ideo non tenet consequentia in omnibus illis arguendi formis, v. g. si quis dicat, *Ad bene operandum est opus vel gratia habituali, vel actuali*; non licet inferre, *ergo est opus gratia habituali*; & sic de alijs.

At in forma argumentandi à distributivo ad collectivum termini semper sumi debent eodem modo, neque aliquid includi debet in collectiuo, quod non includatur in distributivo, & ita cessante ratione illa, per quam statim probauimus, non valere consequentiam in reliquis formis, breuiter discutendum est, an à potentia in singulis partibus distributiu, teneat semper consequentia ad potentiam in toto collectiuo.

Circa quam difficultatem diuersa sunt

sunt placita: aliqui enim vniuersaliter affirmant à distributiuo ad collectiuum semper valere consequentiam; quod tamen alij per oppositum negant. Distingunt alij & vtramque opinionem ad concordiam reuocare conantur dicentes, cum arguitur à distributiuo ad collectiuum semper legitimam esse consequentiam, si accipiatur potentia Physica in vtroque extremo, scilicet in distributiuo, & collectiuo, v.g. valet consequentia, *Petrus est Physice potens ad hanc visionem eliciendam, & illam & istam, ergo est potens Physice elicere omnes*. Ratio fundamentalis est, quia potentia Physica ad singulas partes, nihil est aliud, quàm eadem potentia ad totam partium congeriem, si quidem collectiuum, vt supponimus nihil aliud includit præter singulas distributiuæ partes: igitur sicut valet consequentia à toto collectiuo ad distributiuum, ex eo quod posse facere physice totum collectiuum, nihil est aliud, quàm posse facere physice singulas partes illius collectiuæ, cum ex illis componatur; ita è conuerso debet valere & tenere, à distributiuo ad collectiuum; & si est impotentia physica ad totum collectiuum, erit etiam impotentia physica ad partes distributiuæ, & è contra. Verum si potentia accipiatur physica in singulis partibus distributiuæ, & moralis in toto collectiuo indeterminatè in his rebus, in quibus nulla est determinatio, tunc non valet consequentia à distributiuo ad collectiuum, hoc est à potentia Physica in singulis partibus distributiuæ, ad potentiam moralem in toto collectiuo indeterminatè, sed potest stare potentia Physica, & etiam Moralis in partibus determinatè distributiuæ, cū impotentia morali, ad hanc vel illam partem indeterminatè, & vagè: ita D. Thomas 12. questione 109. art. 8. & de veritate quæst. 24. articulo 12. ad 7. & tertio contra Gentes capite 160. quæ sequuntur communiter Theologi, quāuis inter se dissentiant in assignanda ratione huius doctrinæ.

Aliqui enim repetunt illam ex ipsa

met natura collectiuæ, quod multis exemplis probare conantur: tamen re bene perpenſa, non solum hæc ratio non est efficax, sed potius contra naturam collectiuæ directè pugnare videtur, nihil enim vt diximus collectiuum includit præter partes sui distributiuæ, quare si præcisè tantum spectetur natura collectiuæ, eadem est potentia faciendi, & totum collectiuum & singulas eius partes, si ergò de facto non reducatur ad actum, debet aliundè prouenire, quàm ex natura collectiuæ præcisè.

Verisimilior igitur ratio, quare non valeat consequentia à potentia physica in singulis partibus distributiuæ, ad potentiam moralem in toto collectiuo indeterminatè, desumenda est tunc formaliter ex conditione nostræ voluntatis, tunc radicaliter ex conditione intellectus, à quo dirigitur voluntas in suis operationibus moralibus, de quibus principaliter agitur, dum quaeritur an valeat consequentia à distributiuo ad collectiuum; cum enim voluntas nostra sit potentia libera, atque adeò secundum se indeterminata, regaturque ab intellectu, qui ipsi pro varietate temporis, aliarumque circumstantiarum, varia etiam proponit obiecta indifferentia, sit vt voluntas secundum se sit variabilis, & mutabilis: hac autem varietate & mutabilitate voluntatis semel posita, sequitur ex multitudine partium distributiuæ, oriri difficultatem, per quam contingit non idem semper euenire, imo tanta interdum potest esse partium multitudo, vt oriatur impotentia moralis, secundum quam de facto voluntas non operetur iuxta eandem actionem priorem, sed varietur in aliam, & quia hæc moralis impotentia prouenit ex tota multitudine collectiuæ, quatenus est multitudo vagè sumpta, sit vt non sit in aliqua parte distributiuæ determinatè, sed indeterminatè, & vagè in hac vel illa, ita vt non possit assignari antè factum, quænam illa sit.

Quod si dicat aliquis, includi aliquid in toto collectiuo, quod non includitur in distributiuo, scilicet difficultatem, in qua

qua fundatur impotentia moralis iam explicata, atque adeo per illam explanationem destrui formam arguendi à distributiuo ad collectiuum.

Respondeo concedi posse, quod ratione illius difficultatis inclusæ, degeneret aliquo modo à forma arguendi à distributiuo ad collectiuum, modus ille in quo termini sumuntur in distributiuo secundum potentiam physicam, & in collectiuo secundum potentiam moralem; negandum est tamen per illum totaliter destrui, quia tunc solum id quod includitur, tollit formam arguendi à distributiuo ad collectiuum, quando ex vi rei inclusæ impossibilitatur potentia determinatè ad actum, tunc enim termini determinatè accepti non sumuntur eodem modo in antecedente, & in consequente, at in nostro casu non ita contingit, difficultas enim, quam diximus reperiri in tota multitudine collectiuu vagè sumpta, impossibilitat solum potentiam indeterminatè ad hanc vel illam actionem, cum quo stat adhuc potentia physica, & moralis ad quamcumque actionem determinatè, quæ etiam reperitur in singulis distributiuu partibus, & sic loquendo de potentia physica, & morali in singulis distributiuu determinatè, concedendum est potentiam faciendi singulas partes distributiuu successiuè, nihil aliud esse, quam potentiam ad totum collectiuum; negandum est tamen de impotentia morali in toto collectiuo indeterminatè.

Et ad hanc distinctionem recurrere solent plures Theologi, ut explicent quomodo cum impotentia, quam habet peccator gratia destitutus ad seruanda omnia præcepta naturalia moralia per diuturnum tempus, possit conciliari eius libertas, in eo quod peccat. Respondent enim liberè peccare, quia potest singulis tentationibus successiuè occurrentibus resistere, si sumantur seorsim distributiuè, & sigillatim, quamuis sit impotens moraliter ut resistat in toto collectiuo alicui tentationi vagæ, & indeterminatæ. Idem dicitur de fuga peccato-

rum venialium in homine iusto, quod de fuga mortalium contra mandata sub mortali obligantia in peccatore. Et quod dicitur de victoria plurium tentationum leuium, idem dici potest de victoria vnus grauis (quæ ut talis sit debet per aliquod temporis spatium durare) si spectetur per singula momenta. Nam in quolibet momento determinato, quo durat tentatio, est liberum voluntati non consentire, etiam subtrahito speciali auxilio Dei, sed non est potens moraliter ut resistat toto tempore, sed in aliquo indeterminatè deficit. Hæc autem impotentia moralis in voluntate ad aliquid faciendum, non lædit iura libertatis eius, quia ut diximus non attenditur respectu determinati alicuius effectus, vel momenti, pro quo voluntati necessitas imponatur, sed absolute respectu totius tentationis confusè acceptæ, cum tamen libertas non confusè, sed in puncto determinato exerceatur. Vnde hæc impotentia non est per determinationem potentie ad vnum, quæ opponitur libertati, sed per inconstantiam, & infirmitatem operantis, quæ non libertati, sed constantiæ & fortitudini opponitur, ut fusiùs explicauimus in tractatu de gratia.

Infuper valet consequentia à distributiuo ad collectiuum, si tali collectiuo tribuat in aliquod prædicatum quod competit singulis indiuiduis secundum se spectatis, & maxime si sit aliquod prædicatum essentialiter illis conueniens. Sic qui de ratione essentiali cuiuslibet entis distributiuè sumpti extra Deum, est, quod sit quid factum, seu potentiale, ita ut existentia non sit de eius essentia, sed necesse habeat transire, operante aliqua causa, de non esse ad esse, rectè etiam colligimus totam entium multitudinem collectiuè sumptam esse aliquid factum, atque adeo contra Atheos dari extra totam illam infinitam, quam ponunt entium seriem, aliquod ens non factum, à quo cetera facta sunt, quod nos Deum appellamus.

At si prædicatum habeat aliquam-

rationem quantitatis, vel potius si de-  
notet quantitatem, aut eius principium,  
vt esse vnum numero, esse finitum, esse  
ab alio distinctum, esse priorem, vel po-  
steriorem, tunc à distributio ad colle-  
ctiuum sunt illegitimæ omnes conse-  
quentiæ, & sic non valet dicere, *quili-  
bet homo est vnus numero, est finitus, ha-  
bet alium extra se, habet priorem, &c.* ergo  
*omnis homo est vnus numero, est finitus,  
habet priorem, aut alium extra se.* Imò  
talís modus argumentandi est potius à  
distributio ad copulatum, in quo nun-  
quam tenet consequentia, quàm à di-  
stributio ad collectiuum, sicut etiam  
modus argumentandi in infinito synca-  
thegorematico, vnde si quis dicat, *qua-*

*libet pars continui habet minorem, non  
tenet consequentia, ergo omnes partes  
habent minorem,* quia in toto collectiuo  
non est illa confusio, & potentialitas,  
seu vltior, & quasi continuata tenden-  
tia finiti ad infinitum, non sistendo in  
aliquo finito, nec attingendo infinitum;  
sicuti reperitur in singulis partibus di-  
stributiu, quia quæcumque sumpta  
sumitur vt includens alias minores, &  
illæ aliæ inclusæ sumuntur vt includen-  
tes alias minores, & sic in infinitum;  
quod totum, aliaque plura ad intelli-  
gentiam præsentis materiæ conducentia  
rectè explicat Albertinus tomo primo  
Corollariorum; vbi faciliè videri pos-  
sunt.

## SECTIO TERTIA.

De principijs syllogisticis materialibus, quibus  
videlicet in arguendo, ex parte materiæ  
regulatur bonitas consequentium,  
seu conclusionum Theo-  
logicarum.

### CAPVT PRIMVM.

*An sicut in alijs disciplinis dantur principia quedam, Latinis digni-  
tates, Græcis vero axiomata dicta, ita etiam in  
Sacra Theologia?*



**S**UPPOSITO ex di-  
ctis lib. 1. huius operis,  
sect. 3. vbi egimus de cer-  
titudine sacræ Theolo-  
giæ, quod ipsa ad suas  
conclusiones probandas  
procedere debet ex principijs non so-  
lum reuelatis, sed etiam creditis fide  
diuina, id est, ex formali motiuo reue-  
lationis factæ à prima veritate, quàm  
implicat proponere falsum suæ autori-

tate credendum, tanquam verum, vt  
communiter docent Theologi, paucis  
recentioribus exceptis dicentibus, satis  
esse, si Theologus suis principijs reuela-  
tis assentiatur conclusioni ex alio firmo  
motiuo distincto à motiuo reuelationis,  
v.g. ob signa, & miracula, vel ob ratio-  
nes, vel ob humanam Ecclesiæ autori-  
tatem; quod quidem est procedere ex  
reuelatis materialiter, non formaliter,  
& ex creditis fide humana, acquisita, ac  
natu-

naturali, non divina, infusa, ac supernaturali, hoc, inquam, supposito, primum occurrit hic examinandum, an sicut in alijs scientijs, ita & in sacra Theologia dentur inter articulos fidei, veritatesque reuelatas aliqua principia. Latinis *dignitates*, Græcis *axiomata* dicta.

Pro cuius intelligentia notandum, est *principium* in tota sua latitudine definiri, quod sit *propositio immediata*, id est, quæ non est altera prior, seu quæ caret medio, vnde probetur. Diuiditur propositio immediata, seu principium in *propositionem*, & *dignitatem*. *Positio* est principium non ita commune, & notum, vt illud habere, aut scire debeat, qui discere incipit, & huiusmodi sunt particularia vniuersiuiusque scientiæ principia. At *dignitas* est principium tantæ certitudinis, vt quilibet illud habere possit, antequam scire incipiat; v.g. *Quodlibet est, vel non est; impossibile est simul affirmare, & negare*. Rursus positio subdividitur in definitionem, & suppositionem. *Definitio* est illud principium particulare in quo continetur rei tractandæ definitio: *suppositio* verò illud, in quo tantum continetur genus, vel differentia.

Secundò notandum est quascumque fidei propositiones dupliciter posse considerari, primo veluti formaliter, & in esse credibilis, secundum quod nimirum primæ veritati illas reuelanti subiacent, secundò veluti materialiter, & in esse rei, secundum quod in ipsis subiectum, & prædicatum habent, vel non habent immediatam connexionem, ita vt vnus propositio secundum rem possit in aliam resolui, tanquam priorem in essendo, siue tanquam continentem prædicatum, quod est causa, vel ratio prædicati alterius; v. gr. ista propositio, *Christus Dominus habet duas voluntates*, resoluitur in istam, *Christus Dominus habet duas naturas intellectuales, diuinam, scilicet, & humanam*; Si quidam ratio à priori duarum voluntatum in vno, & eodem supposito, sunt duæ naturæ intellectuales pariter in vno & eodem supposito subsistentes.

Igitur si loquamur de veritatibus, vel propositionibus fidei formaliter, & in esse credibilis, atque adedò attenta ratione formali, sub qua sacra Theologia mediât versatur circa Deum, aliaque sua obiecta materialia: Sic omnes fidei veritates immediatè à Deo reuelatæ possunt vocari prima, & immediata Sacræ Theologiæ principia, siue tales veritates secundum rem possint in alias resolui, tanquam priores in essendo, siue non. Ratio fundamentalis huius dicti desumitur ex ipsamet natura primi, & immediati principij, quod definitur esse id, quo non est aliud prius, siue quod caret medio vnde probetur. Sed omnes fidei veritates immediatè à Deo reuelatæ, si sumantur formaliter, & in esse credibilis sic se habent suntque irresolubiles in aliud lumen per quod probetur, quàm in lumen diuinæ reuelationis; rectè ergò veritates omnes fidei formaliter sumptæ dici possunt prima, & immediata Theologiæ principia. Maior huius argumenti est certa, fundaturque in definitione, primi, & immediati principij. Minor autem dependet ex illa doctrina, quæ in materia de fide tradi solet, quæ asseritur singula obiecta materialia fidei supernaturalis, quæcumque illa sint, & cuiuscunque conditionis, siue necessaria, siue contingentia æquè pertinere ad fidem in esse credibilis; quod sic probatur.

Quia obiecta æquè dicuntur pertinere ad aliquem habitum, quæ æquè participant immediatè rationem formalem, seu motiuium talis habitus; sed singula fidei supernaturalis obiecta æquè participant rationem eius formalem, seu motiuium credendi; ergò singula fidei obiecta, si considerentur in ratione credibilium, siue quod idem est, secundum veritatem, quam habent non in esse entitativo, sed in esse credibilis, quæ consistit in ipsa conformitate obiecti crediti cum ipso testimonio Dei illud reuelantis, vnde etiam vocatur veritas extrinseca, quia fundatur in aliquo ipsi obiecto dumtaxat extrinseco, videlicet testimonio Dei, ad distinctionem veritatis illius

plius in esse rei, quæ consistit in ipsa æquali connexione principiorum inter se, & ideo vocatur intrinseca, quia fundatur in principiis ipsum obiectum intrinsecè componentibus; singula, inquam, fidei obiecta sic considerata æquè pertinent ad fidem, æqualique certitudine, & firmitate, credenda sunt.

Rursus maior huius argumenti videtur omnino certa, & indubitata, maxime in illis habitibus ubi motuum, aut ratio assentiendi, nullomodo est ipsa veritas intrinseca, & propria obiecti cogniti, sed sola ratio formalis talium habituum; ut contingit in fide supernaturali, ubi motuum credendi nullo modo est ipsa veritas propria obiecti crediti, sed veracitas & testimonium Dei ad distinctionem aliorum habituum intellectualium, præsertim scientificorum, ubi obiecta, quæ formalia vocamus, ita sunt rationes ex parte cognoscentis attingendi obiecta materialia, ut etiam attingantur ratione propriæ veritatis entitatis quam habent, quæ secundum quod est maior, vel minor, perfectior vel imperfectior, sic etiam obiecta scita magis, vel minus dicuntur pertinere ad illam scientiam, cuius sunt obiecta.

Minor probatur, nam formalis ratio seu motuum fidei supernaturalis, est prima veritas, seu diuina autoritas reuelans, omnia autem immediatè ab illa reuelata æquè participant hoc motuum cum æquè infallibilis sit Deus in omnibus, quæ dicit, repugnetque ipsi æquè mentiri in paruo, ac in magno, & æquè omnia reuelet, quia diuina autoritas reuelans, est vna & eadem, sicut & vnus Deus, & eius veritas, & illa eodem modo applicatur omnibus veritatibus fidei.

Nec refert, quod inter illas sint aliquæ expressi, vel etiam sæpius, imò & iuramento Dei interpositi reuelatæ, quodque in earum confirmationem plura fuerunt edita miracula, quam in confirmationem aliarum; hoc, inquam, non obest, quin omnia fidei obiecta in esse credibilis considerata æquè ad fidem pertinere dicantur, atque adeo quin ita

sint prima & immediata sacre Theologiæ principia.

Nam primò, siue magis expressè, siue minus, siue semel tantum, siue sæpius aliqua veritas à Deo reueletur; sæper habet quod sit à Deo reuelata, & quod fides illi præbeat assensum, ob solum testimonium Dei reuelantis, quod est idem, & eiusdem in se veritatis, & infallibilitatis, dum reuelat vnum, ac dū reuelat aliud obiectum; ita vt maior, vel minor expressio, facta tantum semel, vel sæpius iterata, se habeat tanquam modus quidam dumtaxat accidentaliter diuine reuelationi; Vnde cum id, quod tantum per accidens alicui conuenit, non variet eius substantiam; ex eo quod aliqua veritas fidei fit magis vel minus expressè reuelata, semel tantum, vel sæpius; non ideo magis, vel minus pertinebit ad fidem, quasi magis, vel minus certò credenda.

Secundò quod in nonnullis fidei veritatibus reuelandis Deus interponat iuramentum, non propterea id facit, vt à parte rei, aut in se eius reuelatio sit certior ac firmior, tam enim est impossibile Deum mentiri, quando simpliciter aliquid enuntiat, quam quando illud iuramento confirmat, cum illud vtrumque à prima veritate, quæ impossibile est falli & fallere, informetur: nec minus repugnet Deo mendacium, quam perurium, cui possumus etiam addere, Deum semper iurare, dum aliquid reuelat, cum semper afferat se in testem, quod est propriè iurare. In aliquibus tamen Sacre Scripturæ locis ius iurandum expressè quorundam articulorum reuelationi interponitur propter nos, accominodando se hominum consuetudini, ad maiorem rei promissæ confirmationem, & vt facilius credamus cum illi suæ promissioni certò & infallibiliter esse satisfacturum; cum enim fallaces sint homines, sibi que mutuo fidem interdum violent, iuramentum à se inuicem solent exigere, vt eius religione commoti à fraude, & fallaciis abstineant. Addit Sanctus Augustinus lib. 16. de ciuitate Dei cap. 31. Deum aliquam.

quando interponere iuramentum ad increpationem infidelium. Potest etiam dici iuramentum fuisse aliquando à Deo aliquibus suis promissionibus interpositum, vt ostenderet illas esse absolutas, & non sub aliqua conditione factas, quæ sit per aliquem euentum impedienda. Sed de his videndi sunt interpretes Sacri ad cap. 22. Geneseos, & caput 6. Epistolæ ad Hebræos, vbi agitur de promissione Christi facta Abraham cum iuramento.

Tertiò tandem, quod plura facta sint miracula in confirmationem aliquarum veritatum fidei, quàm in confirmationem aliarum, non arguit proinde magis esse credibiles, aut non esse æque prima & immediata Sacræ Theologiæ principia, in tantum enim aliquid pertinet ad fidem formaliter in quantum participat formale eius motuum, vt diximus; miracula autem non sunt ipsius formale motuum fidei, seu ipsa ratio assentiendi creditis per fidem infusam, sed sunt tantum quædam veluti dispositiones, quibus aliquæ veritates fidei vel confirmantur, vel ostenduntur credibiles, id est, dignæ quibus fides adhibeatur. Potest insuper dici maiori miraculorum numero in confirmationem aliquarum fidei veritatum facto, primam quidem veritatem reuelantem apparere nobis aliquo modo clarius, & apertius illis applicatam, quàm alijs, quæ paucis, aut nullis miraculis confirmantur, non tamen magis participari. Penes quæ tantum maiorem, vel minorem diuinæ reuelationis participationem, attenditur solum æquè, vel non æquè esse credibile, seu pertinere ad fidem secundum se; atque adeo æquè, vel non æquè esse prima, & immediata Theologiæ principia formaliter.

At si loquamur de propositionibus fidei non solum formaliter, & in esse credibilis, sed etiam materialiter, seu, in esse rei, possumus inter illas distinguere dignitates, & positiones. Sicut enim inter principia scientiarum, quæ per rationem naturalem habentur, ordo quidam inuenitur, vt quædam in alijs im-

plicitè contineantur, & ad illa reducuntur; v. g. omnia principia reduci dicuntur ad hoc, vt ad primum, *Impossibile est simul affirmare, & negare*, vt explicatur 4. Metaphysicæ; ita etiam in principijs Theologicis, dantur quidam articuli fidei quicumque sint illi, implicite continentes alias fidei veritates, quas si contineant omnes absolute & simpliciter, nemini dubium esse potest, quin tales articuli rectè vocentur dignitates, & axiomata Theologica; si verò determinatè duntaxat contineant aliqua credibilia in certo ordine, sic potius sūt positiones. V. g. ista propositio *Deus est incarnatus*, dicitur positio, quia est veluti principium implicite continens reliqua, quæ de Christo dicuntur, veritas enim huius, *Deus est passus, aut mortuus*, fundatur in ista, *Deus est homo*, & hæc in ista, *Dignus est incarnatus*.

## CAPVT II.

*Quenam sint inter fidei veritates, aut articulos, Theologica dignitates, primæque omnino principia dicenda.*

**S**Vpposito ex dictis superiori capite, quod inter supernaturales fidei veritates, dentur prima aliqua principia, Theologicæque dignitates, restat examinandum quænam sint illæ? Aliqui enim affirmant quod ista duo principia, *Deus est, & est remunerator iniquitatum se* sunt Theologicæ dignitates, ita Melchior Canus lib. 12. de locis Theolog. cap. 3. Alij verò dicunt esse potius ista, *quicquid in scripturis Canonice continetur est à Deo reuelatum*, vel *quicquid in scripturis Canonice fuit à Deo reuelatum, est verum, & infallibile*. Sed istæ duæ sententiæ facile ni fallor possunt ad concordiam reuocari.

Intelligendo igitur secundam sententiã de dignitatibus Theologicis veluti ex parte rationis formalis se tenentibus, atque adeo secundum quod sacra doctrina modo sectione prima huius li-

brj explicato, vtitur diuina reuelatione veluti in acta signato, ad inferendum, syllogisticè conclusionem aliquā Theologicam, sic dico, duo illa principia statim allata, rectè vocari dignitates Theologicas; si quidem sunt id vltimum, ad quod reducuntur omnes conclusiones Theologicæ, & quo negato non suppetit amplius Theologo via, aut ratio probandi aliquid ex parte suæ rationis formalis sub qua, quæ est autoritas diuina reuelans.

At si sit sermo de dignitatibus Theologicis veluti in essendo, aut in esse rei, secundum quod in actu exercitio possunt esse media demonstrationū Theologicarum; dicendum est cum primæ sententia, duo illa principia, *Deus est*, & *est remunerator inquirentium se*, esse Theologicas dignitates, si quidem omnes quotquot sunt fidei articuli, & veritates in illis primis credibilibus virtualiter, & implicite continentur, scilicet vt credatur Deum esse, & providentiam habere circa hominum salutem, iuxta illud D. Pauli ad Hebræos cap. 11. *Credere enim oportet accedentem ad Deū quia est, & inquirentibus se remunerator sit*. Nam in esse diuino includuntur omnia, quæ credimus in Deo æternaliter existere, in quibus vltima nostra beatitudo consistit. In fide autem diuinæ providentiæ includuntur omnia, quæ temporaliter à Deo dispensantur ad hominum salutem, quæque sunt media ad æternæ beatitudinis consecutionem necessaria.

Pro quorum omnium maiori luce, primò notandum est illa duo vniuersalissima principia dupliciter considerari posse; vno modo quatenus naturali ratione cognosci, & attingi possunt; & ita potius sunt conclusiones scientiæ à posteriori, quæ procedit cognitione effectus ad causam, quàm principia. Alio modo considerari possunt vt cognoscibilia superiori lumine diuinæ reuelationis, & sic habent rationem primorum principiorum, suntque dignitates quædam inter omnia alia principia reuelata;

sic enim dumtaxat continent virtualiter & implicite alia principia, non autè quatenus lumine naturali præcisè cognosci possunt. Si quidem impossibile est quod inferior cognitio virtualiter contineat ea, quæ per altiores tantum cognitionem attingibilia sunt; sed Deum esse, vnum & Trinum, secundam sanctissimæ Triadis personam assumpsisse carnem humanam, & cætera huiusmodi supernaturali solum lumine sunt certò cognoscibilia, ergò non continentur virtualiter in illis duobus principijs, quatenus ad ordinem naturalem pertinent, suntque proinde naturali lumine cognoscibilia; sed ad ordinem supernaturalem, supernaturalique fidei lumine cognoscuntur. Vnde rectè Apostolus ait, *Accedentem ad Deum oportet credere quia est, & inquirentibus se remunerator sit*; quia licet illa propositio *Deus est*, intellecta præcisè de existentia naturali, sola luminis naturalis virtute & efficacia possit attingi, vt de facto plures Philosophi sic illam cognouerunt, atque adeo sic sumpta potius pertineat ad fidem quasi præambulum, quàm vt verus illius articulus; atamen si cōsideretur talis propositio secundum quod in se, & ex parte rei cognita est secunda omnium aliorum, mysteriorum fidei, atque adeò necessaria ad salutem, sic solius fidei obiectum est in præsentī vita, visionis verò in alia.

Obseruandum est secundò, quod quando asserimus supradicta duo vniuersalissima principia, quatenus supernaturali lumine cognoscibilia sunt, virtualiter & implicite continere omnia, alia credibilia, non ita debere intelligi, quasi per necessariam & infallibilē consequentiam ex illis primis semper inferantur, sed quia in re ipsa cognita verè existunt, siue ex natura rei, siue ex libera Dei voluntate. Quod potest declarari primò in illa propositione *Deus est*, non enim sequitur per bonam & euidentem consequentiā quo ad nos, *Deus est*; ergò necessario Trinus est in personis. Secundum se tamen, & in re ipsa cognita magis sequitur ex illo antecedenti



denti, quam ista, *Si homo est, animal rationale est*; vel ista, *homo est risibilis, quia rationalis*. Nam Deitas est radix, & veluti causa virtualis in se omnium attributorum diuinorum, & perfectionum, quæ de Deo effertur, siue sint absolutæ, siue relatiuæ. Similiter de secundo principio, scilicet quod Deus perfectissimam habeat de hominum salute providentiam, manifestius est consequentiam non esse semper legitimam, non, solum quoad nos, sed neque etiam secundum se, dum ex illo inferuntur plura alia fidei nostræ mysteria, vt si quis argueret; *Ergo filius Dei factus est homo*. Articulus enim incarnationis diuinæ, & alij similes continentur solum in articulo diuinæ providentiæ, supposita libera Dei voluntate, qua sic dilexit mundum, vt filium suum vnigenitum daret; vnde qui in communi credit per lumen infusum, specialem Dei providentiam esse circa salutem hominum, ibidem etiam virtualiter & implicite credit omnem modum, quem Deus voluntate sua præfixit, ad huiusmodi hominum salutem promouendam, ac perficiendam; qualis est æconomia Verbi diuini in carne mortali, Sacramentorum institutio, aliaque similia media, quibus dirigitur homo ex speciali Dei providentia in finem vitæ æternæ.

CAPVT III.

*An Theologia procedere possit ex vtraque præmissa reuelata.*

**C**ertum est dari plures discursus constantes vtraque præmissa reuelata, siue quod idem est, qui nitantur duabus præmissis de fide. V.g. *Christus Dominus est filius Dei; sed Christus Dominus redemit homines, ergo filius Dei redemit homines*. Difficultas est an huiusmodi discursus sint verè, & propriè Theologici; an verò pertineant ad habitum fidei; ratio dubitandi est, quia si vtraque præmissa est reuelata, conclusio etiã videtur esse necessariò reuelata: sicut

enim ex duabus præmissis euidentibus, vel probabilibus, non potest non sequi conclusio euidens, vel probabilis: ita, ex duabus reuelatis necesse est sequi conclusionem pariter reuelatam. Cuius ratio veluti à priori deduci potest ex hoc, quod subiectum & passio in conclusione eandem inter se connexionem habent, ac in præmissis cum medio termino, hoc enim significare videtur commune illud axioma prioristicum, de quo egimus superiori sectione, *Quæ sunt eadem vni tertio, sunt eadem inter se*: sed quando ambæ præmissæ sunt reuelatæ subiectum & passio cum medio termino habent connexionem certissimam certitudine reuelationis, ac fidei; ergo eandem inter se connexionem habent in conclusione; vt satis patet in exemplo statim adducto: si enim semel reuelauit Deus, Christum Dominum esse filium Dei, & Christum redemisse homines, statim apparet, reuelasse etiam filium Dei redemisse homines.

Nihilominus tamen dicendum est, eiusmodi discursus constantes vtraque præmissa reuelata esse propriissimè Theologicos, secundum quod Theologia est argumentatiua, habitusque discursiuus realiter ab habitu fidei distinctus, qui propriè loquendo, nec explicitè nec implicite est discursiuus: sed solummodo enuntiatiuus, & iudicatiuus.

Ratio huius rei est, primo quia vt suis locis sæpius notauimus, sacræ doctrinæ proprium est, ad illatiuos assensus suarum conclusionum procedere ex reuelatis, ad distinctionem omnium, aliarum Philosophicarum disciplinarum, & scientiarum naturalium, vnde S. Thomas 1. p. q. 1. art. 2. Theologiam vocat doctrinam secundum reuelationem diuinam; & ad secundum scientiam omnia tractantem, secundum quod cognoscuntur lumine diuina reuelationis. Et ad primum: *Sacra*, inquit, *doctrina consistit in rebus à Deo reuelatis, suscipiendis per fidem*. Et artic. 2. in fine corporis, *sicut Musica credit principia tradita sibi ab Arithmetico, ita doctrina sacra credit prin-*

*principia reuelata sibi à Deo. Et artic. 3. pariter in fine corporis, Omnia quæ sunt diuinitus reuelabilia comprehenduntur sub sacra doctrina; sicut sub scientia una. Et artic. 5. Hac scientia non accipit sua principia ab alijs scientijs, sed immediatè à Deo per reuelationem. Et artic. 6. ad 2. Propria huius scientiæ cognitio est, quæ est per reuelationem; non autem, quæ est per naturalem rationem. Et artic. 7. Principia huius scientiæ sunt articuli fidei; quod idem repetit artic. 8. additque tam in corpore, quam ad primum. Hac doctrina ex articulis fidei ad alia argumentatur. Et ad 2. Argumentari ex auctoritate est maximè proprium huius doctrinæ, eo quod principia huius doctrinæ per reuelationem habentur. Ergo quò magis discursus ex reuelatis procedit, ac diuinæ reuelationi nititur, eo magis Theologiz proprietatem participare dicendum est; adeo ut si ex nullo alio procedat principio, nisi reuelato, sit maxima cum proprietate Theologicus.*

Secundò probatur, quia is assensus est propriè discursiuus, atque adeo pertinet ad sacram doctrinam secundum quod est argumentatiua, & habitus realiter à fide distinctus, quo per aliquod antecedens iudicium aliqua duo iudicantur esse, vel eadem, vel coniuncta inter se, ob identitatem, vel coniunctionem quam habent in aliquo, nimirum medio; ita ut eiusmodi antecedens iudicium, seu antecedens connexio illorum duorum cum medio cognita sit motuum eius assensus, qui datur conclusioni, seu rei per illam enuntiatur, ut facile potest intelligi ex tota definitione argumentationis & syllogismi tradita per Aristotelem in libris priorum, & ex communi doctrina Dialecticorum: Sed ita res se habet etià in discursibus utraque præmissa reuelata eòstantibus; ergò tales discursus sunt propriissime Theologici; siue quod idem est propriissime pertinent ad Theologiam, secundum quod est habitus realiter ab habitu fidei distinctus. Cuius est credere, *filium Dei redemisse mundum*, ut perstamus in

exemplo adducto, non idèò formaliter, & præcisè ob connexionem, quam extrema huius propositionis tanquam veræ habent inter se, & cum ipso motiuo seu medio, scilicet Christo Domino, aut diuinæ reuelatione super illum cadente; sed purè, simpliciter, absolute ob auctoritatem Dei, seu reuelationem diuinam; quemadmodum patet in hominibus idiotis & rudibus, qui nescientes iudicare de bonitate consequentiæ ex aliquo suo antecedenti nõ desunt elicere præclaros actus diuinæ fidei, etiam aliquandò excellentiores, quam quos aliqui doctores in rebus Theologicis veratissimi eliciunt.

Tertiò, Assensus diuinæ fidei ex communi Theologorum sententia, est absolute & simpliciter quo ad suam entitatem & substantiam supernaturalis; sed assensus etiam deductus ex duabus præmissis de fide est naturalis quo ad suam entitatem; ergò non potest esse assensus ut sic diuinæ fidei, sed Theologiæ tantum, quæ ut vidimus superiori libro ex communi Theologorum sententia est habitus substantialiter & entitatiue naturalis.

Probatur minor, quia actus ille, seu assensus est merè & simpliciter quo ad substantiā naturalis, qui oritur à potentia naturali ut naturaliter operante; acqui assensus deductus etiam ex duabus præmissis de fide oritur ab intellectu ut naturali potentia operante naturaliter, quia oritur tantum à iudicio, quod intellectus credentis, seu habentis fidem, format de bonitate consequentiæ rei reuelatæ, vel ad ipsam reuelationem Dei, vel ad medium ab illo reuelatum in tali discursu; iudicare autem de tali bonitate, propriè est intellectus ut operantis naturaliter, quemadmodum patet ex dialectica; etsi præsuppositiue fidem habeat, illa tamè, nec illius motiuo vitur ad formandum tale iudicium. Neque enim dici potest istam bonitatem consequentiæ, & connexionem rei reuelatæ, vel cum ipsa reuelatione, vel cum alio medio reuelato, cognosci per fidem diuinam, quæ illam ostendit.

ostendat, & demonstret. Hoc inquam, asseri non potest, quia est contra experientiam, & si ita esset, talis bonitas consequentia esset de fide; nam, quidquid diuina fide cognoscimus, est de fide: at negare talem consequentiam præcise consideratam in ratione consequentia syllogistica, non est propriè & rigorosè loquendo hereticum, sicut nec ignorare formam syllogizandi est aliquod peccatum contra fidem, vel aliquod præceptum eius. Quid autem sit dicendum in casu quo Deus non solum reuelaret ambas præmissas, sed etiam bonitatem consequentia, & ipsammet deductionem, an tunc saltem talis discursus, vel conclusio sic deducta pertineret ad fidem, explicabitur in fine huius capitis.

Per quæ satis patet ad rationem dubitandi superius allatam; non enim negamus conclusionem deductam ex duabus reuelatis esse etiam aliquando reuelatam, atque adeò de fide credendam; sed tantum asserimus ad illam non pertinere præcisè secundum quod est deducta, sed ad habitum Theologiæ. Nulum enim est inconueniens, & hoc etiã potest habere rationem quartæ probationis pro nostra conclusione, quod una, & eadem propositio materialis, sub diuersis tamen rationibus & motiuis ad diuersos etiam habitus pertinere possit, ut satis patet in hac propositione, *Terra est rotunda*, quæ ut demonstrabilis per medium Mathematicum, ad Mathematicas spectat disciplinas, ut verò per physicum motus grauis ad centrum, ad Physicas. Diligenter igitur distinguendæ sunt duæ rationes formales; quibus intellectus mouetur ad iudicium eiusdem propositionis materialis, v.g. *filium Dei redemisse homines*. Altera, quia hoc dixit Deus, qui nec falli, nec fallere potest, & hoc est iudicium fidei, cuius est credere, vel assensum elicere purè & simpliciter quia Deus reuelauit, ita ut inter ipsum assensum diuinæ fidei & reuelationem diuinam seu auctoritatem Dei nihil mediæ, sed noster intellectus feratur immediatè in rem reuelatam, & re-

uelationem diuinam simul; in hanc, ut in obiectum quo, in istam ut obiectum quod: Altera quia hoc sequitur ex præmissis à Deo reuelatis tanquam effectus à causa. & hoc est iudicium Theologiæ ut distinctæ à fide; ut enim primum illud motuum nihil aliud includit præter ipsam diuinam reuelationem præcisè; ita secundum includit determinatam aliquam connexionem conclusionis cum præmissis reuelatis, vel subiecti, & prædicati cum medio. termino in præmissis reuelatis; quæ connexio est quid distinctum à Deo, eiusque reuelatione formali; & est ratio formalis sub qua Theologiæ, prout est habitus realiter à fide distinctus.

Sed inquit aliquis verum, si Deus non solum reuelaret præmissas, sed etiã bonitatem consequentia, & ipsammet deductionem, tunc saltem conclusio ut deducta spectaret ad fidem, & non ad Theologiæ. Respondetur adhuc in illo casu conclusionem ut deductam esse propriè Theologicam, quia tunc etiã assensus conclusionis immediatè deperderet à re reuelata, tanquam à formali, & adequato motiui assentiendi, & non ab autoritate primæ veritatis reuelantis, à qua formaliter & immediatè pendere debet veritas ac proprius fidei assensus. Aliud igitur est aliquem assentiri conclusioni, quia ipsa immediatè reuelata est à Deo. Aliud, quia inferitur per deductionem reuelatam à Deo; in primo enim assensu reuelatio Dei præcisè est tota ratio assentiendi, & ideo est verus actus fidei: in secundo autem reuelatio Dei est solum quedam remota assentiendi ratio, quæ non mouet proxime ad assentiendum, nisi applicata rebus, & præmissis reuelatis, & deductioni reuelatæ. Quapropter quemadmodum ex superioribus dictis iuxta communiorum Theologorum sententiam, dependentia conclusionis à præmissis reuelatis non facit conclusionem esse de fide, ita neque dependentia conclusionis à deductione reuelata: nunquam igitur conclusio deducta, quatenus deducta forma-

maliter, & reduplicatiue, esse potest de fide: quia sic semper reduplicat rationem formalem deductionis, quæ neque est reuelatio, neque authoritas Dei reuelantis, in qua per se & præcise spectata consistit motuum formale diuinæ fidei, vnde actus ab illa formaliter pendens nunquā esse potest fidei, sed Theologiæ tantum, quæ etiam nititur reuelationi, non quidem formali, aut immediatè cadenti supra conclusionem, vt nititur fides, sed supra causas conclusionis, id est, supra præmissas, & supra bonitatem consequentiæ, quod est tantum reuelatio quædam virtualis.

Confirmatur hoc, quia eo ipso quod assensus diuinæ fidei, est actus virtutis Theologalis, est contra rationem illius vt terminetur immediatè & formaliter ad aliud præterquam ad Deum; sed deductio, siue bonitas consequentiæ reuelata in aliquo discursu ex vtraque etiam præmissa reuelata constante, est aliquid distinctum ab ipso Deo prima veritate in dicendo, & ab auctoritate Dei, sicut & ipsa connexio extremorum cum medio in præmissis facta, si velimus loqui formaliter & præcise; ergo impossibile est, quod assensus circa illa versans, aut melius per illa regulatus, in ordine ad aliquam conclusionem inferendam, sit actus verus ac proprius diuinæ fidei, sed tantum præsuppositiuè.

## CAPVT IV.

*An Theologia procedere possit ex vna præmissa diuinitus testata, & alia naturaliter euidente.*

**I**N toto sacræ Theologiæ decursu reperiuntur multi discursus, multæque demonstrationes, in quarum præmissis vna propositio certa, naturæque lumine perspicua iungitur alteri diuinitus reuelatæ, vel testatæ. V. g. *Omnis homo est risibilis, Christus est homo, ergo Christus est risibilis.* Vel *omnis homo habet voluntatem humanam: Christus est homo, ergo Christus habet voluntatem huma-*

*nam.* Difficultas est an eiusmodi discursus, conclusionesque per illos deductæ sint verè ac propriè Theologiæ. Pro cuius resolutione.

Primo dico, propositionem certam naturalique tantum lumine manifestam, etiam dum alteri diuinitus reuelatæ in eodem syllogismo iungitur, non esse proprium aut insecum, sed assumptum dumtaxat & extraneū Theologiæ conclusionis principium: in hoc conuenire debent omnes Theologi; siquidem eiusmodi propositiones ab naturalibus disciplinis tanquàm ab ancillis cō mutatur regina scientiarum Theologia, vt conclusionem aliquam, quæ in supernaturali fidei veritate implicite reuelata est, deducat, ipsumque implicitum de eā testimonium intellectui admoueatur. Quæ ex veritate illam elicere, nisi ascita, vel aduocata aliqua propositione naturaliter euidente, non potest, propterea quod in illa, nisi tali propositione supposita, minime includatur, vt satis patet in exemplis superius allatis, & innumeris alijs similibus: Hæc enim conclusio, *Christus habet voluntatem humanam*, ex hoc significato diuinitus dogmate, *Christus est homo*, nisi aduocata hac propositione, naturæ lumine perspicua, *omnis homo habet voluntatem*, deduci vel inferri non potest, quia in illo non nisi supposita hac propositione, continetur.

Secundò dico propositionem certā, naturalique lumine euidentem, quæ alteri diuinitus reuelatæ in eodem syllogismo coniungitur, ita diuinum intellectui admouere, vel applicare testimonium, vt non mera sit conditio, sine qua intellectus Theologiæ conclusioni non assentiretur propter reuelatam diuinitus præmissam, sed vera etiam causa, quæ in conclusionem efficienter influat. Probatur quia quod mouet intellectum ad assentiendū conclusioni deductæ ex vna præmissa de fide, & altera naturaliter euidente, sola non est connexio medij termini cum præmissæ vnus extremus, eius scilicet quæ diuinitus reuelata est; sed copulatio medij ibidem termini

ni cum alterius etiam præmiſſæ extre-  
mo, eiufdemque idonea cum vtraque  
diſpoſitio; vt ſatis patet à pari omnium  
aliorum diſcurſuum, in quibus quod nos  
mouet ad aſſentiendum conſiſſioni, ſiue  
quod idem eſt, ad aſſentiendum præ-  
miſſarum extrema legitimè eſſe inter ſe  
coniuncta in conſiſſione, eſſe non pò-  
teſt ſola extrema alterius cū medio ter-  
mino coniunctio, ſed ſit oportet vtriuf-  
que cum eodem in præmiſſis apta com-  
binatio. Sed medij termini copulatio  
cum vtroque præmiſſarū extremo, præ-  
miſſa vna contineri non poteſt, cum  
neutra præmiſſarum vtrumque comple-  
ctatur extremum. Cauſa igitur cur in-  
tellectus adhereſcat firmūque præbeat  
aſſenſum conſiſſioni ſyllogiſmi duabus  
ex præmiſſis conſtantis, alteram quarum  
fides, alteram naturalis ratio docet, ſola  
non eſt præmiſſa diuinitus reuelata;  
ſed vtraque, tum ea cuius fides, tum  
ea cuius ratio nos reddit certiores.

Tertiò dico, diſcurſus illos, quorum  
altera præmiſſa, ſit reuelata, altera na-  
turaliter euidens, eſſe verè ac propriè  
Theologicos, non æquè licet perfectè,  
atque illi, quos ſuperiori capite diximus  
ex duplici diuinæ fidei aſſenſu dimanare.  
Ita D. Thomas 1. par. q. 1. art. 8. ad 2.  
dicens: *Vtitur Sacra Doctrina etiam ra-  
tione humana, id eſt, non quidem ad pro-  
bandum fidem; ſed ad manifeftrandum ali-  
qua alia, quæ traduntur in hac doctrina.*  
Et 2. contra Gentes cap. 4. *Interdum ex  
principijs Philoſophiæ humana ſapientia  
diuina procedit.* Probatur primò, quia  
huius generis diſcurſus, illaſque per  
illos conſiſſiones alia nulla ſibi vendi-  
cat diſciplina, vt potè certas & obſcu-  
ras. Secundò, quia vt conſiſſio aliqua  
ad Theologiā pertineat, ſitque genui-  
nus illius partus, ſatis eſt mouentem,  
qua nititur, rationem eſſe ex parte à Deo  
confirmatā. Alioquin nulla foret Theo-  
logica propriè conſiſſio, cū etiam in  
diſcurſibus ex vtraque præmiſſa reuela-  
ta conſtantibus, cuiſlibet aptæ, ac legi-  
timæ conſequentiæ, quam ſolum natu-  
ræ lumen manifeftat, veluti parti mo-

uentis rationis innitatur; de quo vide,  
dicta ſuperiori libro ſect. 2. cap. 5. & ſect.  
4. cap. 3.

Tertiò probant aliqui, quia conclu-  
ſio deducta ex vna præmiſſa de fide, &  
altera naturaliter euidēte ſemper eſt vir-  
tualiter reuelata; ergò ſemper eſt verè a c  
propriè conſiſſio Theologica. Pate t  
conſequentia, quia de ratione Theolo-  
giæ eſt; quod procedat ſub lumine vir-  
tualis reuelationis; vt ſuperiori libro  
ſect. 2. fuſius explicuimus. Probatur an-  
tecedens in quo eſt difficultas, nam mo-  
tuum formale aſſentiendi conſiſſioni,  
ex quo aſſenſus habet formaliter vt ſit  
huius, vel illius habitus, ac ſpecificus, non  
ſunt præmiſſæ quomodolibet conſidera-  
ta; ſed eſt connexio illa, quam in præ-  
miſſis duo extrema habent cum medio  
termino; hinc enim formaliter deduci-  
tur conſiſſio, id eſt, coniunctio extre-  
morum inter ſe; At quando vna præmiſ-  
ſa eſt reuelata, & alia naturaliter euidens  
ſemper neceſſario extrema non ſolum  
in præmiſſa reuelata, ſed etiam in præ-  
miſſa euidente habent cum medio con-  
iunctionem reuelatam, non euidētem;  
idque ex vi reuelationis factæ explicite  
de vna ſolum præmiſſa: qui enim explicite  
reuelat aliquam propoſitionem, cē-  
ſetur virtualiter, & implicite reuelare  
omnia, quæ cum illius propoſitionis  
terminis, id eſt, ſubiecto, & prædicato  
neceſſariam habent connexionem, alio-  
quin non conſtaret ſubſtantia, ac pro-  
prietas terminorum reuelatorum, nec  
conſequenter veritas propoſitionis reue-  
latæ, v.g. reuelans, omnem hominem  
eſſe redemptum à Chriſto, reuelat vir-  
tualiter & implicite, Petrum, Paulum,  
& quemlibet alium particularem homi-  
nem exiſtētem fuiſſe à Chriſto redem-  
ptum, alioqui illa reuelatio facta de  
omni homine eſſet falſa ſi vnus aliquis  
homo daretur non redemptus à Chriſto:  
Ergò conſiſſio deducta ex vna præmiſ-  
ſa de fide, & altera naturaliter euidēte  
ſemper eſt virtualiter reuelata; cum ſic  
procedat ex vnico formali motivo con-  
iunctionis reuelatæ duorum extremorū  
cum

R cum

cum medio termino, arguaturque ex illo coniunctio eorundem extremorum inter se in ipsa.

Verum hæc ratio non placet aliquibus, putantque sufficienter ex eo reuinci, quod in exemplo adducto, *Omnis homo est redemptus à Christo. Petrus est homo, ergo Petrus est redemptus à Christo*, etiam si subiectum minoris propositionis, *Petrus*, implicite includatur in subiecto maioris propositionis, *Omnis homo*, qui medius est terminus totius allati syllogismi, non idcirco tamen propositio minor, *Petrus est homo*, in maiore, *Omnis homo est redemptus à Christo*, virtualiter aut implicite testata dicenda est, sed isthæc, *Petrus à Christo redemptus est*, cum hæc, non illa, in ea implicite contineatur.

Attamen hæc solutio, vel instantia, non videtur enervare vim argumenti, in eo enim non intenditur, quod propositio minor exempli adducti sit virtualiter reuelata, sed solum quod extremum illius Petrus virtualiter contineatur sub illo extremo, maioris propositionis, *omnis homo*, de quo eo ipso, quod per fidem enuntiatur immediate, quod sit à Christo redemptus, atque adeo quod habet connexionem formaliter reuelatam cum tali prædicato, potest idem dici de Petro, virtualiter in illo contento. Quare idem Petrus sub diuersa ratione, habet eam medio coniunctionem euidentem, & ineuidentem: nam quatenus contentus in minori illa euidente habet coniunctionem euidentem, quatenus verò explicatus contineri implicite in subiecto maioris reuelate, in quam explanationem tantum insiuit præmissæ naturalis euidentia, habet coniunctionem reuelatam & ineuidentem.

Melior igitur instantia, quæ contra dictam rationem posset fieri, est, quod valeat tantum, quando in syllogismo Theologico ex vna præmissa de fide, & altera naturaliter euidente, præmissa de fide est vniuersalis, præmissa verò naturaliter euidens particularis vt in exemplo adducto, secus autem quan-

dò præmissa de fide est particularis, naturaliter verò euidens vniuersalis, vt si dicatur, *Omnis homo est risibilis, Christus est homo, ergo Christus est risibilis*; ceterum nullum sit inconueniens quod assensus, vel propositio naturalis in supernaturali, ac singularis in vniuersali eminenter contineatur, secus tamen de naturali, vel particulari respectu supernaturalis, & vniuersalis.

## CAPVT V.

*Vtrum Theologia procedere possit ex vtraque præmissa naturaliter euidente, præsuppositis tantum articulis fidei, vt conditione extrinseca.*

**P**RO difficultatis intelligentia notandum est intellectum creatum dupliciter posse vt lumine fidei: vel ita, vt ex principiis reuelatis, & ex alijs lumine naturæ notis deducat conclusionem, vt superiori capite dictum fuit, vel ita, vt lumine fidei tantum excitetur, ad vtendum principiis naturalibus non verò reuelatis in ordine ad aliquam conclusionem colligendam, debium est an talis conclusio sit verè, ac propriè Theologica. Affirmatiuam partem tenent Durandus q. 1. Prologi, Aurcolus ibidem, & Toletanus q. 2. art. 3. concl. 4.

Nihilominus tamen dicendum est assensum procedentem ex vtraque euidenti naturali, præsuppositis articulis fidei, vt conditione extrinseca, non esse verè Theologicum. Probatur, ille assensus, solum est verè Theologicus, qui procedit sub formali motiuo Theologiæ; Si quidem assensus discursiui non sumunt suam specificationem, & consequenter essentialiam ab alijs distinctionem ex obiecto materialis conclusionis, sed ab obiecto formali tantum, aut motiuo; sed assensus procedens ex vtraque præmissa naturaliter euidente, præsuppositis articulis fidei, vt conditione extrinseca, non procedit sub formali motiuo

tuo Theologiæ, ergò non est assensus verè Theologicus. Maior est certa. Probatu minor, quia motium formale, seu ratio formalis sub qua Theologiæ, pro vt est habitus à cæteris distinctus, est reuelatio virtualis; sed reuelatio virtualis non potest stare per hoc quod articulus fidei ingrediatur demonstrationem, vt suppositio merè extrinseca, & per accedens, sed vt suppositio intrinseca, hoc est, vt demonstrationis præmissa, ac principium per se influens in veritatem conclusionis; arguimus enim passionem conuenire subiecto, ex eo quod huic conueniat ratio, propter quam habetur illa passio; ergò: vidè dicta superiori libro sect. 2. cap. 5.

Obijcies, ad Theologum spectat ita arguere, *Omne animal rationale est risibile, Christus est animal rationale; ergò Christus est risibilis*; sed in hoc discursu nulla est propositio reuelata, ergò ad discursum Theologicum, licet debeat præsupponi fides, non tamen videtur requiri quod semper procedat ex aliqua præmissa reuelata.

Respondetur 1. ex suppositione, quod in syllogismo facto nulla esset præmissa de fide, non pertinere verè, seu elicitiuè, sed reductiuè tantum, aut imperatiuè ad Theologiam; quatenus ratio naturalis lumine fidei, ac Theologiæ semel excitata potest adinuenire aliquas rationes & coniecturas, quibus utcumque probet, & explicet, veritates fidei, conclusionesque ex illis deductas non esse dissonas eidem rationi naturali, sed cum illa suo modo congruere, vt in propria vniuscuiusque materia ostendi solet.

Respondetur 2. concedendo maiorem, & distinguendo minorem, nulla est propositio immediatè reuelata, transeat, mediatè nego; minor enim illa, *Christus est animal rationale* pendet ab ista immediatè reuelata, *Christus est homo*, cuiusque veritati per se innititur, in eamque per se resoluitur. Vnde sicut in scientijs naturalibus non est semper necessarium vt conclusio scientifica sit im-

mediatè deducta, ex primis principijs per se notis, sed satis si deducatur ex alijs propositionibus in illa immediatè resoluilibus, siue, quæ per veras, ac primas suæ cognitionis principium sumferunt, vt communiter docent Philosophi ex Aristotele 1. Topic. cap. 1. ita ad conclusionem verè, ac propriè Theologicā nõ requiritur præmissas esse in se immediatè reuelatas, sed sufficit quod ex immediatè reuelatis necessario deducantur.

## CAPUT VI.

*Vtrum Theologia procedere possit ex vna præmissa reuelata, & alia probabili, vel etiam falsa, prudenter tamen & bona fide estimata dininitus reuelata.*

**Q**Uod pertinet ad primam huius dubij partè est communis Theologorum sententia, quod discursus ille, qui constat vna tantum præmissa reuelata, & alia probabili, non sit verè, ac propriè Theologicus, v. g. *Omnis homo habet vnā tantum formam substantialem Christus est homo, ergò Christus habet vnā tantum formam substantialem.*

Ratio fundamentalis est, quia nomine Theologiæ, sicut Metaphysicæ, Mathematicæ, & Physicæ, intelligitur propriè habitus aliquis verus, ac certus ita vt id, ad quod inclinatur, sit ita verum vt non possit esse falsum, saltem pro eo tempore, & modo, quo ad illud inclinatur. At discursus constans vna tantum præmissa reuelata, & alia probabili non est certus, & infallibilis; sed opinatiuus ac fallibilis, cui consequenter potest subesse falsum; ergò non est Theologicus perfectè, ac per se; sed imperfectè tantum, ac reductiuè sicut superiori libro sect. 2. cap. 5. adnotauimus, quia etsi non procedat certò & infallibiliter ex reuelatis, nec nitatur reuelatione certò & infallibiliter applicata, qui est proprius, & perfectus procedendi modus Sacre Theologiæ, tamen procedit simpliciter ex reuelatis; licet modo aliquo imperfe-

Acto, nimirum cum incertitudine veritatis, & formidine falsitatis ut statim explicabitur in probatione minoris argumenti; quemadmodum, ob hunc eundem defectum, discursus opinativus physicus, & Metaphysicus, procedens ex principiis probabiliter tantum applicatis ex confortio alicuius præmissæ probabilis, non pertinet verè, & propriè ad Physicam, aut Metaphysicam, sed reduciuntur tantum.

Minor igitur, in qua versatur totum difficultatis pondus, probatur quia ratio quæ inducit ad assentiendum conclusioni omnino certæ, atque adeò Theologicæ, medijs termini connexio est, non cum altero, sed cum utroque extremo, eiusdemque non cum altero, sed cum utroque apta dispositio, & combinatio: quo fit, ut quæ propositionum extrema, nonnisi probabiliter, & opinativè cum medio termino in præmissis coniunctæ sunt, eadem inter se necessario in conclusione coherere non possint, siue quod idem est, movere intellectum ad inferendam ex illis certam, & infallibilem connexionem, sed in discursu habente, unam aliquam præmissam, probabilem tantum, & alteram revelatam, earum extrema, nonnisi probabiliter, & opinativè coniunguntur cum medio termino, ergò discursus ex illis procedens non potest esse certus, & infallibilis, sed probabilis tantum, & opinativus, bonum enim ex integra causa, malum verò ex quocumque defectu.

Quantum ad secundam dubij partem, eius solutio aliquomodo pendet ex illa difficultate, quæ in materia de fide agitari solet, utrum revelatio falsa prudenter tamen, & bona fide æstimata divina, possit esse formalis ratio sufficiens ad credendum fide infusa; si enim semel est vera pars affirmativa, non apparet: quomodo ex præmissa sic credita, non possit non procedere discursus Theologicus. Verum quia longè probabilius est, quod sola illa revelatio quæ verè & re ipsa est divina, sit sufficiens ad credendum fide supernaturalem, & infusam; ea-

verò revelatio, quæ tantummodò est divinationem, nec iuxta veritatem rei est divina, sit ad id insufficiens; ideò asserendum est Theologiam procedere non posse verè ac propriè ex præmissa falsa, quantumvis prudenter, & bona fide æstimata divinitus revelata.

Probatur, quia in tantum cum aliqua probabilitate posset asseri quod talis præmissa esset verum ac proprium Theologicæ demonstrationis principium, in quantum revelatio falsa, prudenter tamen & bona fide æstimata divina, posset esse formalis ratio sufficiens ad credendum fide infusa; sed hoc est impossibile, ergò &c. Probatur minor, in tantum aliqua revelatio est sufficiens ad credendum aliquid fide divina, in quantum est, vel participat formale motium propriè sumptum fidei infusæ, seu supernaturalis, quia nihil potest movere potentiam ad operandum sub hac speciali, & determinata ratione, hac & ista specie, nisi in quantum tale movens informatur proprio motivo, seu formali ratione huius & istius determinatæ speciei, cum ex communi doctorum consensu tam actus, quam habitus specificentur, seu habeant quod sint huius vel istius speciei, ab ipsa formali ratione, qua testantur in objecta: sed sola revelatio verè & propriè divina, seu quæ à parte rei secundum rei veritatem est talis, est formale motium fidei infusæ, revelatio autem, quæ bona fide & prudenter æstimatur divina, non est verè de facto, & à parte rei divina; siquidem esse divinum in aliqua revelatione non pendet ab estimatione, vel apprehensione intellectus nostri, sed ab ipsa intrinseca, & propria entitate, atque conditione revelationis, ut satis ex terminis ipsis patet: igitur sola revelatio verè, propriè, de facto, & secundum rei veritatem divina, est sufficiens ad credendum aliquid fide divina, non autem ea quæ bona fide & prudenter æstimatur divina, qualis tamen, non est.

Confirmatur primò, ea tantum revelatio



latio ad credendum aliquid fide diuina, est sufficiens, cui falsum nulla penitus ratione subesse potest, vt docet Concilium Tridentinum, quando sefs. 6. cap. 9. condemnat inanem fiduciam Hæreticorum nostri temporis credentium se esse iustificatos, ita enim loquitur, *Cum nullus scire valeat certitudine fidei, cui non potest subesse falsum, se gratiam esse consecutum*; atqui sola illa reuelatio quæ propriè & iuxta rei veritatem est diuina, talis est cui nullum potest subesse falsum, vt satis ex se patet, tunc enim hæc diuina reuelatio non esset amplius primæ veritatis in testificando, cum tali veritati repugnet testificari falsum, vt suppono tanquam rem certissimam; igitur sola illa reuelatio, quæ propriè, & secundum rei veritatem est diuina, nullaque præter illam alia, est sufficiens ad credendum aliquid fide diuina infusa, seu supernaturali.

Confirmatur secundo, nam ea reuelatio ad credendum fide supernaturali non est sufficiens, de qua licet dubitare, & cui denegare assensum non est hæreticum, quia reuelatio, cui fides supernaturalis innititur, est certissima; sed contra periculum hæresis licet dubitare, vel etiam denegare assensum reuelationi, quæ propriè non est diuina, sed solummodo æstimatur bona fide & prudenter esse diuina. Si quidem in statim citata Concilij Tridentini sessione Canon 16. definitur neminem absoluta & infallibili

certitudine posse asserere se certò habiturum donum persenerantiæ, nisi id ex speciali didicerit reuelatione; vbi Concilium per specialem reuelationem intelligit eam, quæ propriè & in rei veritate est diuina, & proindè significat, extra specialem hanc reuelationem, posse mentò dubitari, de quacumque alia reuelatione; igitur ea reuelatio, quæ secundum rei veritatem non est diuina, sed secundum prudentem tantum credentis persuasionem, non est sufficiens ad aliquid credendum fide supernaturali & infusa.

Nec refert, quod tale obiectum bona fide & prudenter æstimetur esse sufficiens, hoc, inquam, non refert; nam dato non tamen concessio, quod ita sit, indè tantum sequitur eum, qui sic iudicat, & cui sit talis propositio, teneri ad tentandum, seu conandum elicere talem assensum circa tale obiectum, cum hoc vtrumque apprehendat implicitè vt sic possibile, non tamen inde sequitur, assensum hunc circa tale obiectum fore de facto & re ipsa fidei supernaturalis, quia nemo potest obligari ad impossibile, at elicere talem assensum circa tale obiectum est omnino impossibile, cum sit extra latitudinè obiecti formalis, supernaturalis fidei, quæ est sola reuelatio verè, & propriè diuina, extra quam habitus ipse fidei, vel aliquis eius actus non potest sese extendere; sed de his fufius in tract. de fide 2.2. ad quæst. 1. art. 3.



## SECTIO QVARTA

De locis in genere vnde Theologia Scholastica, seu disputatrix sua depromit argumenta, & probationes.

## CAPVT PRIMVM.

*An sit, quid sit, & quotuplex sit locus Theologicus.*



VM ex dictis in toto huius operis decursu sacra Theologia non solum sit declaratiua scripturæ, & articulorum fidei, siue explicando tantum, quid nominis, id est tradendo significationem vocum, & vocalis orationis, siue explicando etiam quid rei, id est, res ipsas earumque veritates vocibus significatas, sed etiam verus, imo perfectissimus habitus scientificus inclinans intellectum, vt per assensum vel dissensum adhereat alicui veritati deductæ; nemini sanè dubium esse potest, quin etiam sacra Theologia suos habeat locos, hoc est, certas quasdam argumentorum sedes, vnde ad suas conclusiones probandas possit procedere; quemadmodum Aristoteles in Topicis communes locos stabilivit ex quibus in omnibus alijs scientijs argumentatio ad omnem disputationem inueniretur.

Itaque quod ad secundam huius capitis partem spectat, locos Theologicos appellamus in præfenti certas quasdam veluti sedes, seu promptuariâ, aut thesauros, in quibus continentur media, quibus vt possunt, ac solent Theologorum ad disputationem, tum ad rerum Theologiæ subiectarum confirmationem; quæ media dicantur etiam argumenta, quia ex illis procedunt omnes discursus, aut argumentationes Theologiæ. Ne-

que enim modo de ijs locis communibus est sermo, qui vnaquaque de re tractari solent: an videlicet res aliqua sit, quid sit, quotuplex sit, qualis sit, aut propter quem finem. Neque præterea locorum communium nomine hoc loco intelligimus materias ipsas, aut præcipua quedam rerum illustrium capita, veluti de Deo vno, de Trinitate, de fide, de gratia alijsque huiusmodi, quæ potius ad ordinem, ac methodum tradendæ doctrinæ pertinent, quam sint id, vnde Theologi suas argumentationes siue ad confirmandum, siue ad refellendum eruant, atque depromant.

Circa numerum autem huiusmodi locorum Theologicorum, varia sunt Doctorum placita: numerant enim aliqui duodecim, alij decem, alij septem, alij denique plures, vel pauciores, pro vt magis, vel minus has argumentorum sedes variè distinguunt, omnes tamen ipsa coincidunt in idem. Et quidem D. Thomas 1. p. q. 1. artic. 8. ad 2. quatuor tantum recensuit. Primus locus est ab authoritate diuina media reuelatione facta Prophetis & Apostolis, seu principibus Ecclesiæ, secundus ex ratione humana, tertius ab authoritate doctorum Ecclesiæ, quartus ab authoritate philosophorum.

Prima tamen, & vniuersalissima loci Theologici diuisio potest esse in extrinsecum, & intrinsecum, quia reducitur ad

ad terminos aliquo modo contradictorios: nam vel est intra res, & est ratio, quia inest ipsis rebus, vel non est intra, sed extra, & est autoritas, quia autoritas dicentis est extrinseca rebus dictis; quæ autoritas cum sit vel diuina, vel humana, sequitur alia diuisio, qua locus Theologicus dicitur proprius & ex proprijs, quando videlicet autoritas non solum pertinet ad materiam Theologicam, sed etiam annexam habet formalem Theologiæ rationem, quæ est diuina reuelatio modo suo loco explicato. Alius verò locus est ex proprijs, sed non proprius, quia licet contineat materiam aliquam Theologicam, non tamen habet certitudinem Theologicam quæ provenit ex sola autoritate diuina; talis est præcise SS. Patrum, doctorumque Scholasticorum, & Canonistarum autoritas.

Tertius tandem, & ultimus locus dici potest extraneus, siue ab extraneis, quia nihil ex his duobus habet, sed fundatur in sola ratione naturali, vel Philosophorum autoritate, qui solo rationis naturalis ductu, ac lumine veritatem agnouerunt; unde solum habet ex se facere argumentum probabile, pertinetque ad Theologiam veluti per accedens, ratione finis, & applicationis, quatenus ad obiectum supernaturale refertur, & ordinatur.

Sic igitur attenta probationum certitudine, quinque tantum locos Theologicos, siue argumentorum Theologorum sedes deberemus distinguere, sanctam videlicet scripturam, sacras Traditiones, Ecclesiæ, Summorum Pontificum, & Conciliorum autoritatem. Verum quia plura possunt esse media probandi aliquam rem; certè & infallibiliter absolute, infallibiliter moraliter, & probabiliter tantum, ideo communiter decem enumerari solent hoc ordine. Ut primus sit ab autoritate sacræ scripturæ, secundus sacrarum traditionum; tertius ex consensu totius Ecclesiæ Catholicæ in aliquam rem tanquam in fidei dogma; quartus ex Concilijs tam-

uniuersalibus, quæ particularibus; quintus ex decretis Summorum Pontificum; sextus ab autoritate Sanctorum, ac veterum Patrum; septimus Theologorum Scholasticorum, ac iuris Pontificij, seu canonici doctorum; octauus ex ratione naturali per omnia scientiarum naturalium genera latissimè parenti; nonus ex dictis ac sententijs Philosophorum, qui naturam ducem secuti sunt, nec non etiam iuris ciuilis peritorum, qui veram & ipsi Philosophiam moralem profiteri contendunt; decimus tandem ex historia humana, siue Ecclesiastica siue prophana extra diuinas scripturas contenta. In his itaque decem locis argumenta omnia Theologica delitescunt, atque ex illis, discrimine tamen inferius explicando, sunt eruenda.

## CAPVT II.

### *Quomodo sint ordinandi loci Theologici.*

Cum ex dictis superiori capite loci Theologici nihil sint aliud, quàm distinctæ quædam sedes, seu thesauri, quibus continentur, vel cõseruantur varia argumenta theologica apta ad aliquo modo probandum conclusiones Theologicas; nihil aliud etiam erit ex sacræ Theologiæ præscripto locos Theologicos ordinare, quàm ostendere, & explicare, quain respectu huius finis, suarum videlicet conclusionum probandarum, inter se dispositionem debeant habere, ac seruare: ordo enim est parium, dispariumque rerum, sua quibusque loca tribuens dispositio.

Quia igitur sacræ doctrinæ, seu Theologiæ principia per diuinam habentur reuelationem; locus maxime proprius, atque adeò primus in illa faciens necessariam, & infallibilem ex se probationem, erit locus ab autoritate diuina fundatus in solo Dei verbo tam scripto, quam tradito, Ecclesiæ, Pontificum, & Conciliorum Generalium decretis; cum hoc tamen discrimine quod duo primi loci

se habent in Theologia tanquam forma ipsa, & regula circa res fidei, conclusionesque ex illis deductas; alij verò tres tanquam iudex, à quo discernitur quid sit de fide tenendum, vel non, eo quod Ecclesia vniuersalis, Pontifices suprema illius capita, Concilia generalia legitime congregata illam representantia potestatem habeant, non quidem faciendi vt res in se sint de fide, aut ad illam pertineant, vt fati ex se patet, sed infallibiliter determinandi, vel proponendi quo ad nos res ad fidem spectantes.

Deindè subsequuntur sextus, & septimus ab autoritate Patrum, & Scholasticorum, iurisque Pontificij, seu canonici doctorum. Etsi enim huiusmodi loci secundum se præcisè considerati certam, ac irrefragabilem non faciant probationem, vt explicabitur sectione sequenti, quia tamen continent materiam sacre doctrinæ propriam, saltem debent ad illam pertinere, vt quid vnde probabiliter suas conclusiones confirmare possit; non quidem propriè, sed ex proprijs tantum procedendo. Nisi vnanimis esset illorum consensus in aliquo tanquam in vero fidei dogmate, tunc enim vt dicemus loco statim citato, eorum autoritas certum, & irrefragabile Theologo subministraret arguendi, vel disputandi principium.

Ceteri tres se habent tanquam aliquid sacre doctrinæ prorsus extraneum, si historię Ecclesiasticæ scriptores exceperis; etsi enim inter autoritatem Patrum, Scholasticorumque ex vna parte, & Philosophorum ex alia possit esse cõuenientia in hoc, quod opinionem duntaxat generare possint in suo genere magis, ac minus probabilem; quia tamen puri Philosophi tractant solum de rebus naturalibus, quæ supernaturalibus ac Theologicis simpliciter sunt extraneæ; hinc etiam argumentum ab eorum autoritate desumptum in ordine ad supernaturalia fidei nostræ mysteria probanda, vel explicanda dicitur extraneum.

Sic in locis Theologicis tres in vniuersum dari possunt ordines: Primus

eorum qui non solum sunt ex proprijs, sed etiam proprij. Secundus eorum qui sunt quidem ex proprijs ratione materiæ, sed non proprij defectu rationis formalis, quæ est diuina reuelatio. Tertius tandem est eorum, qui nec sunt ex proprijs, nec proprij, sed extranei, quod nec materiam, nec formam Theologicam continent. Restat modo examinare in particulari, quantam vnusquisque locus vim habeat ad conclusiones Theologicas probandas, quantaque in ijs firmitate niti debeant Theologi, cum is sit proprius ac præcipuus eorum vsus & scopus in sacra Theologia; quod accurate & diligenter in subsequenti sectione, nec non libro præstabitur; postquàm in reliquis huiusce capitulis explicuerimus, quid ad veram certamque probationem requiratur, & pertineat.

### C A P V T I I I.

*De vera probatione, & rebus ad illam pertinentibus.*

**C**Um probatio nihil sit aliud, quàm vnus cognitionis ex alia recta deductio, ad veritatem illius tria requiruntur: primò quod præmissæ sint veræ, secundò quod deductio, seu consequentia legitime fiat; tertio quod deducens cognoscat tum veritatem præmissarum, tum consequentiæ bonitatem. Triplicè autem in præmissis distinguere possumus veritatem, in essendo, in cognoscendo, & in significando, secundum quod tripliciter sumi possunt, vel obiectiue pro rebus ipsis significatis, vel formaliter pro actibus intellectus circa illas versantibus, vel denique significatiue pro vocibus vtrumque significantibus; veritas enim vt suppono ex Metaphysica est quoddam genus analogum ad hæc tria, nempe ens, intellectum seu illius cognitionem, & orationem. Vnde etiam hæc tria rectè subiectum, seu causa materialis, in qua veritas posita est, ab aliquibus appellantur. Quemadmodum enim materia albedinis est, omne quod dici-

tur

tur album; ita materia, seu subiectum veritatis est illud, quod per se dicitur verum, qualia sunt tria prædicta: Ens enim dicitur verum; cognitio vera; & & oratio vera.

Quod pertinet ad causam formalem, seu veritatis formam in eo consistit, quod sit ratio quedam manifestatiua eius quod est; in re quidem, seu obiecto veluti fundamentaliter; in intellectu formaliter; in oratione significatiue; sic *veritas* in re, seu obiecto dici potest: Ratio à parte rei manifestatiua eius, quod est; veluti aurum verum manifestat se esse tale; veritas in intellectu, quod sit ratio cognoscitiua eius, quod est; siue, quod idem est, quod veritas formalis per se consistat in adæquatione & conformitate iudicii, quod est conceptus formalis cum obiecto in re, non in adæquatione conceptus obiectiui cum re, licet hæc conformitas etiam sequatur ex priori: si enim semel conceptus formalis est conformis, etiam & obiectiui, qui est obiectum ipsum vt cognitum cum seipso vt est in re. Et ideo aliquando dicitur consistere veritatem in hac secunda conformitate, scilicet tanquam in consecuta, ad priorem in qua veritas formalis essentialiter consistit. Tandem veritas in oratione dicitur; ratio significatiua eius quod est.

Causa efficiens veritatis prima est Deus, qui omnibus supradictis dedit rationem illam manifestatiuam cum re manifestata perfecte concordantem, in qua statim diximus consistere formaliter veritatem: Causæ autem secundæ, vel immediatæ possunt esse, lumen ipsius intellectuale, & species; lumen enim deseruit ad manifestationem, quia vt docetur in libris de anima mediante lumine intellectus agentis species efformantur; ipse vero species rei similitudines sunt, & imagines illam representantes. Circa finem veritatis, quadruplex assignari potest; primus est respectu Dei, nimirum eius gloria; secundus respectu mundi, quoddam videlicet rerum inter se commercium, aut communicatio; ter-

*Bibliot. Theol. Tom. I.*

tius respectu intellectus, scilicet illius perfectio, veritas enim est obiectum illius, & cognitio, seu veritatis contemplatio, est vltima intellectus perfectio, ac felicitas; quartus tandem, & vltimus respectu voluntatis, est eiusdem perfectio, ac felicitas; cum enim vltima voluntatis beatitudo posita sit in possessione veri boni, & priuatione veri mali; sola autem veritas manifestet verum bonum, & verum malum; tunc est quod ipsa voluntati veram proponat felicitatem.

Præter allatam superius veritatis diuisionem, in obiectiuam, seu in essendo; formalem, seu in cognoscendo; & significatiuam, seu in significando; rursus veritas obiectiua alia est naturalis, & euidens; alia supernaturalis, & ineuidens pro præsentis statu: naturalis alia est Logica; alia Physica; alia Mathematica; alia Metaphysica; alia artificialis: demum iuxta esse, quod habent res, veritas ipsa diuidi, ac distingui potest; insuper respectu intellectus dicitur certa, & incerta; clara, vel obscura; facilis, vel difficilis; necessaria, vel contingens; probata, vel non probata.

Suas etiam proprietates habet veritas, aut verum. Prima est hæc. Veritati, seu vero omnia, quæ competunt, consona sunt; à falso autem cito discrepat verum; eo enim ipso quod veritas est manifestatiua rei sicuti est, debet illam manifestare cum omnibus suis circumstantiis; ita vt, si vna tantum sit falsa, tunc statim ab illa veritatem discordare necesse sit, quia non manifestatur res sicuti est. Secunda est, impossibile esse, quod veritas veritati contraria sit: si enim plures sint veritates; & vnaqueque manifestet esse quod est; id est manifestet esse, quod est, & non esse, quod non est; ergo conueniunt omnes in manifestando quod est; nec vna ponit contrarium eius, quod alia ponit: quia omnes ponunt esse quod est. Tertia proprietas est; sola falsitas est contraria veritati; patet, quia veritas dicit esse, quod est, non esse, quod non est; falsitas au-

S

tem

tem per oppositum dicit non esse, quod est, & esse quod non est : ergo contraria sunt. Quarta est hæc. Impossibile est, quod ex verò sequatur falsum ; ita omnes sapientes affirmant ; & in hoc fundatur demonstratio quæ ducit ad impossibile : Quinta est ex falso posse sequi verum ; non quasi præmissæ falsæ influant veritatem in conclusionem, sintque causæ talis veritatis ; cum impossibile sit, causam producere virtute propria effectum perfectiorem se ; sed sensus est, præmissas aliàs falsas posse sic disponi, vt ex ipsis sequatur consequens, quod aliunde est verum, & non propter ipsas præmissas ; vt sic dicatur, *Omne animal vivit, omnis planta est animal ; ergo omnis planta vivit* ; minor enim est falsæ, & tamen conclusio vera est, & sequitur ex præmissis. Sexta, veritas obiectiua vna est ; septima ex Aristotele lib. 1. periherm. cap. 8. in futuris contingentibus non est determinata veritas. Octava, veritas obiectiua semel determinatè vera, semper vera est : quod enim semel fuit verum, semper verum erit dicere ; quod fuit : veluti Adam peccavit ; Verbum diuinum assumpsit naturam humanam ; Christus mortuus fuit, Ecclesiam fundavit, semper verū erit dicere, quod ita fuit : idem de omnibus alijs.

Tandem ad veritatem à falsitate discernendam suæ non desunt regulæ ; primum enim loquendo de veritate formali, seu in cognoscendo, certissima regula est ad iudicandum an cognitio, habita de re vera sit, ipsa veritas obiectiua ; nam vera cognitio dicitur illa, in qua cognoscitur esse, quod est : igitur si ita est in re, sicuti eognitum est, cognitio erit vera, si non ita se habet in re, cognitio illa falsa erit. Huius regulæ vsus consistit in hoc, vt per sensum, & intellectum examinemus, an ita sit in re, sicut à nobis cognitum est. Hac regula vtitur sacra Theologia volendo probare, quænam sit vera Ecclesia, qui veri illius prælati ; quæ vera scriptura ; quod sacrificium, vel sacerdotium verum ; quæ sacramenta vera, & sic de alijs ; dili-

genter obseruat, & inquit, an hæc in Ecclesia Catholica, & nunc, & antè hæreticos reperiantur ; videntque dicta, semper in Ecclesia existisse, vt sensui patet, concludit veram esse Catholicam doctrinam, seu cognitionem, quia clare videt ita esse in re, sicut ab illa cognitū est. E contrà verò faciunt hæretici ; qui volentes omnia innouare, despiciunt antiquitatem ; noluntque obseruare quid sit in re ; clare enim vident Lutherani, & Caluinistæ, cæterique nostrorum temporum hæretici antè ipsos in Ecclesia, fuisse supremum Romani Pōtificis primatum ; sacrificium Missæ, septem Sacramenta, & alia ; vndè per definitionem falsæ eognitionis rectè probari potest, quod illi in errore falsæque cognitione versentur ; si enim illa cognitio est falsa, quæ aliter eognoscit quàm sit in re ; hæretici autem aliter sentiant de Ecclesia, ac est, & semper in se fuit ; Catholici vero non ; manifestè sequitur cognitionem hæreticorū, eorumque Theologiam esse falsam ; Catholicorum autem veram.

Secunda regula est Logica, hæc enim lib. prior. & poster. docet modum, vt verum, & falsum in cognitione discernatur. Tertia, ex vna parte examinare supradictas veritatis proprietates ; & ex alia cōsiderare an omnes dictæ proprietates in hæc, vel illa cognitione seu probatione reperiantur ; & illa erit vera, in qua sunt ; falsa in qua non sunt. Quæ etiam regula frequenter vtitur sacra Theologia in suis probationibus, aperitissimèque demonstrat doctrinam Catholicorum esse verissimam, hæreticorum autem falsissimam. Doctrina enim Catholica vna est ; antiqua, perpetua, & stabilis ; veritates Catholicæ in omnibus sibi ipsis consonæ sunt ; concordant etiā cum lege naturali ; cum scripta ; cum Evangelio ; cum sacris traditionibus ; cum antiquitate ; cum sensu ; cum Logica, cum Philosophia, & Metaphysica ; ita enim doctrina fidei est supra omnem humanam rationem, vt tamen nullo penitus modo sit contra illam ; con-

cor-

cordant insuper cum Sanctis Patribus, & Ecclesiæ doctoribus; cum Summorum Pontificum cōciliorumque decretis; denique cum vsu, & consuetudine etiam antiqua Ecclesiæ: quæ omnia longè absunt ab hæreticorum doctrina; vt fusius dicemus lib.4.

Quarta regula est diligenter inuestigare, quid de tali re, eiusque cognitione iudicent sapientes, qui magis insignes sunt, & quid de illa tota iudicauerit antiquitas. Quod in Ecclesia præcipuè locum habet; quæ semper à Spiritu Sancto iuxta infallibilem Christi Domini promissionem edocta fuit; vnde etiam hac regula vtitur sacra Theologia in suis probationibus examinando, quid doceat traditio, quid fenserint Concilia, Summi Pontifices supremi Ecclesiæ pastores, Sancti Patres, Doctores, Scriptores sacri; quid vsus, quid consuetudo, & antiquitas; valde enim absurdum est cogitare quod Spiritus Sanctus permiserit omnes sapientes ante Lutherum & Calvinum eorumque sequaces; per tot sæcula errare, & à vera cognitione deuiare. Contrarium faciunt hæretici, qui soli volunt esse iudices veritatis & veræ cognitionis; vnde illorum doctrina tanquam falsa, improbabilis, & inuetsimilis est reiicienda.

Loquendo modo de veritate obiectiua cuiusque rei, vnica ad illam cognoscendam regula, talis est, bonum esse ex integra causa, malum autem ex quocumque defectu; cuius regulæ sensus est, quod ad constituendam rem à parte rei veram, & bonam, necesse est; vt quatuor illius causæ, si tot habeat, in re veræ & completæ existant; ad constituendam vero rem malam, atque adeo falsam, sicut enim verum est quedam species boni, ita & falsum quedam species mali, sufficit, quod vna tantum illius causæ desit. Ratio est quia vnumquodque completè, vel adæquatè, hoc est tam intrinsecè, quam extrinsecè constituitur per quatuor suas causas, igitur nihil aliud est rem esse à parte rei completè bonam, & veram, quam habere

quatuor etiam causas; vnde qui examinat veritatem dictarum causarum, veritatem quoque rei ex illis cōstantis examinasse dicendus est. Regula autem ad examinandum, quandò causæ rei veræ, & bonæ sunt, talis esse potest, nimirum si in prima rei productione à producente rem constitutæ, atque determinatæ sunt; cùm enim causæ rei de completa illius ratione sint, & omne producens rem debeat substantialia illius in completa ratione determinare; manifestè sequitur, quod determinatio causarum à primo producente facta, sit regula certissima ad veras causas rei examinandas, & iudicandas; quæ enim rei iam constitutæ adueniunt, non tam substantialia, quàm accidentalialia sunt. Hinc etiam fit, quod mutatis semel causis, quæ à primo rei producente determinatæ sunt; ipsam rei substantiam mutatam esse necesse sit.

Hac regula vtitur sacra Theologia in suis probationibus ad veram Ecclesiam, verumque Euangelium à falso diiudicandum; supposito enim semel tanquam certò, & indubitato principio, quod Ecclesia, & Euangelium, vnumquodque iuxta genus suum quatuor causas habeat; supposito insuper quòd omnes & singulæ illorum causæ à Christo Domino determinatæ, & ordinatæ sint, quodque ab illius tempore ad finē vsque mñdi eedem omnino futuræ sint, nec vnquam ab aliquo mutari possint: His, inquam semel suppositis tanquam certis, sequitur, quod qui in hoc sæculo, tot inter diuersas sectas inuestigare voluerit, quænam sit vera Christi Ecclesia, quod Euangelium verum, duo necessario debeat examinare: vnum est, an hæc Ecclesia, veluti Catholica Romana, vel Lutherana, vel Caluinistica habeat quatuor veras causas, quæ à Christo Domino fuerunt ad illius perfectionem ordinatæ: secundo an dictæ quatuor causæ à tempore Christi ad hæc vsque tempora fuerint in dicta Ecclesia, siue quod idem est, an dictæ Ecclesia semper fuerit, & semper dictas causas habuerit.

Et illa Ecclesia, de qua hæc duo verificabuntur, vera erit: falsa autem de qua non.

## CAPVT IV.

*De certis probationibus, & primum quod duplex sit illarum certitudo.*

**Q**Via finis Sacræ Doctrinæ, seu Theologiæ in disputando non solum est cognoscere supernaturales fidei veritates, sed illarum etiam certitudinem; ad quod optimum sanè medium est certa, indubitataque probatio, ideo postquam superiori capite egimus de vera probatione rebusque ad illam pertinentibus, nunc agendum est de certa; sed quia hoc fieri non potest, nisi prius constet de certitudine, multiplicique eius diuisione, & fundamento, ideo de illa tam in præfenti, quam in sequentibus capitulis agemus.

Igitur ut quod in omni disputatione primò faciendum est, omnis vocum ambiguitas auferatur, notandum est primò ex Aristotile lib. 7. Ethic. cap. 3. & 9. dari veram, & falsam certitudinem: falsa est illa, quæ errat: errat autem si falsum pro vero; vel dubium pro certo tenet: impossibile est enim quod cognitio falsa possit esse certa; & quod de re verè, & realiter dubia possit quis veram obtinere certitudinem. Hanc certitudinem nonnulli vocant certitudinem ex parte subiecti, seu cognoscentis, & assentientis, quod voluntas pro suo solo arbitrio, aut potius libito inconcussim teneat intellectum in aliquo assensu, tantam non merente eius obiecto, vel motiuo firmitatem. Vnde non tam certitudinis, quam pertinaciæ nomen illi debetur. Sic se habent heretici, qui errantes circa fidem ita tamen firmiter, ac pertinaciter suis adhærent erroribus, ac si certissima pro illis veritas effet.

At vera certitudo, quam alij vocant ex parte obiecti, est illa, quæ non errat, sed vera pro veris, & certa pro certis, hocque solido eum fundamento, vel mo-

tivo cognoscit. Licet enim omnis assensus certus, verus sit, & de obiecto verò, non sequitur tamen si assensus nititur obiecto vero, aut etiam ex se certo, seu infallibili, certum propterea dici debere: nam potest qui assentitur credere ob motiuum cuius ipse veritatem non perspicit, quodque sit tantum probabile: quemadmodum verum est, & ex natura sua certissimum, seu necessarium, hominem esse animal, si tamen, ut id credat aliquis, nititur motiuo dumtaxat probabili, & aliunde ob suum affectum ita vult credere, pertinax potius, quam certus dicendus est. In præfenti non agimus de falsa, sed de vera certitudine; quæ iterum multipliciter diuiditur, vel sumitur; alia enim est obiectiua, alia formalis, sicut superiori capite notauimus de veritate.

Certitudo formalis est in cognitione ipsa, seu potentia cognoscente, & denominat formaliter certam tum cognitionem, tum etiam ipsam potentiam; certitudo verò obiectiua residet intrinsecè in obiecto cognitionis certæ, estque ratio illa obiectiua in qua fundatur certitudo formalis; vnde obiectiua est causatiua, seu causa effectiua, vel saltem terminatiua certitudinis formalis. Rursus cognitionis certæ duplicem communiter assignant distinctionem. Primò enim certitudo trifariam diuiditur in certitudinem moralem, certitudinem Physicam, & Metaphysicam. Secundò diuiditur certitudo in certitudinem cognitionis, seu speculationis, & certitudinem adhesionis: etsi enim utraque certitudo, & firmitas intellectus sit in assensu aliquo circa obiectum, per quem huic illa dicitur adherere: quia tamen, ut postea explicabitur agendo de causis, vel fundamentis certitudinis, intellectus aliquando ab ipso obiecto per se primò trahitur, & in assensu firmiter continetur, aliquando verò intellectus ita se habet ab imperio voluntatis, ut contingit in assensu fidei, idcirco ita diuiditur certitudo ratione causæ, quæ per se primò videtur illam in intellectu certitudinem.



## Sectio IV. Caput IV. & V. 141

itudinem efficere. Hanc secundam diuisionem tradunt Theologi in 3. sentent. distin. 23. S. Bonauentura art. 1. quæst. 4. D. Thomas quæst. 2. artic. 2. quæstiuncula 3. ad 2. ubi primam appellat *certitudinem evidentiam*, secundam firmitatem, adhesionis, quæ oritur ex eo, quod voluntas intellectui imperat.

Quod pertinet ad primam diuisionem certitudinis in moralem, Physicam, & Metaphysicam, communiter etiam Theologi illam admittunt; quamuis sit aliqua inter illos disceptatio circa certitudinem moralem explicandam; aliqui enim putant pertinere tantum ad res morales, quæ cum sint ut plurimum contingentes, de ijs tamen potest haberi certitudo practica, quæ non tam docet quid sit veritas rei, quam quid sit licitum, unde etiam non tam scientiam, quam conscientiam speculare videtur; ita ut certus moraliter dicendus sit, qui non habet dubiam conscientiam; & videtur id refundi posse in id, quod ut plurimum accidit. Vniuersalius & melius ab alijs certitudo moralis dicitur, quæ vir prudens certus est, ita ut si de ea re, quæ hoc modo certa dicitur, quis dubitet, imprudens merito habeatur, non quidem vitio præcipitationis, & leuioris credulitatis, sed pertinaciæ, & obstinationis, aut certe indocilitatis. Sic igitur certitudo moralis propria prudentis viri dicitur, idque certum moraliter, quod moralibus prudentiæ principijs innitur, quibus vir prudens tamquam suis regulis utitur. Physica autem, & Metaphysica certitudo sic solet explicari communiter, ut ad rerum existentiam pertineat Physica, ad rerum autem essentiam, seu prædicatorum essentialium connexionem Metaphysica, quemadmodum quis certus est præsentem Petrum, vel Paulum videre, cumque videre, & positis circumstantijs istis non potest res aliter se habere, si naturalis rerum ordo seruetur; quamuis miraculosè, vel per absolutam Dei potentiam aliter fieri posset. At Metaphysica certitudo est in ijs rebus, seu propositio-

nibus quæ ita vere sunt, ut oppositum repugnet, manifestamque inuoluat contradictionem, quemadmodum Metaphysicè certum est hominem esse animal.

### CAPVT V.

*Adducuntur quatuor certitudinis formalis causæ, totidemque definitiones per ordinem ad illas.*

**I**ncipiendo à causa materiali, cum certitudo formalis sit accidens quoddam, sermo est enim in præsentibus de certitudine cognitionis humanæ, non diuinæ, nullam aliam habere potest, quam suum proprium subiectum, unde cum illud sit solus intellectus, & adhuc non secundum quamlibet eius operationem, aut intellectionem, non enim intellectus certus est quatenus apprehendit, & primam operationem elicit, sed tantum, quatenus elicit aliquam operationem, secundam, vel tertiam, seu assensum, vel dissensum, formatque iudicium aliquod, & per illud se determinat ad vnâ de duabus propositionibus contradictorijs, consequenter asserendum est causam certitudinis formalis materiale esse intellectum non ut habentem simplices apprehensiones, sed iudicium circa alteram duarum contradictoriarum. Sicque loquendo de certitudine formali veluti in concreto, & materialiter rectè definitur, vel dicitur *certus intellectus, qui habet iudicij determinationem circa suum obiectum totalem & perfectam.*

Quod spectat ad causam formalem certitudinis, nihil est aliud, quam illamet firmitas, vel determinatio quæ aduenit intellectui, & cognitioni; sicque in abstracto definiti potest, quod sit *totalis & perfecta indicantis intellectus determinatio ad vnâ partem de duabus contradictorijs.* Siue, quod idem est, *certitudo est determinatio perfecta iudicij circa vnum obiectum.* Quæ definitiones ita inter se differunt, quod in prima subiectum ponitur tanquam genus, & accidens

lens tanquam differentia; in secunda autem è contra; cum enim in accidentium definitione ponatur subiectum, si quidem accidens, sicut non est nisi dependenter à subiecto, ita nec nisi dependenter ab eodem, nec nisi per additionem subiecti proprii definiri potest; cum, inquam, ita res se habeat in accidentium definitionibus, hoc tamen discrimen est ex D. Thoma lib. 1. de Interpret. sect. 4. ut si accidens definitur in abstracto, tunc ipsum accidens ponatur ut genus, loco verò differentie poni oporteat subiectum in obliquo: sicut finitas dicitur curvitas nasi. At si accidens definitur in concreto, tunc subiectum ponatur tanquam genus, & accidens tanquam differentia, quemadmodum finis definitur nasus curvus.

Pro causa efficiendi certitudinis posunt assignari omnia illa motiua, vel fundamenta quibus intellectus in suis assensibus firmatur; vnde per ordinem ad illam definiri potest, quod sit, *eiusdem intellectus per motiua ipsius fortis ad verum adhesio*; seu, *iudicij constantia*, & *firmitas ex valida impressione motiuorum*. Quæ motiua secundum quod sunt diuersa, hoc est, vel ex euidenti rerum ratione, vel ineuidenti dicentium auctoritate desumpta, sic etiam alia est definitio certitudinis in euidenti rerum cognitione fundatæ, alia certitudinis fidei, siue quæ habet pro fundamento dictum alterius, ut videbimus statim in sequentibus capitibus.

Causa denique finalis certitudinis est perficere intellectum firmando illius cognitionem; atque adeo per ordinem ad illam definiri potest, *in veritate reperta quies, & constans immobilitas*. Hinc sequitur quod certitudo per se, & propriè est causa constantie, & ubi est certitudo ibi est constantia; qui enim certo aliquid cognoscit, constanter & firmiter in illa cognitione perseverat; constans autem dicitur quasi, immobiliter stans, & est ille qui à certa cognitione non recedit. Est etiam consequenter causa, ut absit, inconstancia, & temeritas, & per-

tinacia. *Inconstans* enim est ille, qui à suscepta certa cognitione de facili recedit, & solet etiam dici leuis, quia, stante leui vento, de loco ubi erat discedit; *Temerarius*, qui in cognoscenda rei veritate & certitudine nimirum sibi tribuit, & præcipitat sine fundamento iudicium, vel sententiam, quod res non vera, vel non certa, vera & certa sit; *Pertinax* tandem est ille, qui cum errauerit in rei cognitione, siue errore se tenente ex parte obiecti, siue errore se tenente ex parte motiui, si ab aliquo illi ostendatur cum firma ratione, ac fundamento certa veritas: renuit acquiescere, & contra veritatem manifestatam vult in sua sententia permanere.

## CAPVT VI.

*De certitudine obiectiua, eiusque causis, vel conditionibus.*

**P**ER certitudinem obiectiuam, ut satis patet ex dictis intelligimus illam, quæ residet intrinsecè in obiecto, vel motiuo cognitionis certæ, quæque consequenter in vtroque est ratio ob quam in cognitione certitudo gignitur; vnde breuiter explicandum est modo, quid sit talis ratio, siue, quod idem est, quænam sit causa certitudinis in cognitione, seu assensu ex parte obiecti & motiui, pro quo dico esse ipsius necessitatem, seu immutabilitatem, qua fit ut obiectum illud quatenus est obiectum aliter se habere nequeat. In hoc dicto non solum conueniunt omnes Theologi, qui ut defendant certitudinem scientiæ Dei, assignant aliquam rei cognitæ necessitatem, sed etiam Philosophi, qui post Aristotelem lib. 1. poster. cap. vltimo, omnes opinabile aiunt esse id, quod potest aliter atque aliter se habere, estque contingens, & scientiam aiunt esse certam, quia obiectum scibile est necessarium, estque propositio sempiternæ veritatis; quod autem æternum est, secundum illam rationem necessarium, & immutabile est.

Quod

Quod totum eleganti diſcurſu aperuit D. Thomas lib. 1. poſter. leſt. 1. ubi docet artem, & rationem imitari naturam, & vt explicet iudicium certum, ſeu ſcientiam; opinionem, ſeu iudicium probabile, & ſuſpicionem, tres ad hunc finem cauſarum naturalium, gradus diſtinguit. Primò enim aliquæ agunt de neceſſitate, & nunquam deficient; ſecondò aliquæ deſciunt, ſed raro, & in paucioribus; Tertiò aliquæ deſciunt vt plurimum, ſeu ſepius à ſcopo aberrant, quàm eum aſſequantur. Quod ſi intellectus procedit ex principijs neceſſarijs & ex ijs iudicat, certus eſt, vnique contradictionis parti firmiter adhæret: Si verò intellectus in iudiciò, vel diſcurrendo procedit ex principijs, quæ raro deſciunt, tunc fit probabilitas, & gignitur opinio probabilis, per quam intellectus quidem, & ratio non manet dubia, & pendens, ſed totaliter declinat in vnā contradictionis partem, ei tamen firmiter, aut conſtanter non adhæret, quia in illam quam opinatur partem ita declinat, vt ſimul habeat formidinem, aliquam de veritate partis contradictoriæ, qua formidine paratus eſt audire probationes quibus poſſit à ſuo aſſenſu reuocari ad alteram partem, quemadmodum qui per aliquam viam an recta ſit & vera timidus incedit, paratus eſt ſiſtere gradum, aut mutare viam, ſi ab eo quem peritum exiſtimat admonetur, aut doceatur de errore ſuo: at qui certus eſt ſe veram tenere viam, pergit ſecurus, & alacer, nec reuocantem de via vllò modo vult audire. Si verò intellectus procedit ex principijs vt plurimum deficientibus, tunc gignitur ſuſpicio, qua non quidem totaliter ſicut in opinione, ſed tamen aliquantulum declinat in vnā partem contradictionis, itaque in eam cunctabundus, facile aſſenſum cohibiturus, vel ſuſpenſus, ſi quid in contrarium ſe ſe offerat.

Oſeruat quoque idem Sanctus Doctor ibidem ad eos omnes aſſenſus referri varias artes, & diſciplinæ; valereque pro ſcientia comparanda demon-

ſtrationes Philoſophicas, ad opinionem gignendam, valere dialecticam in ſuis topicis, & locis ex quibus argumenta, tantum probabilia deſcunt: ad ſuſpicionem denique valere ratiocinationem Rethoricam, hoc eſt, vtentem ſignis rerum, & ſuis inde petitis enchyrematibus. Quia verò intellectus propendet in iſtos aſſenſus non tantum ob rationū momenta, ſed etiam ob affectuum commotionem, quæ fieri ſolet per aliquam fictionem, vel representationem vehementioris obiecti; ideirò ad huiusmodi intellectus propenſionem ordinatur Poëtica, cuius eſt fingere, & repræſentare, vt libro ſequenti ſuſius explicabitur agendo de illa, quatenus ad ſacram doctrinam proficua.

Ratio autem noſtræ aſſertionis eſt, quia idem eſt principij motus, & quietis; ſive, idem eſt principium mouendi vel inclinandi rem ad aliquem terminū, & in ipſo eam conſtanter detinendi, vt ſatis patet in lapide, qui eadem gravitate qua tendit, moueturque ad locum naturalem, in eodem etiam quieſcit. Quod igitur motuum ſemel inclinatur intellectum ad aſſenſum aliquem, illud ipſum in iſto eum tenet incoſcuſſum, ac ſtabile; adeò vt ſi ipſum motuum ſit inuariabile, illud ſemper inclinet mentem, & indeclinabiliter illam firmet in illo aſſenſu. Sed obiectum quod eſt neceſſarium, illud eſt inuariabile, & neceſſitas eius eſt immutabilitas & inuariabilitas, datque conſequetur aſſenſui quem cauſat inuariabilitatem, quæ eſt ipſiſſima, & certitudo formalis; Ergò ratio certitudinis obiecti, ſive, quod idem eſt, cauſa certitudinis in cognitione ſeu aſſenſu ex parte obiecti, vel motui, nihil eſt aliud, quàm ipſius neceſſitas, ſeu immutabilitas, quæ fit vt obiectum illud, quatenus obiectum aliter ſe habere nequeat.

Quia autem datur duplex neceſſitas abſoluta nimirum, & ex hypotheſi, ſeu facta aliqua ſuppoſitione, vtraque ſufficit ad certificandum intellectum, cognitionemque certam in ſuo ordine faciendam.

dam. Notandum est tamen ut hæc obiecti necessitas pariat in intellectu certitudinem iudicij, seu assensus, debere ab intellectu cognosci, ita ut intellectus non solum cognoscat obiectum se eodem modo habere, quo cognoscitur, sed etiam quod ipsum aliter se habere non possit, & impossibile sit oppositum; sicque assensus certus debet virtualiter esse propositio modalis de necessario, vel de impossibili, de necessario quidem, si est assensus, seu propositio affirmans, de impossibili verò si negans est; ut v. g. Si certus sum hominem esse animal, non tantum deo iudicare hominem esse animal, sed præterea deo iudicare, quod hominem esse animal necessarium est, & quod hominem non esse animal, impossibile est. Item si certus sum Petrum vivere, quod est obiectum necessarium tantum ex suppositione, deo iudicare quod positis rationibus, quæ me ad ita iudicandum mouent, sit necessarium Petrum vivere, ut v. g. Necessè sit Petrum, qui à me videtur, & in tali circumstantia oculis meis mouens se, aut loquens appareat, eum vivere, & non posse non vivere. Item si fide diuina certus sum, Antichristum futurum, deo nosse, quod supposita reuelatione diuina, necessarium est Antichristum futurum, estque impossibile cum factum semel illa hypothese non futurum esse: licet sit absolutè contingens Antichristi futuritio: sicut absolutè contingens est Petri vita, & existentia.

Quod totum disertè docuit Philosophus lib. 1. poster. lect. 5. ubi loquens de certitudine scientiæ, ait. *Nos scire rem simpliciter, idque nos arbitrari, quando arbitramur nos cognoscere causam, ob quæ res est, ipsius esse causam, & fieri non posse ut res aliter se habeat.* Vbi cum scientia distinguitur ab alijs cognitionibus certis, in eo quod illa est iudicium illatum, siue cognitio rei per causam, aliæ autem sunt vel per simplicem terminorū apprehensionem, vel per alium modum, in eo tamen scientia habet sibi cum illis alijs communem certitudinem, quod

qui scit causam, arbitrat se causam scire, & quod id aliter fieri non potest. Ratio autem cur, ut obiecti necessitas cognitionem certam faciat, ea debeat esse cognita, est quod intellectus omnino certus, ita adheret vni parti contradictoriæ, ut ei magis credat, & assentiat quam oppositæ: quare virtualiter saltem vni assentitur, & ab altera dissentit, quod ut faciat debet utramque propositionem contradictoriam examinare, ut videat quomodo utraque sit vera, vel falsa. Sic D. Thomas lib. 1. poster. lect. 4. & 6. docet *Nihil debere esse certius scienti quàm quod opposita principijs sint falsa, quia sciens certus esse debet.* Indecque satis apparet intellectum non esse certum sine aliqua reflexione, siue quod idem est, ad certitudinem cognitionis requiri aliquam reflexionem saltem virtualem. De quo vide eundem Sanctum Doctorem q. 10. de veritate art. 1. ad 5. & 12. q. 12. articulo 5. ad 2.

## CAPVT VII.

*De duplici certitudinis fundamento, vel principio, & primùm de euidencia, unde certitudo euidencia dicitur.*

**C**um ex dictis superiori capite intellectus eatenus de aliqua re, & veritate propositionis certus esse possit, quatenus illius necessitatem attingit, siue aliter se habere non posse, sitque necesse vel per fidem, vel ut per euidenciam talem obiecti necessitatem cognoscamus; ut rectè Diuus Augustinus obscurauit lib. 3. contra Academ. cap. ultimo, & lib. 2. de ordine cap. 5. & 6. dum docet duplicem duntaxat esse viam, quam sequimur, cum rerum nos obscuritas mouet, aut rationem, aut cerè authoritatem, & hoc pondere gemino nos ad discendum impelli, cum res, inquam, ita se habeat, breuiter de utroque nobis agendum est, quatenus certitudinis fundamentum esse possunt, & per ordinem ad illa diuiditur in certitudinem euidenciam,

tia, & in certitudinem fidei; id est, in certitudinem quæ habet pro fundamento dicentis, aut reuelantis auctoritatem; & in certitudinem, quæ habet pro fundamento euidentiæ, vel rationem in illa fundatam.

Incipiendo igitur ab euidentiâ notandum est primò non esse confundendam euidentiâ rei cognitæ cum euidentiâ cognitionis: sæpenumero enim rerum clarissimarum, euidentiissimarum, quæ datur obseurissima cognitio, ut diserte docet Aristoteles lib. 2. Metaphys. xxi. 2. cum ait, sicut oculi vespertilionum se habent ad lumen diurnum, quod nimirum ob debilitatem visus, ut potè splendidius ferre, & intueri non possunt; ita intellectus humanus se habet ad ea quæ omnium sunt manifestissima. Porro euidentiâ obiecti alia non est, quam ipsius entitas actualis, seu intelligibilitas, quæ consistit in eo quod est ens actu, non quidem actu existentie, sed essentie: Vnde quæ habent multum potentie passivæ, & parum actus, cuiusmodi sunt materialia, quia materia est pura potentia, & quæ constant motu, aut sunt imperfecta, ea secundum se parum cognoscibilitatis, seu intelligibilitatis, atque adeo parum habent euidentiæ; de quo legendus est Sanctus Thomas loco citato Metaphysicæ lect. 2. de hac euidentiâ nobis modo non est sermo, sed de euidentiâ relativiè ad cognitionem, siue de euidentiâ cognitionis.

Quàm euidentiâ cognitionis, siue cognitionem euidenter notandum est secundo male confundi ab aliquibus cum certa; etsi enim omne illud quod est euidenter verum sit omnino certum; non tamen vice versa omne illud, quod est certum, est euidenter verum, ut satis patet in fide supernaturali, quæ ita est ineuidens, ut tamen superet certitudine omnes alias scientias, aut habitus naturales etiam euidentiissimos. Nisi quis vellet dicere adhuc certitudinem fidei reduci in aliquam euidenter præcognitionem, qualis est in fide credibilitatis ipsius cognitio; vnde ait S. Augustinus

*Biblioth. Theol. Tom. I.*

epistola 112. id sine dubitatione credendum esse, quod scripturarum canonicarum *perspicua auctoritate* firmatur. Sed licet hoc sit verum non tamen est ad propositum, si quidem euidentiâ illa credibilitatis præsupposita non reddit propterea euidenter fidei assensum, nec à tali euidentiâ suam mutuatur certitudinem, sed ab auctoritate Dei reuelantis, qui est prima veritas tam in essendo, quam in dicendo.

Itaque licet in scientijs merè naturalibus certitudo, & euidentiâ simul reperiantur; immò ex ipsa natura, & essentia cognitionis purè naturalis sit utrumque habere; attamen formaliter loquendo de euidentiâ, non est certitudo, sed aliquid antecedens ad illam, eamque, causans in scientijs purè naturalibus; est enim certitudo naturalis, firmus, & immobilis assensus ortus ex euidentiâ connexionis terminorum propositionis siue per se, & ex ipsis terminis, quales sunt primæ, immediatæ & indemonstrabiles; vel ex talibus primis per euidenter consequentiam deductus, qualis est assensus scientificus. Vnde certitudo formalis sumpta præcisè pro ut abstrahit ab euidentiâ, & ineuidentiâ, dicit tantum determinationem assensus sui cognitionis ad suum obiectum ut verum, vnde quæque illa proveniat; euidentiâ autem dicit in eodem assensu firmo manifestationem, elaritatem, & penetrationem, veritatis quæ cognoscitur, & sic definiri potest quod sit *quædam claritas veritatis cognita*; vel, *clara rei visio*. Quemadmodum enim obscura cognitio non potest melius à nobis intelligi, & distinguì quam si dieatur auditio, illique æquiparetur; vnde fides dicitur ab Apostolo fieri ex auditu; ita certè clara, & euidens alicuius rei cognitio melius explicari non potest quam si vocetur illius visio.

Vt autem multiplex est cognitio, loquendo de illa in tota sua latitudine, cuius solius euidentiâ formalis est aliquid proprium, ita etiam multiplex est hæc euidentiâ, sensus nimirum, & intel-

T le-

lectus; euidencia sensus definiri potest pro vt se extēdit ad omnes sensus, quod sit *clara visio*, vel *cognitio rei habita per sensum*; euidencia autem intellectus, *clara visio vel cognitio rei habita per intellectum*, estque triplex iuxta tres operationes intellectus. Prima est, *clara visio rei simplicis*; vt quid sit homo. Secunda, *clara visio rei complexæ*, vel, *propositionum*. Veluti totum est maius sua parte. Tertia denique est clara visio argumentationis, vel rei per discursum illata: veluti si est motus, datur & mobile, & motor. Ita tamen quod euidencia sit perfectio magis propria simplicis apprehensionis; sicut iudicii siue simplicis, siue illati perfectio, est certitudo, & firmitas.

Quia autem sicut vt pariaturn cognitio certa non sufficit certitudo obiectiua, ita nec euidencia obiectiua sufficit, vt pariaturn euidens cognitio; nam vt statim notauimus pleraque sunt obiecta euidētissima, quæ non nisi subofcure à nobis cognoscuntur, nihilque adeo certum est, de quo ambigere, & dubitare non contingat; cuius ratio est, quia intellectio non fit nisi intellectu concurrente, & coagente cum obiecto: quare si ipse ex parte sua deficit, quantumuis obiectum sit maximæ virtutis, & indefectibilis, nihilominus in intellectu ne defectus erit, bonum enim ex integra causa, malum autem ex quolibet defectu confurgit; quia res, inquam, sic se habet, breuiter explicandum est modo, quid tam ex parte obiecti, quam ex parte intellectus requiratur ad certitudinem, & euidenciam, siue quod idem est, ad cognitionem euidenter certam habendam. Iam diximus superiori capite certitudinem obiectiuam, seu virtutem per quam obiectum quantum est ex parte sua cognitionem certam facere potest, nihil aliud esse quam eiusdem necessitatem, seu immutabilitatem; qua fit vt obiectum illud, quatenus est obiectum, aliter se habere non possit; nunc videndum est, quid sit euidentem cognitionem ex parte obiecti esse; pro

quo tres aut quatuor regulæ solent à Philosophis assignari, primo euidentem cognitionem ex parte obiecti esse, cum res in se, vel immediate, vel per suum incognitum medium, quod est ipsamet species intentionalis attingitur. Ratio est, quia cum ista obiecti intelligibilitas sit ipsius lumen; si immediatè afficit intellectum, apta est producere euidenciam sui cognitionem, & eo euidenciores quo illa intelligibilitas maior est. Secundo medium etiam cognitum, hoc est, non notificans rem alteram nisi prius natura sit notum ab eadem potentia; siue per eandem cognitionem & ipsum sit notum, & notificet rem illam, siue per diuersas notiones id fiat; tale, inquam, medium pro iudicio simplici vocatum medium *in quo*, pro iudicio verò illato, siue conclusione vocatum medium *ex quo* notificat de re altera quid sit, & qualis sit, & propter quid sit talis, imo & quod sit, cum illud est causa æquiuoca rei illius, & continens eminenter eam cognoscitur secundum habitudinem talis causæ, & principij. Ratio est quia, si videtur causa vt actu causans, tunc videtur existentia effectus, seu quod sit; cumque in causa æquiuoca contineatur tota essentia effectus, & quidditas, non mirum si in illa causa clarè & euidenter ista effectus essentia cognoscatur, quemadmodum enim res se habet in ratione entitatis suæ, ita quoque se habet in ratione suæ intelligibilitatis, cum sit intelligibilis quatenus ens est, vnde quæ causa continet in se totam rei alterius entitatem, & quidditatem, eius quoque ratio, seu intelligibilitas continet totam illius rei alterius intelligibilitatem; sic Deus in seipso, beatique in illo dicuntur creaturas videre, & cognoscere.

Tertio causa in effectu suo non videtur clarè quid sit, sed tantum quod sit, vt satis patet in cognitione Dei ex creaturis, tanquam ex effectibus suis. Quarto denique qui videt signum merum aliquius rei, nec videt quid, nec etiā quod sit res illa cuius est signum. Dicitur merum signum, & quod non est effectus illius:

illius: quomodo verba nostra sunt forummodo signa conceptus, seu iudicii loquentis, cum sint effectus voluntatis loquentis, & insuper conceptus illius quo loquens concipit signum ipsum. Vnde qui audit aliquem dicentem sibi lapidē esse durum, videt quidem, seu clare cognoscit vocem, seu verbum, & locutionem illius; clare quoque videt quod ille vult loqui, & quod concipit verba, quæ profert; at non videt, sed tantum obscure intelligit & lapidem esse durū, & colloquentem id de facto iudicare: quia iudicii istius nullo modo effectus, sed tantummodo signum est illud verbum, seu propositio vocalis loquentis, quandoquidem ille potest mentiri id asserendo: quo in casu non habebit illud de lapide duro iudicium, & tamen producet signum. Quæ breuiter dicta, sufficiant vt sciatur, quæ obiecta ex se sint euidentia, possintque clara cognitione percipi, & quæ sint obscura, possintque tantummodo credi, non videri.

Loquendo modò de eo quod ex parte intellectus requiritur ad certitudinem habendam, seu vt iudicium sit certum, & non tantum opinatio dubia, & incerta, huic etiam dignoscendo suæ non desunt regulæ. Primò tunc intellectus circa sensibilia benè & certò iudicat, quando non sinit in sua imaginatione, idolis-que rerum, sed ea discernens à rebus ipsius sensibilibus, ad has vsque pergit, & ad ipsas sua iudicia examinat; quare certitudo intellectus in his rebus maxime pendet ex bona affectione sensus communis, qui datus est nobis ad diiudicandas res per sensus cognitās; is autem sensu communi bono præditus est, qui habet sensus externos bene affectos, & recipiunt præsentiam, seu speciem obiecti sui veram, puram, sinceram, non fucatam aut adulteratam. Ad id autem tria requiruntur, 1. est obiecti, mediique bona dispositio, 2. vt sensus organum sit integrum, & sanum, non læsum; 3. vt sint sufficientes spiritus animales, quibus anima vtitur ad sentiendum. Secundò intellectus circa intelligibilia, vel

vtens speciebus intellectualibus substantiarum, seu definitiuis quidditatum, & essentiarum rerum, certus est in suis iudicijs, quatenus per intellectus agentis lumen, per quod species illas efformat modo in libris de anima explicato, ijs vtens, & substantiæ quam contemplatur essentiam, & quidditatem penetrans in ea videt latentes rationes entis varias, & in ijs tanquam in fontibus, causis, & principijs scaturientes aduertit proprietates: ad quod multum adiuuatur experimentis quæ in consideratione sensibilibus qualitatibus fecit, aut si ex auditione, & doctrina aliorum expertorum didicit, & accepit rem ita se habere.

Iam quod attinet ad requisita ex parte intellectus pro clara & euidenti rerum notitia habenda, vno verbo dicam, debere esse quandam proportionem inter intellectum, & obiectum euidentis, seu clare intelligibile; ita vt tantum interni luminis habeat intellectus quantum requiritur, vt cum obiecto claro, & euidente coniunctus, ab ipsius obiectiua claritate illustretur. Quamobrem, cognitio mentis clara, seu euidenter certa requirit duplex lumen vnum ex parte obiecti, alterum ex parte intellectus; siue quod idem certitudo euidentia, pro vt distinguitur à certitudine fidei, petitur ex obiecti intellecti euidentia, & intellectus illud apprehendens, deque eo iudicantis proportionem quam dicitur habere ob aliquod lumen intellectuale: sicut visio obiecti splendidi clare, & distinctè illud repræsentat, cum oculus videntis multum suæ lucis internæ habet, ita vt ob defectum luis debiles, & infirmi oculi aut cæcutiant, aut caligent ad obtutum obiecti, quantumvis euidentis, & splendidi.



## CAPVT VIII.

*De euidencia sensus, & quomodo ad  
plures probationes Theologicas  
conducatur.*

**E**uidencia sensus, vt superiori capite diximus, est clara visio rei habita per sensum; plurimumque Theologicarum probationum certitudo in ea ex parte fundatur, ac firmatur. Cum enim inter Catholicos, & hæreticos sit maxima in multis controuersia; veluti de vera Ecclesia, de Romano Pontifice supremo Ecclesie pastore, cæterisque prælati; de Sacramentis, & alijs; sintque hæretici suis in erroribus pertinaces, in remedium talis pertinacis, certam contra illos probationem facere debet Theologus; ad quod ante omnia opus est ostendere, quod sola Ecclesia Catholica Romana vera est: & quod ipsa in rebus fidei, ac morum errare non potest, sed gaudet priuilegio infallibilitatis; ex hoc enim manifestè sequetur, quod in ea sola vera sit Christi & Euangelij doctrina. Verum hæc probatio nonnisi per sensum magna ex parte fieri potest; sit enim hoc modo: Ex vna parte ostendi debet ex diuinarum scripturarum autoritate, quænam veræ Ecclesie in generali consideratæ conueniant; & ad hoc sensus peruenire non potest, sed intellectus solo fidei lumine; ex alia parte debet ostendi, quod omnia, quæ veræ Ecclesie competunt, nunc de sola Romana verificantur, & hæreticorum sectis conuenire non possunt; & hæc probatio per sensum euidenciam certissima sit sequenti modo.

Vera Ecclesia debet habere Diaconos, Sacerdotes, Episcopos, Supremumque & Vniuersalem pastorem Romanum Pontificem. Sed sola Ecclesia Romana dicta habet, ergo &c. quo in discursu ita maior per scripturam probanda est, vt tamen minor pateat ad sensum; qui certissimè videt, in sola Ecclesia Romana dicta reperiri; apud hæreticorum

verò sectas nihil horum inueniri.

Idem in multis alijs erit; veluti Ecclesia Catholica semper fuit; Ecclesia Catholica est populus fidelis per vniuersum orbem dispersus; Ecclesia Catholica est vna &c. sed sola Ecclesia Romana semper fuit; sectæ verò hæreticorum nouæ sunt; sola Ecclesia Romana per vniuersum orbem est dilatata, & propagata; sola Ecclesia Romana est vna, &c. Ergo sola Ecclesia Romana est vera Christi Ecclesia; vbi etiam maiores omnes, siue maioris partes omnes ita fide constant, vt omnes similiter minoris partes sint sensui manifestissimæ.

Potest etiam ratione probari sic; quia vt dicit Philosophus lib. 1. poster. cap. 14. ex eo quod res est, vel non est, oratio & cognitio dicitur vera, vel falsa; ergo si vult Theologus certam habere cognitionem de veritate orationis, & cognitionis, necesse est, vt consideret, diligenterque exploret, an ita se habeat in re, sicut vel dictum, vel cognitum est: quod si cum euidencia sensus cognouerit, ita in Ecclesia Romana esse in re, veluti quod habeat Sacerdotes & Episcopos, sacrificium Missæ, septem Sacramenta; in sectis vero hæreticorum, apertè videat talia non reperiri, certò probabit quod hæretici falsam constituent Ecclesiam, Catholici autem veram. Vnde satis apparet euidenciam sensus in multis circa fidem probandis accommodatissimam esse.

Similiter de Sectis etiam hæreticorum per sensum habemus euidenciam, quod sint, & vbi sint, & quandò inceperint, & quæ credant, quæ non; quæ nouitas, quæ varietas, quæ contrarietas in credendo. De textu Biblico per sensum plures habemus euidencias, veluti quis sit Latinus, vel Græcus, vel Hebræus; quis sit manuscriptus, vel typis mandatus; antiquus vel modernus, quo ad scripturam & characterem: quis ab Ecclesia Catholica Romana receptus, & approbatus; vbi ab hæreticis fuerit corruptus, & alia. Idem de numero, de materia, de forma Sacramentorum, co-

rum-



rumque ministris; idem de Prælatiſ, qui in Eccleſia Romana ſunt, & apud hereticos non ſunt; quæ omnia, & ſimilia non parum conducunt ad dirimendas plures controuerſias Theologicas, certamque illarum probationem.

## CAPUT IX.

*De euidencia intellectus, & quomodo  
conducant ad plures probatio-  
nes Theologicas.*

**I**N euidencia quoque intellectus plures ex parte fundantur probationes Theologicas, quod vt clarius appareat, prius aliqua ſunt breuiter explicanda, circa euidenciam propoſitionum, maximè cum in formam ſyllogiſticam redactæ ſint cauſæ efficientes concluſionũ. Itaque hæc euidencia quatuor modis fit. Primo per ſenſum; veluti Sol lucet, ignis eſt calidus. Secundo per terminorum explicationem, veluti declaratur, quid ſit totum, & quid pars; ſtatim apparet, quod totum eſt maius ſua parte. Tertio ex communi ſapientum conſenſu propoſitionem aliquam tanquam certam affirmantium, veluti quod detur materia prima, quod cauſæ ſint quatuor, & quod in illis non detur proceſſus in infinitũ. Quarto denique per regulas logicas de per ſe, ſiue propoſitionum per ſe, cuius iterum quatuor ſunt modi.

Primus continet omnia, quæ ſunt de ſubſtantia, vel eſſentia rei; id eſt continet omnia quæ pertinent ad completam rationem quatuor cauſarum, nempe materię, formę, efficientis ac finis; per has enim quatuor cauſas tota rei ſubſtantia completa eſt; vnde S. Thomas 2. poſter. le. 7. monet idem eſſe quæ-  
rere definitionem rei, & cauſam eius. Item ad hunc modum reducitur natura cuiuſcumque rei, quia rei primò ineſt, & reducitur ad materiam & formam in ordine ad finem. Secundus modus continet omnes proprietates, & operationes, quæ ſubſtantiam & eſſentiam, & naturam rei per ſe, & infallibiliter con-

ſequentur. Tertius modus dicit exiſtenciam pro vt eſt modus eſſentię; in re enim cõſideratur tũ eſſentia, tũ exiſtentia: eſſentia dicit primam rei entitatem; exiſtentia modum quo dicta entitas à parte rei exiſtit: cum autem impoſſibile ſit à parte rei ſeparari eſſentiã ab exiſtentia; nunc enim de abſtractione ſermo non eſt; neceſſario ſimul cõnexę erunt. Quartus modus continet cauſas illas, quæ per ſe, & ſecundũ ſuum eſſentiã aliquos effectus, vel operationes producunt; veluti intellectus intelligit, voluntas vult, os loquitur, oculus videt, muſicus canit, & ſimilia quæ ex proptia ſua natura tales operationes producunt, & ad illas producendas per ſe à primo efficiente ſunt ordinatę. Illi ſunt quatuor modi propoſitionum per ſe ex Logica, quibus in omni ſciẽtia vera illius certitudo innitur, cum ſint veluti ſignum certum & euidens, quod propoſitio aliqua ab illa aſſumpta ſit veriſſima, & pro certa habenda.

Vt dantur propoſitiones eccl̃ę, ac per ſe notę ex Logica, ita etiam ex Metaphyſica, veluti ſequentes; quatuor tantũ cauſę ſunt: per illas quolibet res in eſſe conſtituta eſt: omnes ſunt neceſſarię: duę ſunt extrinſecę finalis & efficiens, duę extrinſecę materia, & forma: Materia & forma ſunt partes compoſiti: compoſitum per formam ſpecificatur, forma recipitur in materia; cõpoſitum per ſe exiſtit, materia & forma per compoſitum: Exiſtentia aliquo modo diſtinguitur ab eſſentia, & à natura: vnaqueque res ordinatur ad finem; hæc ordinatio ſit à primo producente: ſit per operationem finalem; omnis res hanc habet operationem; hæc operatio producitur per materiam & formam: Iſtę producunt, cum à natura, vel ab arte, vel ab alia cauſa ſunt ad producendum applicatę; dum compoſitum exiſtit, neceſſario materia, & forma illius cum illo habent exiſtentiam; ſeparatio materię à forma, vel vice verſa neceſſario ſecum affert compoſiti corruptionem:

nem: de quolibet verum est affirmare; vel negare: Idem non potest simul esse, & non esse: Omne totum est maius sua parte; Definitio necessario verificatur de definito; Quod semel est de substantia rei; manente eadem re; & non mutata in substantia; semper de illius substantia erit. Istæ & similes propositiones de quibus videti potest Petrus Gregorius Tholosanus Syntaxis artis mirabilis tomo 1. dicuntur per se notæ, quia si termini illarum declarentur, euidenter statim intellectui illarum veritas apparebit.

Igitur volens Theologus cum aliqua intellectus euidentia, cui tamen semper lumen fidei debet esse coniunctum, colligere & probare aliquam veritatem de verbo Dei, de Ecclesia, de Romano Pontifice, & alijs, necesse est statuatur primum subiectum, & tunc de illo iuxta Logicam inquirat omnia, quæ pertinent ad quatuor modos per se superius allatos; idem fiat ex Metaphysica discurrendo ab his quæ tali subiecto conueniunt, quid de materia, & forma illius dicendum sit, &c. Sic enim fiet, vt semel cognitis per fidem quæ v. g. Ecclesiæ in Generali consideratz conueniunt, nempe quæ sit illius existentia, quæ forma, quis finis, quod efficiens, quæ proprietates, quæ operationes, quæ priuilegia, quæ signa, &c. tunc per euidentiam sensus, & intellectus constet, quanam sit illa in particulari, cui talia conueniunt quæque proinde sit vera Dei Ecclesia.

## CAPVT X.

*De certitudine fidei, & primum diuine.*

**V**T certitudo euidentiz desumitur ex obiecti intellecti euidentia, & intellectus illud apprehendens, deque eo iudicantis proportionem, quàm dicitur habere ob aliquod lumen intellectuale, vt supra diximus; ita certitudo fidei in communi debet vltimo resolui in auctoritatem dicentis, quæ si Dei au-

thoritas est, diuinam, seu Theologicam fidem gignit; humanam autem si auctoritas est hominis; in præsentî capite agemus de certitudine diuinæ fidei, cui potissimum innititur tota Theologicarum probationum machina.

Fidem igitur diuinam, eiusque assensum esse certissimum; inò certitudine sua superare omnes alios habitus vel assensus naturales quantumuis euidentissimos, suppono tanquàm omnibus notum ex tractatu de fide; nunc tantum breuiter explicandum est, quodnam sit huius certitudinis fundamentum; putoque, primum omnino esse euidentiam intellectus, qua cognoscit Deum, qui est prima veritas non solum in essendo, sed etiam in dicendo, non posse errare, nec falli, nec mentiri, hinc enim oritur secunda cognitio, quæ est, quod dicto Dei certissima fides adhibenda est; & ex hac duplici cognitione, vel notitia formatur propositio quædam vniuersalis pro maiori assumenda ad probandas cum certitudine fidei particulares omnes illius veritates; propositio talis est; *Omne dictum, vel reuelatum à Deo certissima fide credendum est.* Hac posita maiori, quæ certa est per euidentiam intellectus, subsumenda est minor, quæ talis sit, *sed hoc est dictum, vel reuelatum à Deo, v. g. illum esse vnum, & Trinum, vnum in essentia, Trinum in personis, quarum secunda carnem assumpsit humanam, & cætera huiusmodi;* tunc enim sequetur conclusio; *Ergo hæc omnia certa fide credenda sunt.*

Ad cuius argumenti certitudinem, satis patet necessario requiri, quod minor sit certa: si enim semel non sit certum, Deum hoc dixisse; vtique non erit certum, quod illud omnino sit credendum; Vnde tota difficultas est in probatione minoris, & ex illa primum oritur controuersia inter Christianos, & ceteros infideles Christum non agnoscen-  
tes; deinde inter Catholicos, & hæreticos; Catholicis enim omnibus ad probationem illius pro certò supponentibus Christum Dominum esse verum Deum,

acque

atque adeò pro maiori assumentibus, *Omne dictum Christi, est dictum Dei, & ideo ceriò credendum est.* Deinde pro minori subsumentibus, *sed Christus hoc dixit, v.g. septem esse Sacramenta, dari sacrificium Missæ, & Primatum Romani Pontificis, ergo &c. in hoc, inquam argumento à Catholicis facto, maiorem negant infideles, minorem verò hæretici, vnde summa totius fidei Christianæ, probationisque minoris primi argumenti, cui inniuitur, in his duobus posita est, vt primùm aduersus infideles probetur Christum Deum esse, tum, aduersus Hæreticos id concedentes, & admittentes illum talia dixisse, & reuelasse; Si enim non est certitudo, quod Christus Dominus sit Deus, & quod hoc, vel illud dixerit, non erit certum quod tali dicto certa fide sit credendum.*

Media autem ad probandum Christum Dominum esse Deum aduersus infideles, cum sit obiectum totaliter supernaturale, alia esse non possunt, quàm illa quæ infra libro 4. referemus; solvendo scilicet omnia illorum argumenta in contrarium, & adducendo omnia creditibilitatis argumenta, & motiua, quibus ibi dicemus ficti euidenter credibilia, cuncta fidei nostræ mysteria. Certitudo autem, vel certa probatio de dictis à Christo contra hæreticos, triplicem habet gradum à tempore acceptum; primus gradus est tempore Christi; secundus in primitiua Ecclesia, eo videlicet tempore quo Apostoli illam fundabant, eunt & docentes omnes gentes; tertius his sæculis nostris. Igitur tempore Christi Domini illi, qui auribus, & oculis proprijs illum docentem audiebant, & videbant, per euidentiam sensus, & non per fidem erant certi de dicto Christi, ita enim Christus vt Deus sensui ignotus erat, credebaturque per fidem, vt tamen Christus vt homo, actionesque illius, & dicta externa per sensum cognoscerentur. In primitiua Ecclesia, cum iam Christus ex hac vita discesserat, vt ascenderet ad Patrem, certitudo de dictis, & factis à Christo non poterat fun-

dari in euidentia sensus statim dicta; fundabatur tamen in alia sensus euidentia quæ talis est. Cum enim fideles illius temporis in duplici essent differentia, aliqui scilicet, qui proprijs audierant auribus Apostolos narrantes, se talia à Christo Domino proprijs etiam auribus accepisse, & viderant illa ab Apostolis innumera miraculorum multitudine confirmari; profectò illi tales quo ad huiusmodi miracula habebant euidentiam sensus, & intellectus, sensus, qua miraculorum claram & indubitatam habebant visionem, intellectus, qua certò sciebant, talia opera supra naturam non posse fieri nisi ab eo, qui supra naturam est, & in confirmationem veritatis: insuper quo ad testimonium Apostolorum de dicto Christi per aures euidentiam habebant; ideoque euidentia erat de dicto Apostolorum, quamuis non de dicto Christi. Alij verò, qui nec Apostolos viderant, nec audierant; Sed ab alijs narrata audiebant, & tamen credebant, per sensum habebant euidentiam de traditione; id est quod in primitiua Ecclesia erat traditio vniuersalis, quod talia ab Apostolis accepta, miraculisque confirmata fuere: habebant etiam euidentiam sensus, quod à Christi fidelibus talia & talia, vt certa de fide credebantur, & quod hæc vel illa faciebant, quod talem scripturam vt authenticam adnitebant.

Cum igitur nunc sermo sit de vniuersali fundamento certitudinis fidei, tale fundamentum in primitiua Ecclesia fuit, vnum authentica scriptura, alterum generalis traditio de dictis, & factis à Christo, quæ duo ita inter se comparantur, vt vnum ab alio confirmetur; traditio enim docet quæ sit vera, & authentica scriptura, vt libro sequenti fusius dicetur; Scriptura verò, quod traditio Ecclesiæ columna, & firmamentum sit veritatis. Verum quia hoc fundamentum Scripturæ, & traditionis, siue quod idem est, diuini verbi tam scripti, quam traditi, licet in seipso consideratum sit completum & adæquatum, tamen respec-

Aut nostri completum non est, si quidem possumus circa veram illorum cognitionem errare, semperque dubitare, an rectè illa cognouerimus, vt satis patet ex immuneris controuersijs, quæ inter Catholicos, & Hæreticos versantur; hinc est, quod Deus ex parte nostri prouidit de altero certitudinis fundamento Ecclesiæ videlicet, cui ita assistit, vt singulari priuilegio in acceptandis Sacris Scripturis, & traditionibus errare non possit; vnde quod Ecclesiæ de illis iudicat, credit, ac determinat, verum est, & certum; Vt autem euidentiā sensus nobis cōstat de testimonio Ecclesiæ, sensus enim modo apertissimè videt, quod hic rextus Biblicus v.g. vulgatæ editionis, ab Ecclesiā Catholica Romana pro authentica declaratus est; item quod sint septem Sacramenta, & similia; vt, inquam, certitudo de testimonio Ecclesiæ circa illa habetur per euidentiā sensus, per eandem, nec non etiam intellectus, certò cognoscimus etiam Ecclesiā Romanam talia proponentem esse solam veram Christi Ecclesiā.

Semel enim per fidem cognitis verè Ecclesiæ existentia, essentia, definitione, & proprietatibus, operationibus, & signis, de quibus infra libro quarto, sic Theologus procedere potest; *illa Ecclesiā, quæ habet existentiam, essentiam, definitionem, quatuor causas, proprietates, operationes, & signa vera Ecclesiæ, est vera Ecclesiā, sed sola Ecclesiā Catholica Romana dicta habet, reliquæ verò non; Ergo sola Ecclesiā Romana est vera, reliquæ verò omnes falsæ.* Quo in argumento maior est certissima intellectui, tum per Logicam, tum per Metaphysicam; minor autem per euidentiā sensus, considerando quod in sola Ecclesiā Romana, ex his, quæ in hoc sæculo numerantur, reperiuntur illæ proprietates & notæ, quæ ex diuinis Scripturis soli veræ Ecclesiæ conuenire possunt.

Ad extremum, vt quæ in toto capite diximus de cōpleta coordinatione ad certitudinem diuinæ fidei stabiendam, siue quod idem est de vltima diuinæ fi-

dei resolutione, si quidem resolutioni rei alicuius nihil est aliud, quam eius reuocatio ad sua principia, vltra quæ non possit progredi ad aliqua alia, sed ad id peruenitur in quo est sistendum, vnde etiam vltima certitudinis diuinæ fidei resolutio, nihil est aliud quam eius reductio ad prima illa, quibus ingeneratur in nobis, principia & fundamenta; vt hæc, inquam, summam, magisque clarè contrahamus, loquendo de prima ingeneratione, atque adeò vltima resolutione diuinæ fidei per ordinem ad potētiam, principia enim illius, sicut & cuiuslibet actus intellectus sunt duo, nimirum *potentia*, seu *intellectus*, & *obiectum*; vnde etiam duplex potest distingui eius resolutio, vna per ordinem ad *potentiam*, altera per ordinem ad *obiectum*; loquendo inquam, de prima, certum est illam fieri in hæc tria, scilicet in *volitionem* determinantem intellectum, ad assensum tam quo ad exercitium, quā quo ad specificationem, item in *internam motum*, & *impulsum Spiritus Sancti*, mouentis, & agitantis intellectum ad hunc assensum, & in *ipsam supernaturale lumen*, siue habituale, siue actuale; quo intellectus elicit assensum diuinæ fidei.

Altera fidei resolutio ex parte obiecti sit vltimatè in solam reuelationem diuinam, vt in formalem rationem credendi; præsuppondo tamen euidentiā intellectus in lumine naturali fundatam, quod Deus reuelans errare, aut mentiri non possit. Quia autem assensus diuinæ fidei per ordinem ad obiectum potest duobus modis considerari; primò secundum se, & iuxta naturam suam, præcisè sumptam, deinde quatenus est in nobis circa veritates, vt propositas per Ecclesiā tanquam regulam infallibilem proponentem credenda ex ordinatione Christi Domini; ita certitudo diuinæ fidei resoluitur ex parte obiecti in diuinam reuelationem velut formalem rationem credendi, vt tamen ad diiudicandum an propositio credita sit reuelata à Deo, necesse sit ulterius procedere

dere ad auctoritatem, seu testimonium Ecclesiæ, ( quatenus illa habet infallibilem assistentiam Spiritus Sancti ) tamquam ad regulam certam proponentem, & explicantem, quæ sunt credenda; Quod testimonium veræ Ecclesiæ per suas proprietates, & notas euidenter cogitur, certò etiam cognoscitur per euidentiam sensus; sensus enim apertissimè vlet ea, quæ ab Ecclesia Catholica, & sola vera Ecclesia proponuntur erò credenda.

Vltimum tandem in quod certitudo iuinę fidei resoluitur non vt rationem, formalem, nec vt regulam credendorum sed solummodo vt conditionem prærequisitam ad generationem illius sunt ipsa motiua credibilitatis diuinę fidei, præcedensque iudicium de euidentia credibilitatis, & id genus alia, quæ tale iudicium requirit, inter quæ quia plura dantur per fidem humanam dumtaxat certa, superest vt in sequenti capite de certitudine fidei humanæ rebusque ad illam pertinentibus breuiter agamus, infra enim sect. 6. cap. 10. iterum redibit sermo de hac fidei resolutione.

C A P V T X I.

*De certitudine fidei humanæ.*

**C**um multa per fidem humanam credi plerumque necesse sit; naturæ si quidem ordo ita se habet, vt cum aliquid discimus, rationem præcedat auctoritas, scientiasque comparare non possimus, nisi facti prius discipuli, & credentes auctoritati magistrorum; cum, inquam, ita sit, breuiter ostendendum est quantam certitudinem generare possit fides humana quasque circumstantias, aut conditiones habere debeat ad illam generandam.

Primum dico per fidem humanam, haberi posse certitudinem moralem, quam nimirum certi sumus in rebus moralibus, & agendis, quaque vir prudens, & probus contentus est, ita vt is etiam habeatur imprudens, & ab humana con-

*Biblioth. Theol. Tom. I.*

suetudine alienus, aut sensus humani expertus, qui velit adhuc quærere, aut dubitare de re sibi per aliquam fidem, humanam, vel aliquorum auctoritatem confirmata. In hoc dicto conuenire debent omnes, maxime cum non procedat de omni humana fide, & in quibuslibet circumstantiis, sed sit indefinitum, ad cuius proinde veritatem sufficit quod aliquando verum sit, & id moraliter certum sit, quod viri cordati, prudentes, & probi affirmant; talisque certitudo tollat vt minimè omnem actua-lem formidinem, aut dubitationem.

De hac materia & in fauorem illius iamdudum eleganter scripserunt plures Sancti Patres Clemens Alexandrinus lib. 2. Stromat. Theodoretus lib. 1. de curandis Græcorum affectionibus, statim initio, Augustinus lib. de vtilitate credendi tomo 6. Sanctus Zeno libro de fide, Guilielmus Parisiensis tract. de fide aduersus Gentiles, Hugo à Sancto Victore libro de fide, alijque multi: Cum enim aliqui infideles, & heretici, imò tota ferè hæresum colluies inde sit orta, quia videlicet volunt infideles, & heretici concludere fidem intra limites nostri intellectus, adeò vt maximæ cordis & animi leuitatem putent, assentiri alicui obiecto obscure tantum cognito, & quod intellectus noster non potest natural, & euidenti ratione comprehendere; qua de causa Catholicos ludibrio habent quod absque vlla ratione, aut euidenti aliquo signo difficillimis & humanum captum superantibus mysterijs firmiter, & vsque ad vitę suę profusionem assentiuntur; Cum, inquam, infideles, & heretici ita putent, ad destruendum tam turpem errorem, fideique nostræ necessitatem ostendendam, ex parte obiecti obscure cogniti, nullum efficacious medium adinuerunt Sancti Patres, quam probare fidem in vniuersum abstrahendo à Diuina & humana, esse necessariam, suamque in credentium intellectu parere certitudinem; Si enim semel infideles ipsi, & heretici tenentur in multis ad humanam societatem pertin-

inentibus & alijs, recurrere ad certitudinem ab humana fide provenientem, assentiri per illam pluribus obiectis obscure, & inevidenter cognitis, certè non est, cur fidei Catholicæ necessitatè, aut conuenientiam ex parte obiectorum obscure cognoscendorum improbet, aut Christianos Catholicos leuitatis arguat, quod huiusmodi veritatibus, quibus ratio humana experimentum non præbet, fidem adhibeant. Maximè cum hæc diuinæ Sapientiæ secreta ipsa diuina Sapientia, quæ omnia nouit, dignata sit ita hominibus reuelare, vt sui præsentiam, & doctrinæ, inspirationisque veritatem in illis conuenientibus argumentis & signis ostendere voluerit, pro vt lib. 4. videbimus, nunc ad nostræ conclusionis rationes veniamus ex supracitatis patribus desumptas.

Primò si fidei humanæ moralis saltem non conueniret certitudo, iam nulla posset esse vera amicitia humana; vt argumentatur Diuus Augustinus libro de vtilitate credendi cap. 10. Si quis credere, & credulum esse semper in vitio ponit, nullum ille amicum habere potest: Si enim turpe est aliquid credere; aut turpiter facit qui amico credit, aut nihil amico credens, quomodo amicum vel ipsum, vel se appellet. Certè vera, & perfecta amicitia humana sita est in mutua beneuolentia; at licet erga eum à quo nondum te credis amari, possis affici aliquo affectu beneuolentiæ, quæ est initium amicitia; idque certò & euidenter per propriam experientiam scire: nequaquam tamen potes cum ex amicitia diligere nisi vt amicum, & nisi redamantem eum existimes; quod fieri non potest, nisi detur locus fidei humanæ, & alicui obiecto quantumuis obscure, certò tamen moraliter cognito ob autoritatem, vel dictum amici mutuum tibi amorem proestantis.

Secundò non solum amicitia, sed etiam omnis humana societas rueret nuntante semel aliqua saltem morali fidei humanæ certitudine; mercatores enim mutuo nunquam contraherent, cum

sibi inuicem prius debeant aliqua certitudine fidere, & credere, neque tot maris, ac terræ periculis se committerent, nisi lucrum aliquod fide humana ex aliorum videlicet relatione, certò saltem moraliter sibi persuaderent: sicut nec agricolæ semen terræ cum tantis laboribus mandarent, nisi maiores prouentus se consecuturos prius crederent; ne denique infirmis præscriptis medicorum vnquam vteretur, si se per illa educto illius valetudinem recuperaturum non arbitraretur; denique vt ait Diuus Augustinus citato lib. cap. 12. nisi quod nescitur euidenter, credatur, sitque aliquid fide humana certò persuasum, tolleretur pietas & amor filiorum erga parentes, & vicissim amor parentum erga ipsos. Non enim ratione sciri potest, sed interposita matris auctoritate, atque adeò dato loco fidei humanæ, de patre creditur: de ipsa verò matre, plerumque nec matri, sed obstetricibus, sed nutricibus, & famulis credendum est; credimus tamen & sine vlla dubitatione credimus, quod scire non posse confitemur. Quod etiam præclare docuit Abbas Rupertus in 5. Ioannis. *Sine fide, inquit, nec infidelis uiuit, nam si infidelem percontari velis, quem patrem, aut quam matrem habueris, protinus, respondet, illum atque illam, si statim requiras, vtrum noueris quando conceptus sit, & quando natus, nihil horum se nosse fatebitur, & tamen quod non videt, credit: habent enim infideles fidem, sed vtinam in Deum nam si haberent infideles non essent.*

Adde ex eodem D. Augustino eundem, multos esse stultos, seu parum intelligentes rerum diuinarum, aut etiam humanarum, & officiorum virtutis; qui si sibi vires duces esse velint, eamque suo iudicio regere, peccent omnino, & deficiant necesse est; quia aut errorem, aut ignorantiam sequuntur: eatenus ergò tantum bene agere ac viuere possunt in multis, quatenus vt sapientis instrumenta agunt, eiusque dictis & præceptis fide humana certò credentes obediunt.

Dico secundò per fidem humanam non

non solum haberi posse certitudinem, moralem, sed etiam physicam, aut Physicæ equiparatam, qualem habet is qui experitur, & videt rem aliquam: sicut certus sum physice Petrum, quem sensibus bene affectis vidi verè mortuum, non esse amplius in viuis, nec si quis ei similis inueniatur, ipsum esse, quia certus sum euidentia intellectus res quæ extiterunt, & perierunt non reproduci naturaliter. Dixi naturaliter, quia miraculosè, siuè per omnipotentiam Dei absolutam, potest mutari status rerum, proindeque necessitas illa in qua fundatur certitudo quæ appellatur Physica, quia fundatur in necessitate, immutabilitateque physica, quæ oritur dumtaxat ex naturali rerum ordine.

Probatur primò, quia tam certus videtur esse aliquis Romam esse, quam nunquam vidit, ac certus est ciuitatem illam esse in qua versatur; tam, inquam, certus esse videtur, tamque amens esset, si de vno, ac de altero dubitaret; sed illa certitudo, quæ quis est certus de ciuitate in qua versatur, est certitudo Physica, ergo etiam & illa, quæ quis est certus de Romæ existentia; & tamen qui habet euidentiam ciuitatis in qua manet, non habet de Roma aliam certitudinem quam fidei humanæ; si quidem id à Deo reuelatum non accepit, ut supponitur, nec experimentalis cognitione, aut intelligentia quæ est de rebus vniuersalibus, aut etiam de essentijs rerum, cognouit: Igitur per fidem humanam haberi potest certitudo Physica, vel tanta ut certitudini Physicæ equiparari possit; nec dicas credentem in tali casu habere euidentiam in attestante, hoc enim libenter admitto, sed addo euidentiam in attestante, non esse euidentiam rei, ut ita dicam, attestatæ, sed testantis authoritate confirmatæ, nec eam impedire quominus res possit credi fide humana, ut cõmuniter docent Philosophi; quidquid sit de fide diuina, an possit stare cum euidentia Dei attestantis, de quo disputant Theologi 22. vnde semper fiat per fidem inerè humanam haberi

*Biblior. Theol. Tom. I.*

posse certitudinem, nõ solum moralem, sed etiam physicam, seu Physicæ equiparatam.

Secundò si per fidem humanam, certitudinem etiam physicam, aut illi equipollentem nõ haberemus, iam omnis ferè aditus scientijs disciplinisque obstrueretur, *Si tollis hanc fidem*, inquit D. Augustinus lib. & cap. iam citatis de vtilitate credendi, *tollis omnem magistræ, disciplinæque rationem*: Primo enim in scientijs subalternis acquirendis, non omnes propositiones demonstrabiles habet demonstratas discipulus, nec eas euidenter nouit; vnde certitudinem illarum non habet in euidentia fundatam, sed in fide humana, quia scilicet audit Philosophos de ceteris inter se acerrimè contententes, in ijs tamen suppositionibus vnanimes esse. Insuper pro habendis scientiarum principijs, inductione in rebus sensibilibus, & singularibus facta opus est: pro inductione autem plerumque sufficit fides humana, quam tradunt historix, & testimonia doctorum, eorumque qui id se expertos esse affirmant: Iam ergo si fides humana non posset aliquando parere in credentis intellectu certitudinem Physicam, non esset vnde in comparandis scientijs necessaria esset, nec qui sine illa, magistrorumque subsidio vellent per se ipsos id tentare, in ita stolidos errores incideret. Quare rectè Aristoteles passim docet credendum esse vnicuique, in propria ipsorum arte, & ante omnia postulat, ut discipulus suo præceptoris credat, *discensiem*, inquit, *credere primum oportet*. Si quidem ut bene argumentatur Theodoretus loco superius à nobis citato. *Nemo unquam sine fide aliquid potius addiscere, nam quod talia sint nomina Characterum, & litterarum A.B.G. aut A.B.C. demonstrari, aut sciri non potest, sed fide tantum creditur, & tamen illis velut fundamentis cetera omnia, quæ sunt addiscenda nituntur*.

Dico tandem tertio per fidem humanam posse etiam haberi certitudinem Metaphysicam, quæ in eo sita est, ut po-

fitis omnibus circumstantijs, in quibus res credita est, repugnet rem non esse, veram eo modo quo creditur, quia videlicet id aliter non posset fieri, quam per miraculum, quod repugnat in eo casu, cum enim solus Deus ex vna parte sit author miraculorum, & ex alia infinitæ eius bonitati, & sapientiæ veracitati que repugnet, quod ipse sit author mendacij, vel erroris, implicat quod in confirmationem, & testificationem alicuius propositionis falsæ, possit aliquod patrare miraculum, ut satis dicemus l. 4. infra.

Primum in fide humana certitudinem metaphysicam haberi posse, facile probari posset ex statim dictis; quæ enim certitudo est principium alicuius scientiæ veræ, ea est Metaphysica; vnde cum satis ostenderimus aliquam fidei humanæ certitudinem esse principium alicuius scientiæ veræ, cuiusmodi sunt scientiæ subaltermatæ, apertè sequitur aliquam humanæ fidei certitudinem esse metaphysicam. Verùm quidquid sit de rebus humanis, existimo assertionem esse veram, saltem ferè in omnibus motibus credibilitatis fidei Christianæ; v.g. credimus fide divina Deum esse vnum, & Trinum, Verbum esse incarnatum, quia Deus qui est prima veritas id ita revelauit; sed quomodo certi sumus Deum ita revelasse, nec enim experientia id didicimus, nec demonstratione, aut intelligentia clara & euidenti; vnde igitur scimus id Apostolos docuisse, & alia huiusmodi, ut & in confirmationem harum veritatum tot miracula facta fuisse? Certè nulla alia saltem facilius videtur esse ratio respondendi, quam si dicamus id nos habere traditum ab hominibus, qui in eo numero, statu & conditione fuerunt, ut nullo prorsus modo falli hæc in re, aut fallere velle poterint, alioqui rueret suauitas diuinæ providentiæ.



## CAPVT XII.

*De conditionibus requisitis, ut fides humana certitudinem habere, & parere possit.*

Cum omnis humana fides nec morale, nec Physicam, nec Metaphysicam habeat, aut pariat certitudinem, superest breuiter explicandum, quas circumstantias, aut condiciones eam fidem habere oporteat ut tantam certitudinem faciat, siue quod idem est, quænam sint circumstantiæ, & condiciones necessariæ, ut authoritati humanæ indubitata, certa que fides adhibeatur. Hæc autem condiciones sunt in vniuersum in duplici differentia; alix enim se tenent ex parte ipsius authoris, seu eius cui creditur, alix ex parte ipsius credentis. Igitur quod ad primas pertinet tres communiter assignari solent, sapientia, veracitas & loquutio clara; id est, primò, ut in ea re quam credendam proponit, sit, habeaturque sapiens, ita ut in eo negotio nulla suspicio quod ille fallatur aut erret, suboriri possit, & qui credit, certò cognoscat authorem nullo modo decipi, nec verò posse, stantibus circumstantijs illis quas eius reuelatio supponit. Secunda est, ut qui, nullo modo fallitur in eodem negotio, nullo quoque modo velit fallere, imò nec possit velle facere, sitque hæc necessitas saltem suppositionis. Tercia, ut quod in mente habet, & iudicat author, id signo externo, seu verbo ita clarè exprimat, ut qui audit nullo modo dubitet, quin assequatur, plenèque intelligat mentem authoris. Harum conditionum si vel vna aliqua desit, aut nuteat, totam etiam autoritatem, & quæ ea nititur fidem vacillare oportere satis patet cuiuslibet consideranti.

Quia autem harum omnium conditionum certa cognitio duplex haberi potest vna fidei, altera euidentie seu scientiæ: notitia illarum certa à credente præsupposita, debet esse scientiæ seu cui-



evidentiæ, non autem fidei, ne aut de-  
tur processus in infinitū, aut fiant mul-  
tæ inutiles ambages, quæ quantæcun-  
que sint, debeat tandem eo devenire, ut  
vt credenti sit evidenter notum in cir-  
cumstantijs eiusmodi, cum cui certissi-  
ma fides adhibetur, nec posse falli, nec  
fallere, nec ullam in ipsis dictis fallaciæ  
suspicionem inesse. Hinc est quod ad  
illam evidentem notitiam comparandā,  
suar etiam præscribuntur regulæ. Inpri-  
m is infallibilis, & necessaria regula hæc  
est ad dignoscendum aliquem non falli  
in aliqua re; si multi eiusmodi periti,  
vel singulatiim, vel etiam incuntes concilium, remque diligentissimè discuti-  
entes omnes in eo conveniunt, quod aiant  
se illam evidenter perceptam tenere; &  
dicitur, si multi periti, vel ea in re sa-  
pientes conveniant; nec enim imperi-  
torum multitudo quantalibet fidem fa-  
cere potest, ut rectè observavit S. Au-  
gust. lib. 1. contra Academicos cap. 3.  
vbi ait, *venerandam quidem esse maio-  
rum auctoritatem, non tamen omnium,  
sed qui sapientes fuerunt.* Cum autem  
ex eodem D. Augustino ibidem lib. 1.  
cap. 5. vix quidquam sit nobis notius,  
quam ratio communis sapientiæ, & pro-  
bitatis, cuius, inquit, *verbi in animis no-  
stris apertiore notione natura esse vo-  
luit, quam sapientiæ,* hinc est, quod qui-  
libet prudens facile poterit agnoscere,  
an multi illi quorum consensus aucto-  
ritatem fidei statuit, sint sapientes ea-  
in re de qua ipsis creditur.

Ratio istius regulæ potest esse pri-  
mò, quia veritas, ut etiam supra notavi-  
mus, supponit veritatem entis veri, &  
non potest esse multiplex, variaque ve-  
ritas; ad distinctionem falsitatis, quæ  
non est una, sed multiplex, non stabilis,  
aut firma sed inconstans; & si multi in  
vnius rei inquisitione decepti sunt, haud  
dubiè varia sentiunt, & referunt; igitur  
videtur impossibile esse humanitas, aut  
per ullam causam creatam, ut multi sa-  
pientes viri diligenter examinantes rem  
vnam, & eandem, si in eandem senten-  
tiam conspirent, in ea sint decepti: ma-

ximè si in alijs rebus inter se dissentiant.  
Vnde tantum abest, quod authores in  
alijs circumstantijs rei differentes, mi-  
noris fidei sint, cum in aliqua eiusdem  
rei circumstantia omnes conveniunt; ut  
potius illa sententiarum in alijs rebus  
varietas, sit non leue argumentum, si  
qua in parte consentiunt, in ea illos non  
errare, sed ipsam veritatem assequi; ut  
magis infra ponderabimus lib. 4. vbi in-  
ter cætera credibilitatis diuinæ fidei ar-  
gumenta, & motiva istud adducemus.

Secunda ratio, cur vnanimis viro-  
rum sapientum, & diligentum multorū  
consensus omnem erroris, vel deceptio-  
nis suspicionem excludat, sitque natura-  
liter impossibile id falsum esse, quod  
multi illi credunt, & sciunt, videtur esse,  
quia non nisi duce natura ipsa, luminis-  
que naturalis intelligentia, talem consen-  
sum habere possunt; sed quod natu-  
ra magistra, aut duce sapientia cogno-  
scitur, impossibile est illud esse falsum.  
Ergo &c. Probatur maior, cum enim,  
quoties in multis inest aliquis effectus  
idem, & communis, oporteat in eis ines-  
se commune etiam aliquod principium  
ex quo talis effectus sequatur; si semel  
datur vnanimis ille consensus, debet etiā  
dari vnum ita sentiendi principium; sed  
illud ut supponimus non est auctoritas,  
qua aliquem ut ducem, aut doctorem,  
sequantur illi, qui sic vnanimiter sen-  
tiunt, cum aut singuli, aut etiam incun-  
tes concilium, & rem accuratissimè exa-  
minantes omnes in eo conveniant, quod  
aiant se rem evidenter perceptam tene-  
re; igitur sola natura, aut virtus quæ  
eam perficit, potest esse tale principium;  
si quidem præter ista duo nullum aliud  
potest assignari, & quidquid aliud assi-  
gnabitur id erit deceptio, error, aut  
aliquid aliud quod vnum & vniforme  
esse non posse supra probatum est.

Minor in qua est difficultas, nimi-  
rum quod natura magistra, aut duce sa-  
pientia cognoscitur, impossibile esse il-  
lud esse falsum, patet primò, quia natu-  
ræ, virtutumque illius intellectuum  
Deus ipse est author, qui falsitatis, aut

erroris magister esse nequit. Secundò, quia sicut impossibile est non esse bonum quod appetitur naturali, aut naturæ instinctu, vel ex virtutis moralis affectu appetitur, ita quod ex virtute intellectiua cognoscitur impossibile est falsum esse; siue quod idem est, sicut qui ex virtute morali agit, is non potest non rectè agere; ita qui secundum virtutes intellectiuas operatur, is errare speculatiue, & decipi non potest; etenim ex Philosopho 6. eth. cap. 2. & 3. *Virtus intellectiua semper, & ex sua essentia verum dicit, tamque est determinata ad verum, quod est opus intellectus speculatiui, quam virtus moralis est determinata ad bonum*. Sic rectè Cicero lib. de nat. Deorum pronuntiauit, *de quo omnium natura consentis id verum esse necesse est*; & elegantius Tertull. lib. de testim. animæ; *hæc, inquit, testimonia anima quantum vera, tanto simplicia: quantum simplicia, tanto vulgaria: quantum vulgaria, tanto communia: quantum communia, tanto naturalia; quantum naturalia, tanto diuina*. Non putes cuiquam stridulum & frigidum videri posse, si recogites naturæ maiestatem, ex qua censetur antioritas animæ. *Quantum dederis magistra, tantum adiudicabis discipule, Magistra natura, anima discipula: quidquid aut illa docuit, aut ista perdidit, à Deo traditum est, magistro scilicet ipsius magistra*. Hæcenus grauis Tertullianus; sed de hoc argumento vide inferius dicenda lib. 4. vbi aduersus Atheos probatur Dei existentia.

Quod si dicat aliquis, per miraculū, & absolutè loquendo fieri posse, vt ij omnes decipiantur, etiam in illis circumstantijs communis consensus, post diligentem & accuratam rei disquisitionē, atque adeo non posse inde argui certitudinem metaphysicam: Respondetur id repugnare prouidentie Dei, cuius voluntatem nisi afficiat, moueatque bonitas, & eam sapientia regat, eius omnipotentia nihil molitur; quare quod Deū bonum & sapientem velle repugnat, id ab eo quoque fieri repugnat; tam autem diuinæ sapientie, quam bonitati

repugnat, quod miraculo falsitatem confirmet vt in tali casu contingeret.

Secunda regula, vt scilicet euidenter sciatur authorem illum, qui nullo modo fallitur, nullo quoque pacto vel le decipere, sed esse veracem in proponenda re illa, de qua habenda est fides; quæ est secunda conditio infallibilis auctoris fidei humanæ, siue quod idem est, vt authoritati humanæ indubitata, certaue fides adhibeatur; secunda, inquam, regula ad hoc euidenter cognoscendum omni exceptione maior, est, si videlicet multi idem omnino asserunt, qui tamen nullo modo inter se egerunt, aut conuenerunt, vt fallerent. Vnde si diuersis in locis, diuersisque temporibus infinita propè hominū multitudo alioqui moribus, opinionibus, institutisque dissimilium idem affirmant, puto esse impossibile, vt fallaciam faciant, cōponantque adeò feliciter, vt viros prudentes, & sagaces lateat, vt iterum dicemus lib. 4. agendo de euidentia credibilitatis fidei Christianæ.

Tertia tandem regula, ad clare & euidenter cognoscendum, quæ verba ab authore fidei proferuntur, eodem in sensu intelligi ab auditore, in quo ab eo proferuntur; ita vt nulla sit terminorum æquiuocatio, nullaue in verborum intelligentia deceptio; quæ est tertia conditio requisita ad authoritatē illius cuius dictis fides certissima, adhibenda est; talis, inquam, regula colligitur ex D. Augustino lib. de magist. cap. 13. dum docet tribus modis fieri posse, vt aliquis etiam linguæ, & idiomatis gnarus velit suam mentem fideliter aperire audienti, nec tamen id præstet. 1. si ei aliquid efferre volenti, aliud quam quod vult proferre verbum occurrit, & excidit lingua mentem præcurrente. 2. si id linguæ vitio, impedimentoque contingit. 3. cum profert verba ambigua, & æqui-uoca, & in vno sensu, vel significato ipse ea sumit, in alio vero sumuntur ab audiente. Quæ omnia incommoda, sicut facile vitari possunt per suas regulas, per easdem etiam poterit clarè & cui.

euidenter constare de vero sensu, quo homo sapiens in re aliqua, & verax, animi sui sententiam alteri credendam proponit.

Quod pertinet modo ad conditiones ex parte credentis necessarias, ut eius fides certissima sit; videnda sunt inferius dicenda lib. 4. vbi agendo de euidencia credibilitatis fidei Christianæ, siue rerum per illam credendarum, adducuntur plures causæ, cur tam multi res ita clare, & euidenter credibiles, credendo non amplectantur, idque suo vitio, & ob impedimentum quod in ipsis est, sicut à lippientibus oculis lux ipsa videri non potest, non quidem quia ipsa visibilis non est, sed quia visum ineptum & vitiatum offendit: Interim dico hominem, ut in credendo authoritati infallibili certitudinem veram, & perfectam habeat, duabus veluti conditionibus positivis præditum esse oportere, vna ex parte voluntatis, altera ex parte intellectus, quæ utraque veram componat, aut efficiat docilitatem. Condicio, seu qualitas ex parte voluntatis ad veram docilitatē desiderata est amor quidam veritatis, atque adeo subiectionis sub eo, à quo ut sapiente & verace potest erudiri, & edoceri; qui amor coniungi debet cum modesta & humili suæ inscitiae agnitione, & cum studio diligentiaque in comparanda rei credendæ veritate; quam enim superbia, & addiscendæ veritatis negligentia docilitati sit contraria, superbumque impediatur ne rem alioqui credibilem ipse credat satis clare colligitur ex capite 5. S. Ioannis vbi Christus Dominus Iudeos alloquens, *Quomodo, inquit, vos potestis credere, qui gloriam ab invicem accipitis, & gloriam qua à solo Deo est non queritis;* nec non etiam ex eo quod communiter SS. Patres nullam aliam fere causam errandi in hæreticis agnoscunt quàm superbiā; vnde rectè S. Basilii conc. in Psal. 115. ait, quod qui mentem suam non humiliat, qui eam vniuersorum mensuram facit, inflatus, & ob vanitatem mentis suæ elatus non potest dicere cum Psal-

mista, *Credidi propter quod locutus sum.*

Alter conditio, vel qualitas ex parte intellectus requisita, est prudentia, & in iudicando de veritate proposita peritia; cum enim qui credit, ut certus sit, debeat videre motiua illa credibilitatis, scilicet authoritatem reuelantis, & reuelationem esse eiusmodi, ut mereantur tantam fidem, & certitudinem, satis constat, totum hoc fieri debere ex deliberatione matura ac prudenti; quare tantum abest, ut ad docilitatem, & ad habendam veram fidei humanæ certitudinem impediatur doctrina, vel ingenium, ut aliqui videntur existimare, ut potius è contrario ea maximè iuuent; quia tamen doctrina fastum aliquando & superbiam comitem habet, & ut ait Apostolus, *scientia inflas*, hinc est quod aliquando etiam incredulitati & indocilitati per accidens occasio esse potest: sed de his satis, qui plura desiderat consulat D. Augustinum lib. de utilitate credenti, capite potissimum vndecimo.

## CAPUT XIII.

*De probatione topica, seu probabili.*

**Q**uia inter locos Theologicos aliqui reperiuntur, qui probabilem tantum, seu topicam faciunt probationem, id circo ad huius sectionis complementum breuiter agendum est de illa, rebusque ad illam pertinentibus. Primum ergo sic definiri potest veluti negatiuè Topica probatio, *est non certa probatio*; dicitur probatio quia probat, & per hoc distinguitur à sophistica, quæ nihil probat, sed potius habet pro fine deceptionem; dicitur non certa, ut à certa distinguatur, deficit enim illi certitudo. Ex qua definitione satis constat probabile, seu topicum, à quo probatio topica vel probabilis suam habet denominationem, esse quid medium inter certum, & sophisticum, adeo ut respectu sophistici se habeat in plus, respectu verò certi deficienter; cum enim sophistica apparentiæ dicant solam dubitationem.

tionem absque vlla penitus probatione, secundum quod probatio dicitur quasi proba ratio; probabiles præmissæ, seu medium probabile, ita ex parte dicunt dubitationem, vt etiam ex parte annexam habeant probationem. Cum autem per oppositum probatio certa sit completa rei manifestatio, firma intellectus adhæsiō ad rem probatam; probatio topica seu probabilis, est incompleta dumtaxat rei manifestatio, non firma intellectus ad illam adhæsiō, sed titubans, & cum dubitatione.

Hinc etiam sequitur eadem penitus esse probabilitatis, seu probationis probabilis; ac certitudinis, seu probationis certæ fundamenta, solumque inter se differre in plus vel minus, seu penes perfectum & imperfectum; vnde sicut ex dictis supra duo sunt certitudinis fundamenta; primum est autoritas, vel dictum illius, qui in dicendo non potest errare; secundum est euidencia tum sensus, tum intellectus; tot etiam sunt probabilitatis. Primum est autoritas, seu dictum alicuius fide digni, licet in dicendo possit errare: in quantum enim est fide dignus facit probatiuum cognitionē; in quantum errori est obnoxius facit dubitationem: Ad hoc autem vt aliquis fide dignus sit, atque adeo eius autoritas præcisè probabilem faciat probationem, plura requiruntur primo debet esse versatus circa tale obiectum, de quo quaritur probabilitas, ad hoc vt censeatur probabile. Hinc purus Philosophus, vel etiam plures, qui in Philosophicis dumtaxat excellant, nequeunt per se reddere aliquam conclusionem Theologicam probabilem; nec Theologus licet insignis in vtrâque Theologia Scholastica & morali per se reddere potest conclusionem Mathematicam probabilem, & sic de cæteris: verum est tamē, quod quando aliquis est peritus in aliqua scientia, quæ habet affinitatem cum alia, vt est Theologia Scholastica, ac Moralis; scientia Canonum, & Legum; scientia Physica, ac Medicina, addere potest aliquod pondus opinioni quam

reddunt, vel reddiderunt probabilem, periti in tali scientia; imo verissimum etiam est, quod quò pluribus scientijs est aliquis instructus, eo reddit opinionem circa illam materiam, in qua ipse insignis est, probabiliorem; neque enim negari potest, quin vna iuuat aliam, sicut enim causæ sunt sibi inuicem causæ, ita disciplina sibi inuicem profunt, faciemque præferunt.

Quam conditionem eleganter expressit Philosophus lib. 1. Topic. cap. 1. vbi probabilitatem explicans sapientum semper facit mentionem; *Probabilia, inquit, sunt quæ videntur omnibus, aut plurimis, aut sapientibus; & his vel omnibus, vel plurimis, vel maxime familiaribus & probatis.* Quibus verbis tria probabilium genera distinguit Philosophus. Primum est eorum, quæ videntur omnibus, siue doctis, siue indoctis, v. g. *mater diligit filium*; aliaque propositiones immediatæ probabiles, quibus omnes planè assensum præbent. Secundum est eorum, quæ videntur plurimis, hoc est doctis & indoctis; quod enim contendunt aliqui hoc secundum genus probabilem esse penes multitudinem, & excludere sapientes: satis conuincitur falsitatis, tum ex eo quod ab imperitis, & ignara multitudine vt sic non potest desumi probabile argumentum; tum etiam ex eo quod sicut in primo genere ly *omnibus*, comprehendit & doctos & indoctos; ita etiam in hoc secundo ly *plurimis*; si quidem soli sapientes per se opinionē reddunt probabilem; vnde licet probabilior sit illa opinio, in qua conueniunt omnes, vel plurimi sapientes, & non sapientes simul, quam illa, in qua soli sapientes, lumen enim naturali, quo indoctus non priuatur, videtur esse astringit; nihilominus tamen oportet vt à sapientibus viris imperitæ multitudinis sensus examinetur, & approbetur, si probabilis censendus est.

Tertium probabilem genus est eorum quæ videntur solis sapientibus; quod habet sub se tres species; *Prima est eorum,*

rum,

rum, quæ videntur omnibus, sed solis sapientibus; secunda eorum, quæ videtur plurimis sed non omnibus sapientibus; tertia denique eorum, quæ maxime familiaribus, & probatis, siue (vt vertit Perizonius) ijs, quorum spectata est, & perspecta sapientia, videntur: Notandum est tamen ubi dicitur in plurali, *Sapientibus, familiaribus, ac probatis*, non propterea necessario iuxta Aristotelem debere esse plures sapientes ex his, ad hoc vt opinio aliqua dicatur probabilis. Est enim certissimum sit ceteris paribus illud, in quo plures numero sapientes consenserint, probabilius esse; sufficit tamen ad reponendum aliquid inter opiniones probabiles vnus insignis, & admodum celebrati viri sensus, maxime circa aliquod obiectum ab alijs doctioribus non examinatum; nisi repugnauerit dignis maiori fide opinionibus, & produxerit inopinabiles sententias. Quæ duo sunt necessario coniungenda; nam non fit, vt non sint opiniones probabiles, eo quod repugnent dignis maiori fide opinionibus, nisi sint inopinabiles sententiae, vna enim opinio, vt satis patet, est probabilior alia; & hæc breuiter dicta sufficiant de probabilitate fundata in autoritate, quæ ab alijs probabilitas authentica siue extrinseca appellatur, rationalis verò vel intrinseca illa quæ in ratione consistit, de qua statim.

Quod pertinet igitur ad alterum probabilitatis fundamentum, vt certitudinis fundamentum est euentia, siue claritum sensus, tum intellectus cognitio; ita probabilitatis fundamentum est non clara vtriusque cognitio; non eo sensu, quod illa particula *non clara* sumatur uerè priuatiuè, & pro vt est idem ac obscura; sed imperfectè, & pro vt non est ita clara cognitio, sicut illa quæ ad certitudinem requiritur; sic si quis à longe, vel in crepusculo, vel in dorso dumtaxat videat Sortem, clarè autem non videat, per coniecturas tantum & indicia poterit probabiliter iudicare, quod Sortes sit; idem erit de cognitionibus,

*Biblioth. Theol. Tom. I.*

quæ per indicia, & coniecturas, & signa quæ certa non sunt obtinentur; vnde potest ex dictis per terminos veluti positiuos tradi aliqualis definitio vel descriptio probationis topicæ seu probabilis in tota sua latitudine, quod sit cognitio, quæ aliquod habet fundamentum veritatis, vel in autoritate dicentis, vel in lumine intellectus, aut sensus, sed tamen non habet fundamentum certæ veritatis; vel etiam, quod sit iudicium determinatum ad vnā partem contradictionis nixum *rationabili motiuo*: Eo ipso autem quod motiuum est rationale: est quoque non leue, non modici momenti, non ex parte fidei, neque enim est hominis rationaliter, vel prudenter operantis finire, vt intellectus in aliquam determinatam partem à rationibus arundineis fluctatur.

Si quis autem inquirat aliquis vnde possit dignosci motiuum aliquod esse rationale; respondetur nullum signum à posteriori posse assignari magis certum rationalitatis motiui, quam sensus hominum sapientum, siue quod vt tale à viribus sapientibus approbetur: impossibile est enim moraliter omnino, vt opinio aliqua rationale fundamentum, vel motiuum habeat, & nulli sapienti tale videatur: Quare, licet in probatione, vel cognitione probabilis, quæ habet pro fundamento, vel motiuo autoritatem dicentis, talis autoritas non solum se habeat tanquam conditio, sed vt ipsamet ratio formalis assentiendi; tamen in probatione, vel cognitione probabilis, quæ innititur alicui motiuo rationali, talis autoritas non se habet cum illo vt medium, vel ratio formalis, sed vt conditio, vel ratio explicans, siue vt quid concomitans naturam motiui probabilis. Hinc primò quotiescumque motiuum videbitur rationale simul sapientibus, ac non sapientibus, erit probabilior opinio, quam si rationale appareat solis sapientibus; & quo plures hi, eo etiam adhuc probabilior. Secundo, quo magis, vel minus erit rationale

X

bile

bile motuum, eo opinio erit magis, vel minus probabilis, & dummodo sit verum dicere, motuum est rationale, licet sit parum, opinio simpliciter erit probabilis, nec poterit dici improbabilis. Tertiò improbabilem esse opinionem illam, quæ nulli rationabili videtur motui; cum autem vnum motuum possit esse magis à ratione alienū, quàm aliud, sicuti vna propositio magis distat à verò, quàm alia; hinc fit vt vna etiam opinio sit alia improbabilior. Quodnam autem sit irrationabile motuum, constat ex iudicio sapientum. Quarto ad hoc vt opinio sit verè probabilis, requiri rationale motuum, non verò sufficere, quod non appareat motuum in contrarium. Vt enim quis rationabiliter opinari dicatur, non sufficit, vt iudicet tantum se non irrationabiliter operari, sed insuper, vt pote animal rationale, ratione duci debet, ad hoc vt huic parti potius, quàm illi, & maxime dum non apparet euidentia, adhæreat. Quinto non posse cōcedi dari opiniones probabiles circa id, cuius contrarium euidenter, ac certo demonstratur, vel ex

terminis ipsis appareat; nec contra id quod fides Catholica docet; est enim penitus irrationabile opinari contra id, quod demonstratur, vel adhærere illi parti, cuius opposita est certissima, & infallibilis, vt in diuina fide contingit. Hinc est quod opiniones hereticorum, Gentiliumque contra fidei Catholicæ dogmata, non sunt reipsa, seu verè probabiles, sed tantū apparenter; viri enim sapientes apud eos, si velint sincere motiua nostræ fidei, & sanarum sectarum, examinare, non poterunt iudicare prudenter esse suis adhærendum pronuntiatis; cognoscentque euidenter, solum fidei nostræ effatis humanum esse subiiciendum intellectum. Hinc etiam merito coarguendi sunt illi Philosophiæ doctores Catholici, qui argumenta è fallaci Philosophia desumpta contra id quod vera docet Philosophia magnificentes, illa haud soluunt, aut soluere non conantur, sed difficultatem porius exaggerant, cum tamen non solum euidentia, ac certa esse non possint; verum nec probabilia, sed sophistica tantummodo.



# SECTIO QVINTA.

Quantam vnusquisque locus Theologicus  
in particulari probationem faciat.

## CAPVT PRIMVM.

*De probatione Theologica desumpta ab auctoritate diuinarum  
scripturarum.*



**RAESVPPOSITO** ex  
dicendis libro subse-  
quenti, quod diuina-  
rum scripturarum no-  
mine nihil aliud intel-  
ligatur, quam doctrina

caelestis, quam Scriptores sacri, peculia-  
riter inspirante, ac in omnibus suggeren-  
te Spiritu Sancto diuinis litteris con-  
signarunt; nemini sane illud admittenti  
dubium esse potest, quin argumentum,  
ab auctoritate sacrae scripturae rectè in-  
tellectæ desumptum, certissimam ac in-  
fallibilem faciat probationem. Quia  
autem sacra scriptura plures ex inferiori  
dicendis sensus habet, litteralem scilicet,  
& spiritualem, & hunc spiritualem, siue  
mysticum adhuc triplicem, Tropologi-  
cum, Allegoricum & Anagogicum, dif-  
ficultas est ex quo cuiusmodi sensuum  
haberi possit aliquid fide certum, atque  
adeo proprium principium, vnde scien-  
tificus Theologiae habitus conclusiones  
suas deducere possit; pro cuius expli-  
catione sequentes assertiones pono.

Assertio prima. Ex litterali sacrae  
scripturae sensu, certo tamen & indubi-  
tato, firmum ac irrefragabile desumitur  
argumentum ad stabilienda fidei dog-  
mata, Theologicaeque veritates. Hæc  
assertio conceditur ab omnibus diuina-  
rum litterarum veritatē admittentibus,  
illaque semel supposita videtur omnino  
lumine naturali nota: cum enim sint ip-  
summet verbum Dei scriptum, quem-

nec falli, nec fallere posse naturaliter  
cognoscimus, satis constat illas debere  
esse infallibilis auctoritatis; maximè  
secundum litteralem sensum, qui posita  
vorum significatione ex libera imposi-  
tione hominum, iam est ex natura sua  
determinatus, & consequenter est ordi-  
nariè ex se nobis euident, & indubita-  
tus; & cum sit fundamentum omnium  
aliorum sensuum, nulli dubium esse po-  
test, quin sit intentus à Spiritu Sancto  
per scripturas sacras principaliter allo-  
quente.

Dictum fuit in assertione ex sensu  
litterali certam & indubitatam obtineri  
posse probationem, dummodo sit etiam  
omnino cerrus, & indubitatus, si qui-  
dem ad certam ex sacra scriptura proba-  
tionem, non sufficit habere certam de  
fide noticiam, quod verè sit verbum  
Dei; siue quod hic locus scripturae præ-  
cisè consideratus contineat verè verbū  
Dei, sed insuper requiritur, quod ead-  
em certitudine constet de vera illius  
intelligentia, & interpretatione, vnde-  
cumque proueniat, de quo libro sequen-  
ti sectione 1. Si enim semel de vno, vel  
altero probabilis tantum habeatur, vt  
sententia, vel propositio in illis fundata  
non est de fide, ita neque potest ex illa  
consequenter deduci conclusio verè ac  
proprie Theologica, quæ non nisi ex  
certo reuelatis, & diuina fide creditis  
deriuari potest; de quo videri potest  
D. Augustinus lib. 1. de Genesi ad litte-

ram cap.18. nec non Cassianus collat. 8. cap. 4. Probabilitatis autem spheram esse adeo latam, vt etiam circa sacros codices versari possit patet ex multis, quæ adducuntur libro sequenti fusius. Primo ante diē 8. Aprilis anni 1546. (quo die à Concilio Tridentino sess.4. factum est decretum circa sacræ scripturæ libros ab omnibus recipiendos) vel saltem ante diem 26. Ianuarij anni 1564. quo confirmatum est tale decretum, potuit esse opinio probabilis, quod aliqui eorum absolute, vel secundum aliquam sui partem haud inter eos reponendus foret. Secundo potest esse opinio probabilis, quod nunquam intercederet aliquis liber, qui re vera fuerit in Ecclesia Canonicus, vt docent aliqui; & adhuc probabilis, quod aliqui perierint, vt docent alij, de quibus libro sequenti; qui cum addant posse in Ecclesia librum, qui hæcenus iudicatus est incertæ authoritatis, declarari postea Canonicum, & diuinæ authoritatis; manifestè sequitur, quod *Oratio Manasse Regis Iudæ, cū captus teneretur Babylone; & libri duo, qui sub nomine libri tertij, & quarti Esdræ circumferuntur*, ex eo præcise quod de facto nō fuerint à Tridentino inter Canonicos repositi, non tolli quò minus adhuc possent inter eos approbari. Et certè negari non potest, quin modo ex illis libris aliquod probabile argumentum desumi possit, imò & probabilius, quàm ex pluribus alijs, cū à nonnullis Sanctis Patribus citentur, & in aliquibus Biblijs latinis tam manuscriptis, quàm impressis reperiantur. Tertio potest esse opinio, & valdè probabilis, quod Latinæ editionis interpres, aliqua parùm accommodatè verterit, minusque latine expresserit, aliqua etiam obscure, & ambigüe interpretatus sit &c. & dummodo habeatur pro certo, vulgatæ editionem nullo esse defæctam errore, ex quo aliquod perniciosum dogma in fide, aut moribus colligi possit, siue nulla esse circa res ad fidem, bonosque mores spectantes in hac versione interpretum errata; opiniones variz, ac probabiles

ad hanc versionem pertinentes admitti possunt. Legantur ad id inter cæteros Andreas Vega lib.15. in Concil. Trident. cap.9. Sixtus Senensis lib.8. Biblioth.in fine, Cardinalis Bellarminus lib.2. de verbo Dei cap. 11. & Dominicus Bannes 1. p. q.1. artic.8. dubio 4. qui inter cætera scripsit, se vehementer desiderare, vt contentio hæc inter pios Theologos Summi Pontificis autoritate definiretur, & componeretur; ideoque si Ecclesia prudenter, ac scienter, hæc inter Theologos sententiarum diuersitas permittitur, perinde esset, ac si Ecclesia diceret, vnumquemq; in suo sensu abundare posse, dummodò fidei veritas, Ecclesiæque autoritas defenderetur. Quarto potest esse opinio probabilis, quod sæpè verborum cõpositio relicta fuerit scientiæ, ac diligentiz sacri scriptoris (ita tamen vt specialis Spiritus Sancti assistentia necessaria fuerit, ne ipsemet scriptor in ea erraret compositione) licet sit probabilior eorum opinio, qui asserunt singula verba, singulosque sacrorum librorum apices Spiritum Sanctum dictasse semper, adeò vt facer scriptor merè amanuensis fuerit. Certè sicut hæc vltima opinio videtur sacræ scripturæ dignitati magis fauere; ita videri potest prima magis modo Dei agendi consuetudo conformis, qui relinquit causas secundas, in supernaturalibus etiam, suum quem possunt, præbere concursū. Quinto potest esse opinio probabilis aliquando, quod hic, & non ille fuerit author libri Canonici, scriptus fuerit hoc loco, tempore, idioma, & non alio. Sexto aliquibus Theologis probabiliter existimantibus maximam sacrorum codicum partem fuisse ab Hebræis corruptam; oppositū probabilius tenent alij. Septimo potest esse opinio probabilis, quod idem scripturæ locus (nisi aliud constet ex vnanimi sensu Patrum, vel Ecclesiæ in tribuendo illi multiplicem sensum) non possit habere plures sensus litterales, vt docent aliqui, licet contraria sit probabilior. Octauo potest esse opinio probabilis, quod aliqua, quæ communiter



niter tanquam historica sumuntur, possint etiam figurare, ac mysticè accipi: de quo videri potest D. Thomas 1. p. q. 74. artic. 2. & quæst. 4. de potentia artic. 2. Nono plurimæ sunt circa sacram scripturam quæstiones, quæ salua fide Catholica in vtramque partem agitari queunt; vt qualis, vel vbi paradysus terrestris, an ibi nunc Elias & Enoc in statu translationis viuant &c. legatur D. Augustinus lib. 2. contra Pelag. & Cælestinum cap. 23.

Quod pertinet modo ad probabilitatem circa sacre scripturæ sensum, & interpretationem; supposito, quod illi, quicumque sint, sacre scripturæ sensus sunt certi, & ab omnibus planè fidelibus indubitata fide recipiendi; Qui primo ab ipsamet scriptura alibi traduntur; vnus enim scripturæ locus aliquando alium interpretatur. Secundo ex Apostolorum traditione deriuant. Tertio ab vniuersa recipiuntur Ecclesia. Quarto à Concilio Generali, vel à Summo Põtifice in fidei definitionibus proponuntur. Quinto à Sanctis Patribus vnanimimè traduntur. Quadruplicem probabilitatem interpretationum speciem assignare possumus. Prima est earum, quæ in Conciliorum Pontificumque decretis habentur, quandò non per se conducunt ad definitionem dogmatis illius, de quo ex instituto agitur. Secunda earum, quæ à magna Sanctorum parte traduntur, licet aliqui repugnent. Tertia earum, quas accurati, vereque docti interpretes, aut Theologi adducunt. Quarta earum, quæ ex ratione ipsa deducuntur dummodo hæ tradantur à viris pijs, & humilibus, satisque in Theologia & litteris sacris versatis; vt enim libro sequenti dicemus ad intelligentiã diuinarum scripturarum maximè conducit humilitas, mansuetudo, pax, puritas, & oratio; vbi etiam adducemus plures regulas, ad hoc vt probabiles fiant interpretationes.

Quæ huc vsque diximus de probabilitate circa sacros codices eorumque sensum, non impediunt, quin, si se-

mel ex vno scripturæ loco manifestè cõstet, aliquid esse de fide, tunc possint vtiliter ad idem confirmandum afferri alia scripturæ loca, in quibus idem sensus probabiliter solùm contineatur; etsi enim non sufficiant ad probandam sententiam aliquam fide certam, eam tamen quodammodo corroborant, nõ per additionem maioris authoritatis, vel certitudinis, vt satis per se patet, sed quia per huiusmodi congruètes, ac probabiles sensus, rationesque in illis fundatas, facilius disponi solet intellectus, dociliorque reddi. Propterea hic arguendi modus familiaris est non solùm Theologis, sed antiquis etiam Patribus, qui passim in alicuius indubitatæ fidei dogmatis probationem, & confirmationem, multa alia congerunt Scripturæ testimonia, quæ dogma illud in sensu dumtaxat probabili, non certo significant, quod est valdè notandum.

Si quis tamen aliquem sacre scripturæ locum prauè, vel etiam probabiliter dumtaxat intellectum afferret ad impugnandam veram aliquam, ac certam sententiam, vel ad confirmandam opinionem apertè absurdam in Philosophicis; siue quod idem, si quis multa probabilia afferere, vel negare, quasi pertinentia ad sacram doctrinam auderet; profectò ille talis plurimum derogaret dignitati, & authoritati diuinarum scripturarum apud infideles, eorumque conuersionem impediret; vt rectè notauit D. Augustinus lib. 1. de Genesi ad litteram cap. 19. & lib. 2. cap. 2. Vnde etiam S. Thomas, propositis ipsi quadraginta duobus articulis à Magistro Ioanne de Vercellis ordinis Prædicatorum, eiusque aliquando Generali, vt responderet, an scilicet Sancti forent illius sententiæ, vel opinionis, quam continebant articuli, cum in principio opusculi 10. protestatus fuisset, plures illorum ad fidei doctrinam non pertinere, sed potius ad Philosophorum dogmata; statim subdit: *Mulenum autem nocet talia, quæ ad pietatis doctrinam non spectant, vel afferere, vel negare, quasi pertinentia ad sacram*

*sacram doctrinam. Vnde mihi videtur tutius esse, ut hæc, quæ Philosophi communes senserunt, & nostra fidei non repugnant, neque sic esse asserenda, ut dogmata fidei, licet aliquando sub nomine Philosophorum introducantur, neque sic esse neganda, tanquam fidei contraria, ac sapientibus huius mundi contemnendi doctrinam fidei occasio prabeatur. Certè cum plerumque accidat; inquit Diuus Augustinus locis statim citatis vt aliquid de terra, de cælo, de cæteris huiusmodi elementis, de motu, & conuersione, vel etiam magnitudine, & intervallo syderum, de certis defectibus Solis & Lunæ, de circuitibus annorum, & temporum, de naturis animalium, fructuum, lapidum, atque huiusmodi cæteris, etiam non Christiani ita nouerint, vt certissima ratione, vel experientia teneant; Si quæpiam de numero Christianorum in ea re, quàm optimè norunt errare deprehenderint, & vanam sententiam suam de nostris libris asserere, quo pacto illis libris credituri sunt, de resurrectione mortuorum, & de spe vitæ æternæ, regnoque cælorum, quando de his rebus, quas iam experiri, vel indubitatis numeris percipere potuerunt, fallaciter putauerint esse conscriptos.*

*Quod de Paganis Philosophis monuit Augustinus, cauendum quoque est cum hæreticis, quibus non minorem calumniandi occasionem darent Catholici viri, si semel tanquam de fide affirmarent, vel decernerent id, quod re vera non est tale; vel probabile, vel probabilius esset, haud haberi ex Scriptura, vel traditione. Hinc apparet consultissimum esse, vt nonnisi accuratissimo, longiorique examine factò à viris omni exceptione maioribus in pietate, doctrina, & prudentia, & boni Ecclesiæ vniuersalis reuera amantissimis, prodeant aliquæ censuræ opinionum, damnantes, illas tanquam Sacræ Scripturæ contrarias, præsertim si eiusmodi opiniones ad pietatem, vel bonos mores pertinere non videantur; Certèque haud Ecclesiæ commodo, vel utilitati consulerent*

*illi, qui, ex quacumque ratione id enquiret, valdè faciles forent siue voce, siue scripto, siue quouis alio signo in dammandis, tanquam contra Sacræ Scripturæ sensum, illis quæ ex vna parte non constaret esse contra illam, & ex alia essent inter Philosophos, vel Mathematicos, vel Theologos valdè probabilia.*

*Similiter in asserenda aliqua opinione tanquam de fide ex diuinarum Scripturarum authoritate, dum hæc probabilem habet interpretationem, grauissimè peccari potest, multiplicique peccato. Primò contra charitatem; quis enim non grauiter offenditur, cuius sententia tanquam hæretica proferbitur ex non-vrgenti, ac euidenti testimonio, sed sepius ex acerrimo in illum odio, vel inuidia. Secundo contra iustitiam, detrahitur enim per hoc aliorum famæ, & in re magni momenti. Tertio contra obseruantiam sacræ Scripturæ debitam, vt enim docet Benedictus Pererius initio comment. in Genes. Malè meremur de Scriptura, qui eam, quæ per se latissime patet, & variarum sententiarum, atque interpretationum est capax, ad sua opinionis angustias coarctare, & coangustare volunt. Quarto contra fidem ipsam, si enim quis tueatur mordicus sensum talem, non quia Scripturæ, sed quia proprius, si postea constet germanus, verusque sensus, facile hunc reiiciet, adeoque ille, qui hæreticum alium appellauit, verè in hæresim incurret. Quare Diuus Augustinus lib. 1. de Genesi ad litter. cap. 18. rectè monet; *Vt in rebus obscuris, atque ab oculis nostris remotissimis, si quæ in Scriptura legimus, quæ possunt salua fide, quæ imbuimur, alias atque alias parere sententias, in nullam illarum præcipiti affectione ita nos projiciamus, ne si fortè diligentius discussa veritas eam labefactauerit, cornamus, non pro sententia diuinarum scripturarum, sed pro nostra ita dimicantes, vt eam velimus Scripturarum esse, quæ nostra est; cum potius eam quæ Scripturarum est, nostram esse velle debeamus.**

*Denique illi tales, qui firmissimos*

exigunt aſſenſus circa obiecta, quæ probabiliter non ſunt de fide, nec exprimuntur in Sacra Scriptura, videntur omnino iniurioſi humano intellectui, maximæque imprudentiæ arguendi, exigentibus illis, quod non exigit Deus, qui non vult obligare homines ad actum fidei, dum habent iudicium probabile ad eum non teneri, vt docent communiter Theologi 22. agendo de euidentiâ credibilitatis. Hinc non mirandum quod Concilia, & Summi Pontifices rariſſimè declarent aliquod pertinere ad fidem, ac ſollicitè inueſtigent, an illa quæ proponuntur damnanda tanquam contra fidem, ſint reiſſa talia, & an deducantur certè ex principijs, iam pet fidem habitis, & ubi res non eſt explorata, relinquunt libertatem in aſſentiendo, licet aliquandò proponant aliquam ſententiam veluti probabiliorem, & aliquandò etiam, iuſtiſ de cauſis prohibeant, ne aliqua opinio publicè defendatur. Quæ omnia vtinam intelligerent, ſeridque meditantur omnes viri Theologi, tot enim, non eſſent ita faciles in aſſerendis opinionibus ſuis tanquàm de fide, & è Sacra Scriptura habitis, & in damnandis aliorum opinionibus tanquàm illis contrarijs; hinc Theologiæ etiam ipſi maior conciliaretur honor, nec hæreticis daretur occaſio tam ſepè detrahendi Scholaſticis Theologis; Sanctorumque Patrum veſtigijs Auguſtini, præſertim & Thomæ fidelius inſiſteretur, qui in hac re, quod paſſim docuerunt verbo, firmaverunt exemplo.

Sanctus enim Auguſtinus, & fidelis eius diſcipulus ac imitator S. Thomas fuerunt ſemper parcifſimi in condemnandis aliorum ſententijs, tanquam Sacræ Scripturæ diſſonis, maximè ſi hi forent inſignes pietate ac doctrina, vt facile conſtabit per ſingula eorum opera diſcurrenti.

Sanctus Thomas 1. parte q. 74. art. 2. querens an omnes creationis dies fuerint unus, licet optimè ſciret cæteros omnes fermè interpretes diſſentire, & maximè id Sacris conſentire litteris; in

gratiam tamen Diui Auguſtini contrarium ſentientis eam non damnat; imò potius, vt neutri ſententiæ præiudicaret, vtriuſque rationibus reſpondendum eſſe ait. Vbi Caietanus prudentiſſimè ait. *Cognoſce S. Thoma tam magnam reuerentiam erga Sanctorum dicta (ergò multò magis erga Sanctos ipſos) tam magnum ingenium, dum in calce corporis dicit, ut neutri ſententiæ præiudicaretur, vtriuſque rationibus reſpondendum eſt. Morem modeſtiſſimum, ac ingenioſiſſimum, ſimilem ubique videbis in D. Thoma erga Sanctos, ſanctorumque dicta, diſce hinc & ea.* Et in appendice, ex articulo habes primò, quomodo per rationem oſtendas Doctores Catholicos poſſe inter ſe diuerſa ſentire, etiam in exponendo aliquem locum Sacra Scriptura, & tamen cum hoc adhuc remanere Catholicos, &c. Secundò habes, quomodo per rationem declares, quod talis citra fidei detrimentum Catholicorum Doctorū varietas aſſruit dignitatem Scripturarum, dum eundem locum litterales etiam ſenſus plures compati ac gignere monſtrat (ſupra quaſt. 1. art. 10.) aſſruit & dignitatem Eccleſiæ de qua in Pſalm. 44. *pro laude magna dicitur, aſſiſtiſ regina à dextris tuis in veſtitu deaurato circumdata varietate, & circumamicta varietatibus.*

Iterum 1. parte quaſt. 61. artic. 3. querens utrum Angeli ſint creati ante mundum corporeum, licet negatiuam partem Patrum Latinorum, vt probabiliorem amplectatur, adducto loco ſcripturæ Genef. 1. *In principio creauit Deus calum & terram;* contrariam tamen non damnat, præcipuè propter ſententiam Gregorij Nazianzeni, cuius, inquit, tanta in doctrina Chriſtiana authoritas, vt nullus vnquam eius dictis calumniam, inſerre præſumpſerit, ſicut nec Athanaſij documentis vt Hieronymus dicit. Vbi Caietanus ex hoc quod S. Doctor in ſolutione ad tertium, iuxta opinionem Græcorū gloſſat ſaluando Scripturam de poſſibili; Diſce, inquit, *vnde aliquid ſit hæreticum, vel intolerabile. Hæreticum ergò illud eſſe dic, quo poſito Scripturæ ſenſus verus tollitur; tolerabile autem, quo poſſit*

posito Scriptura sensus verus absolute non tollitur, quamvis sensus à pluribus etiam sanctis Scriptura datus tollatur. Solius enim Romana Ecclesia est dare sensum Scripturae ita verum, atque Catholicum; ut contrarius sensus Scripturae datus sit hæreticus. Et in appendice habes primò, quomodo per rationem ostendas, quod multa Scripturarum testimonia possunt stante fide, dupliciter exponi; quamvis melius in uno sensu quam in alio. Esse autem Gregoriorum sententiam probabilem, ac tolerabilem concedit in conclusione S. Thomas, ut notat Caietanus, quamvis verba Concilij Lateranensis, quæ habentur in decretali prima, ubi dicitur. *Vbi est Deus &c.* is ab initio temporis simul utraq; de nihilo condidit creaturam corporalem, & spiritalem; faciant sine dubio probabiliorum Latinorum opinionem. Imò opusculo 15. cap. 17. loquens de hac ipsa questione, ubi sententiam Augustini de creatione Angelorum simul cum creatione rerum corporalem attulisset, simulque Basilij, Damasceni, & Hieronymi de eorum antecedenti creatione, non solum ait. *Neutrum autem horum existimo esse sanæ doctrinæ contrarium*, quia nimis presumptuosum videtur asserere Sanctos Patres à sanæ doctrinæ pietatis deviasse; Verum etiam ambarum opinionum probabilitatem ostendere conatur subdicens. *Sententia Augustini magis videtur competere sententiæ eorum, qui ponunt in rerum productione non fuisse temporis ordinem secundum numerum dierum senarium; quos Scriptura commemorat; sed illos sex dies refert Augustinus ad intelligentiam Angelicam sex rerum generibus præsentatam; Sententia verò Gregorij Nazianzeni, Hieronymi & Damasceni convenientior est secundum eorum positionem, qui ponunt in rerum productione successionem temporis secundum sex dies prædictos. Si enim creatura non fuerint omnes simul productæ, satis probabile est creaturas spirituales omnia corpora præcessisse. Si verò quærat ubi creati sunt, &c.*

Insuper quæst. 4. de potentia art. 1.

quærens. *Vtrum creatio materiae inferioris præcesserit durationem rerum, & volens interpretari illud Genes. 1. Terra autem erat inanis & vacua, in corpore articuli sic habet. Dicendum quod sicut dicit Augustinus 12. confessionum circa hanc questionem potest esse duplex deceptio. Una de ipsa rerum veritate; Alia de sensu litteræ, qua Moyses divinitus inspiratus principium mundi nobis exponit. Ad primam disceptationem duo vitanda, quorum unum est, ne in hac questione aliquid falsum asseratur, præcipue quod veritati fidei contradicat; aliud est ne quicquid verum aliquis esse crediderit, statim velit asserere, hoc ad veritatem fidei pertinere, quia ut Augustinus dicit 10. Confess. Obest si ad ipsam doctrinam pietatis formam pertinere arbitratur falsum, scilicet quod credis, & pertinacius affirmare audeat, quod ignoras. Propter hoc autem obesse dicit, quia ab infidelibus veritas fidei irridetur, cum ab aliquo simplici, & fidei, tanquam ad fidem pertinet, proponitur aliquod, quod certissimis documentis ostenditur esse falsum, ut etiam dicit lib. 1. super Genes. ad litteram. Circa secundam disceptationem, duo etiam sunt vitanda, quorum primum est, ne aliquis, id quod patet esse falsum, dicat in verbis Scripturæ, quæ creationem rerum docet, debere intelligi, Scripturæ enim divinæ à Spiritu Sancto traditæ non potest subesse falsum, sicut nec fidei, quæ per eam docetur. Aliud est, ne aliquis ita Scripturam ad unum sensum cogere velit, quod alios sensus, qui veritatem in se continent, & possunt salva circumstantia litteræ Scripturæ aptari, penitus excludantur, hoc enim ad dignitatem divinæ Scripturæ pertinet, ut sub una littera multos sensus contineat; ut sit & in diversis intellectibus hominum conveniat, & unusquisque miretur se in divina Scriptura posse invenire veritatem, quam in mente conceperit. Et per hoc etiam facilius contra infideles defendatur, dum si aliquid, quod quisque ex Sacra Scriptura vellet intelligere, falsum apparuerit, ad alium eius sensum possit haberi recursus; Unde non est incredibile Moysi, & alijs Sacra Scriptura aucto-*

auctoribus hoc esse diuinitus concessum, ut diuersa vera, qua homines possent intelligere, ipsi cognoscerent. Et ea sub una serie littera designarent, ut sic quilibet eorum sit sensus auctoris: unde si etiam aliqua vera ab expositoribus Sacra Scriptura littera aptentur, qua auctor non intelligit, non est dubium, quin Spiritus Sanctus intellexerit, qui est principalis auctor Sacra Scriptura. Vnde omnis veritas, qua salua littera circumstantia, potest diuina Scriptura aptari, est eius sensus. His ergo suppositis sciendum est, quod diuersi expositores sacra Scriptura diuersos sensus ex principio Genes. acceperunt, quorum nullus fidei repugnat, &c. Et post multa in fine corporis concludit: Quia ergo neutrum à virtute fidei discordat, & utrumque sensum circumstantia littera patitur, utrumque sustinentes ad utraque rationes respondeamus; hæc ibi modestissime, & ingeniosissime D. Thomas.

Tandem lib. 2. contra Gentes cap. 7. ubi contendit probare contra Auerroem iuxta Aristotelem celum esse animatum, subdit. Hoc autem quod dictum est de animatione Cæli, non diximus quasi asserendo secundum fidei doctrinam, ad quam nihil pertinet, siue sic, siue aliter dicatur; & tamen D. Thomas non ignorabat SS. Patres fuisse communiter in opposita sententia, & quo ad animam, saltem intellectuā recessisse ferè vnanimiter ab Origenis sententia. Et licet 1. parte q. 70. art. 3. absolute pronuntiet Cælestia corpora non esse animata, id tamen haud asserit spectare ad fidem, imò potius contrarium; dum in corpore articuli ait, circa hoc non solum apud Philosophos, verum etiam apud Doctores fidei fuisse diuersas opiniones. En qua modestia, & cautela usus est semper Angelicus Doctor in damnandis, tanquam contra fidem & Scripturas, aliorum opinionibus.

Assertio secunda; Non solum sensus literalis, sed etiam spiritualis; ac mysticus valet ad stabilienda fidei dogmata, certasque & irrefragabiles probationes faciendas, si semel nobis de illo cer-

Bibliot. Theol. Tom. I.

to constiterit. Ista conclusio debet etiam esse certa; ut enim dicemus Deo dante libro sequenti, non solum sensus literalis, sed etiam spiritualis, & mysticus qui sit verè, ac propriè talis, est intentus à Spiritu Sancto, ergo cum veris non possit nisi verum, firmumque concludi, ubi semel aut Ecclesie auctoritate, aut traditione, vel alijs etiam Scripturis, clare nobis ac certò constiterit de sensu mystico alicuius Sacre Scripture loci; irrefragabilem protecto habebit auctoritatem in probationibus Theologicis. Vnde Christus Dominus, & Apostoli, qui mentem Spiritus Sancti in Sacris Scripturis perspicuam habebant, multoties ex earum sensu mystico argumenta desumpserunt ad confirmanda fidei nostræ dogmata; ut cum Christus Dominus, Legem, Prophetas, Psalmos de seipso locutos esse testatur, & iterum incipiens à Moyse interpretabatur discipulis Scripturas, quæ de ipso erant. Certum est enim non omnia literaliter accipi posse. Sic vnitatem indissolubilem coniunctionis Christi cum Ecclesia ex matrimonio Apostolus probat, Sacramentum hoc magnum est; Ministros Evangelicos sua mercede dignos esse; ex illo loco non alligabitur tibi trituranus, & tandem quod omnia in figuris continebant illis; aperte tradit.

Quando ergo D. Dionysius in Epistola ad Titum ait; Theologiam Symbolicam non esse argumentatam, siue quod idem est, non posse duè certum argumentum ex sensu Scripture mystico, quod etiam docere videtur D. Hieronymus in cap. 13. S. Marthæ, ubi relaxa expositione eorum, qui per fati gratia Sanctam Trinitatem interpretabantur, subiungit, Pius quidem sensus, sed nunquam parabola, & dubia enigmatum intelligentia potest ad auctoritatem dogmatis proficere. Et S. Augustinus Epistola 48. Quis non, inquit, impudentissime nitatur aliquid in allegoria positum pro se interpretari, nisi habeat manifestissima testimonia, quorum lumine manifestetur obscura? Vnde lib. de vnitate Ecclesie

Y

cap. 14.

cap. 14. & 19. cum Donatistæ suam hæresim ex illis verbis Cantic. *Indica mihi ubi pascas, ubi cubes in meridie*, stabilire conarentur, quod Ecclesia remansisset in parte Donati in Africa, non aliter eos rejicit, quàm quod Symbolicè arguerent.

Hæc, inquam, & alia plura similia Sanctorum Patrum testimonia non ita sunt intelligenda, ut existimetur, semper duci firmum argumentum ex quocumque sensu literalis, & nunquam posse ex aliquo spirituali. Quando enim certò constat aliquem sensum spiritualesse à Spiritu Sancto intentum in aliquo Scripturæ loco, profecto non est ratio, cur firmissimum ex illo deduci non possit argumentum. Imò ut hoc certum est, ita etiam contra accidit aliquando, ut non possit desumi firmum argumentum ex aliquo sensu literalis, si propter obscuritatem sacrarum litterarum, aut rerum significatarum altitudinem, sit aliquando obscurus, ac dubius, vel si plures sensus assignentur, incertum sit, num omnes illi, vel aliqui eorum tantum quadrent in aliquem locum, ac proinde, num omnes fuerint à Deo ipso intenti; vel denique si sensus literalis contineat aliquod absurdum, sic D. Augustinus lib. de doctrina Christiana c. 6. ait. *Ubi Scriptura flagitium, aut facinus iubet, aut virtutem vetat, figurata est locutio*. Exempli gratia, quando dicitur, *si oculus tuus scandalizat te, erue eum*. Hoc spiritualiter, & figuratè, non autem realiter est intelligendum. Item, *Qui non odit patrem, & matrem, adhuc autem & animam suam amat, non est me dignus*. Figurata est locutio, non enim fas est odisse parentes suos, & vitam propriam, tantumque vult Christus, ut eos, & eam in amore Deo non præferamus.

Discrimen igitur inter sensum literalem, & mysticum seu spiritualesse in ordine ad probationem certam, iuxta SS. Patrum mentem in eo consistit, quod ordinariè, & ut plurimum sensus spiritualis præbere non possit Theologis argumentum infallibile, secus vero litte-

ralis maxime quando est proprius. Essi enim sensus mysticus æquè ac literalis sit à Spiritu Sancto intentus, atque adeo infallibilem in se contineat auctoritatem, tamen, quòd respectu nostri longè facilius, ac frequentius constet de sensu literalis, quàm de spirituali; hinc est, quod etiam ordinariè, & ut plurimum utamur in arguendo literalis sensu, non autem spirituali. Ut enim constet de sensu literalis duplex via suppetit generatim loquendo; Vna est significatio ipsa vocabulorum, ex qua plerumque in vnoquoque idiomate scitur euidenter, quis sit sensus literalis alicuius loci, quia posita semel vocum significatione ex libera hominum impositione, est iam ex natura sua determinatus, atque adeo nobis clarius, & manifestior. Altera via est cognitio aliarum sententiarum Scripturæ, itemque doctrinæ Ecclesiæ, per quarum collationem, sæpè intelligitur certò quis sit sensus literalis. At verò sensus mysticus, cum non dependeat immediatè à vocibus, sed à rebus per voces significatis, quæ sunt aliarum rerum signa plerumque obscura, & dubia, quia incerta, & indeterminata ex natura sua, iam ex illo capite non potest esse nobis ita notus, neque consequenter ex natura sua, & ordinariè sensus fidei, qui esse debet indubitatus, & secundum se, & respectu nostri, ut certam ex illo probationem faciamus.

Quod totum eleganter explicuit D. Thomas quodlibeto 7. quæst. 6. ad 4. *Non est, inquit, propter defectum auctoritatis, quod ex sensu spirituali non possit trahi efficax argumentum, sed ex ipsa natura similitudinis in qua fundatur spiritualis sensus: una enim res pluribus similibus esse potest: unde non potest ab illa quando in scriptura sacra proponitur, procedi ad aliquam illarum determinationem; sed est fallacia consequentis, v.g. Leo propter aliquam similitudinem significat Christum, & diabolum, unde per hoc, quod aliquid de Leone dicitur in sacra scriptura, ad neutrum potest fieri processus in sacra scriptura argumentando.* Quod ergo sensus mysti-

myſticus nō poſſit eſſe plerumque principium Theologicarum demonſtrationum non eſt propter defectum authoritatis, quaſi ſenſus myſticus non ſit ſenſus ſcripturæ, & Spiritus Sancti, ſed ex noſtra dumtaxat ignorantia, quā ſemel ſuperatā, negari non poteſt, quin etiam efficax argumentum ex intelligentia ſpirituali deſumi valeat: ſed de his ſuſius libro ſequenti.

## CAPVT II.

*De probatione Theologica deſumpta  
ab auctoritate ſacrarum tradi-  
tionum.*

**C**VM inter ſacras traditiones ex dicendis libro ſequenti, aliquæ ſint diuinæ, quæ à Chriſto Domino emanarunt, vel immediatè ipſas docente, vel mediatè, ita quod Apoſtoli ex peculiari inſtitutu vel mandato illius eas Eccleſiæ tradiderint conſeruandas; nemini dubium eſſe poteſt, quin vt euſmodi traditiones omnimodam habent immobilitatem, ſi quidem ſunt ipſummet ius diuinum, ita etiam in probandis veritatibus Theologicis omnimodam faciant certitudinem: Attamen quemadmodum ad certam ex ſcriptura probationē ſuæ requiruntur circumſtantia, & conditiones; ita ſimiliter vt probatio per traditionem ſit certa, & indubitata aliquas certas exigit conditiones præſectim ſequentes.

*Primò* debet certò cognosci, quænam ſit vera Eccleſia, & quod à tempore Chriſti uſque modo ſemper fuerit, nec vnquam defecerit: quodque Spiritus Sanctus ſemper in illa manſerit, docendo illam omnem veritatem; tandem quod in rebus fidei nullatenus errare, poteſt, cum ſit columna, & firmamentum veritatis. *Secundò* debet euidenter per ſenſum cognosci, quod Eccleſia illa vera talem modo propoſitionem vt certam de fide tenet; v.g. quod ſanctiſſima Chriſti Domini mater fuerit virgo ante partum, in partu, & poſt partum, &

*Bibliæ Theol. Tom. I.*

ſimilia. Tertio debet euidenter per ſenſum, & intellectum cognosci, quod Eccleſia vera, ideo dictam veritatem vt de fide certiffimam amplectitur; non quia in ſcriptura clarè, vel explicite contineatur; ſed quia de illa per traditionē opera Spiritus Sancti continua ſucceſſione conſeruata edoſta eſt; de qua traditione à ſacris etiam doctõribus testimonium habet; poſitis, inquam, omnibus illis conditionibus, certisq; cognitionibus, de quibus ſuſius libro ſequenti, diuinæ traditiones certam & indubitatam probationem facere poſſunt.

Cæterum vt probatio per traditionem eſt certa, cum habet cõditiones iam dictas; ita cum non habet illas, & tamen ex alio capite habet rationabile aliquod fundamentum veritatis, topica tantummodo, vel probabilis erit: ſi enim traditio proponat rem, non vt certam de fide, proſecto per illam nō poterit probari, quod veritas de fide ſit; in quo autem gradu veritatis ſit doctrina per traditionem probata, an probabilitatis, vel quid amplius, ſtandum eſt iudicio, & determinationi Eccleſiæ; cuius eſt de vero gradu veritatis iudicium ferre, deſinitiuamque dare ſententiam; quod cū ipſa non vult facere, neque doctores aliqui particulares debent id præſtare; de quo redibit ſermo vltima huius libri ſeclione, vbi agendo de varijs propoſitionum cenſuris, breuiter oſtendemus, quā grauiter peccent authores illi, qui ponunt abſolutè tanquam de fide, tanquam erroneas, vel temerarias opiniones, de quibus eſt lis inter celebres doctores, an ſint tales.

Igitur qua ratione ex dicendis libro ſequenti circa traditiones diuinas verſari poſſunt plures opiniones probabiles, plura etiam probabilia dumtaxat ex illis deſumi poſſunt argumenta ad probandam aliquam Theologicam veritatem. Tales autem opiniones probabiles circa traditiones ſunt. *Primò* quod hæ ſint tales, & quod non ſint tales. *Secundò* quod aliquæ ſint Eccleſiaſtica, & non Apoſtolicæ; aliquæ Apoſtolicæ, &

Y 2 non

non diuinæ, vel è contrà. Dicuntur *Diuina* quæ à Christo Domino emanarūt, vt in principio huius capitis monuimus, & hæ omnimodam habent immutabilitatem, faciuntque irrefragabilem probationem, cum sint ius diuinum, æquæ fides illis tribuenda sit, ac ipsimet diuinæ scripturæ. Apostolicæ sunt, quas ipsimet Apostoli vt supremi Ecclesiarū pastores, & Prælati Apostolica auctoritate seruandas iusserunt; & hæ simpliciter loquendo possunt immutari, & abrogari à quocumque Pontifice, qui non minorem habet auctoritatem in Ecclesia, quàm habuerint Petrus, & alij Apostoli. Ecclesiasticæ tandem vocantur, quæ Romanorum Pontificum, veterumque Patrū auctoritate introductæ sunt, vniuersa suscipiente illas Ecclesia; & hæ absque dubio facilius mutari, ac tolli possunt, certanque de fide probationem non faciunt, sicut nec præcedentes. Cum ergo contingere possit, quod aliquæ traditiones, quæ dicuntur diuinæ, sint verè Apostolicæ, vel è contrà, has siquidem voces aliquando confundi docet Suares disput. 5. de fide, & dicemus infra, tertio quod aliquæ non sint vt tales traditæ ab omnibus Patribus, vel à communi Patrū sensu; aliquando enim Patres dissentiant nonnulli, etiam celebriores; vel solum vt probabilem talem traditionem appellant, nec afferunt illam pertinere ad dogma fidei; in his & similibus casibus, satis patet argumentum ab auctoritate sacrarum traditionum desumptam certam, & irrefragabilem non posse facere probationem.

## CAPVT III.

*De probatione Theologica desumpta  
ab auctoritate Vniuersalis  
Ecclesie.*

**S**Vpposito ex dicendis libro sequenti, quod quicquid vniuersa plane recipit Ecclesia tanquàm pertinet ad dogma fidei, vel morum sit certa fide tenendum, nec materialiter possit falsum

esse: si quidem Ecclesia toto orbe diffusa in rebus ad salutem necessarijs non potest errore culpabili errare, siue sentiendo, siue definiendo aliquid fidei, aut bonis moribus contrarium; nec etiam errore inculpabili, credendo nempe aliquid esse de fide, quod non est, vt animas purgatorij esse salutis incertas, vel aliquid non esse de fide, quod re verum est, vt sub speciebus Eucharisticis contineri realiter verū Christi corpus; hoc, inquam, supposito, tanquam indubitato apud Catholicos aduersus hæreticos, nulli dubium esse potest, quin vniuersalis Ecclesiæ consensus in aliquo tanquam in fidei dogmate, vel per fidem certo, sit efficacissimum medium ad certam etiam & inconcussam probationem in omnibus controuersijs Theologicis.

Verum quia infallibilitas Ecclesiæ, siue in credendo, siue in definiendo versatur tantum circa ea quæ ad salutem, & religionem pertinent: non autem circa ea, quæ sunt ad eam indifferentia, & ex quarum ignorance cuiuslibet Catholici salus non periclitatur: cuius generis sunt veritatum naturalium, politicarum, medicarum & similibus definitiones; cum enim Christus promisit Spiritum Sanctum docturum Apostolos (& consequenter Ecclesiam) omnem veritatē, hoc solum de rebus ad salutem, & religionem Catholicam spectantibus debet intelligi, nec ad quamlibet veritatem absolutē extendi; quia, inquam, infallibilitas Ecclesiæ sic se habet, hinc est primum quod auctoritas Ecclesiæ non certam semper, sed quandoque probabilem tantum facere potest probationem; v.g. in casu, quo aliquid ex supradictis rebus definirer: vt aliquam stellam esse maiorem tota terra, calum in hæc inferiora tales habere influentias, aut Alchimiastas verum aurum producere: adeo vt non esset hæresis, neque error, aut temeritas saltem Theologica aliquid in contrarium sentire.

Insuper quia in rebusmet fidei, & morum possunt multa suboriri rationalia dubia, circa consensum vniuersæ  
lia



lis Ecclesiæ, hinc etiam est quod in eiusmodi rebus probabilem dumtaxat, & non omnino certum generare possit assensum Ecclesiæ autoritas: Primò potest dubitari, an sit planè hic consensus omnium fidelium? existimarique potest, si vel una religio ex multis pijs, ac doctis viris constans, vel academia, celebris inter Catholicos aliquod non reciperet vt de fide, haud posse dici vniuersalem plane Ecclesiæ consensum, adeoque posse saltem in foro interiori contrariæ opinioni (quæ sapponitur nõ damnata, vel à Concilio, vel à Pontifice) assensum alios quoque præstare; esset enim probabile quod non esset obligatio ad credendum id, tanquàm de fide. Secundò sæpe euenire potest vt fideles, vel Ecclesia quæ est fidelium, collectio amplectatur aliquid solum, vt opinionem probabilem, vel etiã vt probabiliorẽ; & in hoc casu haud certã, sed probabilem tantum, vel probabiliorẽ faceret opinionem vniuersalis Ecclesiæ consensus; cum enim dicitur Ecclesiam vniuersalem errare non posse, atque adeo eius consensum certissimum esse medium ad probationes Theologicas, sensus est, vt iam notauimus, id quod tenent omnes fideles, tanquam de fide, necessario esse verum, & de fide; & similiter id quod docent omnes Episcopi, tanquàm ad fidem pertinens necessario esse verum, & de fide. Certè si ignorantia quandoque populi, aliquando ex pietate alicui citato fidem præstet etiam firmissimam: nec tamen ex hoc sit illud obiectum infallibilis veritatis, nec vllus assensus fidei diuinæ circa illud tenetur elicere, imò peccaret, si consuleto firmissimum omnino assensum, qualem elicit circa fidei obiecta, circa illud præstaret: multo magis id verum erit, si aliquid Ecclesia tanquàm probabile, vel probabilius tantum putet. Hinc rectè notat Cardinalis de Lugo disp. 20. de fide scilicet 3. numero 128. cum ex consensu Ecclesiæ fundamentum accipiunt Summi Pontifices, & Concilia generalia ad definitiones fidei faciendas, non

posse id prudenter colligere ex solo consensu formidoloso, siue ex sola opinione habita vt opinione.

Itaque vt certò constet aliquid esse necessario ex fide tenendum, nec solum probabiliter iuxta fidem, ex vniuersali Ecclesiæ consensu, & vsu, diligenter expendendum est, quo animo, & mente omnes fideles idem sentiant, ac faciant; nam si conueniant in dogmate aliquo, aut vsu alicuius rei tanquàm necessario, & à Deo reuelato, à Christo instituto, & ab Apostolis vt tali tradito, hoc ipso censendum est talem consensum & vsu pertinere ad fidem. Si verò vsus non hoc animo fiat, sed ob alias causas rationabiles; tunc non potest sumi argumentum positium ad probandum eiusmodi vsum esse necessario ex fide tenendum, sed solum non esse contra fidem. Quia ratione ex vniuersali vsu Ecclesiæ Catholicæ communicandi sub vna tantum specie panis eos qui non consueverunt augustissimum Eucharistiæ Sacramentum, non colligitur de fide, aut diuino præcepto necessarium, vt ita fiat, sed solum non esse contra fidem, aut Christi institutionem; quia etsi Christus Dominus instituerit Sacramentum Eucharistiæ in duabus speciebus panis scilicet & vini, eius tamen communionem sub vtraque specie, non præcepit omnibus, & singulis; sed Ecclesia tantum rationabiles ob causas pro diuersitate temporum, voluit illam aliquando esse in vsu, aliquando non. Sic, vt olim Manichæi latitantes inter alios fideles facilius deprehenderentur, qui inter cætera vinum execrabantur tanquam rem per se malã, ideoque sub vna tantum specie accipiebant Eucharistiam, vt, inquam ad hunc finem, talisque hæresis detestationem communionem sub vtraque non solum permittit, sed etiam præcepit Ecclesia; iisdem rationibus posset adhuc illam concedere; verum quia non vrgent amplius rationes illæ; imo sunt omnino contrariæ, omnibus nostrorum temporum hæreticis affirmantibus vtramque speciem, tanquam omnino necessariam requiri, hinc

hinc ad illius hæresis detestationem, quandò nullum aliud esset motuum, prudenter Ecclesia facit, vt non liceat accipientibus hoc Sacramentum laicæ communioni, illud sub vtraque specie accipere; sicut rectè olim Concilium Toletanum, & S. Gregorius epistola ad Leandrum prohibuerunt ne deinceps Baptismus fieret cum Trina immersione propter Trinitarios; sicut item propter Manichæos, qui diebus Dominicis ieiunabant, fuit prohibitum ne amplius ieiunaretur istis diebus, vt patet ex S. August. epistola ad Cassulan. sed de his fatis.

## CAPVT IV.

*De probatione Theologica desumpta  
ab autoritate Summorum  
Pontificum.*

**S**Vpposito quoque ex dicendis libro sequenti sectione quarta, quod iuxta veram sententiam Summus Pontifex Romanus independenter à Cōcilio Generali, seorsimque ab illo gaudeat priuilegio infallibilitatis; quodque eiusmodi infallibilitas non solum sit in dubijs fidei quæstionibus definiendis; verum etiam in decretis morum; ac speciatim in religionum approbatione, Sanctorumque canonizatione; supposita, inquam, veritate huius sententiæ, nemini dubium esse potest, quin argumentum ab autoritate Summi Pontificis Romani circa dictas res desumptū faciat probationem Theologicam certam, & indubitatam.

Hoc tamen non impedit, quominus aliquando decreta Pontificia etiam ad fidem, & bonos mores spectantia probabilem tantum, aut probabiliorē faciunt probationem, non autem omninò certā certitudine fidei; secundum quod circa Pontificiam autoritatem plures esse possunt opiniones probabiles; vel etiam stante illius certitudine, rationaliter dubitari potest, nūm illa voluerit in aliquo casu vti, & ex cathedra, vt lo-

quantur, aliquid definire.

Primum igitur vt certam & irrefragabilem ex infallibili, qua Summus Pontifex autoritate gaudet, probationem habeamus, certò constare debet nūm illa de facto vñs fuerit ex cathedra aliquid docendo; quem in finem diligenter obseruandæ sunt sequentes regulæ, nam iuxta illas vel certus, vel probabilis duntaxat erit Decretorum Pontificiorū sensus, & consequenter certum, vel probabile tantum depromptum ex illis argumentum.

I. Si Pontifex circa particularem meri facti; nullumque nexum cum iure habentis quæstionem, seu quod idem est, circa materiam negotij alicuius particularis determinandam, versetur, vt sæpe contingit, aut si versetur circa materiam fidei & iuris, id agat solum per modum priuati commentatoris, & Scriptoris; pro vt in pluribus Summis Pontificibus, Leone & Gregorio cognomento Magnis, Innocentio IV. Adriano VI. & alijs huius rei exemplum habemus. Circa primam enim materiam Summus Pontifex priuilegium infallibilitatis nō habet, ac proinde definire infallibiliter non potest; circa secundam autem, etsi habeat, illo tamen non vtitur, nec definit tunc vt Pontifex aliquid à tota Ecclesia obseruandum, sed potius vt priuata persona, aliūque scriptor particularis, ea quæ sibi videntur veritati conformiora docet; secundum quam rationem satis patet, non omnia ab illo scripta debere esse vera & indubitata, quasi à Pōtificia autoritate emanantia. Quātumuis enim probabile existiment, aliqui Summum Pontificem etiam vt priuatam personam, priuatim hæreticum, esse non posse, de quo redibit sermo libro sequenti, omnes tamen Theologi constanter asserunt eum, vt priuatam personam, atque etiam vt doctorem particularem, non minus ac alium hominem, in agendo, in opinando, ac tūm voce, tūm scriptis, seu edictis libris docendo (seclusa hæresi) labi & errare posse.

II. Si

II. Si in materia fidei Summus Pontifex aliquid edat decretum, vt summus Ecclesiæ Pastor, attentè ex circumstantijs, occasione videlicet talis decreti, verbis illius, quæstione propoſita, ceterisque huiusmodi considerandum erit, quidnam directè docere, seu determinare intendat Pontifex. Illa enim quæ in rei definiendæ probationem, & confirmationem, aut alias obiter solum & incidenter afferuntur, non cadunt sub eiusmodi definitionem; nec ad ea credenda censetur Papa velle vniuersam obligare Ecclesiam. Qua etiam de causa per se non habent tantam auctoritatem, quin subinde aliquid falsi in illis reperiri possit. Cuius rei exemplum communiter adduci solet ex cap. *A quodam Iudæo*, de consecratione, distinct. 4. nec non ex secundo Concilio Nicæno, quod fuit septimum vniuersale, vbi contra Iconoclastas verissimè definitum est, Angelos esse pingendos, quamuis ratio, ex qua ad istam definitionem Concilij processit, nempe, quia ipsi sunt corporei, sit omnino falsa; licet enim certissimum sit eos in diuinis scripturis corporaliter apparuisse, nihilominus falsissimum est verè corporeos esse. Nec vltimum inde sequitur inconueniens, si quidem, vt dicemus libro sequenti agendo de infallibilitate tum Summi Pontificis, tum Conciliorum Generalium in rebus fidei decidendis, diuina prouidentia, aliter se habet respectu consultationis præuixæ ad definitionem, & aliter respectu conclusionis, seu definitionis ex illa resultantis; finit enim ipsa interdum consultationibus, siue rationibus, quæ ad eruendam conclusionem assumuntur, falsum obrepere; nunquam tamen id in conclusione, aut in definitione permittit; quod euidentissimum est argumentum singularis Dei assistentiæ, qui solus novit ex malo bonum elicere, & ex falso principio veram definitionem producere, vt in dies facit ex tenebris lumen ipsum splendescere.

III. In ipsa directâ responsione, vel definitione circa res fidei, ponderan-

da sunt accuratè eius verba. Nam si apertè dicat, id esse dogma fidei, aut contrarium repugnare verbo Dei, vel esse hæreticum, seu in fide erroneum, aut alioqui vtatur verbis præceptiuis, quibus ab vniuersa Ecclesia ita sentiendum esse mandetur; ac præcipue si anathemate aliter sentientes, vel credentes, feriatur, manifestum est signum, Summum Pontificem id ipsum ex cathedra definisse: secus autem si tantum prohibeat contrarium doceri, etiam sub excommunicationis vinculo, id enim vniuersum non sufficit, ad certo explorandum argumentum aliquam fidei definitionem. Eadem ratio est, quotiescumque ex verborum tenore, aut alijs circumstantijs colligi potest, eum priuatum, dumtaxat ferre iudicium, aut proponere aliquid solum tanquam doctrinam, probabilem, vel probabiliorem; vt enim optimè aduertit Eminentiſſimus Cardinalis de Lugo tract. de fide disp. 20. sect. 3. numero 129. licet pie credi possit, nunquam Deum permissurum, quod Summus Pontifex, vel Ecclesia vniuersalis approbet, & proponat omnibus fidelibus, tanquam probabiliorem doctrinam aliquam, quæ à parte rei falsa existat, id tamen non repugnat ex principijs intrinsecis, neque ex aliqua Dei promissione huc vsque facta, id potest satis colligi; atque adeò cum Pontifex declarat aliquam opinionem esse probabiliorem, non extrahitur contraria à statu opinionis, ita vt qui eam teneat, vel asserat, censura aliqua Theologica, vel temeritatis nota dignus sit; nec, nisi id exprimat, prohiberi, ne quis contrarium teneat, vel profiteatur; & si hoc etiam exprimat, non prohiberi actum internum, quia dum non censetur doctrina ipsa, sed manet intra terminos opinionis, licet minus probabilis, non esse peccatum graue assensum merè internum contrariæ sententiæ præbere. Ita præfatus Cardinalis. Certum est enim remanente alicuius sententiæ probabilitate, atque adeò non prohibito circa illam assensu interno, posse aliquando Summum Pontifex

Pontificem prohibere actum externum, vel vsum illius circa talem opinionem, ad tollendas seditiones & rixas, quæ inde inter Catholicos oriri possent, qui tunc obedire tenentur. Similiter Tannerus 22. *disput. 1. de fide quæst. 4. dub. 7. num. 281.* docet in non spectantibus ad vniuersale bonum Ecclesiæ, sed alicuius priuatæ tantum, præsertim in decretis morum, non posse Pontificem errare, solum esse pium ita credere.

IV. Circa ipsum formale decretum constitutionis, vel definitionis, diligenter obseruandum est, an id legitime & sufficienter fuerit promulgatum; atque etiam an tempus eiusdem obligationi præfixum fuerit elapsum, priusquam id refrigeretur, seu retractaretur. Etenim vt notat Vasques 12. tomo 2. *disp. 155. n. 15.* id obseruant Summi Pontifices in curia Romana, vt nondum intelligantur loqui de sede Petri, tanquam Iudices & Pontifices in legibus & canonibus ferendis etiam si eos imprimi iubeant, donec ad valuas Basilicæ principis Apostolorum de vrbe, Cancellariæ Apostolicæ, & in acie campi Floræ solemniter publicentur, & exemplar vnum in columna illius campi, nec non aliud ad valuas S. Petri per aliquod temporis spatium affigatur. Additque idem Vasques, accidere etiam interdum, vt in legibus ac bullis impressis dicatur: *Publicata tali die*; & tamen nunquam fuerint solemniter promulgatæ; quare nec tum vim legis habebunt; quod enim habeatur, *Publicata tali die*, legaturque in ipsa impressione subscriptio cursorum, hoc fit per anticipationem à Typographo, ita iubente Pontifice, ne impressio tardetur. Ex hac regula Tannerus loco citato dub. 6. nu. 264. satisfaciit difficultati de Biblijs Sixtinis à Clemente VIII. suppressis & emendatis, quod decretum à Sixto V. suis Biblijs præfixum, nunquã fuerit plenè promulgatum, sed tempestiuè reuocatum: ipso etiam Sixto V. animaduertente, non pauca in ea irrepisse, quæ iterata indigerent diligentia; adeo vt totum opus sub incudem reuocandum.

censuerit, atque decreuerit, etsi id morte præuentus præstare non potuerit, vt in præfatione Bibliorum Clementinorum legitur.

Secundò, quia non pauci doctores ita Summo Pontifici singularem non errandi prærogatiuam in rebus fidei & religionis attribuunt, vt tamen eas definiturus teneatur, pro cuiusque grauitate, ad veritatem inuestigando; debitam adhibere diligentiam, communes fidei regulas consulendo; viros doctos, præsertim à Cardinalium & Episcoporum cætu in consiliis vocando; diuinum auxilium implorando, tum per publicam, tum per priuatam precum indictionem: Quia, inquam, ex multis doctoribus, tales aut aliæ similes diligentia à Summo Pontifice ex cathedra docte præmitti debent, nihil enim Deus in hoc iudicio grauissimo temerè vult agi, inde colligunt aliqui alij, haud infallibile illud fore, si dictas omittat diligentias, aut fidelibus cernò de illis non constet. Verum hæc consequentia est illegitima, & à sensu præfatorum doctorum omnino aliena, quorum aliqui existimant dictas omnes diligentias solum ad hoc esse necessarias, vt Pontifex licite & absque peccato, non autem vt infallibiliter definia; quare tamen possit peccare, si absque collatione cum suis consiliarijs, aliquid de fide statueret se solo; tamen definitio esset valida, si fieret ex cathedra; hoc est, si veritatem à se solo discursans, proponeret omnibus fidelibus cum onere eam per fidem credendi: Id enim est loqui ex cathedra, in sententia illorum doctorum. In alia quoque eorum, qui inter conditiones ex parte Summi Pontificis requisitas, vt ex cathedra loqui dicatur, admittunt necessariam præuium fratrum consilium, nihil authoritati Pontificiæ; aut eius quo ad nos certitudini contrarium legitime inferri potest; quandoquidem secunduam talem sententiam fieri nunquã potest, vt Pontifex publice definia; aliquid, in dubia religionis causa, quin dictam conditionem, aliasque omnes necessa-

cessario à Deo in hunc finē præscriptas adimpleat; vt expressè docent Cardinalis Bellarminus lib. 4. de Summo Pontifice cap. 3. Bannes 22. quæst. 1. art. 10. dubio 2. Gregorius de Valentia 22. q. 1. pun. 7. §. 41. alique recentiores communiter; qui proindè licet hypotheticam illam concedant, si Pontifex sine debita diligentia definiat, infallibiliter non definit, nunquam tamen idcirco concedunt antecedens: quo etiam insensu loquuntur, debentque intelligi duo præclarissima inelyti Ordinis Prædicatorum lumina Syluester Prieras in Summa V. fides, & in suo dialogo contra Lutherum, nec non Melchior Canus libro 5. locorum cap. 5. vbi asserunt Papam in definiendo errare posse, si absque consilio doctorum virorum, & maturo iudicio definiat.

Quod si inquirat aliquis, quid si per impossibile Summus Pontifex tales omitteret diligentias, dicendum esset de eius infallibilitate? Responderi posset primo, quod vt in alijs casibus, dato semel aliquo impossibili, siue absoluto, siue conditionato plura sequi solent absurda & contradictoria, ita & in præsentī casu, vel hypothetici contingere posset: Secundò Deum solum certo scire, quid tunc accideret, cui soli perspectæ sunt conditiones, quibus necessario, vel non, annexam esse voluit suam specialem assistentiam, vt ex ea Summus Pontifex infallibiliter definire dicatur. Tertiò respondeo, & hac ratione dissidentes inter se aliquorum doctorum sententias facile ad concordiam reuocari posse arbitror, distinguendo inter huiuscemodi conditiones, vel diligentias præuiæ ad rerum fidei determinationem adhibendas, quarum aliquæ ita necessariae videntur esse, vt si per impossibile à Summo Pontifice prætermitterentur, id sine errandi periculo fieri non posset, proindè non exiguntur solum vt licet & absque peccato, sed etiam vt infallibiliter definiat; huius generis esse puto, accuratam rei definiendæ discussionem, consultis communibus fidei regulis, cu-

Bibliot. Theol. Tom. I.

ijsmodi sunt sacre Scripturæ, traditiones Apostolicæ, præcedentium Pontificum, Conciliorumque Generalium ab illis confirmatorum decreta, consensus SS. Patrum aliorumque doctorum, consensus omnium fidelium, siue Ecclesiæ vniuersalis in rebus ad fidem pertinentibus. Cum enim, vt suppono tanquam certissimum, Ecclesia nullis nouis reuelationibus gubernetur, nec propriè vltimos nouos fidei articulos habere possit, inde sequitur opus esse, quod Summus Pontifex præuiæ ad suam definitionem, vel per se, vel per alios diligenter præfatas consulat regulas, ex quibus solis vera fidei doctrina erui potest.

Dixi sub disunctione id necessario præstari debere à Summo Pontifice, vel per se, vel per alios, quia vbi semel ipse implorato diuino auxilio rem totam solus discutere & examinare vellet, tunc collatio cum suis consiliarijs necessaria tantum esset, vel ad melius esse, vel ad summum, vt licita ac legitima diceretur eius definitio. Vndè in hoc sensu vera est sententia illorum doctorum, qui asserunt præfatam collationem haud requiri necessario ad infallibilem Summi Pontificis definitionem; quodque proindè, si ab eo per impossibile omitteretur, non propterea obnoxium fore lapsui, errandique periculo: In alio autem sensu vera est aliorum sententia, qui loquuntur de dicta collatione in casu, quo Summus Pontifex rem definiendā nolle disquirere, quando eam docent necessario ad definitionem prærequiri, quodque, si per impossibile non adhiberetur, se exponeret errandi periculo.

Ratio primi dicti est, quia Summus Pontifex se solo, independenterque à Concilio Generali, potest aliquid de fide statuere, ergò multo magis independenter à quibuscumque alijs consiliarijs, vbi rem voluerit per se discutere, consuetasque & communes fidei regulas consulere. Potestas enim docendi aliquid esse de fide, nititur eo Christi promisso, *Super hanc Petram ædificabo Ecclesiam meam*, & illo mandato *pasci oues meas*,

Z

meas,

meas, vtrique pabulo sanæ doctrinæ; & illa rursus sponfione, *Roganti pro te ut non deficiat fides tua, & tu aliquando conuersus confirma fratres tuos*; quæ omnia soli Petro, eiusque Successoribus dicta fuisse suo loco infra demonstrabimus: Igitur licet Papa, posset forsan peccare, aut aliquo modo imprudenter agere, si absque suorum consilio, aliquid de fide statueret se solo, tamen definitio esset valida, si fieret ex cathedra; hoc est si veritatem diligenter à se solo discussam, proponeret cunctis fidelibus cum obligatione eam credendi. Ratio autem secundi dicti, est superius allata, quod Ecclesia nullis nouis reuelationibus regatur.

Vltimò nota, quando Summus Pontifex dictas diligentias per se solum prestare nollit, eas quibuslibet committere posse, siue quod idem est, quoslibet viros doctos consultores adhibere, nec ad consultationem Cardinalium, aut Prælatorum Curia Romanæ necessario restringi, vt contra Castro lib. 1. de hæres. cap. 8. ex communi notarunt Canus & Gregorius de Valentia locis superius citatis, nec non Tannerus disput. 1. de fide quest. 4. dub. 6. num. 236. sed de his in præsentis satis, de quibus libro sequenti sect. 4. fufius Deo dante agetur.

## CAPVT V.

*De probatione Theologica desumpta ab auctoritate Conciliorum tum Generalium, tum particularium.*

**V**T semel authenticè constante, quod Concilium aliquod sit vniuersale, habeatque conditiones omnes ad illud requisitas; quod sit auctoritate Summi Pontificis legitimè congregatū, deinde confirmatum, & sic de cæteris; vt, inquam, his stantibus, Conciliorum vniuersalium definitiones ad fidem bonosque mores pertinentes, infallibiles sunt credendorum regulæ, & principia in ordine ad probationes Theologicas;

secus tamen, si aliquod ex illis deficiat; vnde multæ etiam probabiles dumtaxat circa Concilia generalia possunt opinionæ haberi. Primò quod aliqua non sint vniuersalia, & aliqua sint: si ex vna parte nec à Summo Pontifice, nec ab alio Generali Concilio, nec denique vniuersali Ecclesiæ consensu in illis recipiendis, esset authenticè declaratum, quænam sint habenda vt talia, & quæ non, vt talia; & ex alia Catholici Theologi, ijque nobiles in oppositas abirent opinionæ; stante enim hoc dubio, talis Concilij definitio saltem quo ad nos certam de fide non faceret probationem.

Secundò, quod sint Concilia vniuersalia, quia Summi Pontificis auctoritate congregata, interuenientibus ex omnibus mundi partibus Episcopis; sed non sint approbata, aut confirmata à Summo Pontifice vt talia, & vt norma fidei, morumque; cum enim certum sit, quod Concilium quodcumque ante Pontificis confirmationem possit errare; stante semel vel certitudine, vel probabilitate talis non approbationis & confirmationis, certam de fide probationem reddere non potest Conciliorū auctoritas, de quo vide Cardinalēellarminum lib. 2. de Conciliorum auctoritate. Tertiò, cum iuxta eiusdemellarmini doctrinam lib. 1. de Concilio 17. esset etiam valde probabile, Concilium illud non fore vniuersale, à quò verè Episcopi, nec excommunicati ad illud accedentes essent exclusi, si semel de hoc constaret, talis Concilij auctoritas certam non faceret probationem; idem videtur sequi in casu, quo vi, aut dolo, aut ex metu cadente re vera in constantem Episcopum aliqui impedirentur, ne ad Concilium accederent.

Quartò, si probabile foret aliquæ Concilia, vel aliquorum Conciliorum decreta ad fidem, vel mores pertinentia esse edicta, non interuenientibus tot Episcopis, vt simpliciter dici poterit, eos tunc vniuersalem representasse Ecclesiam; esset etiam valde probabile, si non certum, illud Concilium non fuisse genera-

nerale, vel illa decreta non fuiſſe à Concilio generali edita, atque adeo certam haud facere probationem; poſſet tamen aliunde ſuppleri hic defectus, vel per approbationem eorum, qui poſtea eidem intereſſent Concilio, quando verè vniuerſale appellari poſſet ex illorum concurſu; vel ſequentis Concilij vniuerſalis, vel denique Summi Pontificis, ſuppoſita maxime certitudine illius ſententiæ, quod etiã independentè à Concilio generali gaudeat priuilegio infallibilitatis in rebus fidei definiendis.

Quintò, ſtante probabilitate vtriuſque ſententiæ, quod Concilium Generale legitime congregatum, ſaltem dum non repugnent Pontificij legati, etiam ſecundum maiorem partem, poſſit errare, & non errare; ſic conſideratum, non eſt infallibilis fidei regula eius auctoritas. Sextò, quando aliqua Concilia proponunt ſolum aliquid vt probabilius tenendum; cum id contrariæ ſententiæ probabilitatem non tollat; talis etiam definitio non eſt certa. Septimò, quia non minus Conciliorum, quàm Summi Pontificis infallibilitas in definiendo annectitur præuijs quibuſdam diligentij, iuxta ſuperiori capite dicta, ſi conſtaret manifeſtè quod Patres Concilij non feciſſent, quod in iſtis erat ad finem veritatis, illuſtrationiſque diuinæ obtinendum, communes nimirum fidei regulas haud conſulendo, eſſet ſaltè probabile, quod licet cæteroquin errare non poſſet Concilium Generale abſque approbatione, & confirmatione Pontificia, tunc errare poſſiſſent; eorumque proinde definitio infallibilem nõ faceret probationem; de quo vide Canõ lib. 5. cap. 5. & Cord. quæſt. Theolog. lib. 4. q. 1. prop. 9.

Octauò, cum ſicuti ex dictis ſuperiori capite, in Pontificijs, ita & in Conciliorum etiam generalium decretis non ſint de fide diſputationes quæ præmittuntur, neque rationes, quæ adducuntur, neque ea quæ ad explicandum, & illuſtrandum aſſeruntur, nec verba ſingula, quibus definitio exprimitur, niſi de verbo ipſo decretum fiat; hinc eſt,

*Bibliot. Theol. Tom. I.*

quod ſi in alicuius rei probationem adducatur teſtimonium Summi Pontificis, aut Concilij generalis, diligenter examinandum eſt, vtrum ſit depromptum ex ipſa fidei definitione, an verò ſumptum ex diſcuſſione ad illam præuia, aut ex alijs incidenter dictis; ad dijudicandum de certitudine talis probationis. Nonò, quia poteſt eſſe opinio probabilis, quod alicuius vocis ſignificatio non accipi debeat, vt communiter ſentiunt alij; v.g. eſt de fide, quod requiratur lumen gloriæ eleuans animam ad videndum Deũ, vt definitum eſt à Concilio Viennenſi; & tamen eſt controuerſia inter Theologos, an id ſit habitus, vel ſolum peculiaris Dei concurſus, & operatio; hinc eſt, quod licet talis definitio ſit certa, ad probandum contra Beguardos & Beguinus neceſſitatè luminis gloriæ, quodque virtute ſua non valeat anima videre Deum; non tamen ad probandum, an id ſit habitus, vel peculiaris tantum Dei concurſus.

Decimò, quotieſcumque etiam eſt probabilis interpretatio: quod Concilia vnam rem, & non duas; controuerſiam cum hæreticis duntaxat, & non inter Catholicos Theologos dirimere per definitionem aliquam voluerint; talis quoque definitio non facit certam probationem, niſi circa illam rem, aut controuerſiam quam omnes per illam dirimi conueniunt; ſecus autem circa illam partem, quam non dirimi probabilis eſt doctorum ſententia: Vndecimò, quando in Concilij aliqua ſeſſione, vel definitione non promulgetur anathema, contra aliter ſentientes, vel ſimile quid, quod indicare ſolet mentem Concilij eſſe declarare contrariam opinionem hæreticam, & contra fidem; ſed tantum Concilij mens & ſenſus exponitur, non indicans id ſpectare ad fidem (niſi aliud id conſtet) probabiliffimum eſt talem definitionem non eſſe ſemper certam certitudine fidei, neque poſſe puniri in foro etiam exteriori contrarium opinatam, tanquam hæreticum. Prudenter autem facere Concilia, & Summos etiam

Pontifices, dum ita se gerunt, suamque duntaxat mentem declarant, satis patet ex eo, quod aliquandò hæreticam expresse declarare opinionem non est necesse; aliquandò id fieri non potest; aliquandò non satis est discussa quæstio; adeoque volunt Concilij Patres, vt in posterum diligentius agitari possit à viris doctis, vt possit tandem definiri, quænam amplectenda certò, & indubitanter. Sic in Concilio Tridentino videmus de facto, non fuisse damnatas tanquam hæreticas, omnes opiniones, quas contra Catholicam veritatem excitauerunt huiusce nostri temporis hæretici. An verò sensus Concilij taliter explicatus contrariam sententiam, si non semper hæreticam, saltem tamen erroneam, vel temerariam, vel improbabilem faciat; probabilius existimo quod sic, maxime si sciretur multos ita in Concilio sensisse.

Quod pertinet modo ad Concilia, particularia, siue Diocesana, siue Provincialia, siue Nationalia non sunt ex se planè infallibilis veritatis; vnde etià ex illorum autoritate certa & infallibilis probatio desumi non potest; nisi aut Summi Pontificis, aut Concilij Generalis calculo essent expresse confirmata; dico expresse confirmata; quia si tantum ad aliquod propositum essent commendata, non sufficeret ad omnimodam certitudinem; ex illis tamen potest desumi argumentum probabile, ad aliquam opinionem tuendam, quod apud prudentes viros maioris ponderis esse debet, quàm multorum aliorum doctorum sensus, in his, quæ aliquomodo ad fidem, vel bonos mores spectare videntur, maxime si fuerint in illis partibus, aut prouincijs celebrata, vbi literæ florent, & ad prælaturas euehi solent viri in Theologia, ac iure Canonico præstantes. Nota me dixisse probabile argumentum desumi posse ex Conciliorum particularium autoritate, in his quæ aliquo modo ad fidem, vel bonos mores pertinet videntur, nam ex eorum statutis purè spectantibus ad regimen Ecclesiarum, reformationem & cætèra huiusmodi, nõ

potest desumi argumentum etiam probabile, quod in hac Regione, Prouincia, vel Ciuitate, id quoque faciendum sit, vel fieri expediat; variz enim sunt diuersarum Prouinciarum, & Ciuitatum leges, & consuetudines, & quod in vna videtur rationi consentaneum, in alia mutata circumstantia loci, personarum, & alijs similibus, est ab illa penitus alienum.

## CAPVT VL

*De probatione Theologica desumpta ab authoritate Sanctorum Patrum.*

CItca autoritatem Sanctorum Patrum in stabiliendis fidei dogmatibus, Theologicisque conclusionibus ex illa deducendis, fuit error Glossæ Cap. Noli verbo, in istis. distinct. 9. vbi explicans D. Augustinum, qui suis scriptis volebat aliquem firmiter adherere ex sola autoritate, sed ex intelligentia & probatione, ait; *Loquitur secundum illa tempora, cum adhuc scripta Augustini, & aliorum Sanctorum Patrum non erant authentica, sed hodie iubentur omnia teneri usque ad vltimum iota, in Ca. Sancta Romana, distinct. 15.* Verum apertè decipitur author Glossæ, in citato enim ab ipso Canone Gelasius hæc vltima verba profert solum de Epistola Leonis Papæ ad Flavianum contra hæresim Euthichianam; *Cuius textum, inquit, aut vniùs iota si quispiam idiota disputauerit, & non eam in omnibus venerabiliter acceperit, anathema sit.* De operibus autem Cypriani, Athanasij, Nazianzeni, Basilij, Chrysostomi, Hilarij, Ambrosij, Hieronymi, Augustini, Prosperi, & omnium orthodoxorum Patrum, qui in nullo à Sancta Romana Ecclesia consensu deniuerunt, nec ab eius fidei predicatione seiuuncti sunt, sed communionis ipsius, gratia Dei, usque ad vltimum diem vita sue participes fuerunt; nihil aliud asserit, nisi ea in Ecclesia Catholica recipi, & esse legenda, quibus verbis, vt notant communiter doctores, non confertur illis inrefragabilis



bilis autoritas fidei, sed solum generali quadam approbatione alijs præferuntur, ut vtilius legi possint, & cum minori errandi periculo.

Igitur relicta illa Glossæ sententia, quam ut erroneam communiter Theologi rejiciunt, pro vera autoritatis Patrum intelligentia notandum est primò, Sanctos ac veteres Patres posse considerari dupliciter, primò veluti distributiue, & seorsim; secundò collectiue, & coniunctim, pro ut non vnus, vel alter, sed omnes vel ferè omnes, in aliquo vnanimiter conueniunt.

Notandum est secundo huiusmodi consensum Sanctorum Patrum vniuersalem ac generalem extendi posse, vel ad quæstiones puri facti, vel ad quæstiones iuris; iterum vel ad quæstiones Philosophiæ, vel ad quæstiones Theologiæ, quarum adhuc aliquæ sunt de fidei dogmatibus, aliz verò de adiaphoriz, minutioribusque diuinæ legis rebus, quas sine salutis discrimine ignorare contingit, & ad pietatis doctrinam non spectant.

Notandum est tertio ex Cardinali Turrecremata distinct. 9. cap. 5. c. ego solus; quod quinque modis Ecclesiæ doctores sunt loquuti. Primus modus est inquisitiuus, in vtramque partem disputando pro veritate alicuius dogmatis, vel propositionis. Secundus recitatus, non propriam, sed aliorum sententiam referendo. Tertius reprobatus, quando scilicet alienas resellunt opiniones. Quartus assertiuus, cum aliquid determinatè proferunt, vel definitiue sustinent, aut defendunt. Vltimus retractatus, reprobando priorem quam tenebant aliquandò sententiam.

Notandum est quarto SS. Patrum scripta, & sententias, tam vniuersi cuiusque in particulari, quam omnium in communi posse considerari dupliciter, vel secundum se præcisè, vel secundum quod annexam habent Ecclesiæ approbationem; cuius sex veluti gradus, seu differentias in ordine ad doctrinam aliquam, vel doctorem commendandum distin-

guere possumus. Primus, & infimus gradus est, quando ad hoc solum approbatur aliquis, vel eius opera, ut euulgari, & in lucem emitti possint, non enim propterea illa approbatio est authoritativa doctrinæ, nec speciali modo ab Ecclesiâ commendatur, sed generali modo permittitur, quo cæteri libri in indice non comprehensi, nec ab Ecclesiâ prohibiti, vnde potius ad permissionem, quam ad positivam authorizationem, talis modus approbationis pertinere videtur; ad quem tamen requiritur quod talia scripta non habeant errorem, de quo Ecclesiæ constet, nam si semel constaret, illorum euulgationem, aut impressionem non permitteret.

Secundus approbationis gradus est eorum doctorum, qui classici, vel solemnes habentur, quia eorum testimonijs frequenter vtimur in scholis, præsertim si à multo tempore eorum doctrinæ, & sententiæ probatæ sunt; vel etiam, quia ultra hanc authoritatem, in approbatis vniuersitatibus cathedras speciales habent pro eorum doctrina legenda, sicut D. Thomas, D. Bonaventura, Durandus, Scotus, Gabriel, & alij similes, qui sunt capita & duces speciales alicuius non tam doctrinæ, quam modi illam explicandi, vbi ad fidem pertinet. Quæ autoritas, licet magna sit, non tamen semper sit speciali decreto, aut iudicio Sedis Apostolicæ circa doctrinam talium doctorum, sed tantum ab illa approbatur erectio, & fundatio talium vniuersitatum, quæ dictas cathedras pro illorum doctorum explicanda doctrina dotatas habent.

Tertius approbationis gradus est, quando aliquis ab Ecclesiâ, & Sede Apostolica in doctorem Ecclesiæ eligitur, aut inter Ecclesiæ patres habetur, adeo ut eius scripta, vel opera non solum in scholis, sed in ipsis Ecclesijs, & Ecclesiasticis officijs publicè & solemniter legantur. Sicut plura Patrum opuscula recepta sunt, & approbata à Gelasio Papa in Concilio Romano, & habentur in capite *Sanctæ Romanæ*, distinct. 15.

Ad

Ad quem approbationis gradum, siue ad hoc vt aliquis speciali vel Patris, vel Doctoris Ecclesiæ titulo insigniatur, vt requiritur acceptatio Ecclesiæ, vel speciale iudicium, decretūque Sedis Apostolicæ circa personam, & doctrinam; ita etiam singulari quadam auctoritate, & prærogatiua sublimatur super alios doctores, qui nec iudicio Sedis Apostolicæ sunt approbati, nec eorum doctrina auctoritatis pondus habet ab illa; licet in approbatis vniuersitatibus Cathedras habeant, & famosiores teneantur in communi approbatione doctorū.

Quartus adhuc maior approbationis gradus, aut modus est, quando videlicet speciali modo iudicat, & approbat, vel sequitur aliquam doctrinam, vt si dicat se probare, vel sequi talem doctrinam, affirmet illam esse sine errore, esse ex infusione celesti, & alia similia, quæ sine dubio specialem veritatem, certitudinem, aut probabilitatem in tali doctrina requirunt; sic doctrinam D. Augustini præsertim in his quæ de gratia Dei scripsit, sic D. Thomæ, Ecclesiā sequi cōmuniter asserunt doctores Theologi qui de vtraque agunt, inter quos videndus est Magister Grauius libro 4. præscriptionem Catholicorum; & Ioānes à Sancto Thoma 1. p. disput. 1. de approbatione doctrinæ D. Thomæ; duo fulgentissima ordinis Dominicani luminaria.

Quintus approbationis gradus, non tam est circa aliquem doctorem, vel illius doctrinam generaliter, quam circa aliquam materiam, seu opinionem determinatam; quando scilicet Ecclesiā determinat in particulari aliquam opinionem esse vel probabiliorē, vel certiorē. Exemplum habemus ex Concilio Viennensi sub Clemente V. & refertur in Clementina vniū de summa Trinitate, vbi *Opinio illa quæ affirmat paruulis infundi in baptismo gratiam, & virgines, & similiter adultis tanquam probabilior, & dictis Sanctorum, ac modernorum doctorum Theologia magis consona, eligitur sacro approbante Concilio.* Ecce

singularis approbatio illius opinionis; non quidem definiendo illam de fide, sed vt probabiliorē eligendo. Similiter in cap. cum Marthe de celebratione Missarum eligitur vt probabilior opinio, *quæ asserit aquam cum vino in sanguinem transmutari, vt cluceat proprietas Sacramenti.* Stat ergo ab Ecclesiā approbati aliquam opinionem, seu doctrinam in materia determinatā circa definitionem.

Sextus tandem & vltimus approbationis gradus est definitiuus, cum videlicet Ecclesiā doctrinam aliquam recipit, aut definit tanquam de fide. Sic fuit approbata S. Leonis Papæ epistola ad Flavianum, de qua dicitur in c. Sancta Romana; *Quod eius textum, aut ista vniū si quis idiota displicauerit, & non eam in omnibus venerabiliter acceperit, anathematizetur.* Similiter ad Concilium Arausicum 2. quædam capitula ex doctrina S. Augustini desumpta transmissit S. Leo definienda: Sic in alijs Concilijs opuscula aliqua, & epistolæ receptæ sunt à tota Synodo, vt Agathonis Papæ in 6. Synodo Generali, & Sophronij in eadem; in Concilio Ephesino anathematismi Cyrilli Alexandrini; & sic de cæteris: His suppositis pro intelligentiæ præsentis materit.

Dico primò, Sanctorum ac veterum Patrum auctoritatem; siue paucorum, siue plurium, maxime cum ad Theologicas affertur difficultates, esse maximi ponderis. Ista propositio est omnium Catholicorum; colligiturque primo ex diuersis sacre scripturæ locis ad Ephes. 4. *Posuit Deus doctores in Ecclesiā ad consumptionem Sanctorum, ut non circumferamur omni vento doctrinæ;* & 1. ad Corinth. 12. *Posuimus in Ecclesiā primò Apostolos, secundo Prophetas, tertio Doctores.* Secundo probatur ex antiquissimo, ac vetustissimo Ecclesiæ vsu, in qua Summi Pontifices, Concilia, ipsique Patres secundum temporum ac ætatum seriem regulariter ad dissoluendos exortarum controuersiarum nodos SS. Patrum auctoritates ac sententias adhibuerunt, si deique dogmata ex eorum doctrina vel finie-

finierunt, vel confirmarunt.

Sic Leo Primus epistola 97. ad Leonem August. Eutichianam, & Nestorianam heresim refellens, quarum ista personam Christi diuidebat, illa verò duas in illo naturas confundebat, cum scripturarum testimonijs Christum Dominum verum Deum & hominem esse primum probasset, mox ad Patrum sententias confugiens subiungit : *Vt autem pietas tua cum venerabilium Patrum prædicationibus nos concordare cognoscat, aliquantas eorum sententias huic credidi subiiciendas esse sermoni, quibus si digneris attendere recensitis, non aliud nos prædicare reperies, quàm quod Sancti Patres toto Orbe docuerunt, nec quemquam ab illis, nisi solos impios hæreticos discrepare &c. Subditiq; postea SS. Hilarij, Athanasij, Ambrosij, Augustini, & aliorum testimonia.*

Sic Ioannes II. epistola de duabus naturis contra Eutichianos apud Baronium tomo 7. anno 434. n. 24. proposita illa quæstione fidei, an vnus ex Trinitate Christus, & Deus noster dici posset, hoc est vna de tribus personis sanctæ Trinitatis sancta persona ait; *Probanus in his Catholicam Imperatoris fidem, & ita esse prophetis, & Apostolicis, vel Patrū exemplis euidenter ostendimus, vnā ex sancta Trinitate Christum esse, hoc est, vnā de tribus sanctissima Trinitatis personis, sanctam esse personam, seu substantiam, quā Græci hypostasim dicūt; Et post allatas diuinarum scripturarum auctoritates, Nicænique Symboli confessionem, mox Patrum sententias, ac testimonia citat.*

Similiter in Concilij etiam Generalibus, & Oecumenicis videmus semper consuetudinem fuisse, priusquam aliquod statueretur, vel definiretur, vt proferretur, diligenterque expendere- tur Sanctorum Patrum sententiæ, sicut apparet ex toto Concilio VII. vbi de imaginibus; in Chalcedonenſi pro duabus Christi naturis contra Eutichianos; in Ephesino pro vnica Christi persona, contra Nestorianos; in Florentino de processione Spiritus Sancti à Patre & fi-

lio aduersus Græcos.

Denique Sancti Patres ipsi præcedentium Patrum auctoritate, fidei veritates studiosè semper cõfirmarunt, exortasque aduersus Ecclesiæ doctrinam hæreses confutarunt; vt videre est apud S. Athanasium in tract. pro decretis Nicænæ Synodi contra Arrianos, qui cum eam calumnijs impeterent, ac si consubstantialitatis vocem nuperam adinuēisset, ille ad vetustiores confugiens Patres, eorum auctoritate Nicænā, vel potius totius Ecclesiæ fidem de filij consubstantialitate propugnat. Idem habemus exemplum apud S. Basilium lib. de Spiritu Sancto; & D. Augustinum passim, sed præcipue lib. 1. & 2. aduersus Iulianum Pelagianum cap. 3. 4. & 5. quorum primus ad asserendam eādem Spiritus Sancti cum Patre & Filio diuinitatem, atque adeò conglorificationem; secundus verò ad euincendos Pelagianos, & probandum Christum Dominum in euacuando chirographo paterni debiti, fuisse liberatorem hominū ex Adam descendentium, proferunt diligenter ac nominatim auctoritates Patrum Ecclesiæ, qui ipsos antecesserunt, dantes nobis formam, ac regulam, vt ad probationem dogmatum per eandem vetustatis lineam incedamus, Sanctorū ac veterum Patrum testimonijs vtentes.

Tertiò ad demonstrandam, cõmendandamque Sanctorum ac veterum Patrum auctoritatem in probandis fidei sacræque doctrinæ dogmatibus non parum conducunt speciosi illi tituli, & encomia, quibus passim à Scripturibus Ecclesiasticis celebrantur, quæ in vnum collecta reperies apud eruditissimum virum Dominicum Grauinam lib. 4. Catholic. præscript. q. 2. art. 8.

Quartò denique aecedit ratio efficacissima tam ex insigni veterum Patrū sanctitate, quàm etiam admiranda doctrina desumpta; cum fundamentum ac basis auctoritatis sit scientia, quā credimus auctore non errare ex ignorantia, & bonitas, quā credimus eundem nolle decipere ex malitia. Nomine enim Eccle-

eleſiæ Patrum non intelliguntur omnes qui cum opinione ſufficientis literaturæ, ſub communionem S. Matris Eccleſiæ diem clauſerunt extremum, vt rectè probat ſupradictus doct̃or loco citato; ſi quidem non ſufficit fides cum doctrina cõpetenti, vt aliqui ſint, & dicantur Eccleſiæ Patres, ſed vt in fide ſint ſuperexcellentes, habeantque ſpeciale gratiã gratis datam, quæ vocatur etiã ab Apoſtolo fides, dum ad Corinth. 15. ait: *Alij datur fides, alij ſermo ſcientiæ*; vbi per ſidem intelligit ibi S. Thomas ſuperexcellentem myſteriorum fidei cognitionẽ, eadem explicando, & defendendo; qualem ipſe proculdubio habuit.

Rurſus etſi neceſſariam inter ſe non habent connexionem doctrina, & ſanctitas, quia non tam datur hæc gratia doctrinæ (ſicut & ceteræ gratiæ gratis datæ) in vtilitatem propriam, quàm totius communis fidelium, vnde non eſt de ratione doct̃oris, aut Magiſtri; quod bona vita ſit præditus: Nihilominus propter exemplum Chriſti fundatoris Eccleſiæ, qui cœpit facere & docere; eiſdemque decretum, quo vita & doctrina conſpicuos commendauit, & eſſe magiſtros in Eccleſia voluit Matth. 5. *Qui ſoluerit vnum de mandatis iſtis minimis, & docuerit ſic homines, minimus vocabitur in regno celorum. Qui autem fecerit & docuerit hic magnus vocabitur in regno celorum*, hæc duo requiruntur, vt fideles aliqui non ſolùm numero, ſed etiam merito, non ſolum in Eccleſia, ſed etiam Eccleſiæ magiſtri ac patres ſint, ſanctitas vitæ, & ſublimitas doctrinæ, ne quod verbis docent Eccleſiam, moribus impugnent; vnde omnes illi qui malis moribus imbuti, aut etiam hereticis opinionibus, inter ſuos errores, aliqua tamen vera fidei dogmata docuerunt, non tam vt Patres, quam vt traditionis teſtes debent in ijs recipi ac citari. Cum ergo ex dictis fundamentum auctoritatis ſit doctrina, & ſanctitas, nemini dubium eſſe poteſt, quin maximi ſit ponderis illa doct̃orum, quos approbat Eccleſia, & in albo Patrum reponit, ob inſignem

vitæ puritatem cum ſublimi doctrina, coniunctam; vide Papam Geladium C. *Sancta Romana* diſtinct. 15.

Dico ſecundò, aliquorum duntaxat Patrum auctoritatem in quacumque materia ſiue ad Philoſophicas, ſiue ad Theologicas diſciplinās pertinentes, probabile quidem argumentum facere poſſe, certum autem, & firmum nequaquã. Hæc etiam propoſitio communis eſt inter Theologos, colligiturque primò manifeſte ex ipſiſmet Sanctis Patribus, quibus non plus auctoritatis attribuendum eſt, quàm ipſi ſibi attribui voluerunt, ſed noluerunt Patres ſibi irrefragabilem præſtari auctoritatem, cum agitur de illis diſtributiue tantum, aut ſeorſim, propriumque & priuatum ſenſum exprimunt, vel in obſcuriſſima aliqua quæſtione diuerſa ſentiunt, vbi tantum valet eorum auctoritas quanta eſt ratio, vel auctoritas, quæ aſſertur ex ſacris ſcripturis: Ergo nec in talibus caſibus aut circumſtantijs debemus nos inſallibilem aliquam auctoritatẽ illis adſcribere. Maior huius argumenti videtur eſſe certa; minor probatur adducendo diuerſa loca, vbi id expreſſe aſſerunt S. Patres. D. Hieronymus in epiſtola ad Theoph. aduerſus errores Ioannis Hieroſolimitani paulo poſt medium; D. Auguſtinus lib. 2. de baptiſmo contra Donatiſtas cap. 3. lib. 4. de anima c. 1. & epiſtola 19. & 48. imo epiſtola 101. non vult ſibi credi, pluſquam auctoritas & ratio, quam adhibet, exigere videatur; & lib. 2. de ord. cap. 9. cum dixiſſet humanam auctoritatem plerumque falli cap. 10. ſubdit, *nolle ſibi credi niſi docenti ac rationem reddenti*.

Huic principio innixi Patres tamen ſuam aliquando fatentur imperitiã, vt Hieronymus in cap. 2. Michæ; tùm in propria nolunt eſſe pertinaces ſententiæ, vt idem in cap. 26. Ezech. tùm ſcripta ſua ſi quid falſi contineant, vel ipſi emendant, ac retractant vt Auguſt. in lib. retractat. vel alijs videnda & examinanda committunt vt Gregor. Nazianzenus in opuſc. contra Arrianos; vel ſe emendaturos

turos promittunt, si errata deprehenderint, vt Hieronymus tomo 2. epistol. ad Ctesiphontem aduersus Pelagianos, & de facto emendandam aliquam suam versionem sacrorum Codicum habet comment. in Isaiam cap. 29. Quare D. Thomas 1. p. quæst. 1. artic. 8. ad 2. rectè docet non nisi probabiliter argui posse in scientia Theologica ex autoritate Patrum, modo in conclusione explicato.

Cuius ratio veluti à priori est, quoniam quilibet Sanctorum singulariter consideratus, his duntaxat exceptis, qui libros Canonicos ediderunt, cum spiritu humano locutus fuerit, errare aliquandò etiam in his quæ ad fidem spectant potuit; imò Melchior Canus lib. 7. de locis Theologicis asserit neminem esse veterum doctorum, quantumvis eruditum, & sanctum, qui non aliquandò hallucinatus fuerit, non cæcuerit alicubi, & non quandoque sit lapsus in aliquo. Igitur si considerentur singuli Patres veluti distributiue, & seorsum, aut secundum quod aliqui eorum pauci in aliquo conueniunt, firmum ex eorum autoritate argumentum sumi non potest, sed tantum probabile; præsertim cum multi ob insignem doctrinam cum admirabili vitæ sanctitate coniunctam, iam ad tantum humanæ autoritatis fastigiū peruenierint, vt nefas sit in Scholis eorum dictis aperte contradicere, & aduersari; sed si quid ab eis minus rectè elapsum ore, dictumque videatur, debeamus illud in bonum sensum reuocenter, ac benignè interpretari.

Itaque sicut paucorum tantum Sanctorum autoritatem pro certa ac firma fidei regula suspicere, & habere homini esset omnino imprudentis, ita etiam & illam despiciere, ac pro nihilo habere imprudentis; essetque blasphemam, hæreticorum nostri præsertim temporis consuetudinem æmulari, qui sequentes vestigia Cham, non modo operire, negligunt Patrum si qui sint errores, eos excusando cum possunt, sed irrident, alijque irridendos proponunt, & eorum

*Biblioth. Theol. Tom. I.*

personas calumnijs proscindunt & lacerant, vt videre est apud eundem Grauinam lib. 4. citato q. 3. principali. art. 6.

Dico tertio, omnium etiam Sanctorum Patrum autoritatem, cum ad eas adducitur difficultates, vel controuersias, quæ naturali lumine cognoscuntur, & ad quarum probationem nulla penitus vtuntur autoritate canonica, certum argumentum nequaquam suppeditare, sed tantum valere, quantum naturæ ratio persuaserit. Ista conclusio pariter est communis inter Theologos; probaturque ex eo quod gratia gratis data interpretationis sermonum Sanctissimæ Ecclesiæ Patribus collectiue sumptis à Deo concessa, in ordine ad fidem datur; ergò principaliter, & infallibiliter duntaxat, quæ necessaria sunt ad salutem, respiciunt, non verò ad illa, quæ Philosophicas tantum, vel sæculares concernunt disciplinas, quæque sine vilo penitus salutis discrimine ignorari possunt. Vnde in illis tantum valere debet eorum autoritas, quantum rationis naturalis ab eis adductæ vis, & efficacia, petierit, aut pondus habuerit.

Quod idem asserendum puto quoties Patres suppositis principijs nonnullis Philosophicis, communibusque effatis; etiam sacram scripturam ad eorum normam interpretantur; sic licet communis opinio Patrū Theophil. Euch. Bedæ &c. quibus è Theologis adhærent D. Thomas 3. p. quæst. 66. artic. 4. ad 3. Suares tomo 2. in 3. par. quæst. 5. sect. 1. & ex interpretibus S. Scripturæ Alphonsus Salmeron, Toletus, Maldonatus, Cornelius à Lapide alijque plures; licet, inquam, communis horum opinio censeat aquam, quæ Ioannis 19. exiuit de Christi latere, fuisse miraculosam, ac de nouo creatam, aqua enim naturalis non videtur residere in parte maxime superiori corporis nostri, nec Philosophi talis aquæ mentionem fecerunt; atamen cum sententia communis Anatomicorum, quibus vt potè peritioribus in sua arte maior fides adhibenda est, eam in pericardio reperiri non solum.

A a

asse-

afferant, ut Hippocrates lib. 1. de corde, Galenus lib. 8. de Pla. Auicenna, Laurentius quæst. 8. in Anat. Vesalius lib. 6. fabr. corpor. Valuerdus lib. 4. cap. 8. alijque plures, sed etiam offendant, non videtur damnanda tanquam improbabilis sententia, cui adhæsit Bened. Arias Montanus in cap. 19. S. Iohannis asserens intercessisse ibi solummodo miraculum quoad modum, hoc est, quod sanguinis vnda simul ad ictum cum aqua proficiens illam non infecerit, & utrumque liquorem facile permiscibilem ex codē ictu emanantem simul, diuisum contemplatus Iohannes fuerit.

Dico quarto, vnam Sanctorum Patrum consensum in explicatione sacræ scripturæ pertinente ad fidem, bonosque mores asserere infallibile veritatis argumentum veluti à signo, & à posteriori, siue in quantum sunt ab Ecclesia authenticè declarati, approbatique ut omni exceptione maiores testes veritatis Catholicæ in explicatione sacrorum Codicum. Hanc conclusionem, communiter docent Theologi, qui etiā notant generalem hunc omnium Sanctorum Patrum consensum non esse accipiendum mathematicè, adeo ut ne vnus quidem desit, sed moraliter, ut sit omnium circiter, vel fere omnium, quæ admodum res morales debent accipi, & intelligi moraliter, alioqui impossibile esset talem consensum vnquam explorare, aut inuenire, quia aliquorum nomina nos latent, vel certè eorum scripta præ manibus non habemus, aut aliqua ex ijs perierunt, nonnulli etiam ab Ecclesia defecerunt ut Origenes, Tertullianus, Eusebius, Apollinaris & alij, quos non videmus retractasse errores suos.

Conclusio sic explicata probatur ex sexta Synodo Constantinopolitana in Trullo habita can. 19. sic præcipiente: *Si ad scripturam pertinens controuersia aliqua excitata fuerit, ne eam aliter interpretemur, quam quomodo Ecclesia luminaria, & doctores suis scriptis exposuerunt.* Clarius Conciliū Lateranense III. sessione vndecima, in primo Leonis de-

creto de modo prædicandi post mediū: *Mandantes, inquit, omnibus qui hoc onus sustinent, quique in futurum sustinebunt, ut Evangelicam veritatem, & sanctam Scripturam iuncta declarationem, interpretationem & ampliationem Doctorum, quas Ecclesia, vel usus diuturnus approbanis, legendosque hæcenus recepit, & in posterum recipiet, prædicent & explanent; nec quidquam eius proprio sensui contrarium, aut dissonum adiciant: sed illis semper insistant, quæ ab ipsius sacra scriptura verbis, & præfatorum doctorum interpretationibus rite & sane intellectis non discordant.* Similiter Conciliū Tridentinum sess. 4. in decreto de editione, & vsu sacrorum librorum statuit, ut nemo sua prudentia innixus in rebus fidei & moris ad adificationem doctrinæ Christianæ pertinentium sacram scripturam ad suos sensus contorquens, contra vnam consensum Patrum interpretari audeat, etiam si huiusmodi interpretationes nullo vnquam tempore in lucem edenda forent.

Vnde sic argui potest, ille scripturæ sensus est de fide, quem Ecclesia statuit esse verum scripturæ sensum, sed ex præallegatis Conciliorum testimonijs Ecclesia statuit illum esse verum, scripturæ sensum, qui cōmuniter à Sanctis Patribus asseritur, ergo talis scripturæ sensus non potest non esse de fide, atque adeo non potest nō esse firmum, ac certum veritatis argumentum vnam Sanctorum Patrum in illo tradendo consensus. Maior huius argumenti videtur esse certa, cum enim omnis verus sacræ scripturæ sensus sit intentus & reuelatus à Spiritu Sancto, debet pertinere ad fidem; ergo eo ipso quod Ecclesia declarat vnam Sanctorum Patrum in interpretando aliquo scripturæ loco sensum esse verum, declarat etiam consequenter illum esse de fide; Sanctosque Patres collectiue sumptos gaudere privilegio infallibilitatis in explicatione sacræ scripturæ, cum limitatione in conclusione allata, hoc est pertinente ad fidem, bonosque mores. Minor autem probatur, quia si vnam Sanctorum

Patrum consensus in exponendo aliquo sacre scripturæ loco pertinente ad fidem bonosque mores, non esset absolute verus, sed solum probabilis; aut dubius, Ecclesia non posset præcipere, vt. omnes illum sequamur, absque eo quod aliquod in contrarium dicere, aut interpretari audeamus. Cum igitur Ecclesia id ita præcipiat, non alia certe ratione id facere pensandum est, nisi quia ex infallibili Spiritus Sancti assistentia, qua dirigatur in omnibus definitionibus fidei, ac morum, nouit etiam concordem huiusmodi Sanctorum Patrum sensum, circa alicuius scripturæ interpretationem, esse omnino verum; sunt namque Sancti Patres & Doctores diuinitus Ecclesie dati, vt non circumferamur omni vento doctrina; ex Apostolo ad Ephes. c. 4.

Quod dixi in præcedenti conclusionem de vniuersi Sanctorum Patrum consensu, quando explicant aliquid de rebus fidei, exponendo Scripturam, vel scripturæ testimonijs illud comprobando, idem penitus asserendum puto quinto loco, quando aliquid etiam vniuersim proferunt, tanquam ad fidei doctrinam pertinens; etiam si non exponant scripturam, vel scripturæ testimonia. Hec etiam conclusio est communis, ad quam probandam, præter Ecclesie præsim, quæ dum aliquas veritates fidei credendas proponere debet, nihil habet antiquius, quam post diuinas scripturas ad communem Patrum doctrinam respicere in singulis fere Concilijs; vt enim rectè docet D. Augustinus lib. 2. contra Iulianum, Patres sunt illi, qui maxime custodiunt fidei depositum à Christo & Apostolis acceptum; *Quod inuenerunt, inquit, in Ecclesia tenuerunt, quod didicerunt docuerunt, quod à Patribus acceperunt, hoc filijs tradiderunt;* præter hanc, inquam Ecclesie consuetudinem, efficacia ad nostram conclusionem probandam argumenta ex diuinis scripturis desumpta non desunt.

Primo idem sunt propter doctrinæ lumen, doctores in mystico Ecclesie corpore, quod sunt oculi in corpore, hu-

*Biblior. Theol. Tom. 1.*

mano; sed quod oculus videt, aut non videt, id corpus ipsum videre, aut non videre merito censetur. Ergo similiter, quod vniuersi Ecclesie doctores in aliquo fidei dogmate concorditer sentiunt, id Ecclesia ipsa sentire censenda est. Nihil autem Ecclesia vniuersa sentire, potest nisi verum, cum habeat illa perpetuo Spiritum veritatis sibi assistentem; nihil igitur etiam nisi verum vniuersi Ecclesie Patres docent. Boque certius apud nos esse debet concordem hanc Sanctorum Patrum, ac doctorum sententiam à Spiritu Sancto esse profectam, atque adeo esse infallibiliter veram, quominus videtur potuisse humanitus fieri, quod tot talesque viri sanctissimi pariter & doctissimi, quique tam varijs locis ac temporibus vixerunt, in eandem sententiam scribendo conuenire potuerunt; vt rectè expendit D. Augustinus lib. 1. & 2. contra Iulianum, alijque plures diligenter citati à nostro Thoma Vvaldensi lib. 2. doctrinal. fidei antiquæ cap. 25. Melchior Cano lib. 7. de Locis cap. 3. conclus. 5. Salmerone tomo 8. in Euang. tract. 2. vbi videri possunt.

Secundo, eo ipso quod Matthei 13. & Lucæ 10. populus tenetur sequi doctrinam suorum Pastorum, ac Patrum; pertinuit ad suauitatem diuinæ prouidentie consequenter non permittere, ipsos omnes Pastores ac Patres à vero deuiare, seu docere falsum in rebus ad fidem, & salutem pertinentibus: sic enim populus falsum pro vero credere ex præcepto Dei teneretur, quod est absurdum. Tertio non alia ratione pastores animarum & doctores plura alijs fidelibus ex officio credere & scire tenentur, nisi quia fides in docendo ab illis dependet, & quia eis errantibus, non potest populus, nisi extraordinario quodam miraculo non errare: vt constat Malachia cap. 3. *Labia Sacerdotis custodiunt scientiam & populus requirit legem ex ore eius.* Ergo consentaneum, imo necessarium ex hypothesi fuit in Ecclesia, vt omnes simul pastores, & doctores, licet diffusi per orbem privilegio infallibilitatis gauderent

A a 2 rent

rent in docendo, & definiendo; dico in docendo, quia in presenti non agimus de pastorum & doctorum fide personali, an nimirum possint, vel non personaliter errare sentiendo aliquid esse de fide quod non est, vel non esse quod est; sed tantum de ea quam populos sibi commissos docere tenentur; cum enim inter Catholicos sit sub opinione positum, an habeant talem infallibilitatem passivam in sentiendo aut credendo, de quo libro sequenti sect. de Ecclesia, omnes tamen tanquam quid certissimum tenent illos habere infallibilitatem activam, seu in docendo.

Neque verò quod Patres homines sint, ob stare debet, quominus à Spiritu Sancto ita dirigi dicantur, ut errare omnes quidem non possint in materia fidei & religionis. Nam & Propheta & Evangelistae homines fuerant: & tamen illorum sententia merito habetur infallibilis. Nempe quia etsi homines essent, suaeque proinde naturae fallibiles & mendaces, tamen cum Spiritu Sancto specialiter assistente cuncta scriberent, errare minime potuerunt. Etsi enim inter Scriptores Canonicos, & alios Ecclesiae Patres suum versetur discrimen; id tamen ad rem, de qua nunc agimus, nihil penitus attinet. Tantum enim intendimus, quod sicut Scriptores Sacri, licet homines, Spiritu veritatis dirigi suo modo potuerunt, ne unquam erraret eorum aliquis: ita etiam ab eodem Spiritu speciali eius assistentia, & providentia directi fuerunt Sancti Patres modo quodam suo ne illi omnes in doctrina fidei aberrarent; docendo aliquid esse de fide quod non est, vel non esse, quod re vera ad illam pertinet.

Quod autem obijciunt heretici Patres interdum & erravisse, ac inter se pugnare, id nihil praesenti doctrinae obstat. Singulorum enim Patrum auctoritatem ut infallibilem haud asserimus, sed concordem omnium in aliquo tanquam in fidei dogmate. Quamvis etiam quantum singulorum, ac plurium auctoritati & magisterio tribui debeat,

primis conclusionibus satis ostenderimus aduersus Sectariorum in hoc genere temeritatem, & ignorantiam, qui à Christiano populo sibi potius credi postulant, quam S. Cypriano, v. g. S. Augustino, & alijs Ecclesiae Patribus.

Dico sexto ut aliquorum Patrum auctoritas in particulari sit certa & infallibilis quoad nos, firmamque proinde subministrat probationem Theologicam, non sufficiunt quinque priores modi superius allati approbationis Ecclesiae; sed requiritur sextus; conclusio etiam haec debet esse communis; etsi enim doctrina secundum quinque illos modos approbata, vel commendata, magis vel minus probabilem efficere possit probationem; certam tamen quoad nos reddere non potest, nisi accedat auctoritativa, vel definitiva Ecclesiae approbatio, videlicet, quae tribuit illi auctoritatem, ut si quid prius infirmum, vel invalidum in ea à nobis existimabatur, tali approbatione roboretur.

C. A. P. V T VII.

*De probatione Theologica desumpta  
ex auctoritate Doctorum  
Scholasticorum.*

**M**elchior Canus lib. 7. de Locis cap. 3. conclus. 3. & lib. 12. cap. 7. præcept. 8. Dominicus Bannes 1. p. qu. 1. dubio ultimo conclus. 3. existimant communem Theologorum, vel doctorum Scholasticorum sensum in aliqua fidei doctrina, ita esse certum, ut ab eo recedere non solum sit gravissima temeritas, sed etiam error in fide; alijs doctoribus communiter asserentibus temerarium dumtaxat esse, recedere à Scholasticorum Theologorum sententia concorditer dicentium aliquid esse de fide.

Pro resolutione difficultatis, praedictarumque opinionum concordia, notandum est doctores Scholasticos in sua doctrina stabilienda, vel probanda dupliciter procedere posse, vel ex proprijs, vel ex extraneis; hoc est assumen-

do





doctorem, quos vnoquoque tempore, præsentes habuit, & habet Ecclesia.

Et ratio est primò, quia Ecclesia, quavis ætate & tempore, quasi corpus quoddam spirituale, & mysticum perfectum atque absolutum fuit, & erit, quod suos proinde oculos omni etiam tempore debet habere, suumque Spiritum veritatis instar animæ, secum perpetuo manentē, membraque ipsius, pro vaiuicuiusque conditione vegetantem, sed ut est in confesso apud omnes, manifestūque ex diuinarum Scripturarum autoritate, Ecclesiæ quasi oculi, & lumina, sunt doctores, quorum conditio ea est, ut nunquam omnes circa religionem, aut res ad illam pertinentes errando cæcutiant, ut superiori capite probatum est; ergò quouis tempore in Ecclesia doctores fuisse ac futuros esse credendum est, qui à Spiritu Sancto eum quasi vitæ influxum percipiant, ut nunquam omnes à superiorum Patrum & Doctorum concordia sententia, atque adeò nec à vera fidei doctrina, vel ipsi aberrent, vel alios abducant.

Secundò sicut dicitur 3. Phyc. quod motus est actus mobilis à mouente, cuius proinde virtus tamdiu durat, ac cernitur in mobili, donec finem suum, aut terminum attingat: similiter cum diuina sapientia ita suam voluerit instituire Ecclesiam, ut vsque ad consummationem sæculi doctores & pastores in ea, quoque ponere voluerit; ut eorum doctrina instructus Dei populus, non esset nutans velut arundo omni vento doctrinæ in nequitia hominum, ut ait Apostolus; hos quoque eadem diuina in hunc finem dirigente ac mouente sapientia, tamdiu eius virtus ac motio in Ecclesia durare debet, quousque prædictum finem perfectæ institutionis assequatur; quod tunc solum erit, cum sublato omni etrandi periculo in nouissimis triumphans occurret, *in mensuram ætatis plenitudinis Christi*. Quapropter quemadmodum veteres Patres speciali Dei virtute, seu Spiritus Sancti assistentia errare omnes non potuerunt in materia fidei

& religionis; idem penitus asserendum est de alijs doctoribus ac pastoribus quos vnoquoque tempore præsentes habet Ecclesia.

Tertiò consensus omnium doctorum, ut sæpius aliàs notauimus, qui ordinarie & naturaliter studia in contraria feruntur, non potest non esse opus dexteræ Excelli, & virtutis supernaturalis, iuxta illud S. Iob. *qui facis concordiam in sublimibus suis*; maxime in rebus totum naturæ ordinem superantibus; Atqui operi supernaturali, & Diuino ut tali falsum subesse nequit, ergò neque vni formi omnium Doctorum Scholasticorum consensui in aliquo tanquam in fidei dogmate; hinc nihil est à Doctoribus Scholasticis, ac Theologiæ Magistris vniuersimode ut tale decretum, quod Ecclesia eorum autoritate mota & ad ducta non acceptarit, quando aliquid designare coacta est. Præclarum huius rei habemus exemplū in Concilio Vienneſi sub Clemente V. ubi orta difficultate de effectu baptismi paruulorum sequentia verba pronuntiauit Sūmus Pontifex Clemens. *Nos autem attendentes efficaciam mortis Christi, quæ per baptismum applicatur omnibus baptizatis, opinionem secundam, quæ dicitur parauit, quam adultis conferri in baptismo infermantem gratiam, & virtutes, tanquam probabiliores, & Sanctorum dictis, & doctorum modernorum Theologia magis consonam & concordem sacro approbant Concilio, duximus eligendam.*

Similiter in Concilio Florentino definitum est ex communi Theologorum doctrina, quod Pater & Filius in diuinis sint vnus Spiritus Sancti Principiū; & sic de alijs Concilij subſequentibus. Non quod Summorum Pontificum, aut Conciliorum definitiones ab autoritate doctorum Scholasticorum, tanquam à determinante aut vltimam formam in illis tribuente dependeant, sed velut à dirigente, manudacente ac disponente, ut nullum sit periculum, si consulta autoritate Scholasticorum, concordior in aliqua fidei doctrina conuenientium, defini-

deſinat Eccleſia; maximum verò eſſet, ſi ijs per poſſibile, vel impoſſibile non conſultis, aliquid deſiniendum ſtatueret; quatenus ſuppoſita ſemel Dei promiſſione, quod in miniſterium Eccleſiæ ſunt poſiti etiam doctores Scholaſtici, ne ſimus vt paruuli fluctuantes, ad eorum quoque normam ac mentem, per modum diſpoſitionis præuiæ fieri debent Eccleſiaſticæ definitiones; per modum, inquam, ſue in genere diſpoſitionis, quæ etſi non inſuat in definitionem Eccleſiæ, cum non dependeat inſallibilitas dogmatum fidei niſi à principali agente, nempe Spiritu Sancto mouente inſallibiliter Pontificē, aut alios Episcopos in Concilio Generali legitime ſub Põſtice congregatos, eam tamen attingis, quatenus, vt inſallibiliter aſſiſtat Spiritus Sanctus, conueniens eſt præcedere tales diſpoſitiones, accuratas nimirū ac diligentes locorum Theologicarū, fideique regularum cõſultationes; inter quas eſt locus ab authoritate Eccleſiæ doctorum; in quorum certè numero Theologi Scholaſtici omnino reponendi ſunt. Probatum ergò remaneat concordem & vnanimem doctorum Scholaſticorum ſententiam, in aliquo, tanquàm in fidei doctrinā, ut cum illa neceſſariò, & euidenter connexa, ita eſſe firmam, ac certam vt illi contrarie nedum improbabile, aut temerarium, ſed errori in fide proximum reputari debeat.

Dico ſecundò, extra communem Doctorum Scholaſticorum conſenſum in aliquo ad fidem, bonoſque mores pertinente, eorum authoritatem non poſſe maiorem ex ſe certitudinem, quā opinionis, generare in re Theologicā; imò etiam ſi eorū aliqui aſſerrent aliquam opinionem fauere hæreticis, vel eſſe erroneam, ſiue illa ſpectet ad materiam ſpeculatiuam, ſiue ad moralem; non propterea tamen ſemper reiſciendam eſſe tanquam improbabilem rectè docet Bannes 1. p. quæſt. 1. dub. 8. Quoniam quando ſunt duæ opiniones, quarum quælibet rationibus nititur probabilibus, & argumenta aduerſariorum

ſoluit, habentque defenſores viros doctos; non eſt cur huic, vel illi parti quis pertinaciter adhæreat propter aliquam authoritatem, quæ tunc non plus valet, quam vel ratio, vel aliquod ſcripturæ teſtimonium confirmat; vnde ponderanda ſunt diligenter, & ſecundū vtriuſque vires huic aut illi adhibenda eſt fides; nec intereſt, quod plures in vnam partem inclinent, ſi pauci graues & docti oppoſitum ſentiant; non enim numero hæc iudicanda ſunt, ſed pondere: poteſtque fieri quod vnus, aut alter tantæ eſſet authoritatis, vel rationes adeò validas induceret, vt eius iudicium pluribus æquiualeat. Vnde merito reprehendendi ſunt, inquit Bannes, aliqui Theologi, qui opinionibus proprijs, vel etiam aliorum nimis adhærentes, ſtatim contraria dogmata præcipiti quadam ſententia, abſque ſufficientibus rationibus damnant, atque omnia, quæ eorum iudicio non conſonant, grauioribus cenſuris inurunt, idque tanta facilitatē, vt merito irideantur.

Et certè, ſi aliqua ſemel opinio reiſcienda eſt, vel damnanda in quacumque materia, eò præciſè quod dicatur ab illuſtris etiam Theologis fauere hæreticis, vel eſſe erronea; plures eſſent dānandæ, quæ à ſuis tamē authoribus laudabiliter propugnantur. Primò opinio Patrum Societatis Ieſu circa gratiæ efficiaciam videtur fauere Pelagianis, & Semipelagianis; opinio vtro Patrum Dominicanorū videtur fauere Calviniſtis; nihilque frequentius illis improperatur: & tamē plerique doctiſſimi viri ex vtroque ordine vtramque ſententiam probabiliter defendunt, ac tuentur, donec accedat Eccleſiæ Romanæ definitio. Secundò ſententia putans maiorem gratiā ex opere operato conferre ſumptionem vtriuſque ſpeciei Eucharitiæ, quā vnus tantum, multis doctoribus videtur fauere hæreticis, qui vtramque ſpeciem neceſſario exigunt; imò ſunt qui putent id poſt Trident. ſeſſ. 21. cap. 3. eſſe certum; & tamen contrariam ſuſtinet præter alios Vaſques tomo 2. in 3. p. diſput.

disput. 215. cap. 2. Cardinalis de Lugo disput. 12. de Euchar. sect. 3. & sic de cæteris; de quibus fufius agemus infra libro 5. præfcribendo regulas, aut methodum quam in tractandis quæftionibus Theologicis tenere debet prudens ac pius Theologus.

## CAPVT VIII.

*De probatione Theologica defumpta ab  
authoritate iuris Pontificij, seu  
Canonici-doctorumque  
illius.*

**I**Vs Pontificium, seu Canonicum vocamus in præfenti ius illud, quod duobus decretorum, & decretalium voluminibus continetur, de cuius origine, ac diuifione, cæterisque ad illud pertinentibus, quia libro fequēti fufius acturi fumus, nunc tantum illa breuiter prænotabimus, quæ sunt neceffaria ad videndum pro præfenti inftituto, quantâ habeat certitudinem probatio Theologica ab illius authoritate defumpta: Igitur quod fpectat ad volumen Decretorum Gratiani, fiue à Gratiano compilatum, exiftimant aliqui cum non effe authenticum, cum dictus Gratianus non habuerit poteftatem legis condendæ, ac proinde eius dicta frequenter reprobantur, ficut dicta alterius doctōris, ita multi apud Barbofam tomo 5. & ideo plufquā quadraginta errores effe in hoc volumine reperies apud Felinum, in cap. 2. de reſcript. n. 43. & liquidius apparent ex doctiſſimorum viroꝝ correctione, ac reſtitutione facta ſub Gregorio XIII. anno Domini 1580. Per oppoſitū volumen hoc reperiri approbatum teſtatur Abbas in cap. 2. de reſcript. n. 9. vbi Felinus n. 44. ſubdit rationem, quod à multis annis publicè legatur in Scholis, hinc enim ipſius dicta tacitè approbata cenſentur. Cum prima nihilominus ſententia dicendum eſt Decretū Gratiani non ſolū antè Gregorium XIII. à nullo Pontifice fuiſſe confirmatū, vt habet inter cæteros Ro-

drigues tom. 2. quæſt. Regul. q. 6. art. 2. verum etiam nec à Gregorio XIII. ipſe enim tantummodo correctū illud propoſuit; vnde ad explorandum, quantæ ſit authoritatis ad alia principia recurrendum eſt.

Aduertendum igitur in decreti volumine reperiſſe præcipuè quatuor ſpecies authoritatum, ad quas poſſunt reduci ſeptem illæ quas tradit Sebaſtianus Medices in tract. de leg. p. 1. quæſt. 3. Prima eſt Sanctorum Patrum, Conciliorum tam Generalium, quàm particularium, Summorum Pontificum. Secunda ipſius Gratiani compilatoris huius voluminis. Tertia cuiuſdam Paleæ, de quo nomine variæ exiſtunt doctorum ſententiæ, multi enim ea capita in quibus res inanes, ac tenues, modicæque vtilitatis continentur, hoc nomine ceſſauerunt appellari. Ioannes Andreas in addit. ad ſpeculum, quem plures alij ſequuntur, putat quemdam Protopaleam (quem laſon in rubr. de act. addit fuiſſe Cardinalem) collectioni Gratiani capita hæc adiunxiſſe. Nonnulli verò dicunt fuiſſe diſcipulum ipſius Gratiani, & ſua authoritate inſeruiſſe aliqua capita in hoc volumine, quæ authentica non ſunt, nec vllam faciunt fidem. Denique Barboſa in præz. decreti Gratiani ex pluribus diligentijs ſuper hac re factis, dicit has paleas eſſe additiones, non eodem tempore factas ad primam collectionem Gratiani; in margine tamen primū notatas, ac nonnullas fortaſſe ab ipſomet Gratiano, vt inter componendum & legendum ſæpius fieri ſolet, quas deinde librariorum quidam omiſerint, quidam in contextu poſuerunt, interdū coniunctè cum prioribus capitibus, interdū cum aliquo diſcrimine. Quarta ſpecies eſt authoritas iuris Ciuilis, vel Sæcularium Principum, quorum multæ leges huic volumini inſertæ reperiuntur.

Quod pertinet ad primam authoritatum ſpeciem, vel claſſem, ex Sanctis Patribus, Concilijs, ſummisſque Pontificibus, ſi pertineant ad decreta, ſiue de-

fini-

ſinitiones fidei, ſatis patet ex dictis ſupra ad tantum certitudinis gradum illas peruenire poſſe, vt infallibilem habeant veritatem; adeo vt nec ab vlllo Concilio, vel Põtiſice mutari, aut reuocari queat: At ſi præfatæ authoritates pertineant ſolum ad Eccleſiaſtica decreta morum, quæ ſunt propriè dictæ leges, quæque à Summis Pontificibus aut Cõcilijs Generalibus eorundem aſſenſu firmatis abrogari, mutari ac diſpenſari poſſunt, ſic certam aut infallibilem fidei probationem non faciunt, multoque minus ſi fuerint rerum dumtaxat particularium, merique facti, ius aliquod non inuoluētis; quia licet veriſſimum ſit, vt libro ſequenti ſeſſione 4. fuſius oſtendemus, quod Summus Pontifex, in condendis legibus ad ſtatum vniuerſalis Eccleſiæ ſpectantibus, errare nequeat; haud tamen æquiparari debent fidei definitionibus in probationibus Theologicis; nā præter cætera leges, vt ſtatim dixi, ſaltem mutari poſſunt, ſecus definitiones fidei. Qua de cauſa vbi ad alicuius controuerſiæ, vel quæſtionis deciſionem, adducitur authoritas deſumpta ex volumine decretorum Gratiani, ſiue à Gratiano compilati; videndum primò an congruat cum emendato à Gregorio XIII. nam non pauci, nec leues errores in antiquum irrepſerant; deindè à quonam verba, vel ſententias, quæ ibi reponuntur, acceperit Gratianus, numque re vera originalibus, vnde illa deſumpſit, conformia: Nam ſi ſint decreta fidei, ita infallibilem continent veritatem, vt nunquam illis contrairi poſſit, nullaue poſterioris Concilij, vel Summi Põtiſicis authoritate mutari aut reuocari; ſecus autem ſi tantum ſint Eccleſiaſtica morum decreta, & ad ius humanum ſimpliciter pertinentia, quæ eadem, qua ſunt Eccleſiaſtica poteſtate, quandoque etiam abrogari poſſunt. Et ſi enim ab aliquibus Ius Canonicum interdu appelletur diuinum, ſignificare tantum volunt, non eſſe tale ius conditum authoritate Politica vel civili, ſed Pontificia, vel Eccleſiaſtica quo ad mul-

ta, etiam in decreto Gratiani contenta; conceſſit enim Chriſtus Dominus Summo Pontifici ordinariam facultatem Canonum vniuerſales, ibi à Gratiano collectos, ad regimen Eccleſiæ condendi; qui propterea dici poſſunt originaliter eſſe ius diuinum, ac ſimpliciter etiam, quatenus non ſunt ius Ciuile, aut Cæſareum, non autem quatenus infallibilem aut irreuocabilem ſemper habent veritatem, quemadmodum definitiones, ſiue Canones fidei. Sed de his vide Silueſtrū in ſumma verbo *Votum*; nec non Dominicum Sotum lib. 7. de iuſtitia quæſt. 4. art. 3. & alios plures.

Tres autem alias authoritatum ſpecies in volumine decreti contentas, primam videlicet ipſius Gratiani compilatoris, alteram cuiuſdam Paleæ, tertiam iuris ciuilis, vel ſecularium Principum certam non poſſe facere ex ſe probationem ad alicuius controuerſiæ Theologicæ deciſionem clarum eſt; & in ſpeciali de legibus ciuilibus, quæ ne quidem iuris Canonici vim vllam aut authoritatem habent, quia Gratianus, qui eas inſeruit, talem haud habuit poteſtatem. Quod adeò verum eſt, vt habeat locum, etiam ſi tales leges ſint Clericis, & Eccleſijs fauorabiles; talis enim fauor nihil ſuffragatur ad ſupplendum in concedente poteſtatis deſectum cap. *Eccleſia S. Maria de Conſtitut.* Intellige tamen, vt dixi, ex ſe, & ni prædictæ leges eſſent per aliquem canonem à Summis Pontificibus approbatæ & receptæ, eo namque ipſo ſuſcipiunt vim legis Canonice, vt optimè aduertit Gloſſa capite ſtatim citato.

Quod de volumine decreti, idem proportionaliter aſſerendum eſt de altera iuris Canonici ſiue Pontificij parte ſex Decretalium libros, & Extrauagantes complectente, cui poſſumus addere Bullarium, in quibus vt ſunt multæ conſtitutiones ſpectantes ad particulares etiam communitates, imò & perſonas tantum; aliæ ſpectantes ad regimen ciuile ac Politicū Eccleſiaſtici ſtatus; aliæ ad fidei dogmata; aliæ tandè

ad Vniuersalis Ecclesiæ regimen in moribus; ita pro huiusmodi diuersitate argumenta ab eorum autoritate desumpta maiorem vel minorem in probationibus Theologicis certitudinē efficiunt, iuxta superius dicta cap. 4. hoc tamen interest inter decretum Gratiani, & sex libros decretalium, quod omnia quæ in his continentur habent ad minus vim legis ecclesiasticæ, secus ea quæ continentur in decreto, quæ nec leges sunt, quatenus ab alio auctore, quam à Summo Pontifice prolata, nec quatenus à Gratiano decreti volumini inserta.

Cum ad eundem iuris Canonici, doctorumque illius locum pertineant, citenturque interdum in disputationibus Theologicis decreta sacrarum Congregationum Eminentiſſimorum Cardinalium, nec non decisiones Illustriſſimorum S. Rotæ Romanæ Auditorum, superest vt breuiter examinemus quantum illa auctoritatem habeant, certitudinemque in probationibus Theologicis facere possint. Primò certum est, nullam ex his cōgregationem gaudere priuilegio infallibilitatis in suis decretis, nec eam proinde ex se, seculaq; auctoritate Papæ maiore mereri, aut facere certitudinem in foro interno, quam exigit præstantissimi sapientum virorū cætus auctoritas; dixi ex se, quia vbi talia decreta in materia fidei ab aliqua congregatione facta adhibitis præuic omnibus diligentis necessarijs, semel approbarentur à Summo Pontifice, proponerenturque vniuersali Ecclesiæ credenda, proculdubio certa omnino essent, nec non etiam in materia morum ad vniuersalis Ecclesiæ statum pertinente: Vt autem pro casibus ordinarijs, in quibus à controuertentibus petitur alicuius dubij, vel particularis difficultatis declaratio Sacre Eminentiſſimorum Cardinalium Congregationes præsumi debent sufficientē in hunc finem habere auctoritatem à Summo Pontifice, secus tamen in actibus Supremæ iurisdictionis, quæ penes illum solum, tanquam vniuersalem Ec-

clesiæ pastorem existit, cuiusmodi sunt præfatæ fidei definitiones, morumque decreta ad statum vniuersalis Ecclesiæ pertinentia, nec non iuridica Conciliorum Generalium in his interpretatio, quam nonnisi consulto ipso Summo Pontifice fieri debere statuit Sixtus V. felicis recordationis in Bulla 74. de institutione quindecim Congregationū S. R. E. Cardinalium, vbi agens de Congregatione octaua pro executione, & interpretatione Concilij Tridentini hæc habet: *Cum ad singularem Romanæ Pontificis auctoritatem tantummodo spectet, Generalia Concilia indicere, confirmare, interpretari, & ut ubique locorum seruentur, curare, ac præcipere. Eorū quidem decretorum, quæ ad fidei dogmata pertinent, interpretationem nobis ipsis reseruamus, Cardinalibus verò præfatis interpretationi, & executioni Concilij Tridentini, si quando in his quæ de morum reformatione, disciplina, ac moderatione, & Ecclesiasticis indicijs, alijsque huiusmodi statuta sunt, dubietas aut difficultas emerſerit, interpretandi facultatem, nobis tamen consultis, impartimur.*

Dixi iterum in foro interno Sacras Cardinalium Congregationes, earumque decreta maiorem ex se non habere certitudinem, quam mereatur præstantissimi sapientum virorum cætus auctoritas, quæ quia non excedit ex se limites maioris ad summum probabilitatis, idcirco etiam per se & seculæ auctoritate Summi Pontificis in eodem foro interno, & in ordine ad probationem Theologicam, non ita firmum exigit assensum, quin illi contrariari possit, teneatur alia sententia probabilis illi contraria, secus tamen in foro externo, vbi partes controuertentes, non obſtāt quacūque in foro interno opinionum probabilitate, sententiæ semel datæ, vbi est definitiua, acquiescere, & obedire tenentur. At si Summo approbante Pontifice, vel etiam auctoritate ab eo sacre Congregationi concessa, sententia aliqua ab ea damnaretur; opposita in nullo amplius foro esset probabilis, sed erronea, aut

alia

alia censura digna iuxta qualitatem confixionis.

De sacrę Rotę Romanę decisionibus, ac sententijs, ita discurrendum puto, non excedere videlicet ex se terminos probabilitatis. Primò, quia hæc solù sunt doctrinales, vt ex communi sententia docet Nicolaus Garfias *in præf. ad tract. de Beneficijs*: Secundò, quia sæpè numero contingit, vt non omnes ad eandem vnanimiter concurrant decisionem, sed fiat tantùm iuxta votorum pluralitatem, adeoque alij præfules sapientes etiam, ac docti eam non approbent: Tertiò tandem, vt alias omittam rationes, quia huiusmodi decisiones quandoque sunt oppositæ, & contrariæ, vel pro diuersitate Auditorum Sacram Rotam successiue componentium, diuersasque ab alijs opiniones tenentium, vel etiam, quod iisdem cæteroquin sapientes, ac docti, facti tamen in dies sapientiores, ac doctiores maiori adhibita diligentia, ac studio primam in melius murent sententiam; Nunquam tamen propterea contemnendæ sunt, imò multi semper faciendæ huiusmodi Rotę Romanę declarationes, ac decisiones, cum magna semper fiant diligentia, adhibitisque in consilium, vbi opus est, viris omni scientiarum genere clarissimis, vnde in illo præsertim, in quo declaratio, vel decisio fieri debet, non potest, non habere laudabiliter rationem iuris, vel legis directiue, ad alicuius controuersię in simili materia definitionem, aut probationem inter disputandum magis, vel minus probabilem, nunquam tamen infallibilem.

# CAPVT IX.

*De probatione Theologica desumpta ex ratione naturali scientiarumque naturalium autoritate.*

**E**T si locus à ratione naturali, scientiarumque in illa dumtaxat fundatarum autoritate sit aliquandò valde vtilis, imo necessarius in ordine ad

*Biblioth. Theol. Tom. I.*

probandas aliquas fidei veritates, etiam lumine naturali cognoscibiles, præsertim aduersus infideles, qui nec scripturas sacras, nec traditiones, nec Ecclesię definitiones admittunt, vt libro sequenti fusius ostenderetur discurrendo breuiter per omnia scientiarum naturalium genera; nihilominus tamen certum est ex illis præcisè desumi non posse firmum, aut infallibile argumentum, in ordine ad asserendas fidei veritates, aut demonstrandas Theologicas conclusiones per se supernaturales, totumque naturę ordinem superantes, sed tantùm probabile. Verum quidem est ex naturali ratione testato diuinitus oraculo sociatà inferri posse aliquos assensus Theologicos, quatenus dantur plura principia solo lumine naturali nota, quę possunt concurrere cum alia præmissa de fide ad conclusionem proprię Theologicę, vt superiori sectione explicatum fuit; attamen quia exceptis paucis eiusmodi principijs, scientiæ naturales probabilia duntaxat docent; hinc est quod pro maiori parte ex naturali ratione etiam testato diuinitus oraculo coniuncta, non nisi probabiles assensus gigni possunt, qui, vt vidimus supra, genuini Theologię partus non sunt, sed ad eam solum reducuntur, quod ipsis eadem, quę veris Theologię actibus, materia subiecta, est.

Rem autem ita se habere in scientijs naturalibus, vt earum effata pro maiori parte sint tantùm probabilia, & opinabilia, facile constabit breuiter discurrendo per singulas. Primum enim quod pertinet ad Mathematicas disciplinas, quamuis euidentiores ex se ac certiores sint quibuslibet alijs scientijs, negari tamen non potest quin probabiliter multa Mathematici etiã insigniores dicant, doceantque, vnde tot inter illos opinionum species; tot eorum leguntur libri, quibus se inuicem oppugnant. Primò Zarlin. Institutiones, & demonstrationes harmonicas euilgavit; quas Galileus impugnavit. Secundò cum sit cõmunis demonstratio ex Euck. probl. 1.

B b 2

pro-

propof. 50. quod linea quælibet diuidi poffit in duas alias æquales; *Quicdo* tamen *Controuerf. 17. Phyficæ p. 10. il-* lam negat. Tertiò *Galileus* putat omnes fe antiquiores ignoraffe modum menfurandi ftellatum magnitudinem; alij tamen modum ab ipfo propofitum multis difficultatibus, imo & infolubilibus obnoxium arbitrantur; de quo videndus eft *Cabrero* in 1. *Metaph. tex. 9. queft. 1. Quartò Benediçus Caftel. Monachus Calinèfis* ponit quemdam modum ad menfurandam aquæ velocitatē; qui eidem *Cab.* non placet, ficut nec principium ab illo fuppoſitum ad talis modi explicationem. Quintò contendunt inter fe Mathematici de numero celorum, de quo libro ſequenti; Sextò, celos eſſe fluidos inſtar aëtis, & non ſolidos inſtar æris volunt plures apud *Schein.* in *Rofa Vrſina* cap. 29. Alij volunt eſſe ſolidos, in quibus aliqui concentricos admittunt; alij reponunt Epicyclos, & excentricos, de quibus ſuſç. *Clauius* in fine commentariorum in c. 4. ſphæræ. Imo ſunt qui vnum Epicyclum intra alium conſtituunt; naturam enim Cæli aiunt eſſe, vt vnus orbis alium includat; hosce tamen orbiculos eſſe mera figmenta, & eſſe tantum adinuenta ad calculum faciendum putant alij cōplures. Septimò aliqui in eodem planeta plures admittunt motus; alij vnicum dumtaxat, per ſpiralem enim lineā dicunt illum moueri, ita vt quotidie vnā ſpiram efformet, licet non eadem quotidie omnino ratione: & ex hoc principio multitudinem celorum à multis aſſertam tollunt.

Octauò aliqui volunt, illas inequalitates, quæ videntur in Luna, eſſe veros montes, valles &c. alij reflexos tantum; alij dicunt eſſe ſolum aliquas partes eiufdem Lunæ denſas, ac raras; minusque denſas ac raras; alij addunt eſſe partes perſpicuas, ſive diaphanas, ac opacas; minusque diaphanas & opacas, cum eadem tamen denſitate, ac raritate partium ſubduntque corpus lunare nõ eſſe poliſum ac læue inſtar ſpeculi, quod

receptas Solis, vel aliarum rerum ſpecies poſſit ad nos adeò diſtantes reflexiue transmittere. Nonò, maculas ſolares aliqui volunt eſſe, & moueri in ipſo Sole; alij circa Solem, circa quem ab Epicyclis deſerantur; alij tum in ipſo Sole, tum circa Solem rotari. Eas aliqui dicunt eſſe fumidas exhalationes ab ipſo corpore Solis perpetuo ardentis, ac euaporantis inſtar fornacis, egreſſas; alij eſſe halius quosdam, ſive eſtluua ab ipſomet corpore ſolari, vel alio cæleſti progredientia; alij eſſe partes opacas ipſius Solis, qui in ſuo loco tanquā in vaſe contentus inſtar metalli ſeruientis moueatur; alij denique virtute cæleſtium cauſarum aiunt produci in aliqua Solis particula, opacitates has, quæ ſubinde variantur. Decimo in numero ſtellarum fixarum & Planetarum Mathematici non conueniunt, ſed aliqui cenſent eſſe plures planetas, ſtellaſque fixas; alij, pauciores.

Vadecimo aliqui cenſent Cometas, nouasque ſtellas, quæ viſæ ſunt, ac poſtea poſt longum tempus euanuerunt, fuiſſe ex illis, quæ iam in cælo reſoſitæ ſunt; & hæc in perigæo conſiſtentes longo etiam tempore nobis potuerunt eſſe aſpectabiles; poſtea vero ob nimiam altitudinem, & quam in tanta ab oculis noſtris diſtantia præſeferunt paruitatē, videri amplius non potuerunt; alij exiſtimarunt fuiſſe diuerſorum etiam orbium cæleſtium particulas quasdam deſiiores, quarum ſingulæ quidem ob ſuā paruitatem in tanti diſtantia videri à nobis haud poſſunt; poſſunt tamen, ſi plures ſimul in vnum quaſi cumulū cocant, & per iuxta poſitionem coniungantur; quædiu ergo ſic ſimul cunæ præſeuerant, videntur inſtar aliarum ſtellarum; poſtea verò ſenſim ruſum à ſe inuicem diſiunctæ ſub aſpectum amplius non cadunt; alij per mutationem accidentalem, hoc eſt opacitatem, ac denſitatem partium cæli nouam, hæc noua phænomena ſaluare conantur; alij per perſpicuitatem, & opacitatem, quæ ponunt eſſe qualitates diſtinctas ab ipſa  
rati-



raritates, ac densitate, easque dicunt produci, vel ab intelligentia mortice, vel ab ipsamet etiam substantia cæli, quæ in tali determinato tempore non potest eas producere, & hanc esse asserunt naturam cæli; cuius vltiorem rationem subdunt non se teneri reddere, sicuti solum ipsamet natura magnetis vltimo assignari potest, tanquam causa tractionis ferri, & non lapidis. Duodecimo aliqui volunt omnes Cometas planis fuisse infra Lunam, alij volunt omnes fuisse supra Ionam; & sic de alijs innumeris præstantissimorum Mathematicorum inter se differentium opinionibus, quarum pleni sunt eorum libri fufius libro sequenti à nobis citandi.

Quod pertinet modo ad Philosophicas disciplinas, quot etiam circa illas probabiles dumtaxat versantur opiniones. Et primò quidem indubitatum est apud omnes, non solum Catholicos, verum etiam sapientiores in omni ætate; nullius Philosophi auctoritatem circa res naturales ipsas veritatis infallibilitatem secum afferre; tum quia in quolibet deprehensi sunt errores, & non pauci aliquando; tum quia viri sapientes, nobilesque Philosophi semper in omni ætate in diuersas abierunt sententias; tum denique quia ipsimet quoque imbecillitatem sui ingenij vltro falsi sunt, vt in sequentibus capitibus fufius dicitur. Secundò Mathematici celebres dissentiant in compluribus à Philosophis. Tertiò inter Philosophos, modo etiam sunt plures qui Platonis placita sequuntur sunt alij adhaerentes Democrito circa Atomorum positionem; cuius sententiam ab Aristotele, ac peripateticis Scholis relegatam ab exilio quasi reuocauit Ioann. Chrifost. Megareus Burgundus Philosophus, Medicus, qui librum satis accuratè conscripsit cum hac inscriptione, *De Atomis*, siue, *Democritus Reniuiscens*, Papiæ 1648. & per hoc atomos multi putant se facillime explicare naturam rarefactionis, & condensationis, legatur ad id Artiaga disp. 16. Phil. sect. 8. Nec ab hac sententia videtur

tur discedere, qui continuū componunt ex indiuisibilibus Zenonisticis simillimis, vel sermè ipsdem cum Democriti atomis, quam sententiam latè defendit Ouedo contr. 17. Physf. Sunt alij adhaerentes Chemicis, qui à nonnullis veri Philosophi appelluntur, eò quod ex principijs rerum naturas indagent; nemo enim exactius scire potest ex quibusnam res constet, quam qui res ipsas dissoluit, partesque componentes disiungit; ex his enim quæcumque res componitur, in quæ resoluitur. Aliqui etiam modo Stoicam Philosophiam sectantur &c. Quæ omnia satis probant circa Philosophicas disciplinas maxime versari probabilitatem, nec posse merito vnā opinionem damnare aliam vniuersaliter eidentis falsitatis.

Quid de Medicina? O quam multa in illa coniecturalia tantum, & probabilia. Primò enim cum multa ex Physicis Medicus desumat, si hæc eidentia, non sunt, sed probabilia, probabilia solum potest concludere. Secundò dissident Medici & Philosophi in principatu cordis & cerebri; aiunt Medici sperma muliebres esse astium, principiumque generationis, & valde efficaciter id probant; pernegant Peripatetici complures. Tertiò vt inter Philosophos, ita & inter medicos, diuersæ sunt eorum sectæ, primà Methodicorum, siue Dogmaticorum, siue Galenicorum, siue Hippocraticorum; altera Empiricorum, siue Chemicorum, siue Spagiricorum, siue Hermeticorum, siue Paracelsicorum, diuersis planè principijs vtentium. Quarto in intelligentia Hippocratis, imò, & Galeni dissident ipsimet Methodici, & quicumque putat pro se eos stare; disputant inter se circa definitionem ipsius febris, eiusque specierum, circa causam pulsus, dierum, qui dicuntur Critici, vel decretorii; vt omittam quod in praxi opposita sermè medicamenta celeberrimi etiam Medici circa eundem præscribunt morbum, siue sint Methodici, siue sint Spagirici; illaque sanitatem attulisse diuersis hominibus eodem tamen

tamen morbo laborantibus deprehensum est quandoque.

Tandem si à speculatiuis disciplinis ad Philosophiam Moralem gradum faciamus, multa etiam circa illam probabiliter controuerti reperiemus; eoque magis quo quæstiones, quæ ibi de actibus humanis agitantur, sunt cogniti difficillimæ. Quia intellectus, & voluntatis operationes, quo etiam magis sunt nobis intimæ, cò sunt minus notæ, non enim per sensus, à quibus pro præsentis statu suam trahit originem omnis nostra cognitio, intrat earum notitia, sed tota debet per reflexiones còparari; qui operandi modus subtilissimus, & difficillimus est inter omnia opera nostræ speculationis. Hinc primò dissentiant inter se Philosophi Morales in explicanda definitione *voluntarij*; & quibusnam illud conueniat; *Violenti*, siue *Coacti*, & quædonam, & cuiusmodi violentiæ competere possit; *Inuoluntarij* ex metu, concupiscentia, & ignorantia; & an ea quæ fiunt ex metu sint simpliciter voluntaria, & inuoluntaria secundum quid; & an concupiscentia causet inuoluntarium secundum quid, augeatque voluntarium; & quænam ex tribus ignorantij, antecedenti, scilicet, concomitanti; & consequenti causet inuoluntarium, vel non voluntarium; inuoluntarium simpliciter an secundum quid? Secundò in assignando actuum humanorum numero ab apprehensione finis, vsque ad executionem eius, & in speciali an detur quidam actus imperij subsequens ad electionem mediorum, præuius vero ad vsum voluntatis applicantis alias potentias ad exequendum, qui intimet quid, & quo ordine agendum sit. Tertiò quænam sit inter passiones vehementior? An sit præstantius amare, an amari? An amicitia preferenda consanguinitati, & affinitati? An expediat magis habere amicos in fortuna aduersa, an vero in prospera? An pro vita rectè instituenda sit magis opportuna nobilitas, an vero bona educatio? An sit potius fortitudinis ardua agredi, an verò aduersa æquo

animo tolerare, & sexcenta *similia*, quæ non sine probabilitate vbicunque differi videmus, ex discurribus academicis, quæ in dies imprimuntur.

Quartò. Non solum in assignando subiecto virtutum moralium; verum etiam in statuenda earum numero, partibus subiectiuis, potentialibus siue integrantes discrepant inter se morales. Quintò differunt multi, quodnam sit aptius regimen, an Monarchicum, an Aristocraticum, an Democraticum? & quænam sit optima reipublicæ forma? An sit opportunius, vt potius in severitate, quàm in benignitate excedat Princeps secularis? An prodigus potius ille sit, an avarus? An expediat Magistratum mutatio? Sextò licet lex naturalis sit nobis indita quoad vim intellectiuam, quæ est lumen quoddam signaturæ super nos, ostendens bona moralia sequenda, mala illis contraria vitanda, ac fugienda, multa tamen circa illam nota certò, sed opinatiue cognosci demonstrant tot inter doctores de illa controuersiæ, v.g. Si pro aliquanto saltem tempore possit dari ignorantia inuincibilis Dei, eorumque omnium, quæ in Decalogo expressa sunt; Si earum conclusio, quæ obscuriores sunt, & magis remotæ, quam præcepta Decalogi, possit dari ignorantia inuincibilis non solum longo; sed etiam toto vitæ tempore; Si præceptorum quæ sunt in secunda tabula saltem possit fieri dispensatio à Deo; vel affirmatiuorum, non verò negatiuorum, &c. huiusmodi; Septimò tandem circa Ius Civile statutum in ordine ad Politicum regimen, siue ad pacem, tranquillitatemque Reipublicæ, humanumque inter se ciuium commercium, quot inter illius doctores probabiliter etiam disputantur, de legum materia, & forma causa efficiente, & finali, tam in generali, quàm in particulari.

En quomodo ex scientijs merè naturalibus nihil ferè certi, ac firmi potest haberi, recteque dicitur Ecclesiastes c. 3. v. 11. Deum tradidisse mundum disputationi hominum; Vnde licet ex illis na-

fici

sci possint multæ probabiles Theologiæ discursus, vel eius etiam certitudinis, quæ prudenti assentione nititur, cum scilicet multi in aliqua ex illis scientiæ periti in re aliqua consentiunt, nihilominus tamen nisi accedat fidei lumen, Theologiæque examen, & suffragium in approbandis ut certis, Philosophicis illis principiis, quæ ab ea assumuntur ad alicuius sui dogmatis probationem nulla ratione possunt esse vera demonstrationis Theologiæ principia; Hinc nullus adhuc Philosophus fuit, ut bene aduertit Vasquez 1. par. q. 1. art. 1. disp. 1. cap. 2. qui fidei reuelatione destitutus rectè & sincerè nouerit ea, quæ ratione naturali sciri aliquo modo de Deo possunt; licet enim aliquis nouerit Deum esse vnum, errauit tamen negando illi scientiam omnium futurorum, alius negando prouidentiam, & gubernationem minimarum rerum. Contra verò Christiani Philosophi rectè, & sine errore de Deo philosophati, harum veritatum demonstrationem sunt consecuti, nempe adiuti lumine fidei. Quod ad Philosophiam Moralem pertinet, multa etiam Theologi nostri, non amplius in incerto sententiarum humanarum positi, sed sub certo diuinæ reuelationis præsidio, supra Aristotelem, aliosque Philosophos Morales adinuenerunt, magisque Philosophiam Moralem ipsidem illustrarunt. De quo vide Chrysostomum Luellum, Ordinis Prædicatorum tomò suorum, operum secundo, ubi primum adducta in vniuersam Moralem Aristotelis, & Platonis Epitome, tandem prima Philosophiæ Christianæ moralis parte, eius celsitudinem, ac perfectionem præ omnibus alijs, sex capitibus luculenter demonstrat; Primum est ex auctore, scilicet Moralem Philosophiam Christianam omnibus humanis disciplinis excellentiorem esse, quia à Deo pendet; Secundum ex consonantia scribentium, scilicet Moralem Philosophiam Christianam esse omnibus Excellentiorem, ex eo quod illius auctores inter se in nullo dissentiant circa res ad fidem per-

tinentes; Tertium ex rationabilitate in ea contentorum, cum in disciplinis humano lumine inuentis, multa abscondita, & incredibilia reperiantur; Quartum ex cunctorum errorum exclusionem, tam circa vitam moralem, quam politicam, & regiam, & diuinorum scientiam, ac diuinum cultum; cum tamen Philosophi turpiter errarint immiscuentes veris falsæ, ubi de virtutibus & Politicis, & Diuinis pertractant. Quintum ex efficienti optimorum effectuum, qui provenire non possunt ab humanis moralibus. Sunt autem præcipui sex, quos David enumerat in Psalmo dicens: *Lex Domini immaculata conuertens animas, testimonium Domini fidele sapientiæ præstans paruulis*; Sextum est, quod extra eam nulla est perfecta virtus moralis, nullusque actus simpliciter bonus moraliter; ad quod probandum tria supponit. Primum nullam esse veram, ac perfectam virtutem moralem sine agnitione veri Dei, & relatione in eum ut in vltimum finem. Secundò, quod nullus est perfectus actus moralis, nisi propter Deum ut obiectum amatum vltimè fiat. Terziò, quod in fidei viuentem secundum legem moralem humanitus traditam, nec est perfecta virtus aliqua moralis, nec actus bonus perfectus moralis.

## CAPUT X.

*De probatione Theologica desumpta ab auctoritate Philosophorum.*

**S**I ex dictis Superiori capite ratio naturalis, scientiæque in illa dumtaxat fundate, ut sic; non sunt locus proprius, imò nec ex proprijs Theologiæ, multo magis autoritas cuiusque præstantissimi Philosophi inter locos extraneos numerari debet, atque adeo certum ab illa argumentum desumi non potest in rebus Theologicis. Sic Diuus Thomas opusc. 10. in principio monet, ac probat nullum ex Philosophis sequendum esse Christiano Philosopho, ita

ut

vt ab illo fidei nostræ dogmata probari velit, vel eius dicta tanquam à fide probata defendat. Non solum enim præsumendum non est, nedum asserendum, alicui Philosopho voluisse Deum vnam naturalem cognitionem omnis planè erroris expertem communicare, quam nec in ijs, quæ ad lumen supernaturale spectant vlli ex ipsis etiam S. Patribus concessit, quin potius, vt videbimus capite sequenti grauissimis fuerunt obnoxij erroribus, & ex propria eorum confessione habemus quod probabiliter tantum fuerint Philosophari. Nonnè Democritus, & Empedocles simpliciter falsi sunt, nihil verè à nobis sciri? Nonnè Socrates, in quem omnes ferè Philosophantium sectæ initium suæ disciplinæ retulerunt, aiebat se tantum scire, quod nihil sciret? Nonnè Arcefilaus ne id quidem sciri posse docuit? Nonnè Anaxagoras cum suis putauit scientiam omnem nostram esse opinionem? Nonnè Plato sub nomine Socratis suspendi assensum circa Philosophicæ effata determinatum ac certum iubeat? Qua in re licet aliquantulum excefferint omnem prorsus scientiam de medio tollentes, satis tamen pater ex hoc, Philosophorum dictis tantam non esse attribuendam auctoritatem, vt inde fidei nostræ dogmata firmiter probari posse credatur.

Certè ipsemet Aristoteles, qui aduersus supradictorum Philosophorum aliquos fuit acerrimus scientiarum propugnator, sæpe etiam fatetur se probabiliter dumtaxat Philosophari, vt 3. Physic. text. 52. 8. Physic. text. 70. lib. 2. de Cælo text. 17. & 60. vellenteque multi, vt aliquis duas, aut tres demonstrationes ad leges, quas ipse in lib. Poster. conscripsit, in medium afferret. Sanè apud Peripateticos tritum esse, quod nulla scientifica demonstratio quæ perfectissima sit, in ipsis libris reperitur, scribit Posseuius lib. 13. Bibliothecæ Selectæ cap. 20. Licet autem afferrentur aliquæ, v.g. duæ, vel tres, non sequeretur propterea doctrinam Aristotelis, vel etiam

alterius Philosophi dicendam esse simpliciter scientificam, sed ad summum probabilem, etiam exceptis illis, quæ fidei nostræ aduersantur. Ex hoc tamen non sequitur scientiarum naturalium Philosophorumque illas docentium auctoritatem esse contemnendam; sed potius si quid intra proprios limites habet boni, quodcumque sit illud, repetendum esse ab illis, vel 1. tanquam ab iniustis possessoribus, vt docet D. August. lib. 2. de doctrina Christ. Philosophi, inquit, si qua forte vera dixerunt non soluma formidanda non sunt, sed ab eis etiam tanquam iniustis possessoribus in usum nostrum vendicanda, quæ ab eis auferre debet Christianus ad usum iustum prædicandi Euangelium, quod multi fideles nostræ fecerunt, vt Martyr Cyprianus, Victorinus, Hilarius, & vi de nostris taciturnissimè numerabiles Græci; quod etià fecit Apostolus Act. 17. dicens enim de Deo. Quoniam in ipso viuimus, & mouemur & sumus, sumit confirmationem à Poeta qui dixit. Ipsius enim & genus sumus.

Vel secundo, quia eorum labor est nobis fructus, vt docet Hugo super prolog. Cælest. Hierarch. lib. 1. cap. 2. Vbi loquendo de Philosophis, ait: Legimus artes, & studia, disciplinas, & rationum præcepta plurima, quæ illi suo sensu, & ingenio scrutati sunt, & inuenerunt, & conscripserunt, inuenta, & legenda posteris tradiderunt, Logicam, Ethicam, Physicam, & Mathematicam, de forma vitæ, & morum, de dispositione & ordinatione, & causis, & pronuntiis verum omnium, & inualuerunt in parte ista, vt verum apprehenderent, quoniam & hac veritas per eos ministranda erat, quæ non erat ad vitam, data est illis propter nos quibus consummatio seruabatur, & inchoatio parabatur, vt inuenirent veritatem illam, quam oportuit suscipere filios vitæ ad obsequium summæ veritatis, cuius labor Philosophis appositus est, his verò fructus seruatus.

Vel tertio, quia licet per verâ Philosophorum dicta, non debeant primùm interpretari veritates Sacræ Scripturæ, semel tamen illis perfectè intellecta,

lia deinde dicta tanquã vtilia, & declaratoria poſſunt adduci, vt docet Clemens Papa diſtinct. 37. cap. Relatum. *Quidam, inquit, ingeniſi homines ſanis doctrinis aduerſantur, vt pro eis videtur, non ſecundum traditiones Patrum, ſed ſecundum ſuum ſenſum docere videantur, & ex his qua legunt in alijs ſcientijs veriſimilitudines capiunt, volentes ſtatim per ſimile in alijs iudicare. Sed diligenter obſervandum eſt, vt lex Dei cum legitur, non ſecundum propriam ingenij virtutem, aut intelligentiam legatur, vel doceatur. Sunt enim multa verba in ſcripturis diuinis, quæ poſſunt trahi, ad oũ ſenſum, quem ſibi unusquisque ſponte præſumpſerit, ſed non oportet. Non enim ſenſum alienum debemus extrinſecus quarere, ſed quoquo modo ex ſcripturis ipſis ſenſũ capere veritatis oportet, & ideo oportet ab eo ſcientiam addiſcere ſcripturaram, qui eam à maioribus ſuis ſecundum veritatem ſibi traditam ſernat, vt ipſe poſſit eam quam rectè ſuſcepit competentèr aſſerere. Cum vero ex diuinis ſcripturis integram quiſquam, & firmam regulam veritatis ſuſceperit, abſurdum nõ erit, ſi aliquid etiam ex eruditione communi, ac liberalibus ſtudijs, qua forte in pueritia attingit, ad ſermonem veri dogmatis conferat. Ita tamen, vt ubi vera didiceris, falſa & ſimulata declinet.*

Et quia adhuc Philoſophorum dicta, vel ſententiæ duobus modis ſacræ ſcripturæ, vel doctrinæ explicandæ poſſunt adhiberi, vno modo veluti voluntarie, & ex affectu hoc deſiderante, alio modo, veluti neceſſario, & ex vtilitate ad hoc compellente. Primus non licet, vel ſaltem minus perfectus eſt, quia vanitati & oſtentationi obnoxius; ſecus autem ſecundus iuxta illud D. Hieron. ſuper epiſtolam ad Titum, quod referetur diſtinct. 37. citata *C. ſed queritur. Si quando cogimur litterarum ſeculariũ recordari, & aliqua de his dicere, qua olim omiſimus, non eſt noſtra voluntatis, ſed (vt ita dicam) graniſſima neceſſitatis. Sic v. g. in materia Incarnationis, ad probandum, & explicandum Chriſti humanitatem non fuiſſe adoptatam à Deo,*

*Bibliot. Theol. Tom. 1.*

ſupponitur neceſſario vera definitio adoptionis ſeu principijs Philoſophiæ Moralibus, qua ſemel conſtituta, adhibetur propoſitio de fide, nempe in Chriſto Domino naturam humanam fuiſſe Verbo Dei ſubſtancialiter vnitam, & inde colligitur non fuiſſe adoptatam. Similiter idem ſeruatur ad probandum humanitatem in Chriſto non retinuiſſe conditionem ſeruilem, & ſic de alijs.

Quare idem Hieronymus de tribus pueris in Daniele, ad præſens inſtitutum neceſſitatis, & vtilitatis ſcientiarũ Philoſophicarum, acutè ait: *Qui de menſa, & vino regis noluerunt comedere ne polluantur, cuique ſi ſapientiam atque doctrinam Babyloniorum ſcirent eſſe peccatum, non acquieſcerent diſcere, quod non licebat. Vnde ſuper illud Exodi 3. Poſtulat mulier à vicina ſua, & hoſpita ſua, Gloſſa interlinearis & ordinaria ex eodem D. Hieronymo. Poeta & Philoſophi quodammodo ſunt nobis vicini: quia in multis conueniunt. Vaſa argentea & aurea. Gloſſa; Argentum & aurum ab Aegyptijs petimus, vnde tabernaculũ Deo fabricemus, cum Poeta & Philoſophos legimus, vt diuinam ſcripturam ſapienſius, & ſacundius legamus &c. Quod idem docet D. Auguſt. lib. 2. de doctrina Chriſtiana cap. 39. & de Ciuitate Dei lib. 8. cap. 9. de moribus Eccleſiæ cap. 21. tom. 1. de ordine lib. 1. in fine, & lib. 2.*

Vel quartò dicta Philoſophorum ſunt uſurpanda, vt veritas ſacræ doctrinæ etiam testimonijs aduerſariorũ congruere appareat, ſecundũ quod D. Hieronymus loco ſtatim citato ſuper Epiſtolam ad Titum ſubiungit dicens: *Vt probemus eas, qua à Sanctis Prophetis antè ſacula multa prædicta ſunt, tam Græcorũ, quam Latinorum, & aliarum gentium litteris contineri. Cai atteſtatur Chriſoſtomus cum dicat ſuper illud Matth. 2. homin. 6. Vidimus ſtellam eius in oriente. Ad maiorem Dei gloriam pertinebat, ſi virtus eius, etiam inimicorum testimonio panderetur: & ſi ipſi quoque gentilitatis magiſtri conſonam profferrent de veri Dei poteſtate ſententiam. Quintò vt Philoſo-*

Cc

ſopho-

sophorum dictis imbuti facilius ad veritatem fidei vocentur, secundum quod dicit idem Chrysostomus ibidem paulò supra loquendo de vocatione Magorù per stellam in typum vocationis gentiù ad fidem. *Per ea, inquit, illos vocat, quæ familiaria eis consuetudo faciebat, quia enim unusquisque consuetudinis suæ amicitia ligatur, missi ad totius Orbis salutem magistri de ipsarum cuiuslibet more gentis modos sibi assumunt docendi, sicut Paulus gentibus scribas in medium testimonium proferens Poeta, sicut patet in act. 17. Iudais adhuc sub lege viventibus de sacrificijs posuit initium doctrinæ. Sextò denique, ut per vera quæ ex illis assumuntur, falsâ ibidem contenta euidentiù improbentur, secundum quod D. Augustinus tom. 6. lib. 13. contra Faustum, cap. 15. dicit: Si quid veri de Deo Sibyllæ, vel Orpheus, alique gentilium vases, aut Philosophi prædicasse perhibentur, valet quidem ad paganorum vanitatem reuincendam, non tamen ad auctoritatem complectendam. Vide inferius dicenda lib. sequenti sect. 7.*

## CAPVT XI.

*De varijs veterum Philosophorum Sectis, & vniuscuiusque tam veritatibus, quàm erroribus.*

**S**Vpposito ex dictis superiori capite, quod ad diuinarum rerum explicationem, aut probationem Philosophorù sententiæ, & dicta ita sint adhibenda, vt vera tantum, vel probabilia retineri debeant, falsâ autem, & simulata declinari: Operepretium duxi ad completam præsentis materiæ tractationem breuiter in medium adducere plures antiquorum Philosophorum, sectarumque illorum, tam veritates, quàm errores. Plura autem qui volet, quos in huius capitis fine subiiciam, auctores legere poterit.

Primum igitur tres vniuersim fuerunt veterum Philosophorum Sectæ, Barbarica, Italica, Græcica. Barbarica comprehendit Chaldæam cuius prin-

ceps fuit Zoroaster, & Aegyptiam cuius princeps fuit Mercurius Trismegistus, vt notat August. Eugubinus lib. 1. de perenni Philosoph. cap. 2. Vel melius Barbarica Secta est illa quæ extra Græciam, & Italiam fuit, omnium antiquissima, vt potè cui à primo parente origo. Sethus enim primogenitus Adami eam ad posteros transiit, & cum audiissent à parente mundum aqua & igne periturum, columnas duas constituerunt vnâ lateritiâ, alteram lapideâ, vt hæc aquis, illa igni superesset. In ijs Philosophiæ inuenta inscripserunt, quarum vna etiâ post Christum natum, in Syria superfuit Iosephi tempore, vt ipsemet testatur libro 1. Iudaicarum Antiquitatum, cap. 4. vbi ait: *Conabor autem de Seth tantummodo narrare. Is namque nutritus, & perueniens ad ætatem, quæ iam posset ea, quæ sunt bona, discernere, virtuti studuit. Et cum fuisset vir egregius, imitatores sui filios reliquit. Illi autem omnes cum boni fuissent orti, in eadem terra sine vexatione viuentes, felicissimè commorati sunt: nihilque eis usque ad vitæ terminum crudele prouenit. Disciplinam verò rerum celestium, & ornatum earum primitus inuenerunt. Et ne dilaberentur ab hominibus, quæ ab eis inuenta videbantur, antequam ad notitiam venirent, deperirent, cum prædixisset Adam exterminationem rerum omnium, vnâ ignis virtute, alteram verò aquarum vi ac multitudine fore venturam; duas facientes columnas, aliam quidem ex lateribus, aliam verò ex lapidibus, in ambabus quæ inuenerant, conscripserunt; ut esset constructa lateribus exterminaretur ab imbris, lapidea permanens præberet hominibus scripta cognoscere, simul & quia lateralem aliam posuissent, quæ tamen Lapidea permanet hætenus in terra Syriæ. Hucusque Iosephus Hebræus.*

Hinc postea tam ad Chaldæos, quàm ad Aegyptios, & cæterasque gentes, Gallos præsertim, qui apud Ortelium, & alios exscriptores vocat antiquissima gens, Philosophiæ, rerumque ad illam spectantium notitiam peruenisse credendum est.

est. Certè Clemens Alexandrinus ait Philosophiam, cum prius apud alias gentes viguisset, postremū ad Græcos peruenisse. Et inter eas gentes D. Augustinus Gallos refert, & Diogenes Laertius in procemio de vitis Philosophorum, licet male id refutet. Primò, quia nomen Philosophia, inquit, significat non à Barbaris inuentam. Secundò, quia tradita per ænigmata. Tertiò, quia Græci sunt gens antiquissima. Ad primum enim, esto, habuerit quævis natio propria sapientum nomina, ut Chaldæi fuerint apud Babylonios, & Assyrios, apud Aegyptios Sacerdotes, apud Persas Magi, apud Indos Brachmanes & Gymnosophistæ, apud Gallos Bardi, Vates, Eubages, Semnothei, Saronidæ, Druidæ, apud Græcos Philosophi, apud Siculos Galeotæ, apud Latinos Sapientes, apud Italos Hetrulci; & sic de cæteris; esto, inquam, res ita se habeat; Philosophia etiam nihil aliud est, nec significat quàm Druida, siue Druis. Si enim verbum verbo reddas, Druis antiquissima Celta- rum lingua nihil aliud quam fidelis, Sapiens, siue Dei sapientia. Quod ut clarius fiat, notandum est apud Gallos veteres antè Romanorum iugum, triplicem fuisse linguam, Celticam, Aquitanicam, Belgicam. Iam lingua Belgicà, veterique Germana, Dru, significat fidelcm & sapientem: Ergo Druis fidelis, sapiens, ut rectè obseruauit Goropius Becanus in Gallicis, & Georgius Merula in Gal- lia. Vel idem est Druis ac Dei sapientia, quandoquidem constat Dru Belgicà vetere significare Deum. Philosophia autem est amor sapientiæ, & potissimum primæ sapientiæ quæ Deus est. Vnde tantum abest ut Philosophia nō sit Gallicum nomen, ut etiā sit explicatio Gallici nominis.

Ad secundū de modo Philosophandi per ænigmata, dicitur hunc etiam modum fuisse in vsu apud Iudæos, & Aegyptios, & tamen sunt antiquiores Græcis. Vnum autem ex Symbolis, vel ænigmatibus Druidarū erat Pentalfa, alias vocatum calcamentum Philoso-

*Biblioth. Theol. Tom. I.*

phicum, & adhuc apud Germanos, apud quos postremum fuerunt Druidæ, Druidenibus, id est pes Druidarum dicitur.

Ad tertium vnde habet, & probat Laertius Græcos esse Gallis antiquiores; certe ut notauimus supra apud Orteliū & alios scriptores vocatur antiquissima Gens etiam Gallica, ideoque putant aliqui dictos Gallos ab Hebræo Gala, id est pluuius, vnde, quasi tu dicas inundatos, & ab ipso dilunio statim natos.

Huius iterū Sectæ Gallicæ sub Barbarica, cum Chaldæa & Aegyptia contentæ suæ fuerunt species. Etsi enim Pithæus rerum Gallicarum Scriptor, varia nomina quæ antiquitas reliquit Sapientum Gallorum, idem significare arbitretur (nomina autem tum à Græcis, tum à Latinis hæc recensentur Bardi, Vates, Eubages, Semnothei, Saronidæ, Druidæ). Nihilominus tamen certius est ex Srabone, Clusio, & alijs triplicem fuisse potissimum inter illos sapientum ordinem. Etenim Bardi Philosophiam quæ ad orationē pertinet colebant, scilicet Poeticam cum Musica, & Oratoriam. Vates qui sunt iidem, ac Eubages, aut magi, & veteri voce sagi, erant Physiologi, Aruspices, Astrologi & Medici; hæc enim secunda pars erat Philosophiæ. Druidæ iidem sunt, ac Semnothei, vel Sennothei: vox enim Gallica antiqua hoc sonat; Ij fuerunt Theologi, Ethici, Politici, legum petiti & sacrificijs Deorum præpositi; vnde Theologia, Iurisprudentia, & Politica tertia fuit Philosophiæ Gallicæ pars.

Quod pertinet ad modum docendi Druidarum. Primo nihil vnquam scriptis tradebant; is erat mos Pythagoræ, Socrætis, Iudæorum, & omnium Cabalistarum: non enim putabant esse suas sua mysteria litteris tradere, ait Iulius Cæsar; vel ne doctrina sic euulgata facilius contemneretur, vel ne discipuli libris potius, quam memoriæ fiderent; Vel denique quia scientiæ, & doctrinæ litteris consignatæ, sunt veluti pulcherrima pictura, à qua si aliquid petas, non respondet, & in varios potest doctrina

sensus detorqueri. Secundò, docebant clam & in specubus, in additis locis, in saltibus, & remotis lacis, locisque subterraneis; sic enim omnium gentium sacra docebantur. Tertio, docebant Philosophiam 20. annis nobilissimos tantum gentis: nam summa erat auctoritas vitæ necisque, belli pacisque apud Druidas. Ne igitur litteræ in viles animas sparsæ vilescerent, nobilissimos tantum admisserunt, quemadmodum Rex Perfarum nemo esset populi, qui non antea Magorum hoc est apud ipsos sapientum doctrinam recepisset, etiam Aristoteles 20. annos auditor fuit Platonis. Quarto, omnem Philosophiam aliquot millibus versuum docebant; quia enim versus est oratio, ait Aristoteles, finita, ideo facilius memoria retinetur.

Inter veritates ab ipsis edoctas prima fuit colendum esse Deum; turpiter tamen in hoc errauerunt, quod docuerint illum esse placandum victimam humanam, siue reorum, siue hostium captiuorum, & illis deficientibus, innocentum. Docuerunt immortales esse animas; ob quam causam, ut veteres Galli mori nunquam timebant, vel pro patria, vel pro sapientia, ita summa erat inter illos liberalitas, & iustitia, namque exactio crediti deferrebat ad inferos: & vetus mos Gallorum fuit, ut mutuas darent pecunias alijs, ea tamen conditione ut in altera vita redderentur ut est apud Valerium Maximum, quæ etiam in re turpiter aberrauerunt, sicut & in asserenda animarum metempsychosi ut de illis tradit Iulius Cæsar; indeque fortasse Ianus Cæcilius Frey in opusculo de Philosophia Druidarum, ex authoribus fide dignis refert & Pythagoram, & Numam Pompiliium Druidarum fuisse discipulos: ideoque Philosophiam Pythagoricam, inter cuius dogmata animarum metempsychosis recensetur, à Druidibus esse repetendam. Quantum ad Druidarum Politicam, Philosophiamque moralem. Druidibus præerat vnus, qui summam inter eos habebat auctoritatem, quo mortuo, si plures essent pa-

res dignitate, suffragijs eligebatur alius hic vocabatur Archegus Tercum, id est, Princeps Sacerdotum, & sine illo nihil licebat Regibus Gallorum antiquissimis facere aut consulere. Ita ut sapientia, gubernaret Regem, Rex verò auctoritate, & fortitudine ceteros. Refert quoque Strabo Druidas potissimum de moribus disputasse, cumque de eorum instituta summa apud omnes esset opinio, ideo etiam omnia publica priuataque iudicia fuisse ipsis commissæ. Itaque apud Diogenem Laertium docentur Druidæ nihil penitus faciendum mali, si quod bonum facinus à quibuscumque tantè perpetratum fuisset, præmia statuebant, & si quod malum, pœnas. Apud Athenæum Bardi comitabantur Duces, & milites, ut egregia ipsorum facta, præmij loco recenserent. Pœna autem grauissima erat sacrificijs interdicare, & quibus sic erat interdictum, hi impij habebantur, eosque omnes velut contagione infectos fugiebant. Præterea ut est apud Stobæum, grauius animaduenerunt in eum, qui peregrinum, quam qui ciuem occidisset; huic enim exilium, illi verò mors pœna erat. Temperantiam, & modestiam summe coluerunt: ita ut docerent abstinendum esse vino, ut est apud Ausonium. Circa puerorum educationem, recens natos liberos, ut Aristoteles refert, & alij, nudos flumini immerserunt: cuius ratio hæc est, quod statim à pueritia frigori assuescere plurimum, ad sanitatem, & ad res bellicas vile sit. Sic Aristoteles; secunda est apud Galenum, quemadmodum ferrum candens in frigidam immersum aquam induratur: ita de naturæ vigore periculum faciebant: simulque corpus ipsum roborabant. Liberos non admiserunt in conspectum, nisi doctrina iam imbutos aliqua, aut militiæ aptos. Quæ omnia, certè ratione naturali, eiusque lumini videntur esse valde consentanea. Vltimò tandem loco norauimus ex Rouillardo in Parth. seu historia Eccles. Carnoten. cap. 4. quod Druides in partibus Carnotensium degentes centum & eo amplius annis



annis ante B. Virginis Natiuitatem, ei consecrarunt Imaginem, & Aram quæ adhuc hodie extant, titulum ponentes Virgini parituræ, de quibus vide præfatum authorem.

Græcanica Philosophia diuiditur in sectas tres, Poeticam, Eleaticam, & Ionicam ex Lipsio in introductione ad Stoicam Philosophiam lib. 1. disput. 7. quamuis ab alijs Eleatica sub Italica annumeretur. Poeticæ Princeps fuit Orpheus, qui de Deo cecinit, vt habetur apud Iustinum in exhortat. ad gentes: *Vnus per se genitus, ab eo cuncta progenita sum.* Hunc sequitur Hesiodus; *Omnia, dixit, una ab radice creari;* Post hunc Homerus Odys. 1. *Pater ille hominumque, Deumque.* Ionicæ Princeps fuit Thales Milesius, cui postea successerunt Anaximander, Anaximenes, Anaxagoras, & Archelaus, qui primas Philosophiam ex Ionia Athenas transtulit. Inter veritates ab illis omnibus edoctas prima fuit Dei existentia. *Deum*, inquit Tullius lib. 1. de natura Deorum loquendo de Thalete; *mentem dixit, quæ ex aqua cuncta fingeret;* consonè ad veritatem, quæ habetur Genes. 1. *Spiritus Domini ferebatur super aquas.* Anaximander quoque principium efficiens rerum omnium dixit esse, *non vnum ex his, quæ videntur, sed aliquid aliud infinitum.* Quod idem de Anaximene eius discipulo tradit Laertius in eius vita. Et Anaxagoras in principio sui operis, *Mens*, inquit, *author vna est omnium, quæ cernimus.* Porro Thales Melesius, vt fuit vnus ex septem Graciæ sapientibus, cui socij dantur, Solon, Chilon, Periander, Cleobulus, Bias, & Pittacus, multa etiam præclara tradidit Philosophiæ moralis documenta; apud eundem Tullium, lib. 2. de legibus dicebat, homines existimare oportere, omnia quæ cernerent Deorum esse plena; fore enim castiores velutique in fanis essent, maximè religiofos. Interrogatus; quid esset omnium difficillimum; seipsum noscere, respondit. Item, laterent ne Deos, male agentes, nec cogitantes quidem dixit.

Denique, eos honestissimè viuere, quæ in alijs reprehenderent, ipsi nō facerent. Verū inter tot insignia sectæ Ionicæ documenta, sui etiā non defuerunt errores; vide Tullii lib. 1. de natura Deorum, ubi de Anaximandro, & Anaximene.

Post Ionicæ sectæ translationem, Athenas primū ab Archelao factam, mirum in modum florere cepit sub eius discipulo Socrate patria etiam Atheniensi, adeo vt ab eius nomine Socratica diceretur. Hic enim relicta Physica, quam minus vtilem esse animaduertebat, ita se totum Ethicæ, Philosophiæque morali tradidit, vt eius author existimatus fuerit. Socrates, inquit Tullius, Philosophiam deuocauit à cælo, & in vrbibus collocauit, & in domos etiam introduxit, & eiecit de vita, & moribus, rebusque bonis, & malis quæerere. Quare è Statuario, morum euasit magister, & Socraticæ disciplinæ author. Vnde damnare solebat homines, quod curarent lapides similes hominū reddere & ne ipsi lapides essent non curare. Sūmum hominis bonum in vna virtute consistere putauit, & voluptatem nullo loco numerauit. Mortis iniusta causa, fuit vnus Dei contra Deorum multitudinem confessio. Moritur in carcere, cicutē venens extinctus: eum tamen prius multa de animarum immortalitate disseruisset. Vxori dicenti iniuste moreris: at tu, inquit, iuste velles? Quamuis alij potent ipsū à genio suo, id est spiritu familiari deceptum fuisse, quem Deum Socratis appellari sustinuit, à quo adeo dementatus est, vt nihil nisi eius iussu perageret, vide Chrysost. Iauellum Philosoph. Christiana 1. par. cap. 4.

Hæc & similia ex Ionica institutione primi docuisse reperiuntur, quæ in plures postea deriuata est, in Academicam, Peripateticam, Stoicam, Epicuream, Cyrenaicam, Cynicam, Ephesicam, vel Scepticam; quæ omnes appellationes desumuntur, vel à persona quæ sectam instituit, vt Epicurea: Vel à patria, vt Cyrenaica, à Cyrene Lybiæ oppido Attilippi patria: Vel à loco in quo docebatur

batur ut Academica, Stoica, & Lycea. Academia enim fuit locus propè Athenas nemorosus, & paluster, & idcirco minus saluber, ubi Plato primum docere cepit. Lyceum fuit alius locus Athenis, quem Aristoteles relicto Platone magistro sibi ad docendum elegit. Stoa demique, Latine porticus, in eadem urbe fuit, Pœcile etiam cognominata, Latine, varia, & variegata, à varietate picturæ Marathoniam pugnam referentis, gratuito à Polignoto facta: quo in loco Zeno propterea etiam Stoicus dictus, cum ab academia defecit, docere cepit: Vel ab actione, quæ in docendo adhibebatur, ut Peripatetica, à deambulando: vel à genere vitæ, ut Cynica, quasi Canina, quod qui eam profitebantur Antesthenes, Diogenes Cynicus, Hercules, & alij, more Canino, & nimia acerbitate, licentiaque sermonis, quamdam caninam rabiem præ se ferrent: Vel ab electione, & libero arbitrio in Philosophando; ut Ephectica, & Sceptica; ad quam referri debet etiam secta, quæ Eleatrix fuit appellata; quæ ex omni alia; quid sibi probabile videbatur, eligebat, cuius Princeps fuit Alexandrinus Potamon. Etiam Philosophi, & eorum sectæ nomen sumpserunt ab ea Philosophiæ parte, quam potissimum coluere: hinc alij Phyci, ut ferè omnes, qui Socratem antecessere: alij Ethici, ut Socratici omnes; alij Dialectici, ut Megareses, à quibus etiam secta Megarica fuit dicta.

Rursus Academicam sectam mortuo Platone in plures veluti riuulos fuisse diuisam reperimus; cum enim Platonis scripta, siue dialogi, in duo sint distincta genera: in quorum vno, more Socratico, potius confutando & refellendo, quam aliquid tanquam certum statuendo disputatur, in altero aliquid certi statuitur, atque præcipitur, qui dogmatici vocantur, ut illi elengetici, quod in illis aliquid statueretur, in his verò, solum redargueretur; hinc Academicorum alij dogmatici, qui aliquid certi disferendo statuebant, vnde secta dogma-

tici; alij Aporetici, qui nihil definiabant; sic dicti, quod de omnibus disputarent, vnde Secta Aporetica; ad quam reduci debet Pyrrhonia, sic à Pyrrhone Clense dicta, qui eadem ætate floruit cum Academicis, & nihil comprehendi posse affirmavit, nec aliquid aut honestum; aut turpe esse, & in summa, nihil potius hoc, quam illud. Cui doctrinæ consentaneus fuit viuendi modus, cum omnia pro eodem haberet, & nihil declinaret, sed cuncta æquè sustinebat. Quare more Aporetico, nullum dogma statuit nec definiuit: & nihil per naturam esse tale, sed quale videretur, existimauit; ac proinde dicere solebat, *Nihil magis*, hoc est, non magis hoc, quam illud. Secta dogmatica principalis promotor fuit Zeno Citticus, Aporeticæ vero Arcefilas Pritaneus, quæ etiam dicta fuit Zetetica, à continua veritatis inquisitione, sicut & Sceptica, vel Ephectica à perpetua rerum consideratione, absque vlla definitione: Cum enim ex Eusebio lib. 14. de preparat. Euang. c. 2. in Palemone, vel secundum Laertium in Crantores, vel Crate ut aliqui scribunt, primus Platonis academia terminum habuisset; postea successerunt Zeno Citticus, & Arcefilas Pritaneus. Hic itaque Zeno non ille Eleates, quem in Parmenide disputantem facit Plato, academia omissa, in Stoa docere cepit, Clinico-rum dogmata sequutus, quæ tamen suauitatem, & obsecrationem abiecta, ad turbanitatem, & honestatem deflexit. Arcefilas vero, cum Zeno sic ab academia defecisset, & alia quedam dogmata amplexus fuisset, ut ei se se opponeret, nihil sciri, & comprehendi posse docuit; Zenone aliter sentiente. Et ut suam opinionem magis plausibilem redderet, dicebat se non esse huius doctrinæ inuentorem; sed instauratorem, & non solum Platonis & Socratis; sed etiam Empedoclis, Anaxagoræ, & Parmenidis; doctrinam iam sopitam in lucem reuocare. Huius igitur quatuor in summa fuisse decreta: Nihil posse comprehendi sapientem nulli vnquam rei assensurum omnia

omnia eſſe equaliter incerta, obſcura & improbableia: & denique ſapientem nihil probaturum, & opinurum.

Verum Carneades euſdem Scholæ ſeſſator, cum aliqua parte, ab Arceſila diſſentiret, & ex illis quatuor eius decretis, duo tantum priora admitteret, in poſterioribus diſcreparet; ctenim inter omnino incertum & comprehenſum, medium quiddam ponebat, probabile & veriſimile, & hoc probare, ac ſequi debere ſapientem, cum in diſcrendo, tum in vita agenda; ita tamen, vt non ſe ſcire, ſed opinari, non verum comprehendere, ſed veriſimilitudinem ſequi intelligat; cum inquam Carneades ita ſentiret, Arceſilaque decreta tēperaret, tertiaz Academicæ veluti intermedia principium dedit. Carneadi Cyrenæo ſuccceſſit Clitomachus librorum multitudine clarus ex Tullio lib. Acad. quæſt. Clitomachum audiuit Philo, de quo etiā meminit Tullius loco citato, & lib. 1. de nat. Deorum. Hunc Euſebius quartæ Academicæ authorem facit: quippe qui hoc priuatum habuit dogma, Dogmaticam Academicam ab Aporetica nihil diſſerre, & ita pro nouis Academicis duos libros conſcripſit. Philonis auditor, & quintæ Academicæ auctor fuit Antiochus, qui contra præceptorem ſuum, & Academicos librū, qui Sorus inſcriptus erat, foras dedit, & ab Aporetica diſciplina diſcedens ad veterē redijt, Stoicis adſtipulatus, & ita vetus Academia in nouata eſt; ex Tullio locis citatis. Sexta Academicorum Seſſa, fuit appellata Platonica, quod purum profiterentur Platonifmum, vt teſtatur reliquit D. Auguſtinus lib. 8. de ciuit. Dei cap. 12. In qua Plotinum, Iamblicum & Porphyrium reponit. Et vt illæ priores fuerunt appellatæ Atticæ, quod earum principes Athenis ſint profeſſi; ita hæc Peregrina, quod eius Seſſatores extra Athenas docuerint. Hanc Platonica Academicam aliqui in tres alias diſtingunt: in Alexandrinam, ſiue Aegyptiacam, quæ ab Ammonio Saca Alexandrino Plotini & Origenis præceptore, quo tempore Sy-

rianus Athenienſi Scholæ præfuit, habuit originem: in Romanam ſiue Italiam à Plotino inſtitutam; & in Lyciam ex Proclo, qui ſub Anaſtaſio Imperatore, floruit, natam.

Vt autem quid iſtæ Scholæ inter ſe diſſerret, breuiter explicetur, notandum eſt Platonicos in ſuo magiſtro quamdā ſaltem apparentem contradiccionem ſiue antologiam inueniſſe, quod aliquando humanum corpus ſoma, ſima, id eſt ſepulchrum appellauerit; cum ſit veluti animæ ſepultura; alibi verò contrarium docuerit, dicendo, animam habere & viuere, & bene viuere à corpore, & cum eodem quamdam harmoniam conſicere: qui vt hæc loca conciliarent, in eam communem iniere ſententiā vt putauerint, animam humanam eſſe aptam ad effundendam vitam in duo corpora: in vnum diuinum, & immortale, in alterū caducum & corruptibile. Illud vocant animæ vehiculum, ad quod maximam habet propenſionem, ac proinde cum eo libentiſſimè coniungitur: hoc vero quaſi animæ ſepulchrum, aut ergaſtulum. Dum anima in priore corpore exiſtit, eſt pellucida, tenuis, & cæleſtis quædam ſubſtantia; nec à ſuperiorum contemplatione recedit, & ſimul etiam inferiora cognoscit, ob quam cauſam duplicem ei tribuunt faciem. At verò dum amore generationis capta ad corpus mortale deſcendit, ſolum ſenſibilia intuetur, & rerum intellectionibilium aſpectu priuatur; vnde ſit vt vnā tantum retineat faciem. Quod ſi dum in hoc corporis ergaſtulo incluſa manet, rerum ſublimium, ac cæleſtium amore rapiatur, hoc extraneum vehiculum deponere poſteſt, & cum æthereo vtramque faciem rurfus acquirere. Hunc animæ reciprocum in hæc duo corpora motum, ob mundi æternitatem, quam omnes ferè Platonici Philoſophi tenent, infinitum faciunt. Quoniam poſita ſemel mundi æternitate, & animorum immortalitate, ſequeretur dari infinitum in actu; vt hoc inconueniens vitaretur, vetus Academia & Aegyptiaca ab Am-

monio fundata, animarum transmigrationem, metempsychosim Græci vocant, admisit, contra quam acutè & eleganter disputat Tertullianus lib. de anima, quamuis ipse de tota animæ natura non omnino rectè senserit. Fuit ergò Aegyptiacæ Academiæ hæc nota, ut Platonem & Aristotelem in omnibus conuenire doceret: cum tamen vetus, in his præcipuè, quæ ad finem bonorum & malorum pertinent, eos consentire censuerit.

At Romana & Lycia Academia in animarum descensu, non modo transmigrationem, sed etiam metempsychosim, id est, ut ita dicam, transcorporationem, & in corpus ferinum migrationem posuit; & hoc est commune earum decretum: quæ tamen differunt. Primò quia Proclus, cum quo Syrianus, & Hermias sentiunt, dicit animam humanam & ferinam se coniungere, & comites fieri: Plotinus vero cum quo Numenius concordat, docuit animam miscere se ferino fæti, & eius bestia subire corpus, cuius se moribus similem præstitit. Sunt qui quartam addant Sectam ex quadam Porphyrij doctrina sumptam: qui existimauit circulum illum animarum non posse esse infinitum: quia anima aliquando à sordibus & erroribus purgata, penes Patrem constituta, & consubstantialis paternæ menti facta, non patietur amplius huius mundi mala. Et hæc breuiter dicta sufficiant de Græcicæ Philosophiæ, sectarumque illius ortu, & progressu: Quod pertinet modo ad illarum dogmata, sequentibus capitibus de illis agemus tractando in particulari de Platonica, Aristotelica, Stoica & Epicurea Philosophia. Solum hic aduerto stultissimam ac vanissimam esse Aporeticam illam, & adiaphoram Philosophandi rationem, quam ut vidimus aliqui post Arcefilam illius autorem tenuerunt Academici; hanc enim qui sequuntur, hos verè euanesce in cogitationibus suis, & in omnes errores sub fucata libertatis specie prolabi necesse est; ut nostris temporibus hereticis nonnullis contingit. Quare Ioannes Bagotius So-

cietatis Iesu Theologus in Apologetico fidei de vera religione acturus totum, primum librum consumit in asserendâ contra Pyrrhonios, Academicos Arcefilæ, & Manichæos præcipuos Atheorum, & hereticorum fautores, cognitionis fideique humanæ certitudine. Quod prius fecerat D. Augustinus; is enim, ut in libro retract. cap. 1. & lib. 3. contra Academ. cap. vltimo refert, suas elucubrationes Theologicas, deque religione vera disceptationes exorsus est à suis contra Academicos libris, ut argumenta eorum, quæ multis ingerunt veri innuendi desperationem, & prohibent cuiquam rei assentiri, & omnino aliquid tamquam manifestum certumque sit, approbare sapientem, ab animo suo, quia ipsum mouebant, quantis posset rationibus amoueret.

Aliqui tamen putant, quod hic ad extremum addere placuit, ut quid de totius Academiæ consilio, atque progressionem sentiendum sit facilius intelligatur; aliqui, inquam, putant nullum Academicorum vnquam tam ex veteribus, quam ex nouis fuisse, qui certam in aliquibus negauerit scientiâ; sed tantum, cum Zeno ab academia defecisset, & falsas quasdam opiniones inuexisset, ut quod animæ sint corporatæ, mortales, nihil inueniti quod mole careat, & similia de quibus infra; hæc animaduertens Arcefilas, & acutè providens turbam ad falsas opiniones capescendas esse pronam, propterea potius dedocere, quam docere instituit, negando interim aliquid sciri posse, si omnia essent corporæ, & singularia: & ita veram Academicæ doctrinam occultari voluit, quâ postea Carneades, cum videret Stoicos iam esse fractos, referare coepit, verisimilia concedendo. At verò cum Philo quartæ Academicæ caput Stoicos plenè profligatos videret, dogmaticam & nouam academiam nihil inter se differre docuit, & qui ei successit, adhuc apertius idem fecit Antiochus, palam docendo veritatem comprehendî posse, cum iam sublatam videret illam perniciosâ Stoicorum

corum doctrinam, quod nihil esset nisi corporeum, ad quam tollendam academia ad incomprehensibilitatem, quasi ad quoddam amuletum confugerat. Sed quidquid Academici senserint, eis omis- sis, de quibus vide auctores inferius ci- tandos & D. August. lib. 2. de Academ. ad tertiam Philosophiæ Sectam acceda- mus.

Tertia igitur Philosophiæ Secta fuit Italica, cui principium dedit Pherecides Syrus, vel potius Pythagoras Samius eius discipulus, propterea quod regnan- te Tarquinio Superbo, primus eam fun- davit in Italia, maximè verò Crotonæ, magna frequentia, & nobilitate discipu- lorum; vnde ab illo aliquando Pytha- gorica; aliquando à loco ubi primum docuit, Italica Secta, vel Philosophia, nuncupari solet. Multa per sæcula sic vixit eius fama, vt nulli alij docti quàm Pythagorei viderentur; cuius etiam sa- pientiæ præiudicata opinio tantum val- uit apud eius auditores, vt cum quid affirmarent, si quæreretur ex ipsis cur ita esset? nihil aliud responderent, quàm ipse dixit; ipse autem erat Pythagoras. Nec mirum, de Pherecyde enim Syro eius præceptore dicitur, quod fuerit pri- mus Philosophorum, quòd litteris ex- tet, qui dixit animas hominum esse immortales, & non fabulosè more anti- quorum (vt Aristoteles testatur 14. Me- taph. cap. 6.) sed grauitè, & serio Phi- losophari cœperit: De Pythagora verò Iosephus contra Appian. hæc habet. *Pythagoras, inquit, inter veteres sapientia, & erga Deum pietate censendus est omnes, qui unquam philosophati sunt excedere.* Hic apud Iustinum in exhortat. ad gen- tes: *Deus, inquit, omnium pater, mens & animatio cunctarum rerum, & apud eundem libro de Monarchia, mundus, inquit à Deo factus est.* Quod ad alia, doctrinæ illius monumenta attinet, mul- ta extant apud scriptores symbola, hoc est, sapienter dicta, metaphoris inuolu- ta, vt hæc, Hirundines domo pellito, id est, adulatores. Ignem gladio ne fodi- to, id est, potentium iram ne commo-

ueas. Noli gustare ea, quorum cauda, est nigra, hoc est, voluptates. Conuer- so ad Solem vultu non esse mingendum, id est, contra veritatem non standum. Extant insuper quædam carmina sapien- tiæ, & eruditionis plena, quæ eidem tribuuntur. Quamuis etiam in doctrina ab illo tradita sui non desint nœui; præ- terquam quod enim posuit animarum migrationem ex corpore in corpus tam brutum quàm humanum, nesciens aliud allegare præmiū pro bona ac rectè acta vita, & poenam ex mala vita. De cultu etiam diuino pessima sensit. Nam in- his, qui dicuntur aurei versus Pythago- ræ, eo quod censetur totius humanæ vi- tæ regula, instituit Deos venerandos at- que colendos, vt lege dispositi sunt.

Plura videri possunt apud D. Tho- mam varijs in locis operum illius, ubi data occasione de Pythagora eiusque doctrina agit. Metaphys. 3. lect. 1. in fine docet Aristotelem incepisse, & pro- cessisse à facilioribus, & sensibilibus ad separata, sed Platonem, & Pythagoram è conuerso. Ethic. 6. lect. 6. refert, quod Pythagoras, cum nobilis ac diues esset, reliquerit patrimonium, & dederit se speculationi naturalium, dicens cælum esse patriam suam. Opusculo 20. Me- taphys. lect. 3. & 10. asserit Pythagoram fuisse post septem Sapientes, & ante Platonem, & Aristotelem, siquidè Pla- to ex studiosa veritatis inquisitione, cum vbique terrarum Philosophos quæreret, vt eorum dogmata sciret, venit Taren- tum in Italiam, audire Architam disci- pulum Pythagoræ. ex 22. quæst. 182. art. 2. ad 1. Pythagoras voluit profiteri, se esse sapientem, seu amatorem sapien- tiæ. Ex 3. p. quæst. 42. art. 4. Pythago- ras & Socrates, nihil scripserant, quia fuerunt excellentissimi doctores. ex 2. de cælo lect. 20. Psal. 23. Pythagorici di- xerunt ignem esse in medio totius mun- di. In secundū sentent. distinct. 1. q. 1. ar- tic. 1. lib. 2. contra gentes cap. 41. & 3. cap. 9. de potentia quæst. 3. artic. 6. de Malo quæst. 1. art. 1. ad 1. Ethic. 1. lect. 7. Metaph. lect. 8. Pythagoras posuit duas

D d

coor-

coordinationes, scilicet, primam decem bonorum, id est, quia posuit ibi, finitum, impar, vnum, dextrum, masculum, quiescens, rectum, lumen, bonum, triangulum æquilaterum. Et secundam decem malorum, quia posuit ibi infinitum, par, multitudinem, sinistrum, feminam, motum, obliquum, tenebras, malum, & altera parte longius. Libro 2. contra Gentes cap. 44. & 73. Anima non transit in aliud corpus secundum fabulam Pythagoræ Opusc. 20. lib. 4. cap. 22. Pythagoras in sua politica, tradidit magis ordinata ad regimen animæ, quam corporis, qua regulata, corporalia facilius disponuntur; ibidem à cap. 14. ad 24. politias Lacedæmoniorum, Cretensium, Calcedonensium, & Pythagoræ comparat ad invicem, & reprobatur. Ibidem cap. 21. secundum Hieronymum filiam habuit tantæ pudicitie, ut virginitatē servans, choro simul virginum iam præfesset, easque castitatis; instruxit doctrina: ibidem Pythagoras moritur Methaponti, cuius domus sit templum, & pro Deo colitur. Tandem Metaph. lect. 7. duo asserit fuisse genera Philosophorum, scilicet, Ionicorum in Græcia, & Italicorum in magna Græcia, id est, in Apulia, & Calabria, quorum Princeps fuit Pythagoras de Samnio Calabria.

Quod pertinet modo ad huius sectæ progressum, Philosophicæque Pythagoricæ sectatores, ad Pythagoram Lucanios, Picentes, Mefapios, & Romanos disciplinæ causa se contulisse legimus; cui mortuo successit Thelanges filius; ei Xenophantes, huic Parmenides, Parmenidi Zeno Eleates, Zenoni Leucippus, ei Democritus; quem audiuit Maussiphanes Epicuri præceptor; vel secundum alios, qui ad Scholam Pythagoream reuocant Eleaticam, sic nuncupatam ab Elea ciuitate Lucaniæ, vbi culta fuit, primi Pythagoræ sectatores hi perhibentur, Theano vxor, Thelanges, filius; Empedocles Epicharmus, Architas Tarentinus, Alcmaeo Crotoniates, Hippasus Metapontinus, & Philolaus. Eleati-

cæ verò Scholæ, hi, Xenophātes, Parmenides, Melissus, Zeno Eleates, Leucippus, & Democritus: quo etiam tempore Hippocrates medicorum princeps, & Heracitus floruerunt. Quod autem in huius Philosophi discipulis ponitur à nonnullis Numa Pompilius Secundus Romanorum Rex, est omnino falsum; cum is centum annis fuerit vetustior Pythagora. Et hæc de tribus veterum Philosophorum sectis sufficiant, quorum, qui exactiorem voluerit sibi comparare notitiam, poterit consulere sequentes authores Diogenem Laertium, de vitis Philosophorum, Plutarchum in opusculo, Ciceronem in omnibus fere libris de Philosophia, & speciatim in Academicis, & de finibus; Sextum Empiricum, lib. 1. Hypot. vbi septemdecim Pyrrhonicorum Philosophorum argumenta, pro aporetica, & adiaphora philosophandi ratione fusissimè explicati; Suidam, Eusebium Cæsariensem in lib. de præparat. Euangelica, Clementem Alexandrinum in libris Stromatum, Cyrillum pariter Alexandrinum contra Iulianum Augustum; Theodoretum de curandis Græcicis affectionibus, Augustinum lib. 8. de ciuitate Dei, Ioannem Franciscum Picum in lib. de vanitate doctrinæ gentium, Eunapium, Franciscum Georgium in suis canticis, Benedictum Pererium, Physicorum lib. 4. Ludouicum Carbonem, introductionis in vniuersam Philosophiam lib. 3. Ioannem Bagotium in Apologetico fidei lib. 1. Augustinum, Eugubinum in libris de perenni Philosophia; Ludouicum Viues in libris de corruptione artium; Ioannem Baptistam Crispum Gallipolitanum de Ethnicis Philosophis cautè legendis. Burghesum de humilitate contra Stoicos, & eorum paradoxa, aliosque plures.



# Seccio V. Caput XII.

211

## CAPVT XII.

*De Platonis, Philosophiaque Platonica  
authoritate.*

**C**Vm ex tanta post Socratem exor-  
tarum, & cultarum Philosophi-  
carum disciplinarum, vel sectarum mul-  
titudine, vt superiori capite vidimus,  
quatuor magis illustres, quarum adhuc  
monumenta, quamuis non omnia, nec  
omnino integra ad nos peruenerūt, fue-  
rint Platonica, Aristotelica, Stoica, &  
Epicurea; placuit etiam de vniuscuius-  
que illarum authoritate magis in parti-  
culari agere, in ordine ad conuenien-  
tiam, vel disconuenientiam quam ha-  
bent cum supernaturalibus fidei nostræ,  
doctrinæque cælitus reuelatæ mysterijs,  
ac veritatibus.

Incipiendo igitur ad Platonica, illi  
principium dedit Plato, sic nominatus,  
cum ei nomen esset Aristocles, à late-  
rum frontisue latitudine, vel vt alij vo-  
lunt, à copia dicendi, qua orationem  
copiosè dilatabat: fuit natione Græcus,  
Patria Atheniensis, natus ex Aristone  
Patre, & Potona Matre, quo autem  
præcisè mundi anno, tot sunt variz sen-  
tentiz, quot in annis ab ortu mundi cõ-  
putandis, diuersa quoque repetiuntur  
Chronologorum placita, quæ huius lo-  
ci non est fufius examinare, sed alia se-  
forfan dabit opportunior occasio de illis  
agendi, in decursu huius operis, præfer-  
tim lib. 3. sect. 1. cap. 63. vbi de sacræ  
Scripturæ veteris Testamenti Chrono-  
taxi. Plura hic circa eius viuendi mo-  
dum adduci possent, sed illis omisiss, vt  
potè extra præsens institutū. Quod per-  
tinet ad eius doctrinam, præclara illius  
monumenta triginta septem libris con-  
tenta reliquit, quæ claritatis gratia ad  
quinque præcipua reduci possunt capi-  
ta. *Primum* completitur libros Theo-  
logicos, qui ad religionem pertinent;  
cuiusmodi sunt, Eutyphron, vel de san-  
cto: Socratis apologia: Crito, id est, de  
eo quod agendum est, vel de eo, quod

*Biblioth. Theol. Tom. 1.*

is egerit in carcere cum Socrate: Phæ-  
do, vel de animi immortalitate; horum  
enim librorum lectione animus religio-  
ne poterit informari, & ad philosophiã  
percipiendam idonee parari.

*Secundum* continet illos, qui de vera  
& falsa philosophia disputant, Thea-  
ges, vel de sapientia: Amatores, vel de  
philosophia: Theætetus, vel de scien-  
tia, quibus libris aduersantur Euthy-  
demus, vel litigiosus; Sophista, vel de  
ente; Hippias minor, vel de mendacio,  
& Protagoras, vel de moribus sapientie  
professorum. Quibus in libris malos,  
inceptos garrientesque philosophos infe-  
ctatur, & veram philosophandi ratio-  
nem ostendit. *Tertium* comprehendit  
libros ad sermonem, hoc est ad Diale-  
cticam, Rethoricam, & Poeticam per-  
tinentes, vt Cratylus, vel de recta no-  
minum ratione, siue de interpretatione:  
Gorgias, vel de Rethorica: Iō, vel de  
Iliade, siue de Poetico furore, chara-  
ctereue, aut de recta exponendorum  
poetarum ratione. *Quartum* Ethicos,  
& Politicos, qui rursus in tres distri-  
buuntur classes; in prima continentur  
libri ad communem de moribus doctri-  
nam spectantes; vt Philebus, vel de vo-  
luptate, siue de summo bono: Menon,  
vel de virtute: Alcibiades primus, vel  
de natura hominis. In secunda ponun-  
tur illi dialogi, in quibus explicatur pe-  
culiaris morum doctrina, vt Alcibiades  
secundus, vel de voto & precatione:  
Charmides, vel de temperantia: Syx-  
tis, vel de amicitia: Hipparchus, vel de  
lucris cupiditate. In tertia classe repo-  
nuntur omnes libri Politici. Menexe-  
nus, vel de Attica antiquitate, seu oratio  
funebri, & hortatio ad amandam,  
tuendamque patriam: Politicus, siue  
Ciuis, vel de regno, definitione poli-  
ticæ: Minos, vel de lege, introductio  
ad libros politicos: de republ. libri decem,  
vel de iusto; legum, siue de legi-  
bus, legumue latione libri duodecim:  
Epinomis, id est, legum appendix, &  
summa, vel Philosophus. *Quintum* de-  
nique completitur libros, qui ad Phy-  
sicam,

Dd 2

ficam,

ficam, & Metaphysicam pertinent; Timæus, vel de natura, siue de vniuersitate, hoc est, de mundi anima, & natura: Critias, vel Atlanticus, appendix Timæi, de prisca mundi historia: Parmenides, vel de vno omnium principio, & de Idæis: Symposium, hoc est, conuiuium, siue de amore: Phædrus siue de pulchro: Hippias maior, id est, de pulchro, siue honesto.

Postremò loco possunt reponi libri existimati spurij, vt duodecim epistolæ, & quidam alij dialogi, Axiochus, vel de morte; de iusto, vel de iustitia; de virtute an doceri possit; Demodocus, vel de consultando; Sisyphus, vel de deliberando; Erixias, vel de diuitijs, Clitopho, vel hortatorius, quem tamen Laetius inter spurios non reponit, & tandem liber, qui inferibitur definitiones. Extant insuper inter opera Platonis duo libelli, in quibus continetur doctrina ex Platone collecta, vnus Spensippi de definitionibus Platonis, alter Alcinoi Philosophi Platonici de doctrina Platonis.

Modo circa doctrinam in Platonicis libris contentam, inter duas extremas sententias, quarum vna existimat illam esse omni ex parte absolutam, summaque proinde cum admiratione diuinam appellat; altera verò adeò parum bene de illa sentit, vt eius auctoritatem non pluris faciat, quam boni oratoris, vel poetæ, & in numero bonorum Philosophorum non ponat, atque Philosophiæ perdiscendæ causa legendum non putet; inter has, inquam, duas extremas sententias, media ac regia via incedendum puto, nimirum Platonem præstantissimi fuisse ingenij, pluraque scripsisse valde vtilia, & cum Christiana religione consentanea; attamen non esse adeò integram eius doctrinam, vt nihil macularum habeat. Prima pars probatur, & vt omittam Ethnicorum Philosophorum testimonia, quorum aliqui nimia vt dicebam cum admiratione Platonem diuinum, alij, vt Cicero lib. 2. de nat. Deor. Philosophorum Deum appellare ausi

sunt; primum occurrit authoritas Didi Augustini lib. 3. de Academicis cap. 17. vbi vocat Platonem sapientissimum, & eruditissimum temporum suorum; capite verò 18. asserit os illius in Philosophia purgatissimum esse, & lucidissimū, sed quod magis est Epist. 56. ad Dioscorum non dubitat dicere, quod Platonici Philosophi paucis mutatis, quæ Christiana improbat religio, inuictissimo Regi Christo ceruices submittere, Christianosque fieri nō recusassent, & cap. 3. de vera religione, quod si Plato tempore Christi vixisset, illum Deum fuisse dixisset, adeò Platonica doctrina eiusque principia, quod certè non parum ad eius commendationem facit, in multis cum Christianæ disciplinæ veritatibus consentiunt. Huc facit, si tamen verum est, quod Nicetas vetus Gregorij Nazianzeni Scholiastes, litteris commendauit in orat. 2. in Paf. Platonem cuidam Christiano eum maledicenti noctu apparuisse, eique dixisse se vna cum antiquis patribus è limbo spisse ereptum, & in cælum traductum. Et sanè Iustinus Martyr orat. ad Anton. cum ibi omnes, qui Christum antecesserunt, qui tamen honestè vixere, Christianos nominandos esse doceat, inter illos Platonem reponere videtur. Diuus quoque Thomas opuscul. 20. lib. 4. cap. 14. Platonem sapientissimum omnium vocat, & 22. quæst. 152. art. 2. ad tertium, docet solum Platonem amore veritatis contemplandæ, abstinuissè ab omni delectatione vœnerca.

Et ita rem se habere tam in speculatiuis, quam moralibus patebit legenti tam eius libros, quam authores inferius citandos, qui de Platonica Philosophia scripsere: inter quos præsertim, si quis ea cognoscere volet, quæ Plato de moribus docuit, legi debet Chrysostomus Laellus, qui primùm omnia quæ ad Ethicam, hoc est moralem Platonis Philosophiam pertinent, septem tractatibus collegit; in quorum primò tribus capitibus agitur de cognoscendo Deo, vt enim homo rectè, ac virtuosè viuat oportet.



oportet ex doctrina Platonis, vt de Deo glorioso, tria firmissimè sentiat; primò quod in ream natura Deus est; secundò quod vniuersa humana, & magna, & parua cutat, nihilque subterfugit eius sapientissimam prouidentiam & sollicitudinem; tertio quod non flagitiorum hominum, ac malorum votis, & precationibus & sacris Acstitut, nec placatur. In secundo tractatu agitur per quinque capita de cognitione sui ipsius; quoniam, vt inquit, Plato in 1. lib. Alcibiad. nunquam scimus, qua arte & disciplina meliores effici possumus, quamdiu nos ignorauerimus, & hac de causa addit in Delphico Apollinis oraculo inscriptum fuisse, nosce te ipsum, vt scilicet te ipsum cutate valeas. In tractatu tertio per septem capita agitur de recta, & obliqua sui dilectione, quam reputat Plato tertium totius humanæ moralitatis fundamentum. In tractatu quarto agitur per quinque capita de diuino cultu, siue de colendo Deo. In quinto per quatuor capita de cultu animi nostri, & proprii corporis. In sexto de humano conuictu per sex capita, siue qualiter futurus bonus moralis erga alios se getere debeat in humano conuictu, sermone, & opere; primo erga parentes suos, ac progenitores; secundò erga uxorem, cum eam habuerit; tertio erga filios, tam quo ad eorum educationem, quam eruditionem; quarto erga cognatos, amicos, ciues & peregrinos; quinto erga seruos; sexto tandem erga omnem hominem cuiuscumque status, ac conditionis existat; pro quo plura seruanda præferibit, vt sit verax nulli mentiens; non adulator, non inuidus, non iniuriars, non vindicator sit mitis & misericors; sit boni nominis custos; sit iustus ad omnes; sit omnes decorè, ac honestè diligens; sit constans, ac patiens in aduersis. In septimo tandem tractatu per tria capita agitur ad mentem Platonis de summo hominis bono; Vbi etiam declaratur in quibus conuenit Plato cum Aristotele, & in quibus, vt sibi Aristoteles imponit, dissentire videtur, non solum in posi-

tione summi boni, sed & in alijs moralibus.

Post moralis Philosophiæ, ad mentem Platonis dispositionem, idem author totidem tractatibus Politica, hoc est ciuilem eiusdem Platonis Philosophiam, compilauit. In primo agitur de ciuitate à qua ciuilis denominatur Philosophia, per quinque capita; primum est de origine, & causis ab initio condendi ciuitates, secundum de ciuitatis materia; tertium de illius forma & situ, & principalium habitationum dispositione, & muris ciuitatem circumdantibus; quartum de ciuitatis, & regionis quantitate, quintum de fine, ad quem optima est instituenda ciuitas. In secundo tractatu agitur de ciue per duo capita, primo quisnam sit verè ciuis, secundo de ciuium optimis qualitatibus. In tertio tractatu agitur de legibus in vniuersali per tria capita; primo quidnam sit lex, & de eius stabilitate; secundo de varijs legum generibus; tertio de legum necessitate. In quarto agitur de legum conditore in vniuersali per quinque capita, primo referuntur quæ Aristoteles in hoc proposito pertractauit in Politicis, secundo declaratur ad mentem Platonis, qualis debeat esse legis conditor, & quas ianse excellentias continere; tertio cuius virtute & authoritate debeat leges instituite, quarto quales, & de quibus rebus condendæ sint leges; quinto quod debeat esse præcipuum legislatoris propositum, & quis legum finis, & à quibus sumere debeat leges. In quinto agitur de politia, siue republica per octo capita, primo referuntur quæ Aristoteles in Politicis docuit de illa; Secundò declaratur ad mentem Platonis quid sit politia, & vnde prima eius origo; tertio quotplex sit, & quæ bona, & quæ mala; quarto quot obseruanda in institutione rectæ politiæ; quinto secundum quam politiæ speciem expedit ciuitatè gubernare; sexto quomodo & quibus causis corrumpitur, ac transmutatur vna politia in aliam; septimò propter quas causas conseruantur rectæ poliæ; octauo qua-

quales debeant esse dominantes in politica recta: In sexto, ordine alphabetico adducuntur leges in specie, quas Plato sparsim pro ut materia varia tractabatur, scriptis mandauit. Tandem in tractatu octauo agitur de Platonis defensione, contra ea quæ sibi Aristoteles in Politicis imponere non veritus est. Quæ omnia si optimis, rectæque rationi consentaneis documentis sunt referta, nemini sanè mirum videri debebit, qui considerauerit Platonem Mosaica volumina perlegisse, atque inde quæ bona, vel diuina in suis operibus habet furatum esse; vt fusius dicitur infra in hac eadem sectione agendo de vijs, aut fontibus, quibus ad Philosophos gentiles aliquorum fidei nostræ mysteriorum notitiæ, peruenire potuit.

Verum vt huius Philosophi doctrina non est adeo commaculata, vt non habeat multa integra, & bona; ita certè non est adeo pura, vt nihil macularum habeat. Etsi enim sit verum multa ab Aristotele, eiusque sequacibus fuisse, illi imposita, multa etiam in illo notari, quæ aliquo pacto excusari possunt, nonnulla tamen sunt, quæ ab errore excusari nequeunt. Quod plane indicauit D. Augustinus, qui nonnulla retractauit, quæ ex Platone didicerat; cuius etiam doctrina se deceptum fuisse, aliquando confessus est. Quo fit, vt illud epithetum, Diuini, quo fuit ab aliquibus insignitus, non omni ex parte in eum quadrat, qui doctrinam nonnullis maculis aspersam, & non omni ex parte absolutam tradidit. Tales autem errores in speculatiuis sunt; *primò* quod posuerit tres esse Deos inæquales, & principales, vt refert, & refutat D. Thomas de Trinitate c. 12. *Secundò* posuit formas exemplares per se subsistentes extra intellectum diuinum, & neque ipsas, neque materiam à Deo esse habere, prout idem D. Thomas refert, & refutat in 2. distinct. 1. q. 1. 1. p. quæst. 65. *Tertiò* posuit non omnia esse à Deo creata immediate, sed vnum tantum primum, à quo postmodum essent omnia alia, taliter quod vna

intelligentia causeretur ab alia, & anima mediante intelligentia, & corporalis natura mediante Spirituali; quem etiam errorem refert, & refutat D. Thomas in 2. distinct. 1. quæst. 1. & in epistolam ad Colossenses lect. 4. in medio. *Quartò* posuit animam rationalem vniri corpori secundum tactum virtutis, vt motorem, non autem vt formam; quod ab eodem Diuo Thoma pluribus in locis rejicitur potissimum in 2. distinct. 1. quæst. 2. artic. 4. ad 3. in 3. dist. 2. quæst. 1. artic. 2. distinct. 5. q. 3. art. 2. in 4. distinct. 44. quæst. 1. art. 1. de Potentia quæst. 3. artic. 10. *Quintò* posuit eandem animam habuisse à principio omnes scientias; quæ pariter errorem refutat D. Thomas 1. p. quæst. 84. 22. quæst. 172. de Veritate quæst. 10. art. 6. lib. 3. de anima lect. 9. *Sextò* posuit æternitatem mundi, quodque res mouerentur ab æterno motu inordinato, quæ tamen à Deo postea, reducæ sunt in ordinem; quod etiam dogma rejicit D. Thomas in 2. distinct. 1. quæst. 1. art. 5. *Septimò* tribuitur etiam Platoni impium dogma de animarum, transmigratione: Octauò, quod res omnes huius vniuersitatis alimentur, nec quauis anima, sed etiam humana, signem, aquam, resque alias agi, moueri que ad agendum, de quo vide Ioannem Bago- tium tom. 1. Apologetici fidei lib. 5. disp. 3.

Iam quod attinet ad Philosophiam moralem, Plato in lib. 10. de legibus; quod primum impietatis sacrilegæ caput est, errorem in religione perniciosissimus, idololatriam probat, nulloque de cultu præcepta dat, aut ius vilius agnoscit, nisi aduersus Deos, qui secundum leges sunt, quos leges credere nos & venerari iubent. *Qui Deos*, inquit, *esse putas secundum leges, nec facit unquā sponte impium quidquam, nec loquitur.* *Secundò* posuit impios æternis haud affici pœnis, sed per multorum corporum circuitus, transmigando de vno corpore in aliud, tandem purgari à suis scele- ribus. *Tertiò* Plato apud Tertullianum lib. de anima cap. 54. in supernis man- sioni-

ſionibus collocat animas à corpore ſeparatas non quorumlibet Philoſophorum, ſed eorum qui Philoſophiam puerorum amore exornauerint; S. quoque Gregorius Nazianzenus orat. 3. atque ibi Eliàs Cretenſis notat, quæ de amore Pulchri, à Platone adeo ſæpe inculcantur, cum de obſcena illa libidine intellexiſſe, quã honeſtiore vocabulo inumbratam inſinuare, & ſuadere volebat. *Quartò* tribuitur Platoni quod impuram de coniugum communione doctrinam tradiderit, & in rempublicam ſuam inducere voluerit. At hoc dogma non ſolum fræna libidini laxabat, ſed inextinguiſta matrimonia filiam inter & Patrẽ authoritate ſua probari iubebat, de quo lege Laſtantium lib. 3. inſtitur. cap. 20. & 21. Nihilominus tamen Diuus Thomas opusculo 20. de regimine principum lib. 4. cap. 4. Platonem ab hoc errore, tanquam ab aliquo illi ab Ariſtotele in Politicis impoſito vendicat; dicitque Platonem locurum fuiſſe de cõmunione vxorum, non quo ad coitum, ſed quo ad amorem; vide etiam Henricum Gandauenſem quodlib. 4. libro 2. quæſt. 1. cap. 2.

Cum igitur tam diſtis, quam alijs alijs ſimilibus erroribus aſperſa reperiatur Platonis doctrina ac Philoſophia, non eſt mirum quod plures etiam è noſtris, aut qui ex illius ſecta, inſtitutioneque tranſierunt ad Chriſti profeſſionem, vel utcumque doctrina ipſius aſſecti, inſtructique ſunt, ita in multis fuerint hallucinati; vt ſuperiores ferè omnes hæreſes à Platoniciſ inuẽtas, exculcatæ fuiſſe legamus. Certè priſcarum omnium hæreſum, quæ primis tribus ſæculis exortæ ſunt, hiſtoria ipſa teſtatur, Simonianos, Valentinianos, Marcionitas, Manicheos, ac cæteros, non aliundè, quam ex commentis Platonis ſubornatos eſſe ad illa fabricanda monſtra, & dedecora Chriſtiani nominis, quæ cum apud oppugnatores eorum Sanctos Patres leguntur, ingenti horrore legentium animos percellunt. Quod etiam diſertè aſſerit Tertullianus lib. de

anima cap. 23. *Doleo*, inquit ille, *bona ſede Platonem hæreticorum omnium condimentarium eſſe ſallum*. Nec ſolum hæretici, quique extra controuerſiam ſe ſe ab Eccleſiæ gremio ſeparauerunt ex ſupradictis Philoſophiæ Platoniciſ commentis ſuas hæreſes cuderunt; ſed plures etiam Patres, qui perpetuò Catholici fuerunt, & ante Arriana tempora, in Chriſtiana profeſſione floruerunt: de ſanctiſſima Trinitate Platonico penè more ſenſiſſe, aut ſaltem loquendi genere ipſo nonnihil ad eum implicatos fuiſſe pluribus demonſtrat Petavius tomo 2. dogmatum Theologic. lib. 1. de Trinitate cap. 3. & 4. adducendo aliqua eorũ loca, præſertim Iuſtini Martyris, Athenagoræ, Tatiani, Theophili, Irenæi Clementis Romani, Clementis Alexandrini, Origenis, Dionyſij Alexandrini, Gregorij Thaumaturgi, Methodij, Luciani martyris; Origenem autem de Trinitate præſertim haud rectè ſenſiſſe teſtatur ipſemet D. Thomas dum 1. parte quæſt. 34. art. 1. ad 1. dicit illum fuiſſe Ariarum fontem.

Quare qui ſine vilo penitus errandi periculo tam Platonis, quam aliorum Philoſophorum libros euoluere, illorũque authoritate vti voluerit, primùm perſpectos habere debet errores ab illis commiſſos, quorum forſan præcipuos referemus infra lib. 4. Ad quod neceſſariò requiritur lima Theologica, cum enim ſine reuelatæ veritatis lumine, & diuinæ ſapientiæ condimento, humana ſapientia, quam Deus ſtultam fecit, in tot errores incidit, certè ad illos diſcernendos, & corrigendos, diuinum eſt adhibendum lumen; maximè vbi agitur de rebus diuinis, aut ad religionem pertinentibus; nam vt rectè ſcripſit Diadocus, nihil eſt egentius ea mente, quæ de Deo extra Deum philoſophatur; vt faceret ea, quæ Deum non ſequeretur, quæ cum Deo non eſſet coniuncta; ſive quod idem eſt, quæ non prius aliqua ſaltem ex parte in rebus diuinis erudita, ſed ſolius philoſophiæ præſidio munita, diuina tractare religioniſque myſteria

steria attingere tentaret. Ex huius admonicionis neglectu, sicut & ex nimia, erga Philosophos, eorumque authoritatem propensione, multi in graues inciderunt, ac in dies incidunt errores; dum Sacre Scripturæ voces contra earum, communem ac litteralem sensum, receptum maximè vnanimiter ab antiquioribus Patribus, ad vocum Aristotelicarum acceptionē interpretari non verentur, impropriosque, nedum repugnantē sensus illis tribuere, eo quod Philosophicis aduersentur effatis, vel nō conformentur, siue minus consentiant; dum ad ea, quæ plerumque fidei principijs, bonisque moribus repugnant, corroboranda nouas excogitant rationes; cum potius si quæ è Philosophorum libris, ac doctrina desumantur argumenta cōtra fidei nostræ dogmata, soluenda sint; ostendendumque nullius penitus efficaciz, ac roboris esse aduersus illa: sed de his satis, nunc veniamus ad authores, qui in elucidando Platone eiusque Philosophia elaborarunt, quorumque præsidio ad rectam illius intelligentiam potest vti Theologus.

Primum igitur Platonis vitam descripsit Eunapius, Synesius, Maximus Tyrius, L. Apuleius, Georgius Gemistus, Psellius, Marsilius Ficinus, Petrus in Physica, Ludouicus Carbo lib. 3. introducit. in Philosophiam: Inter eos autem qui vel aliqua parte Platonis doctrinam explicarunt, vel Platonice aliquid scripserunt, primum locum tenent ex eius discipulis Speusippus, Alcinoüs, Xenocrates, Chalcidius, Syrianus, Plotinus, Porphyrius, Proclus, Iamblicus; E Sanctis Patribus præter S. Dionysium, Iustinum, Basilium, Nazianzenum, Cyrillum, & alios Græcos, fuit inter Latinos Platonice additus Philosophiæ S. Augustinus. E modernis etiam Doctoribus, multi plura ad Platonice Philosophiæ intelligentiam conducentia, scripserunt: Tres Cardinales Bessarion, Cusanus, & Alliaccensis, Chrysostomus Iauellus, Marsilius Ficinus, Franciscus Paritius, Georgius Trapezuntius, Ioan-

nes Baptista Bernardus, Bernardinus Donatus, Sebastianus Foxius, quem in Platone vertendo multi præferunt Marsilio Ficino, Gabriel Burabellus, Iacobus Masonius, Felix Accorambonus, Iacobus Carpentarius, Ioannes Picus, Franciscus Vicomercatus, Symphorianus Camperius, Franciscus Diacetus, Augustinus Steuchus Eugubinus, Ioannes Baptista Crispus, Antonius Possseuius in Appar. ad Phil. tract. 2. Robertus Foliet de nonnullis in quibus Plato ab Aristotele reprehenditur, Hieronymus Bardus Genuensis.

## CAPVT XIII.

*De Aristotelis, Philosophiæque Aristotelicæ auctoritate.*

**V**T Platonice Plato, ita Aristotelice Philosophiæ principium & nomen dedit Aristoteles genere Macedo, patria Stagiritis, Nicomachi medici peritissimi, Phæstadique filius; Hunc aliqui natum faciunt anno à mūdi creatione 4735. at, cum vnus fere certum sit, illum videlicet, Platone fuisse minorem natu paulo amplius quadraginta annis, erat enim annorum decem & septem, quando ad Platonem iam sexagenarium audiendum accessit, apud quem annos circiter viginti commoratus est, nihil tamen definiri potest, quo mundi anno, tam ipse, quam Plato, vt iam supra notauimus, alique etiam Philosophi nati fuerint, vel floruerint, donec alibi statuatur eius Chronologia. Omnis pariter omnibus illis, quæ de illius vita, ac moribus dici possent, deueniendo ad eius libros: Diogenes Laertius in eius vita, ad quadringentos æuenerat: quorum tamen multi nunc non extant, nec etiam illi quos recenset, ijs quos residuos habemus omni ex parte respondent, qui centum & viginti summā non excedunt, & in sex classes distribui solent. In prima ponuntur libri Philosophici, siue Sermocinales in quibus de sermone agitur, Rethoricorū tres, Poeticæ vnus. In secunda libri Logici, siue

orga-

organici numero quindecim, quamvis etiā inter fermocinales annumerari possent: vnus Categoriarum: vnus, vel vt Latini interpretes distribuunt, duo de interpretatione: vnus, vel duo priores Analytici: duo posteriores Analysis: octo Topici: vnus, vel duo Elenchici vel redargutionum. In tertia ponuntur Physiologici, siue naturales, octo de naturali auscultatione: quatuor de cælo: duo de generatione & corruptione: quatuor meteorologici, vel sublimes: vnus de mundo: tres de anima; vnus de sensu, & sensilibus: de memoria, & reminiscencia vnus: de somno, & vigilia: vnus: de insomnijs vnus: de diuinatione per somnium vnus: de motu animalium vnus: de longitudine & breuitate vitæ vnus: de iuuentute & senectute, morte, & vita vnus: de respiratione vnus: de animalium ingressu vnus: de spiritu vnus: de animalium generatione vnus: quatuor de partibus animalium; de eorumdem historia decem; de coloribus vnus: de Physionomicis vnus, & de plantis vnde decem. In quarta classe continentur Metaphysici libri 12. hoc est, post naturales, quod ordine inuentionis, post naturales inuenti sunt: vel supernaturales, quod in eis de rebus supernaturalibus agatur. In quinta mathematici duo, vnus mechanicorum, alter de lineis infecabilibus. In sexta Ethici, & Politici: ciuiles octo: morales ad Nicomachum decem: Magnorum moralium duo: Eudemiorum septem: Oeconomici duo, & de virtutibus vnus. Reliqui extra ordinem ponuntur, Problematum, de admirabilibus auscultationibus, de Xenophane, de Gorgia, & de Nilo. An verò omnes citati libri sint Aristotelis, cum non sit nostrum hoc loco expendere, possunt videri interpretes, alijque authores inferius citandi de hac materia; sicut & de illa celebri librorum Aristotelis diuisione in Acromaticos, & Exotericos; nec non etiam de modo quo ad posteros peruenierint.

Iam quod attinet ad doctrinam in prefatis libris contentam; eodem peni-

*Bibliot. Theol. Tom. I.*

tus modo circa illam discurrendum puto, quo superiori capite de Platonica; videlicet inter duas extremas sententias, quarum vna doctrinam, & authoritatem Aristotelis contemneret, altera verò ad cælum vsque extolleret; adeò vt Aristotelicam doctrinam auderet aliquando diuinis præferre effatis; vel quidquid Aristoteles censuerit de rebus naturalibus, tanquàm verum putaret, aut vt verum propaginare conaretur; vel etiam existimaret sacram Theologiam inniti Philosophiæ Aristotelicæ; ita quod si ex academij Catholicis relegaretur, Theologiam simul cum illa repelli, ac perire sequeretur; inter has, inquam, duas extremas ac vitiosas sententias, fatendum quidem est, Aristotelem præstantissimi fuisse ingenij, meritoque in Philosophia pro magistro haberi, ac prælegi; non tamen eo vsque vt Deus veritatis Philosophicæ existimari debeat, omniaque illius dicta irrefragabilis esse authoritatis; aut quod si fideles Aristotelicæ Philosophiæ operam non darent, doctrina Catholica in aliquod propterea periculum adduceretur.

Ad probandam primam huius nostri dicti partem, primùm occurrit Platonis ipsius iudicium qui nunc mentem, nunc veritatis Philosophum appellabat Aristotelem; cum enim aliquandò Scholam ingressus, eum abesse vidisset, fucclamando dixit, Mens abest; alias, abest veritatis Philosophus. Secundò quod Philippus Macedonum rex ei Alexandrum filium instituendum dederit: & vt ex regijs litteris constat, Dijs gratias egerit, quod eo tempore ei filius esset natus, quo ab Aristotele institui posset. Tertiò accedit doctissimorum in vnoquoque sæculo viro- rum sententiæ, & suffragia, præsertim à quinque circiter sæculis, etsi enim, vt dicemus infra agendo de progressu doctrinæ Aristotelicæ, iam anno 4041. à mundo condito, & ab Vrbe condita anno 671. hoc est octoginta circiter annis ante Christum natum, Andronicus cepit Aristotelem,

scholijs illustrare; & sub Seuero Imperato-

E c

rato.

ratore, qui ex Baronio impetrare capit anno Christi 195. Alexander Aphrodisæus; attamen cum prius Catholici doctores magis Platoniorum ac Stoicorum placitis adhererent, tantum circa annum Domini circiter 1150. mirum, in modum Aristotelica capit florere doctrina; eo fere tempore quo Petrus Lombardus in ordinem redegit sententias Patrum, dictaque Theologorum; unde sicut ob illam faciliorem docendi Methodum per antonomasiam postea dictus fuit magister Sententiarum, capitque publicè illius textus legi; ita etiam credibile est ob eandem causam ordinis, quem habet Aristoteles in tradendis disciplinis, qui certe in illo est valde suspiciendus, ut statim dicemus, fuisse etiam in academijs pro Philosophiæ magistro receptum, Philosophumque per antonomasiam appellatum.

Igitur cum ex bellis frequentibus, & acerrimis maximè, diutius interitum fuisse scientiarum studium, illudque renouandum nominatim Reges Gallie Parisijs præsertim contenderent; tunc primùm in academijs ab illis institutis circa annum Domini millesimum centesimum quinquagesimum Aristotelis libri inter Catholicos prælegi ceperunt, tanquàm omnium in Philosophicis magistrorum. Ex vnus autem academiarum celebrioris, ac primariæ more idem mos in alias deriuauit Academijs. Cum enim postea doctores ex illis insignes prodijissent, ac nominatim ex Parisiensis Academia omnes Theologorum principes, quique Scholarum antesignani Theologiarum fuerunt, Aristotelica informati doctrina eandem ætate suis tradiderunt; & sic deinceps hic mos adoleuit, modoque etiam viget in omnibus Academijs, & in omnibus etiam Theologorum scholis. Nec desunt plures efficacissimæ rationes, propter quas tunc, & in subsequentijs etiam doctioribus sæculis, cæteris Aristotelica Philosophia fuerit prælata, & licet Platonis, aliorumque Philosophorum à Græcis ad nos fuerint delati libri, adhuc tamen Aristoteli

loco haud alius è Philosophis repositus in academijs, scholisque inueniatur; & præ cæteris etiam non tantum doctrina, sed etiam sanctitate præstantissimi viri illum in Philosophicis tanquam ducem sequuti fuerint, S. Bonaventura, S. Thomas, Albertus Magnus, Ioannes Duns Scotus, alijque similes viri è Mendicantiũ maximè ordinibus.

Nam primò nullius Philosophia est adeò methodica, sicuti Aristotelica, in qua quæ apud Ethnicos Philosophos sparsa erant, magnà curâ collectas, distinctas, suo loco posita, & rationum trutinâ ponderata reperiuntur. *Secundò* nulla agit de tam multis; vel si laudatur Homerus, vt bonus; vel ex omnibus Græcis, vt optinuit Poëta: Hippocrates ob sua sapienter tradita de re medica, decreta, inter Medicos dominatur: Socrates vt vir bonus, modestus & in Ethicis versatus suam habet laudem: Plato ob variam eruditionem & dicendi maiestatem suo dignus est honore: certe vnus Aristoteles, vt is qui omnia, quæ alij norunt, in Rhetoricis, in Poëticis, in Logicis, in Physicis, in Mathematicis, in Metaphysicis aut Theologicis, & multo plura nouit, & quod sapientis signum est, ea absolute, quod de nullo alio legitur, alijs tradidit, omnibus præferri, ac pro magistro retineri debebat. *Tertio* cum nulla agat de tam multis vt Aristotelica Philosophia, nulla tamen tam breuis, & sine verborum leuocinio plurima cõprehendens reperitur. *Quarto* nulla asserre videtur rationes meliores, responsionesque solidiores; quod totum elegantissimo Plinij secundi testimonio lib. 7. Hicor. placet confirmare; *Legenti opera eius, inquit, attentè & diligenter, exoritur ingens admiratio: quàm ab ultimis principijs deducit abditissima & profundissima rerũ omnium? quàm acutè refellit aliena? quàm fortiter communit, & corroborat sua? quo ordine digerat singula? quod est in tradendis arribus perutile: quanta singulitate verborum? nihil est in eo vacans, aut inane; omnia solida, & plena; insignia*

finis

*finis lectorem afcitar, aut aliud agere, &c.*  
quæ apud citatū authorem fequuntur.

*Quintò* nulla eft magis clara fuum-  
que apertius explicans fenfum quàm  
Aristotelica Philofophia: Eft enim in  
illa verfari volenti, perfuafum efle de-  
beat, eam non efle omnino peruiam,  
imo potius multis in locis valde obfcu-  
ram; ac proinde eius lectionem non ef-  
fe accommodatam ijs, qui vix Gramma-  
ticam attingere, aut nondum ad aliquam  
ingenij maturitatem literarum ftudijs  
peruenere, fed potius vt ait præfatus au-  
thor, volunt Aristotelis opera lectorem  
ingenij nõ acuti tantum, fed etiam pro-  
fundi, folidi, fani, circumfpecti; volunt  
attentum, diligentem, imbutum lectione  
variorum authorum, & cognitione  
rerum multarum; adeò vt fi defint hæc,  
nihil Aristotelicis libris exiftimabitur  
afperius, infuauius, inamænus, quem-  
admodum nonnulli de eo iudicant, vel  
propter ignorantiam, vel propter tenci-  
tudinem ingeniorum, pondus non fe-  
rentes tantæ doctriinæ; quemadmodum  
infirmis oculis lux Solis, & dici molefta  
eft; qua nihil eft fanis & valëtibus ocu-  
lis iucundius. Efti, inquam res ita fe  
habeat iuxta præfati authoris fententiã,  
digniffimam certe, quæ ab omnibus, qui  
in Aristotele verfari volunt, quam dili-  
gentiffime obferuetur; nihilominus ta-  
men comparatiuè ad alios Philofophos,  
qui nefas efle putantes arcana Philofo-  
phiæ in vulgus palam proferre, vel æ-  
nigmatibus vt Musæus, Orpheus, Py-  
thagoras, & Plato, vel dictiõis genere,  
vt Heraclitus illa occultare conabantur;  
idem fecit Aristoteles clariori, melio-  
rique ratione. Nam fabularum, & æ-  
nigmatum, fivæ metaphorarum integu-  
mentis reiectis, quod facile in errorem  
inducant, id quod Philofopho cau-  
endum eft, tanta dexteritate verbis alio-  
qui proprijs, atque communi ftvlo Phi-  
lofophorum tradidit, vt quod faciendū  
erat præftiterit, hoc eft rudia ingenia à  
fuis fcriptis reiecerit, & ab induftrijs  
tandem intelligi potuerit. Nec aliam  
ob caufam puto Aristotelem fuiſſe ſe-

*Bibliot. Theol. Tom. I.*

ptam appellatum à Tertulliano, Cypria-  
no, & Epiphanio, niſi quod ſicut ſepia  
eſt piſcis genus, quod dum ſe capien-  
dum videt, vt piſcantis ſpem eludat,  
atramentum in aquas euomit, quibus  
infectis, eius manus elabitur; ita Ariſto-  
teles ad occultanda Philoſophiæ arca-  
na, quibusdam in locis minus clarè ſcri-  
bere voluit; vnde rectè in epiſtola, quã  
cum Alexandro de acromaticorum ſer-  
monum editione conquerente, ſe pur-  
gavit, dixit ſcito igitur eos eſſe editos,  
& non eſſe editos, cum ab ijs ſolùm co-  
gnoſci poſſint, qui nos audiunt.

*Sextò* denique nulla eſt Philoſophia  
perfectior, aut ſublimior Ariſtotelica;  
eſti enim ab aliquibus plures enumeren-  
tur illius errores; quindecim potiſſimū  
notat Aegidius Cardinalis Columna;  
oſto Cardinales Beſſarion, & Alliacen-  
ſis, Cornelius à Lapide in Encomio ſa-  
cræ ſcripturæ, num. 15. Sex verò præ-  
cipuos Melchior Canus lib. 10. de Lo-  
cis Theologicis cap. 5. Nihilominus ta-  
men melius dicunt alij Ariſtolelem cõ-  
tra fidem nihil apertè ſcripſiſſe, ſaltem  
que probabilem tribui poſſe expoſitio-  
nem textibus illis, qui communiter re-  
pugnare fidei dogmatibus dicuntur; quod  
de alijs Philoſophis dici non poteſt.  
Primū enim Stoici malè de diuinis ſen-  
ſerunt, cum Deum fecerint corporeum;  
vnde quamplurimi dimanant errores.  
Omnia fato, hoc eſt neceſſitate quadam  
fieri & gubernari dicunt, vnde Mani-  
chæorum, & recentium hæreticorum,  
turpiſſimus error. At Ariſtoteles Deum  
ab omni concretionem materiæ ſciungit,  
& contingentiam admittit; quam verita-  
tem totius penè Philoſophiæ fundamẽ-  
tum apertiſſime demõſtravit. Stoici ani-  
mos mortales faciebant: Ariſtoteles ve-  
rò nullibi hoc docuit, ſed potius ex cõ-  
muni Peripateticorum ſententia, contra-  
rium affirmavit. Nec ſolùm in Phiſicis  
ac Theologicis plura peccarunt Stoici,  
quàm Ariſtoteles, ſed etiam in morali-  
bus. Voluerunt enim virtutes eſſe ſcien-  
tias: affectus omnes eſſe malos, quod  
nunc nonnulli etiam docent hæretici:

E e 2

vicia

vicia esse paria: libertatem sustulerunt: cum tamen tam de his, quam de cæteris rebus ad mores pertinentibus rectè senserit Aristoteles, ut satis patet ex præclaris D. Thomæ commentarijs in eius opera moralia, & Chrysostomi Iauelli, aliorumque multorum; nec non ex eo quod idem D. Thomas nominatim in 12. & 22. tam multa desumpsit ex libris Ethicorum Aristotelis. De beatitudine pariter, licet ex D. Thomæ 3. contra Gentes cap. 48. Aristoteles aliquam circa illam passus fuerit angustiam, à qua nos liberamur per fidem, minus tamen bene Stoei senserunt, quam ille; qui non solum in virtute, sed etiam in speculatione eam posuit, nec solum vniuersè, sed etiam practicè eam considerauit, ac proinde ad eius usum fortunæ & corporis bona, ut instrumenta quædam ad multas virtutes exercendas requisivit; vnde etiam Theologi corporis bona ad plenam beatitudinem post hanc vitam requirunt; vt non solum mens, sed totus homo, qui animo & corpore constat sit beatus.

Quod si Aristotelica doctrina cum Platonica conferatur; primò de diuinis, si quæ varijs in locis suorum operum scripsit Aristoteles, spectemus, meliora nobis tradidit, quam Plato, quamuis hic fortasse plura. At præstat, vt ipse aliquando dixit in Theeto, pauca benè, quàm multa male definire. Quod enim pertinet ad Dei existentiam nullus rectiorem de illa attulit demonstrationem quam Aristoteles ex illo axioma quidquid mouetur ab alio mouetur; quo ad vnitatem 12. Metaphysicæ vnum esse Deum docuit; & ex infinita eius immaterialitate demonstraui. Accusant aliqui quod Aristoteles Deum nec coluerit, nec curauerit, sed errant, nam primo Topicorum ait; si quis disputare vellet Deum non esse colendum, aut honorandum eum verberibus esse castigandum: Item 1. Moral. Deum ait non esse laudandum, quia nimis hoc parum sit, sed esse tanquam principium principum honorandum; ibidem ait Deum esse

auctorem felicitatis. Dicunt. Aristoteles docuit Deum esse animal; sed errant imperitia linguæ Græcæ non enim scripsit Aristoteles Deum esse Zoon, id est animal, sed græcè Zon, id est viuens; deinde in Metaphysicâ eos irridet, qui Deum humana forma representant, & 8. Physicorum Deum docet esse indiuisibilem; vltra quod animal aliquando sumitur pro viuente, quo sensu Deus vocari potest animal, cum verissimum sit in Deo esse vitam, & Deum viuere. Irrident Aristotelem quod Deum superficiem cælorum alligauerit, atque adeo de eius immensitate minus benè senserit; sed hoc est falsum; etsi enim, fortasse accusandus sit Aristoteles, quod crediderit Deum per se proximè mouere primum orbem, & quod nullas posuerit substantias abstractas, aut separatas vltra cælorum numerum; non propterea tamen Dei immensitatem negauit, sicut nos, cum dicimus Pater noster qui es in cælis, non diffitemur Deum esse alibi: Deinde Aristoteles ait in libro de cælo, esse beatissimam mentem extra & supra cælum, quo sane nihil potest magis dici accommodum Theologiæ Christianæ assententi intamam Dei in omnibus rebus præsentiam. Dicunt insuper Aristotelem impietatem docuisse, dum Deum pati & necessitatis legibus subditum esse asseruit; sed facile etiam excusatur ab hac calumnia, si dicatur nihil aliud ex interpretum mente illum docuisse, quam immutabilitatem Dei & non reuocabile verbum, id enim quod semel fecit Deus, factum est; non quod non aliter disponere potuisset, sed quod semel decreuit inuolabile est. Tandem asserunt Aristotelem Deo denegasse rerum nostrarum & præsertim despectarum, aut paruarum curam; sed ab hoc etiam errore facile purgatur; si dicatur, quod doceat tantum Deum principalem creaturarum intellectualium curam gerere, vt ait lib. 10. Ethic. cap. 3. Qui ex intellectu operatur, huncque excolit, atque optimè afficit, is esse Dei carissimus videtur. Nam, si aliquam humanarum



narum rerum curam Dij habent; sicut videtur; consentaneum est ipsos re illa quæ optima est, atque ipsis maximè cognata delectari, qui est intellectus, eosque qui eam maximè amant, & honorant remunerari: vt potè qui eorum quæ ipsis sunt amica, curam habeant, rectèque & honestè agant. Non tamen inde sequitur Deum cætera quantumuis parua despiciere; nam ipsemet Aristoteles ait Deum esse largitum non tantum mentè, sed & manū, & r. de partibus animalium nos debere admirari in vilissimis animalculis vt in formicis, in araneis ingenium Dei. Alibi docet Deum vniuersa compleuisse; & certè si ex eodem terra, vt grauior, debuisset omnino aquis contegi, & tamen ad animalium terrestrium & acreorum commoditatem bona eius pars apparet; quis neget cum diuinam in hoc agnouisse prouidentiam, qua præter naturæ ordinem factum est, vt terra, aliqua parte, sit mari superior. Quod diuinæ prouidentie beneficium mirifice Psalmo 103. regius prædicat Propheta. Ex quibus satis apparet, quàm vanè Patrius lib. 1. disculs. Peripatet. & Gassendus exercit. 3. contra Aristotel. asseruerint impiam, & falsam esse omnem de Deo doctrinam ab Aristotele traditam.

Deinde in Physicis circa mundi ortum minus malè sensit Aristoteles, quàm Plato, qui posita elementorum æternitate, de nouo factum esse putauit; vltra quod Aristoteles non intendit demonstrare æternitatem mundi, sed disputatiuè tantum procedere, vt docet D. Th. 1. par. quæst. 46. art. 1. in 2. dist. 1. quæst. 1. art. 5. de potentia quæst. 3. art. 17. de cælo lect. 1. Et quamuis existimet aliqui Aristotelem non ita dilucidè, vt Plato fecit, de immortalitate animorum esse locutum; tamen ille animam conformiter ad fidei nostræ principia veram corporis formam fecit, hic non item, & certè, in doctrina de anima, plura extant Platonis, quàm Aristotelis errata. Cum etiam ipse disertissimè animæ humanæ indeficientiam seu immortalitatem asseruerit pro vt Chrysostomus Ia-

uelli in egregio de hac materia opusculo tomo 2. suorum operum demonstrat, defendendo Aristotelem contra Herueum, Scotum, Caietanum, & Petrum Pomponatium Mantuanum; quorum primus quodlibeto 1. quæst. 11. asseruit Aristotelem hac in re fuisse semper dubium, magis tamen declinasse ad partem negatiuam, scilicet, quod anima, non remaneat post corpus; Secundus in 4. sent. dist. 43. quæst. 2. primò dicit, dubium esse quid in hoc de animæ immortalitate senserit Aristoteles; Secundò, non omnia assertiuè dicta, & pro certo existimata à Philosophis, fuisse ab eis probata per necessariam, & inuincibilem rationem naturalem, sed frequenter non habuisse, nisi probabiles persuasiones, vel famosas præcedentium Philosophorum opiniones. Tertijs quoad hoc propositum declinans à via D. Thomæ, non solum tenet Aristotelem fuisse dubium; sed pro certo sensisse animæ mortalitatem. Quartus duobus editis de hac materia libris, in primo conatur omni via ostendere Aristotelem tenuisse animæ nostræ deficientiam; in secundo autem, quem composuit contra Augustinum Nisum Sueffanum tenentem oppositum adeò multiplicat rationes ad astruendam mortalitatem animæ, quod videtur non solum hoc tenere de mente Aristotelis, sed simpliciter, licet verbo aliter sentire apud homines suaderet, vt Christianam legem professus. Ab hac eadem iniuria doctè, & eleganter Aristotelem vindicat Cardin. Augustinus Oregius in libello, quem de hac materia conscripsit Romæ anno 1632. Vnde non est quod amplius in hac re immoremur.

Quod spectat ad alias materias Philosophicas, scio plures Aristotelem impugnasse: Petrus Ramus categorias Aristotelis falsas, ineptas & inutiles esse voluit lib. 4. Scholarum Dialect. Campanella cælum & elementa sentire & esse animalia docuit in lib. de sensu rerum contra Aristotelem; Gassendus pro falso habet quod docuerit Aristoteles, acci-

cident tantum prædicari secundum nomen, non verò secundum rationem; Subalterna esse opposita; priuationem esse principium; ex nihilo nihil fieri; contraria non fieri ex contrariis; non esse numerum quò non sit maior, sed esse magnitudinem quò non sit maior, v.g. magnitudinem mundi à Petrus Pomponatius lib. de causis admirandorum, & iterum Campanella lib. 4. de sensu rerum & vniuersi cap. 18. refellunt Aristotelem docentem non dari actionem in distans, dum asserunt verbis inesse vim magicam in absentes. Idem Campanella in pro-dromo nouæ suæ Philosophiæ reijcit definitionem loci ab Aristotele traditam; docet contra illum formas non latere in materiæ sinu, sed omnes esse portiones causarum agentium; Bernardinus Telesius, & Franciscus Patritius asserunt aquam esse calidam, humidam, non frigidam vt voluit Aristoteles. Franciscus de Verulamio Anglus in historia vitæ & mortis, titulo de longæuitate vitæ, contraria Aristoteli docet de longæuitate, & breuitate vitæ hominum; dum ait primo regionibus frigidioribus, & hyperboreis diutius homines viuere, quam calidioribus; secundo citius, aut serius caluescere, esse rem indifferentem, aut etiam fallacem ad longæuitatem vitæ, aut breuitatem astringendam; tertio pro analogia corporis, caput minutius longæuitatem vitæ prænuntiare; quarto palmam manus minus lineis exaratum esse signum longæuitatis; quinto qui liberè viuunt, vt cædaces, & Epulones, & qui liberaliore mensa vtuntur esse longæuiore; sexto vitam Philosophicam magis contemplationibus occupatam non obesse vitæ longæuitati. Iam citatus Telesius, & Villonius contra eundem Aristotelem volunt ignem esse humidissimum, & terram leuiorem aqua; Patritius, Gassendus, & Campanella de infinito, de vacuo, de ideis, de lineis, de Galaxia sententiam Aristotelis, tanquam ineptissimam reijciunt; similiter quod docuerit exminuam non esse spermam; à rebus obiectis emitti species, seu imagines in

oculos; in aliqua linea, v.g. in baculo, nec esse primam nec vltimam partem; Ramus, Ludius, Patritius, Gassendus asserunt nec Aristotelem, nec vllum peripateticorum vsum dialectices nouisse. Quorum omnium, & aliorum similitum à præfatis authoribus Aristoteli obiectorum, vel contra eum assertorum cum multa sint absurdissima, & improbabilia, vt satis demonstrat Ianus Cæcilius Frey in opusculo, quod inscripsit, Cribrum Philosophorum qui Aristotelem oppugnarunt; non est cur inde Aristotelis doctrinam in Philosophicis tanquam minus veram, aut saltem alijs minus probabilem reijcere, aut à Scholis exulare debeamus.

Quæ omnia etsi vera sint, non tamen propterea sequitur, (quod est altera nostri dicti pars) non sequitur, inquam, tantum esse Aristoteli, eiusque Philosophiæ tribuendum, quantum ab aliquibus tribuitur; quasi præscripserit sibi Deus in formando, & perficiendo Aristotele omnes suæ potentie vires, ita vt rerum omnium naturalium perfectam cognitionem illi tribuerit, plusquam forsitan etiam Salomoni, vel protoparenti Adamo; quasi consequenter de omni natura id solum sentiendum sit, quod ab eo scriptum fuit, ita vt nihil certius afferri possit, & nihil euidenter impugnari, quod ille fanciuerit. Cum ipsemet Aristoteles sapienter dixerit, quod ab omnibus, qui ad Philosophiam se conferunt, perpetua memoria conseruari deberet, humanæ mentis aciem ad ea quæ sunt naturæ manifestissimam, non secus se habere, atque nocturne oculos ad lumen Solis, & alibi lib. 2. Polit. difficile esse rectè præstare omnia. Deinde quot in locis, seipsum hominem agnoscens, ait se disputare verisimiliter, Logicè, & de quibusdam dubitanter, & nihil temere esse asserendum, & in omnibus non esse requirendas rationes mathematicas: Igitur, vt alia plura omitam quæ possent ad præsens institutum adduci, concludendum est maiores nostros iure optimo in humana Philosophia, cum melior non

ha-

## Sectio V. Caput XIII. 223

habeatur, cum in ea nihil sit aperte contrarium supernaturalibus fidei nostræ mysterijs, quodque benignè in bonum sensum explicari non possit. Aristotelem pro magistro elegisse, & alijs prætulisse, sed non omnino ut plenum, atque perfectum naturæ miraculum; maxime cum Aristotelis scripta multifariam fuisse vitata doceant auctores inferius citandi.

Circa doctrinæ Aristotelicæ progressum, notandum est discipulorum, & interpretum Aristotelis alios fuisse Græcos, alios Arabes, alios Latinos. Igitur ex Græcis defuncto Aristoteli proximè successit Theophrastus, tanta auditorum multitudine nobilitatus, ut duo millia discipulorum scholæ eius frequentarent, vixit ad octoginta quinque annos. Post Theophrastum insignes fuerunt Strato Lampfacenus cognomento Physicus, & Demetrius Phalereus; ille magister fuit Ptolomei Philadelphi Secundi post Alexandrum Magnum, Aegypti Regis, à quo talentis octoginta donatus est, cepit autem præfesse Scholæ Olympiadæ centesima vigesima tertia, quam annis decem & octo tenuit. Demetrius autem Phalereus ob præclara eius in rempublicam Atheniensem merita, decennali vrbis præfectura, & trecentis sexaginta æreis statuis honoratus est, sed quas mox Athenienses confregerunt, nondum elapso anno hunc dicrum numerum excedente, ut ait Plinius lib. 34. Historia cap. 6. Hic Demetrius, Bibliothecam Alexandrinam, cui augendæ ac locupletandæ à rege præfectus fuerat, quingentis circiter librorum millibus ornauit, eiusque suasu Rex Philadelphus, duobus & septuaginta viris, sapientia, & lingue Græcæ, ac Hebrææ peritia apud Iudæos præstantissimis, ab Eleazaro tunc Pontifice ad ipsum missis, mandauit ut Sacram Scripturam ex Hebræo in Græcū sermonem, quàm fidelissimè verterent, quæ postea septuaginta translatio appellata est. Demetrii propè æqualis fuit Hieronymus Peripateticus, sæpè à Cicerone nominatus, Multi deinde diuersis temporibus in secta Peripatetica ex-

celluerunt; præsertim circa Olympiadem centesimam quinquagesimam primam, paulò antè Machabeorum principatum Clarus fuit Aristobulus Iudæus cognomento dictus Peripateticus, cuius initio Secundi libri Machabeorum fit mentio. De hoc quoque Clemens Alexandrinus lib. 1. Stromat. & Eusebius in libris de præparatione Euangelica referunt scripsisse commentaria in libros Moysis ad Regem Aegypti Ptolemæum Philometra, in quibus docet, scripta Moysis ante Alexandrum, & Persarum imperium in Græcam linguam, licet non bene, fuisse traducta, eaque à Pythagora, Platone, alijsque Philosophis esse lecta, ut mirum videri non debeat, si multum in disciplina Pythagorica, tum, verò in Platonis libris, eorum quæ leguntur in sacris litteris, simillima reperiantur: sed de hoc infra redibit sermo.

Cicerone iam sene, princeps Peripateticorum illius temporis, fuit Cratippus, quo magistro, filius Ciceronis Philosophiæ operam dedit; Boethus Peripateticus, æqualis fuit Strabonis Geographi, qui libro 13. ait se cum Boetho Aristotelica dogmata fuisse Philosophatum; vixisse autem Strabonem imperante Tiberio Cæsare, ipsemet testatur ibidem. Postea circa annum ab ortu Domini ducentessimum imperante Septimio Seuero floruit Alexander Aphrodisæus qui omnes penè libros Aristotelis diligenter, & accuratè interpretatus est; qua in re tantum nomen, tantumque authoritatem comparauit, ut nemo olim Aristotelæus haberetur, qui non esset Alexandræus. Paulo post aliqui inter Aristotelis discipulos reponunt Porphyrium, quamuis alij magis Platonis, quam Aristotelis studiosum fuisse probent, ut satis declarant eius scripta; sed alij melius ne Philosophum quidem appellandum volunt, hominem vsque adeò impijs superstitionibus, & magis fallacijs deditum. Fuit certè Christianæ religionis nequissimus Apostata, & hostis acerrimus: Themistius Philosophus, qui para-

paraphrastica, eaque perspicua, & eleganti multorum librorum Aristotelis explanatione, magnam laudem inuenit, tempore Valentis Imperatoris floruit, ut demonstrat Ecclesiastica historia Socratis lib. 4. cap. 27. idemque confirmat Nicephorus Calistus lib. 18. cap. 50. Nec ab his differt Suidas scribens eum vixisse sub Imperio Iouiniani; cum Iouinianus octo dumtaxat mensibus imperauerit; post quem proximè Valentinianus, & Valens Imperium acceperunt. D. Augustinus in eo libro quem de Cathegorijs Aristotelis scripsit, Themistium eximium Philosophum appellat, eumque & suæ ætatis & magistrum suum fuisse significat. Simplicius in exponendis Aristotelis scriptis nulli secundus, Iustiniano Imperatore vixit, ut Suidas inquit, vbi de Damascio Philosopho verba facit; quo ferè tempore claruit Severinus Boethius, vir genere, dignitate, poeseos, Philosophiæ, ac Theologiæ præstantia nobilissimus. Ioannem autem Philoponum, haud ignobilem Philosophum, nec obscurum Aristotelis interpretem, sub Phoca Imperatore vixisse, significare videtur Nicephorus lib. 18. cap. 46. Verùm cum Simplicius non rarò eum acerbè mordeat, & conuicijs laceret, eiusque sententias decretis Aristotelicis contrarias reprober, magno argumento est eum fuisse antiquiorem, aut saltem eiusdem Simplicij æqualem.

Inter Arabes Philosophiæ Aristotelicæ Sectatores, celebriores fuerunt Auempace, Alpharabius, Auerroes, & Auicenna Hispalensis Medicus insignis, sed religione infamis, Mahometanus enim erat. Et quamvis aliqui potius Auicennam, quam Auerroem legendum putent, quod eius scripta omni memoria à grauissimis hominibus probata sint, & quod vnus inter omnes Arabes proximè ad verum Philosophiæ Christianæ decus, & laudem accessisse videatur; nihilominus tamen, quando Aristotelis Philosophia inducta est in Academias Catholicas recēs institutas, simul quoque Auerrois interpretatio fuit ad-

missa, adeoque eò ignorantia seculo laudata, vt commentatoris nomen illi delatum fuerit; qua certè laude dignus non videtur. Etsi enim negari non possit quin habeat aliqua firma, plura tamen aliundè accepta, multisque erroribus aspersa sunt; præterquam quod à multis existimatus fuit homo impius, Atheusque, & Christianæ Religionis, quæ suo tempore (floruit enim à Natiuitate Christi anno circiter 1150.) valdè dilatatæ erat, ipsique cognita, insensissimus. Sed de hoc commentatore, quantum sit faciendus, qui plura scire vulerit, legat non minus veram quam grauem censuram à viro docto Ludouico Viues in eum latam lib. 5. de corrupt. art. rom. 1. vbi merito eos dementes vocat, qui Auerroem Aristoteli parem, & Sancto Thoma superioriorem facere ausi sunt.

Tandem ex Latinis antiquioribus, hi celebriores haberi debent Philosophiæ Aristotelicæ Sectatores, Boethius, Albertus Magnus, Diuus Thomas, Accidius Romanus, & Scotus; qui etiam omnibus alijs tam Græcis, quam Arabibus expositoribus sunt præferendi. Etsi enim Græci, vniuersè loquendo, in exponendo aliqua parte Latinos superent, quia cum linguam callerent, accuratius propriam verborum significationem explicare potuerunt; Superantur tamen, quia Latini, quod præcipuum est, diligentius obscuritatem illam Aristotelis, textum, vt loquuntur, distinguendo remouent, ac etiam subtilius, quæ dicuntur perpendunt, & examinant. Adde quod illi interdum solent esse verbosiores, hi vero paucioribus sunt contenti; vt sanè esse debent, qui philosophicè scribunt, quia vt nimis concisa, explicatio rem non illustrat, ita nimis dilatata eandem dissipat. Expositores autem Arabes Græcis, & Latinis expositoribus postponendi iudicantur. Quoniam illi, vt plurimum, vsi sunt codicibus minus puris, quam hi: & quasdam magis leues opiniones sectari solent, vt is facile cognosceret, qui eorum in vniuersa Philosophia errores animaduerte-

ret:

ret: vt omittam, quod omnes fuerunt mahometiſmo, vel alia falſa religione, infecti, atque vt magis impij, minus veritatis lucem videre potuerunt.

Sed vt Latini Græcis, & Arabibus ſimpliciter & abſolutè ſunt anteponendi; ita inter Latinos D. Thomam alijs præferendum eſſe non ſolum grauiffimorum virorum autoritate comprobatur, ſed etiam ex præclaris commentarijs, quibus primus inter Latinos omnes fere Ariſtotelis libros illustrauit, Logicos, Phyſicos, Metaphyſicos, Morales, & Politicos; & quosdam vt melius exponeret, viros Græcè eruditos adhibuit. Qua in re iudicium ferens Hieronymus Vieln. lib. 2. de doctrina. D. Thomæ ait: Diuus Thomas in explicando Ariſtotele totus eo incumbit, vt verba diligenter conſideret, eorumque ſententiam fideliter magis, quam eleganter exprimat, & Sepiam illam (vt priſci Ariſtotelem nuncupabant) attramentum effundentem, ſenſimque fugientem, Lynceus ipſe & prudens, tanquam Delius quidam natator inſequitur, apprehendit, detinet. Quamobrem hiulca explet, complicata aperit, conſuſa diſtinguit, mutila ſarcit, contextum ipſum particur, diſtribuit, connectit; diſcuſſiſque ambiguitatibus nebulis, quæ interdum emergere circa ipſum ſolent, obſcura quæque breuiſſimè quidem, ſed attamen, ita illustrat, vt Expoſitoris nomen, nemine penitus diſſentiente obtinuerit. Auguſtinus quoque Niſus, vt innumeros alios præteream, de eodem D. Thomæ tale teſtimonium tulit: Hunc habemus, non modo in his phyſicis cõmentationibus, ſed in libris alijs fidum ducem, cui etiam non ſine cauſa, nomen expoſitoris tributum eſt. Illo enim (pace Græcorum expoſitorum dixerim) curioſior, aut vberior, aut, quod rarum eſt, clarior inuentus eſt nemo. Vnde, meo quidem iudicio, omnis Latij, omniſque Philoſophiæ decus ſemper habendus eſt. Sed de hoc nunquam ſatis laudato Philoſopho, & omnium Theologorum principe, Angelicoque docto-  
*Biblioth. Theol. Tom. I.*

re redibit ſermo infra libro 5. huius operis agendo de principibus Scholarum Theologicarum eorumque methodis in tradenda ſacra doctrina obſeruat.

Circa anthores, qui de rebus ad Ariſtotelem, eiufque doctrinam pertinentibus aliquid ſcripſere, præter ſuperius citatos, videri poſſunt inſuper omnes fere illi, qui in libros, vel vniuerſos, vel priuatos Ariſtotelis ſcripſerunt, in ſuis præſationibus, & prolegomenis; Andree Cæſalpini Aretini peripateticarum quæſtionum libri quinque; Bernardi Copij Idea, ſiue partitio totius Philoſophiæ ex Platone, & Ariſtotele; Chriſoſtomi Iauelli quæſtiones, & epitomes in vniuerſam Ariſtotelis Philoſophiam; Auguſtini Valerij de recta ratione Philoſophandi libri duo, eiufdem præſationes in varias partes Philoſophiæ, qua ratione in Ariſtotele verſandum ſit; Georgius Gemiſtus de Platonis, & Ariſtotelis Philoſophiæ differentia; Iacobi Carpentarij comparatio Platonis cum Ariſtotele; Ludouicus Carbo libro tertio introductionis in vniuerſam Philoſophiam, Fortunij Lyceti libellus de pietate Ariſtotelis, & tandem plures alij inferius citandi lib. 3. ſect. 7. qui vel in omnes vel in ſingulas Philoſophiæ partes aliquid ſcripſere. Ioânis Iacobi Breueri proœmium peripateticum; Sebaſtianus Foxius de natura Philoſophiæ, ſeu de Platonis, & Ariſtotelis conſenſione.

#### C A P V T X I V.

*De Stoicorum, Philoſophiæque Stoicæ autoritate.*

**P**hiloſophiæ Stoicæ principium dedit Zeno, nomen vero *Stoa*, latine *porticus*, in qua primum doceri cæpit, quæ *Piſanatheæ* olim dicta, poſtea picturis variè à Polygnoto decorata, nomen illud *Porticus*, ſue *variæ* accepit. Zeno igitur ille, quem primum Philoſophiæ Stoicæ auctorem facimus, fuit Zeno Citicus, præter illum enim fuerunt

F f

runt

runt alij Zenones, & speciatim duo, de quibus interdū apud Scriptores firmerio: alter Eleates Parmedinis auditor, quem Dialecticæ inuentorem faciunt, & in perferendis cruciatibus patientissimum: alter Epicureus, Ciceroni æqualis, de quo lib. 1. de nat. Deor. meminit quem Philo coryphæum Epicureorum appellare solebat. Porro Zeno ille, de quo hic sermo habetur, dictus fuit Citricus, quia è Citrio Cypri oppidulo ad mare ortus; Strabo lib. 14. *Citrium, habet portum qui claudi potest, illinc ortus Zeno, Stoica sectæ dux & princeps: Diogenes: Zeno Citricus, & Cypri oppidulo Græcanico, sed quod Phœnicas incolat habuit. Suidas hoc ipsum: Pannus cognomine dictus est Zeno, quoniam Pannus (Græce Phœnicus) incola oppiduli fuerunt. Cicero 4. de finib. huc spectat, aut qui apud eum Zenoni illudunt: Tuus ille pennis (scilicet enim Citricus, clientes tuos: & Panicia profectus) verba versare capit: & 5. Tullius. Zeno Citricus, aduena quidam, & ignobilis.*

Is cum prius mercaturam faceret, audit naufragio, dixit, quàm benè fortuna facit, quæ nos ad Philosophiam impellit. Athenas itaque profectus, annos triginta natus, Cratis Thebani Philosophi Cynici auditor fuit: Postea in porticu docere coepit: ex quo loco eius discipuli qui prius Zenonij dicebantur, Philosophi Stoici nuncupati sunt, ut iam supra notauimus. Floruit circa Olympiadem centesimam decimam octauam: annos quinquaginta & octo scholæ præfuit: ætatis verò suæ anno nonagesimo octauo nullo confectus morbo, è vita discessit: publiceque sepultus fuit, ex decreto Atheniensium in *Ceramico*: cui Paulanias nō repugnat, dum *monumentum Zenonis, & Chrysippi Solensis*, extra urbem ponit, prope Academiam: quia duplex scilicet *Ceramicus*, & in urbe via, & extra urbem ager, ubi sepeliri solebāt de republica bello, vel aliter benè meriti.

Plurimi clarissimique viri post Zenonis obitum huius Sectæ Stoicæ stu-

diosissimi fuerunt, inter quos primus fuit Cleanthes, qui *Fremitus* ioco dictus, à labore quem noctibus sumebar, *puteos exhauriendi*; ut diem studiis, & alimenta sibi daret, ex Diogene, & Seneca epist. 44. Patria *Affus* fuit, vrbs Acolidis: quod & Strabo sic testatur lib. 14. *Natura & arte munita est Affus, à mari & portu arduum & difficilem ascensum prabens. Cleanthes Stoicus Philosophus, qui Zenoni Citrico successit in Scholâ, & eam Chrysippo Solensi reliquit, hinc natus est. Simplicius comment. ultimo in Epict. Statuam Cleanthis admirabilem uidisse se testatur, in ipsa Affo, magnificentia Romani Senatû specimen, viri eius honori dedicatam. A Cicerone lib. 3. de nat. Deorum Pater Stoicorum dicitur: & lib. 4. Academ. quæst. Maiorum gentium Stoicus. Meruit hæc & plura elogia, ipse quoque vita ac scriptis egregius; & multa horū verſu Iambico complexus. Fragmenta docent. Longeuus item, & Zenonis annos dicitur æquasse. ex Diogene Laertio, & Luciano in Longeius. Item inter Zenonis *gnorimos*, id est discipulos, philosophantium lingua recensentur simul cum Cleanthe Perſæus & ipse Citricus, Erillus, siue potius Herillus, qui omnia ad scientiam reuocauit, & eam vnum bonum esse: Aristobius item à patria, & Athenodorus Solensis.*

Cleanthi postea successerunt duo eius discipuli, Sphærus cui patria *Bosphorus*, vnde Bosphoranus, & Chrysippus, cui *Soli* vrbs Ciliciæ, postea *Pompeopolis* dicta: quod prædones ibi Pompeius locasset. Diogenes Laertius ambigit an non *Tarsensis* fuerit: Strabo lib. 14. definit, *Chrysippum Solensem, patrem verò Tarsensem: sed huc commigraſſe. Mirifice hunc laudant; & doctrina sanè multa, lectione, atque scriptione fuit: adeo ut volumina reliquerit ad sepringenta & quinque. Quo circa non inſulſe ab aliquibus Coriphæus Stoicorum, eorumque porticum humoris suis fulcire, ac sustentare dictus est: dignusque habitus cui statua ab Atheni-*

nienſibus poſceretur, in Ceramic ſe-  
niori. Vixit annos LXXIII.

Chryſippum exceperunt Diogenes,  
cognomento *Babyloniſ*, non quia verè  
ibi natus, ſed à vicino & notiore loco ſic  
dictus. Et Zeno Sidonius; ambo Chry-  
ſippi diſcipuli, quamvis firmiter non  
ſciatur quis eorum in Schola Chryſi-  
ppo ſucceſſerit. Diogenis poſtea diſci-  
puli fuerunt Antipater Sydonius, & Ze-  
nodotus ex Laertio. Hunc Antipatrum  
Seneca epiſt. 92. inter magnos Sectæ  
Stoicæ authores reponit: nominat & E-  
piſtetus lib. 3. diſſert. 21. velut inter  
Triumuiros. Reperitur & Antipater Ty-  
rius, item Stoicus: qui Catoni Veicenſi  
ex Plutarcho in eius vita, in adoleſcen-  
tia doctus, atque adeò in contubernio  
Romæ fuit: eſtque ille de quo Cicero  
lib. 2. de offic. *Antipater Tyrinus Stoicus*,  
*qui Athenis nuper eſt mortuus*. Verius  
autem hunc diuerſum à priore eſſe: ſi-  
cut & *Antipatrum Tarſenſem*, quem in-  
ter illuſtres Stoicos Strabo lib. 14. no-  
minauit: & Lipſius lib. 1. manuduſt. ad  
Stoicam Philoſophiâ ſuſpicatur ex Cle-  
mente Alexandrino, fuiſſe Cleanthis  
diſcipulum.

Antipatri Sidonio, Panætius, ille in-  
chytus, & inter apices; Panætio, Poſido-  
nius, Aſclepiodorus, & Apollonius di-  
ſcipuli fuerunt: ex Cicerone lib. 1. de  
diuin. *Poſidonij doctus, diſcipulus Antipa-  
tri, Panætius*; quem etiam in ſcribendis  
officijs ſequutus eſt. Ex Romanis quo-  
que proceribus Philoſophiæ Stoicæ a-  
maioribus eminent *Cato Veicenſis*, &  
qui Cæſarem occidit Brutus. Tandem  
Nerone imperante, duo præſtantiſſimi  
Stoici fuerunt, vnus Seneca, alter Epi-  
æctus. Et quod pertinet ad Senecam,  
eſt aliqui, inter quos Iuſtus Lipſius li-  
bro 1. manuduſt. ad Stoic. Philoſophiâ,  
nec in modum illum atollant, eoque  
potiſſimum, quod Tertullianus ſepe no-  
ſtrum, Auguſtinus *Apoſtoliſ familiarem*,  
Hieronymus panæt è *Sanctorum* nume-  
ris fuiſſe dicant, non deſunt tamen plu-  
res qui exiſtiment, quod ſicut plura ſui  
ingenij monimenta, ita & plura & infi-

*Bibliot. Theol. Tom. I.*

gniora impietatis ſuæ argumenta reli-  
querit, quæ omnia breuiter ad quatuor  
capita reuocant. In primo de Dei pro-  
uidentiâ dubitat lib. 2. epiſt. 16. *Dicit  
aliquis. Quid mihi prodeſt Philoſophia,  
ſi fatum? quid prodeſt, ſi Deus reſtor eſt?  
quid prodeſt, ſi caſus imperat?* Subijcit-  
que. *Quidquid eſt ex his Lucili, vel ſi  
omnia hæc ſunt, philoſophandum eſt &c.*  
Alterum caput eſt omnis timoris Dei, &  
ſupplicum ad Deum precum abolitio li-  
bro 4. epiſt. 29. & lib. 15. epiſt. 96. poſt  
medium omnia externa religionis offi-  
cia damnat, eaque de Deo dicit quæ  
omnem eius cultum & metum euertant.  
Et ſi libro 1. epiſtola 10. vult Deum ab  
homine rogari, docet ita rogari debere,  
vt non tam ab eius bonitate, & miſeri-  
cordia ſperetur quod poſcitur, quàm  
pro iure & debito ſuperbè exigatur. *Vo-  
torum, inquit, tuorum veterum licet Djs  
gratiam facias alia de integro ſuſcipe, ro-  
ga bonam mentem, bonam valetudinem  
animi, deiude corporis. Quidni tu iſta  
vota ſæpe facias? Audacter Deum roga,  
nil illum de alieno rogaturus. Quo oran-  
di ritu quid inſolentius, quid intolerabi-  
lius fingi poteſt? eodem ſpectat di-  
ctum illud, quo ſuæ philoſophiæ ſum-  
mam complectitur epiſtola 20. Huc co-  
gitationes tuæ tendant, hoc cura, hoc opta,  
omnia alia vota Deo remiſſurus, vt con-  
tentus ſis ſemetipſo, & ex te naſcentibus  
bonis. Eſtque hoc tertium impietatis  
Senecæ caput, quo ſuum ſapientem Deo  
exæquat, adeoque liberum facit, vt nec  
Deum ipſum placatum curet nec offen-  
ſum timeat epiſtola 8. 9. 41. 73. aliàs  
74. 90. aliàs 91. Quartum denique ca-  
put eſt viuere ſecundum naturam epi-  
ſtola 5. de quibus vide Ioannem Bago-  
tium in Apologetico fidei lib. 5. diſp. 3.  
cap. 3. ſectiõne 4. Nunc ad Epiæctum  
veniamus.*

Clarum igitur aliud Philoſophiæ  
Stoicæ ſidus ſe oſtendit Epiæctus: æuo,  
non merito, poſterior Seneca: & Scri-  
ptorum pondere, ſi non numero, com-  
parandus, vita præponendus, ex Lipſio.  
Ille vir totus à ſe & à Deo, nihil à for-  
tuna

FF 2

tuna

tuna fuit. Origine vilis, & inter seruos; corpore claudus ac debilis; mente nobilissimus, & inter omnes xui lumina refulfit. Natus Hierapoli Phrygiæ oppido tradunt Romam traditum seruisse seruitutem Epaphrodito Neronis, qui fuit à custodia corporis illi principi: claudum autem, e distillatione in eam partem corporis illapso. Hæc ferè Suidas: Agellius etiam, qui virum admiratus est, refert lib. 15. cap. 11. pulsum fuisse Roma edicto illo barbarico Domitiani, quo Philosophos omnes ab vrbe relegauit: & in Epirt Nicopoli diè vltimum obiisse. Aiunt ad Marci Antonini Imperatoris tempora durasse; vnde, cum à Neronis morte, ad initia Marci Antonini, sint anni admodum nonaginta quatuor, rectè colligit Lipsius, nonnisi puerum sub Nerone vixisse. Scripta eius pauca exstant: *Enchiridion* sane egregium, & Stoicæ moralis Philosophiæ velut anima, in quod Simplicius Philosophus eruditus edidit commentarios. Item *dissertationes*, quas obiter in via, domo, schola habuit, ab Arriano collectæ & digestæ. Neque omnes etiam exstant: sed in Agellio & Stobæo reperies, quæ hic requiras.

Marcus quoque Antoninus post Epicteti tempora Apollonii, Sexti, Iunii, Rustici aliorumque Stoicorum disciplina excoltus, illius studiosissimus fuit, eaque sapientia (quam præferunt quoque illius libri) fortuna etiam in bellis celeberrimus, ac probitate fuit, vt aurea Saturni sæcula retulisse censeretur, nemoque cum finis illi duceretur, plângendum putauit, certis omnibus (sic habet Capitolinus), quod à Dijs commodatus ad Deos rediisset.

Quid plura, vt inter Sanctos Patres, Catholicosque doctores fuerunt quam plurimi Platonici, & Aristotelici Philosophi additi, ita etiam inter illos non defuerunt, qui Stoicam amplexi sint Philosophiam, illamque ex professo docuerint. Primus occurrit S. Pantænus, cuius dies festus in Martyrologio Romano reponitur 7. Iulij: is enim ob præ-

cipuam eruditionis, & sanctitatis gloriam in Indiam missus, vt Christum apud Indos, illiusque gentis Philosophos prædicaret, cum Alexandriam reuersus fuisset, ibi plurimum spatio annorum nobili præfuit scholæ, in qua Stoicam profitebatur doctrinam; cui postea successit S. Clemens Alexandrinus: de quibus vide Eusebium lib. 5. cap. 10. & Cardinalem Baronium tomo 2. Annal. Ecclesiæ. ad ann. 185. in notis ad Martyrolog. 7. Iulij.

Nostis tandem temporibus Stoicæ Philosophiæ, rerumque ad illam pertinentium studiosissimi fuerunt duo egregij viri Iustus Lipsius, & Gaspar Scioppius: quorum primus conscripsit manu ductionis ad Stoicam Philosophiam libros tres; & alios tres Physiologiæ Stoicorum: Secundus verò elementa Philosophiæ Stoicæ moralis; cuius duæ potissimum fuerunt partes, decretorum videlicet: & præceptorum, illam Græci *Dogmaticam* appellant, hanc *Paræneticam* nos reddere decretoriam, & præceptoriam possumus. Aptæ diuisio, nam sicut Philosophiam totam bipertitam fecerunt omnes antiqui, *Contemplatiuam*, & *Actiuam*: vtrique ecce parti ductorem suum dederunt Stoici, & (Senecæ verbis epistola 94.) *contemplatiuam institutio tradit, actionem admonitio*. Institutio, id est, decreta. neque enim vlla ars sine ijs est: quæ alij *Axiomata*, *Enuntiata*, aut *essentia* appellant: Stoici *Dogmata*, quæ nobis vel decreta licet appellare, vel scita, vel placita. Apuleius etiam *consilia* vertit: Nihilque aliud sunt, quam generalia quædam capita, & velut leges, ad quæ reliqua omnia: Doctrinæ vel examinentur, vel referantur: sicut præcepta sunt specialia. Quid enim, inquit Seneca epist. 94. *interest inter decreta philosophiæ, & præcepta, nisi quod illa generalia præcepta sunt hæc specialia?*

Quod pertinet modo ad Stoicorum doctrinam, siue Philosophiæ Stoicæ dignitatem, vt omitram innumera scriptorum Ethnicorum testimonia, vincti  
Dini



Diui Hieronymi ad illam commendandam sufficiat; qui in cap. 11. Itaque affirmat *Stoicos Christiano dogmati in plerisque convenire*: pro ut citatus Gaspar Scioppius probare conatur cap. 134. & 135. Elementorum Phil. Stoic. clareque patebit consideranti finem Stoicæ disciplinæ, qui fuit virtutibus, illisque eximijis hominum animos exornare, vitijs prius relegatis, animi motibus temperatis, siue ad moderationem reuocatis. Sic de Sancto Carolo Borromeo legimus, sepe factum esse, se Epicteti libris impulsam fuisse ad humanarum rerum contemptum Diuinarumque amorem; quod & sibi euenisse testatur Lipsius libro 1. manu duct. ad Stoic. Philosoph. dissertat. 17. & dissertat. 19. Ego, inquit, Senecionem illum nunquam lego, nisi cum interno animi motu: & quod Homero propriam, pluris facio cum relege, semper ut nouum, & cum repetui repetendum.

Attamen ut Platonice & Aristotelice, sic etiam Stoicæ Philosophiæ sua non defuerunt crimina, quorum etiam aliqua facile possint explicari, & ad bonum sensum reuocari, secus tamen omnia; verum cum de his abundè iam prefati doctores Iustus Lipsius, & Gaspar Scioppius, qui facile consuli possunt, egerint, non est quod in longiori illorum disquisitione diutius immoremur; superest tantum breuiter explicare, nùm Philosophi Cynici originem Stoicis dedere, fueritque vna & eadem prius Cynicorum, postea Stoicorum secta; cum ex hoc potissimum capite Stoicorum nomen & doctrina apud aliquos malè audire possent de Cynicis enim Cicero lib. 1. de officijs nobis inelamat: *Cynicorum natio tota excianda est. Est enim inimica Verecundia, sine qua nihil rectum esse potest nihil honestum.* Vnde etiam aliqui putant à canis impudentia sic fuisse dictos; quia naturæ in publico obsequuntur, ingerendo, egerendo, atque etiam inferendo, animalis illius exemplo: & à quibusdam Scriptoribus tribuitur illis opinio de summo voluptatis bono.

Communis est ergo sententia, Stoicos suam à Cynicis originem traxisse, esseque vnam & eandem penè Cynicorum & Stoicorum sectam; vnde & ortum Stoica, sunt qui Antistheni Socratis auditori adscribant, *Cynica eadem conditori*. Diogenes apertè in Antisth. *Videtur & virilis illius Stoica secta princeps antisthenem fuisse*. Quidni videatur & dogmata consentiunt, solumque in vita & cultu aliquid mutant. Itaque poëta rectè.

*Et qui nec Cynicos, nec Stoica dogmata curat*

*A Cynicis tunicâ distantia:*

Sive quia verecundia tegebant Stoici, quæ illi in aperto audebant; siue, quod verisimilius existimo ob statim dicenda, quia veste & habitu differabant. Sanè, ut idem Diogenes ait in Menedemo, *communio & societas quædam est his duabus Sectis*; vnde & Cynicismum dixerunt breuem ad virtutis viam. Qui dixerunt & ipsi Stoici. Atque adeo Zeno definiuit, apud Diogenem in eius vita, *Sapientem Cynicum debere esse: atque Cynicismum, compendiarium ad virtutem viam*.

Ex hac tamen Stoicæ eum Cynicæ philosophiæ communione, & societate, nihil in illius sequitur præiudicium; nã quod in ludibrium & probum dicunt à canis impudentia sic fuisse Cynicos appellatos, rectè Empiricus abnuuit lib. 1. Pyrrhon. cap. 14. qui vbi canem laudauit à sagacitate aut prudentia, quod *commoda appeteret, incommoda vitaret; mala agnosceret, & mitigaret; sed & iustum, memorem, gratum esse, animum, & malis infestum*: addit, inde factum videri, ut Philosophi quidam (Cynici) se huius animalis cognomine commendarent. Bene, quid enim tam proprium Cynicis, quàm bonos tueri & fauere, malos inuadere & allatrare? Laetius & aliam causam suggerit: *Docbat, inquit, Antisthenes in Cynosarges gymnasio, hand procul à portis: vnde & Cynicam sectam dictam sunt qui opulentur*. Ipse quidem appellabatur Aplocuon simplex & ingenuus canis.

nis. In nomine hoc est.

Quod spectat ad dogmata, si videatur recto animi oculo, multa etiam in illis sunt admiratione digna, ut, *Virtutem sufficere ad beatam vitam. Eam in rebus factisque esse, non verbis. Sapientem sibi satis esse: eius enim omnia. Nihil ei novum videri: Regem esse: non ad legem, sed virtutem vivere. Sola bona pulchra, mala turpia. Denique, finem homini, secundum virtutem vivere. Quorum omnium locupletissimum testem habemus Epictetum, nemo enim melius, veriusque legitimum Cynicum descripsit, quam ille in dissertatione huic rei propria, quam de Secta Cynica, indigetavit, lib. 3. dissert. 22. Cynicus, inquit, explorator quidem est, & velut Legatus à Ioue ad visendas res humanas. Diogenes ille, inter capita eius sectæ, post Charonensem cladem ad Philippum regem perductus fuit, ut speculator. Statim fassus est. & sum Hercules, inquit, sed tua ambitionis, sentitis, & luxus. Itaque monet, & inclinat liberè, quæ bona, quæ mala sint demonstrat: appetenda, fugienda; & elata manu, velut tragicæ scenæ consensu, homines miseriarum suarum, & vitiorum admones, ab hisque ad meliora (quantum in ipso est) compellit.*

Et lib. 4. dissert. 8. Idem est Publicus Doctor & Pedagogus generis humani, instruit simul ac castigat. Idem Medicus & velut Asculapius quidam: qui statim demonstrare possit, & illos, si curatione sua utantur sanos fore, & suam valetudinem in argumentum proferre. Conveniunt omnes, inquit, qui è pedibus, e capite, qui febri laboratis, conveniunt cæci, amentes; ac videte me ab omni malo expertum & saluum. Denique Dominus & Rex est, scipitro & diademate à Deo ornatus: qui tales facere pollicetur sibi audientes. Ut sciatis, à mortales, nos felicitatem & tranquillitatem, ubi non est querere: esse ego exemplum à Deo vobis sum missus. Non rem habeo, agros, domum, non uxorem, liberos, familiam; imo nec stragulum, aut iunicam, aut aliud vasum. Videtis, tamen quam sanus sim? facite mei periculum.

*Nihil habeo, nihil ego, ne capio quidem: non hominem, non locum, non oblectamentum, sicut pueri vindemia dies aut ferias.*

Iterum lib. 3. dissert. 22. Ecquid mihi deest? nonne sine metu sum? nonne liber? quando quisquam me in vivendo frustratum vidit? quando in vitando? quando Deum vel hominem aliquem incusavi? quomodo autem alacer, & erectus incedo? quomodo eos trasto, & convenio, quos vos timeatis? nonne ut mancipia? quis me comspecto, se Regem & Dominum suum videre non patas? Hac ago, hac curro: sicut enim oportet, ex Homero,

*Qui populos moderetur, & ampla ne-gotta curet.*

Atque hac liberè omnia, sine trepidatione aut respectu: quippe qui sole purioris mentis comor circumferre. Non habeo fasciatis, gladios, pompam sine turriculamenta ista externa: eorum loco bona conscientia dat fiduciam mihi & potestatem. Non ipse reprehendendus, in alios incurro; verecundia ubique ornatus, & honesti amore, illud sine lege, aut pona collo. Ceteri parietibus, iannibus, velis seguntur: ego sub dio, in præputio ago, omnium oculis & inquisitioni expositus; Deo me probo. Atque hac cum facio, evenit, ut malè audiam; imò vapulem: quid mirum à pueris aut fatuis, & qui tangi ulcera sua nolunt? Ego verò affectum aut curam non muto, aut metor: dum vapulo eos ipsos qui verberant diligo, tanquam pater omnium, tanquam frater. Neque animo solum ita firmus & constans sum, sed corpus sufficit, & illo ipso doceo, tenuem & fragilem vitulum vires augere, adeo non ledere sanitatem. Quid calorem, frigus, incommoda? nihil. Ecce circumfero corpus meum, ut Diogenes, mitidus, pinguis, bene habitis: credite oculis sensibusque vera dici. Hæc & plura germanus ille Cynicus, quæ licet in summo esse videantur; vnde Seneca signatè scripsit lib. de brevit. vitæ cap. 14. Hominis naturam Stoicos vincere, Cynicos excedere; non propterea tamen inutilia sunt iudicanda, cum ad modum deinde ducant. Diogenes apud

Lact.

Laetium agnoſcebat, & fatebatur. *Imi-  
teriſeſſori magiſtros : qui tantum leuiter  
excederent, ſed ut reliquos reuocarent ad  
concentum.* Pulcherrimè, inquit Lipſius,  
ſine magnæ iſtæ animæ, quæ omnia ex-  
terna calcant, deſpuant: & aliquid in-  
nore fortæſſis excedant, vt molliſſimam  
noſtram vincant.

Ex quibus omnibus ſatis patet, ſi à  
quibuſdam Scriptoribus, Cynicis Phi-  
loſophis tribuitur opinio de ſummo vo-  
luptatis bono, pro mendo haberi debe-  
re, & pro Cynicis, Cyrenaici legendum  
eſſe, cum hi in voluptate ſummm bonum  
poſuerint, qui Ariſtippi genere  
Cyrenaici inſtituta ſunt ſequuti, vt di-  
cetur capite ſequenti.

# CAPVT XV.

*De Epicureorum, Philoſophiaque Epicureæ  
authoritate.*

**E**X quatuor magis illuſtribus poſt  
Socratem exortis & cultis Phi-  
loſophorum diſciplinis, tres expoſuimus,  
Platoniorum, Peripateticorum, & Stoi-  
corum; ſuperſteſt quarta, & vltima Epi-  
cureorum de quibus teſtatur S. Lucas in  
Actis cap. 17. quod Paulus cum iſſdem  
diſputauerit. Huic ergo Philoſophiæ  
principium & nomen dedit Epicurus,  
patria Athenienſis, primò Grammaticus  
poſtea Philoſophus, à nemine edoſtus,  
vt ipſe de ſe dicebat: Democriti ſcriptis  
& Ariſtippi libris de voluptate addiſtus,  
ex illis errores de natura, ex his verò de  
moribus corruptam doctrinam hauſit.  
Naſcitur ( Apollodoro in Chronicis au-  
ctore ) anno tertio Olympiadis centeſi-  
mæ nonæ, ſeptem nimirum annis poſt  
Platonis obitum; vixit annos ſeptuagin-  
ta duos, obiitque anno primo Olym-  
piadis centeſimæ vigintiſimæ ſeptimæ.  
Vnde Euſebius in Chronicis, inſigni  
Chronographiæ errore, Epicurum floren-  
tem facit Olympiade centeſima duode-  
ciſima, quo tempore vix pueritiam exe-  
gerat, tredecim dumtaxat annos natus:

Multa edidit volumina, ſi Laetio cre-  
dimus, qui eius vitam latè diſcribit; ha-  
buitque etiam multos ſuæ doctrinæ Se-  
ctatores, & defenſores, in quibus om-  
nium iudicio, primas tenuit Lucretius  
Romanus, qui eleganti Poemate totam  
Epicuri diſciplinam, quæ ad Phyſicam  
pertinet diligèter expoſuit, natus Olym-  
piade centeſima ſeptuageſima prima;  
annos vixit tres & quadraginta; vt im-  
pius erat, dignum ſuis moribus exitum  
habuit; ſua enim ſe manu confeſcit. Cu-  
ius ætas multas habuit Epicureos, Atti-  
cum, Velleium, vitam noſtra plures  
non habeat. In eadem Secta aliquando  
fuit Horatius, ſed prudenter palinodiam  
cecinit, & multa præclare de virtute di-  
xit, atque hoc vno verſiculo lib. 2. Ep. 2.  
Epicuream Sectam conſodit.

*Sperne voluptates: nocet empta dolore  
voluptas.*

Mirum ſanè, quàm malè omnes ſe-  
re ſcriptores de Epicuro, cuiusque Secta  
locuti fuerint. Plinius illum vocat otij  
magiſtrum, hoc eſt, malorum omnium  
ſeminarium, quæ enim mala vel vitia,  
non parit otium? Deum, ex Cicerone  
lib. 2. de Nat. Deorum, & lib. 2. de finibus  
fecit corporatum, rerum humanarum,  
ignarum, nihil curantem; ita vt nec ha-  
beat, nec exhibeat alicui negotium. Om-  
nem honeſtatem, & pietatem funditus  
ſuſtulit: homines ad voluptates perfruën-  
das, non ſecus, ac pecudes, factos eſſe  
docuit: eoſdem immortalitatis dote pri-  
uauit: nullis doctrinis fuit inſtructus,  
quas qui tenent, eruditi appellantur;  
dialecticam, rationemque contempſit,  
& omne iudicium ſenſibus tribuit: in  
omnibus Philoſophiæ partibus turpiſſi-  
mè lapſus eſt: denique in omnes Philo-  
ſophos exitit maledicus, hæc & ſimilia  
Cicero.

De his quoque Iosephus lib. 10. An-  
tiquit. cap. 14. in fine ſcribens, dicit:  
*Epicureorum error coarguitur, qui prou-  
identiam è vita eſſe iunct, & Deo regimen  
rerum volunt permittere, nec credunt vni-  
uerſitatem à beata illa, & immortalis eſſen-  
tia vel conſervari, vel gubernari, ſed ſine  
re.*

rectore, & curatore mundum suapte impetu ferri assenerant, qui si ita, ut illi autem, careret præsidente, quemadmodum naues sine gubernatoribus videmus procel-  
lis, & stultis obrui, curruſque aurigis, destitutos euerſi, ac confringi, ita & ipſe perderetur immoderato impetu. Sic ille. E nostris idem docet Sanctus Augustinus lib. 18. de ciuitate Dei cap. 41. qui addit, Epicurum, porcum ab alijs vocari, quod summum bonum in voluptate collocaret: & quamuis scriptis suis honestam voluptatem tradere videretur, turpem tamen sequeretur ille ipſe. Laetantius verò ideo illius disciplinam celebriorem alijs adſcribit, quod homo astutus, omnium se moribus accommodare studebat, & sicut nomen voluptatis popolare est, & vnumquemque trahit, sic & vniuscuiusque moribus doctrinam suam accommodat, & maiore discordia secum pugnat, quam vniuersim, ceteri omnes.

Quæ omnia si vera sunt, satis intelligitur, Epicureorum Philosophiam nullius prorsus authoritatis esse debere, nec doctrinæ præstantiam, nec splendorem virtutum, nec vilius rei quæ laudem aliquam meretur, excellentiam, sed sola mortalium ad peiora semper ruentium vanitate quadam & insania factum esse, ut Epicurus in Philosophia clarus, & illustis haberetur, eiusque sectæ princeps & auctor esset, quæ sectatorum multitudine, nobilitate, mutuaque eorum inter se consensione, atque concordia, ceteris omnibus sectis longissimè antecelleret. Dixi, si vera sunt, quia nouissimè Petrus Gassendus tam in octo libris apologiæ de vita & moribus Epicuri, quam in tripartita eius philosophia rem aliter se habere pluribus demonstrat.

Primum enim Epicurus apud Empiricum Philosophiæ definitionem tradens, dicit illam esse, *exercitationem, quæ sermonibus, ac rationibus vitam beatam parat*. Quæ definitio nihil minus sonare videtur, quam illud, quod Epicuro imponitur. Vbi si nomine

*actionis*, non *habitus* vtitur, facere videtur, ut significet esse Philosophiam animatum sapientiæ studium: quomodo Plato quoque ipſe in Phædro illam, Meletin, *meditationem*, seu *exercitationem* definiuit; Prætereo autem Metrodorum apud eundem Empiricum dicere Philosophiā esse *Empeirian peritiā*, seu, ut ipſe Empiricus interpretatur *Artem*; prorsus quasi nihil sit aliud Philosophia, quam *vite ars*.

Ad ipsam insuper Philosophiæ diuisionem quod atinet, tres illius partes aliorum instar agnouit Epicurus, Logicam, Physicam, & Moralem, siue Ethicam. Discrimen tamen inter Epicurum, & ceteros fuit, quod parum abesse videatur, quin solam Ethicam probaret (sequeutus nempe Socratem, Cyrenai-  
cos, & aliquos alios) quoniam agnitus Physicam non fuenit, nisi ad Ethices finem referatur; & quod in vicem Logicæ, Dialecticæ, eam substituerit, quam *Canonicam* appellauit. Seneca proinde Epistola 89. *Epicurei*, inquit, *duas partes Philosophiæ putauerunt esse, naturalem, atque Moralem; Rationalem remouerunt*. Deinde cum ipsis rebus cogentur ambigua scernere, *falsa sub veri specie latentia coarguere ipsi quoque locum, quem de iudicio, & regula appellant, alio nomine rationalem induxerunt*. Eodem sensu Empiricus, postquam retulit Epicurum credi ab aliquibus idem sentire, cum Archelao, Naturalem, ac Moralem solummodò admittente, quod Logicam expelleret, subdit, *suere verò alijs, qui dicerent, ipsum non vniuersè Logicam sed eam solum, quæ haberetur Stoicorum, auersatum fuisse, adeo ut reliqueris tripartitam adhuc potestate Philosophiam*. Dicit autem Dunamei *potestatem*, quia Canonica Epicuri est Logica quædam, & ut loquitur Seneca, *alio nomine idem sonat*. Ex quibus satis patet Epicurum Dialecticam absolutè non contempsisse, sed repudiatis tantum aliquibus superuacaneis, in eius vicem *Canonicam* substituisse, quæ si quid ex Dialectica utile habetur, retinet. Nunc breuem tam  
illius

lius, quam duarum aliarum partium deam, vel syntagma proponamus.

Prima igitur Philosophiæ Epicureæ pars est *Canonica*, siue de Criterijs, sic appellata, quia in ea veritatis regulas, & criteria, hoc est iudicandi instrumenta Epicurus exposuit, & subiecto mox opere, Physica videlicet, regulas in suo Canone traditas, redegit in praxim.

Sed cum ex Galeno lib. de opt. doctr. organum instrumentumue iudicandi sit duplex aliud naturale, aliud artificiale, non agitur de artificiali, cuiusmodi est circinus, quo exploratur rotunditas; vlna, qua longitudo, libra, qua pondus, &c. sed de naturali, quod non paratus ipse, sed nasciscitur ab ipsa natura, quod cum rursus ex Empirico t. adu. Logic. sit triplex, à quo, per quod, secundum quod; & criterium à quo sit ipse homo, quasi à quo feratur iudicium; criterium per quod aliqua facultas per quam iudicet; Criterium secundum quod functio, seu vsus, & quasi applicatio facultatis ad iudicandum, similiter non intendit agere Epicurus de Criterio à quo, quippe cum homo non tam *Kritirion*, quam *Kritis*, seu iudex, & arbiter sit. Itaque agit solum de Criterio tam per quod, quam secundum quod, hoc est, tam de facultate, quam de facultatis functione, quæ veritas diiudicatur, assignaturque tria eiusmodi criteria, *sensum* videlicet, quo sensibilia; *Anticipationem*, qua opinabilia; *Passionem*, qua ea, quæ in appetitum seu in electionem, fugamque cadunt, diiudicantur.

Pro cuius diuisionis intelligentia notandum est, primum quod cum questionum aliarum sint de rebus, aliarum de nudis vocibus, ut ipsemet Epicurus docet, nec voces alio egeant criterio, quam seipsis clarioribus redditis, deligendo, dum loquimur, voces communes, & perspicuas; ne aut ignoretur quid velimus, aut interpretando tempus frustra teramus, conando verò, dum audimus, ut vim subiectam vocibus teneamus, ne nos, vel præ obscuritate lateant, vel præ ambigui-

Bibliot. Theol. Tom. I.

tate deludant; tria hæc criteria sunt circa res ipsas. Supponendum rursus veritatem in questionibus circa res factis expectitam, aut ad nudam ipsarum rerum speculationem pertinere, aut ad actionem vitæ referri. Et speculatio quidem rerum, naturalis est scientiæ; Vitæ verò actio, Moralis: sed rerum in speculationem, seu contemplationem cadentium, aliarum quidem egent sola experientia, quales sunt, quæ sensu noscuntur, seu eæ sint planè manifestæ, seu ad tempus solum occultæ, ut ignis interposita domos Byzantium, intercepta distantia, atque ita de cæteris, dicunturque *Aistita* & *Phainomena*, *sensibilia*, & *apparentia*; Aliarum verò egent ratiocinatione, cuiusmodi sunt, quæ percipiuntur intelligentia, quæque vel sunt occultæ natura, & ex sensibilibus tamen intelligi possunt; vel eiusmodi sunt, ut cum sensum per se se fugiant, intellectum tamen aliunde percipiunt, dicunturque vulgò *Adiala* & *Nooumena*, *Immanifesta*, & *intelligibilia*. Quare & vulgò distinguuntur tria rerum quasi genera: *Sensibile*, *Intelligibile*, *Moralium*; quibus singulis singula assignanda esse Criteria videantur. Denique animaduertendum est, quoduis istorum criteriorum esse posse aut per quod, aut secundum quod; sed cum Epicurus non neget criterium, per quod esse aliquam facultatem, ut puta respectu sensibilibus, sensum; respectu Intelligibilium, Intellectum, seu Mentem; respectu Moralium, Appetitum, seu Voluntatem; quia facultates tamen propriè non sunt, ad quas attendentes possimus ferre iudicium, idcirco ab eo usurpari solum Criterium secundum quod, atque adeò assignari aliquas functiones tam sensus, quam intellectus, quam appetitus. Hinc ergo illi satis fuit ea, ostendere, ad quæ homo respicere debeat, ut veritatem diiudicet, circa genera proposita rerum: tales nempe sunt sensus vel sensio respectu sensibilibus; Anticipatio respectu intelligibilium; & Passio respectu Moralium.

De sensu, Criterio primario, varijs

G g

ra-

rationibus ostendit non falli, ac habitam sensu euidentiā Demonstrationis rerū ineuidentium fundamentum esse. De Anticipatione, siue Prænotione, Criterio altero, declarat, qui Anticipatio id fiat, quod vniuersale appellant, qui definitio ipsa sit; qui principium omnis ratiocinationis; qui illud, de quo conuenit, inter differētes oporteat; vnde & modus traditur omnium sophismatum soluendorum. De opinione comparata cum sensu, probat totam falsitatem, quæ vulgò imputatur sensui, esse opinionis, seu Mentis, de suo addentis, quod res sit, qualis esse apparet; ac simul deducit, quæ sensus euidentiā necessaria sit, ut suffragata, non refragata: refragata, non suffragata, opinionem veram, falsamue declarat. De Passione, Criterio postremo, indicat, & ad partem Ethicam, comprobandum remittit Criterium, quo, quid prosequi, fugere, oporteat, diiudicandum sit, ipsas voluptatis, & doloris, seu molestiæ passiones esse. Ex quibus omnibus sequentes postea Canones elicit; videlicet: de sensu Can. 1. sensus nunquam fallitur, ac proinde est omnis sensus, omnique Phantasia, seu apparentiæ perceptio, vera. Can. 2. Opinio est consequens sensum, sensationique superaddita, in quam veritas & falsitas cadit. Can. 3. Opinio illa vera est, cui vel suffragatur, vel non refragatur sensus euidentiā. Can. 4. Opinio illa falsa est, cui vel refragatur, vel non suffragatur sensus euidentiā. De Anticipatione. Can. 1. Omnis, quæ in mente est, Anticipatio dependet à sensibus; idque vel incurssione, vel proportionē, vel similitudine, vel compositione. Can. 2. Anticipatio est ipsa rei notio, & quasi definitio, sine qua quicquam querere, dubitare, opinari, imò & nominare non licet. Can. 3. Est Anticipatio in omni Ratiocinatione principium, quasi nempe id, ad quod attendentes, inferimus vnum esse idem, aut diuersum; coniunctum, aut disiunctum ab alio. Can. 4. quod ineuidens est, ex rei euidētis Anticipatione demonstrari debet. De

Passione. Can. 1. Ea voluptas, quæ nullam habet annexam Molestiam, amplectenda est. Can. 2. Ea molestia, quæ nullam habet voluptatem annexam, fugienda. Can. 3. Ea voluptas, quæ aut maiorem voluptatem impedit, aut grauiorem molestiam parit, fugienda. Can. 4. Ea molestia, quæ aut maiorem auerit molestiam, aut voluptatem vberiorē creat, amplectenda.

Altera Philosophiæ Epicuræ pars est Physica, seu Physiologia, quod sit sermo quidam, & ratiocinatio circa rerum naturam, in qua contemplanda tota occupatur. Cum autem tam multa, ac tam varia sint, quæ Physiologia continet, clariū gratia, memoriæque iuuandæ causā ad quatuor principalia, capita possunt reduci. *Primum* de vniuerso, seu natura rerum, considerando ea ex quibus vniuersum constat; deinde ex quibus tam multa in vniuerso fiant, tum à quibus fiant, postea quales fiant, denique tum quomodo fiant, tum quomodo etiam intendant. *Secundum* caput est de mundo, considerando, qua forma interius, qua figura exterius sit? Aeternus ne sit, an initium habuerit? Aliōne auctore, quam ipsa natura, fortunæue indigentiæ quales exortus, & totius, & partium eius fuerit? aliquone egeat rectore, an vices per se obeat? An, quomodo, quando sit interiturus? Vnicusue sit, an sint præter ipsum alij innumerabiles. *Tertium* est de rebus humilibus, hoc est, de humo, siue terra, cui ipsi heremus, deque rebus quæ in ea sunt; considerando in primis ipsum terræ corpus generatim, ac subinde aquam partem massæ insignem, terræque ipsi variè, partim ad superficiem, partim, etiam intus commistam; & postea quæ minora sunt, ac passim tota massa visuntur corpora, partim inanima ut sunt mineralia, lapides, ac plantæ; partim animata, quæ & dici animalia, seu animantes moris est. *Quartum* denique caput est de rebus sublimibus, seu quæ supra terram, sursumue ab ipsa visuntur, ac fiunt, huiuscemodi sunt Sol, Luna, alia

syde-

fydera, & quæ in ipſis contingunt, vt ortus, occaſus, conuerſiones, eclipſes, & ſimilia : itemque nubes, pluuia, venti, fulgura, tonitrua, fulmina, & cætera id genus. Quibus in omnibus, vt aliqua vera, aut ſaltem probabilia docuit Epicurus, ita etiam multa falſa, & impia, primò non admittendo aliam naturam incorpoream, quam inane, ſecundò ponendo mundos infinitos, tertio negando animarum hominum immortalitatẽ, quarto quod aſſeruerit non Deum, ſed cauſam eſſe cauſam mundi, neque Dei cauſa, neque hominum, factum fuiſſe mundum, quinto quod generalem primum prouidentiam negauerit (tum quia exiſtimari illam cum diuina felicitate, immortalitateque pugnare, tum quia ipſi omnia viſa ſint in mundo, perinde ac ſi nulla foret prouidentia, contingere, ſextò ſpeciale, quæ ad homines ſpectat, quoniam capere non poterit, qui poſſet Deus hominum cauſa, vel ira tangi, vel gratia, qui illos cordi habere, & tot noxias ipſis animantes, aliasque res pati; qui eſſe bonus, ac iuſtus, & pati, vt bonis malè, malis benè ſit, & ſic de alijs pluribus, quæ præfatus author Gaſſendus refert, & reſellit: Verum cum multi etiam ex illis erroribus non ſint Soli Epicuro proprij, ſed cum alijs Philoſophis, Stoicis præfertim, communes, non eſt cur inde abſolutè ab illuſtrium Philoſophorum albo deleatur, ſicut nec Stoici delentur; ſed ab illis eſt purgandus, & in ijs dumtaxat, quæ vtiliter docuit, uſurpandus, & ſequendus. Putant aliqui opinionem illius de Atomis, pro qua nuper librum ſatis accuratè conſcripſit Ioannes Chriſtoſtomus Megareus Burgundus Philoſophus, putant, inquam, aliqui talem opinionem eſſe aptiſſimam ad explicandum in Philoſophicis naturam rarefactionis, & condenſationis, quorum motuum explicatio celeberrimorum ingenia Philoſophorum exercuit ſemper, ac modo exercet, legatur ad id Ariſtæ diſput. 16. Phyſ. à num. 19. In Theologicis verò aliqui Theologi ad 2.2. qu. 24.

*Bibliot. Theol. Tom. I.*

dicunt ſe facilè explicare charitatis augmentum, cuius explicatio in Ariſtotelis ſententia vix perceptibilis eſſe videtur.

Tertia tandem, & vltima Philoſophiæ Epicuræ pars, eſt Ethica, ſeu de moribus, quàm tanti fecit Epicurus, vt Phyſicam eatenus ſolùm eſſe curandam cenſuerit, quatenus vtilis quibuſdam perturbationibus eximendis, ad ipſam proinde Moralem illiuſue finem conducit. Hinc pater ipſum non aliò reſpectaſſe, quàm Socratem, dum Phyſicam ab vſque Thalete vt vidimus ſupra veluti per manus traditam repudiãns, legitur Philoſophiam deuocaſſe è cælo, & in vrbibus collocaſſe, & in domos etiam introduxiſſe, & coegiſſe de vita, & moribus, rebusque bonis, & malis quærere, Cicero 5. Tuſculan. Ad huius partis diuiſionem quod attinet; quæ à Lærtio de illa congeſta ſunt lib. 10. ea referri poſſunt ad quatuor capita. *Primum* eſt quædam proponit, quandam veluti deſcriptionem ſapientis continentia; vt potè ex quibus elicitur, qualis ſapiens ſit, qualiaue acturus, aut non acturus ſit in vita. Nempè cum nomine ſapientis Philoſophi vulgò intelligant virum intelligentia, & virtute perfectum, qui nihil non rectè faciat, ac ſit eorum omnium, quæ prudenter, iuſtè, decorè, in vita geruntur, quali regula aut exemplar; attribunt ipſi proinde varia, pro vt quiſque ex ſuo, ſectæque ſuæ genio, congruum atque decorum fingit. *Secundum* complectitur Epistolam ad Menæceum, ijs verbis, eoque tenore quo fuit ab Epicuro conſcripta; in qua poſt egregiam ad continuo philoſophandum adhortationem, ediſcitur quænam ſit legitima de Deo prænotio; itemque, vt mors nihil ad nos pertineat; vt à futuro pendendum non ſit; vt ſint cupiditatum agnoſcendi termini, vt voluptas ſit agendorum finis, & quidpiam ſua natura bonum, quemadmodum dolor ſuapte natura malum; vt frugalitate, ſimplicique viſtũ nihil ſit præſtabilius; vt voluptatis nomine intelligendum.

G g 2 aliud

aliud nihil sit, quàm non dolere corpore, ac animo non perturbari; vt voluptas, ac virtus res sint inseparabiles, solaque virtus parere germanam voluptatem possit: vt felix sit, qui his est imbutus; vt liberum sit in homine arbitrium; & neque fatum admittendum sit, neque fortuna pro Dea habenda: vt mortali animali simile nihil habeat, qui in immortalium bonorum possessione ævum traducit.

Tertium caput complectitur per modum appendicis capita quædam præcipua, quæ cum in Epistola visa sint omissa, ex alijs Epicuri operibus à Lærtio suppleantur; cuiusmodi est illud de divinatione, quam Epicurus pernegavit; itemque illud de discrimine inter Epicurum, & Cyrenaicos, primum in eo, quod Epicurus voluptatis nomine illam etiam donavit, quæ in statu est; Cyrenaici verò solam, quæ in motu; deinde in illo, quod Epicurus deteriores habuit animi dolores doloribus corporis; & voluptates etiam animi potiores voluptatibus corporis, Cyrenaici autem secti. Illud rursus de demonstratione, quod voluptas sit finis; ac præterea illud quod virtutes non propter se sed voluptatis causa expectantur, ne illud memorem, quò concludit, solam virtutem esse à voluptate inseparabilem; cætera, vt caduca, ab ipsa seiungi. Quartum, denique caput continet libellum, cui titulus est, *Rata sententia*, quod is sit quasi fasciculus sententiarum Moralium, quæ sunt Epicuro habitæ præcipuæ. Quorum omnium cum tam relatio, quàm legitima explicatio, atq; etiam ubi opus est refutatio habeatur apud præfatum authorem Petrum Gassendum; breuiter hic tantum adnotabo, quid per voluptatem Epicurus intellexerit, quando in ea summum bonum, vltimumque profundè finem, ac felicitatem constituit; Si quidem istud ipsum est, ex quo varij quidem, sed potissimum Stoici ansam acceperunt, conflandi maximam aduersus Epicurum inuidiam. Scilicet quasi non de alia, quàm de obscena voluptate

fuisse Epicurus locutus, appositum fuit declamare, quàm indignum facinus foret tueri virtutem non ob seipsam, sed ob voluptatem huiuscemodi esse comparandam. Idcirco Cleaarches primus omnium eam confinxit tabulam, quam Cicero lib. 2. de fin. obijciens Torquato, ait: *Inbebas eos, qui audiebant, secum ipsos cogitare pictam in tabula voluptatem, pulcherrimo vestitu, & ornatu regali, in solio sedentem: Præsto esse virtutes, vt ancillulas, quæ nihil aliud agerent, nullum suum officium ducerent, nisi vt voluptati ministrarent, & eam tantum ad aurem admonerent (si modo id pictura intelligi posset) vt cerneret, ne quid perficeret imprudens, quod offenderet animos hominum, aut quicquam, ex quo oriretur aliquis dolor. Nos quidem virtutes se nate sumus, vt tibi seruiremus, aliud negotij nihil habemus. Describitur etiam eadem tabula apud Diuum Augustinum lib. 5. de Ciuit. Dei cap. 20. Solent, inquit, Philosophi qui finem boni humani in ipsa virtute constituent, ad ingerendum pudorem quibusdam Philosophis, qui virtutes quidem probant, sed eas voluptatis corporalis sine metuantur, & illam per seipsam putant appetendam, istas propter ipsam; Tabulam quamdam verbis pingere, ubi voluptatem in sella regali, quasi delicata quadam regina confideat, eique virtutes famula subiiciantur, obseruantes eius nutum vt faciant quod illa imperauerit. Quæ prudentia inbeant, vt vigilanter inquirat, quomodo voluptas regnet, & salua sit. Iustitia inbeant, vt præstet beneficia quæ potest ad comparandas amicitias corporalibus commodis necessarias: nulli facias iniuriam ne offensis legibus voluptas secura viuere non possit. Fortitudini inbeant, vt si dolor corpori acciderit, qui non compellas in mortem, teneat dominam suam, id est, voluptatem fortiter in animi cogitatione, vt per pristinorum deliciarum suarum recollectionem mitiget præsentis doloris aculeos. Temperantie inbeant, vt tantum copias alimentorum; & si quæ delectant, non per immoderationem noxium aliquod valetudinem turbet, & voluptas, quam etiam in*



corporis sanitate Epicurei maximam ponunt, graviter offendatur.

Nihilominus tamen longè probabilius est, ex illis quæ copiosè præfatus auctor adducit, Intellectum Epicuro voluptatem non esse corpoream, obsecnamque illam, quàm & Cleanthis tabula, & diuersa alia quorundam testimonia supponunt; sed esse aliam longè puriorem Corporis nempe indolentiam, & animi Tranquillitatem, ac istam quidem maximè; adeo vt incongruum nihil sit, quærere virtutem ob eiusmodi voluptatem; quippe cum in ipsa sit felicitas seu beata vita constituta; ac ipse Epicurus proinde aliud nihil velis, quàm, quod ipsimet Stoici, dum *virtutem sufficere ad bene beateque vivendum* contendunt. Et certè, vel hoc vnum effatum arguit satis Stoicos quoque, vt cumque variè tergiversentur, virtutem ad aliud, hoc est, *ad bene beateque vivendum* referre; adeo vt beata quidem vita expectatur propter se; at virtus non tam propter se, quam propter ipsam expectatur. Nam quod Seneca de vita beata cap. 4. cum obijci dixit; *sed tu quoque virtutem non ob aliud colis, quam quia aliquam ex illa speras voluptatem*; quod, inquam, respondet Seneca voluptatem accessionem solum esse, seu quippiam quasi ex accidenti virtuti superueniens, eo modo, quo herbula florens internascitur segeti, popolare sanè, captiosumque est. Nimirum ipsa quidem virtus comparanda est segeti; at vt seges non propter seipsam, neque ob subnascentem illam herbulam quæritur, sed ob vsum vitæ, qui ex ea percipi speratur; ita virtus non propter se, neque ob quidpiam leuiculum, quod potest intercesseri, sed omnino ob beatam vitam, seu expositam illam voluptatem. Vnde &, cum ista illicè subiungit Seneca cap. 9. *Erras cum interrogas, quid sit illud, propter quod virtutem petas; quæris enim aliquid supra summum. Interrogas, quid petam ex virtute? ipsam. Nihil enim est melius; ipsa pretium sui est*; Perspicuum est certè iure merito interrogari, neque aliquid

quæti supra summum, cum supra virtutem quidpiam quæritur. Ac verum, est quidem ex omnibus medijs, quæ vitam beatam faciunt, tuerenturque, ipsam virtutem esse summum, neque esse ex medijs aliquod quærendum superius, aut melius; sed inrerim tamen ipsa beata vita ex eo habenda superior est, quod virtus ad ipsam vt ad suum finem refertur. Sic Aristoteles 1. Ethic. 10. de felicitate loquens, quam, cætera inter, possit virtus parere, ait, *Virtutis primum, atque finis optimum quidpiam, diuinumque, & beatum esse apparet*: sic distinguit esse quædam, quæ propter se, non propter aliud expectantur, veluti beatitudinem, quædam, quæ propter aliud, non propter se, veluti diuitias, quædam, quæ & propter se, & propter aliud veluti virtutem; qua etiam distinctione expectendorum prius vsi fuerat Plato 2. de republica & Architas.

# CAPVT XVI.

*Verum reiectis omnibus Philosophorum Gentilium disciplinis, consultius esset in Academicis Catholicis nouam introducere Philosophiam ad vsum sacra doctrina.*

**R**atio dubitandi inter alias posset desumi non solum ex varijs erroribus, quibus supra vidimus fuisse aspersam Philosophorum Gentilium doctrinam; sed ex innumeris etiam antiquorum Patrum sententijs, quibus eam onerarunt, & à Theologia segregandam putarunt; præsertim verò Aristotelicâ, post Arii tempora; cum enim ille, quantus ad impietatem, & Ecclesiæ perniciem extiterit, tantum artificiosis Aristotelicæ Philosophiæ molitionibus præstiterit, vt expresse testantur Sozomenus lib. 1. hist. cap. 15. & Socrates lib. 1. cap. 5. lib. 2. cap. 35. lib. 5. cap. 13. hinc factum est, vt apud primos illos defensores fidei male deinceps audite coeperit vniuersa Aristotelis Philosophia, tantum Christò inuisa, & inimica, atque  
ab

ab hoste illius Diabolo profecta. Primum Basilius lib. 1. aduersus Eunomiū pugnans de ingeniti appellatione, cum hanc iste secundum priuationē dici negaret, quod priuatio posterior sit habitus: sic in eum inuehitur: Hæc illum, inquit Basilius, ex mundi sapientia garrire, à qua in præceptis abreptus, hanc sermonis nominatam ingressus est, non est difficile monstrare. Aristotelis enim sumus, ut qui leguntur testari possent, sermones illi de habitu & priuatione, in libro eius, qui inscribitur *Categoriarum*: ubi posteriores esse priuationes habitibus docet.

Sequitur Gregorius Nazianzenus orat. 26. qui in Ecclesiam irrepsisse dolet captiones Sophisticas, ac prauum artificium Aristoteleæ artis, & huius generis alias, vel Aegyptiacas quasdam plagas. Quæ illius querimonia crebrior, ac vehementior est in ijs orationibus, quas contra Eunomianos scripsit; nec non in Carmine Iambico de vita sua p. 10. Gregorius item Nyssenus frequentissimè Sophisticam illam astutiam Eunomio exprobrat, & à se negligi, damnarique ascribit, ut initio lib. 2. contra Eunom. Nec dissimili mente Cyrillus Alexandrinus lib. 11. thesauri, eodē deridet hereticos, qui nihil aliud quam Aristotelem rutiānt: & istis potius discipulis, quàm scripturarum scientia se se venditant.

Quod etiam ante Arianorum tempora ex Latinis Patribus docuerant Iustinus Martyr, & Tertullianus; quorum primus contra Aristotelem peculiariter scripsit, illiusque errores etiam in Philosophia multis peculiari libello commemorat; secundus verò lib. de præscriptionibus cap. 7. *Inferant*, inquit loquendo de hereticis, *Aristotelem*, qui illis *Dialecticam* instituit, artificem sternendi, & destruendi versipellem, in sententijs coactam, in coniecturis duram, in argumentis operariam contentionum, molestem etiam sibi ipsi, omnia retractantem, nequid omnino tractauerit. Tum citato illo Apostoli ad Colossenses cap. 2. de cauenda Philosophia; fuerat Athenis, ait, & istam sapientiam humanam affecta-

tricam, & interpolatricem veritatis de congressibus nonerat. Ac demum: *Quid ergo Athenis*, inquit, & *Hierosolymis*? *Quid Academia & Ecclesia*? quid *Hereticis*, & *Christianis*? *Nostri institutio de porticu Salomonis*: qui & ipse tradiderat, Dominum in simplicitate quaerendum. Viderint qui *Stoicam & Platoniam*, & *Dialecticam Christianismum* protulerunt. Illud quoque Faustini veteris Scriptoris aduersus Arianos tom. 4. Bibl. PP. contortum & efficax: *Vbi nunc sunt impia illa vestra suphismata, quæ Aristotelis episcopi vestri magisterio didicistis*? Eodem spectant, quod Ambrosius lib. 1. de fide cap. 3. & in Psalm. 118. Augustinus ferm. 87. de tempore; Anselmus lib. de incarnat. cap. 2. aliique plures docent dialecticæ artis cauendas esse præstigias, neque cum Christiana professione miscendas; nec non quod Philippo Augusto Rege Francorum habitum est Concilium anno Domini 1204. vt scribit Rigordus in lib. de Gestis Philippi; cuius decreto combusti sunt libri Aristotelici.

In diebus, inquit præfatus author, illis legebantur Parisijs libelli quidam ab Aristotelez dicebantur, compositi, qui docebant *Metaphysicam*, delati non à Constantinopoli, & à Græco in Latinum translatis; qui quoniam non solum prædicta heresi sententijs subtilibus occasionem præbebant, immo & alijs nondū inuentis præbere poterant, in ipsi sunt omnes combusti, & sub pena excommunicationis cautum est in eodem concilio, ne quis eos de cætero scribere, legere præsumeret, vel quocūque modo habere. Hæreticus porro, de quo hic loquitur, fuit Almaricus, qui cum in arte Logica peritus esset, & scholas de arte illa, & de alijs artibus liberalibus diu reuixeret, transtulit se ad sacram paginam excolendam: semper tamen suum per se modum docendi, & discendi habuit, & opinionem primariam, & iudicium quasi sectam, & ab alijs separatam. Vnde & in varios errores, atque hereses incurrit: ob quas tum post obitum damnatus, & excommunicatus est, atque ossa illius effossa proiecta que sunt: tum eius se-

Et complures igne cremati.

Verum cum hæc omnia, aliaque similia Sanctorum Patrum dicta non tam de Philosophia absolute, siue Platonica, siue Aristotelica, siue Stoica procedant, quam de illa secundum malum hereticorum, aut aliorum infidelium usum, ut satis patet tum ex his quæ sectione prima huius libri diximus, tum ex his quæ libro sequenti sectione septima dicemus, consultius videtur propter rationes etiã ibidem dictas, nec non supra cap. 10. huius sectionis, nouam non esse philosophiam scribendam, quæ vterentur academice Catholice, sed in illis ad usum sacre doctrinæ, Philosophorum antiquorum Philosophiam prælegi debere, refecatis ab illa prius omnibus erroribus, supernaturalibus fidei nostræ mysterijs vtcumque repugnantibus. Nec enim sine diuina prouidentia fortasse factum est, ut plures antiquorum Philosophorum libri, quibus multum Ethnici omnes semper tribuerunt, conseruarentur; tum ut præter nostræ fidei propria præsidia, etiam Philosophorum autoritate gentium damnarentur errores, & veritas retineretur; tum etiam ut inde clarius appareret doctrinam fidei ita esse supra naturam, ut tamen non sit contra illam; in qua reiectis dumtaxat erroribus, approbantur indiscriminatum omnia, quæ antiqui vniuscuiusque sectæ Philosophi rectæ rationi consona docuerunt; adeo ut, si natura fundamentum, ac rudimentum est gratiæ, rectè etiam philosophia suis erroribus purgata dici possit adumbratio veræ religionis. Sed de his vide Guillelmum Parisiensem parte 1. de vniuers. cap. 2. Augustinum Valerium libris duobus de recta ratione Philosophandi, & Daniele Hofmanũ de vsu Philosophiæ in Theologia, nec non Ludouicum Carbo libro quarto introductionis in Philosophiam, vbi capite tertio tradit aliqua præcepta pro homine Christiano Philosophiam proficente.

Hoc tamen non impedit, quin esset valde laudabile, si ad usum sacre do-

ctrinæ Philosophia de Sanctorum Patrum libris accuratè colligeretur: Est enim ex dictis supra suo loco, in rebus purè philosophicis, ac naturalibus, vnanimis etiam Sanctorum Patrum consensus nõ sit plus momenti ad probabilitatem, quàm ratio, cui innigitur; negari tamen non potest quin multi etiam in philosophicis excelluerint, sapientiæque humanæ monstra, & ingeniorum portenta fuerint. Qualis enim Philosophus fuit S. Basilus? quale ingenium Augustinus? quantæ sapientiæ Athanasius, vtique Cyrillus, Nazianzenus, Chrysostomus, Ambrosius, Hieronymus, alijque plures: Nonne Seuerinus Boetius vir clarissimus conscripsit libros ad Logicam spectantes quasi triginta, de vnitæte, & vno librum vnum, de Arithmetica libros duos, in Geometriam Euclidis libros tres, de Musica libros quinque, & Nonne S. Augustinus (cui hætenus quidem nullum ingenium adeo in omnibus disciplinis vniuersale promptumque extitit) scripsit de dialectica, de categorijs, contra Academicos de immortalitate animæ, de quantitate animæ, de natura boni contra Manichæos, de Stoicorum, & Epicureorum sectis, de anima, & eius origine, alijsque similibus, in quibus summum Philosophum probauit? Nõne S. Ioannes Damascenus inter ceteros de Logica librum vnum, & de Physica conscripsit? Nonne plures alij S. Patres in suis libris, & maxime in elucidatione sacrarum Scripturarum non inciderunt, sed ex professo quandoque contra Philosophos argumètantur in rebus quæ ad ipsos spectabant? Cur ergo ex his philosophia vere Christiana colligi non posset publice etiam tradenda, quæ ceteris paribus maius authoritatis pondus habere deberet, quam cuiusvis alterius Philosophi, cum primò præponderaret Sanctorum Patrum pietas, quæ ad illuminandum intellectum conducit, secundo fidei lumen, quo semel supposito, plures res multo subtilius, & accuratius perpendere, ac de illis iudicare, quam puri Philosophi potuerunt. Vide

Vide Campanella, de Philosophia Gent.  
non retinenda.

## CAPVT XVII.

*Quanam ex Philosophicis antiquorum  
disciplinis sit magis apta ad usum  
sacra doctrina.*

**P**RO Philosophia Platonica affirmati-  
uum parrem tenent aliqui, quibus  
videtur fauere, quod primis Ecclesiæ se-  
culis omnes ferè Sancti Patres tam Græ-  
ci, quàm Latini non solum Philosophiâ  
Platonicam Aristotelicâ prætulerint, sed  
etiam istam acriter reprehenderint, ac  
Aristoteli se summè infensos exhibue-  
rint. Pro Stoica pugnant alij; cum enim  
recta morum doctrina, & institutio mag-  
is ad finem sacræ doctrinæ conducatur,  
quàm naturalis aut contemplans rerum  
cognitio, præferenda videtur illa philo-  
sophia, quæ rectæ morum institutioni  
potissimum incumbit, qualem fuisse  
Stoicam superius diximus. Sic D. Hie-  
ronymus in cap. 11. Isaïæ affirmat Phi-  
losophos Stoicos Christiano dogmati in  
plerisque concordare; & de Sancto Caro-  
lo Borromeo legimus, cum sæpius ef-  
se falsum, se Epicleti Philosophi Stoici  
libris impulsum fuisse ad humanarum  
rerum contemptû, diuinarumque amo-  
rem. Tandem alij solum Aristotelem  
pro singulari sapientiæ humanæ magis-  
tro habentes, vnius etiam Aristotelis  
doctrinam præcipuam auctoritatem in  
academijs Catholicis obtinere debere  
existimant.

Ad conciliandas omnes istas senten-  
tias; quodque odiosum sit, vt benè ad-  
uertit Viues in cap. 12. lib. 8. de Ciuitate  
Dei, de Platonis & Aristotelis compa-  
ratione disserere; vnamquamque Phi-  
losophiam ex supradictis suam mereri  
laudem dicendum est; fortasseque val-  
de è re foret, si simul cum Aristotelica  
legeretur omnes aliæ Philosophiæ Pla-  
tonicorum, Stoicorum, Pitagoreorum,  
aliorumque insignium Philosophorum,  
vel etiam, deceptis semper illis, quæ ve-

ritatibus fidei repugnant, si omnes aliæ  
eorum doctrinæ illi consonæ in vnum  
colligerentur; sic Clemens Alexandri-  
nus lib. 1. Stromatum ait, *Non particu-  
laris selecta est eligenda, sed quidquid om-  
nes dixerunt Stoici, Platonici, Epicurei,  
Aristotelici, hoc totum selectam dico Philo-  
sophiam*; Sic D. Augustinus lib. 6. de ci-  
uitate Dei cap. 8. cap. 4. ac libro super  
Genesim ad litteram cap. 18. & 19. pro-  
bat ex omnibus omnium nationum Phi-  
losophis Theologo eligenda esse illa,  
quæ bene scripserint. Sic denique Di-  
uus Thomas in quatuor libris contra  
Gentiles ad illustranda fidei nostræ my-  
steria, non solius Aristotelis, sed aliorum  
etiam Philosophorum testimonia pro-  
fert.

Et certè cum quicumque Philoso-  
phorum duces, eorumque sectæ habeant  
aliquid peculiare, in quo excellent; aut  
saltem negari non possit, quin multa  
interdum vera, ac probabilia doceant;  
an non æquum est, vt ex illis intellectus  
noster bonum suum, quod est etiam ve-  
ritas probabilis, hauriat; philosophia-  
que ipsa tanquam fulgentibus gemmis,  
astrisque collustretur? Attamen, quia vt  
vidimus supra vnus Aristoteles, non so-  
lum faciliori, ac clariori methodo, sed  
scriptorum etiam, tam in Theologicis,  
quàm in Moralibus & Physicis multi-  
tudine, ac præstantia omnes alios supe-  
rassè videtur; licet Ecclesia haud repro-  
bet ceteras Philosophorum sectas in ijs,  
quæ non sentiunt contra fidem; ex eius  
tamen vsu, tacitaque approbatione re-  
ctè factum est, vt iam sola Aristotelis  
Philosophia in Scholis Catholicorum,  
& academijs prælegatur. Videatur ad  
id Epistola Francisci Patrij ad Sum-  
mum Pontificem Gregorium XIV. Pic-  
colominus cap. 1. introduc. ad scient.  
de natur. vbi ad præsens institutum ita  
loquitur: *Insuper quoniam Plato & Ari-  
stoteles humana sapientia sunt vberissimi  
fontes, & consensu maiorum nostrorum ca-  
eteris præstant, ideo tenentur sapientiæ stu-  
diosi ambos magnifacere, neminem despi-  
cere, ita tamen ut nobis suadeamus, scienti-  
arum*

*tiarum gradus, & ordines ex Aristotele esse hauriendos; max verò e Platone eliciendos spiritus, & ornamenta quedam, per qua contracti scientiarum habitus, viuiores, splendidioreſque reddantur. Præclare etiam Iuſtus Lipſius in man. ad Stoicam Philoſophiam lib. 1. diſſert. 4. ſcribit, in Theologicis, in Ethicis, in ipſis phyſicis, quam multa præclara, & rara Pythagoreos, aut Stoicos dixiſſe, vt vidimus ſupta.*

CAPVT XVIII.

*Aperiantur fontes, ex quibus antiqui Philoſophi Gentiles aliqualem ſupernaturalium fidei noſtra myſteriorum cognitionem haurire poſuerint.*

**C**Um ſupernaturalia fidei noſtræ myſteria ſint luminī naturali omnino imperuia; & tamen non obſcure interdum de illis mentio fieri videatur, à Philoſophorum Gentilium libris, qui amine fidei deſtituti fuerunt, hic breuiter examinandum duxi, quibus vijs, aut fontibus talis myſteriorum fidei cognitio ad illos peruenire, aut deriuari potuerit. Primò ex Oraculis ipſis Gentium. Secundò ex libris Sibyllarum. Tertio ex conſuetudine cum Hebræis. Quartò ex diuinatum ſcripturarum lectione.

Igitur quod pertinet ad primum; in Oraculis, & Simulacris Gentium, qui loquebantur demones fuiſſe colligitur ex ſacra Scriptura in Pſalm. 95. *Omnes Dii gentium Dæmonia, Dominus autem calos fecit.* Vnde, ſicut viuente Domino, multi dæmones coacti fatebantur ipſum eſſe Dei filium Matth. cap. 8. v. 29. Sic interdum qui in Simulacris illis lapideis, ligneis, aureis & argenteis reſpondebant, multa etiam de religionis noſtræ myſterijs, longè ante prædicere poterunt, vel ex ipſis Prophetarum oraculis à dæmonibus non ignoratis; vel etiã ipſis Sanctis Angelis, quod prius ab omnipotente Deo immediatè didice-

*Bibliot. Theol. Tom. I.*

rant, eiufdem iuſſu, ſibi reuelantibus, reuelataque ſæteri cogentibus; vt docet D. Auguſtinus de Genef. ad litteram, & libro de diuinatione Dæmonum cap. 6. vbi rectè notat non eſſe indignanter accipendum, *Quod aliqua etiam talia demones audiant & prædicant, quaſi aliquid indignum ſit, vt quod ideo dicitur vt hominibus innoſceſcat, hoc non ſolum boni, verum etiam mali non taceant: cum in ipſis hominibus, etiam vita bona præcepta, videamus pariter à inſtis peruerſiſque cantari. Nec obefſe aliquid, imo etiam prodeſſe ad maiorem noſſitiam, ſamamque veritatis, cum de illa etiam hi quicquid nouerunt dicunt, qui ei peruerſis moribus contradicunt.*

Sed aliqua huius rei proferamus exempla. De Chriſti dignitate, diuinæque natura oraculum habemus Apollinis Delphici, quod reſert Nicephorus lib. 1. cap. 17. Suidas in Auguſto, & Baronius in apparatu ad Annales Eccleſiaſtiſticos. Cum enim Auguſtus, Apollinis ſtudioſiſſimus, Delphum ſe contuliſſet illum conſulendi gratia, eique ſacrificafſet Hecatombem; hoc tandem accepit reſponſum

*Me puer Hebraus, Dinos, Deus ipſe gubernans,*

*Cedere ſede iubet, triſtemque redire ſub arcum.*

*Aris ergo dehinc tacitus diſcedito noſtris.*

Quamobrem, reuerſus Romam Auguſtus, aram extruxit in Capitolio cum hac inſcriptione Ara Primogeniti Dei: qui putatur eſſe locus in Capitolio, vbi nobiliſſimum templum antiquitus erat Iouis Capitolini: eo vero proſtrato ſucceſſit Baſilica à Conſtantino magno vt dicunt erecta in honorem Dei Genitricis Mariæ, & ob allatam rationem vocata Ara-Coeli; vel quod alij aiunt, Dei Genitricem Mariam infantem in vlnis habentem, ſublimem in aère ab eodem Auguſto illic eſſe conſpectam.

Reſert quoque Cedrenus, & ex ipſo Thomas Boſius lib. 9. de ſignis Eccleſiæ cap. 6. ab Argonautis ædificatum fuiſſe

H h

tem-

templum omnium nobilissimum, quod Plinius lib. 36. cap. 1. describit veluti inaximè admirandum; consultumque ab illis oraculum, cui consecrari deberet, carmina hæc fudisse

*Affidua virtute decus sublime parate.  
Atque unum (sic mando) Deum, qui  
cuncta gubernas  
Cælesti residens solio, colite, atque ti-  
mete*

*Illius aeternum atque ante omnia secula  
verbum  
Nescia virgo viri nostras emittet in au-  
ras.*

*Quod velut igniferis impulsâ sagitta  
procellis  
Edomitum reddet divino munere mun-  
dum.*

*Huius, cui Maria nomen, Sanctissima  
mater  
Agnosces templum proprium sibi rite  
dicatum.*

Quod Oraculi responsum tanti fecerunt antiquæ gentes, ut illud æreis litteris in marmore impressis consignatum æternæ memoriæ commendarint, ac supra ianux frontem cunctis legendum, proposuerint. Sed populi sinceræ veritatis ignari, à Dæmone seducti fabulose Deorum matri Rhææ illud dicarunt templum, quod deinde Imperante Zenone ad cultum Beatissimæ Virginis Mariæ est traditum. Rursus Iason Argonautarum princeps, cum templum primum in Arce Athenis ædificasset, Apollinemque Delphicum consulisset, cuius futura esset ædes illa, & cui dedicanda in posterum. Tunc ille Deo volente & cogente sic respondit: *Quæcumque ad honestatem, virtutemque vos incitant, facite. Ego autem tres cupio, Deum unum regnantem apud superos, cuius verbum ab interitu alienum, conceptum in simplici virgine, quod tamquam ignitus arcus percurrentis mundi medium omnes capiens, eos adducet donum Patri. Huius erit hæc ædes. Maria autem erit nomen eius, hæc oraculum respondit, ut Procopius Martyr Diocletiano imperante pro Christi cultu interfectus recitat ad confundendos*

Gentiles, apud Simeonem Metaphrastem tomo 4. Srij Julij 8. De fidei propagatione, refert etiam Lampridius in Alexandro, cognitam fuisse ex oraculis; Deorum templa deferenda, Romanos omnes, & Imperatores, Christianos futuros. Plura alia vide tomo 1. Biblioth. SS. Patr. impress. Colon.

De Trinitate duo etiam inter alia, habemus insignia oracula: alterum Serapidis; Apollinis alterum. Serapis consulenti Tullo, qui Troiano bello regnabat in Aegypto, quis se beator esset, his duobus carminibus respondit

*Principio Deus est, tum sermo, & spiritus istis*

*Adiutur: agnaua hæc sunt, & tendentia in unum.*

Habetur apud Lindouicum Viues in lib. 11. de ciuitate Dei.

Apollo similiter interrogatus de vera religione sequens dedit responsum, prout refertur ab Augustino Steucho Eugubino lib. 2. de perenni Philosophia cap. ultimo.

*Ne me vinam supremum infelix ipsi  
Sacerdos*

*Sisciteris de Sancto ac Divino Genitore*

*Et sobole chara, rebus magni induperantis,*

*Et statu, qui mundum astrictum continet omnem,*

*Montes, tellurem, fluvios, mare, sartara, & ignem*

*Aëraque; heu templis hic me discedere ab istis*

*Cogit: linquetur quo edebam Oracula, limen.*

Quare cum hæc interdum, aliaque similia, sic disponente Deo, loquerentur oracula; Philosophi Gentiles, qui eis fidem habebant, primum inde habere potuerunt aliqualem mysteriorum fidei nostræ cognitionem, quamvis illam postea multis erroribus admiscuerint.

Secundò haurire potuerint Philosophi Gentiles hanc cognitionem ex libris Sibyllarum, in quibus ut capite subsequenti videbimus, exactissima om-

nium

nium ferè mysteriorū nostræ fidei mentio habetur. Legisse enim veteres Philosophos scripta Sibyllarum, quæ vulgatissima erant, quis dubitet? Certe Aristoteles sect. 30. Problematum, quærit, unde habere poterint vim diuinandi; cognitionem igitur habuit Sibyllarum, quodque diuino afflatu spiritu loquerentur. Plato quoque, auctore S. Iustino in adhortatione ad Gentem, miratus est carmina Sibyllæ Cumes, eiusque mentionem fecit in Phædone.

Tertiò veteres Philosophi hanc eandem mysteriorum fidei notitiam comparare potuerunt verbo, & traditione ab Hebræis, quibus eos familiariter vsos fuisse, satis ostendunt tum locus ubi hæc didicerunt, tum etiā præceptores à quibus didicerunt. Locus enim ubi pro maiori parte didicerunt fuit Aegyptus, ut testatur Theodoretus lib. 1. & 2. de curandis Græcorum affectionibus, ubi sic loquitur *Pherecydem Syrum, Samium Pythagoram, Thalesem Milesum, Platonem denique ipsum non piguit veritatis causa Aegyptum, Thabasque Aegyptias colustrare.* Orpheum quoque, qui longè antè omnes istos fuit, floruit enim ex communi sententia tempore Iudicum; & à quo, ut testatur Proclus super Timæum, omnis Pythagoricorum & Platoniorum Theologia duxit originem; idem Proclus est author didicisse, quæ deinde cæteros docuit de Deo, ab Aegyptijs; & in Aegypto diu versatum esse scribit Iustinus in Apologetico; sed quid alienis indigemus testibus dum ipse de seipso in Argonautica sic testatur; *Aegyptique sacra omni sum regione vagantur.*

*Illustrem Memphim, sacrasque accessimus urbes.*

At in Aegypto frequentes Hebræos fuisse nemini dubium esse potest, tum quia Iudei non multum distabant ab illa, tum quia Hebræorū Patriarchæ ibidem vixerant. Ibi enim fuerat Abraham peregrinus; ibi Ioseph, quem constituit Pharaon Principem domus suæ, ut erudires principes eius sicut seipsum, & senes eius *Bubliot. Theol. Tom. I.*

*prudentiam doceret.* Ibi Iacob cum filiis, & cæteri Patriarchæ plenissimi Deo: ibi denique Hebræi omnes, per annos ferme quadringentos commorati sunt: à quibus didicerūt Aegyptij de vero Deo, quæ deinde Philosophi Gentibus impertirent; vnde iam citatus Theodoretus, ut alios omitam, postquam attulisset Porphyrij testimonium asserentis, quidquid veri de Deo cognoscitur, id omne deberi non Græcis, sed Barbaris, quod multo prius Plato docuerat in Epinomide, subdit eodem lib. 1. *Aegyptios, Phanices, & Chaldaeos, si quid veritatis didicerunt, ab Hebræis præceptoribus didicisse.*

Quod insuper plures ex antiquis Philosophis aliquos pro magistris Hebræos habuerint, non est dubitandi locus. Nam Iosephus in lib. contra Appionem, & Alexand. in lib. de Symbolis Pythagoricis scribunt Pythagoram, discipulum fuisse cuiusdam Nasarei. Immo S. Ambrosius vult fuisse Hebræum. Clemens Alexandrinus in lib. Stromatum, & Theodoretus libro illo 1. de curandis Græcor. affectionibus, asserunt fuisse circumcisum. Et ipsemet Plato Pythagoram nunc Syrum, nunc Phenicem appellat. De Platone quoque, cum varias scripturæ veteris sententiās in suis scriptis vsurpet, probabile putat D. Augustinus lib. 8. de ciuitate Dei cap. 11. aut Hebræorū litteras didicisse, aut certe vsum præceptore, & interprete Hebræo, eo forte tempore quo eruditionis causa se contulit in Aegyptum, ubi tredecim annos Heliopoli cum Sacerdotibus fuit. Esti autem de Aristotele non legatur, in Aegypto fuisse, eum tamen etiam vsum fuisse Hebræis præceptoribus docet Clearchus nobilis Peripateticus ex Iosepho lib. 1. contra Appionem, & Eusebio lib. 9. de præparat. Euangel. cap. 3. Inducit ergo Clearchus lib. 1. de somno Aristotelem narrantem, se cum Iudeo quodam viro sapiente collocutū, multoque plura tam de Deo, quam de naturalibus rebus in eo sermone didicisse, quam docuisse.

Quarto denique Philosophos Gentiles diuinas Scripturas legisse, & ex earum fontibus mysteriorum fidei cognitionem, aliarumque rerum hausisse docent communiter Patres. De Platone asserit D. Thomas 1. p. q. 66. artic. 1. ad 5. quest. 74. artic. 3. ad 4. in 1. sentent. distinct. 3. quest. 1. artic. 4. ad 1. de Potentia q. 4. artic. 1. ad 2. illum vidisse librum Genesis, & exposuisse aliquid eius. Quod si quis dicat, nec illius, nec aliorum antiquiorum Philosophorum ætate nondum à septuaginta duobus interpretibus vetus testamentum in Græcam linguam fuisse translatum, ut potuerit ab ipso, & cæteris legi. Respondeo primò facile per interpretem, instrui potuisse, quid in nostris Scripturis contineretur; nondum illis in Græcam linguam translatis. Secundò respondeo valde probabile esse libros Moysis etiam longe ante tempora Ptolomæi Philadelphi in Græcam linguam fuisse conuersos, ut Clemens Alexandrinus lib. 1. Stromat. & Eusebius in libris de præparatione Euangelica 11. & 13. attestantur, ubi authorem laudant Aristobulum Iudæum cognomento dictum Peripateticum, ex libro quem scripsit ad Ptoleum Philomitem, cuius verba hæc sunt: *Apertissimum est leges & disciplinam nostram diligenter fuisse Platonem secutum. Non enim lætes, si quis assentius eum legat, perlectam ab eo, & quidem diligenter scripturam fuisse. Scimus etiam omnes ante Demetrii Phaleræi tempora; imò verò ante Alexandrum & Persarum Imperium quinque Moysis libros in Græcam linguam, quamvis non commodè traductos fuisse. Tota verò scriptura nostra Demetrii Phaleræi opera, & Philadelphi Regis sui progenitoris iussu.* Sed de his redibit sermo sequenti libro agendo de varijs sacrorum librorum translationibus. Ut autem Philosophi veteres multa acceperunt à Moyse, & Prophetis, ita recentiores ab Apostolis, & Euangelistis. Huiusmodi sine dubio fuit is, cuius meminit S. Augustinus lib. 7. confess. cap. 9. & lib. 10. de

Ciuitate Dei cap. 19. qui totum fere caput primum Euangelij S. Ioannis in suos transtulit libros. Hunc fuisse Amelium Plotini discipulum, testatur S. Cyrillus lib. 8. contra Iulianum; & certè rem ita se habere facile cognoscat, qui verba leget ipsius Amelii, quæ refert Eugubinus lib. 1. cap. 31. de perenni Philosophia, & Viues in locum illum citatum D. Augustini de ciuitate Dei; sic enim habet: *Atque hoc erat Verbum, per quod semper existens, ea, quæ sunt, facta fuerunt, sicut Heraclitus censet, & per Ionem; quod verbum Barbarus ille (sic B. Ioannem appellat) existimat in ordine, & confusione principium stans apud Deum fuisse, & Deum esse, per quem in vniuersam cuncta sunt facta, in quo quod factum fit, fuerit viuens, & vita, & ens; tum in corpora lapsum, carnemque indutum, hominem apparuisse, ostendens etiam tunc natura sua magnitudinem.* Hæc Amelius.

## CAPVT XIX.

*De Sibyllis, librorumque Sibyllinorum auctoritate.*

Cum Sibyllas eum locum habere voluerit Deus apud Gentiles, inquit Clemens Alexandrinus lib. 6. Stromatum, quem Prophetæ habuerunt apud Iudæos; quare D. Paulus Gentiles exhortabatur ad lectionem Sibyllarum, ut refert idem Clemens eodem loco, non quidem in epistolis, sed in concionibus ad populos habitis, ut bene notauit Cardinalis Baronius in suo apparatu ad annales Ecclesiasticos; cum, inquam, res ita se habeat, quodque omnes fere antiqui Patres Sibyllarum auctoritate, & testimonijs vsi sint aduersus Gentiles ad probanda supernaturalia fidei nostræ mysteria; adeò ut ex Origene lib. 5. contra Celsum, Christiani passim Sibyllistæ nuncuparentur; post locum Theologicum ab auctoritate Philosophorum antiquorum desumptam, opere pretium duxi aliqua breuiter de Sibyllis, earumque



que libris attingere, ad completam locorum Theologorum notitiam, ex quibus utcumque probari, confirmari, vel illustrari possunt augustissima Sanctissimæ fidei nostræ mysteria & arcana, pro ut ipsamet Ecclesia illis utitur, dum aludens ad Sibyllam Erythream quæ de adventu Christi ad iudicium carmine mirabili vaticinata est ait: *Dies ira, dies illa; Solus scilicet in favilla; Teste David cum Sibylla*, ubi si non equari, saltem coniungi David Vati, Sibyllæ videtur oraculum.

Primum igitur, aliquas feminas Sibyllas dictas existisse, librosque magna olim in veneratione habitos composuisse, patet ex innumeris omnium penè antiquorum, Scriptorum testimonijs, ac monumentis Varronis in lib. rerum diuinarum ad Cæsarem, Chrysippi lib. de divinatione, Ptolemy lib. 7. cap. 35. Solini, Aeliani, Gellij, Dionysij Halicarnassei lib. 4. Histor. Roman. Taciti lib. 5. Annales, Suetonij in Octaviano Augusto, & aliorum plurium, quorum meminit Onuphrius in lib. factor. Ex veteribus autem, ac Sanctis Ecclesiæ Patribus. specialem Sibyllarum mentionem faciunt Clemens Alexandrinus lib. 6. Stromatum, Amobius in libris contra Gentiles, Lactantius Firmianus passim in suis operibus, Theophylus Antiochenus ad Autolicum lib. 2. Cyrillus lib. 8. contra Iulianum, D. Hieronymus lib. 1. contra Iovinianum, Sanctus Augustinus passim in libris de civitate Dei præsertim 10. & 18. & in oratione contra Iudæos, & Paganos, D. Thomas opusc. 29. & lib. 2. de regim. principum. Putant aliqui fuisse, sive appellatas à voce Hebraica *Kabal* recepit, acceptavit, unde *Kabala* significat doctrinam cælitus traditam: melius tamen alij cum D. Hieronymo loco citato contra Iovinianum existimant fuisse dictas Sibyllas, quasi *Siboulas* ab enuntiandis Deorum consilijs *Æolice* enim *Sies* vocatur Deus, & *Boulis* consilium.

Circa numerum, earumque nomina, quando, & ubi fuerint, omisissimarij sententijs quas collegit Ludovicus

Viues in cap. 23. lib. 18. Augustini de Civitate Dei, communior est opinio Varronis in lib. rerum diuinarum, Lactantij lib. 1. de falsa religione cap. 6. Suidæ verbo Sibyllæ, & aliorum, fuisse decem, videlicet *Persicam*, ab alijs Chaldæam, ab alijs Hebræam nuncupatam, cui proprium nomen Sambetha, Pater Berossus, mater Erymantha, locus verò natiuitatis Noë quæ urbs est prope mare rubrum. *Lybicam*; *Delphicam*, quod Delphis nata, alias Tenim, & Daphnen Tiresiæ filiam; *Camæam*, alias Italicam & Cimeriam, ex Cimelio Campaniæ vicino Cumis oppido; *Erythream*, *Samiæ*, cuius proprium nomen fuisse dicunt Pytho. *Campanam* nomine Amalthæam, quæ alijs Herophile, vel Demophile nominatur; narratque de illa novem libros, vel secundum alios tres tantum attulisse ad Regem Tarquinium Priscum secundum aliquos, vel secundum alios ad Regem Tarquinium Superbum, ac pro eis trecentos Philippæos postulasse, regeque aspernante pretij magnitudinem in conspectu eius tres libros exussisse, & pro reliquis idem pretij postulasse; cumque à rege veluti delira multo magis irideretur, tres præterea alios combussisse, nihiloque minus pretij pro tribus petijisse, regemque mulieris constantia, commotum tres illos libros Philippiis trecentis comparasse, iussisseque in Capitolio religiosissimè asseruari, & de rebus dubijs à Quindecim viris velut oraculum consuli. *Helleponticam* in agro Troiano natam vico Marmisslo circa oppidum Gergetum; *Phrygiæ*, quod Ancyra vaticinata sit, & tandem *Tiburtinam*, nomine Albunæ, quæ olim Tiburi culta est ut Dea, iuxta ripas amnis Anienis, cuius in gurgite simulacrum eius inuentum esse dicitur, tenens in manu librum.

Quod pertinet modo ad Sibyllarum, librorumque Sibyllinorum authoritatē, maximam olim fuisse satis patet ex hoc, quod non solum pro grauioribus reipublicæ negotijs consulenterentur, ut è quibus prodigiorum & euentuum significatio-

tiones, ac velut Dei voluntas exuebat; sed etiam quod hoc munus consulendi libros illos Sacros pertineret ad Duumuiros Sacros, quibus post eiectionem Regum, ciuitas ex illusterrimis delectis custodiendis tradiderat, adempta omnibus potestate sine ipsis eos videnti, aut consulendi, vt refert Dionysius Halicarnassæus lib. 4. Historiæ. Cui muneri pro Duumiris Decemuiri postea, præfecti sunt: isque numerus vsque ad tempora Sillæ permansit, qui in sua dictatura Quindecimuiri constituit sacris faciendis, vt notat Onuphrius in lib. Fast.

Ad horum quoque librorum dignitatem, & autoritatem commendandam valde conducit, quod cum tempore Tarquinij Superbi Romæ concremato capitolio, Olympiade 153. vt narrat Dionysius Halicarnassæus lib. 4. Historiæ Romanæ, etiam huiusmodi libri concremati fuissent, restituito deinde Capitolio, post septem annos ab Erythris publica legatione conquiriti, & reportati fuerunt, ac præuio diligentissimo examine, reiectis spurjis, probati, recogniti, atque purgati, tutiori loco reconditi. Quod idem, quod ad examen contigisse refert Suetonius tempore Octauiani Augusti, à quo tradit S. Lucas Euangelista in cap. 2. *Exiisse Edictum ut describeretur vniuersus orbis*. Cum enim ex libris ad Romanam Religionem pertinentibus, qui nullis vel parum idoneis authoribus vulgò ferebantur, supra duo millia vndique contracta cremauisset, solos Sibyllarum libros ab incendio reueruauit, ex his quoque delectu habitos, & ijs, qui nothi videbantur, exustis, residuos condidit duobus forulis auratis sub Palatini Apollinis basi. Idque non sine speciali Diuinæ prouidentie dispositione factum fuisse putat Cardinalis Baronius in apparatu ad Annales; tum vt quæ aduersus Gentiles Christiani adducere possent in testimonium haberent: tum etiam vt ea citantes, & ex libris ipsorum, & ab illis correctis testimonium petentes, nulla imposturæ suspicione moueri iure possent; licet neque adeo

illis parcerent: vnde in eos Lactantius lib. 4. cap. 15. *Hic, inquit, testimonij quidam reuicti, solent eo confugere, ut dicant, non illa esse Carmina Sibyllina, sed à nostris ficta, atque composita: quod profecto non putabis, qui Ciceronem, Varro nemque legere, qui auctores veteres, qui Erythram Sibyllam, ceterasque commemorant, ex quarum libris ista exempla profuerunt, qui auctores obierunt, antequam Christus secundum carnem nasceretur*. Hæc Lactantius.

Verum non tam ista, quam alia præclarissima Sanctorum Patrum suffragia, ad Sibyllarum, librorumque Sibyllinorum commendationem faciunt. Primum enim Clemens Alexandrinus lib. 1. Stromatum eas Gentilium Prophetissas appellauit; immò apud eundem ibidem tantum eis tribuit Heraclitus, vt non humanitus, sed diuinitus apparuisse putaret; quo enim vtriusque populi, Iudæi atque Gentilis consensu recipitur Christus Dominus, consilium Dei fuit, vt longè antea rei tantæ Sacramentum, Iudæis innotesceret per figuram aduersiones, & prophetarum predicationes; Gentilibus autem per suos ipsorum vates, quales præcipuè fuerunt Sibyllæ; quas etsi probabile sit, legisse libros propheticos, indeque aliqualem mysteriorum fidei nostræ cognitionem haurire potuisse, vt de Philosophis superiori capite diximus; nihilominus tamen plures Sancti Patres existimarunt, illis insuper fuisse diuinitus communicatam prophetiæ gratiam, Hieronymus enim lib. 1. contra Iovinianum omnes virgines fuisse dicit, illisque ob virginitatis in signum meritum diuinationem fuisse concessam; idem quo ad diuinum afflatum, prophetandi que gratiam docet Lactantius lib. 1. diuinarum Institutionum cap. 6. D. Augustinus lib. 13. contra Faustum cap. 15. & lib. 18. de Ciuitate Dei cap. 23. & 24. D. quoque Thomas pluribus in locis 2. 2. q. 2. art. 7. ad 3. q. 72. art. 6. ad 1. in 3. sent. dist. 23. q. 2. art. 2. de veritate q. 14. art. 11. ad 4. afferit multis Gentilibus, Sibyllis præsertim reuelationes de Chri-

## Sectio V. Caput XIX. 247

Christo factas fuisse, pluraque tam de illo, quam de mysterijs ad fidem Christianam pertinentibus expressè prophetasse. Immo nonnulla multo elarius prædixisse, quam vllum prophetarum, notat Cardinalis Bellarmin. lib. 1. de Christo cap. 11. Quod autem Deus ad prophetandum viros tantum inter Iudeos defegerit, feminas autem inter Gentiles, non solum ita vtrumque sexum honore, & munere prophetandi æquiparare voluit, sed insuper, vt carnis infirmitas in Christo ab infirmiore sexu prædiceretur, nec non à Virginitas Christus Virgo & eius mater item Virgo Virgineam & nouam vitam in mundum introduçturi, tum etiam quia viri cum suapte natura sint sapientiores feminis, congruum erat eas potissimum inter Gentiles ad vaticinandum assumi, vt maiori essent in admiratione.

Quam ob causam primis Ecclesiæ sæculis, ita frequenter Sancti Patres, tam ad conuincendos errores Gentilium quam ad facilius illis persuadendam fidem Christianæ veritatem, Sibyllarum authoritatibus ac testimonijs utebantur; queriturque Iustinus Martyr in orat. ad Antoninum Pium, malorum Demonum arte factum fuisse, vt pæna mortis earum lectio prohiberetur, quod metuerent certè ne qui eas legerent, notitiam inde veræ pietatis, ac fidei perciperent. Illæ enim de Christo, & Deipara, de Virgineo Deiparæ partu, de Christi miraculis, Passione, morte, resurrectione, de extremo iudicij magni die, alijsque multis ad præcipua Christianæ fidei mysteria spectantibus mira vaticinia ediderunt. Quorum nonnulla reperiuntur citata, apud veteres ac Sanctos Patres, aliosque grauissimos Scriptores, ex quibus plauit hic insigniora describere. Primum igitur de Christi aduentu, felicissimaque illius ætate vaticinatam fuisse Sibyllam Cumeam liquet ex illo carmine Virgilij,

*Iam noua progenies calo demittitur alto*  
Et iterum.

*Vltima Cumæi venit iam carminis atas*

*Magnus ab integro sæclorum nascitur ordo*

*Iam redit & Virgo, redeunt Saturnia regna.*

Et alia huiusmodi quæ nihil aliud videntur esse, quam quedam versuum Sibyllinorum interpretatio vt docet Diuus Augustinus lib. 10. de ciuitate Dei cap. 27. & epist. 155. ad Martianum; & licet Virgilius, aut quod ignoraret mysteria quæ de Christo nascituro in illis continebantur, aut ex magna adulatione, eos Salonio, vel Salonino Afinij Polionis filio tribuerit; nihilominus tamè Constantinus Magnus apud Eusebium Cæsariensem in oratione habita ad cæcumenæ Sanctorum Virgilij versus de Christo intellexit; Tiberij, inquit, tempore Saluatoris aduentus mundo eluxit, & Sanctissimæ religionis mysterium vigere cœpit, & noua secuta est populi propagatio: de qua arbitror Poetam ita cecinisse

*Iam noua progenies calo demittitur alto*  
&c.

Reliqua item carmina de Christi aduentu exponit. Imo putat optimus imperator, Maronem Poetam Christi aduentum cognouisse, videlicet ex Sibyllinis versibus. Diuus etiam Augustinus lib. 10. de Ciuitate Dei cap. 27. carmina illa eiusdem Virgilij

*Te duce, si qua manent sceleris vestigia nostri*

*Irrita, perpetua soluent formidine terras.*

Christo assignat, & Sibyllæ dictum censet continere. De Christo, inquit, etiam Poëta nobilissimus, Poëticè quidem, quia in alterius adumbrata persona, veraciter tamen, & ad Christum referas, dixit,

*Te duce, si qua manent sceleris vestigia nostri*

*Irrita, perpetua soluent formidine terras.*

Hoc non à seipso dixisse in illo versu indicat,

*Vltima Cumæi iam venit Carminis atas*

Vnde

Vnde hoc à Cumæa Sibylla dictum esse incunctanter apparet, ait S. Augustinus.

Apud eundem Eusebium in citata oratione Constantini, quæ habetur post eius vitam, & apud D. Augustinum lib. 18. de Civitate Dei cap. 23. Erythrææ Sibyllæ Poëma habetur, in quo de Christo, & eius passione, atque extremo iudicio altissimè, & manifestissimè vaticinata fuit: licet nonnulli Cumanæ illud adscribant. Cuius etiam Poëmatibus capitales litteræ ordine collectæ hanc sententiam reddunt Græcè, ΙΗΣΟΥΣ ΧΡΙΣΤΟΣ ΘΕΟΥ ΥΙΟΣ ΣΩΤΗΡ ΣΤΑΤΡΟΣ, hoc est, Iesus Christus Dei Filius, Servator, Crux. Hoc genus Poëmatibus apud Græcos dicitur *ἀνεγρηγ*, Latine acrosticum dici potest, & vñtatum est apud Ennium, ut scribit Cicero lib. 2. de Divinatione, ubi etiam addit se vidisse, carmina Sibyllæ, quæ initialibus litteris totius Poëmatibus sententiam prætexebant; utique huius Erythrææ carmina intelligens, ut idem Constantinus in eadem oratione cap. 9. asserit, addens eundem Ciceronem ex Græco in Latinum istud Sibyllæ Poëma conuertisse, quod etiam inter opera Ciceronis hodie non invenitur, ex præcitato nihilominus libri de Divinatione loco planè cognoscimus, Ciceronem huiusmodi carmina legisse; sic autem se habent apud citatum Eusebium.

*Iudicis adventu magni sudore videbis  
Emanare solum. Tunc Rex æternus ab  
arce  
Sydereæ præfens, carni ius dices & orbi,  
Ut spectare Deum pia gens, atque im-  
pia possit.  
Hæc eris omnis humus, vepres, & tri-  
stis arena,  
Rescindens simulachra homines, aurum-  
que repellens,  
Incendentque avidè terram, mare, sy-  
dereæ, flamma,  
Stabunt sanctorum sub apertum corpora  
lumen,  
Tetraque mens, & sancta illo splendo-  
re patebit.*

*Voce latens facinus, quod gessit, quisque  
loquetur*

*Subdolaque humani pandentur pectoris  
antra;*

*Dira mali facies, pavor undique, &  
undique luctus;*

*Et iubar innoluens Solis, Stellasque se-  
nebra.*

*Iam vaga labetur Phæbe, ruet arduus  
æther,*

*Ferre caput valles, disiectis alpidibus,  
imas*

*Inseris; humanum culmen, fastusque  
iacebit,*

*Lataque planities montes æquabis, &  
altum*

*Instatū rate stabis, & vrent fulmina  
terras.*

*Vna deficiet flagrans cum fontibus am-  
nis.*

*Sordida de celo tuba fundet lugubre  
murmur,*

*Supremumque orbi canet exitiabile car-  
men*

*Et subitæ stygium chaos apparebit hia-  
tu,*

*Regnantumque Dei celebrabis turba  
tribunal*

*Vndaque sulphurea fluet alto ex æthere  
flamma,*

*Afflabis mortale genus insigni coru-  
scans,*

*Frabs sancta in rectis animis optabile  
robur,*

*Omnibus una pijs vita melioris ori-  
go:*

*Rursus vesani dolor, atque offensio mun-  
di,*

*Collustrans undis duodeno in fonte fide-  
les.*

*Regnabit latè pascentis ferrea virga,  
Vnus, & æternus Deus, hic Servator,*

*& idem  
Christus pro nobis passus, quem carmi-  
na signant.*

Divus Augustinus loco citato facit horum quoque carminum mentionem, quamvis secundum aliam translationem & commemorat virum clarissimum Flavianum, seu Flaccianum hominem sum-

summæ facundia, multæque doctrina, cum de Christo colloqueretur, Græcum sibi codicem protulisse huiusmodi carmina continentem; atque eleganter docet, quod si coniungas primas litteras quinque verborum, quæ resultant ex capitalibus litteris Carminis Erithrææ, efficitur nomen ἰχθύς, id est piscis, quod mysticè Christum significat: *Es quod, inquit Augustinus, in huius mortalitatis abyſſo, velut in aquarum profunditate, vivus hoc est sine peccato esse poteris. Quia piscis appellationem iam longè ante Christo tribuerat Tertullianus in libro de Baptismo cap. 1. vbi ita loquitur: Sed nos pisciculi secundum ἰχθύς nostrum in aqua nascimur: nec aliter quàm in aqua manendo salvi sumus.* Et Hieronymus Epistola 43. vbi Bonosum laudat, ait inter cætera: *Bonosus tamquàm ἰχθύς filius agnosca peris.* Ratio autem cur potius hi Patres Græcum, quam Latinum vsurpauerint vocabulum alia non videtur esse, nisi quod tunc temporis versarentur per hominum manus prædictæ Sibyllæ Erithrææ carmina, quorum ἀπὸς αὐτῶν, ut iam diximus hæc verba, conficiebat ἰσθὺς Χριστὸς τοῦ οὐκ ἐστίν. Atque ex horum verborum initialibus litteris vna connexis vox ἰχθύς concinnatur. Ita colligitur ex præfatio Sancti Augustini loco; & clarius ex fidei eius discipulo D. Prospero in lib. de prædest. par. 2. cap. 35. *Satias, inquit, ex seipso in littore discipulos, & toti offerens se mundo, ἰχθύς namque Latine piscem sacris litteris maiores nostri interpretati sunt, hoc ex Sibyllinis versibus colligentes, quod est Iesus Christus Dei filius Salvator.* Piscis in sua passione decoctus, cuius ex interioribus remedijs quotidie illuminamur & pascimur. Quibus postremis verbis alluditur ad Tobia piscem, quo etiam pisce Christum fuisse significatum Sacri doctores autumant. Sed & Optatum Milevitanum adhuc audiamus libro contra Parmen. tertio hisce verbis scribentem; *Hic est piscis, qui in baptismo per innovationem fontalibus undis inscribitur, ut quæ aqua fuerat, à pisce etiam piscina vocetur.*

*libliot. Theol. Tom. I.*

*Cuius piscis nomen secundum appellationem Græcam in uno nomine per singulas litteras turbam sanctorum nominum continet, ἰχθύς quod est Latine Iesus Christus Dei filius Salvator.* Quo etiam respexisse videtur S. Paulinus in epistola 33. dum ait. *Quos quinque panibus & duobus piscibus panis ipse vernus & aque viva piscis Christus explevit.*

Plura alia Sibyllarum carmina, quibus Christi miracula, passio, resurrectio, earumque circumstantiæ mirabiliter prædicta continentur, antiquissimus & locupletissimus testis Lactantius Firmianus adducit lib. 4. de vera sapientia; eaque veluti sagittas aduersus Ethnicorum incredulitatem iaculatur, non facturus certe nisi auctoritatis haberent pondus, veritasque subesset. Extat quoque apud Sozomenum lib. 2. Historiæ Ecclesiasticæ cap. 1. & apud Nicephorum libro 8. cap. 9. de Cruce præclarum hoc carmen. *Ὁ ἁγίον μανδύειν ἐφ' οὐ τοῦ ἰχθύος.*

*Olignum beatum, in quo Deus extensus est.*

Quod quantæ auctoritatis esset, ostendit idem author his verbis: Apud Græcos confessa res est, hoc esse Sibyllæ carmen; quate & lignum crucis, & eius veneratio à Sibylla significata est. Hæc ille.

Sed de his fufius inter Scriptores modernos videri possunt; Sixtus Senensis lib. 2. Bibliothecæ Sanctæ Verbo Sibyllæ; Vbi quæ à singulis separatim prænuntiata fuere, iuxta ordinem mysteriorum humanæ salutis in vnum collegit; Laurentius Beyerliogh in magno Theatro vitæ humanæ, verbo Sibyllæ: Petrus Canisius lib. 2. de corrupt. Verbi Dei cap. 7. vbi citat decem Sibyllarum testimonia pro Mariæ Virginitate, & Virgineo partu; Bosius in libro de Triumphali cruce; & tandem libri 8. Sibyllinorum carminum, qui præteritis annis ex antiquissimo codice in Germania inuento, primum separatim, deindè tomo 1. Bibliothecæ SS. Patrum impressionis Colonienfis, & vltimæ Parisiensis excusi sunt. Verùm cum diligenti eruditorum

I i iudi-

dentia opus eſt; nam poteſt aliquis peculiare ob cauſas habere præ alijs cognitionem, vel certe illuſtriorem cognitionem alicuius facti. *Secundo*. Minorem aſſenſum per ſe ſibi merito reponſcunt illæ hiſtoriæ, quarum ſcriptores ſtipendia à principibus, vel alijs accipiunt ad hoc vt eorum facta enarrentur, vel in eorum obſequio commorantur. Dicitur, *per ſe*, quia quo ad pertinentia ad talem principem, poſſunt illa eſſe magis ipſis nota; an vero ſint amatores veritatis, vel potius adulationis ex modo ſcribendi deprehendi poterit. *Tertiò* minus certò aſſentiendum eſt illis hiſtorijs, vel hiſtoricis, in quibus eſt aliqua gratiæ ſuſpicio in ſcribendo, vel ſimulatis: quod ſatis apparet; ſi quæ aliquis minus rectè geſſit recenſeat latè hiſtoricus, omiſſis, vel leuiter pertractatis illis, quæ honorificè, ac laudabiliter geſſit, licet hæc fuerint multa; vel vice verſa, narret ſolùm laudabilia, quævis pauca, prætermiſſis minus laudabilibus, quamvis hæc pauca non fuerint, nec occulta. *Quartò*. Minor abſolutè fides adhibenda eſt illis hiſtorijs, in quibus ſcribendis poteſt eſſe dubium, quod paſſio amoris hiſtoricos occæcauerit. *Quintò* illis, quarum ſcriptores ſciremus ſolitos eſſe exaggerare geſta à ſe, vel ab alijs, qui ſibi eſſent amici. *Sextò* illis, quæ ſcribuntur à viris, qui quæcumque à quolibet fermè ad ſe delata, in Annales referunt. *Septimò* tandem, minorem probabilitatem ac certitudinē per ſe habent ſcribentes illa, quæ ſuomet non contigerunt tempore; nam ſic, ex fama, audituque multa neceſſe eſt, vt proferant; hinc benè Cardinalis Baro-  
nius ad annum Chriſti 34. numero 177. ait, *Non parum certè interſſe in veritate hiſtorica diſquirenda, auctorum, qui res geſſas ſcripſerunt, quo vixerint tempore, cuiuſnam fuerint eruditionis, atque exiſtimationis, rationem habere, poſſiſſimumque ſi huiuſmodi ſcriptores rerum perſpellarū, ac eorum atate editarum, ſi pietatem & virtutem, cum doctrinā, & veritate con- iunxerint, ut plane digni ſint, quibus fides*  
*Bibliot. Theol. Tom. I.*

*integra habeatur, ſoli ſint, quibus caeteri aſſentiantur, ſoli denique ſint, quibus reliqui, quæ ſcinerint, vel ſcripſerint, tamquam ab ijs accepta referant.* Dicitum eſt, minorem per ſe fidem mereri, vel habere ſcribentes illa, quæ ſuomet non contigerunt tempore; quia veluti per acci- dens poteſt eſſe veracior, ſiue fidelior hiſtoria, quæ ſcribitur ab hiſtoricis, qui non vixerunt tali tempore, eò quod cogi aliquando poſſint hiſtorici ad reticēda multa, licet publica, vel ſemipublica, viuētibz principibus, ac alijs, quorum facta præſentia exponuntur. Quod de ſcribentibus illa, quæ ſuo non contigerunt tempore diximus, idem ſerè poteſt aſſeri de illis, qui Hiſtorias rerum in remotis, remotiſſimisque locis geſtarum conſcribunt; mendaciſſima enim, facile tranſmitti poſſunt ab illis ad nos; quorum mendaciorum falſitas aperta à nobis haud deprehendi poteſt. Sed tam de his regulis, quam de alijs ad hiſtoriam, hiſtoricoſque pertinentibus fuſius agemus lib. ſequenti ſect. 8. ſufficit enim ſupradicta breuiter attingiſſe, ad explicandum quantam ex ſe habeat authoritatem hiſtoria humana, ſiue Eccleſiaſtica, ſiue prophana extra ſacræ ſcripturæ libros contenta ad probationes Theologicas.

Vt autem ex dictis hiſtoria etiam Eccleſiaſtica præciſe, perfectæ demonſtrationis Theologicæ principium eſſe non poteſt, ita, licet vtilis quidē eſſe poſſit, quia iuncta fidei dogmatibus, probabiles, ac interdum etiam moraliter certos aſſenſus parit, neceſſaria tamen non eſt Theologiæ, nec eius aſſenſibus gignendis; dico Theologiæ aſſenſibus; quia actibus ijs, quibus aſſentimur reuelata cælitus oracula, quæ Theologicarum principia ſunt demonſtrationum, eſſe credibilia, hoc eſt talia, quibus diuina fides poſſit adhiberi, illis, inquam, actibus gignendis neceſſaria, nedum vtilis dici poteſt hiſtoria Eccleſiaſtica; quatenus in illa continentur multa miracula, multe reuelationes diuinitus factæ, & ſimilia quæ vbi certò ſemel de-

illorum veritate constat, inter præcipua credibilitatis fidei nostræ motiua, & argumenta reponi debent. Quænam autem sint regulæ ad dignoscenda vera miracula, verasque reuelationes, prophetias, visiones, siue apparitiones à falsis, dicetur suo loco; de quibus etiam videri possunt, Ioannes Card. Turrecremata in prolegom. defens. Reuelat. exlestium S. Brigittæ, Martinus Delrio dis-

quisit. Magic. lib. 4. Aluares de vita Spirituali tomo 3. lib. 5. Tyreus de spirit. apparitione, Lucas Castellinus tract. de certitudine gloriæ Sanctorum, Christophori Seymnelij locus de miraculis Ecclesiæ Dei expositus, Friderici Forneri palma triumphalis miraculorum Ecclesiæ Catholicæ; alijque plures ab illis citati, suoque loco à nobis citandi.

## SECTIO SEXTA.

De loco Theologico, cui tanquam iudici controuersiarum diuinæ fidei sistendum est.

### CAPVT PRIMVM.

*De nomine, & existentia iudicis controuersiarum diuinæ fidei.*



**P**OSTQVAM in superiori sectione vidimus, quantam vnusquisque locus Theologicus autoritatē habeat ad probationes Theologicas, superest ad completā huius matæ notitiā, vř explicemus, enīnam ex illis competat esse supremum diuinæ fidei, seu controuersiarum Theologicarum iudicem, eoque diligentius quo heretici nostri temporis, hac in re grauius errant, & quo illius semel explicatione percepta, compendiosiore ad illos euincendos viam habemus, in omnibus diuinæ fidei controuersijs, vbi enim constiterit talium controuersiarum esse iudicem, illie necesse est esse veritatem, non tantum scripturarum & expositionum, sed etiam omnium traditionum Christianarum, vt rectè docet Tertullianus libro de præscriptionibus aduersus hereticos capite decimo nono. Verum prius in hoc capite stabilendum est,

quid nomine iudicis controuersiarum intelligatur, quodque detur aliquis supremus iudex omnium fidei controuersiarum; deinde in sequentibus, quænam sint conditiones potissimum necessariæ, & ita essentielles illi, vt ijs sublati, vel earum aliqua, desinat esse iudex legitimus; illis enim semel explicatis, tunc ex eo, quod illæ alicui insint, vel non insint, facile diiudicabitur, quis sit ille supremus iudex, vel quis non sit, contra hereticos.

Primum igitur pro explicatione nominis aduertendum est, in rigore & proprietate tam rei, quam sermonis, iudicem & regulam respectu vnus & eiusdem obiecti valde inter se differre, quæ admodum in quauis republica ipsa lex & magistratus distinguuntur: est enim regula norma, seu medium, quo iudex vitur ad determinandum, seu iudicium ferendum: Iudex verò est, qui definit, vel sententiam profert. Vnde ratio regulæ, rebus quidem mortuis & mutis potest

potest conuenire, iudicis verò ratio minimè: sed ad legis distinctionem nuncupatur aliquando lex viuæ lex loquens. Quare iam ex hoc capite non videntur heretici statum præsentis difficultatis afsecuti, vt dicitur infra, quando pro iudice controuersiarum sacram Scripturâ afferunt, quæ tantum vna est ex regulis & medijs, quibus ipse iudex ad discutiendam veritatem, iudiciumque ferendum vtiur.

Obseruandum est secundò, loquendo in genere de iudice controuersiarû, posse illum distingui duplicem, primarium vnum, secundarium alterum; primarius vocatur, qui est omnium supremus, & à quo habet secundarius tam virtutem, quam authoritatem iudicandi, sicut est Deus, seu Spiritus Sanctus, vt enim ipsius fidei, & reuelationis reum ad illam pertinentium Deus est author primarius, & supremus, ita etiam & veritatis cuiuslibet ad fidem spectantis primarius & supremus est iudex. Secundarius verò iudex appellatur, quo mediante Deus iudex primarius proit de veritate alicuius propositionis ad doctrinam fidei spectantis, cum enim Deus non explicet, nec reuelet per se ipsum, & immediatè singulis controuersias fidei, vt patebit infra, is, per què pro præsentis Ecclesiæ statu obit istud munus, veritates discernendo, & diiudicando, dicitur secundarius iudex; eo ferè modo quo apud Philosophos vocantur causæ secundæ, quarum interuentu Deus res ipsas creatas producit. Nec ab hac distinctione iudicis abhorrent heretici, cum, vt dicitur infra, dicant Scripturam sacram, & Spiritum Sanctum esse controuersiarum iudices, sed hunc primarium, illam verò secundarium.

Notandum est tertio secundarium iudicem adhuc posse subdiuidi in priuatum & publicum, quemadmodum etiam iudicium aliud est priuatum, aliud publicum; vt autem priuatum iudicium illud appellatur, quod fit à priuata persona ex priuata authoritate; publicum

verò ex authoritate publica, & in persona principis vel reipublicæ; ita etiam ille dicitur priuatus controuersiarû iudex, qui priuatum illud exercet iudicium, publicus verò, qui illud publicum. Nonnisi tamen valdè improprie quilibet priuatus fidelis iudex dicitur, & actus eius intellectus, quo assentitur rebus fidei, nonnisi etiam inepetè vocatur iudicium; secundum quod hæc nomina iudex, & iudicium debent vsurpari in præsentis materia. Etsi enim apud Philosophos communiter assensus intellectus vocetur iudicium, nihilominus in foro etiam ciuili; ad cuius formam & analogiam debent sumi hæc nomina dum agimus de iudice controuersiarum, subditus quilibet priuatus non dicitur iudex controuersiarû, quæ circa legem principis, vel reipublicæ potest oriri, nec aliquod exercere iudicium propriè dictû, cum careat omni authoritate publica, & iudicium hoc sit superioris ad inferiorem, non vice versa, priuati si quidem cuiuslibet, vel subditi non est discutere iuridice sententiam principis aut reipublicæ: sed ei obedire, & hunc assensum formare, quod sit iusta.

Notandum quarto, duobus modis posse intelligi aliquem constitui publicum iudicem pro dirimendis fidei controuersijs, primò quo ad exteriorem, dumtaxat politiam, quatenus sententia ab eo lata ita fideles obligat, vt pro cõseruanda pace, & concordia reipublicæ Christianæ aliter docere eis non liceat, nihilominus in conscientia non teneantur credere propositionem fidei per sententiam iudicis explicatam & definitam tantæ, & talis esse, quantæ & qualis fuit à iudice pronuntiata: secundo ita vt obligentur fideles, non tantum quo ad exteriorem politiam, sed etiam in conscientia, & assensum suum circa talem propositionem omnino conformare sententiæ à publico iudice probatæ. Qui publicus controuersiarum iudex adhuc potest intelligi duplex, prior est, qui vni vel pluribus Ecclesijs vi suæ ordinationis, seu publica authoritate est iudex con-



constitutus pro dirimendis fidei litibus nasciturus in Ecclesijs particularibus; posterior est vniuersalis, qui omnium fidei controuersiarum, quæ inter omnes Christianos oriri possunt, iudex est ordinatus.

Iam quando in presenti agimus de iudice controuersiarum, hoc nomine intelligimus iudicem non primum, sed secundarium, non primum, sed publicum, eumque vniuersalem, seu supremum in hoc ordine, qui sua sententia, & definitione circa fidei controuersias obliget omnes omnino Christianos, non solum quo ad exteriorum politiam, sed etiam in conscientia. Et in hoc sensu asserimus tanquam præcipuum fidei dogma, dari controuersiarum iudicem; siue quod idem est, fuisse à Christo Domino relictam in Ecclesia cathedram, magisteriumque perpetuum ad testificandam fidem vniuersam, & dogmata definienda, & controuersias religionis componendas. Cui veritati ipsimet heretici volentes nolentes manus dare coguntur; etsi enim Caluinus callidus animarum seductor lib. 4. institutionum. cap. 8. n. 7. nolit in causa fidei Ecclesiam audiri, sed ea sola suscepi, quæ in scripturis viua voce à Christo tantum accepta, ab Euangelistis, & Apostolis nota extant; quod est directe negare controuersiarum iudicem; nihilominus tamen eodem libro cap. 1. n. 5. ubi contra Anabaptistas inuehitur, illum expresse videtur concedere his verbis: *Esse externis medijs non est alligata Dei virtus, nos tamen ordinario docendi modo alligant, quem dum recusant tenere fanatici homines, multis se exitibus laqueis inuoluunt. Digni sunt enim, qui fame, & inedia pereant, quicunque spirituales anima cibum diuinitus sibi per manus Ecclesie porrectum respuunt.* Idem etiam docet Vuitacherus in suo duplicato contra Stapletonem, *Ecclesiam*, inquit, *nemo negat Magistrum esse, si non gentium, at suorum, & paulo post. Accepit enim Ecclesia clauis regni caelestis, id est, Euangelij docendi potestatem &c.* Verum quid-

quid sit de hereticis, qui in hac materia, sicut & in omnibus alijs ad fidem spectantibus subdole, & fraudulenter varia semper locuti sunt; probatur sententia Catholica, Deum videlicet ordinasse in Ecclesia supremum aliquem iudicem, quicumque sit ille, omnium fidei controuersiarum, qui sua sententia, & definitione obliget omnes Christianos etiam in conscientia.

Primum autoritate sacræ Scripturæ, ex nouo præsertim testamento c. 18. S. Matthæi, ubi ait Christus, *Si Ecclesiam non audieris, sit tibi tanquam Ethnicus & Publicanus*, quibus verbis aperte docet non esse contemnendum Ecclesiæ iudicium, imo ad illud recurrendum; præmiserat enim Christus, *dic Ecclesie*; quod iudicium, si contemnat, ait Christus contemptorem hunc habendum esse pro ethnico & publicano, nec ad aliū superiorem iudicem remittit; ergo constituit ibi Christus aliquem supremum, & vniuersalem fidei controuersiarum iudicem.

Cui authoritati non obstat glossula Caluini lib. 4. institut. cap. 18. §. 15. dicentis ibi, non fieri mentionem doctrinæ, sed corrigendorum tantum vitiōrum, & per censuras coercendorum; hoc, inquam, non obstat: Nam & heresim in homine esse aliquod vitium negare non potest, ut puto, Caluinus; igitur si quis in illam incidat, deferendus est ad Ecclesiam, quam ex præscripto Christi debet audire, & si non audiat, iudicandus & excommunicandus: at non potest Ecclesia illum iudicare, & illum ob heresim legitime excommunicare, nisi cered iudicet propositionem illius esse hereticam; ergo cum in omnibus similibus casibus sit peccator ad Ecclesiam deferendus, cuius sententiæ debeat stare sub poena excommunicationis, dicendum est Christum etiam in ea instituisse supremum aliquem omnium fidei controuersiarum iudicem. Quod autem sua sententia, & definitione obliget etiam in conscientia, patet ex sequentibus verbis præcitati loci, *quacunque alligaueritis*

*ritis super terram, erunt ligata & in calo.*

Ierum Christus Dominus Apostolos Magistros, & Doctores vocauit, Matth. 13. *Omnis Scriba doctus in regno calorum &c.* Super quem locum Ireneus lib. 4. cap. 21. *Scribas autem, & doctores regni calorum suos dicebat Apostolos, de quibus alibi dicit Iudais: Ecce mitto ad vos sapientes & scribas, & doctores, & ex eis occidens.* Iisdem Lucæ 10. dicit: *qui vos audis, me audit.* In quæ itidem verba idem Ireneus lib. 3. cap. 1. ait, quibus si quis non assensit, spernit quidem participem Domini, spernit autem & ipsam Christum Dominum. Similiter docendi munus iisdem Apostolis difertis verbis iniungit Matth. ultimo, *Docere omnes gentes*, vadè etiam ipsimet Apostoli Magistros se esse, nedum ministros testantur, 2. Timoth. cap. 1. *In quo Euangelio, positus sum ego predicator, & Apostolus, & Magister gentium.* Quibus sane autoritatibus nihil clarius adduci potest ad asserendum aliquod Ecclesiæ magisterium, supremumque iudicium à Christo Domino institutum ad testificandam fidem vniuersam, & dogmata definienda, & controuersias religionis componendas.

Quod enim respondent aduersarij; primò Apostolos factos Magistros, sed eorum tantum, quæ à Christo viua voce acceperant, & in scripta redegerant: vel secundò fuisse tantum personale Apostolis docendi munus, ideoque non fuisse vllam in terris cathedram reliquā, siue vllum magisterium perpetuum institutum à Christo Domino. Hæc, inquam, duo sunt falsissima, & absurdissima. Contra primum enim vrgetur, quod Christus Dominus Spiritui Sancto multa Apostolis, qui erant Ecclesiam docturi, reuelanda reſeruauit, vt dicens libro sequenti agendo de sacris traditionibus. Non alligabatur ergò magisterium Apostolorum soli verbo diuino scriptis concepto, vellem enim nouatores interrogare, quid prædicarunt, quid docuerunt Apostoli, priusquam nouum testamentum integrum extaret. Deinde

A. 2. Apostol. cap. 16. nonne dicitur Paulo. *Ad hoc apparui tibi, vt constituam te ministrum, & testem eorum, quæ vidisti, & eorum quibus apparebo tibi.* Id est per visiones, & inspirationes specialiter te docebo, quod præstitum est, quando ex huiusmodi reuelationibus multa salubriter instructus, & edoctus Diuus Paulus, dixit se spiritum Dei habere, Ecclesiam docens circa mores, & ritus sacros.

Secundum impugnatur panter, primum ex Apostolo ad Ephes. cap. 4. *Et ipse dedit quosdam quidem Apostolos, quosdam autem Prophetas, alios vero Euangelistas, alios autem Pastores ac doctores ad consummationem Sanctorum: vt iam non simus paruuli fluctuantes, & circumferamur omni vento doctrinæ.* Ibi enim agit Apostolus de ijs, quæ Christus discendens ex hoc mundo reliquit Ecclesiæ, inter quæ, cum recenseat Pastores, & Doctores, ad tollendam omnem hesitationem in fide, & errores vitandos, manifeste constat non fuisse tantum personale Apostolis hoc munus, sed etiam post illos Christum Dominum reliquisse iudices alios dubiorum circa fidem, eiusdemque magistros in perpetuum duraturos, vt docent verba ista sequentia, *Donec occurramus omnes in virum perfectum, in mensurā atatis plenitudinis Christi.* Insuper D. Augustinus epist. 80. ex illo Sophoniæ 2. *& adorabunt eum, unusquisque de loco suo, omnes insule gentium,* ostendens, quod nulla pars orbis terrarum relinquatur, vbi non sit fides prædicanda, quodque ab Apostolis non fuerit completa ista prædicatio, quando inquit loquens de suis temporibus, adhuc usque sunt gentes, quod certissimum est nobis, in quibus modo capis impleri, & in quibus nondum capis impleri; vult expresse non sic dictum esse Apostolis A. 2. 1. *Eritis mihi testes in Hierusalem, tanquam ipsi soli, quibus tunc loquebatur, tantum munus fuerint impleturi: sed sicut eis Solis, videtur dixisse, quod dixit: ecce ego vobiscum sum usque in consummationem sæculi, quod tamen cum vniuersæ Ecclesiæ promi-*

*promisſiſſe, quæ alijs morientibus, alijs naſcentibus hic uſque in conſummationem ſæculi futura eſt, quis non intelligat, ſicut eis & illud ait, quod ad eos omnino non pertinet, & tamen ſic dictum eſt tanquam ad ſoles etiam pertineret? Hæc D. Auguſtinus, ex quibus ſatis patet quàm lit frivolum, & inane ſectariorum effugium de magiſterio Apoſtolorum personali.*

Secundò probatur diverſis rationibus tam ex diuinis ſcripturis, quam ex Sanctorum Patrum authoritatibus, lumineque ipſo naturali deſumptis. Prima deducitur a pari, imò à fortiori; Deus enim tantam curam habuit in inſtituenda Eccleſia Chriſtiana, quantam in formanda Iudaica; Chriſtus item relicturus Eccleſiam quoad præſentiam viſibilem per tot aunorum ſæcula, tantum ei providit, quantum ipſe Moſes ſuæ, ab ea futurus abſens per breve aliquod tēpus; ut ſatis patet ex maiori amore, quo Deus proſecutus eſt noſtram Eccleſiam ſupra veterem, in qua vigeat tantum lex ſervitutis, cum in hac noſtra regnet lex gratiæ. Sed Deus formando Eccleſiam Iudaicam dedit illi aliquem iudicem controuerſiarum etiam fidei, & religionis, ut habetur exodi cap. 18. Deuteronomij cap. 17. lib. 2. Paralipomenon cap. 19. Moſes item futurus abſens per quadraginta dies, & totidem noctes exod. 24. conſtituit Eccleſiæ ſuæ iudices, *Expectate hic, inquit, donec reuerſamur ad vos, habetis Aaron, & Hur vobiscum, ſi quid naſum fuerit quaſtionis referetis ad eos.* Igitur Deus in inſtituenda Eccleſia Chriſtiana dedit ei ſupremum aliquem cōtrouerſiarum fidei iudicem, item & Chriſtus Dominus. Maximè cum longe plures, & grauiores controuerſiæ circa fidem eſſent naſcituræ tempore Chriſtianiæ Eccleſiæ, quam Moſaiciæ, ut euentus ipſe probauit.

Secunda ratio deſumitur ex ſuauitate diuinæ providentiæ, quæ talis eſt, ut vnicique pro conditione ſuæ naturæ & finis ad quem ordinatur, ſubminiſtret aliquid, quo & in exercendis proprijs ſuis actionibus, & in aſſequendo ſuo fi-

ne dirigatur: atqui Chriſtianus ex providentia Dei ſupernaturali ordinatus eſt in illum ut authorem gratiæ tendendum per cognitionem & amorem, circa quos actus & eorum obiecta poteſt facile, multisque modis errare, ut docet multitudo hæreſeon, quæ à principio Eccleſiæ ad noſtra uſque tempora fuerunt: igitur pro eo ſtatu Chriſtianiæ religionis, debuit Deus ei providere de aliquo, quo tanquam rectore, & viam monſtrante, dirigeretur in omnibus ſuis actibus circa Deum exercendis; illud autem nihil eſt aliud, quam index aliquis omnium fidei controuerſiarum; ſtabilito enim & conſtituto ſemel in Eccleſia ſupremo illo Iudice, vel Magiſtro, cuius ſententiæ teneantur fideles ſe ſe conformare, in rebus ad fidem, æternamque ſalutem pertinentibus, primò tollitur Philautia, & amor proprius, per quem ut dicit Plato lib. 5. de legibus, *accidit omnibus ut ignorantiam ſuam eſſe ſapientiam opinentur*; propter quem Gentiles dicentes *ſe eſſe ſapientes ſtulti facti ſunt*, ut dicitur Roman. 1. & ipſimet heretici volentes eſſe legis Doctores, ut ait Apoſtolus, *Non intelligunt, neque de quibus loquuntur, neque de quibus affirmant*, Philautia enim, proprięque ſapientiæ amor atque adeò periculum errandi, præſertim in rebus fidei, cum ipſa verſetur circa res obſcuras, melius curari non poteſt quam publico Eccleſiæ magiſterio, & iudicio.

Vnde Diuus Auguſtinus in Pſal. 103. exponens illa verba: *Inier medium montium pertransibunt aque*, dicit per montes ſignificari magnos prædicatores verbi, per medium, communem doctrinam, quam bibere oportet, ut veritas cognoſcatur, & à præſumptione indagationis priuatæ veritatis per propriam indiſtriā, humana mens ſanetur; *Quod medium, inquit Auguſtinus, dicitur, commune eſt. Res communis vnde omnes aqualiter viuunt media eſt, nec continet ad ſe, nec ad me.* Et poſtea. *Audi aquas inter medium montium. Quia communis illis fides erat, nec quiſque aquas quaſi proprias, & ſuas habet.*

*habebat. Si enim non sunt in medio quasi priuata sunt, non publicè fluunt, & ego habeo meam, & ille habet suam, non est in medio, quod & ego, & ipse habet; sed & talis non est pacifica predicatio. At uerò ut inter medium montium fluant aquæ, audi uocem montis. Deus inquit Pacis deus uobis id ipsum sapere inuicem: & iterum; ut id ipsum sapiatis omnes, & non sint in uobis schismata. Quod sentio, sentis? in medio fuit aqua, non habeo quasi priuatum meum, nec tu priuatum tuum. Veritas nec mea sit propria, nec tua & ut & tua sit & mea. Quibus sanè uerbis nihil præclarius dici potest ad stabiliendum in Ecclesia supremum aliquod iudicium, vel tribunal, pro instruendis fidelibus, dicimendisque omnibus fidei & religionis questionibus.*

Insuper ad cauendas superbiuissimas, & periculosissimas tentationes, quando aliqui per homines erudiri nolentes, Angelos Magistros de cœlis expectarēt curiosi atque tumidi, vel rapi ab ipsidem exoptarent usque ad tertium cœlum; propter hoc, inquam, pertinuit ad suauitatem diuinæ providentiæ, ordinare in Ecclesia supremum aliquè veritatis magistrum, omniumque fidei controuersiarum iudicem; ut ait D. Augustinus lib. 1. de doctrina Christiana. *Cogitemus & ipsum Apostolum Paulum, licet diuina & celesti uoce prostratum, & instructum, ad hominem tamen missum esse, ut Sacramenta perciperet, & copularetur Ecclesiæ; & Centurionem Cornelium, quamuis exauditas orationes eius, elemosynasque respectas ei Angelus annuntiauerit, Petro tamen traditum imbuendum, per quem non solum sacramenta perciperet, sed etiam quid credendum, quid sperandum, quid diligendum esset audiret. Cui motui diuinæ providentiæ in constituendo supremo aliquo rerum fidei arbitro, duo alia subiungit idem Augustinus ibidem, primū dignitatis humanæ naturæ, ad quam pertinet, ut per homines homo instruat. Sicut enim cedit in Angelorum inferiorum gloriam in cœlesti Hierarchia, quod hi per medios, & medij per supre-*

*Bibliot. Theol. Tom. I.*

*mos illuminentur, ita & in Ecclesiastica, ut plebes infimæ per medios ministros, & hi tandè per superiores edoceantur; Poterant, inquit Augustinus, utique omnia per Angelum fieri, sed abiecta esset humana conditio, si per homines hominibus uerbum suum Deus ministrare nolle uideretur. Quomodo enim uerum esset, quod dictum est, templum enim Dei sanctum est, quod estis uos 1. Corinth. 3. Si Deus de humano templo responsa non redderet, & totum quod discendum hominibus, tradi uellet de cœlo, atque per Angelos personaret? Secundum, ut per hoc medium ipsimet homines maioribus charitatis, & dilectionis uinculis inuicem colligaretur; Deinde, inquit idem sanctissimus doctor, ipsa charitas, quæ sibi inuicem homines nodo unitatis astringit, non haberet aditum refundendorū, & quasi miscendorum sibi met animorum, si homines per homines nihil discerent.*

Tertia tandem ratio fundatur in ipsò lumine naturæ, cuius ductu ipsi Gentilium legislatores in formando reipublicæ suæ regimine constituerunt aliquos tanquam iudices difficultatum, quæ circa cæremonias, & religionem nascerentur, sic à Numa Pompilio ordinatos fuisse Pontifices, auctor est Liuius lib. 1. sic apud Gallos fuisse Druidas refert Iulius Cæsar lib. 6. de bello Gallico: sic apud Assyrios, & Babilonios fuisse Chaldæos: apud Persas, & Medos extitisse Magos: sic denique apud alios populos fuisse semper aliquos, sacrorū præfides, & religionis suæ interpretes, frequentius referunt prophaniæ etiam historici, quàm sit necessarium in illis recensendis diutius immorari.

Sed obijciunt primò Sectarij, quia solus Christus nobis Matth. 17. audiendus à Patre mandatur, ipsum audire, unde ipsemet etiam Christus eiusdem Matth. 22. uetuit Apostolos vocari Magistros dicens: *Vos autem nolite vocari Rabbi, unus est enim Magister uester.* Igitur in doctrina fidei solus Deus, solus Christus sunt Magistri, nullumque in Ecclesia magistrum, aut supremum ali-

*Kk*

*quem*

quem controuersiarum fidei iudicem, à nobis audiendum reliquerunt.

Secundò cum ad dignitatem humanæ naturæ spectet, vt à solo Deo fideles instruantur, vt videtur asserere Christus Ioann. 6. citans illum locum Isaie 54. *Et erunt omnes docibiles Dei*; idque sufficientissimè Deus præstare posset auctoritate verbi sui nostrum intellectum cõuincendo, nostramque voluntatem inflectendo vt credamus, superfluum videtur omne aliud magisterium in Ecclesia relictum.

Respondetur ad primum argumentũ, infirmam esse consequentiam istam, Christum audiendus est, ergo nemo præter Christum audiendus est, cum ex eodem Euangelio Matt. 18. ipsemet Christus Ecclesiam audiri vulerit. *Quod si Ecclesiam non audierit, sit tibi sicut Ethnicens & Publicanus.* & Lucæ 10. Ecclesiæ pastores, adeo vt de illis dixerit: *Qui vocandis, me audit.* Quatenus sicut in foro ciuili, qui audit supremum alicuius principis Senatum, dicitur etiam audire ipsum principem à quo dependet, & suã mutatus est potestatem, ita etiam se habet in publico Ecclesiæ magisterio. Quare Christus Dominus citato S. Matth. loco comparatiuè tantum ad Deum vetuit ne aliquis vocaretur Pater, nec magister, vel vt dicit S. Thomas in disput. de magist. quæst. 11. art. 1. ad 1. *Prohibetur hominem vocare magistrũ, ut ei principalitatem magisterij attribuamus, quia Deo competit, quasi in hominum sapientia spem ponentes, &c.*

Ad secundum dicitur; ad dignitatem humanæ naturæ pertinere quidem erudiri à solo Deo interna fidei illustratione, vt voluntas inclinetur ad captiuandum intellectum in obsequium fidei, sic tamen vt requiratur propositio credendorum, ad quam ordinauit Deus supremum aliquem magistrum, & iudicem omnium fidei controuersiarum, qui sua sententia, & definitione obliget omnes Christianos etiam in conscientia ad credendum in quantum per illam voluntas Dei, & fidei veritates iuridicè nobis innotescunt.

## CAPVT II.

*De conditionibus necessarijs in supremo iudice controuersiarum fidei, & primum de eius infallibilitate in definiendo.*

**P**ostquam superiori capite vidimus Deum conuenienter in Ecclesia ordinasse supremum aliquem iudicem, omnium fidei controuersiarum, nunc explicandæ sunt illius conditiones, ita, præsertim necessariæ, & essentielles, vt ijs sublati, vel earum aliqua, desineret esse iudex legitimus; inter quas primum tenet locum veritas infallibilis in definiendo, siue quod non possit errare in ferendo iudicio: & in illa etiam, asserenda non tantum Catholici, sed & hæretici expressè conueniunt; licet postea discordent in assignando determinato, & singulari subiecto, cui, vel quibus competat hæc supremi iudicis dignitas, ceteræque dotes, vel conditiones ad illam necessariò subsequeutes.

Probatur primò, quia illud, quo denegato supremo fidei controuersiarum, iudici, munus eius proprium & essentialè destruitur, debet necessariò reperiri in illo; aliàs Deus frustra ex speciali, eaque supernaturali prouidentia ordinasset hunc iudicem, cum munus sibi iniunctum nullo pacto posset exercere: sed denegata semel supremo controuersiarum iudici veritate infallibili in definiendo, munus eius proprium, & essentialè destruitur; ergo stante talis iudicis institutione perituit ad perfectionem diuinę prouidentię, illum tali infallibilitatis priuilegio exornare, ad exercendum suum proprium, & essentialè munus. Prob. Minor, nam vt superiori capite vidimus præsertim ex illo Apostoli ad Ephes. 4. proprium munus, & officium iudicis controuersiarum fidei, est ita suo decreto, & definitiua sententia tollere à cordibus fidelium omnem vacillationem, & hæsitacionem circa res fidei, vt iam non simus paruuli fluctuantes, & circumferamur om-

*ni vento doctrinae*, vt omnis alius docens contrarium ſit nobis fugiendus, ſub pena vitæ æternæ amittendæ, iuxta illud eiſdem Apoſtoli ad Galath. cap. 1. *Licet Angelus de celo euangelizet vobis, præterquam euangelizauimus vobis anathema ſit*; atqui denegata ſupremo iudici controuerſiarum fidei, veritate infallibili in definiendo, id eſt, dum loquitur ex cathedra, aut ex authoritate aliquid definit eſſe de fide, eſſe faciendum, aut fugiendum; datur locus hæſitationi circa res fidei in omnibus fidelibus, item ceſſat in illis obligatio ad fugiendum docentem aliquid iſti definitioni iudicis contrarium; igitur proprium eius munus ruit, ac deſtruitur.

Probatum iterum minor huius poſtremi ſyllogiſmi, nam tamdiu datur locus deliberatæ etiam dubitationi, circa res tanquam definitas de fide, quamdiu nobis eſt dubium, an ille vt ſic, & per talem definitionem poſiſſet, ſint à Deo reuelatæ, & quamdiu rationaliter perſeuerat hoc dubium, tamdiu ceſſat obligatio in fidelibus ad vitandum contrarium, quia non conſtat illud eſſe contra fidem: atqui negata in ſupremo iudice controuerſiarum veritate infallibili in definiendo, fidelibus rationaliter eſt dubium, an res ipſæ ſint à Deo reuelatæ; quia alias, cum Deus nec fallere nec mentiri poſſit, ſed quicquid reuelat, ſit veriſſimum, ſi nobis eſſet certò notũ, res iſtas, prout definiuntur à ſupremo iudice, eſſe à Deo reuelatas, eſſet nobis quoque notum iudicem hunc eſſe veritatis infallibilis in definiendo, & hoc eſt quod intendimus: igitur negato ſupremo controuerſiarum iudici, non errando, ſeu infallibilitatis priuilegio in docendo, & definiendo, ſemper remanet locus hæſitationi circa res omnes fidei, ceſſatque obligatio ad vitandum contrarium.

Secundò probatur, quia ad fidem requiruntur duo. Primò quidem aſſenſus intellectus ſecundum quod mouetur à voluntatis imperio, vt tendat in diuinam veritatem (intellectus enim aſſentitur veritati fidei, non quaſi conuiſtus ratio-

ne, ſed quaſi imperatus à voluntate, nulus enim credit niſi volens, vt ait D. Auguſtinus) & quantum ad hoc fides quæ eſt habitus intellectualis eſt à ſolo Deo, tam effectiue, quam obiectiue. Secundò requiritur ad fidem, quod credibilis proponatur credenti. Igitur ea ratione, qua ne poſſit fidei noſtræ ſubefſe falſum requiritur indiſpenſabiliter, quod Deus ad illam mouens, ſit veritatis infallibilis in reuelando; requiritur etiam ob eandem rationem, quod Supremus controuerſiarum fidei iudex, ad quem pertinet credibilia proponere fidelibus, ſit infallibilis veritatis in definiendo, ſi enim non eſſet, ſed fallibilis dumtaxat, iam fidei poſſet ſubefſe falſum; ibi enim poſſet ſubefſe falſum, vbi medium, ſeu applicans, ſeu proponens eſt fallibile, & tantum modo fallibili proponit, aut applicat: atqui ſupremus controuerſiarum fidei iudex proponens omnibus Chriſtianis, vel applicans res ipſa ſua definitione, ex hypotheſi eſt medium aliquid fallibile, & modo tantum fallibili applicat & proponit Chriſtianis res credendas; igitur tunc poſſet fidei ſubefſe falſum.

Eoque verius duo prædicta inconuenientia in argumentis allata videntur ſequi, negata ſemel ſupremo controuerſiarum iudici, veritate infallibili in definiendo, quò difficultas ex parte noſtri in certò & indubitatè credendo, non conſiſtit in hoc, quod Deo reuelanti non ſit credendum, in hoc enim conueniunt omnes, etiam infideles, quod quando Deus aliquid reuelat, aut dicit, ſit illi certò & indubitatè credendum; ſed in hoc, vtum de facto Deus hoc, quod nobis proponitur ad credendum, v.g. myſterium Sanctiſſimæ Trinitatis reuelauerit, de quo, alijsque ſimilibus, cum debeamus certos fieri, eſſe à Deo reuelata, per ſententiam, ac definitionem, ſupremi iudicis controuerſiarum, manifeſtè patet requiri in illo veritatem infallibilem in definiendo, cum vltima fidei reſolutio ita ex parte obiecti fiat vltimatè in ſolam reuelationem diuinam,

vt in formalem rationem credendi, & in nihil aliud; tanquàm verò in aliquam conditionem prærequisitam in ipsa motiua credibilitatis diuinæ fidei, & in præcedens iudicium de euidencia talis credibilitatis, & in id genus alia, quæ tale iudicium requirit; vt etiam, in ijs maximè, qui iam receperunt fidem, diuinæ fidei assensus, qui datur contra errores, dubitationes, difficultates insurgentes circa obiecta particularia diuinæ fidei ordinariè, & communiter resoluendus sit in diuinam authoritatem supremi controuerfiarum iudicis, tanquam in regulam consequenter proponentem, & explicantem infallibiliter credenda; ne alicui aut falsitati, aut animi dubitationi detur locus.

Quod pertinet ad obiectum, seu terminos ad quos vsque debet hæc infallibilitas se se extendere, distinctius aperietur libro sequenti agendo de infallibilitate Ecclesiæ, quæ sola, vt dicitur in fine huius sectionis, est omnium fidei controuerfiarum iudex; interim generaliter assero, in supremo iudice controuerfiarum fidei, requiri veritatem infallibilem in definiendo, non tantum circa vnam, aut alteram propositionem fidei, sed circa omnes & singulas, ita vt respectu illarum tam seorsim, quàm coniunctim sumptarum sit veritatis infallibilis. Ratio est ex dictis, quia omnia verba cum legis tum institutionis alicuius, debent semper sumi in propria sua significatione, quantum res ipsa, & modus loquendi patitur; & vbi nec lex, nec institutio distinguit, aut restringit se ad certos tantum aliquot casus, nec nos etiam debemus illam distinguere, aut restringere, vt habet communis Iurisconsultorum regula; at omnia diuinarum, scripturarum testimonia superius à nobis allata tam pro asserendo hoc supremo iudice, quam eius infallibilitate in definiendo, loquuntur vniuersim, nec declarant has tantum fidei, & religionis quæstiones, & non omnes, has item tantum personas, & non omnes de aliquo fidei dubio disceptantes, hunc &

non alterum supremum iudicem esse habituros, quod tamen Deus pro ea, qua instituit, & administrat Ecclesiæ, prudentia, debuisset explicare, si res ita se haberet; ergo dicendum est supremi iudicis controuerfiarum veritatem infallibilem in definiendo, non tantum circa vnam, aut alteram propositionem fidei versari, sed circa omnes, & singulas. An autem, & quando debeat nobis constare, seu esse notum hanc infallibilitatem reperiri in eo, quem pro tali iudice cognoscimus, patebit ex dicendis infra, agendo de Ecclesiæ.

## CAPVT III.

*De auctoritate requisita in supremo iudice controuerfiarum.*

Quemadmodum rectè possumus concipere esse aliquem apprimè veritatum in iure, alicuius item ciuilis controuerfiæ veritatem bene intelligere, & proponere, qui tamen defectu auctoritatis non sit iudex: ita etiam quia posset iudicium alicuius priuati esse infallibile ex speciali dono Dei circa res fidei explicandas, qui non propterea tamen, ex defectu auctoritatis proponendi illos omnibus fidelibus, & obligandi eos, esset iudex; hinc præter priuilegium infallibilitatis in definiendo, concessit etià Deus supremo iudici controuerfiarum, auctoritatem proponendi fidelibus veritates à se definitas tanquam de fide, & insuper obligandi eos, vt illas suscipiant. Postquam enim Matth. 23. vbi agitur de Scribis, & Phariseis, vt controuerfiarum iudicibus, Christus Dominus ait, *quæcumque dixerint vobis* (quibus terminis continetur propositio rerum credendarum fidelibus) statim subiungit, *seruate, & facite*; vbi non consilium, sed præceptum exprimi, seu obligationem, quæ tenebantur Iudæi Scribarum, & Phariseorum definitiones recipere, & obseruare clarissimè demonstrant verba subsequencia. *Secundum opera autem eorum nolite facere*; vtrouique enim sumitur eodem

dem modo particula illa, *seruate, facite, nolite facere*: sed posterioribus verbis significatur obligatio, qua tenentur fugere mala opera & peccata Phariseorū, de quibus fugiendis non est consiliū, sed præceptum, sicut de quolibet alio malo opere: ergo & in priori parte sententiæ verba ista, *seruate, & facite*, significant etiam obligationem, qua tenentur suscipere illorum definitiones, circa ipsas res fidei. Quod à fortiori verum est de supremo iudice controuersiarum fidei in statu legis Euangelicæ, quem maioris esse dignitatis, satis patet ex maiori amore, quo Deus persecutus est nostram Ecclesiam supra veterem, conferendo ei multa specialia priuilegia, & remedia efficaciora, quam legi Moisaicæ.

Secundò eiusmodi autoritas in supremo iudice controuersiarum, proponendi fidelibus veritates à se definitas, & eos obligandi, vt illas recipiant, expressè colligitur ex illo loco Act. 15. *Visum est Spiritui Sancto & nobis* (inquiunt Apostoli) *nihil vltra imponere vobis oneris, quam hac necessaria*, cum enim verbum illud imponere, quo vtuntur Apostoli, importet ex vi suæ significationis autoritatem in superiore ad præcipiendum subdito, & item in subdito obligationem ad obediendum superiori, fuerintque ibi Apostoli cõsiliariter congregati iudices controuersie inter Christianos exorte de seruandis legalibus, manifestè sequitur Deum voluisse, quod supremus controuersiarum fidei iudex haberet autoritatem, tum ad proponendum populo res credendas, tum ad illum obligandum vt sua circa illas decreta suscipiat. Cuius ratio clarissimè desumitur ex ipsamet natura iudicis præsertim supremi in omni republica, cum enim in eo maxime distinguatur à puro consiliario etiam iuris peritissimo, quod insuper habeat autoritatem, tum ad proponendum subditis suas sententias, tum etiam ad obligandum, vt eis obediunt; & idem Christus Dominus iustitiam formanda, & instituenda Ecclesia tan-

quam facta republica modum optimū seruauerit, debuit consequenter iudici supremo controuersiarum fidei dare prædictam autoritatem proponendi res credendas fidelibus, eosque obligandi ad illas suscipiendas; si quidem blasphemum est dicere illum suo defuisse legislatoris officio supremique Ecclesie principis.

Et quamuis aliqui heretici negent hanc autoritatem definiendi infallibiliter à Christo Domino concessam supremo iudici controuersiarum fidei, debere esse coactiuam exteriorem, qua scilicet sibi rebelles puniat, vel pœnarum metu ad sibi obediendum compellat; nihilominus tamen partem affirmatiuam tenent omnes doctores Catholici, cui etiā vi veritatis adstrictus consensus Iunius Caluinista in suis animaduersionibus controuersias Bellarmini ad cap. 9. 1. controu. lib. 3. animaduersione nona. Videnturque manifestè sequi ex dictis. Nam primo non potest intelligi autoritas hæc definiendi, item obligandi fideles, vt definitioni obediant, nisi simul intelligatur hæc autoritas esse coactiuam exteriorem; vt enim ista omnia sunt in foro exteriori Ecclesie, contentio vel disputatio vtriusque partis, definitio controuersie, definitionis promulgatio, præceptum eam obseruandi sub anathemate, ita compulsio seu coactio ad eam seruandam, item pœnarum inflictio in delinquentes debet esse ab auctoritate coactiuæ exteriore. Deindè in citatis iam capite primo locis ex Deuteron. 17. exprimitur ipsa coactio exterior etiā per irrogationem pœnæ, & in nouo testamento, Matthæi cap. 18. vbi dicitur, *si Ecclesiam non audierit, sis tibi tanquam Ethnicus, & Publicanus*: id est excommunicatus; excommunicatio autem est quedam pœna, quæ per Ecclesiam imponitur, vt etiam ad hunc locum Euangelij expressè fatentur Beza, & Tremellius heretici, & facile ostendunt verba illa Christi Domini sequentia; *Quicumque alligaueritis super terram, erunt alligata, & in calo*; quæ de Censuris Ecclesiasticis etiam ef-



se intelligenda admittit Calvinus lib. 4. instit. cap. 8. § 15. & quod poena hæc sit fori exterioris Ecclesiastici, sententur omnes Catholici, nec possunt hæretici negare, qui nullum forum interius agnoscunt, in quo Sacerdos verè absoluat eum à peccatis, aut illa retineat, nihilominus concedunt excommunicatione, censuram esse Ecclesiasticam. Sed de his fusius agitur Deo dante inferius l. 4. interijm noto vim istam, seu auctoritatem coactivam eo fine non esse in supremo controuersiarum iudice, vt immediatè cogat interius intellectum, ad eliciendum assensum, hic enim assensus, cum versetur circa res obscurè reuelatas, postulat ex parte voluntatis piam affectionem, cui vt satis ex se patet repugnat omnis vis exterius illata; sed sicut loquitur D. Augustinus Epistol. 48. ad Vincentium. *Eo fine est hac auctoritas vt homo timendo, quod non vult pati, vel relinquat impedientem animositatem, vel ignoratam compellatur cognoscere veritatem, vt timens vel respuat falsum, de quo contendat, vel quærat verum quod nesciebat, & volens teneat iam, quod nolebat.*

## CAPVT IV.

*Quod à supremi iudicis controuersiarum fidei sententia prouocare non liceat, requiraturque insuper vt sit visibilis, viuens, clareque & apte loquens.*

**P**rimam huius propositionis partem non tantum Catholici, sed etiam hæretici expressè admittunt, videlicet in supremo iudice controuersiarum fidei requiri, vt ab eius sententia nunquam prouocare liceat. Colligitur clarè ex pluribus iam citatis Christi Domini verbis Matth. 18. vbi agit de supremo iudice: *dic Ecclesia, & si Ecclesiam non audierit, sit tibi sicut Ethnicus, & Publicanus*; nam si daretur ei locus ad prouocandum ad aliquem alium iudicem, iam non esset habendus pro Ethnicis, & Publicano, id est, non esset vitandus tanquam ex-

communicatus, seu præcisus omnino ab Ecclesia, si quidem appellatio ex propria sua conditione suspendit sententiam iudicis inferioris. Deinde ad quid Deus in Ecclesia constituit supremum illum iudicem, nisi ad vltimatè terminandas lites & controuersias fidei; non terminaret autem eas, si ab eo ad alium posset formari prouocatio; neque consequenter contra Hypothesim esset supremus iudex saltem in suo ordine, & quo ad nos; quod addo, quia sicut in foro civili, supremus Senatus, licet habeat regem, à quo dependet, & suam mutatus est potestatem, nihilominus, quia per decretum Senatus nobis innotescit, quæ sit mens legis per regem latæ, nec à decreto supremi Senatus, sit ad regem prouocatio, sed eius iudicio sistendum est, ita etiam, licet iudex omnium controuersiarum habeat Deum supra se, quia tamen voluntas Dei & fidei veritates nobis non innotescunt iuridicè, nisi per sententiam istius controuersiarum iudicis, nec ab illo datur locus prouocandi ad Deum, sit vt rectè appelletur supremus in ordine quo ad nos; eoquæ à fortiori, quo speciali Dei priuilegio gaudet veritate infallibili in definiendis, & proponendis rebus fidei, vt iam probauimus.

Alias conditiones in secunda propositionis parte contentas, & ad supremum iudicem controuersiarum fidei desideratas, nimirum, vt sit visibilis, spirans & viuens, clarè & aptè loquens in definiendo & qui etiam audiatur; vt hæretici communiter illas negant, secundum quod diuersa huius dignitatis iudiciariæ subiecta assignant; ita omnes Catholici constanter illas admittunt; & primò supremum controuersiarum iudicem debere esse visibilem probant omnia scripturæ testimonia, quibus supra ostendimus Deum illum Ecclesię dedisse, semper enim habetur aliqua particula, quæ significet eum debere esse visibilem, spirantem, & viuentem, vt cum Exodi 18. dicit Moyses de seipso tanquam supremo iudice, *veniunt ad me, vt iudicem*

*inter eos, ac certum est Moysen fuisse, tunc visibilem, ac viuentem, Deuter. 17. Venies ad Sacerdotes Leviitici generis, quaresque ab eis, &c.* at interrogatio, & responsio sunt ab audientibus, & loquentibus; item Matth. 23. de Scribis idem patet, particula enim illa, *quacumque dixerint*, satis indicat fuisse iudices viuentes, & loquentes, item Matth. 18. *dic Ecclesia, & si Ecclesiam non audieris, auditur enim loquens.*

Et certe ratio supremi iudicis à Deo instituti videtur id necessario exigere; debet enim habere analogiam, & proportionem, tum ad forum in quo constitutus est iudex, tum ad personas, inter quos iudicat, ita vt possit illas audire, earumque rationes expendere, possint item illæ vicissim cum loquentem, & definientem audire: at forum, respectu cuius est supremus noster iudex, est æternum & visibile, punit in eo rebelles censuris Ecclesiasticis, quæ pertinent ad forum externum Ecclesiæ; personæ item cõtendentes inter se de aliqua fidei questione, sunt inter se visibiles, mutuo se vident & colloquuntur audiunt, vt Arius eiusque sequaces, & Episcopi Catholici pro consubstantialitate filij Dei; audiunt item definitionem, quam si contemnant, puniuntur anathemate; iudex item expendit, quæ sint vires auctoritatum ab ytraque parte adductarum, vt in proposito exemplo Arianorum, *Pater maior me est, & pro Catholicis, ego & Pater vnum sumus*; ergo in supremo iudice controuersiarum fidei requiritur, vt sit visibilis, spirans, & viuens, qui loquatur, & audiat.

Confirmatur hæc ratio, quia licet per potentiam extraordinariam potuisset Deus ita Ecclesiam instituire, vt nullum ei daret iudicem visibilem, loquentem, audientem, sed tantum seipsum, scripto, aut aliquo alio exteriori signo, explicantem, & controuersias religionis dirimentem, quod aliqua probant hæreticorum argumenta, & hoc Catholici non negant, si quidem hoc non repugnat, & omnipotentis Dei tantum de-

negadum est illud quod manifestam inuoluit contradictionem; quia tamen, hic statum Ecclesiæ consideramus, secundum quod de facto est institutus à Deo per potentiam ordinariam, qui est, vt tam forum ipsum, quam personæ disceptantes, Sacramenta item sint visibilia, controuersie item circa religionem exortæ sensibus exterioribus percipiantur, & pateant etiam exterius; debuit Deus iuxta eandem potentiam ei providere de supremo iudice, qui videatur, loquatur, quique etiam, subditos videre, & audire possit ad unitatem fidei facilius in Ecclesia conseruandam. Quod egregie docent Diuus Augustinus lib. 2. quæst. Euangelicæ cap. 40. *Doctrina nempe imbuendi per Sacramenta, vel catechizandi, per sermonem sonantem, atque lectionem, ubi color quidam intelligitur verus, atque sincerus, quia in promptu est, & foris eminentissimus.* Et paulo post subdit. *Non enim in oculis cogitationibus, sed in manifestis operationibus hæc, quæ aguntur, Ecclesia propriè contributa sunt.* Itaque & Paulus voce Domini audita quid me persequeris? & ego sum Iesus, quem tu persequeris: ad Ananiam tamen missus est, vt illo Sacerdotio, quod in Ecclesia constitutum est, Sacramentum doctrinæ fidei perciperes, & verus eius approbaretur color, non quia non posset per seipsum Dominus omnia facere: nam quis alius hæc facit etiam in Ecclesia? Sed vt ipsa Societas congregatorum fidelium approbando inuicem, atque communicando, vera fidei doctrinam in omnibus, qua dicuntur verbis, vel signantur Sacramentis, tanquam unam speciem veri coloris obducas.

Ad hoc insuper pertinet, quod idem dicit Apostolus ad Galatas cap. 2. Deinde post annos quatuordecim ascendi Hierosolimam &c. & contuli cum illis Euangelium &c. Ipsa enim, inquit Augustinus, collatio unam doctrinam a speciem exclusam omni varietate monstrabat, quod salubriter etiam Corinthios monet dicens. Id ipsum dicatis omnes &c. Cornelius etiam cum eleemosyna eius accepta, & preces eius audita illi ab Angelo nuntiarentur, propter doctrinam ta-

men, sacramentorumque unitatem ad Petrum iubetur mittere, tanquam illi, & suis diceretur: *Ite ostendite vos Sacerdotibus. Nam & cum irent mundati sunt. Jam enim ad eos venerat Petrus: sed tamen ipsi nondum accepto baptismatis Sacramento, nondum spiritualiter ad Sacerdotes peruenierant, tamen infusione Spiritus Sancti, & admiratione linguarum eorum mundatio declarata est &c. Quia cum ita se habeant, iam facile est, illud videre fieri posse, ut quisquam in Ecclesiæ Societate doctrinam integram, veramque assequatur, & omnia secundum Catholicæ fidei regulam edisserat, distinguat creatorem à creatura, & eoque manifestetur varietate mendaciarum tanquam lepra carnis; Hactenus Augustinus, quibus sanè nihil egregius dici potest ad asserendum publicum & visibile Ecclesiæ magisterium, ac iudicium in dirimendis, ac proponendis fidei cōtrouersijs; Quapropter, licet inuitus huic veritati adimplator expressè Iacobus Andreas acer Romanæ Ecclesiæ hostis, quando in rationibus è verbo Dei petitis pag. 24. ita loquitur: *Hoc ipso quod visibilis statuitur Ecclesiæ, necessario sequitur esse in terris generale quoddam regimen Ecclesiasticum &c.* pergitque id ipsum probare ex verbis Christi Domini, *de Ecclesiæ, &c.**

Quod tandem visibilis controuersiarum iudex debeat clarè & apertè loqui in definiendo, quæ est vltima conditio à nobis adducta, patet, primò quia si tantum æquiuocè aut obscurè loquatur, erit potius causa litium, nouarumque controuersiarum, quàm earum diremptor, cum æquiuocatio sit erroris mater, & ex obscuritate ipsæ sepe nascantur difficultates; secundò, quia in hoc munere obeundo debet ferre sententiam ea loquendi formula, quam ipsæ leges postulant, est enim definitio eius lex, statutum, decretum, cui tenentur fideles obedire; atque lex semper debet fieri verbis apertis, ne videatur potius data, & promulgata ad corrodendas pecunias & multas imponendas populo ob illius transgressionem, quam ob pacem, & tranquillitatem ciuium, sicut referunt

de crudeli quodam Tyranno qui in hunc finem curabat leges suas minutissimis describi characteribus, & in editissimo loco affigi: ergò debet iudex clarè, & apertè loqui, & ita apertè, vt si quæ noua, ex lata ab eo sententia nascatur difficultas, aut controuersia, possit nihilominus iterum conueniri, & vtrique parè, ita mentem suam explicare, vt de ea nullo modo possint amplius dubitare, eum ipse sit lex viva, & loquens.

## CAPVT V.

*An supremus controuersiarum iudex possit esse pars controuersie definienda.*

**N**egatiuam partem amplectuntur communiter heretici nostri temporis, scilicet supremum controuersiarum iudicem non posse esse partem controuersie dirimendæ, quia nemini, inquit in propria causa credendum est; Oppositam sententiam tuerentur omnes Catholici asserentes non requiri in supremo iudice controuersiarum fidei; vt non sit pars controuersie dirimendæ, quasi id, quod est decernendum, nullo pacto ad eum spectare possit, aut debeat. Probatur primò tum autoritate, tum exemplo ipso Christi Domini, qui Ioannis cap. 8. cum Pharisei ei obijcerent, *tu de teipso testimonium perhibes, testimonium tuum non est verum*, respondit, *Est ego testimonium perhibeo de meipso, verum est testimonium, quia scio vnde veni, & quo vado.* Ergo etiam supremus controuersiarum iudex, qui ad normam, & exemplum Christi suas actiones componere debet, cum sit visibilis eius in terris Vicarius, potest de seipso, auctoritate à Christo recepta, verum testimonium ferre, siue quod idem est partem esse, in controuersijs fidei dirimendis ad illum spectantibus; atque adeò non requiritur in supremo iudice controuersiarum fidei, vt non sit pars controuersie dirimendæ, quasi id, quod est definiendum, nullo pacto ad eum spectare possit.

Quod

Quod si obijcias eundem Christū dixisse Ioannis 5. *Si ego testimonium perhibeo de meipso, testimonium meum non est verum*: Respondeo testimoniū Christi Domini pro se prolatum posse duobus modis spectari; primo in se, vel secundum se, prout nimirum est à tali persona; & ut sic fuit semper verum, seu dignum, quod acceptaretur à Iudæis, quia Christus erat veritatis infallibilis, iuxta illud *ego sum veritas, quis ex vobis arguet me de peccato?* Ioannis 8. Vnde cum Pharisei ibidem ei obijcerent *tu de teipso testimonium perhibes, testimonium tuum non est verum*; respondit vt vidimus, *Et si ego testimonium perhibeo de meipso, verum est testimonium, quia scio unde veni, & quo vado*. Secundò potest testimonium Christi pro seipso prolatum considerari quo ad nos, & respectu eorum quibus loquebatur, & hoc modo adhuc dupliciter, primò præcisè, vt non agnoscitur esse Christi Dei, & hominis, sed existimatur esse puri hominis, nec habet miracula aut aliqua alia signa, & motiua sibi adiuncta, quibus sufficiens confirmetur. Secundò; vt cognoscitur esse Christi Dei, & hominis, vel vt habet miracula, aut aliqua signa, vel alia similia motiua sibi adiuncta, quibus sufficienter confirmetur. Iam quando Christus Ioannis 5. ait, *Si ego testimonium perhibeo de meipso, testimonium meum non est verum*, idest, non est dignum, quod acceptetur: intelligitur de testimonio Christi Domini primo modo considerati quo ad nos: Iudæi enim non tenebantur sub peccato infidelitatis credere simpliciter assertioni Christi dicentis se esse filium naturalem Dei; idque nullo alio modo probantis, siue ex prophetis, siue ex scripturis, siue ex miraculis iuxta illud eundem Christi Domini Ioann. cap. 10. *Si non facio opera patris mei nolite credere mihi*, & cap. 15. *Si opera non fecissem in eis, quæ nemo alius facit, peccatum non haberent*. Cæterum, stante euidentiâ credibilitatis, quod esset verus, ac naturalis Dei filius, vt tenebantur id credere, ita & quod esset infallibilis veritatis: quodque conse-

Bibl. Theol. Tom. I.

quenter de seipso posset verum perhibere testimonium.

Quod de Christo Domino huc usque diximus, eodem proportionali modo debet asseri de supremo iudice controuersiarum fidei, posse nimirum considerari dupliciter, primo veluti secundum se, siue pro vt per specialem Spiritus Sancti assistentiam habet priuilegiū infallibilitatis, & sub hoc respectu, ex ratione qua gaudet tali priuilegio in dirimendis omnibus fidei controuersijs, atque adeò illis etiam, quæ ad eum pertinent, nemini dubium esse potest, quin possit in illis esse legitimus iudex, verumque de seipso iudiciū, ac testimonium ferre. Secundò potest idem iudiciū, vel testimonium iudicis controuersiarum, non solum pro se, sed in alijs etiam rebus fidei, considerari quo ad nos, & hoc modo adhuc dupliciter, primò respectu infidelium adulatorum, qui nondum habent euidentiā credibilitatis, defectu propositionis motiuorum illius, quod supremus iudex controuersiarum fidei, ex peculiari assistentia Spiritus Sancti gaudet priuilegio infallibilitatis in proponendis, & explicandis, quæ sunt credenda: Secundò respectu eorū, qui vel iam habent de hoc euidentiā credibilitatis, vel fidem amplexi sunt. Iam ergo si consideretur supremi iudicis controuersiarum testimonium primo modo, dicendum est non esse verū, seu dignum, quod acceptetur, quamdiam enim defectu euidentiæ credibilitatis nō constat nobis certo supremum controuersiarum iudicem habere infallibilem veritatem in definiendis, & proponendis rebus fidei, non tenemus illi credere, simplici illius testimonio, tam in rebus fidei ad illum pertinentibus, quam non pertinentibus; secus autem, si posteriori consideretur modo, id est respectu eorum, qui vel iam habent de ipso euidentiā credibilitatis, vel fidem amplexi sunt.

Ex quibus satis patet, adductum S. Ioannis locum nihil facere cōtra nos, nec probare, quod nec Christus, nec supremus controuersiarum iudex ab eo

L I in

in Ecclesia institutus possint de seipsis testimonium ferre; atque adeo nec partes esse controuersiarum dirimendarum, sed tantam homines non teneri certò, & indubitanter illis assentiri, quamdiu vel nondum homines venerunt ad fidem, vel saltem non habent supradictam credibilitatis euidentiā, nec de Christo, nec de supremo iudice controuersiarum ab illo instituto; cæterum in ijs, qui iam receperunt fidem, diuinæ fidei assensus, qui datur contra errores, dubitationes, difficultates insurgentes circa obiecta particularia diuinæ fidei, siue pertineant ad ipsummet supremum iudicem, siue non, ordinariè & communiter, resolvendus est in auctoritate illius, tanquam regulam animatam, & viuam infallibiliter proponentem & explicantem credenda, propter infallibilem assistentiam Spiritus Sancti Promissâ Ecclesiæ, quæ modo inferius explicando sola est vniuersalis & suprema fidei magistra; controuersiarumque circa illam exortarum iudex ex ordinatione Christi Domini.

Secundò probatur sententia Catholica, quia Apostolus pro Apostolatu suo testimonium ferre non erubuit, nec indecorum putauit suum in cælum raptū publicare, cum hoc ad fideles in Dei cultu ardentiores, & in Ecclesiæ gremio continendos, videret esse necessarium; ergò etiam pariter, cum supremi controuersiarum iudicis auctoritas sit vniuersis per Ecclesiam fidelibus necessario credenda, potest tam illam adstruere, proprioque decreto confirmare, quam alia plura ad illam pertinentia.

Tertiò probatur ratio desumpta ex proportionem huius supremi nostri iudicis ad supremos iudices reipublicæ; in qualibet republica ita habet praxis, vt si quis reuocet in dubium auctoritatem ipsam principis, vel aliquid contra eum molietur, ab ipsomet Rege, seu ab aliquo vices eius gerente condemnatur, nec ei vnquam licet hunc secularē, & prouocare ad alium; ergò cum iudex ille, de quo agimus in præsentī, sit etiam supremus in foro Ecclesiastico, non desinet esse iudex legitimus eorum, qui vel

reuocant eius auctoritatem in dubium, vel aliquid, quod ad rempublicam Ecclesiasticam pertinet. Insuper validè & legitimè quilibet Rex, & Princeps potest rebelles sibi subditos compellere vt obediant, etiam sub poena mortis; ergò similiter supremus controuersiarum iudex poterit sub poenis ab eo latis compellere subditos, vt obediant, ac proinde ferre sententiam de ea re, quæ eum aliquo modo tangit.

Quartò si supremus controuersiarum iudex, atque adeò Ecclesia, quæ vt dicemus infra sola est talis, non possit esse pars controuersiæ dirimendæ, iam præcluderetur via condemnandi quamlibet heresim: nam si secundum Caluinistas & Lutheranos Scriptura sacra est iudex controuersiarum fidei: quomodo Calvinista condemnabit Lutheranum, reijcientem epistolam Sancti Iacobi tãquam stramineam; quomodo item Lutheranus Calvinistam asserentem verba illa, *hoc est corpus meum*, esse tantum intelligenda figuratè, & tropicè, cum in vtraque controuersia agatur de ipsamet Scripturâ? Quod si dicatur in hoc etiam sacram Scripturam posse esse iudicem; ergò falsum est quod dicunt requiri ad supremum controuersiarum iudicem vt non possit esse pars controuersiæ dirimendæ, solumque inter nos, & illos supererit difficultas, quodnam in particulari sit supremus controuersiarum iudex, de quo agemus in sequentibus, cū huc vsque tantum fuerit sermo de suprema potestate iudiciaria controuersiarum fidei, & conditionibus essentialiter ad illam requisitis, abstrahendo à subiecto singulari, & determinato in quo reperiatur.

Quintò tandem asserimus propositionem illam, *nemo potest esse pars, testis, vel iudex in propria causa*, ad summum esse tantum veram de iudice inferiori, & quando factum, de quo agitur, illum respicit, non vt publicam, sed vt priuatam dumtaxat personam; secus autem si sit supremus iudex factumque ad illum vt talem pertinere; certum quippè est sic illi licere iuxta meliorem, & re-

coptionem sententiam in causa propria ius dicere : Primum ex cap. *cum venissent*, extra. de iudicijs. *Cum super primilegijs Sedis Apostolica causa vertitur, nolumus de ipsis per alios iudicari*. Secundò ex cap. *Novit*, de iudicijs, vbi Rex in causa fiscali stabilietur iudex legitimus : Tertiò ex cap. *Insuper* de testibus, vbi inferioribus praelatis in causis suarum Ecclesiarum testificari licet. Quantò ergò magis supremo iudici controuersiarum fidei ius suū dicere licebit, vt postquam illud dixerit, subditi sine vlla exceptione statim credere debeant & assentiri, vbi agitur de rebus fidei, controuersiarumque definiendæ ad illum pertinent, non sub ratione alicuius priuatæ personæ, sed publicæ, nec pronuntiat sententiam studio priuati commodi, sed fidei veritatis tuendæ, ad quod munus infallibilem habet Spiritus Sancti assistentiam. Vndè etiam aliqui heretici Lutherani hanc nostram sententiam, admittunt, vt Scuselburgius libro 3. confutat. Theologiæ Calvinistarum articulo. *vbi agendo de Theologia Ioannis Sturneij, non longè à principio, & respondendo ad eius argumentum, quo contendebat Lutheranos non posse condemnare falsos doctores, quia nemo posset simul accusator esse, & iudex, respondet propositionem esse falsam in dogmatibus fidei; & certè si res non ita se haberet, vellem ad hominem contra Calvinistas querere, quo iure potuerit Calvinus consilium & operam præstare, vt Seruetus ob suam hæresim conijceretur in vincula, quod tamen fecisse fateatur libenter in expositione errorum Serueti.*

C A P V T V I.

*Vtrum spiritus particularis sit supremus index controuersiarum fidei.*

**P**ostquam in superioribus vidimus, dari in Ecclesia supremum aliquè iudicem omnium fidei controuersiarum, explicauimusque conditiones ad illum, necessariò & essentialiter requisitas, nunc

*Biblia. Theol. Tom. I.*

ex eo, quòd illæ alicui inexistant, vel non inexistant, nobis est diiudicandum, quis sit ille supremus iudex, vel quis non sit. Tota autem hæc difficultas videtur esse tantum de tribus; cùm enim fides infusa, & supernaturalis innitatur reuelationi Dei, omnis verò diuina reuelatio fiat communiter vno modo ex his tribus, scilicet, aut quatenus Deus reuelat vnicuique priuatim, quid debeat credere, aut quatenus id fecit per scripturam sacram, quæ est verbum eius, aut per Ecclesiam Christi sponsam, quæ Matth. 18. iubemur audire, hinc fit, vt in aliquo horum trium debeat esse summa illa potestas definiendi, & proponendi res per fidem credendas. Primum autem inquirimus an spiritui particulari conueniat, vbi nomine spiritus particularis nil aliud intelligimus, quàm priuatam reuelationem Spiritus Sancti, quam vnusquisque sibi in particulari factam de intelligentia & fide rei alicuius credendæ assereret.

Omnibus ferè hæreticis tam antiquis, quam modernis, nihil familiarius fuit ad publicam veritatem tollendam, quàm se suosque proprios, & priuatos spiritus facere vltimam credendi, controuersiarum fidei decidendi regulam. Sic apud Irenæum lib. 1. cap. 9. quidam Marcus Corolobassæus per spiritum patrum prophetare videbatur, & quotquot probabat; participes gratiæ suæ prophetare faciebat. Chérinthus per reuelationem Dei, & Angelorum dicebat se habere doctrinam, quam contra Apostolicas traditiones prædicabat. Apelles in Philomelam impingens, virginem prius, sed infame postea eius scortum, cum afflatam quodam numine esse putaret (*eras namque in ea*, inquit Tertullianus, *Angelus seductionis, qui sub specie pueri eidem apparetis modo Christum, modo Paulum se esse dicebat, & per os eius multa diuinabat*) omnes suos æstus, & conatus impios cum illa conferens suarum doctrinarum comitem habuit, atque magistrum, vt librum quoque inscriberet: Philomelæ prophetias, & Phaneroseis, hoc est prædicationes, ap-

Ll 2 parti-

paritioes, reuelationes; cuius Philomelæ fautores etiam fuerunt Seueriani, qui ex D. Augustino lib. de hæres. c. 14. eam diuinis inspiratam ad prædicanda futura credebant.

Montanus quoque seipsum, Theodorto teste, Paracletum appellauit, & duas prophetissas effecit, Priscam, siue Priscillam, & Maximillam, earumque scripta propheticos vocauit libros: cui hæresi, contra quam fuissimè disputat S. Hieronymus ad Heb. quæst. 9. & epistola 54. ad Marcellam, multi postea adhæserunt, & inter illos infelix Tertullianus, qui illum sacræ Scripturæ locum: *Multa habeo vobis dicere: sed non potestis portare modo; & cum veneris Spiritus Sanctus ille vos docet* (sic enim habent Græci codices) in omnem veritatem: detorsit ad suum Montanum plurimis in locis, cum prius lib. de præscript. cap. 8. illud idem testimonium Catholicè de Spiritu Sancto Apostolos docente interpretatus fuisset. Manichæi hos hæreticos imitari dixerunt etiam, non in Apostolos, sed in suum Archimanichæum (fuit autem iste quidam Manes Persa) Spiritum Sanctum descendisse, veritatem docuisse, & munda per ipsum illam communicare voluisse; contra quam hæresim acerrimè inuehitur D. August. tra. 96. in Ioan. 97. & 98. ostendens allegoricè esse illam mulierem Prouerb. cap. 9. descriptam, quæ *cum sit inops panis promittit panes*, id est, cum sit ignara veritatis promittit scientiam veritatis; contra eandem differt S. Vincentius Lyrinensis lib. contra prophanas vocum nouitates disput. cap. 37.

Ab hac eadem hæresi de facto non recedunt heretici nostri temporis siue Lutherani, siue Caluinistæ, etsi enim inter dum sacram Scripturam supremum iudicem omnium controuersiarum fidei statuere videantur; nihilominus tamen ubi & illic se à causa cadere animaduertunt, dum vltius venit ad discernendam veram scripturam à non canonica, ad diiudicandum, quis sit verus & genuinus huius & illius loci scripturæ

sensus, receperunt se velut intra spatia imaginaria, quò Catholicorum indagatio penetrare non posset, nempe in sua critica, ac domesticum spiritum, seu internum Spiritus Sancti testimonium, quod ab vnoquoque fideli interius presentiri iactant. Hunc spiritum supercilio plusquam thraconico sibi arrogans Lutherus dicere solebat, se nihil in scriptura ignorare, vt habetur in suo libro de seruo arbitrio. Bucerus, Brentius, & Melancton ne latum vnguem à Luthero discedentes passim in suis operibus dogmatizarunt posse vnumquemque de rebus fidei iudicare, scripturasque intelligere. Thomas quoque Munzerus, qui primus inter Lutheri discipulos à Secta Lutheri desciuit, & postea Anabaptistarum, Enthusiastarumque omnium pater, cælestes affatus expectabat de celo, & nec scripturis fidere suos volebat, sed somnijs accepti spiritus, vnde dicti sunt hi Enthusiastæ cælestes prophete. Cuius erroris acerrimus postmodum propugnator fuit *Sunenfeldius*, qui apud Hotium lib. de hæres. nostri temporis, etiam in causa fidei scripturam reprobaui, dixitque non conuenire Christiano nimium creaturæ additum esse, Deum audire oportere, huius voces de celo expectandas esse, *Brutus* vir, inquit Dauid, *quem tu erudieris domine*. Acquæ nos docere hodie, atque olim Patriarchas, & Prophetas, visionibus, ac somnijs esse attendendum, illis enim loquitur nobis Deus.

Sed quid de Caluino? ne quid intantum in Ecclesia dimitteret, quod non oppugnet, ad eundem spiritum confugit; etsi enim lib. 1. suarum institut. cap. 9. hunc errorem ex professo impugnare videtur, nihilominus expressè libro 1. suarum institut. cap. 7. §. 4. ait, persuasionem quod hæc scriptura sit sacra, seu à Spiritu Sancto, petendam esse ab arcano testimonio spiritus, quod nihil aliud sonat, quam per priuam reuelationem factam cuilibet fideli istud diiudicari. Quod idem docet etiam in harmon. Euang. Matth. cap. 7. tunc in commentarijs in cap. 7. S. Ioannis, super illa

illa verba: *Si quis voluerit voluntatem eius facere &c.* Exigit, inquit, hic Christus rectum iudicium manare ex timore Dei, & reuerentia: ideo si animos habent ad timorem Dei compositos, facile agnituros, an verum sit nec ne, quod prædicat. Et paulo post, si parati sumus in Dei obsequium, minime illum nobis defuturum, quin Spiritus sui luce affulgeat, ut discernere liceat inter veritatem, & mendacium. Vnde etiam Caluinum secuti sunt eius discipuli, Petrus Martyr in locis communibus prima classe cap. 6. ait, *Vnumquemque fidelium doceri à Christo, quæ sunt fidei, & neminem esse verum Christianum, cui tam parum diuini spiritus concedatur, quin valeat ex sacris litteris haurire & indicare* ( hæc enim sunt eius verba, inter quæ hoc vltimum est etiam notandum ) *quæ necessaria sunt ad salutem.* Et licet Vittacherus magistri inconstantiã imitatus lib. contra Bellarminum controuersia & quest. 5. cap. 5. in responsione ad vltimum locum, neget spiritum particularem esse iudicem controuersiarum fidei, nihilominus sequenti octauo capite sui immemor, contra illud, oportere mendacem esse memorem, nõ tantum id concedit, sed varijs tũ Scripturæ tum Patrum testimonijs nititur probare, vnumquemque fidelem esse à Deo edoctum, & esse Spiritalem illum hominem, qui primæ Corinth. cap. 2. *omnia diiudicas*, & proinde etiam controuersias fidei: & ibidem argumento suo 7. & 8. contendit omnem doctrinã primũ ab vnoquoque fidei probandam esse, ita vt discussionem seu examen illius præmitat, deinde probet, vel improbet; quod certe nihil aliud est, quàm priuatum spiritum introducere, omnium controuersiarum fidei iudicem.

Tandẽ ne diutius immoremur in referendis pro hac heresi præcipuorum Caluinistarum testimonijs, Caluinistæ Galliz in collatione Parisijs habita cũ doctõribus à Sorbona, anno 1566. cũ ab illis fundamentum suæ fidei quæreretur, post multa, variaque subterfugia in priuato, & interno Spiritus Sancti te-

stimonio, tanquam in præsidio firmissimo steterunt; quin imo articulo 4. suæ confessionis iuxta editionem Rupellanam, anno 1609. clarè, & distinctè illud asserunt: ibi enim dicunt se dignoscere libros Canonicos à non Canonicis, non tam communi consensu Ecclesiæ, quam interiori testimonio, & suasionè Spiritus Sancti, docentes eos discernere ab alijs: vbi certè per testimonium istud interioris sacre Scripturæ nihil aliud possunt intelligere, quàm priuatam reuelationem vnicuique factam, cũ illud expressè opponant communi consensui Ecclesiæ, qui aliquid publicum sonat, vt satis ex se patet: vnde cum ex dictis suprà, idem sit supremus iudex vnius controuersie fidei, ac omnium reliquarum, & iuxta hunc articulum quartum Confessionis Caluinistice Spiritus particularis sit iudex istius controuersie, v. g. num libri Machabeorum sint Canonici, sicut quatuor Evangelia; sit, vt etiam secundum eorum opinionem Spiritus ille particularis sit supremus iudex omnium controuersiarum fidei.

Verũ contra hunc tam antiquorum, quàm modernorum hereticorum errorem fuit perpetuum & constans fidei dogma, *Spiritum particularem non esse supremum iudicem controuersiarum fidei.* Colligitur primò ex autoritate veteris testamenti Numer. cap. 12. vbi expressè condemnatur hic Spiritus particularis, cũ enim Maria Soror Moysis, & Aaron dixissent, *num per solum Moysen loquutus est Dominus, nonne & nobis similiter loquutus est?* statim subiungitur, *quod cum audisset Dominus iratus est.* Item Hieremiz 23. capite, *Nolite audire verba Prophetarum, qui prophetant vobis, & decipiunt vos; visionem cordis sui loquuntur, & non de ore Domini;* & paulò post, *non miscebam Prophetas, & ipsi currebant, non loquebar ad eos, & ipsi prophetabant;* quem locum S. Hieronymus ad hoc caput adaptat hereticis, *Ad eos, inquit, sermo dirigitur, qui credunt somnijs, & omnia quæ cernunt putant esse diuinam reuelationem &c.* & infra, *Suntque hodie in Ecclesia Somnato-*



*res, & maxime in nostro grege, qui errores suos Domini faciunt prophetiam, & crebrè ingerunt somnia somniani &c.* Itē Ezechielis cap. 13. hæc dicit Dominus, *Va Prophetis insipientibus qui loquuntur spiritum suum, & nihil vident;* ad quem locum idem S. Hieronymus in commentarijs ait falsos illos prophetas referre, hereticos, qui Dei spiritum relinquentes, sequuntur Spiritum suum, quia nequaquam, inquit, *divino instinctu, sed proprio corde vaticinantur, & subdit, unde licet sibi in mysterijs, imo in ergijs suis, plura Ecclesiasticis doctoribus videre videantur, tamen nihil omnino vident.*

In nouo quoque testamento expressè hic idem spiritus particularis dāmnatur, & expuitur, dum Sanctus Paulus primè ad Corinth. cap. 12. enumerans varia dona & gratias gratis datas, & inter illas, *discretionem spirituum, prophetiam,* negat tamen illas esse in omnibus & singulis fidelibus; alij, inquit, *dant prophetiam, alij discretio spirituum, &c.* circa finem eiusdem capitis, *numquid omnes propheta? numquid omnes doctores? numquid omnes interpretantur,* quasi dicat, non: quod antea confirmavit sumpto exemplo à singulis membris corporis, quæ non vnum & eundem actum habent: At spiritus ille particularis secundum illius Patronos, in omnibus fidelibus ad fidem ab heresi, scripturam Canonicam ab apocrypha, & veram interpretationem illius à falsa, & commentitia secernendam, reperitur. Ergo omnes discretionem habent spirituum, & interpretationem sermonum contra manifesta Apostoli verba, & doctrinam. Iuxta quam statim ab initio Ecclesiæ, tempore Apostolorum, & post eorum mortem, ab omnibus Catholicis ij semper inter hereticos sunt habiti, qui hunc spiritum particularem sequebantur; sic Irenæus lib. 1. aduersus hereses cap. 9. egregiè infectatur Marcum, qui suas prophetare mulieres faciebat hac solenni propheticæ inaugurationis formula: *Aperi os tuum, & loquere quacumque & prophetabis.* Et cap. 25. Cherinthum, inter cuius absurda refert Eusebius li-

bro 3. histor. Ecclesiast. cap. 12. quod suas præstigias quasi per angelos sibi ostentatas fuisse comminiceretur.

Eadem censura notati sunt Montanus, & Maximilla, vt videtur est apud eundem Eusebium lib. 5. cap. 15. nam inter causas, propter quas extrusi fuerint ab Ecclesia, hanc refert, quod, scilicet, *contrà quam Ecclesia consuetudo, tum traditione tum successione, antiquitus ab Apostolorum temporibus eò usque deriuata postulabat, prophetare inceperent id est, particulares reuelationes prætenderent, circa quem locum Eusebij, diligenter notanda sunt verba illa, contrà quam Ecclesia consuetudo, tum traditione, tum successione, antiquitus ab Apostolorum temporibus eò usque deriuata postulabat;* significat enim Ecclesiam tunc iudicasse esse cōtra consuetudinem successione & traditione ab Apostolis deriuatam, ita vñ aut alteri priuato dari spiritum reuelantem quæ sunt fidei, non autem in eis sequi communem totius Ecclesiæ consensum.

Secundò probatur sententia catholica varijs rationibus, prima est, quia spiritus ille particularis, quem hæretici stabiliunt pro supremo iudice controuersiarum fidei, caret conditionibus ad illum superius requisitis: ergo talis spiritus, quocumque modo consideratus, non est iudex controuersiarum fidei. Consequentia est certa, si antecedens est verum; veritas autem illius facile ostenditur, discurrendo breuiter per singulas condiciones superius explicatas. Prima est, quod ita sit veritatis infallibilis, vt de illa constet singulis fidelibus; cuius tamen oppositum reperitur in spiritu particulari; quod sic probo, primò, quia de illo spiritu non potest constare omnibus ac singulis fidelibus, quod sit veritatis infallibilis; de quo potest etiā prudenter dubitari, vtrum sit bonus, & qui propterea sit probandus, antequam ei credatur; satis enim patet, quod si prudenter dubitatur, an sit bonus, prudenter etiam dubitatur an sit fallibilis, malis enim spiritibus familiare est mentiri, velleque fallere: Sed prudenter dubi-

adhiberi potest, vtrum priuatus ille spiritus reuelans sit bonus, & antequam ei credatur sit probandus, ex Apostolo 1. ad Corinth. cap. 11. vbi monens Corinthios, ne credant Sseudoapostolis, quia sunt subdoli, ait hoc non esse mirum, *ipse enim*, inquit, *Sarbanas transfegurat se in Angelum lucis*; ergo de illo non potest omnibus, ac singulis fidelibus certò constare quod sit veritatis infallibilis. Deinde vt ipsimet hæretici fatentur, Spiritus ille particularis, non est talis, cui tanquam iudici infallibili debeamus credere, antequam eum probauerimus, quam probationem, aut examen fieri dicunt, ex eo quod loquatur consentaneè Sacris Scripturis, vel rebus antea per fidem cognitis: at non omnes & singuli fideles possunt examinare, probare, & dignoscere, vtrum spiritus reuelans sit bonus, & malus, vt patet ex superius citato loco Apostoli 1. ad Corinthios cap. 12. nec an loquatur consentaneè sacris litteris, vel rebus antea per fidem cognitis, plures enim sunt laici, etiam pij, qui nullo pacto id possunt præstare, cum plerique eorum etiam non didicerint legere, & in ijs, qui valent doctrina, & ingenio, sit præterea opus, ex ipsa confessione hæreticorum cognitione linguarum originalium, puta Hebraicæ, & Græcæ, item comparatione vnius loci cum alio, & multis alijs similibus, non igitur omnibus, & singulis fidelibus constare potest de spiritu illo particulari, vtrum sit veritatis infallibilis.

Vltra quod, si spiritus ille particularis, quem in omnibus verè fidelibus dicunt hæretici residere, probari & examinari debeat, per analogiam, & conformitatem quam habet cum scriptura, & alijs fidei mysterijs, priusquam teneamur illi credere, & acquiescere tanquam infallibili controuersiarum iudicio, manifestè sequitur, non tam illum quam Sacram Scripturam esse dicendum iudicem, aut regulam, ad cuius normam ipse spiritus dirigatur, & dignoscitur. Et tandem, cum velint hæretici, ipsum spiritum particularem esse Spiritum Sæ-

dem testificantem in cordibus nostris, cuius proprium est seipsum, cum obiectis quæ reuelat, manifestare, inutiliter probari, & examinari debet, saltem respectu illius personæ cui immittitur, & in cuius cordibus dicitur irradiare, quippe cum illico debeat ei acquiescere.

Secunda conditio requisita ad supremum iudicem controuersiarum fidei, est autoritas proponendi fidelibus veritates à se definitas tanquam de fide, & item autoritas obligandi fideles, vt illas suscipiant; hunc autem Spiritum particularem, nullam penitus habere, exteriorem potestatem coactiuam, qua fideles compellat ad credendum, quod proponit, clarius patet quam quod probatione indigeat, tum ex eo quod sit aliquid inuisibile, tum etiam ex eo, quod aliquid particulare; Vnde etiam si per impossibile vnusquisque fidelis tam perfecte prædictus esset sapientiæ dono, vt beneficio illius posset omnia diiudicare, quemadmodum aliqui hæretici interpretantur illum locum Apostoli 1. Corinth. cap. 2. *Spiritualis omnia diiudicat, & ipse à nemine iudicatur*. Non propterea tamen de omnibus fidei controuersijs tale iudicium ferre posset, vt nempe cogeret sua autoritate, & scientia alios in suam sententiam abire: hoc enim absurdissimum esset, quia sic in plebeis, & simplicibus Christianis, imò & in foeminis inesset suprema autoritas iudicandi de fide. Homo ergo spiritualis de omnibus dicitur ab Apostolo iudicare, id est discernere, seu iudicium discretionis ferre, bonum à malo, & falsum à vero, secundum sapientiam sibi à Deo datam; illius autem iudicium nemo tenetur propterea sequi, cum nullam habeat potestatem Christianos ad sibi credendum obligandi, vt clarè constat ex editione Græca, nam quod vulgatus interpres vertit, diiudicat, Græca editio habet anactinei, id est discernit, & non iudicat; ita vt eius iudicium sit ad summum discretiuum, sed non coactiuum, neque alios ad sibi consentiendum obligans, atque adeò non habens conditiones essentialiter requisitas ad rationem su-

supremi iudicis controuersiarum fidei.

Præterquam quod, per spiritualem qui de omnibus iudicat, multi, etiam hæretici negant intelligendum esse vniuersumque hominem fidelem, aut Christianum spiritu regenerationis præditum. Cum enim ibi opponat Apostolus hominem spiritualem, animali, quem ait non posse percipere ea quæ sunt spiritus: per animale autem non intelligat infidelem, sed rudem, & adhuc penè infantem in doctrina Christiana, nondumque altissimorum fidei mysteriorum capacem, vt ex prioris ad Corinthios c. 3. videtur est; *Non potui vobis, inquit, loqui tanquam spiritualibus, sed quasi carnalibus, & paruulis in Christo*. Ideò hoc loco per spiritualem intelligit hominem perfectum, in doctrina Christiana perfectum, & dono sapientiæ à Deo præditum: quod quidem donum frequenter in Ecclesia primitiua plerisque fidelibus, non tamen promiscuè & omnibus conferebatur. Cum igitur Spiritum illum particulare, quæ hæretici comminiscuntur, statuantque pro supremo iudice, controuersiarum fidei, omnibus fidelibus dari velint, imò nullum dicant verum fidelem esse, qui eo non sit præditus, manifestè sequitur locum hunc Apostoli de homine spiritu ipso particulari affecto non posse intelligi, atque adeò nihil conducere ad probandum, spiritum particularem esse supremum iudicem controuersiarum fidei.

Secunda ratio potest desumi ex fine quem habuit Deus in instituendo supremo aliquo iudice controuersiarum fidei, qui certè nullus alius fuit quam vnitatis fidei conseruatio, pacificaque omnium dubiorum fidei inter catholicos nascentium compositio; non enim est *Deus dissensionis, sed pacis*; at huiusmodi Spiritus particularis potius diuidit, & soluit quam vniat, dissensiones parit, quam pacem, magis dispergit, quam congregat ad fidem; præterquam quod enim ille soluit Iesum, vt ait D. Augustinus tract. 6. in Epistol. Ioann. qui vel Ecclesiam à Christo, vel seipsum ab Ecclesia vel qui ipsam Ecclesiam diuidit, qualis

est ille spiritus particularis nouatorum Ecclesiæ autoritatem contemnentiū infallibilitatem negantiū; insuper si semel Deus reliquisset iudicio vniuersi cuiusque quid esset credendum, & quo sensu scriptura esset accipienda, viam ad horribilem confusionem aperuisset, quisque enim spiritum suum, supra eum sui proximi iactaret, nec vellet cum pro quolibet altero relinquere: imò non deberet: quippè quem crederet esse spiritum sanctum sibi assistentem, & mysteria fidei reuelantem: quod cum absurdissimum sit, omninoque alienum à fine supremi controuersiarum iudicis, absurdissimum quoque est asserere, Deum nullum aliū fidei iudicem, præter hunc spiritum particularem, statuisse. Quod etiam verum est, siue consideretur huiusmodi spiritus seorsim, siue consideretur analogicè ad scripturas, vel res antea per fidem cognitæ, præterquam quod enim non est omnium fidelium, vt iam vidimus, examinare, probare, & diiudicare, vtrum spiritus reuelans sit bonus, vel malus? an loquatur consentaneè sacris litteris, vel non? Omnes insuper hæretici clamant se loqui conformiter ad sacras litteras, & fidei dogmata; vt enim spiritus particularis Caluino dicat solā figuram corporis Christi esse in augustissimo Eucharistiæ Sacramento, & hoc (vt putat Caluinus) conformiter ad sacras litteras, & fidei dogmata, ita Luthero dicat verè & realiter cum substantia panis esse corpus Christi in Eucharistia; & Anabaptistæ non esse homines baptizandos ante ætatem adultam, &c. cum ergo quorū capita sint, tot prætendi possint priuata reuelationes conformiter etiam, & consentaneè ad scripturas, vt suis vnicuique spiritus suggerit, concludendum est talem spiritum quocumque modo consideratum non posse esse iudicem controuersiarum fidei, potiusque vnitati fidei, obesse, quam prodesse, vt in simili arguit D. Augustinus lib. 1. contra Faustum cap. 22.

Confirmatur hæc ratio, quia si in religionis dissidijs ad huiusmodi priuatū vniuersi cuiusque spiritum confugiendū

dum eſt, tanquam ad ſupremum illorum iudicem, vel iſte ſpiritus dicat eſſe credendum omnibus ſectarijs, vel non: ſi omnibus, ergo ſequitur, vt dicebat Rhetorius apud D. Auguſtinum lib. de hæreſib. omnes ( quod incredibile eſt, contradictionemque inuoluit ) hæreticos rectè ambulare, & vera ſentire; ſequitur etiam ſpiritum inclinare ad aſſentiendū propoſitionibus contrariè oppoſitis: nec enim inter hæreticos conuenit, ſed mira eſt apud pleroſque diſſenſio, & contradicſio; ſi nulli credendum, habetur inrentum, priuatum, videlicet, & particularem ſpiritum non eſſe controuerſiarum iudicem: ſi dicas quibuſdam ſic, quibuſdam verò non ad credendum inclinare, cum non videatur maior ratio de his, quàm de illis, ſi quidem ſinguli eorum aſſertores gloriantur ſe verum, habere ſpiritum Dei, ſeque loqui conformiter ad Sacras Scripturas; oportet de neceſſitate, quod præter illum ſpiritum particularem, detur in Eccleſia, aliquis alius ſupremus iudex, qui de illius bonitate, vel malitia iudicium ferat, fidelibuſque proponat, quis loquantur conformiter Sacris Scripturis, quis non; niſi velimus dicere Deum Eccleſiæ ſufficienter non prouidiſſe, ſed omnia confundere voluiſſe.

Tertia ratio deſumitur ex modo, quæ ſecundum viam ordinariam diuina ſeruauit prouidentia in maniſeſtandis fidei veritatibus: nam ſicut Eccleſiæ inſtitutio eſt iuxta legem Dei ordinariam intra ordinem gratiæ, nec illam tranſcendit, ita & inſtitutio eorum, quæ requiruntur ordinariè in Eccleſia: atqui inter ea, quæ ordinariè requiruntur in Eccleſia, vt intra ordinem gratiæ conſtituta eſt, annumeratur ipſe iudex controuerſiarum fidei, vt vidimus ſupra: igitur debet iudex ille eſſe inſtitutus iuxta legem Dei ordinariam: at Dei lex ordinaria non eſt, quòd per ſeipſum reuelat, aut proponat vnique priuatim, & in particulari, quæ debeat credere, quis ſit genuinus Scripturæ ſenſus, & illum per ſeipſum immediatè definiat, ſed per aliquos ho-

*Bibliot. Theol. Tom. I.*

mines: igitur iudex controuerſiarum, fidei, non poteſt eſſe ille ſpiritus, ſed homo aliquis, vel cæterus aliquis hominum viſibilis, ſpirans, & viuens, clarè & aperte loquens in definiendo, & qui etiam, audiarur, vt probauimus ſupra. Vltima huius diſcurſus minor, in qua ſolum eſt diſſicultas, non poteſt efficacius probari, quam inductione facta per omnia tempora: & quod pertinet ad prima, poſt creationem Adami, quem primum præceptorem hominum dedit Deus: noſtram propoſitionem vt veram admittunt ipſi met hæretici, vt Caluinus lib. 1. inſtit. cap. 6. §. 1. & 2. Kemnirius in ſuo examine primi detecti 4. ſeſſionis Concilij Tridentini.

De tempore Abrahami patet Exodi 8. Scio ( inquit Deus loquens de Abrahamo ) quid præcepturus ſit filiis ſuis, & domui ſuæ poſt ſe, vt cuſtodiant viam Domini; de tempore Moysiſ conſtat Exodi 18. & Deuter. 17. vbi aliqui deputantur iudices controuerſiarum, quæ circa religionem orientur: quod iterum ſit tempore Joſaphat Regis Iuda lib. 2. Paralip. cap. 19. Malachiæ 2. Labia Sacerdotis cuſtodient ſcientiam, & legem requirunt ex ore eius: hinc quando agitur de diuite Epulone in Euangelio Lucæ 16. dicitur, habent Moſem, & Prophetas, audiant illos. Item Matth. 13. Iudæi remittuntur ad Scribas & Phariſæos; Marci vltimo mittuntur Apoſtoli prædicare: Act. Apoſt. 8. Deus non docet per ſeipſum eunuchum, ſed ad id præſtandum mittit S. Philippum: Act. 9. Saulus dimittitur inſtruendus per Ananiam; Act. 10. monetur Cornelius Centurio vocare S. Petrum, vt dicat ab illo res ipſas fidei, & Apoſtolus ideo ad Romanos 10. dicit fidem eſſe ex auditu, auditum per verbum Dei, nec homines poſſe credere ſine prædicante; & ad Ephel. 4. Deum dediſſe Apoſtolas, Euangelistas, Doctores, & Paſtores ad agnitionem fidei, uſque ad conſummationem ſæculi; quia Deus ordinariè docet homines per homines ipſius fidei dogmata; & ob hanc etiam cauſam idem Apoſtolus ad Galatas cap. 2. teſtatur ſe

M m aſcen-

ascendisse Hierosolymam, vt cum Petro & alijs Apostolis de suo Euangelio. communicaret, *Ne, inquit, in vanum currerem.* Et quia vt docent Tertullianus lib. 4. contra Marcionem, & Hieronymus Epistola 12. ad Augustinum, eius Euangelium nullam authoritatem habere potuisset, nisi per istos viuos & supremos iudices fuisset approbatum.

Vnde si ipsis nostris ducibus, Diouque Paulo, quantumuis per reuelationem Iesu Christi suam accepisset Euangelij doctrinam, non satis fuit reuelatio illa spiritus, nisi adhuc ad regulam Ecclesiæ Catholicæ Hierosolymis congregatæ confugeret, vt ibi sua probaretur doctrina; multò minus debent sufficere particulares reuelationes, aut entusiasmi priuatis hominibus facti, nulla præsertim vel authoritate, vel sanctitate vitæ, aut signorum testimonio suffultis, sed necessario recurrendum est ad iudiciū Ecclesiæ, quæ cum sola sit columna, & firmamentum veritatis, ita etiam ad illam solam pertinet, tam huiusmodi spirituum, quàm cæterarum fidei veritatum authoritatiua approbatio, ac propositio. Et hoc est, quod docuit Gregorius Nazianzenus in Apologet. primo. Hoc in Ecclesia constituisse Deum, vt alij pascantur, imperiumque accipiant (quibus id vilius est) ac tùm sermone, tùm opere ad officium dirigantur. Alij è contra ad concinnitatem perfectionemque Ecclesiæ, Pastorum, Magistrorumque munere fungantur, nimirum, qui virtute, necessitudinēque ad Deum, & familiaritate vulgus antecellunt, rationem animæ ad corpus, aut mentis ad animam sustinentes. Chimericus ergò, callidēque ad euertendam veram regulam, & legitimum controuersiarum iudicem eludendum introductus fuit à Sathana se se transfigurante, in Angelum lucis spiritus ille particularis, & priuatus, quem in omnibus verè fidelibus dicunt hæretici residere, vt eo affante de fidei dogmatibus authoritatiuè pronunciare, vel controuersias religionis definire possint.

Quarta tandem, & vltima ratio po-

test desumi, ex ipsamet huius spiritus particularis vanitate, & fictione, quia, aut ille spiritus, si daretur singulis fidelibus, pertineret ad gratiam gratum facientem, aut ad gratias gratis datas; si ad gratiam gratum facientem, iam statim, ac quis mortaliter peccaret, non haberet talem spiritum perdita gratia, vnde etiam non valeret amplius doctrinas discernere, & quæstiones fidei definire; Si dicatur pertinere ad gratias gratis datas; contra est primò, quod hæc primò & per se dantur in bonum proximi, vt docent Theologi ex professo 12. hic autem spiritus reuelans, interiusque testificans in bonum proprium ex opinione aduersariorum. Secundò inquirò ad quam gratiam gratis datam sit reducendus, an ad prophetiæ donum, an ad sermonem sapientiæ, vel scientiæ, an ad discretionem spirituum, aut similia de quibus D. Paulus 1. Corinth. cap. 12. Si ad prophetiæ donum, iam incerta nobis redditur regula fidei; nec enim vt probat ex diuinis Scripturis Gregorius Homil. 1. in Ezech. Spiritus prophetiæ Prophetarum mentibus semper præsto est, vnde lib. 4. Reg. cap. 4. dixit Elizeus: *Anima eius in amaritudine est, & Dominus celauit à me, & non indicauit mihi.* Nec semper agnoscit Propheta si spiritum diuino, vel proprio mens eius illustretur vt patet de Nathan; qui deceptus est, putans David ædificaturum templum, Domini; si ad alias gratias gratis datas, cum Apostolus expressè doceat illas nō esse omnibus fidelibus communes, sed alij dari sermonem sapientiæ, alij sermonem scientiæ, alij discretionem spirituum, manifestè sequitur inter illas computari non posse, atque adeò quid fictitium esse, spiritum illum particularem, quem sectarij omnibus asserunt esse communem, & obuium ad decidendas religionis controuersias.

## CAPVT VII.

*Soluuntur argumenta hæreticorum, quibus contra doctrinam superiori capite traditam, conantur probare spiritum particularem esse regulam credendi, vel supremum iudicem fidei controuersiarum.*

**P**rimum hæreticorum argumentum defumitur ex ijs veteris testamenti locis, in quibus homines præcipuè nouæ legis dicuntur edoceri à Deo, quæ sunt illis credenda, & facienda, vt Isaia 54. *Ponam vniuersos filios tuos doctos à Domino;* Hieremie 31. *Dabo legem meam in visceribus eorum, & in corde eorum scribam eam, & ero eis in Deum, & ipsi erunt mihi in populum, & non docebit ultra vir proximum suum, & vir fratrem suum dicens cognosce Deum, omnes enim cognoscent me à minimo eorum vsque ad maximum:* ait Dominus.

Respondetur illa duo testimonia veteris testamenti, aliaque similia non procedere de intelligentia scripturarum, & articulorum fidei, quasi Deus solus absque villo alio doctore forinsecus souante, seu doctrinam fidei proponente & explicante per prædicationē aut definitionem, eam tradat vnicuique fidelium: verum solummodo intelliguntur de gratia Spiritus Sancti, qua homo mouetur interius, & suauiter impellitur ad credendum in Deum, cumque amandum, vt habemus ex ipsamet interpretatione Christi Domini apud S. Ioannem cap. 6. cum enim præuidens heresim Pelagianorū ostenderet opus esse interiori gratia Spiritus Sancti excitante & adiuuante ad credendum in Deum, cumque amandum his verbis: *Nemo potest venire ad me, nisi pater, qui misit me, traxerit eum* (quod de hac gratia mouente interius ad credendum, intelligendum esse docet S. August. tract. 26. in Ioannem) protulit auctoritatem vtriusque Prophetæ, *Est scriptum, inquit, in Prophetis, & erunt omnes docibiles Dei:* ergo, vt hæc vtraque auctoritas afferatur appositè ad rem

*Bibliot. Theol. Tom. 1.*

de qua erat illi sermo, debet intelligi de interiori motione Spiritus Sancti, tãquam necessaria ad credendum in Deum, cumque amandum, sicut & ista Christi Domini verba, *Nemo potest &c.* dicit autem Christus in Prophetis, propter hanc vtramque auctoritatem Isaia 54. & Hierem. 31. vt significat S. Hieronymus ad locum illum Isaia.

Hanc autem interioris gratiæ, siue motionis Spiritus Sancti necessitatem ad credendum in Deum, cumque amandum, non excludere doctorem externum, manifestè colligitur ex præcedentibus Isaia verbis, ait enim: *Sternam per ordinem lapides tuos, & fundabo te in Sapphyris, & ponam in spidem propugnacula tua, & portas tuas in lapides sculptos &c.* & postea subdit, *uniuersos filios tuos doctos à Domino.* Per fundamenta Sapphyrina Apostolos intelligens, vt exponit Hieronymus, per propugnacula doctores, qui in disputando fortissimi sunt, & testimoniorum diuinarum antemurali roborati, & postea subdit, *Ponam uniuersos filios tuos doctos à Domino.* A domino si quidem rectè fideles edoceri dicuntur, qui ordine ab ipso instituto doceantur; scilicet ab Ecclesia, eiusque pastoribus, quasi à Christo dicente, *qui vos audis me audis, &c.* Nec est, quod aliquis vim faciat in illis vltimis Hieremie verbis: *Et non docebit ultra vir proximum suum, dicens cognosce Dominum, omnes enim cognoscent me à minimo eorum vsque ad maximum:* Sanctus enim Hieronymus ad illum locum subindicat verba illa intelligi de cognitione vnius Dei: ita vt prophetæ sensus sit tantam fore legis Euangelicæ perfectionem, vt cum ante illam cultus plurium Deorum passim apud omnes gentes vigeret, sola Iudaica excepta, iuxta illud Psal. *Notus in Iudea Deus;* tunc illius tempore esset cultus vnius solius Dei, eo quod per Euangelium faciliè omnes ab eiusmodi paganismo dedicerent, & quod tam vulgaris esset hæc Dei notitia, vt aliquis opus non haberet id ex proximo suo discere: quæ explicatio cerè nihil fauet

particulari, & priuato sectariorum Spiritui in ordine ad omnia credenda, & facienda: sicut nec illa D. Augustini lib. de Spiritu, & littera capitibus 20. 21. 22. 23. & 24. Vbi totum hunc Hieremiæ locum perpendens, asserit per illa verba, *Et non docebit ultra vir proximum suum.* significari præmium in æterna beatitudine dandum hominibus noui testamenti, qui fide, & charitate informati legem Dei seruauerint, scilicet claram & intuitiuam Dei visionem in patria, vbi beatorum etiam minimus videbit Deum facie ad faciem, & sicuti est, nec discedit ab aliqua alia creatura, quæ & quanta tremenda misteria in Deo, sed ipse palam, & apertè ea intuebitur.

Secundum argumentū defumitur ex varijs noui testamenti locis Ioannis 7. *Si quis voluerit voluntatem eius facere, cognoscat de doctrina utrum ex Deo sit, an ego à meipso loquar:* item 10. *Omnes meam vocem audiunt, & sequuntur me.* 1. Corin. cap. 2. *Spiritualis omnia diiudicat, & ipse à nemine iudicatur, & unicuique datur manifestatio Spiritus ad utilitatem.* 1. Ioannis cap. 2. *non necesse habetis, ut aliquis doceat vos, sed vntio docet vos de omnibus.* & cap. 5. *qui credit in filium Dei, testimonium Dei habet in se.* Ex quibus omnibus sic argumentantur hæretici ad probandam suam hæresim; qui audiunt vocem Domini, & fugiunt vocem alienorum à Christo, ij iudicant de doctrina Christi, & item qui voluntatem Dei faciunt, insuper qui iudicat omnia, & à nemine iudicatur est supremus iudex controuersiarum fidei, item is cui datur manifestatio Spiritus, item is, quem docet Spiritus Sanctus, quique alio doctore non indiget, sed testimonium Dei habet in se: atqui fidelis quilibet vocem Domini audit, quia credit in illum, item voluntatem eius facit, quia seruat eius mandata; ratione sui Spiritus omnia iudicat, & à nemine iudicatur; edocetur à Spiritu Sancto, nec habet necesse doceri ab alio: igitur quilibet fidelis ratione spiritus particularis, & priuati sibi interioris inexistens est iudex omnium con-

trouersiarum fidei, absque eo quod indigeat recurrere ad aliquem alium exterioriorem iudicem, vt ab eo edocetur, quæ sint illi credenda, & facienda.

Respondetur hoc argumentum nihil penitus concludere, quia procedit ex locis sacre Scripturæ male ab hæreticis intellectis. Ad primum enim Ioan. 7. responderetur ex D. Augustino tract. 29. in Ioannem, quod voluntatem Dei facere, ibi pertinet etiam ad credere: facere enim voluntatem Dei, est operari opus eius, *hoc est autem opus Dei*, inquit Saluator, vt credaris in eum, quem ille misit; vnde iuxta D. Augustini interpretationem sensus illius loci est; qui credere voluerit, cognoscat de doctrina eius, quid est cognoscat, id est intelliget: intellectus enim merces est fidei, dicente Propheta *nisi credideritis non intelligetis.* Quod si insuper ad pietatem hunc locum extendere velimus, ita vt omnis prius faciens voluntatē Dei cognoscat de doctrina &c. Sensus est de cognitione discretiua veræ à falsa doctrina, non iudiciaria, & decisua ex auctoritate: vnusquisque enim faciens voluntatem Dei ex habitu fidei potest discernere quæ fidei sunt, non autem determinare, & authoritatiuè iudicare. Vnde Augustinus de Agone Christiano cap. 4. sic dicit: *Qui fidem Catholicam bene didicit, & vera pietate munitus est, quamuis hæreses nefarias hæreticis tamen respondet. Nec enim decipi potest qui iam cognouit quid pertineat ad fidem Christianam, quæ Catholica dicitur.* Vel dicendum tertio, quod magis conforme videtur textui, sensui eius loci tantū esse, eum qui vult facere Dei voluntatem, odio vel inuidia non duci, sed studio veritatis & amoris Dei, esse rectè dispositum, vt iudicet, nūm doctrina Christi sit doctrina Dei, quia caret grauissimis impedimentis; quibus improbi, vt plurimum à sua ad fidem Christi quæ doctrinam amplectendam conuersione retardantur. Solent quippe passionibus obsecare intellectum, & facere vt aliud quàm oportet de rebus, quæ pro-

proponuntur, iudicium feratur, cum vnusquisque iuxta Philosophum iudicet de rebus, pro vt affectus est, sicut etiam solemus vulgò dicere cum, qui nullo affectu ducitur, posse ferre sanum de re aliqua iudicium, alium verò non posse, nisi prius affectum deponat. Verum vt in hac vulgari loquendi formula non denotamus aliquem cum hac sola cognitione nullo alio adiutum posse rectè iudicare, sed tantum positis ceteris ad illud requisitis; ita & in hac Christi Domini sententia non significatur cum, qui caret istis affectibus odij & inuidiæ in Christum, solumque querit voluntatem Dei, posse cum hac sola dispositione absque vllius alterius adminiculo discernere, an Christi doctrina sit Dei vel non, sed tantum esse bene dispositum, vt ceteris positis ad id necessarijs rectè iudicet de doctrina Christi: & quemadmodum hæc sola dispositio in hominibus ad bene iudicandum de rebus politicis & humanis non arguit in illis iuridicam potestatem dirimendi lites eiusmodi, ita nec dispositio illa, quod scilicet aliquis velit facere voluntatem Dei, insert in illo esse iuridicam potestatem definiendi controuersias fidei. Quod autem hic sensus nulla penitus ratione fauens hæreticis, sit conformis sententiæ Christi, patet ex ipso Evangelij contextu, vbi reprehenduntur Iudæi, quod voluerint Christum interficere, & in hunc finem quæsiuerint illum: item rapti in admirationem dixerint, *quomodo hic litteras scit, cum non didiceris?* dubitantes an hæc eius doctrina esset à Deo, vel dæmone, nam paulo inferius dixerunt Christo *demonium habes*; igitur Christus Dominus, vt tacite insinualet eos propterea non cognoscere, an doctrina sua sit ex Deo, quia sunt indispositi, & præpediuntur affectibus odij, & inuidiæ, respondet, *Si quis voluerit voluntatem eius facere qui misit me, cognoscat de doctrina mea an ex Deo sit*; id est, si velitis odium & inuidiam, quæ contra Dei voluntatem in me concepsistis, deponere, poteritis

iudicare doctrinam meam esse ex Deo.

Secundus etiam locus Ioannis 10. *Oves meæ vocem meam audiunt, & sequuntur me*; non procedit de intelligentia sacræ scripturæ, & dogmatum fidei, quam orta quæcumque controuersia, aut difficultate circa illa, fideles ipsi accipiant immediatè à solo Spiritu Sancto, secluso omni alio externo doctore, de quo tamen inter nos, & hereticos est questio, sed tantum intelligitur de præueniente gratia, qua Christus eos ad fidem formatam vocat; cuius vocem dicuntur tanquam eius oves audire, quando percipiunt, & apprehendunt vocationem Christi; sequi verò quando vocationi Dei perceptæ suum præbent assensum, seu fide viuâ credunt in Christum eos vocantem, vt patet ex illis verbis continentibus causam, cur Iudæi esset increduli, & infideles, *vos non creditis*, inquit Christus eodem capite, *quia non estis ex ouibus meis, oues meæ vocem meam audiunt*. Et quod prædicta Christi verba non excludant visibilem & externum doctorem, patet ex eodem capite, vbi expressè ait se habere alias oves, quæ quando hæc loquebatur, nondum erant ex suo ouili, *illas*, inquit, *oportet me adducere, & vocem meam audient*, quod intelligitur de gentilibus ad fidem Christi conuertendis, quos ait audituros suam vocem, quia erant conuertendi per Apostolos, quos ipse misit in inundum ad conuertendas gentes, vt explicat S. August. tract. 47. in Ioannem.

Ad tertium locum 1. Corinth. c. 2. *Spiritualis autem omnia dýdicat* &c. iam notauimus superiori capite, ibi per hominem spirituales non intelligi omnes fidelem spiritu regenerationis præditum, sed tantum perfectum, qui altiora fidei mysteria percipit, quæ animalis homo, id est iustificatus quidem, sed præ imbecillitate mentis nondum potens hæc altiora fidei mysteria percipere, non intelligit; vnde iam hic sensus nihil fauet spiritui particulari, quem heretici volunt esse commune, & obuium vnicuique fideli. Secundò ibi non agi, de iudi-



iudicio *potestatis*, quo quis tanquàm iudex cum auctoritate obligandi ceteros definit controuersias, sed de iudicio *discretionis*, quo qui prudentior est & magis exercitatus in rebus, eas melius percipit & penetrat, licet auctoritatem illas sua sententia definiendi non habeat; quod iterum iudicium discretionis, cum non competat omnibus, & singulis fidelibus, ut patet ex dictis superiori capite, sicut nec ipsa probatio spirituum, cum S. Paulus 1. ad Corinth. cap. 12. discretionem spirituum inter gratias gratis datas non omnibus & singulis Christianis communes recenscat, manifeste patet adhuc ex hoc capite non consistere in illo priuatum & particularem spiritum, quem Sectarij volunt reperiri in omnibus, ac singulis fidelibus. Similiter quod ibidem dicatur, *unicuique dari manifestationem spiritus ad utilitatem*, sensus Apostoli non est, quod detur unicuique fidei manifestatio spiritus, quasi omnibus & singulis fiat reuelatio immediata per spiritum Sanctum, sed sensus eius est, cuicumque datur donum aliquod, quo patet eum accepisse spiritum Sanctum, istud ei dari in commodum, & utilitatem Ecclesiæ; ibi enim Apostolus per manifestationem spiritus non intelligit specialem, & particularem aliquam gratiam gratis datam, ut satis patet ex enumeratione ab illo facta, sed finem, dumtaxat proprium istarum gratiarum explicat, qui est dari ad bonum Ecclesiæ & proximi primò, & per se; non autem ad proprium recipientis commodum.

Quartum tandem, & quintum locum primæ Ioannis explicat S. Augustinus tract. 3. in hanc epistolam, ut non excludatur per hoc exterius Ecclesiæ, vel Pastorum eius magisteriū, alioquin poterat illi fieri instantia. Tu dixisti quia vnctio ipsius docet nos de omnibus, ut quid ergo talem epistolam fecisti, quid illos tu docebas, quid instruebas, quid ædificabas &c. Sed ut significetur quod nisi addit magister intus docens, & corda aperiens, & emolliens,

inanis sit foris strepitus verborum, & quos Spiritus Sanctus non docet intus, indocti remaneant. Magisteria, inquit Augustinus, forissecus adiutoria quædam sunt, & admonitiones, cathedram in cælo habet, qui corda docet, propterea ait & ipse in Euangelio: *Nolite vobis dare magistrum in terra &c.* interior ergo magister est, qui docet, Christus docet, inspiratio eius docet; vel dicendum secundò quod vnctio de omnibus diuersimodè diuersos docet, ut ait Sanctus Doctor, quosdam scilicet simplices ea quæcumque ad salutem sunt necessaria, quosdam in quantum altiora, cognoscunt mysteria, ut alijs possint illa manifestare. Vel tandem loquitur Ioannes de doctrina fidei Parthus ad quos illam scribit epistolam, ab Apostolis, vel ipsomet prædicata, ex qua poterant hæreticis resistere; unde prius præmisit. *Hæc scripsi vobis de iis, qui seducunt vos, & vos vnctionem quam accepistis ab eo maneat in vobis &c.*

Tertium hæreticorum argumentum desumitur ex auctoritate SS. Patrum, Ambrosij præsertim, & Augustini; quorum primus libro 5. Epistolarum 32. & 33. ut citat Virgachius, vult populum Mediolanensem esse iudicem cõtrouersiarum, quæ illi erat cum Auxentio Arriano; Augustinus verò tractatu statim citato in epistolam primam Ioannis, explicans verba hæc, *Vnctio docebit vos de omnibus*, ita loquitur: *Sonus verborum nostrorum aures percutit, magister intus adest, nolite putare quemquam hominem aliquid discere ab homine.*

Respondetur testimonium Diui Ambrosij, quod iuxta editionem Parisiensem extat lib. 2. epist. 13. mala fide citari ab hæreticis, & omnino contra sensum & mentem Ambrosij, qui in illa epistola ad Valentinianum Augustum totus in eo est, ut suæ de fide disputationis cum Auxentio Iuniore, laici non sine arbitri. Quibus tamen concedit, ut interfint disputationi, non tamen tanquàm iudices: *Veniant, inquit, plane, si qui sint ad Ecclesiam, audiant cum populo, non ut quis.*

*quisquam eorum index refideat. Vnde cum subiungit, unusquisque de suo affectum habeat examen, eligat quem sequatur; Agitur de istius Ecclesie sacerdote, si audieris illum populus, & putaueris melius dissequi, sequatur fidem eius non inuidebo; dum hæc, inquam subiungit Ambrosius, nihil fauet aduersarij, quasi per illa verba iudicium disputationis penes populum voluerit esse, alias esset sibiimet contrarius; sed tantum alludit ad illum Ecclesie morem, quo populus optabat & postulabat hunc vel illum sibi dari in Episcopum, licet ius suffragij in electione Episcopi non haberet, quia etiam in hoc negotio agebatur de Episcopo: vel etiam illa ex maxima tum causæ pro qua certabat, cum disputationis suæ confidentia protulit; probe enim sciebat Auxentium in disputatione non præuoliturum: vnde eadē animi fiducia istud dicere potuit, quia in veteri lege Elias Propheta lib. 3. Regum cap. 18. dedit optionem populo, Si Dominus est Deus, sequimini illum, si autem Baal, sequimini illum, cum ipse apprime sciret in hac optione Prophetas Baal fore confundendos.*

Ad testimonium D. Augustini patet ex dictis illum tantum loqui de necessitate diuini auxilij ad fidem concipiendam, seu ad credendum interius, & in corde ea quæ nomine Ecclesie nobis à concionatoribus, & pastoribus exterius proponuntur: nisi enim adsit magister qui interius agat, homine (nempe Doctore) exterius agente, & proponente, nunquam rebus fidei consensum præbebimus: Ex hoc tamen noluit Augustinus, illum Magistrum interius operantem de lege ordinaria sufficere, ita ut omnes pastores, & doctores qui exterius res fidei proponunt sint abijciendi, & contemnendi; ut etiam seipsum explicat ibidem S. Augustinus sumpto exemplo ab agricola, Sic sunt, inquit, ista verba fratres, quæ forinsecus dicimus, quemodo agricola ad arborem forinsecus operatur, adhibet agnam, & diligentiam culturæ, qualibet forinsecus adhibeat, num-

*quid poma format: quod confirmat ex Apostolo primæ ad Corinth. cap. 3. Neque qui plantat, neque qui rigat, sed qui incrementum dat Deus; quæ omnia doceant nos indigere gratia excitante & adiuuante ad credendum Deum esse; præcipuum nostræ fidei authorem, ita tamen ut intelligatur simul etiam doctor necessarius exterius illam explicans, ut statim explicabimus soluendo sequentes rationes.*

Quartum tandem, & vltimum hæreticorum argumentum desumitur ex ratione, quia sicut vnusquisque sit fide propria saluus, ita debet eadem fide sua niti, suoque iudicio, non ex cuiusquam hominis arbitrio pendere: ergo vnusquisque sibi debet esse iudex in materia fidei; quod cum munus obire non possit viribus naturæ, debent illi præsto esse vires supernaturales, nempe motio, & inspiratio Spiritus Sancti, quæ cum ad credendum impellat, sicque non aliter, quam vi huius Spiritus, qui sine dubio est illi particularis, assensum fidei rebusque de illa controuersis præbebit.

Respondetur ad hoc argumentum, hoc tantum sensu, quemlibet fidelem, relinqui suo arbitrio in credendo, atque adeo propria fide saluum fieri, quod cum auxilio diuinæ gratiæ penes eius libertatem sit fidem amplecti, vel non amplecti, bonum vel malum facere; non autem ex eo quod supremam habeat auctoritatem definiendi res fidei, siue, quod idem est iudicium præscriptiuum, vel determinatiuum ad credendum: cum enim ut supra monuimus, iudicium in ampla significatione sumptum duplex distinguatur, vnum quod nudum assensum intellectus importat, alterum iuxta forensē significationem, quo denotatur actus quidam, quo iuridice fertur sententia de re aliqua controuersariis illorum reperitur quidem in omnibus adultis fidelibus, quatenus credunt, & iudicant omnem & quamlibet Christi Domini doctrinam veram esse & bonā, & omnem illam quam tradit Ecclesia, esse

esse talem; omnem verò illam, quam condemnat Ecclesia, esse malam, & fugiendam; sed iudicare hoc modo non est idem, ac esse iudicem controuersiarum fidei, nisi contra communem hominum sensum velimus dicere omnem & quamlibet secundam vel tertiam mentis operationem cuiuscunque hominis de quacunque re sit, esse actum quemdam iuridicum propter sumptum, quod tamen posteriori significationi tantum competit, secundum quam etiam Ecclesia dumtaxat conuenit; nam iubemur illam audire Matth. 18. dependereque ab illa in credendo, tanquam à conditione, vel causa ministeriali modo inferius explicando, & hoc non est dependere ex alterius arbitrio, vt falsò assumitur in argumento, sed esse dependere à Deo, per vias ordinarias, quas ipse nobis reliquit, & quæ nequaquam in proponenda fide variari, aut alterari possunt.

Secunda ratio est, quia vbi vnum medium est sufficiens frustra plura adhibentur, sicut si aliquid perfectè mouetur ab vno motore, non conuenit quod ab alio moueatur, vel quod sit ab aliquo agente, non debet fieri ab alio; sed vnusquisque fidelis videtur habere sufficiens medium ad credendum, nempe testimonium Spiritus Sancti, eiusque vocationem, frustra ergò ad aliquod aliud tribunal, vel Ecclesiæ magisterium conuigimus.

Confirmatur hæc ratio, cui conceditur maius, minus etiam concedi debet, sed personis quantumvis simplicibus in gratia existentibus conceditur ex Diuo Thoma 2. 2. quæst. 45. art. 5. donum sapientiæ, ergo etiam debet scientiæ concedi, ac discretio spirituum.

Respondetur ad hoc argumentum; hoc vnum medium, internam scilicet Spiritus Sancti persuasionem, & vocationem, sufficientem quidem esse, vt interiorius fidelis edoceatur, quia etiam, vt dicit Augustinus, aliquis sit à latere tuo, nullus est intus in corde tuo, etsi non sit vllus in corde tuo, Christus tamen sit in corde tuo, vnctio ipsius docet &c.

non tamen extrinsecus ad obiecti credendi propositionem, vel definitionem pertinentia excluduntur. Vnde vt non valet arguere, sufficiens est natura, vel semen ad productionem arboris, ergò non requiritur cultura: sic non valet arguere, Deus dat incrementum, ergò non requiritur, vt Apollo plantet, vel rigeat, sic enim isti se habent, dicit Augustinus loco citato, quomodo agricola ad arborem forinsecus operans, & adhibent diligentiam culturæ: bene tamen concluditur: *ergò neque qui plantat, neque qui rigat est aliquid*; cum fructus non producat, ita siue plantemus, siue rigemus, non sumus aliquid sed qui incrementum dat Deus. Quando igitur vnum medium est sufficiens ad effectum aliquem producendum, cætera quidem superflue possunt ad productionem illius, non tamen ad inductionem, dispositionem, vel exhibitionem illorum quæ sunt necessarii prærequisita ad illum effectum: vnde etiam Deus solus sufficiat ad creationem animæ, adhuc requiritur organizatio corporis, & si solum semen poma formet, cultura requiritur, si solum lumen naturale ad capeffendas scientias, requiritur Magistri doctrina; & tandem vt retorqueatur exemplum in argumento allatum, sicut etiam, quod ab vno motore perfectè mouetur, aut ab aliquo agente sit, non debeat ab alio mouente, vel agente eiusdem ordinis immediatè moueri vel fieri; non tamen propterea à mouente, vel agente, à quo aliquid fit excluduntur instrumenta, quibus aliquid fit, sic in proposito dicendum est; nec enim tanquam à duobus motoribus immediatis, vel eiusdem ordinis doctrina fidei procedit à Spiritu Sancto, & Ecclesiæ, vel controuersiarum Iudice, sed à motoribus subordinatis, Ecclesiæ scilicet sub Spiritu Sancto indissolubili nexu coniuncta sunt, vt vnū sine altero contemni nequeat. Quod quidem Spiritus Sancti testimonium non eum Ecclesiæ testimonio iungimus, ac si huic illud inniteretur, vel ab eo dependat, sed vt cum illo homines suauis

## Sectio VI. Caput VIII. 281.

### CAPVT VIII.

*Vtrum scriptura sacra sit supremus index  
controuerſarum fidei.*

ius inſtruat: ſicut & cauſa prima ſe-  
cundæ cauſæ auxilio non eger, cum illa  
concurrente, ſed ſuauius adminiſtrans  
omnia cum illa concurrere non dedi-  
gnatur. Nec quia principalis concurrat  
ad operandum, miniſterialis cauſa ſu-  
perſuit. Quare perpetuum eſt aduer-  
ſariorum ſophiſma, ab affirmatione doni  
interni, vel motionis Spiritus Sancti,  
tanquam principalis agentis, negare,  
concomitantia, inſtructionem, propoſi-  
tionem, declarationem teſtificantis Ec-  
cleſiæ, qua placuit Spiritui Sancto vt  
tanquam cauſa miniſteriali ad ſuas in-  
ternas operationes exercendas, & ex il-  
lius ſufficientia, cætera vt inſufficientia  
relegare.

Ad confirmationē reſpondetur ma-  
iorem ad ſummum eſſe veram quando  
maius & minus ſunt eiſdem ordinis, &  
generis habentque inter ſe neceſſariam  
connexionem, gratia autem gratis data,  
& gratum faciens non ſubordinantur, &  
ſunt diuerſi generis, quare argumentum  
nihil probat; vnde etſi ſcientia, ſapien-  
tia, diſcretio ſpirituum, & huiusmodi ea  
parte qua ſunt dona Spiritus Sancti, ſe-  
cundum quod ordinantur ad propriam  
fidelis vtilitatem, ſint quid commune  
omnibus habentibus gratiam gratum-  
facientem; ſecus tamen ſi conſideren-  
tur ſecundum quod inter gratias gratis  
datas enumerantur, primoque & prin-  
cipaliter dantur vt credibilia vel propo-  
nantur, vel manifeſtentur, vel contradi-  
ctores reſellantur, ſic enim non compe-  
tunt omnibus ex Apoſtolo primæ Co-  
rinth. cap. 3. ſed ijs tantum, quorum eſt  
manifeſtare fidem, ad credendum alios  
inducere, & contradictores reuincere;  
cuiusmodi ſunt Eccleſiæ Doctores at-  
que Paſtores à Deo dati ne circumſera-  
mur omni vento doctrinæ.



Omnes ſerè noſtrorum temporum  
hæretici non valentes, aut po-  
tius non volentes diſtinguere inter re-  
gulam fidei, eiſque iudicem, affirma-  
tiuam partem amplexi ſunt, ſacram, vi-  
delicet, ſcripturam eſſe ſimul adæqua-  
tam fidei regulam, ſupremumque con-  
trouerſiarum illius iudicem; aduerſus  
quos ſi inſtetur, illum ſolum in Eccleſia  
debere dici propriè loquendo ſupremū  
iudicem controuerſiarum fidei, à quo  
habemus authenticam, & inſallibilem  
eiſdem ſcripturæ interpretationē, cum  
de illa præcipue in Eccleſia ſoleant ori-  
ri difficultates; quod munus ſcripturæ  
ipſæ competere non poteſt; ad inter-  
num Spiritus Sancti teſtimonium re-  
currunt aliqui, vt vidimus ſupra; alij  
verò ſolum agnoſcunt vt media inſalli-  
bilia authenticæ ſcripturarum intelli-  
gentiæ, ſcripturam ipſam, ſeu ſpiritum  
in ſcriptura latentem, eiſdem ſcripturæ  
collationem, phraſim, ſtylum & alia  
eiſmodi; quæ cum omnia rurfus pri-  
uati vniuſcuſque ſpiritus trutina, ac  
lance examinari, ponderarique debeāt;  
eſt idem ſemper dicere, quod authenti-  
ca, & inſallibilis interpretatio ſcriptu-  
rarum ſit in quocumque priuato, qui  
ſpiritum Dei habet, vel ſe habere iactet.

Doctores Catholici per oppoſitum  
agnoſcunt quidem Spiritum Sanctum  
eſſe diuinarum ſcripturarum interpre-  
tem, eo enim ſpiritu ſunt interpretan-  
dæ, quo ſunt editæ; ſed cum Spiritus  
Sanctus hoc munus immediatè nō exer-  
ceat, nec viſibiliter, aſſerunt inſuper,  
illud per quod ſecundum legem Dei or-  
dinariam, tanquam per verum ac legi-  
timum ſcripturarum interpretem, con-  
trouerſiarumque circa illas ortarum iu-  
dicem, certam & inſallibilem illarum  
intelligentiam habemus, non eſſe vni-  
quem-

quemque priuatum fidelem, sed publicum solum, & authoritatum Ecclesiæ magisterium, quæ est columna & firmamentum veritatis, quamque vt tales, tories in scriptura iubemur audire. Similiter etſi Catholici omnes admittant tam verbum Dei scriptum, quàm traditum esse regulam fidei, secundum quod regula dicitur *norma*, seu *medium*, quo *iudex* utitur ad determinandum, seu indicandum; siue *via* & *ratio* quadam, quam ad aliquid definiendum *iudex* ipse sequitur, insuper etſi admittant omnia supradicta media non esse spernenda, sed in subsidium interpretationis assumenda; negant tamen authoritatum scripturarum interpretationem, controuersiarumque circa illas nascentium definitionem ad illam pertinere, tanquàm ad supremum iudicem, secundum quod *iudex* sumitur pro eo, qui sententiam profert; & ad legis seu regulæ distinctionem, quæ rebus mortuis & mutis potest competere, iudex vocatur aliquando *lex viua*, *lex loquens*. Ex quo facile intelligimus multa tum scripturæ, tum Patrum testimonia, quæ in rebus fidei etiam valdè controuersis, scripturisque ipsis intelligendis remittunt nos, vel prouocant ad sacras litteras, non tanquam iudices, sed velut ad testes, & medium, inter reliqua, quæ Deus dedit suæ Ecclesiæ, maximè commendandum: ex qua tamen positione & concessione scripturarum sacrarum in ratione testis aliquius, & medijs, vel legis, & normæ secundum quam debet ferri iudicium, non rectè colligunt Sectarij eis etiam iudicis propriè sumpti partes competere, nisi omnes & fori & iuris formas, statumque præsentis controuersiæ inter nos & illos velimus omnino destruere, vel confundere: sit igitur nostra contra illos conclusio.

Sacra scriptura non est in hunc finem à Deo tradita, vt esset controuersiarum fidei supremus iudex. Colligitur primò ex illo actum Apostolorum cap. 15. *Visum est Spiritui Sancto & nobis nil ultra imponere vobis oneris*; si qui-

dem debet esse idem modo controuersiarum iudex, qui fuit tempore Apostolorum, & primitiue Ecclesiæ: atqui vbi orta est controuersia fidei tam Apostolorum tempore, quam alijs temporibus primitiue Ecclesiæ, nec Apostoli, nec fideles recurrerunt ad priuatum spiritum, aut ad scripturam per illum explicatam, tanquàm ad iudicem; sed Sancti Paulus & Barnabas processatione legalium ad Ecclesiam Hierosolymis congregatam confugerunt, vbi Apostoli pro definitione controuersiæ nec spiritum particularem iactarunt, nec sacras Scripturas allegarunt, sed in suo decreto nulla horum mentione facta simpliciter dixerunt, *visum est Spiritui Sancto & nobis nil ultra imponere vobis oneris*. Ergò ita diuinæ scripturæ possunt esse norma, seu medium aliquod ex pluribus quæ habet Ecclesia, & quibus ipsa utitur in expendenda veritate rei in controuersiam vocatæ; secundum quod dicit Apostolus 2. ad Timoth. cap. 3. *Omniem scripturam diuinitus inspiratam uilem esse ad docendum in iustitia*; & ad Romanos cap. 15. *Quæcumque scripta sunt, ut tamen nequaquam sint supremus iudex controuersiarum fidei*.

Secundò probatur; Scriptura sacra non est in hunc finem à Deo data, vt sit controuersiarum fidei iudex supremus, si non habet conditiones ad hoc munus essentialiter, & necessario requisitas; sed re vera non habet; ergo non est in hunc finem à Deo data, vt sit controuersiarum fidei iudex supremus. Maior huius argumenti est certa; & patet ex eo quod Deus, qui est summè sapiens, nunquam ordinat rem aliquam, ad aliquem finem, aut munus, quin det illa quæ sunt necessaria ad consecutionem vnius, & exercitium alterius. Minor ergo in qua est difficultas, probatur, discurrendo breuiter per singulas condiciones superius adductas, & essentialiter requisitas ad supremum iudicem controuersiarum fidei, quibus cum destituatur scriptura, euident est rationem iudicis fidei propriè

prie dicti non habere; & quidem deest illi prima conditio, nempe infallibilitas, saltem quo ad nos, & scorsim ab Ecclesia, licet secundum se sit prorsus infallibilis, & à Spiritu Sancto, tanquam auctore primario prodierit: orta enim controuersia de aliquo Sacrae Scripturae libro, num sit Canonicus, verumque Dei verbum contineat, nec non etiam de vera illius intelligentia, tot inter hæreticorum corruptelas; *omnes enim heretici, inquit Augustinus Epistol. 12. ad Consent. Qui Scripturas in auctoritate recipiunt ipsas sibi videntur sectari, cum suas potius sectentur errores, & per hoc non quod eas contemnunt, sed quod non intelligant, heretici sunt.* Quod idem docet lib. 7. de Genesi ad litteram cap. 9. *Non ab aliis, scilicet, esse hereticos, nisi quia scripturas non recte intelligentes, suas falsas opiniones contra earum veritatem pertinaciter asserunt.* In his, inquam, & similibus casibus, non potest aliunde certò nobis constare de veritate, quàm authoritativa Ecclesiae approbatione, & definitione. Cùm enim nullum in Scripturis extet verbum, quo scribatur v.g. quatuor Euangelia Matthæi, Marci, Lucæ & Ioannis esse recipienda, expungenda verò illa, quæ sub nomine Bartholomæi, Thomæ, Nicodemi circumferuntur; iam ex hoc capite Scriptura non potest esse certus, & infallibilis illius iudex, atque adeò nec cæterarum fidei controuersiarum, cùm debeat esse vnus & idem omnium iudex; deinde contendente vnoquoque se veram habere scripturam, verumque illius sensum; cùm non sit maior ratio cur credatur vni, quàm alteri, cunctis iactantibus se habere Spiritum Dei; nec etiam habeamus in scripturis credendum esse Ariani, & non Catholicis, Luthero, & Caluino, & non alijs; manifestè sequitur tam præter priuatum spiritum, quàm præter Scripturae authoritatem debere dari supremum aliquem iudicem, qui has omnes lites dirimat; cuiusmodi sola est Ecclesia, cui Christus Matth. 16. dedit clauis regni celorum, inter quas est etiam clauis scientiæ, qua signifi-

*Bibl. Theol. Tom. I.*

tur authoritas discernendi veram Scripturam à falsa, illamque interpretandè.

Secunda conditio, nempe authoritas, etiam coactiua, qua sibi rebelles puniat, vel pœnarum metu ad sibi obediendum compellat, non minus quam præcedens Scripturae desideratur; vt satis patet, tùm primò ex ijs ad quos scribuntur, seu quibus dantur quamplures eius partes, aliquibus scilicet priuatis, & tanquàm priuatis personis; tùm secundò ex modo, quo traduntur, & scribuntur recensendo historias, & res gestas; tùm denique ex causa, seu occasione propter quam fuerunt scriptæ, primo enim & per se non fuerunt intentæ, sed tantum per accidens, pro vt etiam per accidens occurrebant occasiones scribendi; nam ex occasione Cherinthi & Ebionis, quæ negabant Christi Domini diuinitatem, S. Ioannes scripsit Euangelium, vt docet S. Hieronymus lib. de viris illustribus in Ioanne, & ita de cæteris Euangelistis ex Eusebio lib. 3. histor. Eccles. cap. 18. Ad authoritativam autem supremi iudicis potestatem requiritur, quando aliquam definit controuersiam, quæ non vnum, aut alterum, sed totam rempublicam tangit, vt sententiam ita pronuntiet, definit, vt non vni tantum aut alteri tantum priuatis personis mentem suam explicet, sed tali reipublicæ, aut omnibus de tali questione litigantibus; insuper vt non sit totus in recensendis historijs, & rebus gestis, sed sicut leges ipsæ postulant, paucis verbis statuat, quæ sint seruanda, quæ fugienda; denique cùm in constitutione & formatione alicuius reipublicæ, vnum ex ijs, quæ primò & per se debent intendi, sit ipse iudex prodirimendis litibus ciuium ad pacem in reipublica seruandam, non potest tantum per accidens intendi; igitur Scripturae Sacrae, tam quoad dogmata in illis contenta, quàm quoad enarrationem rerum ab alijs gestarum, ita possunt esse aliqua regula veritatis, seu medium aliquod illius dignoscendæ, quod etiam considerat, & diligenter scrutatur Ecclesia, dum

N n 2 vult

vult aliquid definire tanquam dogma fidei; vt tamen illis non competat iudiciaria potestas, seu autoritas proponendi fidelibus veritates à se definitas, eoque obligandi vt illas suscipiant.

Tertia conditio, nempe plenitudo veritatis, scripturæ pariter deest; vt enim libro sequenti probabimus, non omnia dogmata ad salutem necessaria, tam fidei, quam morum, continentur expressè in sacris litteris, sed sola traditione certò nobis innotescunt; ergò iam ex hoc capite, tantum abest vt sit supremus controuersiarum iudex, quod ne quidem rationem regulæ adæquatæ habeat sola scriptura respectu credendum, cum non contineat expressè omnia fidei Christianæ, & Catholicæ dogmata, imò nec ita, vt per immediatam deductionem ex illa necessario possint erui. Nec indè sequitur aliquam Sacræ Scripturæ fieri iniuriam à Doctoribus Catholicis, vt inaniter heretici obijciunt, quique etiam vt eos trahant in insidiam malitiosè solent proponere difficultatē illam inter nos & illos controuersam, *utrum solà scriptura sit controuersiarum iudex*, vel adæquata fidei regula: ita vt omnia eius dogmata expressè contineat; hanc, inquam, difficultatem malitiosè solent proponere sub hac verborum formula; *Vtrum scriptura sit insufficiens*, quasi arguamus scripturam alicuius imperfectionis; sic eam proponit Lucas Oziander 1. parte sui Enchiridij controuersiarum cap. 1. quæst. 1. & quidam alij; dixi, malitiosè, cum enim dicatur tunc aliquid propriè insufficiens, quando ad id, ad quod faciendum vel obtinendum ordinatur, non habet satis virium, aut quidquid ad illud faciendum vel obtinendum, est necessarium: Sacra autem Scriptura, vt probant Catholici non sit eo fine dictata à Spiritu Sancto, vt esset iudex controuersiarum, vel vnica & totalis credendorum regula, sit, vt malè inscribatur hæc quæstio, *an Scriptura sit insufficiens*; sicut, cum homo non sit ad volandum institutus à natura, inepre dicitur insufficiens ad volandum,

& sic aliquid imperfectionis in se habere.

Quarta tandem, & vltima conditio Scripturis etiam minimè conuenit, scilicet perspicuitas, siue quod ita clarè & apertè loquatur in definiendo, vt ab omnibus audiantur: Scripturam enim obsecurissimam esse satis docet experientia ipsa, probabimusque ex professo libro sequenti sectione prima.

Quod pertinet modo ad hereticorum obiectiones tam ex aliquibus Scripturæ, quam Sanctorum Patrum testimonijs desumptas, libenter illis superfedeo; cum nihil aliud probent, quam quod supra, notauimus, Sacram videlicet Scripturam esse aliquam regulam veritatis, seu medium illius dignoscendæ, quod etiam consideret Ecclesia, dum vult aliquid definire tanquam dogma fidei. Quod si aliquando Sancti Patres ad Scripturam etiam, tanquam ad controuersiarum iudicem, vltimatè confugere videntur, non loquuntur absolute, & simpliciter sed tantum ex quadam hyphothesi, ea, scilicet, quod heretici plerumque disputando recusabant omnes Catholicos, tam Ecclesiasticos, quam seculares pro exortæ controuersiarum iudicibus: & idè Sancti Patres aliquid de suo iure remittentes, quo poterant ad Ecclesiasticum iudicem, tanquam verum & legitimum prouocare, ex liberali concessione solà, Scripturam tam ab hereticis, quam à Catholicis admissarum autoritate utebantur, sic Optatus Mileuitanus lib. 5. *contra Parmenianum*, paulo post principium, cum inter Catholicos, quorum causam ibi tuetur Optatus, & Donatistas orta esset controuersia, an semel baptizatus debeat rebaptizari, Donatistæ dicerent; *licet*, Catholici *non licet*, rem ex nouo testamento decidendam esse dicit, probatque ex eo semel baptizatos, non esse iterum baptizandos; eodem planè modo, quo S. Augustinus lib. 3. *contra Maximinum*, ait se nolle agere cum auctoritate Concilij Nicæni: sicut nec pernitebat Maximino agere ex auctoritate Concilij Ariminensis; non quod Cōcilij

cilij Nicæni autoritas absolute & secundum respectum nullius, esset ponderis, sed tantum respectu Agrianorum, qualis erat Maximinus, qui Concilium istud pro legitimo non agnoscebant, quem admodum nec ipsum Ariminense Catholicum, & proinde ut esset facilior disputatio, dicebat S. Augustinus velle se ab illo abstinere, & solummodo ex Sacris Scripturis ab utraque parte litigantium probatis arguere. Cæterum gratuita ista, & liberalis concessio non facit, quod præter Scripturam Sancti Patres non admiserint supremum aliquem iudicem pro definiendis omnibus fidei controuersijs, si ad eius tribunal deferantur.

C A P V T IX.

*Quod sola Ecclesia sit supremus omnium controuersiarum fidei iudex.*

**P**ropositio est de fide, colligiturque primò à remotione eorum, quibus videri potest conuenire hæc dignitas, scilicet quod tantum possit competere, vel spiritui particulari, & privato, vel Scripturæ, vel Ecclesiæ, ut notauimus supra cap. 6. Ergo cum etiam probauerimus hanc dignitatem, neque spiritui particulari, neque Sacre Scripturæ conuenire, & præterea debere dari aliquem supremum iudicem, necessario sequitur, Ecclesiam esse eiusmodi iudicem.

Secundò probatur omnibus illis tam Scripturæ, quam Sactorum Patrum, autoritatibus, quibus passim asseritur diuinam reuelationem, cui nostra fides innitur tanquàm formali obiecto esse, de lege ordinariæ publicæ, & ad nos per Ecclesiam derivatam, deinde ijs, quibus Apostoli, Euangelistæ, Doctores dicuntur constituti à Deo in Ecclesiæ similes fluuantes, circumferamurque omni vento doctrinæ; item ijs, quibus pro rebus circa fidem controuersis remittimur ad Ecclesiam: ex quibus potest hæc ratio formari; eo modo secundum legem ordinariam ij, qui fidem susceperunt, debent assensum fidei contra errores dubi-

tationes & difficultates circa particulariæ diuinæ fidei obiecta insurgentes resolvere, quo Deus & Christus ordinauit, quo Apostoli suo docuerunt exemplo, sanctique Patres ex ipsis, & eo qui est omnium conuenientissimus, & certissimus; atqui modus iste in ijs qui iam susceperunt fidem, pro eo tempore, quo aliqui errores, vel dubitationes circa obiecta particularia fidei occurrunt, est resolvere assensum fidei in diuinam autoritatem Ecclesiæ ut iudicem, vel regulam animatam, & viam infallibiliter proponentem & explicantem res credendas: ita enim Deus præscripsit Deuteronomio 17. *Si quod ambiguum aut difficile occurrerit, ascendes ad locum, &c. ad Sacerdotes.* Item Malachia 2. *Labia Sacerdotis custodiunt scientiam, & legem Domini requirere de ore eius;* alijsque pluribus in locis veteris testamenti, superius adductis: in nouo quoque testamento Matth. 18. ubi Christus Ecclesiastici iudicii formam descripturus ait: *Si non audierit eos, dic Ecclesiæ: Si autem Ecclesiam non audierit, sit tibi sicut Ethnicus & Publicanus.* Amen dico vobis, quæcumque alligaueritis super terram, erunt ligata & in calis, & quæcumque solaueritis, super terram erunt soluta & in celo. Cuius sententiæ prionibus verbis, aperte Christus veram Ecclesiam constituit communem ordinariam, & absolutum iudicem omnium controuersiarum Ecclesiasticarum: cuius etiam iudicio in causis eiusmodi dubijs refragari nullo modo liceat, sed ab omnibus absolute standum sit, nisi quis velut Ethnicus, & Publicanus haberi velit. Ideoque Christus 16. S. Ioannis promittit Ecclesiæ doctrinam, & scientiam omnium veritatum pertinentium ad fidem, cum veniet paracletus, docetis vos omnem veritatem; & Ioannis 22. *Portas inferi non praualebunt aduersus Ecclesiam,* scque asserturum illi vsque ad consummationem sæculi. Ad Ephesios 4. dedit alios Apostolos, alios Doctores, alios Euangelistas, &c. primæ ad Timotheum 3. voluit Ecclesiam esse columnam, ac firmamentum veritatis.



Hanc quoque fuisse perpetuam, tam Apostolorum, quam Sanctorum Patrum, siue quod idem est; Ecclesie ab initio decurrentis praxim, recurrendi ad diuinam auctoritatem Ecclesie in dubijs circa aliquid speciale obiectum fidei exorientibus colligiuntur primò ex Actibus Apostolorum cap. 15. vbi Apostoli, & Seniores, exorta inter fideles controuersia de obseruatione legalium conuenerunt in Concilio, humano & sensibili modo definiunt hanc veritatem, eamque alijs sequendam vt rem fidei proposuerunt, & ordinarunt. Eodem planè modo de Ario & complicibus in Concilio Nicæno, de Macedonio in Concilio Constantinopolitano, de Nestorio in Ephesino, de Eutychete eiusque sequacibus in Chalcedonensi, & tandem de Luthero, & Caluino, cæterisque nostrorum temporum hæreticis ac nouatoribus in Tridentino Ecclesia triumphauit. Vnde etiam Sancti Patres nihil frequentius in suis scriptis commendant, quam hanc methodum, S. Cyprianus Epistola 69. Cyrillus Alexandrinus lib. 10. in Ioannem cap. 13. vbi impugnans Nestorij dogmata ait, *has quidem ille assute simul ac impiè. Nos autem Patrum & Ecclesie fidei sequentes huius loci sensum rimati sumus.* Hieronymus dialogo contra Luciferianos, S. Augustinus lib. 1. de nuptijs cap. 20. vbi cõcordans illa duo loca Scripturæ, cum eiusmodi nec cibum sumere. 1. Cor. cap. 5. & illud, *omne quod vobis apponitur manducate.* 1. Corinth. cap. 10. quæ prima facie discordare videntur sic dicit, *in hac veluti angustia quæstionis non aliquid nouum aut insolitum dicam, sed quod sanctitas obseruat Ecclesia.* Exponens verò illud, 1. Timot. cap. 2. de obsecrationibus, orationibus, postulationibus, & gratiarum actionibus faciendis pro Regibus, &c. in Epistola ad Paulinum illa verba, interpretatur ex intelligentia, & praxi Ecclesie sic dicens, *Multa hinc dici possent, quæ improbanda non sunt: sed eligo in his verbis hoc intelligere, quod omnis, vel penè omnis per orbem frequentas Ec-*

*clesia; & sic de alijs inferius citandis libro sequenti, vbi distinctius agetur de Ecclesia, eiusque auctoritate, vnde vnicò dumtaxat Vincentij Lyrinensis testimonio cap. 2. libelli aurei aduersus prophanas hæreticorum nouitates, placet in præsentem rem totam absoluerè; Hic forsitan, inquit, requireret aliquis, cum sit perfectus canon, si bique ad omnia satis superque sufficiat, quid opus est, vt ei Ecclesiastica intelligentia iungatur auctoritas? quia videlicet Scripturam sacram pro ipsa altitudine, non vno, eodemque sensu vniuersi accipiunt, sed eisdem eloquia aliter, atque aliter alius, atque alius interpretatur, vt penè quot homines sunt, tot illius sententia erui posse videantur. Aliter namque illam Nouatianus, aliter Photius, aliter Sabellius, aliter Donatus exposuit: aliter Arius, Eunomius, &c. Sicut & aliter Lutherus, aliter Zuinglius, aliter Oecolampadius, vt in vno solo cense articulo, sit implacabilis ministromachia. Atque necesse est idcirco, propter tantas ac tam varij erroris anfractus, vt Prophetica, & Apostolica interpretationis lineæ, secundum Ecclesiastici, & Catholici sensus normam dirigatur. Hæc Sanctus.*

Hunc denique modum esse conuenientissimum patet primò, quia Ecclesia est norma, vel regula animata, viuæ, publica, definiensque absque vlla ambiguitate, habetque omnes & singulas conditiones, quæ possunt in aliquo iudice requiri pro dirimendis controuersijs fidei, vt libro sequenti agendo de Ecclesia ostendemus. Secundò, quia cum res fidei & per se obscurissimæ sint, & in Scriptura aut non omnes, aut non ita clarè omnes exponantur, quin variè dubitationes, etiam in rebus grauissimis, circa eas occurrant, & controuersie infirmit, vt experientia constat; necessaria fuit ad fidei puritatem, etiam in singulis fidelibus, incorruptam seruandam publica eiusmodi, & infallibilis Ecclesiæ auctoritas res fidei proponens. Tertiò, quia hæreticorum viciosissimum dicendi genus fuit semper, deprauare sententias, & ad voluntatem suam trahere

Sciri

Scripturam repugnantem, vt docent communiter Patres Ambrosius lib. 4. in cap. 4. Lucæ, Athanasius orat. 1. contra Arrianos, Hieronymus in Epistola ad Paulinum, Augustinus tract. 18. in Ioannem, & de Genesi ad litteram lib. 7. cap. 9. & lib. 2. de nuptijs, & concupiscentia capit. 31. Hilarius lib. 2. ad Constantinum, *Memento, inquit, neminem hæreticorum esse, qui se nunc non secundum Scripturas predicare ea, quibus blasphemati, mentiantur.* Prolixè Vincencius Lirinensis contra hæreses cap. 35. 36. & 37. id ipsum asserit, & omnibus antiquior Irenæus, & Tertullianus. Irenæus enim libro 2. aduersus hæreses c. 1. ait, *quod hæretici sacra Scriptura auctoritatibus perperam expositis, atque transpositis imaginem perfidia sua conficiunt, & ornant dicentes illam esse fidei & veritatis imaginem, eo quod ex istis sacrarum scripturarum locis est constructa.* Tertullianus verò lib. de præscriptionibus cap. 15. ita sentit de hæreticis: *Sed & ipsi de Scripturis agunt, & de Scripturis suadent. Aliunde scilicet loqui non possunt de rebus fidei, nisi ex litteris fidei, &c. Scripturas obtinent & hac sua audacia statim quosdam mouent: in ipso verò congressu, firmos quidem fatigant, infirmos capiunt, medios cum scrupulo dimittunt, &c.* Igitur ad hanc hæreticorum, priuatorumque hominum temeritatem compescendam, præter Scripturam, opus fuit publica Ecclesiæ auctoritate, ad quam controuersia religionis diiudicanda, Scripturæque circa illas interpretandæ deferrentur; & cuius sententiæ in omni causa religionis dubia simpliciter & absolute acquiesceretur.

Quartò, si in omni Republica bene ordinata aliquis alius visibilis iudex præter supremum iudicem Deum, scriptarumque reipublicæ leges, requiritur, cuius sententiæ in omni causa dubia, ad idem forum spectante ab omnibus absolute acquiescendum sit, tunc in Ecclesia quoque, alius cuiusmodi visibilis, & absolutus iudex præter Deum & Scripturam, seu legem scriptam admitti, & assignari debet: nisi velimus dicere Ecclesiam,

esse minus bene ordinatam, quàm rempublicam ciuilem quod est absurdum, & contra Scripturam; ex qua constat Ecclesiæ regimen, & hierarchiam optimè à Deo dispositam esse, vt potè quæ idcirco comparatur Regno. Matth. 25. & *Demui*, seu familiæ rectè dispositæ. *Hebræor. 3. & castrorum aciei ordinata.* Cantic. 2. Deinde eadem est quo ad hoc ratio Ecclesiæ & ciuilis reipublicæ, quia idcirco in republica bene ordinata, præter scriptam legem, alius quispiam iudex visibilis requiritur, vt nimirum in republica sit, qui possit primò cognoscere, controuersias in ea ortas, atque adeò vtriusque partis argumenta conferre, deinde ita sententiam proferre, & dicere, vt altera pars lingans euidenter sciat, se vicisse; altera pars euidenter sciat, se causa cecidisse, quantum est ex parte illius iudicis. Eadem est prorsus ratio communitatis Ecclesiasticæ, in qua Scriptura sacra non aliter se habet, quàm scriptæ leges in Republica.

Cæterum quia Ecclesia duobus modis considerari potest, & vt est toto orbe diffusa, & vt est in Concilio Oecumenico coacta, asserendum est Ecclesiæ posteriori modo, rationem iudicis fidei magis & perfectius conuenire: quia sic ea quæ sunt ab omnibus credenda definiunt, obiectionibus aduersariorum respondet, & si quid ambiguum sit, illud aperte referat, & explicat. Quod quidem, etiam si Ecclesia priori modo considerata, per suam fidei professionem præstet, vt libro sequenti dicetur, non tamen ita perfectè, & expressè ac Concilium Oecumenicum; vbi per Concilium intelligimus Episcopos, & Summum Pontificem: nam si ipse à Concilio absit, non est de fide illud in eo casu gaudere infalibilitate, & ex consequenti esse perfectum, & exactum fidei iudicem, sicuti est de fide totum coniunctum ex Episcopis, & Summo Pontifice huiusmodi dono, vel privilegio gaudere: an autem solus Summus Pontifex sine Concilio Oecumenico, sit etiam ipse fidei iudex, cui omnes debeamus sub pœna hæresis assen-

assentiri patebit ex dicendis libro sequenti, agendo de Summo Pontifice, & eius autoritate.

## CAPVT X.

*Quod admissa Ecclesia pro supremo indice controuersiarum fidei, non committatur propterea circulus vitiosus.*

**C**Um aduersus doctrinam superiori capite traditam, nihil frequentius obijciant Sectarij; quam in nostra credendi ratione committi circulum vitiosum; diuinam enim, inquiunt, scripturam creditis ob infallibilem auctoritatem Ecclesiæ; & hanc rursum ob scripturam, ex qua scilicet infallibilem Ecclesiæ auctoritatem soletis probare; ideo relictis omnibus alijs obiectionibus, sequenti libro adducendis, ubi fusius agitur de auctoritate Ecclesiæ, in hoc ultimo capite operepretium duxi breuiter explicare, quomodo Catholici admittentes pro solo vero, ac legitimo controuersiarum iudice veram Ecclesiam, nullum penitus committant circulum vitiosum in sua credendi ratione.

Pro cuius intelligentia notandum est primò, resolutionem fidei ex suo genere, non habere se, vt resolutione conclusionis in sua principia complexa; sed vt resolutionem simplicem actus in suâ causam; cum iuxta probabiliorē Theologorum sententiam fides non sit habitus discursiuus; etsi enim non negemus, posse in ipsa applicatione obiecti credendi interuenire discursum, hoc est tamen solum, quod dicimus, factâ sufficienti applicatione obiecti, ipsam fidem immediatè & sine discursu assentiri veritati propositæ, tanquam reuelatæ à Deo.

Secundò notandum est, cum in credente duo iudicia interueniant, quorum vnum est iudiciû de credibilitate obiecti fidei, spectantisque ad ipsius fidei acceptionem, qua volumus credere; alterum est ipse assensus fidei secundum

se, idcirco resolutionem etiam vtriusque non eandem, sed diuersam esse. Aliud enim est quærere, in quidnam vltimatè, ipse assensus fidei secundum se, seu ipsa eius certitudo resoluitur; aliud in quidnam resoluitur iudicium de credibilitate, adeoque ipsa voluntas credendi, seu acceptandi fidem, qua nempe animum applicauimus ad credendum.

Tertiò notandum est, quia resolutio rei alicuius nihil est aliud, quam eius reuocatio ad sua principia, vltra quæ non possit progredi ad aliqua alia, sed ad id peruenitur, in quo est consistendum, idco vltimam internæ assensus fidei resolutionem nihil esse aliud, quam eius reductionem ad sua vltima principia: principia autem eius sicut & cuiuslibet actus intellectus sunt duo, nimirum potentia seu intellectus, & obiectum; vnde etiam duplex potest distingui eius resolutio, vna per ordinem ad potentiam, altera per ordinem ad obiectum. His positis, pro explicatione difficultatis sequentes conclusiones statuimus.

**Conclusio 1.** Causa immediata & propria ex parte potentie, siue causæ efficiens integra, in quam vltimo resoluitur internus fidei assensus eiusque certitudo, est pia voluntatis affectio determinantis intellectû vtroque modo, hoc est tam quoad exercitium, quam quoad specificationem ad assensum, & ipsum lumen fidei, seu habituale, seu actuale, quo illustratus & confortatus homo elicit actum supernaturalem fidei. Ratio est, quia tunc vnumquodque censetur ex parte causæ suæ efficientis vltimatè resolui, quando quidquid est in illo, reducitur ad proprias & vltimas causas efficientes, vltra quas nulla datur; atqui causæ efficientes assensus diuinæ fidei tam in ratione suæ supernaturalitatis, quam in ratione summæ suæ certitudinis, sunt hæc à nobis enumeratæ, pia videlicet voluntatis affectio, & ipsum lumen fidei seu habituale, seu actuale, vt in tractatu de fide communiter docent Theologi: igitur internus assensus fidei consideratus per ordinem ad integram suam

ſuam cauſam efficientem rectè reſoluitur vltimatè in duo prædicta.

**Concluſio 2.** Vltima reſolutio interni aſſenſus diuinæ fidei ex parte obiecti ſit vltimatè in ſolam primam veritatem obſcure reuelantem, ſeu ipſammet reuelationem obſcuram primæ veritatis; in qua quidem primum obtinet locum implet internus Dei conceptus, ſeu noſtitia de veritate reuelata, ſecundarium externa ſigna, quibus velut inſtrumentis Deus ſuum conceptum pandit. Probat, quia vltima reſolutio interni aſſenſus diuinæ fidei conſiderata hoc modo debet fieri ſolummodo in totam & adequatam rationem formalem credendi, ſeu in ipſum eius adequatum formale obiectum, ita vt interrogati in genere cauſe formalis, cur credamus, debeamus ibi ſiſtere, nec poſſimus interrogati ulterius aliquid aliud reſpondere, vel adducere, quod in genere cauſe formalis ſit id, propter quod præbeamus aſſenſum, & talem actum eliciamus: atqui ve ſuppono ex tractatu de fide tota & adequata formalis ratio credendi, ſeu totum & adequatum formale obiectum noſtræ diuinæ fidei, eſt diuina authoritas reuelans, ſeu actualis diuina reuelatio modo in concluſione explicata; ergo vltima reſolutio interni aſſenſus diuinæ fidei ex parte obiecti ſit vltimatè in ſolam reuelationem diuinā, vt in formalem rationem credendi, & in nihil aliud.

**Concluſio 3.** in ijs, qui iam receperunt fidem, diuinæ fidei aſſenſus, qui datur contrà errores, dubitationes, difficultates inſurgentes circa obiecta particularia diuinæ fidei, reſoluendus eſt in diuinam authoritatem Eccleſiæ, nõ quidem per modum rationis formalis obiecti, ſed per modum regulæ inſallibilis, quæ ſecundum legem Dei ordinariam notificantur, & applicantur credenda, vt ſuperiori capite probauimus. Quare interroganti, cur credamus, ſeu vnde ſciamus, hæc omnia, & ſingula, quæ credimus, eſſe diuinitus reuelata; rectè reſpondebimus, nos id quidem euidenter

*Bibliſ. Theol. Tom. I.*

non ſcire; quin etiam credere formaliter, non ob aliam rationem credendi obiectiuam: attamen certò credere ob eam ipſam reuelationem diuinam, qua obiecta eiſmodi credenda reuelata, ſunt, mediante inſallibili Eccleſiæ propoſitione nobis patefactam; quæ quidem propoſitio non ſit ratio vltima credendi, ſed medium, per quod obiecta credenda, ſimul cum ratione credendi, fidelibus debito modo applicetur; adeoque conditio, ſine qua, iuxta legem Dei ordinariam credenda omnia & ſingula à non credendis diſcernere non poſſent.

**Concluſio 4.** cauſa ſeu ratio obiectiua, in quam reſoluitur iudicium euidentis de credibilitate fidei, ſunt motiua, quæ ad fidem concipiendam neceſſaria ſunt: cum tamen interim fides ipſa, ſeu fidei certitudo, in ea, veluti in cauſam ſeu rationem aſſentiendi, minimè reſoluatur, ſed ſolum velut in conditionem applicantem obiectum fidei, quando primum ſuſcipitur. Ratio primæ partis aſſertionis eſt; ſi enim quæſi, cur fides de obiecto tã obſcuro & arduo tibi credibilis viſa eſt; ſeu quod idem eſt cur in animum induxeris, fidem tam arduā acceptare? rectè reſpondebis, quia ita mihi propoſita eſt, vt grauiffimis motiuis & argumētis facta ſit euidenter credibilis. Ratio verò ſecundæ partis concluſionis eſt, quia aſſenſus diuinæ fidei in id, tanquam in conditionem reſoluitur, quod neceſſariò prærequirit per modum alicuius conditionis, quia vnumquodque reſoluitur in aliud eo modo, quo ab illo, vel ex illo generatur, atqui aſſenſus diuinæ fidei generatur ex prædicto hoc iudicio de euidentia credibilitatis, & ex ipſis motiuis diuinæ fidei, quatenus iſta ſunt quædam conditiones prærequiſitæ neceſſario ad aſſenſum diuinæ fidei primo ingenerandum; igitur id, in quod vltimatè reſoluitur aſſenſus fidei, non vt rationem formalem, nec vt regulam credendorum, ſed ſolummodo, vt conditionem prærequiſitam ad generationem huius aſſenſus, ſunt prædicta motiua credibilitatis, & prædicta

O o                      tum

atum iudicium de eorum euidencia.

Ex istis omnibus conclusionibus necessario præmittendis pro explicatione præsentis difficultatis manifestè sequitur, quomodo Catholici non committant circulum vitiosum, dum Ecclesiam statuunt pro supremo controuersiarum iudice; & interrogati, cur credant Deū v. g. esse Trinum & vnum, respondent quia Deus reuelauit, & vterius interrogati, cur credant Deum reuelasse, respondent, quia Ecclesia id illis dicit, & vterius interrogati, cur credant Ecclesiæ, respondent quia Deus reuelauit illam esse firmamentum & columnam veritatis, seu esse infallibilem regulam proponentem credenda. Primum enim tali regressu non replicatur ipsamet ratio formalis obiecti fidei, sed motiū tantum, & regulæ credendi, vt ex dictis constat. Deinde quia nobis absolute loquendo tali regressu ad credendū opus non est. Quasi videlicet nec vllum quātumuis semper ab vniuersa Ecclesia receptum sacræ Scripturæ librum, nisi propter creditam iam antea fide diuina infallibilem Ecclesiæ auctoritatem; nec hanc nisi propter Scripturam credere possimus: cum possit ex communibus motiis fidei, quibus ipsa etiam Ecclesiæ auctoritas, sed nondum vt infallibilis fide infallibili credita continetur, vtrumuis, & vtrumque absque vlla eorum necessaria inter se dependentia credi, vt communiter docent Theologi in tractatu de fide; potest enim ex duabus hisce regulis credendis, vtrauis per se separatim, & independenter ab alia, ita sufficienter proponi ex communis fidei motiis, in quibus etiam Ecclesiæ auctoritas vclut in humanis summa continetur, vt ei tanquam euidenter credibili sine dubitatione fides adhibenda sit. Sed hic regressus, fideique resolutio quæ fit quo ad nos in Ecclesiam vt proponentem & applicantem nobis obiecta credenda, habet solummodò locum in eo qui iam suscepit fidem, & cui illa retenta exoritur quædam dubitatio circa particulares quasdam materias; vnde pro-

priè loquendo non est circulus, sed est ex iam admissis tanquam indubitanter veris resolueret assensum circa ea, quæ possunt aliquā dubitationē ingenerare.

Et potest explicari exemplo sumpto à Mathematicis, qui ex postulatis probant sæpenumero suas conclusiones, imò posteriores per priores, nec tamen dicuntur committere aliquem circulum, & est valde in omnibus disciplinis familiare, ex iam concessis probare aliud, nec id vitio ijs tribuitur tanquam admittentibus aliquem circulum; quare cum nos omnes Catholici admittamus Ecclesiam regi à Spiritu Sancto, habereque auctoritatem, qua est constituta à Deo infallibilis regula & iudex credendorum, dum assensum nostræ fidei circa aliquod particulare obiectum resolvimus in hanc auctoritatem Ecclesiæ non censetur propriè committere circulum, sed sic resoluendo procedimus à remiis nota quo ad nos, ad rem magis nobis notam, qui modus probandi censetur optimus ab omnibus Philosophis. Quod idem penitus dicendum est, dum rursus ad probandam Ecclesiæ auctoritatem & infallibilitatem recurrimus ad scripturam illam docentem, & commendantem, tantum enim ad scripturæ testimonium recurrimus, quando nobis agendum est eum ijs, qui scripturas admittunt, idque potius argumento ad hominem, aut ex concessis ab aduersario, quàm argumento fundato in aliquo notiori principio: cum si nobis esset disputatio cum negantibus scripturas, alia via procederemus: eum enim disputando cum hæreticis ostendimus infallibilitatem & auctoritatem Ecclesiæ ex sacris litteris, non propriè asserimus causam istius nostræ cognitionis (est enim Deus reuelans) imò nec impulsivam; non enim præcisè credimus Ecclesiam esse infallibilem, quia scriptura dicit, quasi si id taceret, non crederemus, sed ex alijs multis motiis, quæ nos excitant ad assensum creditæ infallibilitatis circa Ecclesiæ infallibilitatem formandum.

Addo

Adde tertio apud Aristotelem 1. Poster. cap. 3. & Philosophos, circulum in ratiocinando nec vocari, nec culpari, nisi quando ab eodem profus ad idem, nulla interim vtriusque variatione quo ad notitiæ rationem interueniente, sit regressus. Quod tum demum contingit, quando consequens ex antecedente illatum, nulla alia, præterquam antecedentis notitiæ fultum & probatum, mox iterum ad sui antecedentis probationem assumitur. Sic enim planè idem respectu eiusdem, foret prius & posterius, aut certe notius & ignotius; sic idem ex seipso probaretur, vt optimè Aristoteles contra veterum quorundam errorem, loco citato argumentatur. Secus est, quando consequens alio quodam diuerso medio innotescit, atque sic demum ad sui antecedentis probationem assumitur; tunc enim nec Aristoteles, nec vllus Philosophorum negat, fas esse regressu in argumentando vti. Neque verò sic absurdus superius adductis, aut alijs quibuscumque vllus aperitur locus, neque ipsi etiam Aristoteli infectum fuit, tali modo ratiocinando vti; quandoquidem ex diuisibilitate motus probat diuisibilitatem temporis, & è cõtra; & rursum æternitatem motoris ex æternitate motus & contra, vt videre est apud eumdem 6. Physior. text. 37. & 38. & 8. Physic. text. 53.

Rem autem in nostro casu sic se habere, ita manifestum sit. Primò, quia quando interrogati, cur credamus Deum esse incarnatũ, respondemus quia Deus reuelauit, & vterius interrogati, cur credamus Deum reuelasse, respondemus quia Ecclesia nobis id proponit; talis circulus est in diuerso genere causæ, est enim à causâ formali assensus diuinæ fidei, ad causam ipsius acceptationis fidei: nam causâ formalis assensus est diuina reuelatio, causâ verò, qua sum inductus, & persuasus vt acceptarem hunc & istum articulum vt à Deo reuelatum, est diuina autoritas Ecclesiæ. Vel secundò quando ex infallibili Ecclesiæ propositione, persuadetur alicui fides,

*Biblioth. Theol. Tom. I.*

sive totius scripturæ diuinæ, siue certæ tantum alicuius partis, aut mysteriorum, de quo dubitat, is certe illa Ecclesiæ propositio, qua talis, infallibilis non creditur (etiam loquendo de motibus credendi) ex ipsius Scripturæ, qua suadenda est, infallibili auctoritate; sed vel ex cõmunibus fidei motibus in priore casu, vel ex alterius cuiusdam libri Canonici iam antea explorata auctoritate, in posteriore. E conuerso quando ex aliquo scripturæ loco v.g. Matth. 16. 1. Timoth. cap. 3. suadetur infallibilis Ecclesiæ inproponendo auctoritas: iam pro argumento fidem suadente, non adhibetur Scriptura, pro vt præcisè ex Ecclesiæ infallibili auctoritate & propositione discitur; sed vt vel ex alijs Scripturæ locis, vel ex cõmunibus motibus fidei, quibus ipsa, vt diximus, Ecclesiæ auctoritas quidem, sed non vt infallibilis, & infallibili fide credita continetur, rectissime creditur.

Et certè quoties alicuius veritatis assensus externo medio nititur, nil penitus obstat, quo minus ille ex vno medio conceptus, vicissim ad eiusdem medijs assensum concipiendum assumatur; modo seorsim vtrique eiusmodi veritas aliunde sufficienter credibilis reddatur, atque sic demum in probando mutuas sibi inuicem operas præstent. Cuius rei exemplum familiare habemus in politia humana circa legum promulgationem, ad quam requiritur tanquam ratio formalis auctoritas legislatoris, deinde in ministro promulgante, vel denuntiante taleni legem, requiritur fidelitas omnimoda, non quidem factiua legis, sed tantquam scribæ signantis; & discernentis quænam sit lex vera, & legitima, ne decipiatur populus proponendo ei vnam legem pro alia; vnde notarijs datur auctoritas à Rege, & à lege, vt credatur ei, quod ipsi signauerint; sicque res adhuc se haberet, si Deus nobis Prophetis reuelaret quæpiam, & in his ipsis etiam vtrique, vtrumque verum esse prophetam, addita vi sufficiente, qua singuli sua eiusmodi vaticinia sufficien-

ter credibilia redderent, vel per miraculorum patratiōem, vel aliqua alia simili vi; tum demum vicissim unus alteri testimonium meritò perhibere posset. Quod aliqui de factò iam quodammodo accidisse putant in Christo Domino, & Ioanne Baptista, quorum uterque, cum suis discipulis iam antea sufficientem fidem, tum ex sanctitate vitæ, tum ex miraculis astruxisset, rectissime alter alteri veritatis testimonium perhibere potuit, ita ut Christo fides haberetur ob testimonium Ioannis, tanquam ob motuum fidei, iuxta illud Ioannis 1. *Hic venit in testimonium, ut testimonium perhiberet de lumine, ut omnes crederent per illum*; qua de causa etiam Christus testimonium Ioannis pro se allegavit Ioannis 7. Et vicissim Ioanni, ob auctoritatem Christi, quæ à parte rei erat ipsissima credendi ratio, iuxta illud Lucæ 7. *Et omnis populus audient testimonium Christi de Ioanne* & *Publicani iustificauerunt Deum, baptizati baptismo Ioannis*, de quo vide dicenda lib. 3. sect. 2.

Quemadmodum igitur nullus est circulus in lege humana, & in obtemperando legi, quia lex iubet, quæ à ministris proponitur, & quia à ministro publico promulgatur, quem lex autorizat, ita neque in credendo scripturæ, aut aliquod aliud fidei mysterium, quia Deus reuelauit, & Deum reuelasse Ecclesia dicit, non committitur circulus vitiosus, quia tam Scripturæ, quam Ecclesiæ auctoritas in diuerso genere causæ se habent modis statim explicatis; & sicut hæretici non possunt reprehendere mutuum testimonium, quod Christus Dominus, & S. Ioannes Baptista, de se inuicem tulerunt, nec condemnare discipulos utriusque, qui propter utriusque elogium eos tales crediderunt, quales Magistri se inuicem prædicabant; ita nec possunt calumniari Catholicos, quod etiam propter testimonium Scripturæ talem credant & Ecclesiam, & è contra propter testimonium Ecclesiæ talem credant esse scripturam; & re-

sponsum quod dabant hæretici, pro vitando circulo tam in prædictis, quam in alijs similibus casibus; illud etiam facile applicabitur pro vitando circulo circa Ecclesiam, & Scripturam.

Sic tantum abest ut Catholici, in admittendo Ecclesiam pro supremo controuersiarum iudice, committant aliquem circulum vitiosum, quin potius hi ipsi aduersarij, qui illum nobis obijciunt, illi inquam, ipsi sint, qui in *circuito ambulantes*, & in sua credendi ratione circulum ineluctabilem habent; quod sic ostendo, dum enim inquirimus ab ipsis, unde constat hanc scripturam, cui tanquam puro Dei verbo se credere dicunt, esse veram ac legitimam, & non corruptam? unde hoc discernunt? vel ex ipsa scriptura, vel ex alio principio præter scripturam. Si ex ipsa Scriptura, iam petitur principium, & in fidei resolutione proceditur à re minus nota ad rem æque aut minus notam, & proinde insufficientem, ut possit esse vitima fidei regula & iudex; nam æque ignota est infallibilitas ipsius Scripturæ sacræ (præcisa auctoritate Ecclesiæ) ac est ignota propositio per illam probanda, cum non possit aliunde probari hanc Scripturam sacram esse sacram, nisi ex ipsa traditione Ecclesiæ & eius declaratione, ut supra probauimus.

Si respondeant ex alio principio præter Scripturam, eius veritatem colligi, in primis iam non statuitur puro Dei verbo, sed ad aliud principium deuoluimur; & inquiri quodnam sit illud principium, unde hoc infallibiliter iudicatur, & scitur; vel enim hoc illis proprio, & priuato cuiuscuiusque spiritu constat, vel quia sic acceperunt à Iudeis, eorumque Synagoga, cui primum tradita est Scriptura, vel quia illam acceperunt ab Ecclesia nostra visibili, vel tandem ab illa sua Ecclesia inuisibili, quam fingunt. *Primum stare non potest*, quia si proprio Spiritui credendum est, contradicunt ipsi Scripturæ 1. Ioannis cap. 4. ubi dicitur: *Nolite omni spiritui credere, sed probate spiritus si ex Deo sunt, quoniam multi* *Pseudo-*

*Pſeudopropheta exierunt in mundum*; & eadem adhuc redit difficultas, vnde probandi ſunt iſti ſpiritus? & cum tot ſint ſpiritus & ſententiæ quot capita, & inter ſe valde diſſentiant, & opponantur, multò maior orietur conſuſio, & incertitudo, cum non ſit maior ratio cur credatur vni, quam alteri cunctis allegantibus ſe habere verum ſpiritum, ſed & que conformem: ſi autem proprium vnusquisque ſequitur iudicium, iam tot erunt fides, & tam contrariæ, quot ſunt ſententiæ & capita.

Si ſecundum, quomodo credunt Synagogæ & non Eccleſiæ? Vnde conſtat Synagoga errare non potuiſſe in tradendis ſcripturis, cum iam ſit eiecta, & repudiata, potuiſſe verò Eccleſiam, à Chriſto fundatam, & inſtitutam; & cum Euangelium, & nouum teſtamentum à Synagoga accipere nō potuerint, iam ſaltem in illo tradendo Eccleſiam errare non poſſe habebimus, aut ſi poteſt errare, non ſunt ipſi certi, quod in nouo teſtamento purum & incorruptū habeant Dei verbum. Si tertium, iam fatentur quod nos intendimus, Eccleſiā ſcilicet noſtram, quæ ſola eſt vera, pro vt ſuis ſe notis ſatis prodiit, errare non poſſe in tradendis & proponendis vetis ſcripturis, ſi ideo illis credunt, quia ab Eccleſia acceperunt, ſiue quod idem eſt, quia illarum veritas & infallibilis authoritas ab omnibus omnium ſeculorum hominibus fuit recepta & approbata, in hoc enim aperte recurritur ad

Eccleſiam, quæ eſt illa omnium ſeculorum congregatio. Si quartum, in primis non conſtat quæ ſit iſta Eccleſia, inuiſibilis, niſi ſint proprii vnus cuiusque ſpiritus, & ſic reditur ad primam difficultatem; vel quidquid aliud ſit, reſtat eadem difficultas, vnde conſtet illam inuiſibilem Eccleſiam deficere nō poſſe, & habere nunc verum Dei verbum, ſinceramque eius intelligentiam, ſicut obijciunt noſtram defeciſſe paulatim, & inaduertenter; quod ſi poſſe, deficere concedant, vnde habent quod non defecerit? quare vndeque ſe vertant hæretici, perplexos & conſuſos in ſua fide manere nec eſſe eſt; ſuaque in credendi ratione circulum ineluctabilem vitare non poſſunt, quamdiu Eccleſiæ authoritatem dignoſcendis diuinis ſcripturis, controuerſiſque circa illas dirimendis non adhibent; quod aliunde nulla ipſi adducere poſſunt motiua, quibus vtrumque eorum, quod circulariter credunt, per ſe ſufficienter credibile reddant. Motiua enim communia fidei noſtræ recipere nō poſſunt, niſi reliquam etiam pariter fidem noſtram recipiant; propria non habent & ſi quæ habere ſibi videntur, præ noſtris valent nihil; adeo vt vlla prudenti ratione ijs moueri ad credendum quicquid (multò minus aliquid fidei noſtræ contrarium) nullatenus poſſint; quando longe amplioribus fidei noſtræ motiuis ad credendum non mouentur; de quibus ſuſius agetur infra libro 4.





## SECTIO SEPTIMA.

De varijs notis opinionum, vel propositionum falsarum ad doctrinam Sacram spectantium.

## CAPVT PRIMVM.

*De propositione hæretica.*



VM eadem sit contrarioratio, & disciplina; postquam in superioribus egimus de locis Theologicis quo ad gradum certitudinis, & veritatis, quem faciunt in probationibus ad doctrinam fidei pertinentibus, nunc breuiter agendum est de varijs censurarum speciebus, vel gradibus, quibus Summi Pontifices, & Concilia notant diuersas opiniones, & propositiones falsas ad eandem fidei doctrinam spectantes. In Concilio enim Constantiensi sess. 8. articulis vñiceti apponuntur respectiue hæ censuræ, *notorie hæretici*, & à Sanctis Patribus reprobati; alij non Catholici, sed erronei; alij scandalosi, & blasphemii; quidam piarum aurium offensusi: nonnulli temerarij, & seditiosi. Quas eadem censuras apponit idē Concilium Constantiense sess. 15. propositionibus Icanis Hus, excepto illo verbo: *blasphemias*: defumuntur etiam ex Bulla Pij V. & Gregorij XIII. edita contra aliquas propositiones Michaelis Baij, & nonissimē ex constitutione Sanctissimi in Christo Patris, ac D. N. D. Innocentij diuina prouidentia Papæ X. contra quinque propositiones Cornelij Iansenij Episcopi Iprensis, quas respectiue dicunt, *esse hæreticas, erroneas, suspectas, temerarias, scandalosas, blasphemias, impias, contumeliosas, diuinæ pietati derogantes, immituentes offensionem in aures pias.*

His alij addunt propositionē *proximā hæresi, proximam errori, & suspectam de errore*. Imò si de propositione non solum infra hæresim, sed in rigore dānabili sermo sit, addendæ erunt propositiones, Iudaica, Pagana, Athea. Nam propositio dicens, Christum nondum venisse, sed venturum, non est hæretica, cum religionem Christianam non retineat, pro vt hæretici omnes retinent, sed erit propositio Iudaica. Quæ verò asserit plures esse Deos, non erit Iudaica, cum non retineat vetus testamentum, sed Pagana inducens idololatriam; ad quod genus reduci possunt propositiones propriæ Mahometismi, quæ nec Christianam, nec Iudaicam religionem sequuntur, sicut & sectam illam communiter Theologi docent ad Paganismum reduci. Denique propositio negans omnem Deum est Athea; de his tamen modo sermo non est, sed tantum de propria hæresi, siue quod idem est de propositione hæretica, & de alijs infra hæresim.

Incipiendo igitur à propositione hæretica, notandum est non esse idem, aliquam propositionem esse hæreticam, & eum qui illam asserit esse hæreticum. Vt enim alibi Deo dante dicitur, vt errans censeatur hæreticus: debet esse pertinax: cum tamen propositio hæretica, sit in se talis ob suam falsitatem, siue asseratur cum pertinacia, siue ex ignorantia sola, ita vt qui eam tenet, paratus sit suam opinionē falsam deponere, & mutare,

rare, si ita Ecclesiam iubere cognouerit. Sic doctores communiter diuidunt hæresim, in hæresim formalem, & obiectiuam. Formalem vocant peccatum illud æquale, à quo aliquis formaliter denominatur hereticus: Obiectiuam verò, obiectum illud quod falso creditur, vel asseritur ab heretico; v.g. in eo, qui docet in Christo duas esse personas, datur hæresis formalis, nempe actus quo illud affirmat: hæresis autem obiectiua est obiectum illud falsum, quod affirmat: ipsa verò assertio, seu loquutio externa, qua id profertur, licet sit obiectum voluntatis internæ hereticæ, non tamen dicitur hæresis obiectiua, sed hæresis formalis externa, quæ denominatur hæresis, & peccaminosa ab ipsa voluntate interna heretica, & mala: quare si voluntas interna non esset mala propter ignorantiam, vel inaduertentiam, voces externæ non essent hæresis formalis externa, sed solum materialis. Obiectum tamen ipsum semper est hæresis obiectiua, nec, vt iam notauimus, hoc pendet à culpa affirmantis, quia obiectum semper opponitur veritati reuelatæ, quod sufficit ad hæresim obiectiuam. Quemadmodum enim obiectum fidei dicitur simpliciter fides, pro vt de mysterijs, & articulis in Symbolo Athanasiano contentis subditur: *hæc est fides Catholica, &c.* ita de obiectis contrarijs dici potest simpliciter, & absolute, *hæc est hæresis*. Verum quidem est, hanc denominationem semper inuoluere ordinem ad hæresim formalem possibilem: nam asserere de obiecto illo, quod sit hæresis, est dicere, quod sit obiectum contradicens obiecto à Deo reuelato, & sufficiente ab Ecclesia proposito, atque adeò aptum, vt terminet hæresim formalem in illud affirmante, nisi ignorantia, vel aliquid aliud per accidens excuset. Non tamen est necesse, quod actus supponat hæresim formalem actualem, vt dicatur hæresis obiectiua actualis, sed sufficit quod sit obiectum tale, vt ex se sit aptum ad terminandam formalem. In presenti dum agimus de propositione hæretica, difficultas non

procedit de propositione formali hæretica, siue de his, quæ requiruntur ex parte subiecti, vt homo censendus sit hereticus, sed tantum de propositione obiectiua, siue de his quæ requiruntur ex parte obiecti, vt propositio sit hæretica.

Circa quod communis est doctorum sensus, propositionem hæreticam à Patribus intelligi eam, quæ contradictoria est, alicui propositioni fidei per se, & directe in quacumque materia siue speculatiua, siue practica: ita vt hæretica, neget, quod propositio à Deo reuelata, & ab Ecclesia definita vt talis affirmat, aut illa affirmet, quod ista negat. Proindeque non requiritur, quod obiectum hæresis opponatur articulis fidei, sumpto nomine *articuli* strictè, pro vt significat præcipua quedam fidei dogmata, quæ continentur in symbolis, sed sufficit quod opponatur cuicumque veritati, quam fides Catholica credit, quæcumque illa sit; Qua in re cum omnes doctores consentiant, primum est difficultas inter illos, an ad propositionem hæreticam ex parte obiecti requiratur, quod obiectum negatum sit reuelatum à Deo reuelatione communi toti Ecclesie? Affirmatiuam enim partem tenere debent omnes illi qui dicunt reuelationem priuatam non credi eodem habitu fidei infusæ, quo reuelationes communes; negatiuam verò, qui oppositum docent. Verum quicquid sit de hoc, an dissentiens rei reuelatæ sibi à Deo priuata reuelatione sit hæreticus, vel non; an incurrat pœnas Ecclesiasticas hæreticis impositas vel non, de quibus videri possunt doctores in tractatu de fide; existimo sufficere ad propositionem obiectiuam dumtaxat hæreticam, quod obiectum negatum sit reuelatum à Deo quacumque reuelatione. Eo enim ipso opponitur secundum se veritati reuelatæ, quod sufficit ad hæresim obiectiuam, independentem à culpa affirmantis, vel negantis.

Secunda difficultas est, quid Concilia & Summi Pontifices intelligant, dum

dum aliquas propositiones *notoriè*, vel *manifestè hæreticas* vocant; aliqui enim, vt Lorca in tract. de fide, putant ideo ita vocari, quia hæresis non potest esse, nisi sit notoria, & manifesta, atque ideo, quando alie propositiones dicuntur erroneæ, non addi *notoriè*, quia error potest esse notoriè, & non notoriè. Verùm hæc glossa non satisfacit, quia si de ratione intrinseca omnis hæresis est, quod sit notoria, frustra adderetur illa particula, sufficeretque dicere simpliciter esse hæreses: præterquam quod in communi modo loquendi, quando dicimus aliquid esse notoriè falsum, plus volumus dicere quam falsum, vt satis per se patet. Melius igitur alij docent hæresim manifestam, seu notoriam aliquid addere supra hæresim non manifestam. Primò quia potest aliquando esse hæresis occulta, non quia sit purè mentalis, sed talibus verbis significata, vt illam profertens habeat animum tergiversandi, & negandi se dixisse hæresim, sed potius loquutum se in sensu Catholico, quæ solent dici propositiones hæresim sapientes, hoc est de quibus est suspicio, quod asserantur in sensu hæretico, qui sensus, & hæresis ipsa obiectiua est hæresis manifesta, sed voces, quibus significatur, sunt ambiguae, & non est manifestum, quod profertur in sensu hæretico. Sic in Concilio Constantiensi Vviclefii articuli dicuntur notoriè hæretici, quia voces ipsæ, modusque loquendi illius nullum relinquebant locum ambiguitatis de sensu hæretico per eum significato. Rursus secundo ipsa etiam hæresis obiectiua dicitur aliquando hæresis notoria, & manifesta, quia non sunt opiniones doctorum circa illam, an sit hæresis, sicut contingit esse circa alias, quas aliqui doctores dicunt esse hæreses, alij negant.



## CAPVT II.

*De propositione erronea.*

**P**RO intelligentia difficultatis animaduertendum est, erroneam in fide, vel doctrina fidei propositionem, latius patere, quam hæreticam: etsi enim omnis propositio hæretica sit erronea, non tamen omnis erronea est hæretica; vnde rectè notant aliqui erroris vocem sumi posse dupliciter, primò veluti genericè, & secundum quod attribuitur cuilibet propositioni falsæ in qualibet materia, nam qui falsum pro vero credit, errat à vero, & decipitur; secundo magis strictè, ac veluti specificè accipitur, pro vt est censura specialis infra hæresim: quicquid enim alij dixerint, certè tam in Concilijs, quam in Summorum Pontificum Bullis, condist inguitur propositio erronea ab hæretica, communiterque Theologi censuram illam mitiorem existimant, & quæ non attingat hæresim. Iam ergo non agimus de errore aut de propositione erronea in prima, acceptione nimis lata, & generica, cum in eo sensu hæresis etiam sit error, vt satis ex se patet; sed tantum agimus de illa in secunda acceptione, & prout conueniunt doctores esse censuram specialem, infra hæresim, & ab illa distinctam. Hic enim factum est, quod sæpius alias, vt nomen genericum speciei ignobiliori approprietur.

Quomodo autem differant inter se hæresis & error, secundum quod sunt notæ falsitatis in doctrina fidei, siue quod idem est, secundum quod constituunt varios, ac diuersos gradus propositionum in materia, seu doctrina fidei perniciosarum; & censura nota affectarum, non omnes eodem modo explicant. Primò enim aliqui cum D. Antonino 2. p. tit. 12. cap. 4. dicunt, errorem esse hæresim sine pertinacia prolatam, accedente autem pertinacia fieri hæresim. Sed hic modus explicandi communiter rejicitur, & merito, quia pertinacia se tenet ex parte subie-

subiecti, non ex parte obiecti; hæ autem censura, vt superiori capite iam notauimus, & supposuimus, non tendunt ad iudicandum crimen in concreto, sed propositiones secundum se, atque adeo solum ratione sui obiecti. Secundum quod fidei inquisitores petentes à suis qualificatoribus Theologicis censuras propositionum, nihil dicunt de pertinacia, aut culpa auctorum, sed iudicium exigunt solum de propositione secundum se, an sit hæretica, vel erronea, vel temeraria, &c. Alij ergo secundo docent propositionem hæreticam esse, quæ opponitur veritati reuelatæ non demonstrabili, v.g. *Deus non est Trinus*, erroneam verò, quæ opponitur veritati Catholicæ demonstrabili, v.g. *Deus non est*, vel *Deus non est unus*. Sed neque hoc defendi potest, quia quodlibet obiectum reuelatum, quantumvis aliunde ratione naturali demonstrabile, non potest sine hæresi negari, v.g. existentia Dei, immortalitas animæ rationalis, &c. quæ qui negaret absolute, & sine ulla limitatione, esset procul dubio hæreticus, & incurreret omnes hæreticorum poenas. Si autem obiecta hæc non essent diuinitus reuelata, quantumcumque demonstrari posset ratione naturali, nec sine culpa negari possent, adhuc non pertinerent ad fidem, quæ credere non potest quidquid, nisi propter authoritatem, vel testimonium primæ veritatis reuelantis, atque adeo qui ea negaret non peccaret contra fidem, & per consequens non esset hæreticus, cum omnis hæresis sit infidelitatis species.

Tertius explicandi modus est aliorum, qui dicunt errorem esse, qui deficit ab vna, vel altera conditione requisita ad hæresim perfectam: ad hanc enim requiritur, quod certissimè, & indubitater opponatur alicui propositioni, quæ certissimè etiam, & indubitanter pertineat ad fidem. Vnde quando vel oppositio non est ita certa, vel non est ita certum, quod sit de fide propositio, cui opponitur, tunc deficit ex ea parte ab hæresi, & est error: ita id explicant plu-

res doctores, quos refert, & sequitur Lorca 22. disput. 45. num. 7. qui erroneam propositionem definit eam, quæ opponitur quidem fidei veritati, sed non oppositione omnino certa, & indubitata. Verum neque hic etiam modus explicandi plenè satisfacit; quia cuiusmodi propositiones magis propriè videntur esse proximæ heresi, quam errores: participant enim substantiam hæresis, quæ est oppositio immediata cum fide; vnde etiam ab heresi non tam in ipsa substantia, quam in modo, hoc est, in certitudine an sint hæreses, differunt, & ideo vocari possunt proximæ heresi, quatenus non ab omnibus, sed à pluribus estimantur hereses. Quæ differentia cum non sit intrinseca, sed extrinseca, proueniens videlicet à iudicio aliquorum negantium esse hereses, quod sufficit vt in foro externo ille non condemnatur absolute vt hereticus, quia potest se tueri opinione aliquorum negantium, quod opponatur fidei; cum, inquam, hæc differentia sit solum extrinseca non sufficit, ad constituendam propositionem erroneam, secundum quod est species quedam censuræ distincta ab heresi, proximamque post illam gradum tenens.

Quartus igitur, illeque probabilior, & melior explicandi modus est, quod error, vel propositio erronea propriè sit, quæ contradictoria est, & opposita doctrinæ ab Ecclesia definitæ, seu quæ nõ tantum vt probabilem, sed vt certam & indubitatam asserit Ecclesia. Quia enim nõ solas à Deo reuelatas veritates Ecclesia definit tenendas, sed etiã aliquas alias vt sequenti libro suo loco dicemus; idcirco etiam propositiones sunt non hæreticæ, sed erroneæ in fide quæ opponuntur illis, quas non vt reuelatas, sed vt cõmuni doctorum consensu examinatas, & certas probat, & tenet Ecclesia, ita vt quemadmodum propositio hæretica opponitur directe authoritati Dei reuelantis, ita erronea opponatur authoritati Ecclesiæ, quam diuinæ quidem subordinatam, sed ab ea diuersam esse suppono ex dicendis sequenti libro. Vel aliter, quod in idem

tamen coincidit; propositio erronea est illa, quæ non opponitur immediatè, sed mediatè solum doctrinæ fidei, quatenus negat immediatè propositionem, quæ non est de fide, sed conclusio tantum. Theologica, necessariam tamen habens connexionem cum propositione de fide. Cuius explicationis bonitatem colligo primum ex eo quod propositio erronea minor est, quàm hæretica, hic enim factum esse supra notauimus, quod alias sæpius, vt nomen genericè speciei ignobiliori attribueretur; communis autem doctorum sensus est, per hæreticam propositionem intelligi eam, quæ directè, & immediatè opponitur fidei, vel obiecto formaliter reuelato; ergo per erroneam debet intelligi illa, quæ non immediatè, sed solum mediatè, non directè sed indirectè opponitur fidei, quatenus negat immediatè propositionem, quæ non est de fide, sed conclusio solum Theologica, necessariam tamen habens connexionem cum aliqua præmissa de fide.

Secundò cum hæ propositiones, quæ opponuntur conclusionibus Theologicis, siue quod idem est doctrinæ apud omnes Catholicos communi sensu indubitanter receptæ, quia vident illam valde connexam cum doctrina fidei; meretur censuram aliquam Theologicam, nec sint hæreticæ, cum non negent formalitèr, & expressè aliquid reuelatum; debent habere aliquam aliam censuram ab hæresi diuersam; non potest autem alia congruentior inueniri: quàm erroris nota, quia negant id, ex quo negato conuinci potest negare etiam fidei obiectū; & propterea, licet propositio directè dumtaxat opposita conclusioni Theologicæ euidenter deductæ ex aliquo fidei principio non sit hæretica, quo ad praxim tamen videntur omnes doctores conuenire, quod puniendus sit vt hæreticus, qui illam negat, si quidem præsumitur talis, non enim præsumitur negare præmissam euidentem, qua semel adhibita per bonam, & euidentem etiam consequentiam inferitur conclusio Theologica, sed reuelatam, & ideo negare

conclusionem. De quo vide Cardinalem de Lugo tractatu de fide disput. 20. sect. 3. num. 70. vbi rectè notatis torum arbitrio, & prudenti iudicio relinquendum esse, qui attentis circumstantijs persone si sit docta, vel indocta, & rudis, loci, occasionis, & materiæ si sit abstrusa, & difficilis, ac alijs omnibus, possunt magis vel minus præsumere animum hæreticum.

Tertiò error in fide, opponi debet aliquo modo cum ipsa fide, sed non potest opponi directè, & immediatè negando doctrinam fidei, aliàs esset hæresis, & non error dumtaxat, prout de illo in præsentia loquimur, ergo saltem debet opponi, negando aliquid cum illa connexionem, quodque propter talem connexionem pro certo & indubitato recipiatur ab omnibus Catholicis. Adco vt, si cõmunis ille fidelium consensus aliud de oriretur, & non ex connexionem rei illius cum principijs fidei, non esset propriè erronea doctrina, vel propositio, quæ rem illam negaret; sed alià censuram haberet ex infra adducendis, sique coincident illæ duæ sententiæ, quarum vna dicit errorem esse, qui negat propositionem Theologicam, altera verò, qui negat doctrinam aliquam ita receptam communi Ecclesiæ consensu, vt nullus pius, ac verè doctus de ea dubitare audeat; & licet non sit expressè reuelata, aut definita, et tamen Catholica, secundum quod Catholicum idem est ac vniuersale, doctrinaque illa proindè, quam tota Ecclesia indubitatè profitetur, Catholica appellari potest, licet non sit expressè reuelata. Cum enim temeraria etiam, vel scandalosa propositio aduersetur doctrinæ, quam omnes indubitanter tenent: alioquin non esset temeraria vel scandalosa: secunda sententia, regulaque ab illa adducta pro dignoscendis propositionibus erroneis, debet intelligi de illis, quæ aduersantur doctrinæ apud omnes Catholicos communi sensu indubitanter receptæ, quia vident illam valde connexam cum doctrina fidei. Exemplum asserri solet in negante Bea-

tiffi.

CAPVT III.

*De propositione hæresi proxima, vel  
... errori.*

tissimam Virginem surrexisset, seu in corpore; & anima esse assumptam: quod licet non inueniatur expressè reuelatum aut definitum, pertinet tamen ad doctrinam Catholicam, eumque sibi certitudinis gradum apud Catholicos comparauit propter connexionem magnam, quæ habet eum doctrina fidei. Ex eo enim, quod Beata Virgo fuerit vera Dei mater, sequi videtur eam in corpore, & anima assumptam fuisse in cælis.

Iterum ex Concilio Tridentino, quod quam fidei doctrinam fidelibus tenendam proponit partim in capitibus, partim in canonibus, tradere videtur eum, eo discrimine, ut quæ in canonibus traditur, sit omnino per se fidei diuinæ, eique contraria doctrina sit hæretica, nisi aliud ipsa Synodus significet; quæ verò non in canonibus definitur, sed solummodo in capitibus explicatur, sit doctrina Ecclesiæ, & ei opposita sit censenda, erronea. De quo vide Melchiorem Canum in lib. 5. de locis Theolog. cap. 5. ubi Synodum Tridentinam, cui tunc ipse interfuit cum hoc discrimine aliquas propositiones damnaſſe testatur.

Quia autem conclusio Theologica, deduci potest tam ex vno principio fidei & altero euidenti lumine naturali, quàm ex duplici præmissa de fide, quod diximus huc vsque de propositione erronea, debet intelligi de propositione negante, conclusionem Theologicam primo modo; si enim negaret conclusionem euidenter deductam ex duplici præmissa, de fide, iam esset hæretica, quia conclusio illa, licet ut conclusio formaliter, & pro ut infertur ex principiis reuelatis nõ sit actus fidei, ut in hoc eodem libro supra diximus; obiectum tamen materiale illius potest credi per actum fidei, & continetur formaliter in obiecto præmissarum, quod est reuelatum. Quare propositio negans illud obiectum non erit erronea sed hæretica.

**S**tabilito semel in superioribus capitibus, quid sit propositio hæretica, quid erronea; iam facile est explicare, quid sit propositio hæresi proxima, vel errori. Ut enim propositio hæretica à Patribus intelligitur ea, quæ contradictoria est alicui propositioni fidei indubitanter tali per se, & directè ita propositio hæresi proxima cõſendenda est illa, quæ opponitur doctrinæ, quæ licet reipsa, vel secundum se sit de fide, quia immediatè à Deo reuelata; quoad nos tamen non est omnino certò, sed tantum probabiliter, & ut plerique videtur de fide. Potest enim aliquando eadem propositio esse hæresis reipsa, & tamen affici hæc censura, & iudicari proxima hæresi. Quia cum hæc censura inuratur propositioni illi, quæ opponitur certò doctrinæ, quæ non omnes sed plures existimant esse de fide, vel quam non omnes sed plures putant opponi doctrinæ indubitatè de fide, & sepe contingat veram esse opinionem dicentium eam propositionem opponi fidei, vel contrarium esse de fide; sequitur, ut quoties ea opinio vera sit, toties hæc propositio sit verè, & à parte rei hæresis; alioquin opinio docens contrariū esse de fide, vel eam propositionem verè opponi fidei, non esset vera, sed falsa contra suppositionem. Erit ergo tunc reipsa hæretica illa propositio, in iudicio tamen ultimo fidei censores non debent iudicare illam, ut hæreticam simpliciter, & sine addito; sed debent dicere eam plurimum iudicio esse hæreticam, sed quia alij panei id negant, esse iudicandam proximam hæresi. Quare hæc censura non tam videtur intrinseca ipsi propositioni, quam extrinseca propter diuersa doctorum iudicia, quorum aliqui eam dicunt esse hæresim, alij negant, quam varietatem, & controuersiam significamus, dum dicimus esse proximam hæresi.

P p 2 Ad

Advertendum est tamen *primò*, ex communi doctorum consensu, non sufficere, ut aliqua propositio iudicetur proxima heresi, quod unus aut alter doctor eam dicat esse hereticam. Cum enim aliqui sint proclives, & faciles ad censuras acerbiore, sic sequeretur plures propositiones vocari hereticas, vel heresi proximas, quas tamen alij temerarias dumtaxat, vel fortasse nulla censura dignas existimant. Vnde rationabiliter illa sola propositio censenda est heresi proxima, quam licet non omnes, plures tamen graues doctores, & cum graui fundamento dicunt esse hereticam; paucis in contrarium reclamantibus, & ex aliquo leui fundamento; quod dico, quia si pluribus, ijsque grauissimis doctoribus assentientibus ex aliquo graui fundamento aliquam propositionem hereticam, darentur ex alia parte plures doctores non minus graues, quique ex non minus graui fundamento docerent non esse hereticam; iam in tali casu non esset iudicanda ut heresi proxima, sed utraque quo ad nos intra probabilitatis limites manere deberet. *Secundò* notandum est ex communi pariter doctorum consensu, propositionem modalem non esse proximam heresi, ex eo quod propositio categorica, seu de *inest*, sit proxima heresi: exemplum habetur in hac propositione: *Paruuli non habent iustitiam inherenter*; quam aliqui dicunt esse duntaxat proximam heresi, quia multi communiter dicunt in Concilio definitam esse iustitiam inherenter vniuersaliter de omnibus. Non tamen erit proxima heresi propositio modalis dicens: *Non est de fide, nec definitum, quod paruuli habeant iustitiam inherenter*; quia hæc non negat obiectum ipsum proximum fidei, nempe iustitiam inherenter paruulorum, sed solum gradum certitudinis illius veritatis, qui gradus potest esse sub opinionibus; licet obiectum ipsum directum non possit in dubium reuocari.

Quod pertinet modo ad propositionem errori proximam, dicendum est quod sicut propositio erronea est illa quæ op-

ponitur directè conclusioni Theologicæ apud omnes Catholicos communi consensu indubitanter receptæ ob euidens, & necessariam quam habet cum aliquo fidei principio connexionem; ita propositio errori proxima erit illa, quæ opponitur conclusioni, quæ à plerisque, licet non ab omnibus, estimatur Theologica. Quæadmodum enim si quis negat propositionem, quæ plerisque videtur esse de fide, nec posse consequenter sine heresi negari, propositio negans dicitur heresi proxima; sic quando negatur propositio, quæ plerisque videtur esse conclusio Theologica, nec posse sine errore negari, propositio negans erit errori proxima, eum eadem omnino sit utrobique cum proportionem ratio: quare quod de propositione proxima heresi iam dictum fuit, illud idem proportionem seruata debet applicari propositioni errori proxime. Quia autem tripliciter fieri potest, ut plerique putent conclusionem aliquam esse Theologicam, atque adeò negat sine errore negari non posse; hinc etiam tripliciter videtur posse reperiri propositio errori proxima. *Primò*, quando negat conclusionem, quæ euidenter sequitur ex vna præmissa euidenti, & altera, quam plerique, licet non omnes existimant esse de fide. *Secundò*, quando conclusio negata deducitur ex vna indubitater reuelata, & altera euidenti, per consequentiam tamen, vel illationem, quam non omnes, sed plerique iudicant euidentem, aut necessariam. *Tertius* modus addi potest, quando negat conclusionem, quæ euidenter inferitur ex vna præmissa indubitanter reuelata, & altera, quam plerique, licet non omnes, iudicant euidentem. Sicut enim solent esse opiniones aliquando reflexæ circa probabilitatem aliarum opinionum, an talis opinio v. g. sit, vel non sit probabilis; ita aliquando sunt opiniones, non circa veritatem alicuius sententiæ, sed circa eius euidentiam, an scilicet sit, vel non sit euidens: & in eo casu dici potest, conclusionem euidenter illatam ex vna de fide, & altera, quam plerique euidentem putant

CAPVT IV.

*De propoſitione ſapiente hæreſim & vel hæreſeos ſuſpecta.*

putant, eſſe talem, vt propoſitio eam negans cenſenda ſit proxima errori. Cõterum vt conſuſio tam illata ex vna præmiſſa de fide, & altera probabili quantumuis per euidentem conſequentiam, quam ex vna reuelata, & altera etiam euidenti, ſed non per illationem euidentem, ſed tantum probabilem; vt, inquam, talis conſuſio non eſt propriè in vllius ſententia Theologica, ita propoſitio illam negans neque error, neque proxima errori dicenda eſt.

Eſt autem comparatione facta inter propoſitionem hæreſi proximam, & propoſitionem errori proximam, grauior ſit primæ, quam ſecundæ cenſura, vel nota; quæri poteſt vtr ſit grauior cenſura propoſitionis, an erroris, an proximæ hæreſi? Reſpondet Eminentiſſ. Cardinalis de Lugo loco iam citato omnibus penſatis grauiorem eſſe cenſuram erroris; cuius rationem aſſert, quia qui dicitur hæreſi proximus, ſolum ſignificatur, quod in aliquorum ſententia, vel opinione ſit hæreticus, quæ tamen opinio falſa eſſe poteſt, & ideo nõ inuenitur in eo neceſſaria, ſed contingens dumtaxat cum hæreſi connexio. Vbi qui negat conſuſionem Theologicam, deductam euidenter ex præmiſſa certa de fide, & ex alia præmiſſa euidenti lumine naturæ, quæ conſuſio ſine errore negari non poteſt, eo ipſo inuenitur habere neceſſitatem ad negandam præmiſſam de fide, quantum eſt ex parte obiecti negati, quia præmiſſa euidens neceſſitat ad eam non negandam, & aliunde conſtat non poſſe conſuſionem eſſe falſam, niſi vna ex præmiſſis ſit falſa: cum ergo illatio etiam ſit euidens, atque adeo negari non poſſit, inuenitur neceſſitas, quantum eſt ex parte obiecti niſi ignorantia excuſet, ad negandam præmiſſam de fide, quæ ſola poteſt libere negari. Ideoque euſmodi error obſtinatè retentus inducit in foro externo præſumptionem adeo vehemẽtem de hæreſi, & maiorem, quam inferat propoſitio hæreſi proxima.

**E**ſt aliqui Theologi confundant propoſitionem ſapientẽ hæreſim cum erronea, vt Simancas & alij, quos reſert Suares de fide diſput. 19. ſect. 2. n. 16. nihilominus tamen longè probabilior eſt aliorum ſententia, qui dicunt hanc cenſuram diſtinctam eſſe ab errore, & in gradu inferiori. Si quidem ſuſpicio eſt quid multo minus, quàm præſumptio, vt ſatis per ſe patet; ſed error conſeſſus, vt iam notauimus, cogit ad negandum principium reuelatum, & ideo non ſolum ſuſpicionem, ſed præſumptionem magnam aſſert de hæreſi; ergo propoſitio ſuſpecta de hæreſi, non ſolum eſt diſtincta ab erronea, ſed etiam quid minus videtur ſignificare quàm illa: quare etiam multo minus requiritur ad ſuſpectum, quam ad errorem. Imo poteſt etiam diſtingui à propoſitione errori proxima, quia hæc à plerique ſaltem, licet non ab omnibus iudicatur erronea, quod tamen iudicium non inuenitur in propoſitione ſuſpecta, vel ſapiente hæreſim.

Iam ergo difficultas eſt in quonam hæc duæ cenſuræ conſiſtant; breuiterque dico propoſitionem illam ſapere hæreſim, quæ cum hæretica veriſimilitudinem habet. Vnde ſi quæ propoſitio ex hæretica probabiliter ſequitur, vel ob eam quam cum illa connexionem & affinitatem habere videtur, vel ob alias circumſtantias modo ſtatim explicando, hæreſim ſapit. Ita videtur hæreſim ſapere iſta propoſitio, *in Euchariftia Sacramento manet panis ſubſiſtentia*, quia, videtur, valde affinis cum iſta hæretica, *in Euchariftia manet panis ſubſiſtentia*. Propoſitio verò ſuſpecta hæreſeos eſt illa, quæ aliquando ab hæreticis ad errorem & hæreſim ſuam occultandam vſurpatur, quomodo Neſtoriani B. Virginem appellabant Dei ſuſceptricem, & Deum cum



cum Christo adorandum esse aiebant, Semiariani filium Deo Patri esse similem in substantia, siue homiounion, non homiounion: Quare licet parum addat sapiens heresim supra propositionem, suspectam: potest tamen aliqua inter illas inæqualitas considerari. Vtraque quidem dat occasionem timendi, ne lateat heresis; neutra dat fundamentum sufficiens alicui iudicandi absolute esse heresim, vel errorem: dat tamen sufficiens fundamentum ad suspicandum, vel timendum quod author illius propositionis habeat apud se aliquam heresim, vel errorem; ex quibus illa propositio oriatur. Verum cum hoc fundamentum non consistat in indiuisibili, sed habere possit latitudinem secundum magis, & minus, hinc secundum illum excessum distingui possunt duo censurarum gradus: aliquando enim fundamentum, siue propter verba, siue propter materiam, siue propter locum, tempus, personam loquentis, & alias circumstantias, tale erit, ut probabiliter iudicari possit, aliquam aliam heresim esse in autore, ex qua hæc alia propositio vel assertio procedat: aliquando verum, siue fundamentum non erit tantum, sed solum sufficiens ad simplicem suspensionem. In primo casu poterit propositio vocari *sapiens heresim*, quia sapor magis indicat substantiam vel naturam rei, quæ sentitur, & in eodem sensu poterit dici *olens heresim*, quia etiam odor ostendit naturam rei odoriferæ. In secundo autem casu poterit appellari *suspecta*, quia non sufficit ad iudicium probabile ferendum, quod author sit hereticus, sed tantum ad suspensionem, & timorem aliquem absque temeritate concipiendum; quæ censura minor erit, quam prima de sapiente heresim.

Hinc infero primò, quod sicut datur propositio sapiens heresim, vel suspecta de illa, quia fundamentum præstat maius, vel minus iudicandi, vel suspicandi, quod author habeat in corde aliquam heresim, licet propositio non sit heretica; sic dari propositionem,

quæ sapiat errorem, vel sit suspecta de illo, quatenus cum proportionem præstat fundamentum maius, vel minus iudicandi, vel suspicandi, quod author habeat aliquem errorem, nempe aliquod dogma contrarium conclusioni Theologica: quæ censura minor erit, quam sapientis heresim, vel de illa suspecta, & eodem modo cum proportionem debita explicanda est. Infero secundò fieri posse, ut in vno tempore aliqua propositio sit heresim, vel errorem sapiens, aut de illis suspecta, quæ in alio tempore nullam sapiat, quemadmodum ante Nestorij heresim sine hereseos nota Christus homo deifer & diuinus à Catholicis dictus est, post eam verò eadem propositio heresim sapere videretur; & sic de alijs pluribus.

## CAPUT V.

*De propositione malè sonante, & piarum aurium offensua.*

Circa præsentem difficultatem diuersa doctorum placita reperio; præterquam quod enim aliqui putant has duas censuras in eadem coincidere; alij etiam illas non distinguunt à sapiente heresim; nec malè sonantem à scandalosa. Nihilominus tamen longè probabilior est opposita sententia, quod hæc omnia sint diuersi censurarum gradus, aut species: Est enim vna, & eadem propositio possit multiplici nota, affici, & esse simul malè sonans, piarum aurium offensua, scandalosa, heresim sapiens, & sic de cæteris; imò licet huiusmodi censuræ, si in latiori significatione, & solùm iuxta proprietatem vocum accipiuntur, possint facile coincidere; nam propositio sapiens heresim proculdubio malè sonat; & piarum aurium offendit: sicut etiam omnis heresis est error, latè, & communiter sumpto nomine erroris; possunt tamen distinguere in ordine ad diuersa connotata; & hæc eadem nomina fieri quasi propria consequenter, ad significandas aliquas particu-

## Sectio VII. Caput V. 303

ticulares propositionum damnabilium species, vel qualitates ad inuicem distinctas.

Et in hoc sensu propositio *malè sonans* est illa secundum aliquos, quæ est æquiuoca, & habet sensum etiam catholicum proprium, sed frequentius voces illæ usurpantur in sensu heretico; additque Suares etiam si sit significans eque sensum Catholicum, & non Catholicum, & ideo tam grauem non mereatur censuram, non excusari propterea ab omni censura, quia imprudenter sine explicatione, aut limitatione profertur. Vel secundum alios propositio *malè sonans* est, quæ sensum habet congruentem fidei, verba autem incongrua; siue quod idem est, quæ non dat audientibus fundamentum iudicandi, vel suspicandi quod proferens habeat in corde hæresim, vel errorem aliquem circa fidem, sed solum peccat in abusu vocum diuersarum ab usu communi, quo solent à fidelibus usurpari: v. g. si quis dicat. *In Deo sunt tres essentia relatiua*; hæc propositio nullam habet hæreseos suspensionem in proferente, omnes enim credunt, cum non asserere tres essentias in Deo; quas Catholici negant, sed solum tres subsistentias relatiuas, quas tamen non deberet significare nomine *essentia relatiua*, quia nomen essentia applicatum est à doctoribus Catholicis ad id solum significandum, quod commune est omnibus Sanctissime Trinitatis personis. Ita vt tota huius censuræ malitia non sit in sensu verborum, nec argumentum animi infidelis, sed tantum in verbis, quia sunt in ea significatione parum aut nihil viciata, quam ob causam absonant auribus; vnde aliqui ortum esse putant commune illud in scholis proloquium, quod ex verbis inordinate prolatis emascitur hæresis, quod Sanctus Thomas 2. 2. quæst. 11. art. 2. & ante ipsum Magister Sententiarum in 4. distinct. 15. refert ex Hieronymo in epistola ad Damasum, dum dicit: *Non sufficit sensus, ipsum nomen efflagitant, quia nescio quid veneni in syllabis læset*. Non quod va-

riatio sola verborum vitiosa iuxta regulas grammaticas, sed retinens adhuc sensum Catholicum reddat propositionem hereticam: sed tantum quod variatio verborum, quæ prima facie appareat leuis, & retinens eundem sensum; vel possit interdum occultare sensum hereticum, vel saltem esse periculosa, propter sensum alium, quem magis sonare videtur. Vt si quis dicat *Filius est suppositum aliud à Patre*; Catholicè loquitur quia solum significat distinctionem in persona. Si autem alius id ita referat. *Filius est suppositum, & aliud à Patre*: occultat hæresim, significans filium esse aliud à Patre simpliciter loquendo, quod est significare distinctionem non solum in persona, sed etiam in essentia, sicque ex leuiuscula verborum immutatione occultatur, & incurritur hæresis. Si tamen non intenderet hunc sensum, sed solum quod filius sit suppositum, & quidem suppositum aliud à supposito Patris, non obesset quidem variatio illa; esset tamen periculosa propter sensum alium, quem magis sonare videtur. Vnde patet propositionem *malè sonantem* non solum distingui à sapiente hæresim, sed etiam esse censuram tam ab illa, quam à suspecta inferriorem.

Propositio verò piarum aurium offensiuæ secundum aliquos est illa, quæ, non tam doctos ipsos, quam pios offendit, quia licet aliquem eius sensum bonum & catholicum docti intelligant, pii tamen eo quem præ se fert sensu offenduntur. Melius tamen alij norant has piar aures debere esse prudentes, & doctas, nam imprudentes, imperitos, & maleuolos offendit aliquando propositio, quæ doctos, prudentes & beneuolos non offendit, & hæc non debet dici piarum aurium offensiuæ. Illa igitur propositio propriè piar aures offendere dicenda est, quæ indecorum aliquid Deo, vel Sanctis, non tamen falsum asserit, vt si actiones humane Christi omni homini necessariæ, vel eius membra explicentur nominibus obscænis. Idem est, si

dc

de statu Ecclesiastico, cæremoniis sacris sanctisque viris dicantur ridicula, quibus modestus auditor rubore suffunditur; vnde aliqui volunt hanc propositionem distingui à malesonante, quia hæc addit aliquid in ordine ad religionem; aduertuntque alij, quod licet hic gradus culpa minor sit, quàm malè sonantis, quantum ad falsitatem, quia sine falsitate, & sine incongrua significatione vocis potest propositio offendere pias aures, in genere tamen moris esse grauiorem, quia procedit ab animo procaci, & effrenata lingua.

Verùm cum hæ differentie sint merè accidentales, seque potius teneant ex parte subiecti, quàm obiecti, vel materie quàm formæ, tenendum est cum Eminentissimo Cardinali de Lugo loco superioris citato, hanc censuram differre in rigore à malè sonante, quia malè sonans abutitur vocibus extra communioem significationem, eas applicando ad minus vſitatam: quare eius indecentia consistit in vſurpatione vocum, quæ habent malam significationem, & falsam, licet non vſurpentur ad illam, sed ad aliã veram. At verò propositio, quæ solum offendit pias aures, vſurpat voces in sola propria, & vſitata earum significatione, & nihil falsum dicit, nec vocibus habentibus aliam significationem falsã, sed tamen dicit id, vel tali modo, vt fide-lij pietatem, & reuerentiam, si non extinguat; ad minus ex se tepidiorem reddat: & ideo aures piæ horrore huius imminentis repeditantur, auditis ijs vocibus offenduntur. Quare cum huius censuræ malitia, vel indecentia consistat tam in eo quod dicitur, quàm in modo, quod dicitur, quatenus vtrumque potest offendere pias aures, dupliciter etiam potest reperiri propositio piarum aurium offensiuã; aliquando quidem ex re ipsa, quæ dicitur, quæ licet sit in rigore vera, non debet tamen dici, quia propter infirmitatem, & consuetudinem humanam, non audiuntur sine offensione omnia, quæ in rigore vera sunt: Exemplum inter alia esse potest, si aliquis non

sine graui fundamento putans debere, ex breuiario expungi narrationem aliquam, vel circumstantiam historię, tanquam minus veram, diceret, *Ecclesia nobis fabulas, & apocrypha narrat*: vel si indulgentias aliquas sine sufficienti causa concessas fuisse sciens, diceret, *eas indulgentias esse ridiculas, & fabulas aniles felis pueris proponendas*. Aliquando verò peccatur in modo solum, & vocibus indecentibus, quibus res alioquin veræ enarrantur, vt in exemplo superioris adducto de Christi membris sanctissimis, vel aſibus necessarijs & naturalibus per obscenas voces significatis, vel si aliquis diceret, *Magdalena meretrix, Mathæ usurarie, & auare, Petre periure, & apostata orate pro nobis*: & sic de cæteris, quæ cum vix vnquam sine blasphemia non hæreticali proferri possint, merito iam malitia morali superat alias propositiones malè dumtaxat sonantes, quæ eiusmodi irreuerentiam in Deum, vel sanctos non important.

## CAPVT VI.

*De propositione blasphema, impia, & iniuriosa.*

Cum propositio blasphema dicatur talis à blasphemia, secundum quod blasphemia est locutio falsa contra res sacras per modum conuiſij, sic propositio blasphema erit illa, quæ irreuerentiam vel iniuriam contra Deum, vel sanctos, vel res sacras inanimatas continet. Etsi enim doctores communiter definiant blasphemiam, quod sit conuiſium in Deum, quia formalem rationem blasphemie desumunt ex contumelia, & inhonoratione contra Deum, non tamen per hoc maledicentia contra eius sanctos, & res sacras extranea est à blasphemia, sed formaliter est blasphemia, quia sicut Deus laudatur, & honoratur tam in sanctis suis, quàm in cæteris rebus sacris, ad eius gloriam institutis, & ordinatis, ita & in illis contemni, vituperari, & inhonorari, dicendum est, cum maledi-

euntur: ſi quidem maledicentia in hæc omnia redundat in dedecus & contemptum Dei.

Vt autem blaſphemia quatuor modis committi poteſt: primò, affirmando aliquid de Deo quod illi non conuenit: Secundò, negando quod ei conuenit. Tertiò, nominando irriſoriè, & turpiter ſine reuerentia ea, quæ illi conueniunt. Quarto, tribuendo creaturæ quod ſoli Deo, aut eius ſanctis conuenit. Quadrupliciter etiam videtur poſſe repetiri propositio blaſphemia. Insuper vt blaſphemia eſt duplex hereticalis, ſeu qualificata, & ſimplex ſeu non hereticalis, ita etiam propositio blaſphemia, alia erit hereticalis, quando ſcilicet in ea negatur vel affirmatur aliquid contra fidem, vel melius quando ſimul cum iniuria, & irreuerentia contra Deum, vel ſanctos iungitur error contra fidem; alia verò ſimplex ſeu non hereticalis, quando ſolum peccat contra reuerentiam Deo vel ſanctis, aut rebus ſacris debitam: exemplum in rebus ſacris inanimatis adducit Cardinalis de Lugo: quod per iocum non ſine blaſphemia dixiſſe fertur Elifabetha impia Henrici Regis ex Anna Bolena filia; quæ cum de more, adepto regno, vngeretur oleo ſacro, poſtea ſub papilionem præſumptum ad regales veſtes induendas diuertens, nobilioribus circumſtantibus ancillis dixiſſe fertur; *Abiſte, ne fator huius olei vos offendas*, vt refert Sanderus lib. 3. de Schiſmate Anglicano paulo poſt initium. Sed de his plura videri poſſunt apud authores ſuo loco citandos infra libro 4. qui de rebus ad ſacrum inquisitionis tribunal pertinentibus ſcripſerunt.

Propoſitio vel doctrina impia eſt illa, qua verus Dei cultus euertitur, vel minuitur; poteſtque etiam extendi ad eam, qua cætera pietatis, & præſertim miſericordiæ erga proximos opera impediuntur; multoque magis ſi debita erga rempublicam, vel parentes officia diſſuaderet; qualis erat Phariſæorum doctrina, quos Chriſtus Dominus reſarguit Matthæi cap. 23. qui vt oblatio-

*Bibliot. Theol. Tom. I.*

nes templi in proprium vtile vergentes augerent, eas præferebant pietati erga parentes, filioſque impiè, licet pietatis prætextu, à debita pietate auertebant.

Iniurioſa denique, vel contumelioſa propositio ea eſt, quæ alicui aut ſtatui, aut perſonæ illuſtri iniuriam facit, & alterum lædit; dixi alicui ſtatui, aut perſonæ, quia ſi iniuria ſit in Deum, vel ſanctos, aut res ſacras, non tam erit iniuria, quam blaſphemia. Vndè ad proſiſitionem iniurioſam præciſè ſecundum quod eſt talis, requiritur quod iniuria ſit contra alios, quorum honori conſulit merito Eccleſia prohibens, & ſeuere puniens libellos famoſos contra principes etiam ſæculares, aut contra perſonas publicas, contra ordinem religioſum, contra Prælatos, Cardinales, & alios. Etſi enim aliquando in talibus caſibus nihil contra fidem mediare vel immediate dicatur: plura tamen dicuntur contra charitatem, iuſtitiam & alias virtutes, quarum indeſinitas pertinet etiam ad Eccleſiæ curam, quæ ſicut non prohibet ſolum libros contra fidem, ſed etiam eos, qui ſunt contra bonos mores, ita poteſt linguam coercere ab eiufmodi proſiſitionibus, quæ grauiffimè bonos mores perturbare poſſunt, licet nullam prorsus hæreſis ſuſpicionem ſecum inuoluant.

## CAPVT VII.

*De proſiſitione temeraria, ſcandalola, Schiſmatica, & ſeditioſa.*

Primum ad proſiſitionem temerariam requirunt omnes, quod ſit in materia propriè Theologica; nam quæ ſolum eſt talis vel in materia Philoſophica, vel Mathematica, v. g. erit quidem temeraria in eiufmodi ſcientijs, non tamen dicetur temeraria ſimpliciter, & abſolutè, ſecundum quod de illa loquimur in præſenti, deſiniturque proinde, quod ſit illa, quæ communi doctorum ſenſui opponitur, aut quæ contra doctrinam

Qq

rcs

res Theologos sentit sine sufficienti fundamento, quale esset, si magni ponderis ratio, vel alicuius hominis docti, & grauis autoritas, qui rem accuratè discussisset, pro ea etiam parte staret. Talis erit, si aliquis dicat, diem iudicii futurum intra vnum, aut alterum annum, vel plerisque sanctos sine peccato originali fuisse conceptos: etiam si Beatam Virginem exceperis, multis tamen hoc privilegium velle concedere temerariū videtur. Ita videntur esse temerariæ, quæ plerisque sanctos Apostolis in gratia pares omnino faciunt, vel etiam negant historias pias communiter ab Ecclesiâ receptas, & propositas, v.g. quod Christus Dominus Angelico doctore D. Thomæ apparuerit, illique dixerit, *bene scripsisti de me Thomas*; quibus etiam placeat addere illas, quæ propositiones vel opinioniones nonnullas acerbiori, quàm par est censuræ nota afficiunt.

Verum cum in rigore omnis etiam propositio heretica, vel erronea hoc pacto sit temeraria, si quidem sine sufficienti etiam fundamento opponitur communi doctorum sensui; loquendo de ista censura secundum quod ab alijs distinguitur, & apud censores Theologos aliquid minus significat, quàm propositio heretica, vel erronea, ad illam requiritur, quod non sit negatiua fidei directæ, vel indirectæ, nec in re ipsa, vel in vocibus sit suspicio contra fidem, sed tantum quod in rebus non reuelatis, & tamen ad Theologiam vel pietatem spectantibus opponatur sine fundamento communi doctorum, & fidelium sensui. Sicque temeritas nihil aliud esse videtur quàm imprudentia quædam in opponendo se communi aliorum sensui sine fundamento in materia Theologica; quod sufficit vt inter alias censuras Theologicas annumeretur; etsi enim propositio merè temeraria non neget fidem, nec conclusionem Theologicam; negat tamen temerè & imprudenter aliquid ad Theologiam spectans, & ad doctrinam communem circa res, quæ ad pietatem, & salutem pertinent; quàm doctrinam

& communem fidelium sensum, multum refert indemnes conseruare, & coercere immoderatam pro libito opinandi licentiam, & temerè asserendi quicquid cui libet arridet, ex quo paulatim gradus sit ad audendum etiam circa alia, quæ propius ad fidem accedunt.

Solum superest dubium, an propositio temeraria sit, quæ non habet pro se Patres, vel Doctores graues ita sentientes, quæ vocari solet temeraria priuatiuè, an verò illa solum, quæ habet contra se Patrum vel Doctorum sensum communem, quæ dici solet temeraria positiuè. Nam Suarez 22. vtramque dicit esse dignam censurâ, licet mitiori, quæ est solum priuatiuè, quàm quæ est etiam positiuè: Hurtado verò ibidem negat, cam censuram competere temerariæ solum negatiuè, sed dici debere improbabilem. Vtramque sententiam ad controuersiam de nomine reuocat Cardinalis de Lugo: quatenus illæ, quæ appellantur temerariæ, solum priuatiuè, aliquid habent etiam de gradu positiuio, licet in hoc differant ab alijs, quod Patres, & Doctores de ijs explicite & in particulari non fuerint locuti sicut de alijs, sed tantum implicite, & in communi. Vnde statuit pro optima regula ad dignoscendum, an propositio aliqua sit temeraria, quamuis de ea Patres, vel Doctores explicite loquuti non fuerint; diligenter attendere, quid dixissent Patres vel Doctores interrogati de hac propositione in particulari, quantum ex reliqua eorum doctrina colligere possumus. Si enim semel constet, eos licet de facto propositionem hanc non exprefferint, negaturos tamen illam fore, si eis proponeretur, hoc sufficit, vt censetur temeraria, cum sit contra habituale salutem Patrum, & Doctorum sensum, qui ita fuerunt, & sunt habitualiter dispositi, vt interrogati ita formaliter responderent: quando verò manemus dubij & ancipites lectis eorum scriptis, & operibus, quid dixissent, vel dictauerint, si hoc explicite proponatur, non debet censeri temeraria, licet non habeat positiuè,

pro

# I N D E X

## A L P H A B E T I C V S

Præcipuarum rerum in hoc primo Bibliothecæ  
Theologicæ tomo contentarum.

*Primus numerus paginam : secundus columnam indicat.*

### A



**D**AMVS quomodo Theo-  
logus . 4. 2.

per Aenigmata philo-  
sophandi modus quam an-  
tiquus . 203. 1.

Approbationis alicuius  
doctrina sex gradus . 181. 2.

Aqua qua Christi Domini e lacere exiuit  
qualis . 185. 2.

Aristotelis Philosophia eiusque libri . 216.  
& sequent.

Quantit facienda . 217. 2.

Eius laudes . *ibid.* & sequent.

Eius impugnatores . 221. 2.

Cur ab Ecclesia ceteris Philosophijs in scho-  
lis pralata . 223. 1.

Eius progressus . *ibid.*

Eius interpretes , quibus omnibus præfe-  
rendus S. Thomas . 223. & seq.

Aristotelici libri in Gallia olim combusti .  
238. 2.

Auditorum S. Rota Romana decisiones ,  
quanta sint authoritatis . 195. 1.

Aureola Doctorum quibus debetur . 85. 1.

Authoritatis fundamentum scientia & bo-  
nitas . 183. 2.

### B

**B**Arbarica Secta olim dicta , que extra  
Græciam & Italiam fuit . 202.

Omnium est antiquissima ; multiplexque  
eius diuisio . *ibid.*

In beatis tres in uniuersum distingui pos-  
sunt Theologia . 83. 2.

Blasphemia quid , & propositio blasphema .  
304. 2.

Bibliot. Theol. Tom. I.

Blasphemia quatuor modis committi po-  
test . 305. 1.

### C

**C**arolus Borromæus quid de Epicteti  
libris . 229. 1.

Certitudo est firmitas seu determinatio in-  
tellectus ad unum . 48. 1.

Triplex solet distingui , obiectiua , forma-  
lis & subiectiua , aliqui quartam ad-  
dunt dictam participatiuam . *ibid.*

Certitudo alia secundum se , alia quoad nos .  
55. 2.

Certitudo habitus desumitur ex certiori  
ratione formali . 56. 2.

Certitudo illa maior , qua minus falsificari  
potest . 57. 1.

Certitudo duplex vera , & falsa qua per-  
tinacia . 140. 1.

Certitudo vera iterum duplex , obiectiua  
& formalis . 140. 2.

Certitudo formalis etiam multiplex . *ibid.*

Certitudinis formalis quatuor causa , so-  
tidemque definitiones per ordinem ad  
illas . 141. & sequent.

Certitudinis obiectiua , causa vel conditio-  
nes . 142.

Certitudinis duplex fundamentum , eiden-  
tia & fides , unde certitudo euidencia ,  
& certitudo fidei . 144. & sequent.

Certitudo fidei diuina . 150. & sequent.

Certitudo fidei humana . 153. & sequent.

Conditiones ad illam requisita . 154.

Circulus visiofus non committitur à Ca-  
tholicis in fidei resolutione . 290. 1.

In Christo Domino quatuorplex fuit Theo-  
logia . 73. 1.

R r

Com-

# I N D E X

*Communione sub utraque specie usus.* 173. 1.

*Conciliorum Generalium definitiones ad fidem & bonos mores pertinentes, sunt infallibiles credendorum regulae.* 178. 1.

*Quae regula certa, quae probabiles definitionum corumdem.* 178. 2.

*Concilia particularia non sunt ex se plane infallibilis auctoritatis.* 194. 1.

*Conclusio Theologica alia explicata, alia deducta.* 47. 1.

*Conclusio Theologica dupliciter deduci potest.* 48. 1.

*Conclusio Theologica deducta non est tanta certitudinis formalis, atque propositio ab Ecclesia immediate definita.* 49. 1.

*Conclusionem Theologicam deductam negans, an haereticus?*

*Conclusio Theologica mere explicata est de fide.* 51. & sequent.

*Regula ad hoc indicandū assignantur.* 52. & sequent.

*Conclusio Theologica quomodo dicatur sequi debiliorem antecedentis partem.* 114.

*Congregationum Eminent. Cardinalium decreta quanta sint auctoritatis.* 194. 1.

*Consequentia à distributivo ad collectivū, quomodo valeat in rebus Theologicis.* 117. & sequent.

*Contumeliosa propositio quae.* 305. 2.

## D

**D**ecreta SS. Congregationum Emin. Cardin. quanta sint auctoritatis. 194. 1.

*Dei simplicitati non repugnat ratio medij rationis distincti virtualiter in demonstrationibus Theologicis.* 92. 2.

*Deus quomodo obiectum Theologiae.* 19. & sequent.

*Demonstratio à priori à posteriori & quia, quomodo differant.* 95. 1.

*Demonstratio Theologica procedens ex revelatione divina in actū signato neque est à Priori, neque à Posteriori.* 96. 1.

*Ut quis pro Doctore Ecclesiae habeatur quae conditiones requirantur.* 184. 1.

*Doctores in mystico Ecclesiae corpore sunt*

*sculi.* 187. 1.

*Doctores usque ad consummationem saeculi.* 189. 2.

*Doctorem Scholasticorum qualis & quanta sit auctoritas.* 188. & sequent.

*Doctorem consensus opus dextera Excellsi.* 190. 2.

*Sancti Doctores praesertim Augustinus & Thomas parvissimi fuere in damnandis aliorum sententijs.* 167. 1.

*Doctrina sex modis ab Ecclesia approbari potest.* 181. 2.

*Doctrinam suorum Pastorum populi sequi tenentur.* 187. 2.

*Doctrina impia quid.* 305. 1.

*Druides apud Gallos, qui, eorum species ac Philosophandi modus.* 203. 2.

*Druidum veritates, nec non errores.* 204. & sequent.

## E

**E**cclēsia auctoritas in definiendis rebus fidei, & in approbando aliquam ex illis consequentiam. 49. 2.

*Ecclesia infallibilis.* 172. 2.

*Ecclesia infallibilitas quomodo cognosci potest.* 173. 1.

*Ecclesia quoniam tempore, quasi quoddam corpus spirituale & mysticum.* 190. 1.

*Ecclesia sola est Index contraveniarum fidei.* 285.

*Epistetus qualis, quamque eius libri chari fuere S. Carolo Borromeo.* 229. 1.

*Epicureorum Philosophia origo, & quomodo eius dogmata trahi possint ad bonum sensum.* 231.

*Error dupliciter sumitur genericè & specificè.* 296. 2.

*Erronea propositio dicitur, quae contradictoria est, & opposita doctrina praeferre ab Ecclesia definita.* 297. 2.

*Errori proxima quae opponitur directè conclusioni Theologica apud omnes Catholicos indubitanter recepta.* 300. 2.

*Evidentia alia rei cognita, alia cognitionis.* 145. 1.

*Evidentia cognitionis, sine evidens cognitio male confunditur cum certa.* ibid. 2.

*Evidentia est quaedam claritas veritatis co-*

gnita,

# ALPHABETICVS.

gnita, vel clara rei visio. 143. 2.  
 Evidentia duplex sensus & intellectus. ibid.  
 ad Evidentiā cognitionis ex parte obiecti quatuor assignantur regula. 146.  
 Evidentia sensus quid, & quomodo ad plures probationes theologicas conducat. 148. 1. 2.  
 Evidentia intellectus quid, & quomodo conducat ad plures probationes theologicas. 149. & sequent.

## F

**F**ides alia infusa, alia acquisita. 43. 1.  
 circa Fidei propositionem duplex assensus quomodo dari possit. 50. 2.  
 Fides quomodo titubationem admittat. 58. 2. 60. 2.  
 Fides quomodo dici possit se habere per accidens respectu habitus theologici. 80. 1.  
 Fidei propositiones dupliciter considerari possunt in esse credibilis, & in esse rei. 121. 1. 2.  
 Fidei lumen quā utile comparandis scientiis humanis. 199. 1.  
 Fidei divina certitudo explicatur. 150. & sequent.  
 Fidei resolutio aperitur. 152. 2. 288.  
 in Fidei resolutione non committitur à Catholicis circulus vitiosus, sed potius ab hereticis. 288. & sequent.  
 Asserere aliquid esse de Fide, quod tale non est, quam periculosum. 166. & seq.  
 Ad Fidem divinam duo requiruntur, assensus intellectus secundum quod pie movetur à voluntatis imperio, & quod credibilia proponantur credenti. 259.  
 Fidem proponens, ut supremus eius iudex, debet esse infallibilis. ibid.  
 Fidei humana certitudo explicatur. 153. & sequent.  
 de conditionibus requisitis ad illam certitudinem. 156. & sequent.  
 Fidei humana quanta sit necessitas. 208. 2.

## G

**G**recanica Philosophia dividitur in sectas tres Peripateticam, Eleaticam, & Ionicam. 205. 1.

Bibliot. Theol. Tom. I.

## H

**H**abituum diversitas ex diversitate essentiali actuum ad quos inclinat. 40. 2.  
 Idem esse habitum secundum substantiam supernaturalem, ac esse habitum per se infusum. 67. 2.  
 Differentia inter habitum & actum supernaturalem. 68. 1.  
 Habitus supernaturales acquiri nō possunt per actus. 68. 2.  
 Hereticam esse aliquam propositionem, & eum, qui illam asserit, esse hereticum non sunt idem. 294. 2.  
 Hæresis dimiditur in formalem & obiectivam. 295. 1.  
 Hæretica propositio qua sit. 295. 2.  
 Hæretica propositio & erronea, qui differant. 296. 2.  
 Propositio hæresi proxima quid. 299. 2.  
 Propositio hæresim sapiens quid. 301. 2.  
 Hæretici Theologia Scholastica inimici. 98. 1.  
 Hæretici Sanctorum Patrum irrisores. 288. 2.  
 Homo cur ab alio homine instruat. 257. 1. 2.

Humana historia auctoritas. 250. 2.  
 Regula unde humana historia maior vel minor certitudo conijci potest. ibid. & seq.

## I

**I**mpia propositio quid. 305. 2.  
 Iniuriosa propositio quid. 305. 2.  
 Sacra Scriptura quanta auctoritatis. 163. & sequent.  
 Sacra Scriptura non est controuersiarum fidei iudex sed regula. 281. & sequent.  
 Spiritus particularis nequit esse supremus controuersiarum fidei iudex. 267. & seq.  
 Iudex & regula controuersiarum fidei disferunt. 252. 2.  
 Iudex controuersiarum primarius & secundarius. 253. 1.  
 Iudex secundarius duplex priuatus & publicus. ibid.  
 Iudex publicus dupliciter constitui potest. ibid. 2.

R r 2

Index



# I N D E X

*Index publicus à Christo in Ecclesia fuit institutus. 254. & sequens.*

*Index supremus controuersiarum fidei debet esse infallibilis. 258. & sequens.*

*Item debet habere auctoritatem proponendi fidelibus veritates à se definitas tanquam de fide, & insuper obligandi illos, ut eas suscipiant. 260. 2. requiritur insuper, ut sit visibilis, viuens, clare, apteque loquens, quodque ab eius sententia appellari non possit. 262. & seq.*

*Index controuersiarum supremus potest esse pars controuersie dirimenda. 264. 1.*

*Index supremus omnium fidei controuersiarum sola est Ecclesia, quidque per illam intelligatur. 285.*

*Ius Pontificium vel Canonicum quid. 192. 1. Eius diuisiō, in Decretum, & Decretalia. ibid.*

*Ius in decreti volumine contentum quatuor habet auctoritatum species, iuxta quarum qualitatem magis vel minus firmiter praebe argumentum. ibid. 2.*

*Iuris Canonici pars altera sex Decretalium libros & Extrauagantes completens, cui potest addi Bullarium, quantum sint auctoritatis. 193. 2.*

## L

**L**ocus Theologicus, an sit, quid sit, & quatuorplex sit. 134. 1.

*Loci Theologici quomodo ordinandi. 135. 1.*

## M

**M**athematicarum Disciplinarum dubia. 195. 2.

*Medicina dubia. 197. 2.*

*Moralis Philosophia dubia. 198. 1.*

## O

**O**vid obiectum complexum & incomplexum. 19. 1.

*Quomodo differant. ibid.*

*Obiecti materialis & formalis essentia & differentia aperiantur.*

*Obiectum communis, sine extensionem quid. 20. 2.*

*Quid obiectum principale, quid attributionis. 21. 1.*

*Oracula Gentilium nonnulla fidei nostra arcana reuertere. 241. 2.*

## P

**S**ancti Patres dupliciter considerari possunt distributim & collectim. 181. 1.

*Sanctorum Patrum consensus unanimis extendi potest ad quaestiones facti, & iuris, iterum ad quaestiones Philosophiae & Theologiae. 181. 1.*

*Sancti Patres quinque modis locuti sunt. ibid.*

*Sanctorum Patrum doctrina sex modis ab Ecclesia approbari potest. ibid.*

*Sanctorum Patrum auctoritas debet esse maximi ponderis. 182. 1.*

*Aliquorum dumtaxat Patrum auctoritas in quacumque materia certum non facit argumentum. 184. 2.*

*Sancti Patres aliquando solum fatentur imperitiam. ibid.*

*Pauci Patres qui in aliquo non fuerint decepti. 185. 1.*

*Omnium etiam Sanctorum Patrum auctoritas, cum ad eas adducitur difficultates, quae naturali lumine cognoscuntur, & ad quarum probationem nulla penitus utuntur auctoritate canonica certum argumentum nequaquam suppeditat, secus autem in rebus ad fidem spectantibus. 185. 2.*

*Philosophorum auctoritas quanta sit. 200. 1.*

*Philosophica doctrina quam ueritas sacrae Scripturae. ibid.*

*Philosophandi modus per aenigmata antiquus. 203. 1.*

*Philosophi antiqui, quae uia aliqualem fidei mysteriorum notitiam habere poterint. 241. 1.*

*Philosophorum antiquorum varia Secta. 202. & seq.*

*Philosophiae Poeticae princeps Orpheus. 205. 1.*

*Philosophiae Ionicae princeps Thales Milesius. ibid.*

*Philosophia Ionica deriuata in Academicam, Peripateticam, Stoicam, Epicuram, Cyclicam.*

# ALPHABETICVS.

Cyrenaicum, Cynicam, Ephesiam, vel Scepticam. 205. 1.  
Philosophia tertia Secta fuit Italica, cui principium Pheresides, vel potius Pythagoras. 209. 1.  
Philosophie huius errores et veritates. ibid.  
An noua Philosophia ad usum sacra doctrina introducenda. 237. 2.  
Quanam ex Philosophicis antiquorum disciplinis sit magis apta ad usum sacra doctrina. 240. 1.  
Platonis Philosophia eiusque libri. 211. 1.  
Plato plura scripsit utilia. 222. 1.  
Plures etiam maculas habet eius doctrina. 224. 1.  
Plato hareticorum omnium condimentarium. 215. 2.  
Summus Pontifex Romanus gaudet privilegio infallibilitatis in rebus fidei, & morum. 174.  
Argumentum ab eius auctoritate desumptum quando certum, quando probabilem faciat probationem. 174. & seq.  
Quae conditiones in eius definitionibus consideranda ut infallibiliter, aut ex cathedra definire dicatur, vel non. 175. 1. 2.  
Summus Pontifex aliquid de fide definiturus quid teneatur praestare. 176. 2.  
Quid si illud emitteret. 177. 1.  
Summus Pontifex definiturus, quoslibet viros doctos consultores adhibere potest. 178. 1.  
Summi Pontificis Sixti V. decretum suis Bibliis praefixum, nunquam plene promulgatum. 176. 1.  
Ex duabus praemissis reuelatis potest in arguendo theologia procedere. 123. & sequens.  
Item ex una praemissa diuinitus testata, & alia naturaliter euidente. 128. & sequens.  
Ex utraque praemissa naturali procedere non potest. 230. 2.  
Nec ex una praemissa reuelata & altera probabili. 131. 2.  
Praemissa naturalis quomodo subordinetur praemissa fidei in syllogismo theologico. 172. 2.  
Praemissa quomodo sint causa assensus con-

clusionis. 70. 2.  
Praxis quid, & quotuplex. 34. 1.  
Praxis non est actio solius voluntatis. ibidem 2.  
Praxis quomodo etiam pertineat ad intellectum. ibid.  
Principia syllogistica formalia, quibus in arguendo regulatur bonitas consequentia conclusionum Theologicarum. 106. 1.  
Principium istud, quacumque sint eadem uni tertio &c. quomodo valeat ad consequentias Theologicas. 108. & seq.  
Item quod conclusio sequatur debiliorem antecedentis partem. 114. & sequens.  
Principia syllogistica materialia, quibus in arguendo ex parte materia regulatur bonitas consequentium seu conclusionum Theologicarum. 120. & seq.  
Principium quid in tota sua latitudine. 121. 1. diuiditur in positionem, & dignitatem, rursus positio in definitionem & suppositionem. ibid.  
Prima Theologiae principia attentae eius ratione formalis sunt omnes fidei veritates. 121. 2.  
Prima principia dignitates dicta S. Theologiae, ex parte rationis formalis ipsius. 123. 2.  
Prima principia in essendo, dignitates dicta, sunt, Deus est, & remunerator est inquirentium se. 124. 1.  
Probabilitas quomodo ad sacras Scripturas se extendere possit. 164. 1.  
Item ad sacras traditiones. 171. 2.  
Probatio vera quid sit. 136. 2.  
Probatio certa quid sit. 140. & sequens.  
Probatia topica seu probabilis quid sit. 159. & sequens.  
Propositionum varia nota. 194. & seq.  
Propositio haeretica quid. 295. 1.  
Notorie haeretica quid. 296. 1.  
Propositio haeresi proxima quid. 299. 2.  
Propositio sapiens haeresim, vel haereses suspecta. 301.  
Propositio erronea quid. 296. & seq.  
Propositio errori proxima. 299. 2.  
Propositio male sonans & piarum aurium offensiva. 302. 2.  
Propositio blasphemica, impia, & iniuriosa. 304. 2.

Propo-

# I N D E X

*Propositio temeraria, scandalosa, schismatica & seditiosa.* 305. 2.

*Proposito superfluo & periculoso.* 307. 2.

## R

**R**enelatio & locutio divina *quid.* 25. 2.  
Renelatio divina alia activa, alia passiva. 29. 1.

Renelatio virtualis & mediata est obiectū quo sacra Theologia. 25. & seq.

Renelatione divina dupliciter Theologus vii potest ad inferendam syllogistice conclusionem in actu exercitio, & in actu signato. 95. 2.

Renelatio falsa quantumvis prudenter & bona fide affirmata divina, non potest esse formalis rasio sufficiens ad credendum fide infusa. 132. 1.

## S

**S**apientia dupliciter accipitur. 63. 2.

Sapientia *est formaliter scientia.* 64. 2.

Sapientia conditiones. 65. & sequent.

Scientia & fides quomodo possunt simul esse respectu unius obiecti. 10. 1.

Scientia absolute non requirit evidentiam formalem sed tantū certitudinem. 15. 2.

Scientia habitus dupliciter considerari potest ad actus suos proxime & remote. 33. 1.

*Quid scientia speculativa & Practica.* ibidem 2.

In habitu scientifico speculativum & practicum dupliciter considerari possunt limitate & illimitate. 35. 2.

Scientiarum certitudo ex primis earū principijs. 43. 1.

Scientia subalternata cum subalternante continuatio explicatur. 45. 1.

In Scientijs humanis multa incerta. 195. 1.

Scandalosa doctrina *quid.* 307. Seditiosa *quid* & schismatica. ibid.

Scholastica vocis varia etymologia ac significationes. 86. 1.

Scriptura sacra nequit esse index controuersiarum fidei. 281. 2.

Scriptura sacra literalis sensus certus tamen & indubitatus firmum faciū argu-

mentum ad stabilienda fidei dogmata.

163. 1.

Circa Scripturas sacras quomodo probabilitas versari possit. 164. 1.

Scriptura sacra sensus qui certus, qui probabiles. 165. 2.

Scriptura sacra sensus licet tantum probabiles quomodo utiles. 165. 2.

Scriptura sacra sēsus spiritalis valet etiam ad firmanda fidei dogmata ubi de illo certo constat. 169. 1.

Discrimen inter sensum Scripturæ litteralem & mysticum in ordine ad probationem certam. 170. 1.

Socratica Philosophia & Secta. 205. 2.

Spes quomodo respiciat summum bonum fruendum. 48. 2.

Spiritalis quomodo omnia dyndicas. 277. 2.

Syritus particularis nequit esse supremus Index controuersiarum fidei. 267.

Stoica Philosophia princeps Zeno, etymologia Stoa latine porticus. 225. 1.

Clarum inter alia Stoica Philosophia sydas Epictetus, nec non Seneca. 227. 2.

Stoica Philosophia tum veritates, tum errores. 229. 1.

Item eius sequaces. 228. 1.

Sybilla inter gentes prophetissa. 244. 2.

Sybillista Christiani appellati. ibid.

Sybilla in magna veneratione habita eorumque libri. 245. 1.

Sybilla nominis etymologia. ibid.

Sybilla numero decem. ibid. 2.

Sybillinarum librorum autoritas. 246. 1.

Sybilla à SS. Patribus laudata. 246. 2.

Sybillarum Virginitatis pramium. ibid.

Cur Sybillis, ut pote faminis, munus prophetandi inter Gentiles concessu Deus. 247. 1.

Referuntur precipua earum vaticinia. ibid.

Quando Sybillarū libri examinati. 246.

Cur & quomodo conseruati. ibid.

Sybillarum autoritas quanta pro rebus fidei firmandis. 250. 1.

Sybillini libri quomodo resistendi. ibid.

# ALPHABETICVS.

## T

**T** Estimonium sibi perhibere quomodo quis possit. 265. 1.

Tesem simul esse & partem, quanda quis possit esse. 266. 2.

Temeraria doctrina qua. 306. 1. 2.

Theologia sermo de Deo. 1. 1.

Theologia duplex naturalis & supernaturalis. ibid.

Theologia naturalis triplex mystica, fabulosa, naturalis. 2. 1.

Theologia naturalis & supernaturalis quomodo inter se distinguantur. 2. 2.

Theologia supernaturalis aggregatum ex habitu fidei, & habitu theologico. ibid.

Theologia pro habitu sancta quomodo procedat ex principijs fidei.

Theologia supernaturalis quomodocumque considerata suscipit magis & minus. ibid. 2.

Theologia quomodo scientia diuinitus inspirata. 4. 2.

Theologia antiquitas ab exordio mundi. ibid.

Theologia successio. ibid. & sequens.

Theologia de essentia Regni Christi. 8. 1.

Theologia quomodo omnibus necessaria. ibid. 2.

Theologia qua ratione necessaria respectu veritatum naturaliter cognoscibilium. 9. 1.

Theologia pro habitu sumpta quomodo Ecclesia necessaria. 11. & sequens.

Theologia est vera & perfecta scientia. 14. & seq.

Theologia habet evidentiam aequaliter. 15. & seq.

Theologia quomodo subalternatur scientia beata. 17.

Theologia quomodo sibi subalternetur ceteras scientias. 18. 2.

Theologia obiectum quod sine materiale. 19.

Theologia obiectum quo sine formale. 24.

In Theologia & alijs scientijs quomodo differant inter se hec obiecta. 28. 2.

Theologia habitus est unus specie infima. 30. 2.

Theologia habitus simul est speculatiuus & practicus. 33.

Theologia quomodo in hoc impresse sit diuina scientia mediante lumine fidei. 39. 1.

Theologia quomodo magis speculatiua quam practica. 43. 2.

Theologia viciatricis habitus primorum principiorum est fides supernaturalis. 43. 1. 2.

Theologia & fidei habitus distinguuntur. 46. 1.

Theologia habitus certitudine superat quolibet alium habitum intellectualem pure naturalem. 55. 2.

Theologia dignitate superat omnes alias scientias naturales tam speculatiuas quam practicas. 61. 1.

Theologia est vere & proprie dicta sapientia. 63.

Theologia non est habitus formaliter supernaturalis. 66. & sequens.

Theologiam in heretico non remanere explicatur. 74.

Theologia in statu via acquisita, quomodo remanere possit in patria, vel non. 79.

Theologia sextuplex munus expenditur. 86.

In Theologia distinctionem essentialem non faciunt premissa sex munera. 88.

Theologia non solum est habitus explicatiuus, sed etiam argumentatiuus. 91.

Theologia veras habet demonstrationes tam à priori, quam à posteriori. 94.

Theologia argumentatiua sine Scholastica necessitas. 98.

Theologia argumentatiua sine Scholastica quantum inimici heretici. 98.

Theologus Christianus quomodo non peioris conditionis in seculis, quam rusticus fidelis in creditis. 9. 2.

Traditio sacra ut sit certa, qua conditiones requisita.

## V

**V**eritas triplex in essendo, in cognoscendo, & in significando. 136. 2.

Quid sit unaqueque explicatur. 137. 1.

Veritatis causa efficiens prima Deus. ibid.

Veritatis causa secunda lumen ipsum intellectuale & species. ibid.

Viri

# I N D E X

*Veritas obiectiva, siue in essendo duplex naturalis & supernaturalis, euidentis & inenidentis. 137. 2.*

*Veritas naturalis triplex, Logica, Physica, Metaphysica. ibid.*

*Veritatis seu veri proprietates. ibid. & sequens.*

*Veritatis à falsitate distinguenda regula. 138. 1.*

*Vnitus scientie & habitus desinitur ab unitate obiecti formalis. 29. 2.*

*Quomodo dispersa in inferioribus uniantur vel formaliter, vel eminenter in superioribus. 40. 1.*

## F I N I S.

---

# REGESTVM.

† † † A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr.

Omnes sunt Duerniones, præter †, quæ est ternio, & Qq, quod est folium simplex.



ROMAE, Typis Philippi Mariae Mancini. M. DC. LXVI.

---

SVPERIORVM PERMISSV.

pro se communem sensum, quia nec ab actuali, nec ab habituali doctorum sensu recedit.

*Propositio scandalosa*, vt aliquid distinctum addat supra iam dictas censuras, intelligi debet, quæ præstat occasionem ruinæ spiritualis, inclinando auditores ad peccata, vel auocando eos ab exercitio virtutum: tales sunt propositiones enumerantium incommoda, vel pericula status religiosi, item piorum exercitiorum, vnde repescunt homines, & ab illis abhorrent. Item si quis populo ad venerationem Eucharistiæ, vel ad sepulchrum alicuius sancti concurrenti dicat, *quis scit an hac hostia sit consecrata. Quis scit, an hoc sit corpus illius sancti, & non sit corpus alicuius malefactoris loco illius suppositum*? Quæ omnia, & similia, licet in aliquo vero sensu possint non esse contra fidem; generant tamen scandalum, & remouent homines ab exercitio pietatis. Plura adducunt exempla tam Suarcz loco citato, quam Antonius Cordubensis lib. 1. quæst. Theol. quæst. 17. §. 10.

*Propositio Schismatica*, secundum quod schisma distinguitur ab apostasia, quæ heresi, atque non tam opponitur fidei quàm charitati, quæ vnionem Ecclesiæ inter membra cum capite commendat, quara vnionem scindit, & diuidit schisma, talis, inquam, propositio est illa, quæ viam aperit diuisioni corporis mystici, vel Ecclesiæ, aut illam quomodo-cumque promouet. Sunt qui propositionem *seditionem*, à *schismate* non distinguant; verum, licet omnis propositio schismatica sit seditiosa, cum tamen non omnis è contra seditiosa sit schismatica, dicendum est, esse censuram ad schisma inferiorem, quatenus ad seditionem dumtaxat contra principes temporales, vel ad tumultus in republica excitandos conducere potest; vnde talis propositio, nisi aliunde opponatur doctrinæ fidei, vel communiter apud doctores receptæ, non videtur esse censura Theologica; Potest tamen Ecclesia merito eiusmodi propositiones prohibere.

re, vt superiori capite diximus de iniuriolis, licet non videantur ad fidei doctrinam pertinere.

## CAPUT VIII.

*De propositione superstitiosa, & periculosa; aliisque pluribus.*

**P**ropositio superstitiosa est, quæ superstitionem asserit, vel enuntiat, vnde secundum quod ex D. Thoma 2.2. quæst. 92. tres numerantur superstitionis species, videlicet idolatria, Diuinatio, & Vana obseruantia, multiplex etiam est propositio superstitiosa; maiorique, proinde, vel minori censura digna, pro vt includit hæresim aut errorem in fide, vel non, sed tantum simplicem superstitionem.

Periculosa autem propositio est illa, quæ absolute & generaliter dicitur licitum esse, & fieri posse, quod tamen vix, aut nullatenus fieri potest sine peccato: vt quod *solus cum sola sine periculo peccati potest manere in eodem lecto*: item, quod sine ieiunijs, & abstinentijs homo potest esse perfectus: verum cum eiusmodi propositiones præstent occasionem ruinæ spiritualis, inclinando auditores ad peccata, vel auocando eos ab exercitio virtutum; rectè putant aliqui hanc censuram coincidere cum scandalosa.

Sunt & aliæ plures qualitates propositionum; nam quædam dicitur vana, quædam arrogans, stulta vel insana, Phantastica, rigorosa, seu dura, larga, & huiusmodi secundum causas, vel effectus suos. Sed vt bene notauit Lorca 22. disp. 46. non sunt censuræ Theologicæ, imò nec significant qualitatem propositionis, nisi aliquid magis in particulari adijciatur. Quorum omnium qui maiorem sibi notitiam comparare voluerit, præter authores inferius lib. 5. citandos qui de fide scripserunt, videri possunt Turrecremata, Albertinus, Simancas, Alphonfus Castro contra hæreses, Melchior Canus de locis Theologicis, Antonius Corduba lib. 1. quæst. 17.

Se-

Sebastianus Medices, Franciscus Bordonus in sacro Tribunali iudicum in causis sanctæ fidei cap. 2. ubi post singularum supradictarum censurarum explicationem, specialiter inquit; Primo. Qualis propositio sit hæc? Sanctus Franciscus non fuit Stigmatizatus à Christo? Secundò. An negans Mariam Virginem conceptam sine peccato originali sit hæreticus, vel saltem suspectus, Tertiò. Qualis propositio: Defunctus in Purgatorio non manet vltra viginti annos; Quartò. An asserens repetendas esse confessiones factas regularibus sit hæ-

reticus; Quintò. An dicens non esse peccatum quod verè est peccatum sit hæreticus.

Vltimò tandem solet propositio aliqua iudicari *improbabilis*, quæ licet præcisè, qua probabilis non sit digna censura Theologica, præsertim si versetur in materia merè speculatiua, & ex qua nullum fidei præiudicium mediât, vel immediatè imminet; plerumque tamen pertinet ad iudicium inquisitorum fidei, quatenus si est in materia morali, potest aliquod damnum inferre bonis moribus.

## Finis Libri Secundi.








Sebastianus Medices, Franciscus Bordonus in sacro Tribunali iudicum in causis sanctæ fidei cap. 2. vbi post singularum supradictarum censurarum explicationem, specialiter inquit; Primo. Qualis propositio sit hæc? Sanctus Franciscus non fuit Stigmatizatus à Christo? Secundò. An negans Mariam Virginem conceptam sine peccato originali sit hæreticus, vel saltem suspectus, Tertiò. Qualis propositio: Defunctus in Purgatorio non manet ultra viginti annos; Quartò. An asserens repetendas esse confessiones factas regularibus sit hære-

ticus; Quintò. An dicens non esse peccatum quod verè est peccatum sit hæreticus.

Vltimò tandem solet propositio aliqua iudicari *improbabilis*, quæ licet præcisè, quæ *improbabilis* non sit digna censura Theologica, præsertim si versetur in materia merè speculatiua, & ex qua nullum fidei præiudicium mediatur, vel immediatè imminet; plerumque tamen pertinet ad iudicium inquisitorum fidei, quatenus si est in materia morali, potest aliquod damnum inferre bonis moribus.

## Finis Libri Secundi.







5-2



